

श्री

आमाम् सुधाञ्जलिभुं



विभाग : ४

संपादक: संशोधकश्च

पु. पन्थास श्रीजिनेन्द्रविजयजी गणिवर

श्री हर्षपुष्पामृत जैन ग्रन्थमाला-ग्रन्थाङ्कः-६६

श्री महावीर जिनेन्द्राय नमः ।

तपोमूर्ति पूज्याचार्यदेवश्रीविजयकपूर् रसूरिगुरुभ्यो नमः

हालारदेशोद्धारक-पूज्याचार्यदेवश्रीविजयामृतसूरिगुरुभ्यो नमः ।

श्री
आगम-सुधा-सिन्धुः
चतुर्थो विभागः

श्रीमद्ज्ञातासूत्र-श्रीमदुपासकदशा-श्रीमदन्तकृद्दशा-श्रीमदनुत्तरोपपातिक-
दशा-श्रीमत्प्रश्रव्याकरण-श्रीमद्विपाकसूत्रेति-षडंग-सूत्रात्मकः

॥

संपादकः संशोधकश्च

तपोमूर्ति-पूज्याचार्यदेवश्रीमद्विजयकपूर् रसूरिश्चर-पट्टालङ्कार हालारदेशोद्धारक-
कविरत्न-पूज्याचार्यदेवश्रीमद्विजयामृतसूरिश्चर-विनेयः

पंन्यास-श्री-जिनेन्द्रविजय-गणी

॥

प्रकाशिका-

श्री हर्षपुष्पामृत जैन ग्रन्थमाला

लाखाबावल-शांतिपुरी (सौराष्ट्र)

प्रकाशिका-
श्री हर्षपुष्पासृत जैन ग्रन्थमाला
लखनावल-शांतिपुरी (लौराष्ट्र) गुजरात

कीर् सं० २५०२]

चिक्रम सं० २०३२

[सन् १९७६]

आ आगमना अधिकारी योगवाही गुरुकुलवासी
सुविहित्ति ह्यनिवरो छे.

मूल्य रु. ७०-००

मुद्रक:-
गौतम आर्ट प्रिन्टर्स
ध्यावर (राजस्थान)

संपादकीय निवेदन

निष्कारणबंधु विश्ववत्सल चरमशासनपति भ्रमणभगवान महावीरदेवे भव्यजीवोना हितने माटे स्थापेल शासन आजे विद्यमान छे अने विषमकालमां पण भव्य जीवोने माटे सर्वज्ञ परमात्मानुं ए शासन परम आलंबन रूप छे. तीर्थंकरदेवोनी अविद्यमानतामां तेओश्रीनी वाणी शासनना प्राण स्वरूप होय छे. श्री तीर्थंकरदेवोअे अर्थथी प्ररूपेल अने गणधरदेवोअे सूत्रथी गूथेल अे जिनवाणी हितकांक्षी पुन्यात्माओ माटे अमृत तुल्य छे.

विद्यमान आगम श्रुतज्ञानमां मुख्यतया ४५ आगम गणाय छे. ते उपरांत पण ८४ आगमनी गणतरीने हिसावे बीजुं पण केटलुंक आगम रूपी श्रुतज्ञान विद्यमान छे. आगम सूत्रो उपर नियुक्तिओ, भाष्यो, चूणिओ अने टीकाओ रचायेल छे. अने अथी सूत्र सहित आगमनी अे पंचांगी जैन शासनमां मान्य छे. तेना आधारे वर्तमान ज्ञानाचार, दर्शनाचार, चारित्राचार, तपाचार अने वीर्याचार रूप व्यवहार प्रवर्ते छे. सम्यग्दर्शन सम्यग्ज्ञान अने सम्यग्चारित्र रूप मुक्ति-मार्ग प्रवर्तमान छे.

पंचांगीनो वाचना, पृच्छना, परावर्तना, अनुप्रेक्षा अने धर्मकथा रूप पंचलक्षण स्वाध्याय जेटलो जोरदार तेटली श्री संघमां सम्यग्ज्ञाननी शुद्धि जोरदार, तेनाथी ज्ञानाचार उज्वल, उज्वल ज्ञानाचारथी दर्शनाचार उज्वल, उज्वल दर्शनाचारथी चारित्राचार उज्वल, उज्वल चारित्राचारथी तपाचार उज्वल अने अे चारे उज्वल आचारथी वीर्याचार उज्वल. वीर्याचारनी उज्वलताथी जैनशासन उज्वल. ए उज्वल जैन शासन सदा जयवंत वर्ते छे.

आम शासननो आधार कहो के पायो कहो, मूल कहो के प्राण कहो, अे श्री जिनवाणी छे. अने ते जिनवाणी ४५ मूल आगम सहित पंचांगी स्वरूप छे. पंचांगीने अनुसरता प्रकरण ग्रन्थो यावत् स्तवन सज्जाय के नाना निबंध के वाक्य स्वरूप छे. उपशम विवेक संवर अे त्रिपदी स्वरूप जिनवाणीथी घोर पापी चिलातीपुत्र पतनना मार्गथी नीकली प्रमत्तिमार्गना मुसाफीर बनी गया हता.

४५ मूल आगमना अधिकारी योगवाही गुरुकुलवासी सुविहित मुनिवरो छे, साष्ठीजी महाराजो श्रीआवश्यक सूत्र आदि मूल सूत्रोना तेमज भीआचारंग सूत्रना योगवहन करना

पूर्वक अधिकारी छे. श्रावक श्राविकाओ उपधान वहन करवा पूर्वक श्री आवश्यक सूत्र उपरांत दशवैकालिकसूत्रना षड्जीव-निकाय-नामना चोथा अध्ययन पर्यंतना श्रुतना अधिकारी छे. आम आगमश्रुतना अधिकारी मुनिवरो योगवहन करवा पूर्वक योग्यता मुजब अध्ययन आदि करीने पोताना ज्ञान दर्शन चारित्रने निर्मल बनावे छे अने योग्यता मुजब धर्मकथा द्वारा जिणवाणीनुं पान करावी साधु-साध्वी श्रावक-श्राविका रूप चारे प्रकारना संघने तेमज मार्गा-भिमुख जीवोने मुक्तिमार्ग प्रदान करे छे.

४५ आगमसूत्रो ६ विभागोमां वहेंचायेल छे. (१) अंगसूत्रो-११ (२) उपांगसूत्रो-१२ (३) पयन्नासूत्रो-१० (४) छेदसूत्रो-६ (५) मूल सूत्रो-४ (६) चूलिकासूत्रो-२. आ सूत्रोनुं स्वाध्याय आदि अध्ययन वधे ते माटे उपयोगी बने ते रीते ४५ मूल सूत्रो श्वेताम्बर मूर्तिपूजक श्रीमंधमां सळंग मुद्रित नथो अने जेथी आगम सूत्रोना स्वाध्याय आदिनी अनुकूलता थाय ते माटे शक्य प्रयत्ने संशोधन करीने प्रगट करवानी योजना विचारवामां आवी छे, ते योजना मुजब ४५ आगमसूत्रो १४ विभागमां संपादन थशे.

पहेलो, आठमो, बारमो, तेरमो, चौदमो विभाग प्रगट थया पछी आ चोथो विभाग संपादित थयेल छे. आ चोथा विभागमां श्री ज्ञातासूत्र, श्री उपासकदशासूत्र, श्री अन्तकृद्-शासूत्र, श्री अनुत्तरोपपातिकदशासूत्र, श्रीप्रश्नव्याकरणसूत्र, श्रीविपाकसूत्र एम छ अंगसूत्रो आपवामां आव्या छे. आ अंगसूत्रोनी रचना द्वादशांगी प्ररूपक श्री सुधर्मास्वामी गणधर भगवंते करी छे.

आ सूत्रोना संपादनमां सयश्रीधनपतसिंहजी प्रकाशित आगमसंग्रह, पूज्य आगमोद्धारक आचार्यदेवश्रीसागरानंदसूरीश्वरजी महाराज संशोधित श्री आगममंजूषा, श्रीमती आगमोदय समिति प्रकाशित पूज्य आचार्यदेव नवांगीटीकाकार श्री अभयदेवसूरीश्वरजी म० विरचित टीका, श्री जैन आत्मानंद सभा प्रकाशित सटीक आगमो, श्री सिद्धचक्र समिति प्रकाशित सटीक ज्ञातासूत्र, श्री जैन धर्म प्रचारक सभा प्रकाशित श्री अंतकृद्शा अने श्री विपाकसूत्र, शाह नगीनदास नेमचंद प्रकाशित श्री प्रश्नव्याकरण सूत्र, श्री मुक्तिविमल जैन ग्रन्थमाला प्रकाशित पूज्य आचार्यप्रवर श्री ज्ञानविमलसूरीश्वरजी म. विरचित श्री प्रश्नव्याकरणवृत्ति, श्री मुक्ति कमल जैन मोहनमाला प्रकाशित श्री विपाकसूत्र विगेरे ग्रन्थोनी उपयोग कयो छे ते माटे ते सौ प्रत्ये कृतज्ञता प्रगट करुं छुं.

टीकाओ आदिमां रहेला पाठांतरो मेलवीने मूलपाठ जोडे कौशमां आपेला छे.

श्री श्रमण संघमां आगमो कंठस्थ करवामां, स्वाध्याय करवामां, विस्तृत टीकाओना वाचन पछी मूलसूत्रोनुं पुनरावर्तन करवामां, आ मूल सूत्रोना संयुक्त संपादन थी घणी

अनुकूलता रहेशे. अने अथी उत्साही मुनि भगवंतो होंशे होंशे सूत्रो कंठस्थ करीने आगम श्रुतने धारण करवा माटे पण समर्थ बनी शकशे. २, ५, के १०, २० सूत्र कंठस्थ करनारा घणा मुनिवरो तैयार थशे अने पुरतो प्रयत्न थाय तो लगभग अेक लाख श्लोक प्रमाण मूल सूत्रो कंठस्थ करी धारी राखनारा अनेक गणो मुनिवरोमां थइ शकशे. 'ज्ञानधनाः साधवः' 'शास्त्रचक्षुषः साधवः' अे विधान मुजब श्रमण संघना प्राण समान आ आगम सूत्रोनुं श्री श्रमण भगवंतो द्वारा विशेष परिशीलन थतां श्रीसंघने माटे श्री शासन ने माटे घणी उज्वलता फेलाशे. अने अे आशयथी स्वपरना श्रेयकारी आगम सूत्रोनां संशोधन संपादनमां अविरत उत्साह प्रवर्तमान छे.

प्रकाशननी सगवडता माटे श्री गौतम आर्ट प्रिन्टर्स (व्यावर) ना व्यवस्थापक श्री छगनलालभाई अे जे खंत अने उत्साह बताव्या छे तेने कारणे आ प्रकाशनो समयसर प्रकाशित थइ रखा छे.

चरम तीर्थपति श्रमण भगवान महावीर देवे प्रकाशेल जिनवाणीनो प्रभाव पांचमा आराना छेडा सुधी रहेशे. अे ज्वलंत जिनवाणीनो प्रकाश आपणा आत्माने योग्यता अने अधिकार मुजब अजवालनारो बने अने जिनवाणीनी आ उपासना भक्तिमां भावना पूर्वक रस लइ रहो छुं ते भावोल्लास टकी रहे अने सौ श्रुत आराधनामां उजमाल बनीअे एज मारा अंतरनी शुभ अभिलाषा छे.

वीर सं० २५०२ वि० सं० २०३२
ज्येष्ठ सुद ११ सोमवार
ता. ७-६-७६
आराधन भवन एस. के. बोले रोड
वादर मु. वइ-२८

हालारदेशोद्वारक कविरत्न पूज्य आचार्यदेव श्रीमद्विजय-
अमृतभूरीधरजी महाराजानो चरणसेवक
पं० जिनेन्द्रविजय गणी



प्रकाशकीय निवेदन

अमारी ग्रन्थमाला तरफथी आ श्री आगमसुधासिन्धु चौथो विभाग मूल प्रगट करता आनंद अनुभवीए छीए. हालमां ४५ आगम मूल अने केटलाक आगम टीका सहित प्रगट करवानुं काम शुरू करतां आ ग्रन्थ नागरी लिपिमां मोटा टाइपमां प्रगट करेल छे. आ प्रकाशन पूर्वे श्री आगम-सुधा-सिन्धुना पहेलो, आठमो, बारमो, तेरमो चौदमो विभाग प्रगट थई गया छे. हाल छट्टा अने अग्यारमा विभागनुं मुद्रण चाली रह्युं छे.

आ ग्रन्थनुं संशोधन संपादन हालारदेशोद्वारक कविरत्न स्व. पू० आचार्यदेव श्रीमद्-विजयअमृतसूरीश्वरजी महाराजना शिष्यरत्न पू० पंन्यासश्री जिनेन्द्रविजयजी गणिवरे घणी खंत थी करेल छे.

कागल छपाइ आदिना भाव बधवाने कारखे खर्च धार्या करतां बधु आवे छे. मोटा टाइपमां मुद्रित करतां पेज बधारे थाय छे. परंतु टकवानी अने अभ्यासनी दृष्टिए अनुकुलता रहशे.

आगम सूत्रोना अधिकारी योगवाही गुरुकुलवासी सुविहित मुनिओ छे. ए शास्त्रविधि मुजब पूज्य श्रमणसंघमां आगम वांचनादिमां अनुकुलता थाय ते रूप आ श्रुतभक्ति करतां अमे आनंद अनुभविए छीए.

श्री ज्ञातासूत्र आदि छ मूल अंगसूत्रो आ चौथा विभागमां प्रगट थई रह्यां छे. ४५ मूल आगम १४ विभागमां प्रगट थशे. सटीक आगमोमां श्रीमदन्तकृदशा, श्रीमदन्तरोपपातिकदशा अने श्रीमदुपासकदशा सूत्र तैयार थई गयां छे. मुद्रण माटे श्री गौतम आर्ट प्रिन्टर्सना व्यवस्थापकोअे सारी खंत राखी छे तो तेमनो आभार मानीअे छीअे.

वीर संवत् २५०२
वि० सं० २०३२
ज्येष्ठ सुब ५ गुरुवार
सा. ३-६-७६

लि:-

महेता भगनलाल चत्रभुज
शाह कानजी हीरजी मोदी

सादर समर्पण—

परम पूज्य तपोनिधि पू. पन्त्यास श्रीमणिविजयजी दादाना
चरम लाडिला शिष्यरत्न

परम पूज्य कलिकालकल्पतरु, शासन संरक्षक, संघस्थविर परम-
आराध्ययाद् आचार्यदेवेश श्रीमद्विजयसिद्धिसुरेश्वरजी
महाराजना पट्टधर प्रवचन पोयूषनिधि सिद्धान्तमार्तंड
परमशासन प्रभावक प्रातःस्मरणोय
आगमरहस्यज्ञाता

पूज्यपाद आचार्यदेवेश

श्रीमद् विजयमेघसुरेश्वरजी महाराजा

जेओश्रीए संघस्थविर गुरुदेवना सानिध्यमां अंतिम अवस्था सुधी रहीने
श्री महावीर परमात्माना महानमार्गने आराधना प्रभावना रक्षा
आदि वडे दीप्तिमन्त राखी जीवनने उज्वल बनाव्युं मारा
दादागुरु श्रीमद्विजयकपूर् रक्षरीश्वरजी महाराजा तथा गुरुदेव
श्रीमद्विजयअमृतसुरेश्वरजी महाराजाने आचार्यादि-
प्रदप्रदाननुं सानिध्य आदि पोताना गुरुदेव
साथे आपी महान उपकार कर्यो छे.
तेओश्रीना उपकारोना यादमां

श्री आगम सुधा सिन्धु

चोथो विभाग

सादर कोटिष्ठः वंदना साथे समर्पण करी कृतकृत्यता अनुभवुं छुं.

गुरुदेवपदकजभृङ्गायमाण
जिनेन्द्रविजय

ॐ अनुक्रमणिका ॐ

॥ श्री ज्ञाताधर्मकथांगसूत्रम् ॥

॥ प्रथमः श्रुतस्कन्धः ॥

क्रमः	अध्ययन नाम	पृष्ठांकः	क्रमः	अध्ययन नाम	पृष्ठांकः
१	उत्क्षिप्त	१	११	दावद्रव	१५०
२	संघाट	५४	१२	उक्क	१५२
३	अण्डक	६८	१३	वर्दूर	१५८
४	कूर्म	७४	१४	तेतलिपुत्र	१६५
५	शैलक	७७	१५	नन्दीफल	१७८
६	तुम्बक	८३	१६	अपरकङ्का	१८२
७	रोहिणीज्ञात	८४	१७	अश्व	२२५
८	मत्स्यीज्ञात	१०१	१८	सुसुमा	२३२
९	भाकन्दीदारक	१३६	१९	पुण्डरीक	२४०
१०	चन्द्र	१४६			

॥ द्वितीयः श्रुतस्कन्धः ॥

क्रमः	वर्गः	पृष्ठांकः	क्रमः	वर्गः	पृष्ठांकः
१	प्रथम (अध्ययन-५)	२४६	६	षष्ठ (अध्ययन-३२)	२५६
२	द्वितीय (,, ५)	२५४	७	सप्तम (,, ४)	२५७
३	तृतीय (,, ५४)	२५४	८	अष्टम (,, ४)	२५७
४	चतुर्थ (,, ५४)	२५५	९	नवम (,, ८)	२५८
५	पञ्चम (,, ३२)	२५६	१०	दशम (,, ८)	२५८

॥ श्री उपासकदशा सूत्रम् ॥

क्रमः	अध्ययन नाम	पृष्ठांकः	क्रमः	अध्ययन नाम	पृष्ठांकः
१	आनन्द	२६१	६	कुण्डकोलिक	२८६
२	कामदेव	२७५	७	सहालपुत्र	२६२
३	चुलपीपिता	२८२	८	महाशतक	३०२
४	सुरादेव	२८६	९	नन्दिनीपिता	३०८
५	चुल्लशतक	२८८	१०	सालिहीपिता	३०८

॥ श्रीचतुदश सूत्रम् ॥

क्रमः	वर्गः	पृष्ठांकः	क्रमः	वर्गः	पृष्ठांकः
१	प्रथम (अध्ययन-१०)	३११	५	पञ्चम (अध्ययन-१०)	३२७
२	द्वितीय (" १०)	३१४	६	षष्ठ (" १६)	३३२
३	तृतीय (" १३)	३१४	७	सप्तम (" १३)	३४२
४	चतुर्थ (" १०)	३२६	८	अष्टम (" १०)	३४३

॥ श्री अनुत्तरोपपात्तिकसूत्रम् ॥

क्रमः	वर्गः	पृष्ठांकः	क्रमः	वर्गः	पृष्ठांकः
१	प्रथम (अध्ययन-१०)	३५३	३	तृतीय (अध्ययन-१०)	३५६
२	द्वितीय (" १३)	३५५			

॥ श्री प्रश्नव्याकरणसूत्रम् ॥

क्रमः	अध्ययन नाम	पृष्ठांकः	क्रमः	अध्ययन नाम	पृष्ठांकः
१	हिंसाकर्माश्रव	३६५	६	अहिंसासंवर	४०२
२	मृषावादकर्माश्रव	३७५	७	सत्यसंवर	४०७
३	अदत्तादानकर्माश्रव	३८०	८	अदत्तादानविरमण	४११
४	अभ्रह्माश्रव	३६०	९	ब्रह्मचर्य	४१४
५	परिग्रहाश्रव	३६८	१०	परिग्रहविरमण	४१८

॥ श्री विपाकसूत्रम् ॥

॥ दुःखविपाकः प्रथमः श्रुतस्कन्धः ॥

क्रमः	अध्ययन नाम	पृष्ठांकः	क्रमः	अध्ययन नाम	पृष्ठांकः
१	मृगापुत्रीव	४२७	६	नन्दिवर्धन	४६३
२	उज्जितक	४३८	७	उम्बरदत्त	४६८
३	अभग्नसेन	४४७	८	शौरिकदत्त	४७३
४	शकट	४५६	९	देवदत्ता	४७७
५	वृहस्पतिदत्त	४६०	१०	अंजूश्री	४८५

सुखविपाकः द्वितीयः श्रुतस्कन्धः

क्रमः	अध्ययन नाम	पृष्ठांकः	क्रमः	अध्ययन नाम	पृष्ठांकः
१	सुबाहु	४८७	६	धनपति	४९४
२	मद्रनन्दी	४९२	७	महाबल	४९४
३	सुजात	४९३	८	भद्रनन्दी	४९४
४	सुवासव	४९३	९	महाचन्द्र-	४९५
५	जिनदास	४९३	१०	वरदत्त	४९९

॥ शुद्धिपत्रकम् ॥

पृष्ठांकः	पंक्तिः	अशुद्धं	शुद्धम्	पृष्ठांकः	पंक्तिः	अशुद्धं	शुद्धम्
३	२	जति णं ...	बेउडु छपायुं ते न	८२	२३	सखसमए	संखसमए
		धम्मकहाओ अ,	जोइए	८३	१८	०मल्ललंकारेणं	०मल्लालंकारेणं
४	८	(रयणभूमियविडकं)	(रयणभूमियविडकं)	८७	१८	मवं अववए	मवं
४	२१	सुत्तस्सहे	ससस्सहे	८८	४	थाउर-	धाउर-
७	२३	सुयोदगेहि	सुहोदगेहि	८९	२३	पंथयपामोक्खाति	पंथयपामोक्खाति
८	१८	सिद्धत्थ-मंगल०	सिद्धत्थकाय-मंगल०	९७	५	संगोवति०	संगोवति
८	२३	अच्छरग-	अच्छरग	९७	१७	पत्थह	पत्थए
१०	२	अग्निग्गट्टा	अग्निग्गट्टा	१०२	१०	पारिसा	परिसा
१०	१८	रञ्जलाभो!	रञ्जलाभो सामी!	१०६	१५	मगवता	मगवती
१२	१२	पंतिसोभत-पंतिसाभंत	पंतिसोभंत-	१०६	१६	पीडमद्देहि	पीडमद्देहि
१५	१९	सेणिय	सेणियं रायं	१०६	१८	(पउमुप्यलुप्यल)	(पउमुप्यलुप्यल)
२०	६	तएणं	तए णं से	१०७	१५	जागजन्नए	नागजन्नए
२२	६	परिवहरति	परिवहति	१०८	८	कवल	कवलं जाव
२४	१७	अज्जं	अज्जं (मज्जं)	११०	२३	अनभिरिवमाणा	अनभिलिज्जमाणा
२६	२१	दोह	दोह	१११	५	महुप्पवाइएसु	पहुप्पवाइएसु
२७	४	चट्टट्ठ	अट्टट्ठ	१११	१४	संखुम्भमाणी	संखुम्भमाणी
२९	१८	पडिच्छते	पडिच्छते	११६	१४	पडिबिसज्जेति	पडिबिसज्जेति
३१	२१	खलं	खलु	१२२	१८	तिदंडं	तिदंडं
३८	२४	मेहस्स	मेहस्स कुमारस्स	१२४	१६	वद्दूरं	वद्दूरे
३९	२	आवरण०	आवरण०	१२५	७	६	६।७
३९	१९	देवानुप्पियाहि	देवानुप्पियाहि	१२५	११	उवागच्छति	उवागच्छति
४४	५	विभ्रगिरियामूले	विभ्रगिरिपायमूले	१२७	२१	जितसत्त-	जितसत्त-
४५	१५	मेहा!	मेहा!	१२८	३	विभ्रुषिया	विभ्रुषिया
४८	७	अणुगा-	अणुगा-	१२९	१०	खओवसमेण	खओवसमेणं
५०	१२	तवोकप्पं	तवोकप्पं	१३१	१०	उवागच्छति	उवागच्छति
५६	६६	विदेसत्थस्स	विदेसत्थस्स	१३२	१७	महिला	मिहिला
५६	१६	सरपंतियासु	सरपंतिसु	१३६	१०	पंचेहि	पंचहि
५८	१५	लूहेइ	लूहेइ	१३७	१	सपुप्पज्जित्था	समुप्पज्जित्था
५९	१७	करेति	करेति	१३७	५	आगाहित्तए०	ओगाहित्तए०
७१	६	पेच्छणाघरएसु	पेच्छणाघरएसु	१३८	९	गट्टि-	गट्टि-
७३	१३	जोव्वणगमणुपत्तो	जोव्वणगमणुपत्तो	१३९	६	बभुमज्ज-	बहुमज्ज-
७५	१९	एसंचान्ति	संचान्ति	१३९	१४	मग्गणगवेसणं	मग्गणगवेसणं
७६	६२	उवत्तेति	उवत्तेति	१४०	२२	वुद्दूर-	वद्दूर-
७८	२४	भेरीए	भेरीए	१४१	६	साहोणा	साहाणी

पृष्ठांकः	पंक्तिः	अशुद्धं	शुद्धम्
१४१	२४	वेडन्वि-समु-	वेडन्विय-समु
		ग्यातर्णं	ग्यातर्णं
१४४	२	भे न	अण्णहा भे न
१४७	२	ससिमंडलागार	ससिमंडलागार
१४८	२०	लवख०	लवण०
१५५	११	जाय	जाव
१५७	२	आपच्छामि	आपुच्छामि
१५६	२	समणोवासाए	समणोवासए
१६२	२५	तत्पणाहि	तत्पणाहि
१७६	३	कणगज्जएण	कणगज्जएणं
१७७	१४	निवाए	निनाए
१८४	१७	बहुसंभारत्तं	बहुसंभारसंजुत्तस्स
		जुत्तस्स	
१८७	१७	काढे	कोढे
१६०	१६	अवसवसे	अवस्सवसे
१९१	६	"	"
१९३	१२	एडिज्जामाणंसि	एडिज्जमाणंसि
२००	१२	भेरा	भेरी
२०२	१७	गच्छइ	गच्छह
२०३	४	चामरहि	चामराहि
२०५	७	तते ण	तते णं से
२१३	६	हयगया	हयगया
२१५	१६	उगच्छति	उवागच्छति
२२०	४	अद्धजोयणं	अद्धजोयणं च
२२०	१२	उत्तरति	उत्तरति २
२३१	४	उरगा	उरगो
२३४	१०	वारभिसंकीहि०	वाराभिसंकीहि
२३५	१६	अवरिभूए	अवरिभूए
२३७	११	घणक्कणगं	घणकणग
२३९	१६	सत्थवारे	सत्थवाहे
२४६	१६	पढवी०	पुढवी०
२४७	१	पनत्ता	पन्नत्ता
२४६	१२	अरओ	अरहओ
२५०	५	अंबसालावणाओ	अंबसालवणाओ
२५६	१८	१-५	२-५
२५७	८	पभाए	पभां

पृष्ठांकः	पंक्तिः	अशुद्धं	शुद्धम्
२५८	६	पउमे	पउमे
२६४	१८	गन्धट्टएणं	गन्धट्टएणं
२६६	१७	च	च ण
२६८	१०	पडिलाभेमाणस्स	पडिलाभेमाणस्स
२७२	६	०मचलव०	०मचवल०
२७२	१४	सिन्नवेसस्स	सन्निवेसस्स
२७३	१	मव्वे	भंते
२७३	२१	ससणे	समणे
२७४	२२	प्रथममध्ययनम्	प्रथममध्ययनम्
२७६	६	वेवि	वोवि
२७६	१३	लोभेहि	लोमेहि
२७७	२	कित्तिपरिवज्जिया	कित्तिपरिवज्जिया
२७७	१६	भिउहि	भिउडि
२७७	२०	नीलुप्पल	नीलुप्पल
२८०	१२	चालित्तए वो	चालित्तए वा
२८२	१०	महाहि वेहे	महाविदेहे
२८३	८	समणोवसाए	समणोवासए
२८६	११	(महाकामववाणे)	(महाकामवणे)
३००	१६	विहरइ	विहरह
३०४	२०	सहासयए	महासयए
३१६	३	निरिक्कति	निरिक्कति
३२२	१५	गुत्तवभयारी	गुत्तवंभयारी
३२६	११	जूडा	अहा
३३१	१७	भावेमणा	भावेमाणा
३३७	८	पाणीजक्खे	पाणिजक्खे
३४१	८	पायवंदते,	पायवंदते ?
३४१	१६	पुत्ता ।	पुत्ता !
३४२	२४	नामाइं	नामाइं
३४८	१५	अराहेत्ता	आराहेत्ता
३४९	५२	सव्व २	सव्व० २
३५०	१५	चोहसमं करेति	चोहसमं करेति २
		अट्टारसमं	सव्व० २ सोलसमं
			करेति २ सव्व० २
			अट्टारसमं
३५२	१५	अट्टमो	अट्टमो
३५३	१७	णट्टसु	अट्टसु

पृष्ठांकः	पंक्तिः	अशुद्धम्	शुद्धम्
३५६	५	अणत्तरो०	अणुत्तरो०
३५६	११	इयदासणं	इयदसाणं
३६२	१४	भट्टाणमं	महाणामं
३६८	६	बहुसंकलित्ठकम्मा	बहुसंकलित्ठकम्मा
३६८	२०	थूमं	थूम
३७२	२०	आलुग-	ओलुग-
३७२	२१	पूर्वकम्मादयो०	पूर्वकम्मादयो०
३७२	२१	तासओ	तासणओ
३७८	६	ओहेव	आहेव
३८२	८	पडुपहडाहय-	पडुपडाहाहय-
३८३	९	पिच्चक्ख पउवणं	पच्चक्ख पिउवणं
३८३	२२	बिसमप्पेवसं	बिसमप्पवेसं
३८५	६	थूम-	थूम-
३८९	१५	सुदरंगा	सुंदरंगा
३९३	६	कणगगिरि-	कणगगिरि
३९६	११	रोमराजोआ	रोमराजोओ
३९६	२३	वट्टरुद्धा	वट्टरुद्धा
४००	९	लोभामिभूत-	लोभाभिभूत-
४०३	३	दुहट्ठि(दुहदुहि)- हियाणं	दुहट्ठि(दुहदुहि)याणं हियाणं
४१०	३	तवसज्जम०भीतो	तवसंज्जम० भीतो
४१०	४	तस्हा	तम्हा
४११	१	अष्टममध्ययनम्	अष्टममध्ययनम्
४१६	२	-विमुद्धमूलो	-विमुद्धमूलो
४२०	१०	सम्मुप्पन्न	समुप्पन्न
४२३	२३	-पक्कमंसि-	-पक्कमंसि-
४२६	४	यालुणवड्डियाए	कालुणवड्डियाए
४२६	१५	इंदमहेइ० निग्ग-	इंदमहेइ० निग्ग-
४३२	१०	च्छति	च्छति
४३३	२४	उद्दागच्छति	उवागच्छति
४३३	२४	मं जो	तं जो
४३४	१२	तच्छणेयि	तच्छणेहि
४३६	२४	कहिं	कहि
४४३	१६	(पासणियं)-दसणं	दसणं (पासणियं)

पृष्ठांकः	पंक्तिः	अशुद्धम्	शुद्धम्
४४६	८	जाते	जाते जाते
४४६	१४	सहयर०	सहयर०
४४२	७	३	२
४४५	२०	गिण्हइ	गिण्हह
४४६	१४	तो से	तीसे
४४६	१५	उज्जाणे	उज्जाणे
४४७	२३	बहुविहअर्याहि मंसेहि	बहुविहअय मंसेहि
४४९	८	सुहरिसणं	सुवरिसणं
४६२	२-३	२०	वहस्सतिदत्ते
४६२	३	विण्णाय०	विण्णाय०
४६३	११-१४	सुवरंमे	सुंदरंमे
४६६	२४	तंबभरिएहि	तंबभरिएहि
४६५	५	चिट्ठति	चिट्ठति
४७३	८	रोगयंकेहि	रोगयंकेहि
४७४	१२	५	४
४७५	२१	तित्तरो	तित्तिरे
४७५	१	(धम्म०)	(धम्म०)
४७५	२	०रस०	०रसि०
४७५	२	कविट्ठरसयाणि	कविट्ठरसियाणि य
४७५	२१	मत्तवेयणा	मत्तवेयणा
४७६	४	मच्छल्लए	मच्छल्लए
४८०	१८	सुजुत्ताए	संजुत्ताए
४८०	२२	वारियाए	वारिपत्ताए
४८२	१७	जिमियि०	जिमिय०
४८२	२२	उवागच्छति	उवागच्छति
४८३	१६	गंधवट्टएणं	गंधवट्टएणं
४८७	१६	समोसडे	समोसडे
४८६	३	आसरहं	आसरहं
४८६	५	इवभई	इवभूई
४८६	७	सुवाहकुमारे	सुवाहकुमारे
४८२	१०	तत्थं	तत्थ
४८४	१८	सिरोवेवी०	सिरीवेवी०
४८५	३५	सिज्जहिंति	सिज्जहिंति

शुद्धिपत्रकनो उपयोग करीने ग्रन्थनु अध्ययन आदि करबुं जरुरी छे.

४५ आगम मूल-पुस्तक श्रेणी योजना

* श्री आगम-सुधा-सिन्धु: *

संपादकः—तपोमूर्ति पूज्य आचार्यदेवश्री विजयकूर्मसूरीश्वरजी म. ना पट्टधर हालारदेशोद्धारक
पूज्य आचार्यदेव श्रीविजयअमृतसूरीश्वरजी म. ना शिष्यरत्न
पू. पं. श्री जिनेन्द्रविजयजी गणिवर

अग्यार अंग सूत्रोः—

प्रथमो विभागः

नं०	नाम	श्लोक
१. श्री	आचारांग सूत्र	२५५४
२. "	सूत्रकृताङ्ग	२१००
३. "	ठाणांग	३७००
४. "	समवायांग	१६६०

द्वितीय-तृतीय-विभागः

५. श्री	भगवती सूत्र	१५७५२
---------	-------------	-------

चतुर्थो विभागः

६. श्री	जाता सूत्र	५४६४
७. "	उपासकदशा	८१२
८. "	अंतकृद्दशा	७९०
९. "	अनुत्तरोपपातिक	१६२
१०. "	प्रश्नव्याकरण	१२५०
११. "	निपाक	१२१६

बार उपांग सूत्रोः—

पञ्चमो विभागः

नं.	नाम	श्लोक
१. श्री	उववाह सूत्र	११६७
२. "	राजप्ररनीय	२१२०
३. "	जीवाभिपम	४७००

षष्ठो विभागः

४. "	पन्नवणा सूत्र	७७८७
------	---------------	------

सप्तमो विभागः

५. श्री	जंबूद्वीप प्रज्ञप्ति सूत्र	४४५४
६. "	चंद्र प्रज्ञप्ति	२२००
७. "	सूर्य प्रज्ञप्ति	२२६६
८. "	कलिका सूत्र	
९. "	कल्पवृक्षसिका	
१०. "	पुष्पिका	११०६
११. "	पुष्पवृत्तिका	
१२. "	बह्निदशा	

१० पद्यना सूत्रोः—

अष्टमो विभागः—

नं.	नाम	श्लोक
१. श्री	चउशरण सूत्र	८०
२. "	आउरपचकखण	१००
३. "	महापचकखण	१७६
४. "	भक्त परिज्ञा	२१५
५. "	संदुलबंयातीय	१३८
६. "	संस्तारक	१५५
७. "	गच्छाचार	१७५
८. "	गणिविज्ञा	१०५
९. "	वेवेन्द्र स्तव	३७५
१०. "	मरणसमाधि	८७५
१. "	चंद्र वेद्यक	१७४
२. "	वीरस्तव	४३

—: ६ छेद सूत्रो :—

नवमो विभागः

नं.	नाम	श्लोक
१.	श्री निशीथ सूत्र	८२१
२.	” बृहत्कल्प ”	४३७
”	पञ्चकल्पभाष्य ”	३१३५
३.	” व्यवहार ”	३७३
४.	” दशाश्रुत ”	२१०६
५.	” जीतकल्प ”	१०५

दशमो विभागः

६ श्री महा निशीथ सूत्र	४५४८
------------------------	------

एकादशमो विभागः

श्री कल्पसूत्र सूत्र (प्रताकारे ३६ पोइन्ट टाइप)	१२१५
---	------

४ मूल सूत्रो:-

द्वादशमो विभागः

१ श्री आषड्यक सूत्र	२५००
२ ” ओघनियुक्ति ”	१३५५

त्रयोदशमो विभागः

३ श्री वशवंकालिक सूत्र	७००
” पिडनियुक्ति ”	८३५
४ ” उत्तराध्ययन ”	२०००

२ चूलिका सूत्रो

चतुर्दशमो विभागः

१ श्री तंत्री सूत्र	७००
२ श्री अनुयोगद्वार सूत्र	१८६६

सटीक आगमो आदि

नं.	नाम	मूल श्लोक	टीकाकार	टीका श्लोक
१	श्री आचारांग सूत्र	२५५४	श्री शीलांकाचार्य	१२०००
२	श्री उपासकवशांग ”	८१२	श्री अभयदेवसूरिजी	८००
३	श्री अंतकृद्दशांग ”	८६६	”	४००
४	श्री अनुत्तरोपपातिक ”	१८२	”	१००
५	नवस्मरणानि गौतमस्वामिरासंश्र			



४५ आगम मूल पुस्तक श्रेणी योजना अंगे

● निवेदन ●

जणावतां आनंद थाय छे के परम करुणानिधि चरम तीर्थपति श्रमण भगवान महावीरदेवे भव्य जीवोना श्रेयना हेतु रूप तीर्थनी स्थापना करी अने गणधर देवोने त्रिपदीनुं प्रदान कयुं. लब्धिनिधान श्री गणधर देवोअे द्वादशांगीनी रचना करी. जेमनी पाट परंपरा विद्यमान छे ते श्रीमत्सुधर्मस्वामीजीनी द्वादशांगी प्रवर्तमान रही अने वर्तमानमां अग्यार अंग आदि अंग प्रविष्ट अने बार उपांग दश पयसा, छ छेद, ४ मूल अने २ चूलिका सूत्रो एम अंग बाह्य श्रुतज्ञान आदि विद्यमान छे ते सूत्रो उपर पूर्वाचार्य महापुरुषो विरचित नियुं कित, भाष्य, चूर्णि, टीका, अक्चूरि बिगैरे आगमानुसारी श्रुत विद्यमान छे.

आ कल्याणकारी श्रुतना आधारै श्री महावीर परमात्मानुं शासन प्रवर्तमान छे पूज्य आचार्य मगवंतो आदि सुनिराजो आदि योगवहन, गुरुकुलवास, गुरुआजा आदि योग्यता मुजब अे श्रुतना अधिकारी छे. अने अेथे अे शास्त्रीय मर्यादांमां रहेता पूज्योने आ श्रुतज्ञानना स्वाध्याय आदिनी अनु-कुलता रहे ते हेतुथी श्रुत भक्तिरूपे ४५ आगमो मूल तेमज केटलाक सूत्रोनी टीका आदि मुद्रित करवानुं नक्की कयुं छे तेनुं संशोधन अने संपादन हालार-देशोद्धारक पूज्य आचार्यदेव श्रीमद् विजय-अमृतसूरीश्वरजी महाराजना शिष्य पूज्य पन्थ्यास श्री जिनेन्द्रविजयजी गणिवर अथाग परिश्रम पूर्वक करी रह्या छे

आ सूत्रो श्री संघना भंडारोमां पूज्य गुरुदेवोने अर्पण करवा प्रसारित करवानो अमे निणय कयौ छे. तेनी मर्यादित नकलो प्रकाशित थाय छे अने जे श्री संघो के श्रुतभक्ति रूपे श्रावकोअे आ प्रतिओ भेळववो होम तेमणे पोतानी नकल नी यादी लखाथी देवा विनंति छे.

सूत्रोनी नकलो मर्यादित प्रकाशित थाय छे बळी बुकसेलरोने ते बेंचवा आपवानो नथी अेटले पाछलयी प्रतिओ प्राप्त थवी मुश्केल पडशे. जेथी भंडारोने सुव्यवस्थित अने समृद्ध बनाववा श्री संघोअे पोताना सेट तरतमां लखाथी देवा, पूज्य गुरुदेवो के संघोने अर्पण करवा या श्री शासननी मिलकत रूपे सुरक्षित राखी, पूज्य गुरुदेवोने स्वाध्याय आदि माटे अर्पण करवा सुभाबको पण आ सेट खरीदी शकशे. तेओ आ सेट बांकी के बेंची शकशे नहीं.

४५ आगमो अने ४ सूत्रोनी टीकाओ आदि जे कार्य हाथ उपर धरायुं छे तेनुं मूल्य ६० ७०० थशे.

चौद विभागमां ४५ आगम प्रगट थशे. तेमां १ लो, ८ मो, १२ मो, १३ मो चौदमो विभाग पण पूर्ण थयो छे. बाद आ चौथो प्रगट थाय छे छट्टो अने अग्यारमो विभाग छपाइ रहेल छे. श्री उपासक-बशा सटीक श्री अंतकृद्दशा सटीक, श्री अनुत्तरोपपातिक दशा सटीक, नवस्मरण अने श्री गौतमस्वामी रास पण प्रगट थइ गयेल छे, श्री आचारांग सूत्र सटीक हवे छपाशे.

पहोँचाडवानी सगबडता रहे ते माटे न थी १० सूत्रो तेंयार थयेथो रवाना कराशे. जेथी सेट संग-
वनारे पोताने मोकलवानां ग्रन्थो रेल्वे के ट्रान्सपोर्ट द्वारा प्राप्त थाय तेवुं सरनामुं जणाववुं.

आ आगम श्रेणी अंगे नाम नोंधाववा तथा रकम मोकलवाना सरनामा:-

(१) महेता मगनलाल चत्रभुज
शाक मारकेट सामे निशाल फली,
जामनगर, (सौराष्ट्र)

(४) शा. वेलजी हीरजी गुढका
५२ वी एम. आझाद रोड, रंगवाला चाल,
मुंबई-४०००११

(२) शा. मनसुखलाल जीवराज भाडलावाला
शराफ बजार, राजकोट (सौराष्ट्र)

(५) शा. रीखवचंद फुलचंद
सी. पी. टेन्क पहेलो पारसीवाडो
खलीफ मेन्सन, वी. पी. रोड, मुंबई-४

(३) शा. वालजी गणशी
C/O हीरा एम्पोरीयम, आनंदरोड,
मलाड (वेस्ट) मुंबई-४०००६४

(६) नवीमचंद्र बाबुलाल शांह
डली फली लालबाग सामे, जामनगर

(७) संघवी जयंतिलाल त्रिभोवनदास

C/o महावीर स्टोर २६८१ फुवारा बजार
गांधी रोड अमदावाद

आ आगम श्रेणी उपरति अप्रगट तथा अप्राप्य ग्रन्थोनुं विशाल पाया उपर प्रकाशन करवानी
पण अमारी धारणा छे.

श्रुतज्ञानेनी आ भवितना कार्यमां सीनी साथ मलशे तो अमे वहेलासर सफल यशुं अथी आ
अंगे योग्य सहकारनी अपेक्षा राखी श्रुतज्ञान भवितना कार्यमां साथ आपवा नन्न विनति छे.



अहम् ।
पञ्चमगणधरदेव-श्रीमत्सुधर्मस्वामिप्रणीतं

॥ श्रीज्ञाताधर्मकथांगसूत्रम् ॥

—:०:—

॥१॥ अथ श्री उत्तिप्ताख्यं प्रथममध्ययनम् ॥

ते णं काले णं ते णं समए णं चंपानामं नयरी होत्या वरणथ्रो
॥ सूत्रं १ ॥ तीसे णं चंपाए नयरीए बहिया उत्तरपुरच्छिमे दिसीभाए
पुराणभदे नामं चेइए होत्या, वरणथ्रो ॥ सूत्रं २ ॥ तथ णं चंपाए
नयरीए कोणिको नामं राया होत्या वरणथ्रो ॥ सूत्रं ३ ॥ ते णं काले णं
ते णं समए णं समणस्स भगवथ्रो महावीरस्स अंतेवासी अज-
सुहमे नामं थेरे जातिसंपन्ने कुलसंपरणो बलरूव-विणाय-णाणदंसण-चरित्त-
लाघवसंपरणो अयंसी तेयंसी वच्चंसी जसंसी जियकोहे जियमाणे जिय-
माणे जियलोहे जियइंदिए जियनिहे जियपरिसहे जीवियास-मरणभय-विष्प-
मुक्के तवप्पहाणे गुणप्पहाणे एवं करणचरणनिग्गह-णिच्छय-अज्जव मइव-
लाघव-खंति-गुत्तिमुत्ति १० विजामंत-वंभवय(चेर)नयनियम-सच्चमोय-णाण-
दंसण २० चारित्तप्पहाणे, ओराले घोरे घोरव्वए घोरतवस्सी घोरवंभचेर-
वामी उच्चूइसरीरे संखित्तविउल-तेयल्लेसे(तेउलेसे) चोदसपुव्वी चउणाणो-
वगते पंचहि अणगारमएहिं सद्धिं संपरिवुडे पुव्वाणुपुव्वि चग्माणे गामा-
णुगामं दूतिजमाणे सुहंसुहेणं विहरमाणे जेणोव चंपा नयरी जेणोव पुराण-
भदे चंतिए तेणामेव उवागच्छइ उवागच्छइत्ता अहापडिरूवं उग्गहं
उग्गिणिहत्ता संजमेणं तवसा अप्पाणं भावेमाणे विहरति ॥ सूत्रं ४ ॥

तएणं चंपानयरीए परिसा निग्गया कोण्णिओ निग्गओ धम्मो कहिओ
परिसा जामेव दिसं पाउब्भूया तामेव दिसिं पडिगया १ । तेणं कालेणं तेणं
समयेणं अज्जसुहम्मस्स अण्णगारस्स जेट्ठे अंतवासी अज्जजंबू णामं अण्णगारे
कामवगोत्तेणं सत्तुस्सेह जाव अज्जसुहम्मस्स थेरस्स अदूरसामंते उद्धंजाणु
अहोसिरे भाण्णकोट्टोवगते संजमेणं तवसा अप्पाणं भावेमाणो विहरति, तते
णं से अज्जजंबूणामे जायसद्धे जायसंसए जायकोउहल्ले संजात-
सद्धे संजातसंसए संजायकोउहल्ले उप्पन्नसद्धे उप्पन्नसंसए उप्पन्नकोउहल्ले
समुप्पन्नसद्धे समुप्पन्नसंसए समुप्पन्नकोउहल्ले उट्ठाए उट्ठेति उट्ठाए उट्ठित्ता
जणामेव अज्जसुहम्मे थेरे तेणामेव उवागच्छति २ अज्जसुहम्मे थेरे (अज्ज-
सुहम्मं थेरं) तिक्खुत्तो आयाहिणपयाहिणं करेइ २ वंदति नमंसति वंदित्ता
नमंसित्ता अज्जसुहम्मस्स थेरस्स णच्चासन्ने नातिदूरे सुस्सूसमाणो णमंसमाणो
अभिमुहं(हे) पंजलिउडे विण्णएणं पज्जुवासमाणो एवं वयासी-जति णं
भंते ! समणेणं भगवता महावीरेणं आइगरेणं तित्थगरेणं सयंसंबुद्धेणं
पुरिसुत्तमेणं पुरिससीहेणं पुरिसवरपुंडरीएणं पुरिसवरगंधहत्थीणा लोगुत्तमेणं
लोगनाहेणं लोगहिएणं लोगपईवेणं लोगपज्जोयगरेणं अभयदयेणं चवखु-
दयेणं मग्गदयेणं सरणदयेणं बोहिदयेणं धम्मदयेणं धम्मदेसयेणं धम्मनायगेणं
धम्मसारहीणा धम्मवरचाउरंतचक्कवट्टिणा अप्पडिहयवरणाण-दंसणधरेणं विय-
ट्टुत्तमेणं जिणेणं जाणएणं (जावएणं) तिन्नेणं तारएणं बुद्धेणं बोहएणं
मुत्तेणं मोअगेणं सब्बराणेणं सज्जदरिसिणा सिवमयल-मरुत्तमांत-मक्खयमव्वा-
बाह-मपुणारावित्थियं सामयं अण्ण मुवगतेणं(अण्णं संपत्तेणं)पंचमस्स अंगस्स अयमट्ठे
पन्नत्ते, छट्ठस्स णं अंगस्स णं भंते ! णायाधम्मकहाणं के अट्ठे पन्नत्ते ?,
जंबूत्ति तए णं अज्जसुहम्मे थेरे अज्जजंबूणामं अण्णगारं एवं वयासी-एवं
खल्लु जंबू ! समणेणं भगवता महावीरेणं जाव संपत्तेणं छट्ठस्स अंगस्स दो
सुयक्खंथा पन्नत्ता, तंजहा-णायाणि य धम्मकहाओ य, जति णं भंते ।

समशोणं भगवता महावीरेणं जाव संपत्तेणं छट्टस्स अंगस्स दो सुयखंधा पन्नत्ता, तंजहा-णायाणि य धम्मकहाओ य २ । जति णं भंते ! समशोणं भगवत्ता महावीरेणं जाव संपत्तेणं छट्टस्स अंगस्स दो सुयखंधा पन्नत्ता, तंजहा-णायाणि य धम्मकहाओ य, पढमस्स णं भंते ! सुयखंधस्स समशोणं जाव संपत्तेणं णायाणं कति अज्झयणा पन्नत्ता ?, एवं खलु जंबू ! समशोणं जाव संपत्तेणं णायाणं एगूणावीसं अज्झयणा पन्नत्ता, तंजहा-उक्खित्ताए १ संघाडे २ अंडे ३ कुम्मे य ४ सेलगे ५ । तुंबे य ६ रोहिणी ७ मल्ली = मायंदी ८ चंदिमा इय १० ॥ १ ॥ दावद्वे ११ उदगणाए १२ मंडुक्के १३ तेयलीविय १४ । नंदीफले १५ अवरकंका १६, अतिन्ने १७ सुंसुमा इय १८ ॥ २ ॥ अवरं य पुंडरीयाए १९ एगूणावीसतिमे ३ । ॥ सूत्रं ५ ॥

जति णं भंते ! समशोणं जाव संपत्तेणं णायाणं एगूणावीसा अज्झयणा पन्नत्ता, तंजहा-उक्खित्ताए जाव पुंडरीएत्ति य, पढमस्स णं भंते ! अज्झयणास्स के अट्टे पन्नत्ते ? एवं खलु जंबू ! ते णं काले णं २ इहंवे जंबूहंवे दीवे भारहे वासे दाहिणाद्धभरहे रायगिहे णामं नयरे होत्था, वराणओ, गुणमिलए चेत्तिए वन्नओ तत्थ णं रायगिहे नगरे सेणिए नामं राया होत्था महताहिमवंत-महंत मलयमंदर-महिंदसारे वन्नओ, तस्स णं सेणियस्स रत्तो नंदा नामं देवी होत्था सुकुमालपाणिपाया वराणओ ॥ सू० ६ ॥ तस्स णं सेणियस्स पुत्ते नंदाए देवीए अत्तए अमरं नामं कुमारे होत्था अहीणं जाव सुरूवे सामदंड-भेयउवप्पयाण-णीति-सुप्पउत्तएय-विहिन्नु ईहावूहमग्गाण-गवेसण-अत्थसत्थमइ-विसारए उप्पत्तियाए वेणइयाए कम्मियाए पारिणामिआए चउव्विहाए बुद्धिए उववेए सेणियस्स रराणो बहुसु कज्जेसु य कुडुबेसु य मंतेसु य गुज्जेसु य रहस्सेसु य निच्छएसु य आपुच्छणिज्जे पडि-पुच्छणिज्जे मंटी पमाणं आहारे आलंबणं चक्खू मेटीभूए पमाणभूए आहार-

भूए आलंबणभूए चक्खुभूए सव्वकज्जेसु सव्वभूमियासु लद्धपच्चए विइ-
 राणवियारे रज्जधुरन्तिए यावि होत्था, सेणियस्स रत्तो रज्जं च रट्टं च
 कोसं च कोट्टागारं च बलं च वाहणं च पुरं च अत्तेउरं च सयमेव समु-
 वेक्खमाणो २ विहरति ॥ सूत्रं ७ ॥ तस्स णं सेणियस्स रत्तो धारिणी
 नामं देवी होत्था जाव सेणियस्स रत्तो इट्ठा जाव विहरइ ॥ सूत्रं ८ ॥
 तए णं सा धारिणीदेवी अन्नया कयाइ तंसि तारिसगंसि इव्वट्टक(इठ)लट्ट
 मट्ट-संठिय-खंभुगयं पवरवर-सालभंजिय-उज्जल-पणकणग-रयणशुभिय-
 विडंग(रयणमू मेथविडंक)जालद्धचंद-णिज्जूह-कंतर-कणयालि-चंदसालिया-वि-
 भत्तिकलिते सरसच्छ-धाऊवलवराणरइए बाहिरथो दूमियवट्टमट्टे अम्भित-
 रथो पत्तसुविलिहिय-चित्तकम्मे णाणाविह-पंचवराण मणिरयण-कोट्टिमनले
 पउमलया-कुल्लवलि-वरपुण जातिउल्लोय-चित्तियतले वं(चं)दणवर-कणगकलस-
 सुविणिम्मिय-गडिपुं जि(पूजि)य-सरसपउम-सोहंतदारभाए पयरगालंबंत-मणिमुत्त-
 दाम-सुविरइय-दारसोहे सुगंधवर-कुसुममउय-पहल-सयणोवयारे मणहियव-
 निव्वुइयरे कप्पूर-लवंग मलयचंदन-कालागुरु-पवरकुंदुरुक्क-तुरुक्कधव-डज्जंत-
 सुरभि-मघमघंत-गंधुद्धयाभिरामे सुगंधवरगंधिए गंधवट्टिभूते मणिकिरण-पणा-
 मियंधकारे, किं बहुणा ? उइगुणोहिं सुरवरविमाण-वेलंबिय-वरघरणं तंसि तारि-
 सगंसि सयणिज्जंसि सालिगणवट्टिए उभयो विव्वोयणो दुहथो उन्नए मज्जे णय-
 गंभीरे गंगापुलिण-वालुया-उहाल-सालिसए उयचिय-खोमदुगुल-पट्टपडि-च्छराणो
 अच्छरय-मलयनवय(नयतय)कुसत्तलिव सीहकेसर-पच्चुत्थए सुविरइयरयत्ताणे
 रत्तंसुयसंबुए सुरम्मे आइणगरूय-बूरणवणीय-तुल्लफासे पुव्वरत्तावरत्त-कालस-
 मयंसि सुत्तजागरा ओहीरमाणी २ एगं महं सुत्तस्सेहं रययकूडसन्निहं नहय-
 लंसि सोमं सोमागारं लीलायंतं जंभायमाणां मुहमतिगयं गयं पासित्ता
 णं पडिबुद्धा १ । तते णं सा धारिणी देवी अयमेत्तारूवं उरालं
 कल्लाणं सिवं धन्नं मंगल्लं सस्तिरीयं महासुमिणं पासित्ता णं पडिबुद्धा

समाणी हट्टुट्टा चित्तमाणांदिया पीडमणा परमसोमणस्सिया हरिसवस-विसप्प-
 माण-हियया धाराहय-कलंबुप्फगं,पेव समूमसिय रोमकूवा तं सुमिणं ओ,गिहइ
 २ सयणिजाओ उ(अब्भु)ट्टे ति २ पायपीढातो पचोरुहइ पचोरुहइत्ता अत्तरिय-
 मचयल मसंभंताए अविलंबियाए रायहंससरिसीए गतीए जेणामेव से सेणिए
 राया तेणामेव उवागच्छइ उवागच्छइत्ता से,णियं रायं ताहिं इट्टाहिं कंताहिं
 पियाहिं मणुन्नाहिं मणामाहिं उरालाहिं कल्लाणाहिं सिवाहिं धन्नाहिं मंगल्लाहिं
 सस्सरियाहिं हियय,गमणि,जाहिं हिययपल्हाय,णिजाहिं मिउमडुर-रिभियगंभीर-
 सस्सिरीयाहिं गिराहिं संलवमाणी २ पडिबोहेइ पडिबोहेत्ता सेणिएणं रत्ता अब्भ-
 णुन्नाया समाणी णाणामणि कणगरयण भत्तिचित्तंसि भद्दासणंसि निसीयति २
 ता आसत्था विसत्था सुहामणवरगया करयलपरिग्गहियं दसनहं सिरसावत्तं
 मत्थए अंजलि कट्टु से,णियं रायं एवं वदासी एवं खलु अइं देवाणुप्पिया !
 अन्न तंसे तारिसगंसे सयणिज्जंमि सालिणणवट्टिए जाव निदग-वयण-
 मइवयंतं गयं सुमिणे पासित्ता णं पडिबुद्धा, तं एयस्स णं देवाणुप्पिया !
 उरालस्स जाव सुमिएस्स के मन्ने कल्लाणे फलवित्तिविसेसे भविस्सति ? २
 ॥ सू० ६ ॥

तते णं से,णिए राया धारिणीए देवीए अंतिए एयमट्टं सोच्चा निसम्म
 हट्टु जाव हियये धाराहयनीय-सुरभिकुसुम-चं(चु)चुमालइय-तणु-ऊसमिय-रोम-
 कूवे तं सुमिणं उग्गिरहइ उग्गिरहइत्ता ईहं पविसति २ अप्पणो साभाविणं
 मइपुत्रयणं बुद्धिविन्नाणेणं तस्स सुमिएस्स अत्थोग्गहं करेति २ धारणि
 देवीं ताहिं जाव हिययपल्हायणिजाहिं मिउमडुर-रिभिय-गंभीर-सस्सरियाहिं
 वग्गूहिं अणुवूहेमाणो २ एवं वयासी-उराले णं तुमे देवाणुप्पिए ! सुमिणे
 दिट्टे, कल्लाणे णं तुमे देवाणुप्पिए ! सुमिणे दिट्टे, सिवे धन्ने मंगल्ले सस्सि-
 रीए णं तुमे देवाणुप्पिए ! सुमिणे दिट्टे, आगेग्ग-तुट्टिदीहाउय-कल्लाण-मंग-
 ल्लकारेणं तुमे देवी ! सुमिणे दिट्टे, अत्थलाभो ते देवाणुप्पिए ! पुत्त-

लाभो ते देवाणुषिण !, रज्जलाभो ते देवाणुषिण ! भोगलाभो ते देवाणुषिण !, सोमस्र नाभो ते देवाणुषिण !, एवं खलु तुमं देवाणुषिण ! नवरहं मासाणं बहुपडिनुनाणं अद्धट्टमाणं य रादिदियाणं विइवकंताणं अम्हं कुलके(हे)उं कुलदीवं कुलपव्वयं कुलवडिसयं कुलतिलकं कुलकित्तिकरं कुलवित्तिकरं कुलणंदिकरं कुलजसकरं कुलाधारं कुलपापवं कुलविवद्धणकरं सुकुमालाणुपायं जाव दारयं पयाहिसि, सेवि य णं दारए उम्मुक-वाल-भावे विनाप-परणयमेत्ते जोव्वणगमणुत्ते सूरे वीरे विवकंते विच्छिन्नवि-पुलबलवाहणे रजवती राया भविस्सइ, तं उराले णं तुमे देवीए सुमिणे दिट्टे जाव आरोग्गुट्टि-दीहाउ-कलाणकारेण णं तुमे देवी ! सुमिणे दिट्टे त्तिकट्टु भुज्जो २ अणुवूहेइ ॥ सू० १० ॥ तते णं सा धारणी देवी सेणिएणं रत्ता एवं वुत्ता समाणी हट्टुट्टा जाव हियया करतलपरिग्गहियं जाव अंजलिं कट्टु एवं वदासी एवमेयं देवाणुषिया ! तहमेयं अविनहमेयं असंदिद्धमेयं इच्छियमेयं देवाणुषिय ! पडिच्छियमेयं इच्छिय पडिच्छियमेयं सच्चे णं एस अट्टे जं णं तुम्भे वदहत्ति कट्टु तं सुमिणं सम्मं पडिच्छइ पडिच्छइत्ता सेणिएणं रत्ता अम्भणुराणाया समाणी णाणामणे-कएगरयण-भत्तिचित्ताओ भदाणाओ अम्भुट्टेइ अम्भुट्टेता जेणेव सए संयणुज्जे तेणेव उवागच्छइ २ त्ता सयंसि सयणुज्जंसि निमीयइ, निमीयइत्ता एवं वदासी मा मेसे उत्तमे पहाणे मंगले सुमिणे अन्नेहिं पावसुमिणेहिं पडिहमिहित्तिकट्टु देवय-गुरुत्तणसंघट्टाहिं पसत्थाहिं धम्मियाहिं कहाहिं सुमिणुजागरियं पडिजागरमाणी विहरइ ॥ सू० ११ ॥ तए णं सेणिए राया पच्चूमकालममयंसि कोडुं विणुपुरिसे सहावेइ सहावइत्ता एवं वदासी-खिणामेव भो देवाणुषिया ! बाहिरियं उवट्टाणमालं अज्ज सविसेसं परमरम्मं गंधोदग सित्त-सुइय-संम-ज्जिओवलित्तं पंचवन्न-सरससुरभि-मुक्क-पुण्फ-पुंजोवदार-कलियं कालागरु-पद-रकुं दुरुक्क-तुरुक्कधूव-डज्जंत-मघमघंत-गंधुद्धुयाभिरामं सुगंधवरगंधियं गंधव-

द्विभृतं करेह य कारवेह य २ एवमाणत्तियं पञ्चपिणह, तते णं ते कोडुं-
 त्रियशुरिसा सेणिएणं रत्ता एवं बुत्ता समाणा हट्टुट्टा जाव पञ्चपिणंति,
 तते णं सेणिए राया कल्लं पाउप्पभायाए श्यणीए फुल्लुप्पल-कमल-कोमलु-
 म्मिलियंमि अहापंडुरे पभाए रत्तासोग-पगास किंसुय-सुयमुह-गुंजद्धराग-
 बंधुजीवग-पारावयचत्तणनयण--परहुयसुरत्तलोयण--जासु भिणकुसुम-जलिय-
 जलण-तवणिज्जकलस-हिंगुलयनिगर-रूवाइरेग--रेहन्तसस्मिरीए दिवागरे
 अहकमेण उदिए तस्स दिणकर करपरंपरावयार-गारद्धंमि अंधयारे
 बालातवकुंकमेणं खइयव्व जीवलोए लोयण-विसत्राणुआम-दिगसंत-
 विसददंसेयंमि लोए कमलागरसंडवोहए उट्टियंमे सूरे सहस्सरस्सिमि
 दिणयरे तेयसा जलंते सयणिज्जाओ उट्टेति २ जेणोव अट्टणमाला तेणोव उवा-
 गच्छइ २ अट्टणसालं अणुपविसति २ अणोगवायाम जोग-गण-वामहण-
 मल्लजुद्धकरणेहि संते परिस्संते सदपागेहि सहस्सरगोहि सुगंधवर-
 तेलमादिणहि पीणणिज्जेहिं दीवणिज्जेहिं दप्पणिज्जेहिं मदणिज्जेहिं
 विहणिज्जेहिं सविंदिय-गाय-पल्हायणिज्जेहिं अञ्भंगएहिं अञ्भंगिए
 समाणं तेल्लचम्मंसि पडिपुणण-पाणिपाय-सुकुमाल-कोमलतलेहिं पुरिसेहिं
 छेणहिं दक्खेहिं पट्टेहिं कुस्लेहिं मेहावीहिं निउणेहिं निउणसि-
 प्पोवगतोहिं जियपरिस्समंहिं अञ्भंगण-परिमहणुव्वलण-करण-गुण-निम्माएहिं
 अट्टिसुहाए मंससुहाए तथासुहाए रोमसुहाए चउव्विहाए संवाहणाए
 संवाहिए समाणे अत्रगयपरिस्समे नरिंदे अट्टण-सालाओ पडिनि-
 क्खमइ पडिनिक्खमइत्ता जेणोव मज्जणघरे तेणोव उवागच्छइ
 उवागच्छइत्ता मज्जणघरं अणुपविसति अणुपविसित्ता समंत(मुत्त, मत्त)-
 जालाभिरामे विचित्तमणिरयणकोट्टिमतले रमणिज्जे राहाणमंडवंसि राणा-
 मणि-रयणभत्तिचित्तंसि राहाणपीदंसि सुहनिसन्ने सुयोदगेहिं पुण्फो-
 दएहिं गंधोदएहिं सुद्धोदएहिं य पुणो पुणो कल्लराग-पवरमज्जणवि-

हीए मज्जिए तत्थ कोउयसएहिं बहुविहेहिं कल्लाणग-पवर-मज्जणावसाणो
 पम्हल-सुकुमाल-गंधकासाईय-लूहियंगे अहत-सुमहग्घ-दूसरयणा-सुसंबुए सरस-
 सुरभि-गोसीसचंदणाणुलित्तगते सुइमालावन्नगविलेवणो आविद्धमणिसुवन्ने
 कपिय हारद्धहार-तिमरय-पालंबपलंबमाण-कडिसुत्त-सुकयसोहे पिणाद्धगेवेज्जे-
 अंगुलेज्जग-ललियंग-लालिय-कयाभरणो णाणामणि-कडगतुडिय-थंभियभुए
 अहियरूवसस्सिरीए कुंडलुज्जोइयाणणे मउडदित्तिसिए हारोत्थय-सुकतरइयवच्छे
 पालंबपलंबमाण-सुकय-पडउत्तरिज्जे मुहियापिंगलंगुलीए णाणामणि-कणाग-
 रयणा-विमलमहरिह-निउणोविय-मिसिमिसंत-विरइय--सुसिलिट्ट-विसिट्ट-लुट्टमं-
 त्थिय-पसत्थ-आविद्धवीरवलए, किं बहुणा ? कप्परुक्खए चेव सुअलंकिय-
 विभूसिए नरिंदे सकोरिंमहदामेणां छत्तेणां धरिज्जमाणोणां उभयो च्चामर-
 वालवीइयंगे मंगलजय-सहकयालोए अणोगगणनायग-दंडणायग-राईसर-तल-
 वर-माडंबिय-कोडुंभिय-मंतिमहामंति-गणाग--दोवारिय-अमच्च-वेड-ीदमइय-नग-
 रणिगम-सेट्टि-सेणावइ-सत्थवाह-दूय-संधिवालसद्धिं संपरिवुडे धवल-महामेह-
 निग्गएविव गहगणा-दिप्पंत-रिक्ख-तारागणाण मज्जे सत्थिव पियदंसणे
 नरवई मज्जणाधराओ पडिनिक्खमति पडिनिक्खमिन्ता जणोव बाहिरिया उव-
 ट्ठाणासाला तेणोव उवागच्छइ उवागच्छइत्ता सीहासणावरगंते पुरत्याभिमुहे
 सन्निसन्ने १ । तते णां से सेणिए राया अण्णो अदूरसामंते उत्तरपुरच्छिमे
 द्विसिभागे अट्ट भद्दासणाइं सेपवत्थ-पच्चुत्थुयातिं सिद्धत्थ-मंगलोवयार-कत-
 सत्तिकम्माइं रयावेइ रयावित्ता णाणामणि-रयणमंडियं अहिय-पेच्छणिज्जरूवं
 महग्घ-वरपट्टाणुगयं सरह-बहुभत्ति-सयचित्तट्ठाणां ईहामिय-उसभ-तुरय-णार-
 मगर-विहग-वालग-किंनर-रू-सरभ-चमर-कुंजर-वणालय-पउमलय-भत्तिचित्तं
 सुखत्रिय-वरकणाग-पवरपेरंत-देसभागं अत्थिभतरियं जवणियं अंजावेइ अंजा-
 वइत्ता अ च्छरग-मउअ-मसूरग-उच्छइयं धवलवत्थ पच्चत्थुयं विमिट्टं अंगसुहफा-
 सयं सुमउयं धारिणीए देवीए भद्दासणां रयावेइ रयावइत्ता कोडुंभियपुरिसे सदा-

वेद सद्वावेत्ता एवं वदामी-स्विष्णामेव भो देवाणुष्पिया ! अयङ्ग-महानिमित्त-
सुत्तत्यपादए विविहसत्थकुसले सुमिणपादए सद्वावेह सद्वावइत्ता एयमाणत्तियं
स्विष्णामेव पच्चप्पिणह २ । तते णं ते कोडुं वियपुरिस्सा सेणिएणं रत्ता एवं बुत्ता
समाणा हट्टु जाव हियया करयत्तपरिग्गहियं दसनहं सिरसावत्तं मत्थए
अञ्जलि कट्टु एवं देवो तहत्ति आणाए विणएणं वयणं पडिसुणोति २ सेणिए
यस्स रत्तो अंतियाओ पडिनिक्खमंति २ रायगिहस्स नगरस्स मज्झमज्झेणं
जेणोव सुमिणपादगगिहाणि तेणोव उवागच्छंति उवागच्चित्ता सुमिणपादए
सद्वावेति ३ । तते णं ते सुमिणपादगा सेणियस्स रत्तो कोडुं वियपुरिसेहिं
सद्वाविया समाणा हट्टु २ जाव हियया राहाया कयवलिकम्मा जाव पायच्छित्ता
अप्पमहग्घाभरणांलंकियसरीरा हरियालिय-सिद्धत्थय-कय-मुद्धाणा (सिद्धत्थय-
हरियालिया-कयमंगल-मुद्धाणा) सतेहिं सतेहिं गिहेहितो पडिनिक्ख-
मंति २ रायगिहस्स नगरस्स मज्झमज्झेणं जेणोव सेणियस्स रत्तो भवणवडेंस-
दुवारे तेणोव उवागच्छंति २ एगतओ मिलयंति २ सेणियस्स रत्तो भवणवडेंस-
गदुवारेणं अणुपविसंते अणुपविसित्ता जेणोव बाहिरिया उवट्टाएसाला
जेणोव सेणिए राया तेणोव उवागच्छंति उवागच्चित्ता सेणियं रायं जएणं
विजएणं वद्धावेति, सेणिएणं रत्ता अच्चिय वंदिय पूतिय माणिय सक्कारिया
सम्माणिया समाणा पत्तेयं २ पुव्वन्नत्थेसु महासणेसु निसीयंति ४ । तते णं
सेणिए राया जवणियंतरियं धारणीं देवीं ठवेइ ठवेत्ता पुप्फफलपडिपुराणहत्थे
परेणं विणएणं ते सुमिणपादए एवं वदामी-एवं खलु देवाणुष्पिया !
धारिणीदेवी अज्ज तंसि तारिसयंसि सयणिज्जंसि जाव महासुमिणं दासि-
त्ता णं पडिबुद्धा, तं एयस्स णं देवाणुष्पिया ! उरालस्स जाव सस्सिरी-
यस्स महासुमिणस्स के मन्ने कल्लाणे फलवित्तिविसेसे भविस्सति ५ ।
तते णं ते सुमिणपादगा सेणियस्स रत्तो अंतिए एयमट्टं सोच्चा
णित्तम्म हट्टु जाव हियया तं सुमिणं सम्मं ओगिरहंति २ ईहं अणुपवि-

सन्ति २ अन्नमन्नेण सद्धिं संचालेति संचालित्वा तस्स सुमिणास्स लद्धट्ठा गहियट्ठः पुच्चियट्ठा विणिच्चियट्ठा अभियगट्ठा सेणियस्स रत्तो पुरयो सुमिणासत्थाः उच्चारमाणा २ एवं वदासी—एवं खलु अहं सामी ! सुमिणा-सत्थांसि बायालीसं सुमिणा तीसं महासुमिणा वावत्तारिं सब्वसुमिणा दिट्ठा, तत्थ णं सामी ! अरिहंतमायरो वा चक्कवट्टिमातरो वा अरहंतंसि वा चक्क-वट्टिसि वा गब्भं वक्कममाणांसि एएसिं तीसाए महासुमिणाणां इमे चोदस महासुमिणे पासित्ताणां पडिबुज्झन्ति, तंजहा—गय-उसभ-सीह-अभिसेय-दाम-सनि-दिणयरं भयं कुंभं । पउममर-सागर-विमाण-भवण-रयणुच्चय सिद्धिं च ॥ १ ॥ वासुदेवमातरो वासुदेवंसि गब्भं वक्कममाणांसि एएसिं चोदसराहं महासुमिणाणां अन्नतरे सत्त महासुमिणे पासित्ता णं पडिबुज्झन्ति, बलदेव-मातरो वा बलदेवंसि गब्भं वक्कममाणांसि एएसिं चोदसराहं महासुमिणाणां अरणातरे चत्तारि महासुमिणे पासित्ताणां पडिबुज्झन्ति, मंडलियमादरो वा मंडलियंसि गब्भं वक्कममाणांसि एएसिं चोदसराहं महासुमिणाणां अन्नतरं एगं महासुमिणां पासित्ताणां पडिबुज्झन्ति, इमे य णं सामी ! धारणीए देवीए एगे महासुमिणे दिट्ठे, तं उराले णं सामी ! धारणीए देवीए सुमिणे दिट्ठे, जाव आरोग्गवुट्ठि-दीहाउ-कळाण-मंगलकारे णं सामी ! धारणीए देवीए सुमिणे दिट्ठे, अत्थलाभो सामी ! सोक्खलाभो सामी ! भोगलाभो सामी ! पुत्तजाभो सामी रज्जजाभो ! एवं खलु सामी ! धारणीदेवी नवराहं मासाणां बहुपडिपुन्नाणां जाव दारमं पयाहिसि, सेवि य णं दारए उम्मुक्कवालभावे विन्ना(राणा)यपरिणायमित्ते जोव्वणागमणुपत्ते सूरे वीरे विक्कंते विच्छिन्न-विउल-बलवाहणे रज्जवती राया भविस्सइ अरगारे वा भावियप्पा, तं उराले णं सामी ! धारणीए देवीए सुमिणे दिट्ठे जाव आरोग्गवुट्ठि जाव दिट्ठेत्ति कट्ठु भुज्जो २ अणुवुहेति ६ । तते णं सेणिए राया तेसिं सुमिणापाढाणां अंतेए एयमट्ठं सोच्चा णिसम्म इट्ठु जाव दियए

करयल जाव एवं वदामी-एवमेयं देवाणुषिया ! जाव जन्नं तुब्भे वदह-
 त्तिकट्टु तं सुमिणां सम्मं पडिच्छति २ ते सुमिणापाढए विपुलेणां असण-
 पाणु-खाइममाइमेणां वत्यगंध-मल्लालंकारेण य सकारेति सम्माणोति २
 विपुलं जीवियारिहं पीतिदाणां दलयति २ पडिविसज्जेइ ७ । तते णं से
 सेणिए राया सीहाएण थो अब्भुट्टेति २ जेणेव धारिणी देवी तेणेव
 उवागच्छइ उवागच्छइत्ता धारिणीदेवीं एवं वदामी-एवं खलु देवाणु-
 षिए ! सुमिणासत्थंसि बायालीसं सुमिणा जाव एगं महासुमिणां जाव
 भुज्जो २ अणुवूहति, तते णं धारिणीदेवी सेणियस्स रत्तो अंतिए
 एयमट्टं मोच्चा णिसम्म हट्टु जाव हियया तं सुमिणां सम्मं
 पडिच्छति २ जेणेव सए वासधरे तेणेव उवागच्छति २
 राहाया कयबलिकम्मा जाव विपुलाहिं जाव विहरति ८ ॥ सूत्रं १२ ॥
 तते णं तीसे धारिणीए देवीए दोसु मासेसु वीतिवकंतेसु ततिए मासे वट्टमाणे
 तस्स गब्भस्स दोहलकालसमयंसि अयमेयारूवे अकालमेहेसु दोहले पाउब्भ-
 वित्था-धन्नाथो णं ताथो अम्मयाथो सपुन्नाथो णं ताथो अम्मयाथो
 कयत्थाथो णं ताथो कयपुन्नाथो कयलक्खणाथो कयविहवाथो सुलद्धे णं तासिं
 माणुस्सए जम्मजीवियफले जाथो णं मेहेसु अब्भुग्गतेसु अब्भुज्जुएसु अब्भुन्नतेसु
 अब्भुट्टिएसु सगज्जिएसु सविज्जुएसु सकुसिएसु सथणिएसु धंतथोत-रुप्पपट्ट-
 अंकसंख-चंदकुंद-सालि-पिट्टरासि-समप्पभेसु चिउर-हरियाल-भेय-चंपग-सण
 (कवणा)-कोरंठ-परिमय(ग)-पउमरय-समप्पभेसु लक्खारस-सरसरत्त-किंसुय-
 जासुमण-रत्तबंधुजीवग-जाति-हिंगुलय-सरसकुंकुम--उरब्भससरुहिर-इंदगोवग-
 समप्पभेसु बरहिण-नीलगुलिय-सुगचासपिच्छ-भिगपत्त माम(म)ग-नीलुप्पल-
 नियर-नवसिरीस-कुसुम-णव-सइल-समप्पभेसु जच्चंजण-भिगभेय-रिट्टग-भमरा-
 वलि-गवल-गुलिय-कज्जल-समप्पभेसु फुरंत-विज्जुतसगज्जिएसु वायवस-विपुल-
 गण-चवल-परिसकिरेसु निम्मल-वरवारिधारा-गुलिय-पर्यंढमारुय-समाइय-

समात्परंत-उत्तरिउत्तरि(मयय)तुरियवासं पवासिएसु धारापहकर-शिवाय-
निव्वाविय मेइणितले हरियगणकंचुए पल्लविय पायवगणोसु वल्लिवियाणोसु
पत्तरिएसु उन्नएसु सोभग्गमुवागएसु (नगेसु नएसु वा) वेभारगिरिप्पवाय-
तडकडगविसुक्केसु उज्जरेसु तुरिय पहाविय-पलोट्ट-फेणाउलं सकलुसं जलं
वहंतीसु गिरिनदीसु सज्जज्जुणा नीव-कुडय-कंदल-सिलिंध-कलिएसु उववणोसु
मेहरसिय-हट्टुट्टुचिट्टिय हरिसवस-पसुक्ककंठेकारवं मुयंतेसु वरहियोसु उउव-
समय-जणिय-तरुणा-सहयारि-पणाच्चितेसु नवसुरभि-सिलिंध-कुडय-कंदल-कलंबगं-
धद्वणिं मुयंतेसु उववणोसु परहुय-रुयारिभित-संकुलेसु उद्दायंत-रत्तइंदगोव-
य-थोत्रय-कारुन्नविलवितेसु त्रोगायतणमंडिएसु दद्दु रपयंपिएसु संपिंडिय-दरिय-
भमर महुकरि-पहकर-परिलिंत-मत्तद्वण्य-कुसुमासवलोल-मधुरगुं जंतदेसभाएसु
उववणोसु परिसा(ज्जा, भा)मिय-चंदसूर गहगणा-पणट्ट-नक्खत्तारगपहे इंदाउह-
बद्धचिंधपट्टं सि अंबरतले उट्टीणा-बलाग-पंतिसोभंत-पंतिसाभंत-मेहविंदे कारं-
डग-अक्कवाय-कलहंस-उस्सुयकरे संपत्ते पाउसंमि काले राहाया कयवलिकग्गा
कयकोउय-मंगलपायच्छित्तात्थो किं ते वरपायपत्तणोउर-मण्णिमेहलहार-रइय-
(उचिय)कडग-खुड्डय-विचित्त-वरवल्लय-थंभियभुयात्थो कुंडल-उज्जोवियाणणात्थो
(कुंडलोज्जोतितानना वरपायपत्त-नेउर-मण्णि-मेहला-हाररइय-उचियकडग-
खुड्डय-एगावलिकंअमुरय-तिसरय-वरवल्लय-हेमसुत्त-कुंडलु-ज्जोवियाणणात्थो)
रयणाभूसियंगात्थो नासानीसास-वायवोज्जं चक्खुहरं वराणाफरिस-संजुत्तं हयला-
लापेलवाइरेयं धवल-कणाय-खचियन्त-कम्मं आगासफलिह-सरिसण्णं अंसुयं
पवर परिहियात्थो दुग्गल्ल-सुकुमाल-उत्तरिज्जात्थो सब्बोउय-सुरभिकुसुम-पवरमल्ल-
सोभितसिरात्थो (सुरइय-पलंबमाण-सोहमाण-कंतविकसंत-चित्तमालात्थो) काला-
गरू धूवधूवियात्थो सिरिसमाणवेसात्थो सेयणाय-गंधहत्थिरयणां दुरुदात्थो
समाणीत्थो सकोरिंठमल्लदामेणां छत्तेणां धरिज्जमाणोणां चंदप्पभ-इर-वेरुलिय-
विमलदंड-संख-कुंद-दगरय-अमयमहियफेणुं ज सन्निगास-चउचामरवाल-वी-

जितंगीओ (सेयवरचामरेहिं उदधुव्वमाणीहिं २,) सेणिएणां रत्ना सद्धिं
हत्थिखंधवरगणां पिट्टुओ समणुगच्छमाणीओ चाउरंगिणीए सेणाए
महत्ता हयाणीएणां गयाणिएणां रहाणिएणां पायत्ताणीएणां सब्बहीए
सब्बज्जुइए जाव निग्घोउणादियरवेणां रायगिहं नगरं सिंघाडग-तियचउक्क-
चच्चर-चउम्भुह-महाउह-पहेसु आसित्तिसित्त-सुचिय-संमज्जिओवलित्तं जाव
सुगंधवरगंधियं गंधवट्ठीभूयं अवलोएमाणीओ नागरज्जोणां अभिणांदि-
ज्जमाणीओ गुच्छ-लथा-रुक्खगुम्म-वलि-गुच्छओच्छाइयं सुरम्मं वेभारगि-
रि-कडग-पायमूलं सब्बओ समंता (ओलोएमाणीओ २,) आहिंडेमाणीओ
२ दोहलं विणियंति, तं जइ णं अहमवि मेहेसु अब्भुवगएसु
जाव दोहलं विणिज्जामि ॥ सूत्रं १३ ॥ तए णं सा धारिणी
देवी तंसि दोहलंसि अविणिज्जमाणंसि असंपन्नदोहला असंपुन्न-
दोहला असंमाणियदोहला सुक्का भुवत्ता णिम्मंसा ओलुग्गा ओलु-
ग्गसरीरा पमइलदुव्वला किलंता ओमंथिय-वयणनयणाकमला पंडुइयमुही
करयलमलियव्व चंपगमाला णित्तेया दीणाविवराणावयणा जहोच्चिय-
पुष्पगंध-मल्लालंकारहारं अणभिज्जसमाणी कीडारमणाकिरियं च परिहावेमाणी
दीणा दुम्मणा निराणंदा भूमिगयदिट्ठीया ओहयमणासंकप्पा जाव भियायइ
१ । तते णं तीसे धारिणीए देवीए अंगपडियारियाओ अम्भितरियाओ
दासचेडीयाओ धारिणीं देवीं ओलुग्गं जाव भियायमाणिं पासंति पासित्ता
एवं वदासी-किराणां तुमे देवाणांप्पिए ! ओलुग्गा ओलुग्गसरीरा जाव
भियायसि ? २ । तते णं सा धारणी देवी ताहिं अंगपडियारियाहिं अम्भि-
तरियाहिं दासचेडियाहिं एवं बुत्ता समाणी (ताओ चेडीओ) नो आदाति णो
य परियाणाति अणादायमाणी अपरियाणमाणी तुसिणिया संचिट्ठति ३ ।
तते णं ताओ अंगपडियारियाओ अम्भितरियाओ दासचेडियाओ धारिणीं देवीं
दोच्चंपि तच्चंमि एवं वयासी-किन्नं तुमे देवाणांप्पिए ! ओलुग्गा ओलुग्गसरीरा

जाव भियायसि ? ४ । तते णं सा धारिणीदेवी ताहिं अंगपडियारियाहिं
 अम्भतरियाहिं दासचेडियाहिं दोच्चंपि तच्चंपि एवं बुत्ता समाणी णो
 आदाति णो परियाणति अणादायमाणा अपरियायमणा तुसिणीया संचिट्ठति
 ५ । तते णं ताओ अंगपडियारियाओ दासचेडियाओ धारिणीए देवीए
 अणादातिज्जमाणीओ अपरिजाणिज्जमाणिओ तहेव संभंताओ समाणीओ
 धारणीए देवीए अंतियाओ पडिनिक्खमंति २ जेणोव सेणिए राया तेणोव
 उवागच्छंति २ करतलपरिग्गहियं जाव कट्टु जणं विजणं वद्धवेति
 वद्धावइत्ता एवं वदासी-एवं खलु सामी ! किंपि अज्ज धारिणीदेवी ओलुग्गा
 ओलुग्गसरीरा जाव अट्टज्जाणोवगया भियायति ६ । तते णं से सेणिए
 राया तासिं अंगपाडियारियाणं अंतिए एयमट्टं सोच्चा णिसम्म तहेव संभंते
 समाणे सिग्घं तुरियं चवलं वेइयं जेणोव धारिणीदेवी तणेव (पहारेत्थगमणाए)
 उवागच्छइ उवागच्छइत्ता धारणीं देवीं ओलुग्गं ओलुग्गसरीरं जाव
 अट्टज्जाणोवगयं भियायमाणिं पामइ पासित्ता एवं वदामी-किन्नं तुमे देव णु-
 णिए ! ओलुग्गा ओलुग्गसरीरा जाव अट्टज्जाणोवगया भियायसि ? ७ ।
 तते णं सा धारणी देवी सेणिएणं रत्ता एवं बुत्ता समाणी नो आदाइ जाव
 तुसिणीया संचिट्ठति ८ । तते णं से सेणिए राया धारणीं देवीं दोच्चंपि
 तच्चंपि एवं वदासी-किन्नं तुमे देवाणुणिए ! ओलुग्गा जाव भियायसि ?
 ९ । तते णं सा धारिणीदेवी सेणिएणं रत्ता दोच्चंपि तच्चंपि एवं बुत्ता
 समाणी णो आदाति णो परिजाणाति तुसिणीया संचिट्ठइ १० । तते णं
 सेणिए राया धारणिं देविं सवहसावियं करेइ २ ता एवं वयासी-किराणं
 (किराहं किराणं) तुमं देवाणुणिए ! अहमेयस्स अट्टस्म अणारिहे सवणायाए,
 ता णं तुमं ममं अयमेयारूवं मणोमाणसियं दुक्खं रहस्सी करेसि ? ११ । तते
 णं सा धारिणीदेवी सेणिएणं रत्ता सवहसाविया समाणी सेणियं रायं एवं
 वदासी-एवं खलु सामी ! मम तस्स उरालस्स जाव महासुमिणस्स तिरहं

मासाणं बहुपडिपुत्राणां अयमेयारूवे अकालमेहेसु दोहले पाउञ्भूए-धन्नाओ णं
 ताओ अम्मयाओ कयत्थाओ णं ताओ अम्मयाओ जाव वेभारगिरिपायमूलं
 आहिण्डमाणीओ डोहलं विणित्ति, तं जइ णं अहमवि जाव डोहलं विणिज्जामि,
 तते णं हं सामी ! अयमेयारूवंसि अकालदोहलंसि अविणिज्जमाणांसि
 ओलुग्गं जाव अट्टज्झाणोवगया भियायामि, एएणं अहं कारणेणं सामी !
 ओलुग्गं जाव अट्टज्झाणोवगया भियायामि १२ । तते णं से सेणिए
 राया धारिणीए देवीए अंतिए एयमट्टं सोचा णिसम्म धारिणिं देविं एवं
 वदासी-मा णं तुमं देवाणुप्पिए ! ओलुग्गा जाव भियाहि, अहं णं तहा
 जत्तिहामि (करिस्सामि) जहा णं तुब्भं अयमेयारूवस्स अकालदोहलस्स
 मणोरहसंयत्ती भविस्सइत्तिकट्टु धारिणीं देवीं इट्ठाहिं कंताहिं पियाहिं मणु-
 न्नाहिं मणामाहिं वग्गूहिं समासासेइ २ जेणेव बाहिरिया उवट्ठाणसाला
 तेणामेव उवागच्छइ उवागच्छइत्ता सीहासणवरगते पुरत्थाभिमुहे सन्निसन्ने
 धारिणीए देवीए एयं अकालदोहलं बहुहिं आएहि य उवाएहि य उप्पत्ति-
 याहि य वेणइयाहि य कम्मियाहि य परिणामियाहि य चउव्विहाहिं बुद्धीहिं
 अणुचितेमाणे २ तस्स दोहलस्स आयं वा उवायं वा ठिइं वा कमं वा
 (उप्पत्तिं वा) अविंदमाणे ओहयमाणसंकप्पे जाव भियायति १३
 ॥ सूत्रं १४ ॥ तदाणंतरं अभए कुमारे गहाते कयवलिकम्मे जाव सव्वालं-
 कारवि-सूसिए पायवंदते पहारेत्थ गमणाए १ । तते णं से अभयकुमारे
 जेणेव सेणिए राया तेणेव उवागच्छइ उवागच्छइत्ता सेणियं ओहयमाण-
 संकप्पं (भियायमाणं) जाव पासइ २ ता अयमेयारूवे अब्भत्थिए चित्तिए पत्थिए
 मणोगते संकप्पे समुप्पज्जित्था-अन्नया य ममं सेणिए राया एज्जमाणां पासति
 पासइत्ता आदाति परिजाणति सकारेइ सम्माणेइ आलवति संलवति अट्ठा-
 सणेणं उवणिमंतेति मत्थयंसि अग्घाति, इयाणिं ममं सेणिए राया णो
 आदाति णो परियाणइ णो सकारेइ णो सम्माणेइ णो इट्ठाहिं कंताहिं

पियाहिं मणुनाहिं (मणामाहिं) ओरालाहिं वग्गूहिं आलवति संलवति
 नो अद्दासणेणं उवणिमंतेति णो मत्थयंसि अग्घाति य, किंपि ओहयम-
 णसंकप्पे भियायति, तं भवियव्व णं एत्थ कारणेणं, तं सेयं खलु मं
 सेणियं रायं एयमट्टं पुच्छत्तए, एवं संपेहेइ २ जेणामेव सेणिए राया
 तेणामेव उवागच्छइ २ करयलपरिग्गहियं सिरसावत्तं मत्थए अंजलि
 कट्टु जएणं विजएणं वद्धावेइ वद्धावइत्ता एवं वदासी-तुब्भे णं ताओ ! अन्नया
 मम एज्जमाणं पासित्ता आदाह परिजाणह जाव मत्थयंसि अग्घायह
 आसणेणं उवणिमंतेह, इयाणि ताओ ! तुब्भे ममं नो आदाह जाव नो
 आमणेणं उवणिमंतेह किंपि ओहयमणसंकप्पा जाव भियायह, तं भवि-
 यव्वं त.ओ ! एत्थ कारणेणं, तओ तुब्भे मम ताओ ! एयं कारणं अगू-
 हेमाणा असंकेमाणा अनिरहवेमाणा अप्पच्छाएमाणा जहाभूतमावतहम-
 संदिद्धं एयमट्टमाइक्खह, तते णं हं तस्स कारणस्स अंतगमणं गमिस्सामि
 २ । तते णं से सेणिए राया अभएणं कुमारेणं एवं वुत्ते समाणे अभय-
 कुमारं एवं वदासी—एवं खलु पुत्ता ! तव चुल्लमाउयाए धारिणीए देवीए
 तरस गम्भस्स दोसु मासेसु अइक्कंतेसु तइयमासे वट्टमाणे दोहलकाल-
 समयंसि अयमेयारूवे दोहले पाउब्भवित्था-धन्नाओ णं ताओ अम्मयाओ
 तहेव निरवसेसं भाणियव्वं जाव विणिति, तते णं अहं पुत्ता धारिणीए
 देवीए तस्स अकालदोहलस्स बहूहिं आएहि य उवाएहिं जाव उप्पत्तिं
 अविदमाणे ओहयमणसंकप्पे जाव भियायामि, तुमं आगयंपि न याणामि,
 तं एतेणं कारणेणं अहं पुत्ता ! ओहय जाव भियामि ३ । तते णं से
 अभयकुमारे सेणियस्स रत्तो अंतिए एयमट्टं सोच्चा णिसम्म हट्ट जाव
 हियए सेणियं रायं एवं वदासी—मा णं तुब्भे ताओ ! ओहयमण जाव
 भियायह, अहरणं तदा करिस्सामि जहा णं मम चुल्लमाउयाए धारिणीए
 देवीए अयमेयारूवस्स अकालदोहलस्स मणोरहसंपत्ती भविस्सइत्तिकट्टु

सेणियं रायं ताहिं इट्टाहिं कंताहिं जाव समासासेइ ४ । तते णं सेणिए राया अभयेणं कुमारेणं एवं दुत्ते समाणो हट्टुट्टे जाव अभयकुमारं सकारेति समाणोति २ पडिविसज्जेति ५ ॥ सूत्रं १५ ॥

तते णं से अभयकुमारे सकारियसम्माणिए पडिविसज्जिए समाणो सेणियस्स रत्तो अनियात्थो पडिनिवस्वमइ २ जेणामेव सए भवणो तेणा-मेव उवागच्छति २ सीहासणो निसन्ने १ । तते णं तस्स अभयकुमारस्स अयमेयारूवे अब्भत्थिए जाव समुप्पज्जित्था-नो खलु सका माणुस्सएणं उवाएणं मम चुल्लमाउयाए धारिणीए देवीए अकालडोहलमणोरहसंपत्ति करेत्तए णन्नत्थ दिव्वेणं उवाएणं, अत्थि णं मज्झ सोहम्मकप्पवासी पुव्वसंगतिए देवे महिद्धीए जाव महामोक्खे, तं सेयं खलु मम पोसहसालाए पोसहियस्स बंभचारिस्स उम्मुक्क-मणिसुवन्नस्स ववगय-मालावन्नग-विले-वणस्स निक्खित्त-सत्थमुसलस्स एगस्स अवीयस्स दब्भसंथारोवगयस्स अट्टमभत्तं परिगिरिहत्ता पुव्वसंगतियं देवं मणसि करेमाणस्स विहरित्तए, तते णं पुव्वसंगतिए देवे मम चुल्लमाउयाए धारिणीए देवीए अयमेयारूवे अकालमेहेसु डोहलं विणोहिति २ । एवं संपेहेति २ जेणोव पोसहसाला तेणामेव उवागच्छति २ पोसहसालं पमज्जति २ उच्चारपासवणभूमिं पडिलेहेइ २ दब्भसंथारगं पडिलेहेइ २ दब्भसंथारगं दुरूहइ २ अट्टमभत्तं परिगिराहइ २ पोसहसालाए पोसहिए बंभयारी जाव पुव्वसंगतियं देवं मणसि करेमाणो २ चिट्ठइ ४ । तते णं तस्स अभयकुमारस्स अट्टमभत्ते परिणममाणो पुव्वसंगतिअस्स देवस्स आसणं चलति, तते णं पुव्वसंगतिए सोहम्मकप्पवासी देवे आसणं चलियं पासति २ ओहिं पउंजति ५ । तते णं तस्स पुव्वसंगतियस्स देवस्स अयमेयारूवे अब्भत्थिए जाव समुप्प-ज्जित्था-एवं खलु मम पुव्वसंगतिए जंबूद्धीवे २ भारहे वासे दाहिणाह्भरहे वासे रायागिहे नयरे पोसहसालाए पोसहिए अभए नामं कुमारे अट्टमभत्तं

परिगिरिहत्ता रां मम मणसि करमाणे २ चिट्ठति, तं सेयं खलु मम
 अभयस्त कुमारस्त अंति ए पाउभक्ति ए ६ । एवं संपेहेइ २ उत्तरपुर-
 च्छिमं दिसीभागं अवक्रमति २ वेउव्वियसमुग्घाणां समोहणति २
 संखेज्जाइं जोयणाइं दंडं निसिरति, तंजहा-रयणाणां १ वडराणां २ वेरु-
 लियाणां ३ लोहियक्खाराणां ४ मसारगल्लाणां ५ हंसगब्भाणां ६ पुलगाणां
 ७ सोगंघेयाणां ८ जोइरसाणां ९ अंकाणां १० अंजणाणां ११ रयणाणां
 १२ जायख्खाणां १३ अंजणपुलगाणां १४ फलिहाणां १५ रिट्ठाराणां १६,
 अहात्रायरे पोग्गले परिसाडेइ २ अशसुहुमे पोग्गले परिगिरहति परि-
 गिरहइत्ता अभयकुमार-माणकंपमाणो देवे पुव्वभवजणियनेह-पीइवहुमाण-जाय-
 सोगे(जणियसोहे) तत्रो विमाणवरपुं डरीयात्रो रयणुत्तमात्रो धरणियल-गमण-
 तुरित-संजणित-गमणपयारो वाघुणित-विमल-कणग-पयरग-वडिसग(पकं-
 पमाण-चललोल-ललियपरिलंबमाण-नरमगर-तुरग-मुहसय- विणिग्गिन्नपवर-
 मोत्तिय-विरायमाण)मउडुकडाडोव-दंसणिज्जां अरोगमणि-कणग-रतण-पहकर-
 परिमंडेत(भाग)भक्तिचित्त- विणिउत्त-गमणगुण-जणियहरिसं (जणिय-)पेंखो-
 लमाण-वरललित-कुंडलुजलिय-अहियआभरण-(वयणगुण)-त्रनितसोभे गग-
 जलमलविमल-दंसणविरायमाण-ख्खे उदितोविव कोमुदीनिसाए सणिच्छ-
 रंगार-उज्जलिय मज्झभागत्थे णयणाणां दो सरयवंदो दिव्वो अहि-पज्जलुज्जलिय-
 दंसणाभिरामो उउ-लच्छि-समत जायसोहे पइट्टगंधुद्धयाभिरामो मेरुविव
 नगवरो विगुव्वियविचित्तवेसे दीवससुहाणां असंखपरिमाण-नामधेज्जाणां
 मज्झंकारेणां वोइवयमाणो उज्जोयंतो पमाण विमलाते जीवजोगं रायगिहं
 पुरवरं च अभयस्त य तस्स पासं उवयति दिव्वरूवधारी ७ ॥ सूत्रं १६ ॥
 तते रां से देवे अंतलिक्खपडिवन्ने दसद्धवन्नाइं सखिखिणियाइं पवरव-
 त्याइं परिहिए, एको ताव एसो गमो १ । अरणोऽवि गमो-ताए उक्कि-
 ट्ठाए तुरियाए चवलाए चंडाए सीहाए उद्धयाए जतिणाए छेयाए दिव्वाए

देवगतीए जेणामेव जंबुद्वीवे २ भारहे दासे जेणामेव दाहिएद्धभरहे राय-
गिहे नगरे पोसहसालाए अभयए कुमारे तेणामेव उवागच्छइ २ अंतरि-
क्खपडिवन्ने दसद्धवन्नाइं सखिखिणियाइं पवरवत्थाइं परिहिए अभयं
कुमारं एवं वयासी-अहन्नं देवाणुप्पिया ! पुव्वसंगतिए सोहम्मकप्पवासी
देवे महड्डिए जराणां तुमं पोसहसालाए अट्टमभत्तं पगिरिहत्ता गां ममं मणसि
करेमाणो चिट्ठसि तं एस गां देवाणुप्पिया ! अहं इहं हव्वमाणए, संदिमाहि
गां देवाणुप्पिया ! किं करेमि किं दलामि किं पयच्छामि किं वा ते हियइ-
च्छित्तं ? २ । तते गां से अभए कुमारे तं पुव्वसंगतियं देवं अंतलिक्खपडि-
वन्नं पासइ पासित्ता हट्टुट्टे पोसहं पारेइ २ करयलपरिगहियं जाव अंजलिं
कट्टु एवं वयासी-एवं खलु देवाणुप्पिया ! मम चुल्लमाउयाए धारिणीए देवीए
अयमेयारूवे अकालडोहले पाउब्भूते-धन्नाओ गां ताओ अम्मधाओ तहेव
पुव्वगमेणं जाव विणिज्जामि, तन्नं तुमं देवाणुप्पिया ! मम चुल्लमाउयाए
धारिणीए देवीए अयमेयारूवं अकालडोहलं विणोहि ३ । तते गां से देवे
अभएणं कुमारेणं एवं बुत्ते समाणो हट्टुट्टे अभयकुमारं एवं वदासी-तुमराणं
देवाणुप्पिया ! सुणिव्वुयवीसत्थे अच्छाहि, अहराणं तव चुल्लमाउयाए धारि-
णीए देवीए अयमेयारूवं डोहलं विणोमीतिकट्टु अभयस्स कुमारस्स अंतियाओ
पडिणिक्खमति २ उत्तरपुरच्छिमे गां वेभारपव्वए वेउव्वियसमुग्घाएणं
समोहराणाति २ संखेज्जाइं जोयणाइं दंढं निस्सरति जाव दोच्चंपि वेउव्विय-
समुग्घाएणं समोहराणाति २ खिप्पामेव सगज्जतियं सविज्जुयं सफुसियं तं
पंचवन्न-मेहणिणाओव-सोहियं दिव्वं पाउससिरिं विउव्वेइ २ जेणोव अभए
कुमारे तेणामेव उवागच्छइ २ अभयं कुमारं एवं वदासी-एवं खलु देवाणु-
प्पिया ! मए तव पियट्टयाए सगज्जिया सफुसिया सविज्जुया दिव्वा पाउस-
सिरी विउव्विया, तं विणोउ गां देवाणुप्पिया ! तव चुल्लमाउया धारिणीदेवी
अयमेयारूवं अकालडोहलं ४ । तते गां से अभयकुमारे तस्स पुव्वसंगति-

यस्स देवस्स सोहम्मकप्पवासिस्स अंतिए एयमट्टं सोच्चा णिसम्म हट्टुट्टे
 सयातो भवणाओ पडिनिक्खमति २ जेणामेव सेणिए राया तेणामेव उवाग-
 च्छति करयत्त जाव अंजलिं कट्टु एवं वदासी—एवं खलु ताओ ! मम
 पुव्वसंगतिएणं सोहम्मकप्पवामिणा देवेणं खिप्पामेव सगज्जिता सविज्जुता
 पंचवन्न मेहनिनाओव-सोभिता दिव्वा पाउससिरी विउव्विया, तं विणोउ णं
 मम चुल्लमाउया धारिणी देवी अकालदोहलं ५ । तते णं सेणिए राया
 अमयस्स कुमारस्स अंतिए एतमट्टं सोच्चा णिसम्म हट्टुट्टे जाव कोडुं विय-
 पुरिसे सहावेति सहावइत्ता एवं वदासी—खिप्पामेव भो देवाणुप्पिया !
 रायगिहं नयरं सिंघाडग-तिय-चउक-चवर-चउमुह-महापह-पहसु आसित्तोसित्त-
 विपुलवट्ट-वग्घारिय-मल्लदाम-इलावं जाव सुगंधवरगंधियं गंधवट्टिभूयं करेह य २
 मम एतमाणत्तियं पच्चप्पिणह, तते णं ते कोडुं वियपुरिसा जाव पच्चप्पिणंति ६ ।
 तते णं से सेणिए राया दोच्चंपि कोडुं वियपुरिसे सहावेइ २ एवं वदासी—खिप्पा-
 मेव भो देवाणुप्पिया ! हयगयरह-जोह-पवरकलितं चाउरंगिणि सेन्नं
 सन्नाहेह सेयणयं च गंधहत्थि परिकप्पेह, तेवि तहेव जाव पच्चप्पिणंति ७ ।
 तते णं से सेणिए राया जेणोव धारिणीदेवी तेणामेव उवागच्छति २
 धारिणीं देवीं एवं वदासी—एवं खलु देवाणुप्पिए । सगज्जिया जाव पाउ-
 ससिरी पाउब्भूता तरणं तुमं देवाणुप्पिए ! एयं अकालदोहलं विणोहि ८ ।
 तते णं सा धारिणीदेवी सेणिएणं रत्ता एवं बुत्ता समाणी हट्टुट्टा जेणा-
 मेव मज्जणघरे तेणोव उवागच्छति २ मज्जणघरं अणुपविसति २ अंतो
 अंतोउरंसि गहाता कतबलिकम्मा कतकोउय-मंगल-पायच्छिता, किं ते
 वरणायपत्तणोउर जाव आगासफालियसमप्पभं असुयं नियत्था सेयणयं
 गंधहत्थि दूरुदा समाणी अमयमहिय-फेणपुंज-सरिणगासाहिं सेयचामर-
 वालवीथणीहिं वीइज्जमाणी २ संपत्थिता ९ । तते णं से सेणिए राया
 गहाए कयबलिकम्मे जाव ससिरीए हत्थिखंधवरणए सकोरंटमल्लदामेणं

छत्तेणां धरिज्जमाणेणां चउच्चानराहिं वीइज्जमाणेणां धारिणीदेवीं पिट्टतो
 अणुगच्छति १० । तते णां सा धारिणीदेवी सेणिएणां रत्ना हत्थिखंधवर-
 गणां पिट्टतो पिट्टतो समणुगम्ममाणमग्गा हयगय-रहजोह-कलियाए चाउ-
 रंगिणीए सेणाए सद्धिं संपरिवुए महता भडचडगरवंदपरिखित्ता सव्विड्डीए
 सब्वजुइए जाव दुंदुभि-निग्घोस-नादितरवेणां रायगिहे नगरे सिघाडगति-
 गचउक्कचच्चर जाव महाइहेसु नागरजणेणां अभिनंदिज्जमाणा २ जेणामेव
 वेब्भारगिरिपव्वए तेणामेव उवागच्छति २ वेब्भारगिरि-कडग-तडपायमूले
 आगमेसु य उज्जाणोसु य काणणोसु य वणोसु वणमंडेसु य रुक्खेसु य
 गुच्छेसु य गुम्भेसु य लयासु य वल्लीसु य कंदरासु य दरीसु य चुगढीसु
 य दहेसु य कच्छेसु य नदीसु य संगमेसु य विवरतेसु य अच्छमाणी य
 पेच्छमाणी य मज्जमाणी य पत्ताणि य पुप्फाणि य फलाणि य पल्लवाणि
 य गिराहमाणी य माणेमाणी य अग्घायमाणी य परिभुंजमाणी य परि-
 भाएमाणी य वेब्भारगिरिपायमूले दोहलं विणोमाणी सब्वतो समंता
 आहिडति ११ । तते णां धारिणी देवी विणीतदोहला संपुन्नदोहला
 संपुन्नदोहला जाया यावि होत्था १२ । तते णां से धारिणीदेवी सेयण-
 यगंधहत्थि दूरुद्ध समाणी सेणिएणां हत्थिखंधवरगणां पिट्टओ २ सम-
 णुगम्ममाणमग्गा हयगय जाव रहेणां जेणेव रायगिहे नगरे तेणेव उवा-
 गच्छइ २ रायगिहं नगरं मउभंमज्जेणां जेणामेव सए भरणे तेणामेव
 उवागच्छति २ ता विउलाइं माणुस्साइं भोगभोगाइं जाव विहरति
 १३ ॥ सूत्रं १७ ॥ तते णां से अभए कुमारे जेणामेव पोसहमाला तेणा-
 मेव उवागच्छइ २ पुव्वसंगतियं देवं सकारेइ सम्माणोइ २ पडिविसज्जेति
 २, तते णां से देवे सगजियं पंचवन्नं मेहोवसोहियं दिव्वं पाउससिरिं
 पडिमाहरति २ जामेव दिसिं पाउब्भूए तामेव दिसिं पडिगते ॥ सूत्रं १८ ॥
 तते णां सा धारिणीदेवी तंसि अकालदोहलंसि विणीयंसी सम्माणियडो-

हला तस्स गब्भस्स अणुकंपणाट्टाए जयं चिट्ठति जयं आसयति जयं सुवति आहारंपिय णं आहारेमाणी णाडित्तं णातिकडुयं णातिकसायं णातिअंबिलं णातिमहुरं जं तस्स गब्भस्स हियं मियं पत्थयं देसे य काले य आहारं आहारेमाणी णाडचिन्तं णाडसोगं णाडदेराणं णाडमोहं णाडभयं णाडपरितासं(ववगय-चित्तसोयमोहभयं उदुभयमाण-परितोसा सुहेहि) भोयणा-च्छायणा-गंधमल्लालंकारेहि तं गब्भं सुहंसुहेणां परिवहरति ॥ सूत्रं १६ ॥ तते णं सा धारिणीदेवी नवरहं मासाणं बहुपडिपुत्राणं अद्धट्टमाणारातिदि-याणं वीत्तिकंताणं अद्धरत्तकालसमयंसि सुकुमालपाणिपादं जाव सब्वंगसु-दरंगं दारगं पयाया १ । तए णं ताओ अंगपडियारिआओ धारिणीं देवीं नवरहं मासाणं जाव दारगं पयायं पासन्ति २ सिग्घं तुरियं चवलं वात्थं जेणोव सेणिए राया तेणोव उवागच्छंति २ सेणियं रायं जएणां विजएणां वद्धावेति २ करयलपरिग्गहियं सिरसावत्तं मत्थए अंजलिं कट्टु एवं वदासी—एवं खलु देवाणुप्पिया ! धारिणीदेवी णवरहं मासाणं जाव दारगं पयाया तन्नं अम्हे देवाणुप्पियाणं पियं णिवेदेमो पियं भे भवउ २ । तते णं से सेणिए राया तासि अंगपडियारियाणं अंतिए एयमट्टं सोच्चा णिसम्म हट्टुट्टु जाव ताओ अंगपडियारियाओ महुरेहिं वयणेहिं विपुलेण य पुप्फगंधमल्लालंकारेणं सक्कारेति सम्माणेति २ मत्थयधोयाओ करेति पुत्ताणुपुत्तियं वित्तिं कप्पेति २ पडिविसज्जेति ३ । तते णं से सेणिए राया कोडुं वियपुरिसे सहावेति २ एवं वदासी—खिण्णामेव भो देवाणुप्पिया ! रायगिहं नगरं आसिय जाव परिगयं करेह २ चारगपरिसोहणं करेह २ त्ता माणुम्माणवद्धणं करेह २ एतमाणत्तियं पच्चप्पिणह जाव पच्चप्पिणंति ४ । तते णं से सेणिए राया अट्टारस-सेणीप्पसेणीओ सहावेति २ एवं वदासी—गच्छह णं तुब्भे देवाणुप्पिया ! रायगिहे नगरे अट्ठिभतरखाहिरिए उस्सुक्कं उक्करं अभडप्पवेसं अदंडिमक्कुडंडिमं अधारिमं अधारणिज्जं अणुद्ध-

यमुदंगं अमिलादमल्लदामं गणियावर-णाडइज्जकलियं अणोगनालायराणुचरितं
 पमुइ अपकीलियाभिरामं जहारिहं दसदिवसियं ठिडवडियं करेह २ एयमाणत्तियं
 पञ्चपिण्ह, तेवि करिंति २ तहेव पञ्चपिण्णंति ५ । तए णं से सेणिए राया
 बाहिरियाए उवट्ठाणसालाए सीहाणवणए पुरत्याभिमुहे सन्निसन्ने सइएहि
 य साहस्मिएहि य सयसाहस्सेहि य जाएहिं दाएहिं भागेहिं दलयमाणे २
 पडिच्छेमाणे २ एवं च णं विहरति ६ । तते णं तस्स अम्मापियरो पट्ठे-
 दिवसे जातकम्मं करेति २ वितियदिवसे जागरियं करेति २ ततिए दिवसे
 चंदसूरदंसणियं करेति २ एवामेव निव्वत्ते असुइजायकम्मकरणे (सुइजात-
 कम्मकरणे) संपत्ते बारसाहदिवसे विपुलं असणं पाणं स्वातिमं सातिमं
 उवक्खडावेति २ मित्त-णाति-णियग-सयण-संबंधि-परिजणं बलं च बहवे
 गणणायग दंडणायग जाव आमन्तेति ततो पच्छा रहाता कयवलिकम्मा
 कयकोउय जाव सव्वालंकारविभूमिया महतिमहालयंसि भेयणमंडवंसि तं
 विपुलं असणं पाणं स्वात्तमं सातिमं मित्तनाति-गणणायग जाव सद्धि आसा-
 एमाणा विमाएमाणा परिभाएमाणा परिभुंजेमाणां एवं च णं विहरति,
 जिमित्तभुत्ततरागतावि य णं समाणा आयंता चोक्खा परमसुइभूया तं मित्त-
 नाति-नियग-सयणसंबंधि-परिजण-गणणायग-दंडनायग जाव विपुलेणं पुष्पव-
 त्थ-गंधमल्लालंकारेणं सक्करोति सम्माणेति २ एवं वदासी-जम्हा णं अम्हं
 इमस्स दारगस्स गव्वभत्थस्स चैव समाणस्स अकालमेहेसु डोहले पाउभूते
 तं होउ णं अम्हं दारए मेहे नामेणं मेहकुमारे, तस्स दारगस्स अम्मापियरो
 अयमेयारूवं गोरणं गुणनिष्फन्नं नामधेज्जं करेति (मेहात्ति) ७ । तते णं से
 मेहकुमारे पंचधातीपरिग्गहिए, तं जहा-खीरधातीए मंडणधातीए मज्जणधातीए
 कीलावणधातीए अंकधातीए, अन्नाहि य बहूहिं खुज्जाहिं चिलाइयाहिं वाम-
 णि-वडभि वच्चरि-वउसि-जोणिय-पल्हविण-इसिणिया-चाधोरुगिणि-लासिय-
 लउसिय-दमिलि-सिंहलि-आरवि-पुलिंदि-पक्कणि-बहलि-मरुं डि सवरि-पारसीहिं

णाणादेमीहिं विदेस-परिमडियाहिं इंगित-चितिय-पत्थिय-वियाणियाहिं सदेस-
 रोवत्थ-गहितवेसाहिं निउणाकुसलाहिं विणीयाहिं चेडियाचक्कवाल-वरिसधर-
 कंचुइअ-महयरग-वंदपरिखिते हत्थाओ हत्थं संहरिज्जमाणो अंकाओ अंकं
 परिभुज्जमाणो परिगिज्जमाणो चालिज्जमाणो उवलालिज्जमाणो (उउणाच्चिज्जमाणो
 २, उवगाइज्जमाणो २, उवलालिज्जमाणो २, अवगूहिज्जमाणो २, अदयासि-
 ज्जमाणो २, परिवंदिज्जमाणो २, परिचुंविज्जमाणो २) रम्मंसि मणि-
 कोट्टिमतलंसि परिमिज्जमाणो २ णिब्वायणिब्वाघायंसि गिरिकंदर-
 मल्लीणोव चंपगपायवे सुहं सुहेणं वड्डइ ८ । तते णं तस्स मेहस्स कुमारस्स
 अम्मापियरो अणुपुव्वेणं नामकरणां च पजेमणां च एवं चंक्ममाणं च
 चालोवणयं च महता महया इड्डीमकारसमुदणं करिंसु ९ । तते णं तं
 मेहकुमारं अम्मापियरो सातिरेगट्टवासजातं चेव गब्भट्टमे वासे सोहणांसि
 तिहिकरणमुहुत्तंसि कलायरियस्स उवणोति १० । तते णं से कलायरिए
 मेहं कुमारं लेहाइयाओ गणितण्णहाणाओ सउणरुत्तपज्जवसाणाओ वाव-
 त्तरिं कलाओ सुत्तओ य अत्थओ य करणाओ य सेहावेति सिक्खा-
 वेति, तंजहा—लेहं गणियं रूवं नट्टं गीयं वाइयं सरम(ग)यं पोक्खरगयं
 समतालं जूयं १० जणवायं पासयं अट्टावयं पोरेकच्चं दगमट्टियं अन्नविहिं
 पाणविहिं वत्थविहिं विलेवणविहिं सयणविहिं २० अज्जं पहेलियं
 मागहियं गाहं गीइयं सिलोयं हिरणजुत्तिं सुवन्नजुत्तिं चुन्नजुत्तिं आभर-
 णविहिं ३० तस्सणीपडिकम्मं इत्थिलक्खणां पुरिसलक्खणां हयलक्खणां
 गयलक्खणां गोणलक्खणां कुक्कुडलक्खणां छत्तलक्खणां डंडलक्खणां अमि-
 लक्खणां ४० मणिलक्खणां कागणिलक्खणां वत्थुविज्जं खंधारमाणां
 नगरमाणां वूहं परिवूहं चारं परिचारं चक्कवूहं ५० गरुल्लवूहं सगट्टवूहं जुद्धं
 निजुद्धं जुद्धातिजुद्धं अट्टियुद्धं मुट्टियुद्धं बाहुयुद्धं लयाजुद्धं ईसत्थं
 ६० छरुपवायं धणुव्वेयं हिरन्नपागं सुवन्नपागं सुत्तखेडं वट्टखेडं

नालियाखेड पत्तच्छेज्जं कडच्छेज्जं सजीवं ७० निजीवं सऊण्णस्यमिति
१० ॥ सूत्रं २० ॥

तते णं से कलायरिए मेहं कुमारं लेहादीयात्थो गणियप्पहाणात्थो
सऊण्णस्य-पज्जवसाणात्थो बावत्तरि कलात्थो सुत्तत्थो य अत्थत्थो य कर-
णात्थो य सिहावेति सिवखावेइ सिहावेत्ता सिक्खावेत्ता अम्मापिऊणं उव-
योति, तते णं मेहस्स कुमारस्स अम्मापितरो तं कलायरियं मधुरेहि वय-
योहि विपुलेणं वत्थगंधमल्लालंकारेणं सक्कारेति सम्माणेति २ ता विपुलं
जीवियारिहं पीइदाणं दलयंति २ ता पडिविसज्जेति ॥ सूत्रं २१ ॥ तते
णं से मेहे कुमारे बावत्तरिकलापंडिए णवंगसुत्तपडिबोहिए अट्टारसविहि-
प्पगारदेसीभासाविसारए गीइरई गंधव्वनट्टकुसले हयजोही गयजोही रह-
जोही बाहुजोही बाहुप्पमही अलं भोगसमत्थे साहसिए वियालचारी जाते
यावि होत्था १ । तते णं तस्स मेहकुमारस्स अम्मापियरो मेहं कुमारं
बावत्तरिकलापंडितं जाव वियालचारी जायं पासंति २ ता अट्ट पासात-
वडिसिए करेति अब्भुग्गय-मुसियपहसिए विव मणिकणाग रयणाभत्तिचित्ते
वाउद्धूत-विजय-वेजयंती-पडागा-द्धत्ताइच्छत्तकलिए तुंगे गगणातल-मभिलं-
घमाणासिहरे जालंतर-रयणा-पंजरुम्मिल्लियव्व मणिकणागत्थूभियाए विथसित-
सयपत्तपुंडरीए तिलयरयणाद्धय-चंदच्चिए नानामणिमय दामालंकिते अंतो
वहिं च सराहे तवणिज्ज-रुइल-वालुयापत्थरे सुहफासे सस्सिरीयरूवे पासादीए
जाव पडिरूवे, एगं च णं महं भवणां करेति अण्णोगखंभ-सयसन्निविट्टं
लीलट्टिय-सालभंजियागं अब्भुग्गय-सुकय-वइर-वेतियातोरण-वररइय-सालभं-
जिया-सुसिलिट्ट-विसिट्ट-लट्टसंठित-पसत्थ-वेरुलिय-खंभ-नाणागण-कणागरयणा-
खचितउज्जलं बहुसम-सुविभत्त-निच्चिय-रमणिज्ज-भूमिभागं ईहामिय जाव
भत्तिचित्तं खंभुग्गय-वयर-वेइयापरिगयाभिरामं विज्जाहर-जमल-जुयल-जुत्तं-
पिव अच्चीसहस्स मालणीयं रूवगसहस्स-कलियं भिसमाणं भिब्भिसमाणं

चक्रबुल्लोयणलेसं सुहफासं सस्मिरीयरुवं कंचण-मणिरयण-श्रुभियागं
 नाणाविह-पंचवन्न-घंटापडाग-परिमंडियग्गसिरं(सिहरं) धवलमिरीचि-
 कवयं त्रिणिम्मयं लाउल्लोइयमहियं जाव गंधवट्टिभूयं पासादीयं
 दरिमणिज्जं अभिरुवं पडिरुवं २ ॥ सूत्रं २२ ॥ तते णं तस्स
 मेइकुमारस्स अम्मापियरो मेहं कुमारं सोहणंसि तिहिकरणक्ख-
 त्तमुहुत्तंसि सरिसियाणं सरिसव्वयाणं सरित्तयाणं सरिसजाव-
 न्नरुव-जोव्वरागुणोव्वेयाणं सरिसएहितो रायकुल्लेहितो आण्णिअहियाणं
 पसाहणट्टंगअविहव-बहुओव्वयाण-मंगलसुजंपियाहिं अट्टहिं रायवरकरणाहिं
 सद्धिं एगदिवसेणं पाणिं गिराहाविसु १ । तते णं तस्स मेहस्स
 अम्मापितरो इमं एतारुवं पीतिदाणं दलयंति अट्ट हिरराणकोडीओ अट्ट
 सुवराणकोडीओ गाहाणुसारेण* भावियायव्वं जाव पेसणकारियाओ ।
 *(गाथाइचेह नोपलभ्यन्ते, केवलं ग्रन्थान्तरानुसारेण लिख्यन्ते—“अट्टहिरण-
 सुवन्नय कोडोओ मउडकुं डला हारा । अट्टहहार एकावलो उ. मुत्तावला अट्ट
 ॥ १ ॥ कणगावलि-रयणावलि कडगजुगा तुडियजोयखोमजुगा । वडजुगपट्ट-
 जुगाइं दुकूलजुगलाइं अट्ट वग्ग)ट्ट ॥ २ ॥ सिरिहिरिधिइक्तिउ बुद्धो लच्छो
 य होंति अट्टट्ट । नंदा भदा य तला झय वय नाडाइं आसेव ॥ ३ ॥ हत्थी
 जाणा जुग्गा उ सोया तह संदमाणो गिग्गाओ । थिल्लोइ वियडजाणा रह
 गामा दास दासोओ ॥ ४ ॥ किंकरकंबुइ मयहर वरिसधरे तिबिह दोव थाले
 य । पाई थासग पल्लग कतिविय अवएड अवपक्का ॥ ५ ॥ पावीह भिसिय
 करोडियाओ पल्लंहर य पडिस्सिजा । हंसाइंहिं विसिडा आसणभेया उ अट्ट
 ॥ ६ ॥ हंसे १ कुंचे २ गरुडे ३ ओणय ४ पणए ५ य दोह ६ भइ ७ य ।
 पक्खे ८ मयरे ९ पउमे १० होइ दिसासोत्थिए ११ कारे ॥ ७ ॥ तेल्ले कोट्ट-
 समुग्गा पत्ते चोए य तगर एला य । हरियाले हिंगुलए मणोसिला सासव
 समुग्गे ॥ ८ ॥ खुज्जा चिलाइ वामणि वडभोओ बब्बरो उ वसियाओ । जोणिय
 पल्लवियाओ ईसिणिया घोरहणिया य ॥ ९ ॥ लासिय लउसिय दमिणो सिंहलि
 तह आरवो पुलिंदो य । पक्कणि बहणि मुरंदो सबरोओ पारसांओ य ॥ १० ॥
 छत्तधरो चेडीओ चामरधर-तालियंठयधरोओ । सकरोडियाधरोउ खीराती पंच

धावीओ ॥ ११ ॥ अट्टंगमद्वियाओ उम्मद्विगविगमंडियाओ य । वण्णयसुण्णय
पीसिय कोलाकारो य दवगारो ॥ १२ ॥ उच्छाविया उ तह नाडइल्ल कोडुंविणो महा-
णसिणो । भंडारि अज्जधारि पुप्फधरो पाणियधरो य ॥ १३ ॥ बलहारि । सेज्जाकारिया-
ओ अ-भंतरो उ बाहिरिया । पडिहारी मालारी पेसणकारोउ चट्ट ॥ १४ ॥)

अन्नं च विपुलं धणकण्णग-रयण-मणिमोत्तिय-संखसिलप्पवाल-रत्त-
रयणसंत-सारसावतेज्जं अलाहि जाव आसत्तमाथो कुलवंसाथो पकामं दाउं
पकामं भोत्तुं पकामं परिभाएउं २ । तते णं से मेहे कुमारे एगमेगाए भारियाए
एगमेगं हिरण्णकोडिं दलयति एगमेगं सुवन्नकोडिं दलयति जाव एगमेगं
पेणणकारिं दलयति, अन्नं च विपुलं धणकण्णग जाव परिभाएउं दलयति
३ । तते णं से मेहे कुमारे उप्पि पासातवरगते फुट्टमाणेहिं मुइंगमत्थएहिं
वरतरुणिसंघउत्तेहिं वत्तीसइवद्धएहिं नाडएहिं उगिज्जमाणो २ उवलालिज्ज-
माणो २ सह-फरिस-रस-रूव-गंधविउले माणुस्सए कामभोगे पच्चणुभवमाणो
विहरति ४ ॥ सूत्रं २३ ॥ तेषां कालेणां २ समणे भगवं महावीरे पुव्वाणु-
पुव्वि चरमाणो गामाणुगामं दूइज्जमाणो सुहंसुहेणां विहरमाणो जेणामेव राय-
गिहे नगरे गुणसिलए चेतिए जाव विहरति १ । तते णं से रायगिहे
नगरे सिंघाडग-तिग-चउक्क-चच्चर-चउमुह-महापहपहेसु मइया बहुजणसइति
वा जाव बहवे उग्गा भोगा जाव रायगिहस्स नगरस्स मज्झमंभेणां एगदिसिं
एगाभिमुहा निग्गच्छंति, इमं च णं मेहे कुमारे उप्पि पासातवरगते फुट्टमा-
णेहिं मुयंगमत्थएहिं जाव माणुस्सए कामभोगे भुंजमाणो रायमग्गं च
ओलोएमाणो २ एवं च णं विहरति २ । तए णं से मेहे कुमारे ते बहवे उग्गे
भोगे जाव एगदिसाभिमुहे निग्गच्छमाणो पासति पासित्ता कंचुइज्जपुरिसं
सहावेति २ एवं वदासी-किन्नं भो देवाणुपिया ! अज्ज रायगिहे नगरे
इंदमहेति वा खंदमहेति वा एवं रुद्ध-सिव-वेसमाण-नाग-जक्ख-भूय-नई-तलाय-
रुक्ख-चेतिय-पव्वय-उज्जाण-गिरिजत्ताइ वा जअो णं बहवे उग्गा भोगा

जाव एगदिसिं एगाभिमुहा गिगगच्छन्ति ३ । तते गां से कंचुइज्जपुरिसे
समणस्स भगवओ महावीरस्स गहियागमणपवत्तीए मेहं कुमारं एवं वदासी-
नो खलु देवाणुणिया ! अज्ज रायगिहे नयरे इंदमहेति वा जाव गिरिज-
त्ताओ वा, जन्नं एए उग्गा जाव एगदिसिं एगाभिमुहा निग्गच्छन्ति, एवं
खलु देवाणुणिया ! समणो भगवं महावीरे आइकरे तित्थकरे जाव संपावि-
उकामे पुव्वाणुपुव्वि चरमाणो गामाणुगामं दुइज्जमाणो इहमागते इह संपत्ते
इह समोसुढे इह चैव रायगिहे नगरे गुणसिलए चेइए अहापडि जाव
विहरति ४ । ॥ सूत्रं २४ ॥ तते गां से मेहे (मेहे कुमारे) कंचुइज्जपुरिसस्स
अंतिए एतमट्टं सोका णिसम्म हट्टुट्टे कोडुवियपुरिसे सहावेति २ एवं
वदासी-खिप्पामेव भो देवाणुणिया ! चाउग्घंटं आसरहं जुत्तामेव उवट्टुवेह,
तहत्ति उवणोति १ । तते गां से मेहे गहाते जाव सव्वालंकारविभूसिए
चाउग्घंटं आसरहं दूरुढे समाणो सकोरंटमल्लदामेणं छत्तेणं धरिज्जमाणेणं
महया भड्चडगर-विंदारियाज्ज-संपरिवुडे रायगिहस्स नगरस्स मज्जं मज्जेणं
निग्गच्छति २ जेणामेव गुणसिलए चेतिए तेणामेव उवागच्छति २ ता
समणस्स भगवओ महावीरस्स छत्तातिच्छत्तं पडागातिपढागं विज्जाहरचारणे
जंभए य देवे ओवयमाणे उप्पयमाणे पासति पासित्ता चाउग्घंटाओ आसर-
हाओ पच्चोरुहति २ समणं भगवं महावीरं पंचविहेणं अभिगमेणं अभिग-
च्छति, तंजहा-सचित्ताणं दव्वाणं विउ(ओ)सरणयाए, अचित्ताणं दव्वाणं
अविउसरणयाए, एगसाडिय-उत्तरासंग-करणेणं, चवखुप्फासे अंजलिपग्गहेणं,
मणसो एगत्तीकरणेणं (एगत्तभावेणं), जेणामेव समणो भगवं महावीरे तेणा-
मेव उवागच्छति २ समणं ३ तिक्खुत्तो आदाहिणं (अयाहिणं) पदाहिणं
करेति २ वंदति णमंसइ २ समणस्स भगवओ महावीरस्स णच्चासन्ने नाति-
दूरे सुस्सूममाणो नमंसमाणो अंजलियउडे अभिमुहे विणएणं पञ्जुवासति
२ । तए गां समणो भगवं महावीरे मेहकुमारस्स तीसे य महतिमहालियाए

परिमाणं मज्जगणं विचित्तं धम्ममातिक्रवति जहा जीवा बज्झन्ति मुच्चन्ति
जह य संकिलिस्सन्ति धम्मकहा भाणियव्वा जाव परिसा पडिगया ३
॥ सूत्रं २५ ॥

तते णं से मेहे कुमारे समणस्स भगवत्थो महावीरस्स अंतिए धम्मं
सोच्चा णिसम्म हट्टुट्टे समणं भगवं महावीरं तिक्खुत्तो आदाहिणं पदाहिणं
करेति २ वंदति नमंसइ २ एवं वदासी-सइहामि णं भंते ! णिग्गंथं पावट्ठं
एवं पत्तियामि णं रोणमि णं अब्भुट्टेमि णं भंते ! निग्गंथं पावट्ठं,
एवमेयं भंते ! तहमेयं अवितहमेयं इच्छितमेयं पडिच्छियमेयं भंते ! इच्छि-
तपडिच्छियमेयं भंते ! से जहेव तं तुब्भे वदह, जं नवरं देवाणुप्पिया !
अम्मापियरो आपुच्छामि तत्थो पच्छा मुंडे भवित्ता णं पव्वइस्सामि,
अहासुहं देवाणुप्पिया ! मा पडिबंधं करेह १ । तते णं से मेहे कुमारे समणं
३ वंदति नमंसति २ जेणामेव चाउग्घंटे आसरहे तेणामेव उवागच्छति २
त्ता चाउग्घंटे आमरहं दूरूहति २ महया भडचडगरपहकरेणं रायगिहरस
नगरस्स मज्झमज्जेणं जेणामेव सए भवणो तेणामेव उवागच्छति २ ता
चाउग्घंटात्थो आसरहात्थो पच्चोरूहति २ जेणामेव अम्मापियरो तेणामेव
उवागच्छति २ ता अम्मापिउणं पावडणं करेति २ एवं वदासी-एवं
खलु अम्मयात्थो ! मए समणस्स भगवतो महावीरस्स अंतिए धम्मे णिसंते
सेवि य मे धम्मे इच्छते पडिच्छते अभिरुइए २ । तते णं तस्स मेहरस
अम्मापियरो एवं वदासी-धन्नेसि तुमं जाया ! मंपुन्नोऽसि तुमं जाया ! कयत्थो-
ऽसि तुमं जाया ! कयलक्खणोऽसि तुमं जाया ! जन्नं तुमे समणस्स ३ अंतिए धम्मे
णिसंते, सेवि य ते धम्मे इच्छते पडिच्छते अभिरुइए ३ । तते णं से मेहे कुमारे
अम्मापियरो दोच्चंपि तच्चंपि एवं वदासी-एवं खलु अम्मयातो ! मए
समणस्स ३ अंतिए धम्मे निसंते, सेवि य मे धम्मे इच्छते पडिच्छते इच्छिय-
पडिच्छए अभिरुइए, तं इच्छामि णं अम्मयात्थो ! तुब्भेहि अब्भणुत्ताए

समाणे समणस्स भगवतो महावीरस्स अंतिए मुंडे भवित्ताणं आगारातो
अण्णारियं पव्वइत्तए ४ । तने णं सा धारिणी देवी तमणिट्ठं अकंतं
अपियं अमणुन्नं अमणामं असुयपुव्वं फरुसं गिरं सोच्चा णिमम्म इमेणं
एतारुवेणं मणोमाणसिएणं महया पुत्तदुक्खेणं अभिभूता समाणी सेयागय-
रोमकूव-पगलंत-विलीणगाया सोयभर-पवेवियंगी णित्तेया दीण-विमण-वयणा
करयलमलियव्व कमलमाला तक्खण-ओलुग-दुव्वल-सरीरा लावन्न-सुन्ननि-
च्छाय-गयसिरोया पसिदिल-भूमणण्डंत-बुम्मिय-संचुन्निय-धवल-वलय-पव्वभट्ट-
उत्तरिजा सूमाल-विकिन्न-केसहत्था मुच्छावस-णट्टवेयगरुई परसुनियत्तव्वं
चंपकलया निव्वत्तमहिमव्व इंदलट्ठी विमुक्कसंधिवंधणा कोट्टिमतलंसि सव्वं-
गेहिं धमत्ति पडिया ५ । तते णं सा धारिणी देवी ससंभमोवत्तियाए
तुरियं कंचण-भिगार-मुहविण्णिग्गय-सीयल-जलविमलधाराए परिसिंचमाणा
निव्वावियगायलट्ठी उक्खेवण-तालवंटवीयणग-जणियवाएणं सफुसिएणं
अंतेउरपरिजसोणं आसासिया समाणी मुत्तावलि-सन्निगाम-पव्वडंत-अंसुधाराहिं
सिंचमाणी पथोहरे कलुणविमणदीणा रोयमाणी कंदमाणी तिप्पमाणी
सोयमाणी विलवमाणी मेहं कुमारं एवं वयासी-६ ॥ सूत्रं २६ ॥ तुमंसि-
णं जाया ! अम्हं एगे पुत्ते इट्ठे कंते पिए मणुन्ने मणामे थेज्जे वेसासिए
सम्मए बहुमए अणुमए भंडकरंडगसमाणे रयणे रयणभूते जीवियउस्सासय-
(जीविउस्सइए) हिययाणंदजणणे उंबरपुप्फं व दुल्लभे सवणयाए किमंग पुण
पासणयाए ? णो खलु जाया ! अम्हे इच्छामो खणमवि विप्पत्रोगं सहि-
त्तते तं भुंजाहि ताव जाया ! विपुले माणुस्सए कामभोगे जाव ताव वयं
जीवामो तथो पच्छा अम्हेहिं कालगतेहिं परिणयवए वड्डिय-कुलवंस-तं-
तुकज्जंमि निरावयक्खे समणस्स भगवओ महावीरस्स अंतिए मुंडे भवित्ता
आगारातो अण्णारियं पव्वइस्समसि १ । तते णं से मेहे कुमारे अम्मापि-
ऊहिं एवं वुत्ते समाणे अम्मापियरो एवं वदासी-तद्देव णं तं अम्मतायो !

जहेव गां तुम्हे ममं एवं वदह तुमंसि गां जाया ! अम्हं एगे पुत्ते तं चेव जाव निरावयवखे समणस्स ३ जाव पव्वइस्ससि, एवं खलु अम्मयात्थो ! माणुस्सए भवे अधुवे अणियए असासए वसण-सउवइवाभिभूते विज्जुलया-चंचले अणिच्चे जलबुब्बुसमाणो कुमग्गजलविंदुसन्निभे संभब्भरागसरिसे सुविण्णदंसणोवमे सडणपडणविद्धंसणधम्मे पच्छा पुरं च गां अवस्स विप्पजहणिज्जे से केणां जाणति अम्मयात्थो ! के पुव्वि गमणाए के पच्छा गमणाए ? तं इच्छामि गां अम्मयात्थो ! तुब्भेहिं अब्भणुन्नाते समाणो समणस्स भगवतो महावीरस्स जाव पव्वत्तिए २ । तते गां तं मेहं कुमारं अम्मापियरो एवं वदासी-इमातो ते जाया ! (इमात्थो ते जायात्थो विपुलकुल-बालियात्थो कला-कुसल-सव्व-कालललियसुहात्थो महवग्गुण-जुत्तनिउण-विण्णत्थोवयार-पंडियवियवखणात्थो मंजुलमिय-महुर-भणिय-हसिय-विप्पेक्खिय-गइ-विलाप-वट्ठिय-विसारियात्थो अविकल-कुलसील-सालिणीत्थो विसुद्धकुल-वंससंताण-तंतुवद्धण-पगव्वभुव्ववप्पभाविणीत्थो मणो-णुकूल-सीलसालिणीत्थो अट्ट तुब्भगुलवल्लहात्थो भज्जात्थो उत्तमात्थो निच्चं भावाणुरत्ता सव्वंगसुंदरीत्थो)सरिसियात्थो सरिसत्तयात्थो सरिसव्वयात्थो सरिस-लावन्न-रूव-जोव्वण-गुणोव्वेयात्थो सरिसेहिंनो रायकुलेहितो आणियल्लि-यात्थो भारियात्थो, तं भुंजाहि गां जाया ! एताहिं सद्धिं विपुले माणुस्सए काम-भोगे, तत्थो पच्छा भुत्तभोगे समणस्स ३ जाव पव्वइस्ससि ३ । तते गां से मेहं कुमारे अम्मापितरं एवं वदासी-तहेव गां अम्मयात्थो ! जन्नं तुब्भे ममं एवं वदह-इमात्थो ते जाया ! सरिसियात्थो जाव समणस्स ३ पव्वइ-स्ससि, एवं खलं अम्मयात्थो ! माणुस्सगा कामभोगा असुई असासया वंतासवा पित्तासवा खेलासवा सुक्कासवा सोणियासवा दुस्सासनीसासा दुरूय-मुत्त-पुरिस-पूय बहुपडिपुन्ना उच्चार-पासवण-खेल-जल्ल-सिद्धान्ण-ग-वंत-पित्त-सुक्क-सोणित-संभवा अधुवा अणितिया असासया सडण-पडण-विद्धंसण-

धम्मा पच्छा पुरं च णं अवस्सविप्पजहणिज्जा, से के णं अम्मयात्थो ! जाणंति के पुब्बि गमणाए के पच्छा गमणाए ? तं इच्छामि णं अम्मयात्थो ! जाव पव्वत्तिए ४ । तते णं तं मेहं कुमारं अम्मापितरो एवं वदासी-इमे ते जाया ! अज्जयपज्जय-पिउपज्जयागए सुबहु हिरन्ने य सुवराणो य कसे य डूसे य मण्णिमोत्तिए य संख-सिलप्पवाल-रत्तरयणा-संतसार-सावतिज्जे य अलाहि जाव आसत्तमात्थो कुलवंसात्थो पगामं दाउं पगामं भोत्तुं पकामं परिभाएउं तं अणुहोहि ताव जाव जाया ! विपुलं माणु-स्सगं इड्डिसकारसमुदयं, तत्थो पच्छा अणुभूयकल्लाणो समणास्स भगवत्थो महावीरस्स अंतिए पव्वइस्ससि ५ । तते णं से मेहे कुमारे अम्मापियरं एवं वदासी-तहेव णं अम्मयात्थो ! जराणं तं वदह इमे ते जाया ! अज्ज-ग-पज्जग पिउपज्ज-यागए जाव तत्थो पच्छा अणुभूयकल्लाणो पव्वइ-स्ससि, एवं खलु अम्मयात्थो ! हिरन्ने य सुवराणो य जाव सावतेज्जे अग्गिसाहिए चोरसाहिए रायसाहिए दाइयसाहिए मच्चुसाहिए अग्गिसा-मन्ने जाव मच्चुसामन्ने सड्ढणपड्ढण-विद्धंसण-धम्मे पच्छा पुरं च णं अव-स्स-विप्पजहणिज्जे, से के णं जाणइ अम्मयात्थो ! के जाव गमणाए तं इच्छामि णं जाव पव्वत्तिए ६ । तते णं तस्स मेहस्स कुमारस्स अम्मा-पियरो जाहे नो संचाएइ मेहं कुमारं बहूहिं विसयाणुलोमाहिं आयवणाहि य पन्नवणाहि य सन्नवणाहि य विन्नवणाहि य आघवत्तिए वा पन्नवत्तिए वा सन्नवत्तिए वा विन्नवत्तिए वा ताहे विसयपडिक्कूलाहिं संजमभउव्वेय-का-रियाहिं पन्नवणाहिं पन्नवेमाणा एवं वदासी-एस णं जाया ! निग्गंथे पावयणो सच्चे अणुत्तरे केवल्लिए पडिपुन्ने गोयाउए संसुद्धे सल्लगत्तणो सिद्धिमग्गे मुत्तिमग्गे निज्जाणमग्गे निव्वाणमग्गे सब्बदुक्खप्पहीणमग्गे, अहीव एगंतदिट्ठीए खुरो इव एगधाराए (एगंतधाराए) लोहमया इव जवा चावेयव्वा बालुयाकवले इव निरस्साए, गंगा इव महानदी पडिसोयगमणाए, महास-

मुद्दो इव भुयाहिं दुत्तरे तिक्खं चंक्रमियव्वं गरुअं लवियव्वं असिधारव्वं
संचरियव्वं, णो य खलु कप्पति जाया ! समाणां निग्गंथाणां आहाकम्मिए
वा उद्देसिए वा कीयगडे वा ठवियए वा रइयए वा दुब्भिव्वसभत्ते वा कंतार-
भत्ते वा वद्दलियाभत्ते वा गिलाणाभत्ते वा मूलभोयणो वा कंदभोयणो वा
फलभोयणो वा बीयभोयणो वा हरियभोयणो वा भोत्तए वा पायए वा, तुमं च णं
जाया ! सुहसमुच्चिए णो चेव णं दुहसमुच्चिए णालं सीयं णालं उराहं णालं खुहं
णालं पिवासं णालं वाइय-पित्तिय-सिंभिय-सन्निवाइय-विविहे रोगायंके उच्चावए
गामकंटए बावीसं परीसहोवसग्गे उदिन्ने सम्मे अहियासित्तए, तं भुंजाहि
ताव जाया ! माणुस्सए कामभोगे, ततो पच्छा भुत्तभोगी समाणस्स ३
जाव पव्वत्तिस्ससि ७ । तते णं से मेहे कुमारे अम्मापिऊहिं एवं बुत्ते समाणो
अम्मापितरं एवं वदासी-तहेव णं तं अम्मयाओ ! जन्नं तुब्भे ममं एवं
वदह एम णं जाया ! निग्गंथे पावयणो सच्चे अणुत्तरे, पुणारवि तं
चेव जाव तथो पच्छा भुत्तभोगी समाणस्स ३ जाव पव्वइस्ससि, एवं खलु
अम्मयाओ ! णिग्गंथे पावयणो कीवाणां कायराणां कापुरिसाणां
इहलोगगडिच्चद्राणां परलोगनिप्पिवासाणां दुरणुचरे पाययजणस्स णो
चेव णं धीरस्स निच्छियस्स(च्छया) ववसियस्स एथं किं दुक्करं
करणायाए ? तं इच्छामि णं अम्मयाओ ! तुब्भेहिं अम्भणुत्ताए
समाणो समाणस्स भगवओ महावीरस्स जाव पव्वइत्तए ८ ॥ सूत्रं २७ ॥
तते णं तं मेहं कुमारं अम्मापियरो जाहे नो संचाइंति बहूहिं विसयाणुलोमाहि
य विस ण्णडिकूलाहि य आघवणाहि य पन्नवणाहि य सन्नवणाहि य विन्नवणाहि
य आघवित्तए वा पन्नवित्तए वा सन्नवित्तए वा विन्नवित्तए वा ताहे अकामए
(अकामगाइं) चेव मेहं कुमारं एवं वदासी-इच्छामो ताव जाया ! एगदिवस-
मवि ते रायसिरिं पासित्तए १ । तते णं से मेहे कुमारे अम्मापितरमाणुवत्त-
माणो तुसिणीए संचिट्ठति २ । तते णं से सेणिए राया कोडुं बियपुरिसे

सदावेति २ त्ता एवं वदासी-खिप्पामेव भो देवाणुप्पिया ! मेहस्स कुमारस्स महत्थं महग्घं महरिहं विउलं रायाभिसेयं उवट्टवेह ३ । तते णं ते कोडुं-बियपुरिसा जाव तेवि तहेव उवट्टवेंति ४ । तते णं से सेणिए राया बहूहिं गणायग-दंडणायगेहि य जाव सं ररिबुडे मेहं कुमारं अट्टसएणं सोवन्नियाणं कलसाणं एवं रूपमयाणं कलसाणं सुवन्नरूपमयाणं कलसाणं मणिमयाणं कलसाणं सुवन्नमणिमयाणं कलसाणं रूपमणिमयाणं कलसाणं सुवन्नरूपम-णिमयाणं कलसाणं भोमेजाणं कलसाणं सब्बोदएहिं सब्बमट्टियाहिं सब्ब-पुफेहिं सब्बगंवेहिं सब्बमल्लेहिं सब्बोसहीहि य सिद्धत्थ एहिं य सब्बिहीए सब्बजुईए सब्बवलेणं जाव दुंदुभिनिग्घोस-णादितरवेणं महया २ रायाभि-सेएणं अभिसिंत्तति २ करयल जाव कट्टु एवं वदासी-जय जय णंदा ! जय २ भद्दा ! जय णंदा० भद्दं ते अजियं जिणोहि जियं पालयाहि जिय-मज्जे वसाहि अजियं जिणोहि सत्तुपक्खं जियं च पालेहि मित्तपक्खं जाव भरहो इव मणुयाणं रायगिहस्स नगरस्स अन्नेसिं च बहूणं गामागरनगर जाव सन्नियेसाणं आहेवच्चं जाव विहराहिति कट्टु जय २ सहं पउंजंति ४ । तते णं से मेहे राया जाते महया जाव विहरति ५ । तते णं तस्स मेहस्स रन्नो अम्मापितरो एवं वदामी-भण जाया ! किं दलयामो किं पयच्छामो किं वा ते हियइच्छिए सामत्थे(मन्ते) ? ६ । तते णं मेहे राया अम्मापितरो एवं वदासी-इच्छामि णं अम्मयाओ ! कुत्तियवणाओ रयहरणं पडिग्गहगं च उवणोह कामवयं च सदावेह ७ । तते णं से सेणिए राया कोडुं बियपुरिसे सदावेति सदा-वेत्ता एवं वदासी-गच्छह णं तुब्भे देवाणुप्पिया ! सिरिधरातो तिन्नि सयसहस्सातिं गहाय दोहिं सयसहस्सेहिं कुत्तियावणाओ रयहरणं पडि-ग्गहगं च उवणोह सयसहस्सेणं कासवयं सदावेह ८ । तते णं ते कोडुं-बियपुरिसा सेणिएणं रन्ना एवं वुत्ता समाणा हट्टुट्टा सिरिधराओ तिन्नि

सयसहस्सातिं गहाय कुत्तिदावणातो दोहिं सयसहस्सेहिं रयहरणं पडिग्गहं
च उवणोति सयसहस्सेणं कासवयं सदावेति १ । तते णं से कासवए तेहिं
कोडुं विउपरिसेहिं सदाविए समाणे हट्टे जाव हयहियए गहाते कतबलि-
कम्मे कयकोउय-मंगलपायच्छित्ते सुद्धप्पावेसातिं वत्थाइं मंगलाइं पवरपरि-
हिए अप्पमहग्घाभरणांलंकितसरीरे जेणोव सेणिए राया तेणामेव उवागच्छति
२ सेणियं रायं करयलमंजलिं कट्टु एवं वयासी-संदिमह णं देवाणुप्पिया !
जं मए करणिज्जं १० । तते णं से सेणिए राया कासवयं एवं वदासी-
गच्छाहि णं तुमं देवाणुप्पिया ! सुरभिणा गंधोदएणं णिकके हत्थपाए पक्खालेह
सेयाए चउप्फालाए पोत्तीए मुहं बंधेत्ता मेहस्स कुमारस्स चउरंगुलवज्जे
णिवस्वमणपाउग्गे अग्गकेसे कप्पेहि ११ । तते णं से कासवए सेणिएणं रत्ता
एवं वुत्ते समाणे हट्टे जाव हियए जाव पडिसुणेति २ सुरभिणा गंधोदएणं
हत्थपाए पक्खालेति २ सुद्धवत्थेणं मुहं बंधति २ ता परेणं जत्तेणं मेहस्स
कुमारस्स चउरंगुलवज्जे णिवस्वमणपाउग्गे अग्गकेसे कप्पति १२ । तते
णं तस्म मेहस्स कुमारस्स माया महरिहेणं हंसलकखणेणं पडसाडएणं
अग्गकेसे पडिच्छति २ सुरभिणा गंधोदएणं पक्खालेति २ सरसेणं गोसी-
सचंदणेणं चच्चायो दलयति २ सेयाए पोतीए बंधेति २ रयणसमुग्गयंसि
पक्खवति २ मंजूमाए पक्खवति २ हारवारिधार-सिंदुवार-द्विन्नमुत्तावलि-
पगासाइं अंसूइं विणिम्मुदमाणी २ रोयमाणी २ कंदमाणी २ विलव-
माणी २ एवं वदासी-एस णं अम्हं मेहस्स कुमारस्स अब्भुदएसु य
उस्मवेसु य पव्वेसु य तिहीसु य छणेसु य जन्नेसु य पव्वणीसु य अप-
च्छिमे दरिसणे भविस्सइत्तिकट्टु उस्सीसामूले ठ्वेति १३ । तते णं तस्स
मेहस्स कुमारस्स अम्मापितरो उत्तरावक्कमणं सीहासणं रयावेति मेहं कुमारं
दोच्चंपि तच्चंपि सेयपीयएहिं कलसेहिं गहावेति २ पम्हलसुकुमालाए
गंधकासाइयाए गायातिं लूहेति २ सरसेणं गोसीसचंदणेणं गायातिं

अणुलिङ्गति २ नासानीसासवायवोज्झं जाव हंसलक्खणं पडगसाडगं
नियंसेति २ हारं पिणद्धंति २ अद्धहारं पिणद्धंति २ एगावलिं मुत्तावलिं
कणागावलिं रयणावलिं पालंवं पायपलंवं कडगाइं तुडिगाइं केउरातिं
अंगपातिं दसमुद्धियाणं तयं कडिसुत्तयं कुंडलातिं चूडामणिं रयणुकडं मउडं
पिणद्धंति २ दिव्वं सुमण्णदामं पिणद्धंति २ दहुरमलयसुगंधिए गंधे
पिणद्धंति १४ । तते णं तं मेहं कुमारं गंठिमवेदिम-पूरिम-संघाइमेण चउ-
व्विहेणं मल्लेणं कपूरुक्खगंपिव अलंकितविभूसियं करंति १५ । तते णं
से सेणिए राया कोडुं वियपुरिसे सहावेति २ एवं वयामी-खिप्पामेव भो
देशाणुधिया ! अणो गखं मसय-सन्निविट्टं लीलट्टिय-सालभंजियागं ईहा.मि-
ग-उसभ-तुरय-नर-मगर-विहग-वालग-किन्नर-रुरु-सरभ-चमर-कुंजर-वणाजय-
पउमलय-भत्तिचित्तं घंटावलि-महुर-मण्णहरसरं सुभकंत-दरिसण्णिज्जं निउणो-
विय-मिसिमिमित्त-मण्णिरयण-घंटियाजाल-परिसित्तं अण्णुगय-वडर-वेतिया-
परिगयाभिरामं विजाहर-जमल-जंतजुत्तंपिव अचीसहस्स-मालणीयं रूदग-
सहस्सकलियं भिसमाणं भिन्भिसमाणं चक्खुलोयणलेस्सं सुहफासं सस्सि-
रीयरूवं सिग्घं तुरितं चवलं वेतियं पुरिससहस्सशाहिणीं सीयं उवट्टवेह
१५ । तते णं ते कोडुं वियपुरिसा हट्टुट्टा जाव उवट्टवेति १६ । तते णं
से मेहे कुमारं सीयं दूरूहति २ ता सीहासणवरणए पुरत्थाभिमुहे सन्नि-
सन्ने १७ । तते णं तस्स मेहस्स कुमारस्स माया राहाना कयवलिक्कम्मा
जाव अप्पमहग्घाभरणालंकियसरीरा सीयं दूरूहति २ मेहस्स कुमारस्स
दाहिणे पासे भद्दासणंसि निसीयति, तते णं तरस मेहस्स कुमारस्स
अंबधाती रयहरणं च पडिगहगं च गहाय सीयं दूरूहति २ मेहस्स
कुमारस्स वामे पासे भद्दासणंसि निसीयति, तते णं तस्स मेहस्स कुमारस्स
पिट्टो एगा वरतरुणी सिगारागार चारुवेसा संगय-गय-हस्सिय-भण्णिय-चेट्टिय-
विलास-संलाबुल्लोवनिउण-जुत्तोवयारकुसला आमेलग-जमल-जुयल-वट्टिय-

अभुन्नय-पीण-रतिय-संठित-पत्रोहरा हिम-रयय-कुर्देदुपगासं सकोरेंट-मल्लदाम-
धवलं थायवत्तं गहाय सलीलं ओहारेमाणी २ चिट्ठति, तते णं तस्स मेहस्स कुमार-
स्स दुवे वरतरुणीओ मिंगारागार-चारुवेसाओ जाव कुसलाओ सीयं दूरुहंति २
मेहस्स कुमारस्स उभओ पाति नाणामणि-कणगरयण-महारेह-तवणिज्जुज्जल-
विचित्तदंढाओ चिल्लियाओ सुहुम-वर-दीहवालाओ संखकुंद-दगरय-अमय-म-
हिय-फेणपुंज-सन्निगा णओ चामराओ गहाय सलीलं ओहारेमाणीओ २
चिट्ठति, तते णं तस्स मेहकुमारस्स एगा वरतरुणी सिंगारा जाव कुसला
सीयं जाव दूरुहति २ मेहस्स कुमारस्स पुरतो पुरत्थिमेणं चंदप्पभवइर-
वेरुलिय-विमनदंडं ताजविटं गहाय चिट्ठति, तते णं तस्स मेहस्स कुमारस्स
एगा वरतरुणी जाव सुरूवा सीयं दूरुहति २ मेहस्स कुमारस्स पुवद-वख-
गोणं सेयं रययामयं विमलसलिलपुन्नं मत्तगय-महामुहाकितिसमाणं भिंगारं
गहाय चिट्ठति १८ । तते णं तस्स मेहस्स कुमारस्स पिया कोडुं वियपुरिसे
सदावेति २ ता एवं वदासी-खिप्पामेव भो देवाणुप्पिया ! सरिसयाणं सरिसत्त-
याणं सरिक्कयाणं एगाभरणं गहित-निज्जोयाणं कोडुं वियवरतरुणाणं सहस्सं
सदावेह जाव सदावांते, तए णं कोडुं वियवरतरुणापुरिसा सेणियस्स रत्तो
कोडुं वियपुरिसेहिं सदाविया समाणा हट्ठा राहाया जाव एगाभरण-गहित-
णिज्जोया जेणामेव सेणिए राया तेणामेव उवागच्छंति २ सेणियं रायं एवं
वदापी-संदिसह णं देवाणुप्पिया ! जन्नं अम्हेहिं करणिज्जं १९ । तते णं
से सेणिए तं कोडुं विय-वर-तरुणासहस्सं एवं वदासी गच्छह णं देवाणुप्पिया !
मेहस्स कुमारस्स पुरिससहस्सवाहिणिं सीयं परिवहेह, तते णं तं कोडुं वि-
यवरतरुणासहस्सं सेणिएणं रत्ता एवं बुत्तं संतं हट्ठं तुट्ठं तस्स मेहस्स
कुमारस्स पुरिससहस्सवाहिणीं सीयं परिवहति २० । तए णं तस्स मेहस्स
कुमारस्स पुरिससहस्सवाहिणिं सीयं दूरुदस्स समाणस्स इमे अट्टट्टुमंगलया
तप्पट्टमयाए पुरितो अहाणुपुब्बीए संपट्टिया, तंजहा-सोत्थिय सरिक्क

गांदियावत वद्धमाणग भद्रासण कजस मच्छ दप्पण जाव बहवे अत्थत्थिया जाव ताहिं इट्टाहिं जाव अणवरयं अभिणंदांता य अभियुगांता य एवं वदासी-जय २ गांदा ! जय २ गांदा जय २ भद्रा ! भद्रं ते अजियाइं जिणाहिं इंदियाइं जियं च पालेहि समणधम्मं जियविग्घोऽविय वसाहि तं देव ! सिद्धिमज्जे, निहणाहि रागदोसमल्ले तवेणं धित्तिधणिय(वल्लिय)वद्ध-कच्छे, महाहि य अट्टकम्मसत्तू भाणेणं उत्तमेणं सुक्कंणं, अप्पमत्तो पावय विर्तिमरमणुत्तरं केवलं नाणं गच्छ य मोक्खं परमपयं सासयं च अयलं हंता परीसहचमुं, अभीओ परीसहोवसग्गाणं धम्मे ते अविग्घं भवउत्ति-कट्टु पुणो २ मंगलजय २ सहं पउंजंति २१ । तते गां से मेहे कुमारे रायगिहस्स नगरस्स मज्जमज्जेणं निग्गच्छति २ जेणेव गुणसिलए चेतिए तेणामेव उवागच्छति २ पुरिससहस्सवाहिणीओ सीयाओ पच्चोरुभति २२ ॥ सूत्रं २८ ॥ तते गां तस्स मेहस्स कुमारस्स अम्मापियरो मेहं कुमारं पुरओ कट्टु जेणामेव समणे भगवं महावीरे तेणामेव उवागच्छंति २ ता समणं भगवं महावीरं तिखुत्तो आयाहिणं पयाहिणं करंति २ ता वंदंति नमंसंति २ ता एवं वदासी-एस गां देवाणुप्पिया । मेहे कुमारे अहं एगे पुत्ते इट्टे कंते जाव जीवियाउसासए हिययाणंदि(हिययाणंद)जए उंबर-पुपंपि(वि)व दुल्लहे सवणायाए किमंग पुण दरिसणायाए ? से जहा नामए उप्पलेति वा पउमेति वा कुमुदेति वा पंके जाए जले संबुद्धिए नोवलिप्पइ पंकरणां णोवलिप्पइ जलरणां एवामेव मेहे कुमारे कामेसु जाए भोगेसु संबुद्धे नोवलिप्पति कामरणां नोवलिप्पति भोगरणां, एस गां देवाणुप्पिया ! संसारभउव्विगे भीए जम्मणाजरमरणाणं इच्छइ देवाणुप्पियाणं अंतिए मुंडे भवित्ता आगाराओ अणगारियं पव्वतित्तए, अम्हे गां देवाणुप्पियाणं सिस्सभिक्खं दलयामो, पडिच्छंतु गां देवाणुप्पिया ! सिस्सभिक्खं ? । तते गां से समणे भगवं महावीरे मेहस्स अम्मापिऊएहिं एवं वुत्ते समाणे एयमट्टं सम्मं पडिसुणेति

२ । तते णं से मेहे कुमारे समणस्स भगवओ महावीरस्स अंतियाओ उत्तरपुरच्छिमं दिसिभागं अवक्कमति २ ता सयमेव आवरणमल्लालंकारं ओनुयति ३ । तते णं से मेहकुमारस्स माया हंसलक्खणेणं पडसाडएणं आवरणमल्लालंकारं पडिच्छति २ हार-वारिधार-सिंदुवार-द्धिन्नमुत्ताव-लि-पगासति अंसूणि विणिम्पुयमाणी २ रोयमाणी २ कंदमाणी २ विलव-माणी २ एवं वदामी-जतियव्वं जाया ! घडियव्वं जाया ! परक्कमियव्वं जाया ! अस्सि च णं अट्टे नो पमादेयव्वं अहंमपि णं एमेव मग्गे भवउत्तिकट्टु मेहस्स कुमारस्स अम्मापियरो समणं भगवं महावीरं वंदति नमंसति २ जामेव दिसि पाउब्भूता तामेव दिसि पडिगया ४ ॥ सूत्रं २६ ॥

तते णं से मेहे कुमारे सयमेव पंचमुट्टियं लायं करेति २ जेणामेव समणे ३ तेणामेव उवागच्छति २ समणं भगवं महावीरं तिखुत्तो आयाहिणं पयाहिणं करेति २ वंदति नमंसति २ एवं वदासी-आलित्ते णं भंते ! लोए, पलित्ते णं भंते ! लोए, आलित्तपलित्ते णं भंते ! लोए जराए मरणेण य, से जहाणामए केई गाहावनी आगारंसि भियायमाणंसि जे तत्थ भंडे भवति अप्पभा(स)रे मोल्लगुरुए तं गहाय आयाए एगंतं अवक्कमति एस मे णित्थारिए समाणे पच्छा पुरा (इच्छाउरस्स) हियाए सुहाए खमाए णिस्से-साए आणुगामियत्ताए भविस्सति एवामेव ममवि एगे आयाभंडे इट्टे कंते पिए मणुन्ने मणामे एस मे नित्थारिए समाणे संसारवोच्छेयकरे भविस्सति, तं इच्छामि णं देसाणुप्पियाहिं सयमेव पव्वावियं सयमेव मुंडावियं सेहावियं भिक्खावियं सयमेव आयार-गोयर-विणायवेण्डइय-चरणकरण-जायामादावत्तियं धम्ममाइक्खियं १ । तते णं समणे भगवं महावीरे मेहं कुमारं सयमेव पव्वा-वेति सयमेव आयार जाव धम्ममात्तिक्खइ-एवं देवाणुप्पिया ! गंतव्वं चिट्ठितव्वं णिसीयव्वं तुयट्टियव्वं भुंजियव्वं भासियव्वं एवं उट्टाए उट्टाय पाणेहिं भूतेहिं जीवेहिं सत्तेहिं संजभेणं संजमित्तव्वं अरिस्स च णं अट्टे णो पमादेयव्वं २ ।

तते गां से मेहे कुमारे समणास्स भगवओ महावीरस्स अंतिए इमं एयारूवं धम्मियं उवएसं णिसम्म सम्मं पडिवज्जइ तमाणाए तह गच्छइ तह चिट्ठइ जाव उट्ठाए उट्ठाय पाणेहिं भूतेहिं जीवेहिं सत्तेहिं संजमइ ३ ॥ सूत्रं ३० ॥

जं दिवसं च गां मेहे कुमारे मुंडे भवित्ता आगाराओ अण्णगारियं पव्वइए तस्स गां दिवसस्स पुव्वावरराहकालसमयंसि समणाणां निरगंथाणां अहारातिणियाए सेज्जासंथारएसु विभज्जमाणेसु मेहकुमारस्स दारमूले सेज्जासंथारए जाए यावि होत्था १ । तते गां समणा णिगंथा पुव्वरत्तावरत्तकालसमयंसि वायणाए पुच्छणाए परियट्ठणाए धम्माणुजोगचिताए य उच्चारस्स य पासवणास्स य अइगच्छमाणा य निग्गच्छमाणा य अप्पेगतिया मेहं कुमारं हत्थेहिं संघट्टंति एवं पाएहिं सीसे पोट्टे कायंसि अप्पेगतिया ओलंडेति अप्पेगइया पोलंडेइ अप्पेगतिया पाय-रय-रेणुगुंडियं करेति २ । एवंमहालियं च गां रयणीं मेहे कुमारे णो संचाएति खणमवि अच्चिं निमीलित्तए २ । तते गां तस्स मेहस्स कुमारस्स अयमेयारूवे अत्थिए जाव समुप्पज्जित्था—एवं खलु अहं सेणियस्स रओ पुत्ते धारिणीए देवीए अत्तए मेहे जाव समणायाए, तं जया गां अहं अगारमज्जे व(आव)सामि तथा गां मम समणा णिगंथा आदायंति परिजाणंति सक्करोति सम्माणोति अट्ठाइं हेऊति पसिणाति कारणाइं वाकरणाइं आतिक्खंति इट्ठाहिं कंताहिं वग्गूहिं आलवेति संलवेति ३ । जप्पभित्तिं च गां अहं मुंडे भवित्ता आगाराओ अण्णगारियं पव्वइए तप्पभित्तिं च गां मम समणा नो आदायंति जाव नो संलवंति, अदुत्तरं च गां मम समणा णिगंथा राओ पुव्वरत्तावरत्तकालसमयंसि वायणाए पुच्छणाए जाव महालियं च गां रत्तिं नो संचाएमि अच्चिं णिमिलावेत्तए, तं सेयं खलु मज्जं कल्लं पाउप्पभायाए रयणीए जाव तेयसा जलंते समणां भगवं महावीरं आपुच्चित्ता पुणारवि आगारमज्जे वसित्तएत्तिकट्ठु एवं संपेहेति

२ अट्ट-दुहट्ट-वसट्ट माणसगण गिरयपट्टिरुवियं च गां तं रयणीं खवेति २
 कर्त्तं पाउप्पभायाए सुविमलाए रयणीए जाव तेयसा जलंते जेणोव
 समणो भगवं महावीरे तेणामेव उवागच्छति २ तिखुत्तो आदाहिणं पदा-
 हिणं करेइ २ वंदइ नमंसइ २ जाव पज्जुवासइ ४ ॥ सू० ३१ ॥
 तते गां मेहाति समणो भगवं महावीरे मेहं कुमारं एवं वदासी-से गाणं
 तुमं मेहा ! रात्रो पुव्वरत्तावरत्तकालसमयंसि समणोहिं निग्गंथेहिं वायणाए
 पुच्छणाए जाव महालियं च गां राइं णो संचाएमि मुहुत्तमवि अच्चि
 निमिलावेत्तए १ । तते गां तुब्भं मेहा ! इमे एयारूवे अन्भत्थिए जाव
 समुपज्जित्था-जया गां अहं अगारमज्जे वसामि तथा गां मम समणा
 निग्गंथा आदायंति जाव परियाणंति, जप्पभित्तिं च गां सुंढे भवित्ता
 आगारात्रो अणगारियं पव्वयामि तप्पभित्तिं च गां मम समणा णो
 आदायंति जाव नो परियाणंति अदुत्तरं च गां समणा निग्गंथा रात्रो
 अप्पेगतिया वायणाए जाव पायरयरेणुगुंदिं करेति २ । तं सेयं खलु
 मम कर्त्तं पाउप्पभायाए (रयणीए) समणां भगवं महावीरं आपुच्छित्ता
 पुणरवि आगारमज्जे आवसित्तएत्तिकट्ट एवं संपेहेसि २ अट्टदुहट्ट-वस-
 ट्टमाणसे जाव रयणीं खवेसि २ जेणामेव अहं तेणामेव हव्वमाणे, से
 गाणं मेहा ! एस अत्थे समट्टे १, हंता अत्थे समट्टे ३ । एवं खलु मेहा !
 तुमं इत्रो तच्चे अईए भग्गहणो वेइड्ढगिरिपायमूले वणायरेहिं णिव्वत्ति-
 यणामधेज्जे सेते संखदल-उज्जल-विमल-निम्मल-दहिघण-गोखीर-फेण-रय-
 णियरप्पयासे सत्तुस्सेहे णवायए दसपरिणाहे सत्तंगपतिट्टिए समे सुसंठिए
 सोमे समिए (सोम्मसम्मिए) सुरूवे पुरतो उदग्गे समूसियसिरे सुहासणो
 पिट्ठो वराहे अतियाकुच्छी अच्चिद्वकुच्छी अलंबकुच्छी पलंब-लंबोदरा-
 हरकरे धणुपट्टा-गइ-विसिट्टपुट्टे अलीण-पमाणजुत्त-वट्टियापीवर-गत्तावरे
 (अन्भुग्गय-मउल-मल्लिया-धवलदंते आनामिय-चावल्लिय-सवे-त्तलग्गसुंढे)

अलीणपमाण-जुत्तपुच्छे पडिपुन्न-सुचारु-कुम्भचलणो पंडुर-सुविसुद्ध-निद्ध-शि-
 स्वहय-विसतिणहे छद्दंते सुमेरुप्पभे नामं हत्थिराया होत्था, तत्थ णं तुमं
 मेहा ! बहूहिं हत्थीहिं य हत्थीणियाहिं य लोट्टणहिं य लोट्टियाहिं य
 कलभेहिं य कलभियाहिं य सद्धिं संपरिवुडे हत्थिसहस्सणायण देसण
 पागट्ठी पट्टवण जूहवई वंदपरियट्टण अन्नेसिं च बहूणां एकल्लाणां हत्थिकल-
 भाणां आहेवच्चं जाव विहरसिं ४ । तते णं तुमं मेहा ! णिच्चप्पमत्ते सद्धं
 पल्लिए कंदप्परई मोहणासीले अवितरणहे कामभोगतिसिए बहूहिं हत्थीहिं
 य जाव संपरिवुडे वेयट्टगिरिपायमूले गिरीसु य दरीसु य कुहरेसु य
 कंदरासु य उज्जरेसु य निज्जरेसु य वियरणसु य गहासु य पल्लवेसु य
 चिल्लेसु य कडयेसु य कडयपल्लेसु य तडीसु य वियडीसु य टंकंसेसु य
 कूडेसु य सिहरेसु य पब्भारेसु य मंचेसु य मालेसु य काणणोसु य वणोसु
 य वणसंडेसु य वणारईसु य नदीसु य नदीकच्छेसु य जूहेसु य संगमेसु
 य वावीसु य पोक्खरिणीसु य दीहियासु य गुंजालियासु य सरेसु
 य सरपंतियासु य सरसरपंतियासु य वणायरण्हिं दिन्नवियारे बहूहिं
 हत्थीहिं य जाव सद्धिं संपरिवुडे बहुविह-तरुपल्लव-पउर-पाणि-
 यतणो निब्भण निरुब्बिग्गे सुहंसुहेणां विहरसिं ५ । तते णं तुमं मेहा !
 अन्नया कयाई पाउस-वरिसारत्त-सरय-हेमंत-वसंतेसु कमेण पंचसु उऊसु
 समतिक्कंतेसु गिम्हकालसमयंसिं जेट्टामूलमासे पायवघंस-समुट्टिएणां सुक्क-
 तणपत्त-कयवर-मारुत-संजोग-दीविएणां महाभयंकरेणां हुयवहेणां वणदवजा-
 ला-संपलित्तेसु वणतेसु धूमाउलासु दिसासु महावायवेगेणां संघट्टिएसु
 छिन्नजालेसु आवयमाणोसु पोल्लरुक्खेसु अंतो २ भियायमाणोसु मयक्क-
 हित-विणिविट्ठ-किमिय(ण)(मव)-कहम-नदीवियरण-जिराणा-पाणीयतेसु वणतेसु
 भिगारक-दीणकंदियरवेसु खर-फरुस-अणिट्ट-रिट्ट-वाहित-विद्दुमग्गेसु दुमेसु
 तराहावस-मुक्क-पक्ख-पयडिय-जिब्भतालुय-असंपुडित्तुं ड-पक्खिसंघेसु ससं-

तेषु गिह-उहउराह-वाय-खरफरुस-चंडमारुय-सुकतणपत्त-कयवर-वाउलि-
भमंतदित्त-संभंत-सावयाउल-मिगतराहा-बद्धचिरहपट्टेसु गिरिवरेसुसंवट्टिएसु
तत्थमिय-पमव-सिरीसिवेषु अत्रदालिय-वयण-विवर-णिल्लालियग्गजीहे महं-
ततुं वइव-पुन्नकन्ने संकुचियथोर-पीवरकरे ऊसियलभूले पीणाइय-विरस-र-
डियसहेणं फोडयंतेव अंवरतलं पायदहरणं कंपयंतेव मेइणितलं विणि-
म्भुयमाणो य सीयारं सव्वतो समंता वाल्लवियाणां छिंदमाणो रवस्ससहरसा-
ति तत्थ सुबहूणि णोल्लायते विण्णट्टरट्टेव णारवरिंदे वायाइच्छेव्व पोए
मंडलवाएव्व परिब्भमंते अभिक्खणं २ लिंडणियरं पमुंचमाणो २ बहूहि
हत्थीहि य जाव सद्धिं दिसोदिसिं विण्णलाइत्था ६ । तत्थ णं तुमं मेहा !
जुन्ने जराजज्जयिदेहे आउरे भंभिए पिवासिए दुब्बले किलंते नट्टसुइए
मूढदिसाए सयातो जूहातो विण्णहूणो वणादवजालापारद्धे उराहेण तरहाए
य जुहाए य परब्भाहए समाणो भीए तत्थे तसिए उव्विग्गे संजातभए सव्वतो
समंता आधावमाणो परिधावमाणो एगं च णं महं सरं अप्पोइयं पंकवहुलं अति-
त्थेणं पाणियपाए उइन्नो ७ । तत्थ णं तुमं मेहा ! तीरमतिगते पाणियं असंपत्ते
अंतरा चेव सेयांसि विसन्ने, तत्थ णं तुमं मेहा ! पाणियं पाइस्सामित्तिकट्टु हत्थं
पसारसि, सेवि य ते हत्थे उदगं न पावति, तंतं णं तुमं मेहा !
पुणारवि कायं पच्चुद्धरिस्सामीत्तिकट्टु बलियतरायं पंकंसि खुत्ते = । तते णं तुमे
मेहा ! अन्नया कदाइ एगे चिरनिज्जूटे गयवरजुवाणए सगाओ जूहाओ करचरण-
दंत-मुसलप्पहारेहिं विण्णरद्धे समाणो तं चेव महइहं पाणीयं पादेउं समोयरेति
९ । तते णं से कलभए तुमं पासति २ तं पुव्ववेरं समरति २ आसुरुत्ते
रुट्टे कुविए चंडिकिए मिसिमिसेमाणो जेणोव तुमं तेणोव उवागच्छति २ तुम
तिक्खेहिं दंतमुसलेहिं तिक्खुत्तो पिट्टतो उच्छुभति उच्छुभित्ता पुव्ववेरं
निज्जाएति २ हट्टुत्तुट्टे पाणियं पियति २ जामेव दिसिं पाउब्भूए तामेव
दिसिं पडिगए १० । तते णं तव मेहा ! सरीरगंसि वेयणा पाउब्भवित्था

उज्जला विउला (तिउजा) कम्बुडा जाव दुरहियासा पित्तज्वर-परिणयसरीरे
दाहवक्कंतीए यावि विहरित्था ११ । तते णं तुमं मेहा ! तं उज्जलं जाव
दुरहियासं सत्तराइंदियं वेयणं वेदेसि सवीसं वाससतं परमाउं पालइत्ता
अट्टवसट्टदुहट्टे कालमासे कालं किञ्चा इहेव जंबुदीवे भारहे वासे दाहिया-
ड्ढमरहे गंगाए महाणदीए दाहियो कूले विंभगिरियामूले एगेणं मत्तवर-
गंधहत्थिणा एगाए गयवरकरेणूए कुच्चिसि गयकलभए जणिते १२ । तते
णं सा गयकलभिया णवरणं मासाणं वसंतमासंमि तुमं पयाया, तते णं तुमं
मेहा ! गम्भवासाओ विष्णुमुक्के समाणे गयकलभए यावि होत्था, रत्तुपल-
रत्तसूमाजए जासुमणारत्त-पारिजत्तय-लक्खारस-सरसकुंकुम-संभम्भरागवन्ने
इट्टे णिगस्स जूहवइणो गणियायार-कणोरुकोत्थहत्थी अणोग-हत्थिसय-
संपरिवुडे रम्भेसु गिरिकाणणोसु सुद्धंसुहेणं विहरसि १३ । तते णं तुमं
मेहा ! उम्भुक्कवालभावे जोव्वणगमणुपत्ते जूहवइणा कालधम्मणा संजुत्तेणं
तं जूहं सयमेव पडिवज्जसि १४ । तते णं तुमं मेहा ! वणयरेहिं निव्वत्तिय-
नामवेज्जे जाव चउदंते मेरुभाभे हत्थिरयणे होत्था, तत्थ णं तुमं मेहा !
सत्तुसहे (सत्तंगपइट्टिण) तहेव जाव पडिरूवे, तत्थ णं तुमं मेहा ! रत्तसइइस्स
जूहस्स आहेवच्चं जाव अणिरमेत्था, तते णं तुमं अन्नया क्याइ गिम्हकाल-
समयंसि जेट्टामूले वणदवजालापलित्तेसु वणंतेसु सुधूमाउलासु दिसासु जाव
मंडलवाणव्व तते णं परिव्वभंते भीते तत्थ जाव संजायभए बहूहिं हत्थीहि
य जाव कलभियाहि य सद्धिं संपरिवुडे सब्वतो समंता दिमोदिसिं दिप्पला-
इत्था, तते णं तव मेहा ! तं वणदवं पासिता अयमेयारूवे अण्भत्थिए जाव
समुपज्जित्था-कहियाणं मन्ने मए अयमेयारूवे अणिसंभवे अणुभूयपुव्वे ?,
तव मेहा ! लेस्साहिं विसुज्जमाणीहिं अणभवसाणेणं सोदणेणं सुभेणं परि-
णामेणं तयावरणिज्जाणं कम्माणं खओवसमेणं ईहापूह-मग्गण-गदेसणं
करेमाणस्स सन्निपुव्वे जातिसरणे समुपज्जित्था १५ । तते णं तुमं मेहा !

एयमद्दुं सम्मं अभिसमेसि, एवं खलु मया अतीए दोच्चे भवग्गहणो इहेव जंबुदावे २ भारहे वासे त्रियड्ढगिरिपायमूले जाव तत्थ णं महया अयमेया-
रूणे अग्गिसंभवे समणुभूए १६ । तते णं तुमं मेहा ! तस्सेव दिवसस्स पुञ्जावर(पत्रावर)राहकालसमयंसि नियएणं जूहेणं सद्धिं समन्नाए यावि
होत्था, तते णं तुमं मेहा ! सतुस्सेहे जाव सन्निपुब्बे जाइस्सरयो चउहंते मेरुप्पभे
नाम हत्थी होत्था १७ । तते णं तुज्जं मेहा ! अयमेयारूवे अज्ज्भत्थिए
जाव समुप्पज्जित्था—तं सेवं खलु मम इयाणिं गंगाए महानदीए दाहिणि-
ल्लंमि कूलंसि विंभगिरिपायमूले दवग्गिसंजाय(मंताण)कारणाद्दु सएणं
जूहेणं महालयं मंडलं घाइत्तएत्तिकट्टु एवं संपहेसि २ सुहंसुहेणं विहरसि
१८ । तते णं तुमं मेहा ! अन्नया कदाइं पढमपाउसंसि महावुट्टिकायंसि
सन्निवइयंसि गंगाए महानदीए अदूरसामंते बहूहिं हत्थीहिं जाव कलभियाहि
य मत्तहि य हत्थिएहिं संपरिवुडे एणं महं जोयणपरिमंडलं महतिमहालयं
मंडलं घाएसि, जं तत्थ तणं वा पत्तं वा कट्टुं वा कंटए वा लया वा बल्ली
वा खाणुं वा रुक्खे वा खुवे वा तं सव्वं तिखुत्तो आहुणिय एगंते एडेसि
२ गाएण उट्टवेसि हत्थेणं गेराहसि [२ ता] तते णं तुमं मेहा ! तस्सेव
मंडलस्स अदूरसामंते गंगाए महानदीए दाहिणिल्ले कूले विंभगिरिपाय-
मूले गिरीसु य जाव विहरसि १९ । तते णं मेहा ! अन्नया कदाइ
मज्झिमए वरिसारत्तंसि महाविट्टिकायंसि सन्निवइयंसि जेणोव से मंडले
तेणोव उवागच्छसि २ दोच्चंपि तच्चंपि मंडलं घाएसि २ एवं चरिमे वासा-
रत्तंसि महावुट्टिकायंसि सन्निवइयमाणंसि जेणोव से मंडले तेणोव उवागच्छसि
२ तच्चंपि मंडलघाणं करेसि जं तत्थ तणं वा जाव सुहंसुहेणं विहरसि
२० । अह मेहा ! तुमं गइंदभावमि वट्टमाणो कमेणं नलिणिवसा-विवहणा-
गरे हेमंते कुंदलोद्ध-उद्धत-तुसारपउरंमि अतिवकंते अहिणावे गिम्हसमयंसि
पत्ते वियट्टमाणोसु वणोसु वणकरेणु(वणारेणु)-विविहदिगणकयपंसुघाओ

कीजाकयपंसुवात्रो तुमं कुसुम(उउयकुसुम)कय-चामरकन्नपूर-परिमंडियाभि-
 रामो मयवस-विगंसंत-कडतडकिलिन्न गंधमदवारिणा सुरभिजणियगंधो करेणु-
 परिवारि यो उउसमत-जणितसोभो काले दिणायर-करपयंडे परिसोसिय-तरुवर-
 सिहर-सिरिधराये (सीहरभीमतर-दंसणिज्जे) भिगार-रवंतभेरवरवे णाणा-
 विह-पत्तकट्ट-तण-कयवरुद्धत पइमारुयाइद्ध-नहयल-पडुममाणे(डुममाणे) वाउलि-
 यादारुणतरे तगह-वस-दोसडूसिय-भमंत-विविह-सावयसमाउले भीमदरिसणिज्जे
 वट्टंते दाह्णांमि गिम्हे मारुतवस-पसर-पसरिय-वियंभिएणं अब्भहिय-
 भोमभेरव-स्वप्पगारेणं महुधारापडिय-सित्तउद्धायमाण धगधगधगं-तप्पंदु(रुद्धु)
 ङ्कुएणं दिततरसकुलिंणेणं धूममालाउलेणं सावयसयंतकरणेणं अब्भहियवण-
 दवेणं जालालोविय-निरुद्ध-धूमंधकारभीयो आयपाल(आयवालोय)महंत-तुं वइ-
 यपुन्न कन्नो आकुंचिय-थोर-पीवरकरो भयवस-(कराभोयसव्व)भयंत दित्तनयणो
 वेणेण महामेहोव्व पवणोल्लियामहल्लरुवो जेणोव कयो ते पुरा दवग्गिभय-
 भीयहियएणं अवगय-तणप्पएस-रुक्खो रुक्खोहोसो दवग्गि-संताणकारण-
 ट्ठाए जेणोव मंडले तेणोव पहारेत्थ गमणाए, एको ताव एस गमो २१ ।
 तते णं तुमं मेहा ! अन्नया कदाइं कमेणं पंचसु उऊसु समतिक्कंतेसु गिम्हकाल-
 समयंसि जेट्टामूले मासे पायवसंधंस-समुट्टिएणं जाव संवट्टिएसु मियपसु-पक्खि-
 सिरीसिवे दिसो दिसिं विप्पलायमाणोसु तेहिं बहूहिं हत्थीहिं य जाव कलभियाहि
 य सद्धिं जेणोव मंडले तेणोव पहारेत्थ गमणाए, तत्थ णं अरणो बहवे सीहा य
 वग्वा य विगया य दीविया य अच्छा य तरच्छा य पारासरा य सरभा य सियाला
 विराला सुण्हा कोला ससा कोकंतिया चित्ता चिल्ला पुव्वपविट्टा अग्गि-
 भय-विहुया-एगयत्रो विलधम्मेणं चिट्ठंति २२ । तए णं तुमं मेहा ! जेणोव
 से मंडले तेणोव उवागच्छसि २ ता तेहिं बहूहिं सीहेहिं जाव चिल्लएहि
 य एगयत्रो विलधम्मेणं चिट्ठसि, तते णं तुमं मेहा ! पाएणां
 गत्तं कंडुइस्सामीतिकट्ट पाए उक्खित्ते तंसिं च णं अंतरंसि

अन्नेहिं बलवन्तेहिं सत्तेहिं पणोलिज्जमाणे २ ससए अणुपविट्ठे २३ ।
तते णं तुमं मेहा ! गायं कंडुइत्ता पुणारवि पायं पडिनिक्खविस्सामित्तिकट्टु तं
ससयं अणुपविट्ठं पाससि २ पाणाणुकंपयाए भूयाणुकंपाए जीवाणुकंपाए सत्ता-
णुकंपयाए सो पाए अंतरा चैव संधारिए, नो चैव णं णिक्खित्ते, तते णं तुमं
मेहा ! ताए पाणाणुकंपयाए जाव सत्ताणुकंपयाए संसारे परित्तीकत्ते माणुस्साउए
निबद्धे २४ । तते णं वण्णदवे अट्ठातिज्जातिं रातिंदियाइं तं वणं भामेइ २
निट्टिए उवरए उवसंते विज्जाए याव्णि होत्था, तते णं ते बहवे सीहा य
जाव चिल्ला य तं वण्णदवं निट्टियं जाव विज्जायंत्ति पासंति २ ता अग्गि-
भयविप्पमुक्का तराहाए य छुहाए य परब्भाहया समाणा मंडलातो पडिनि-
क्खमंति २ सव्वतो समंता विप्पसरित्था, [तए णं ते बहवे हत्थि जाव
छुहाए य परब्भाहया समाणा तत्रो मंडलात्रो पडिनिक्खमंति २ दिसो
दिसिं विप्पसरित्था,] २५ । तए णं तुमं मेहा ! जुन्ने जराज्जरियदेहे
सिद्धिल-वलित-यापिणद्धगत्ते दुब्बले किलंते जुंजिए पिवासितं अत्थामे
अबले अपरक्कमे अचंक्रमणो वा टाणुखंडे वेगेण विप्पसरिस्सामित्तिकट्टु पाए
पसारेमाणे विज्जुहते विव रयतगिरिपब्भारे धरणितलंसि सव्वंगेहि य सन्निवइए,
तते णं तव मेहा ! सरीरगंसि वेयणा पाउब्भूता उज्जला जाव दाहव-
क्कंतिए यावि विहरसि, तते णं तुमं मेहा ! तं उज्जलं जाव दुरहियासं तिन्नि
राइंदियाइं वेयणं वेएमाणे विहरित्ता एगं वाससतं परमाउं पालइत्ता इहेव
जंबुदीवे २ भारहे वासे रायगिहे नयरे सेणितस्स रन्नो धारिणीए देवीए
कुब्बिसि कुमारत्ताए पच्चायाए २६ ॥ सूत्रं ३२ ॥ तते णं तुमं मेहा !
आणुपुब्बेणं गम्भवासात्रो निक्खंते समाणे उम्मुक्कबालभावे जोब्बणागमणुपत्ते
मम अंतिए मुंडे भवित्ता आगारात्रो अणगारियं पव्वइए, तं जति जाव तुमे
मेहा ! तिरिक्ख-जोणिय-भावमुवगएणं अपडिलद्ध-संमत्तरयणलंभेणं से
पाणे (पाये) पाणाणुकंपयाए जाव अंतरा चैव संधारिते नो चैव णं निक्खित्ते

किमंग पुण तुमं मेहा ! इयाणि विपुलकुल-समुब्भवेणं निरुवहय-सरीर-
दंत(पत्त)लद्धपंविदिणं एवं उट्टाण-वल-वीरिय-पुरिसगार-परकममंजुत्तेणं
मम अंतिणं मुंडे भवित्ता आगारातो अणगारियं पव्वतिणं समणो समणाणं
निगंथाणं रात्रो पुव्वरत्तावरत्त-कालसमयंसि वायणाए जाव धम्माणुओगचिंताए
य उच्चारस्स वा पासवणास्स वा अनिगच्छमाणाणं य निगच्छमाणाणं य हत्थ-
संघट्टणाणि य पाससंघट्टणाणि य जाव रयरेणुगुंडणाणि य नो सम्मं
सहासि स्वमसि तितिक्खसि अहिदासेसि ? १ । तते णं तस्स मेहस्स अणुगा-
रस्स समणास्स भगवतो महावीरस्स अंतिणं एतमट्टं सोच्चा णिसम्म सुभेहिं
परिणामेहिं पसत्थेहिं अज्झवसारोहिं लेस्साहिं विसुज्जमाणीहिं तयावरणि-
जाणं कम्माणं खओवसमेणं ईहावू(पो)ह-मग्गण-गवेसणं करेमाणस्स
सन्निपुव्वे जातीसरणे समुप्पन्ने, एतमट्टं सम्मं अभिसमेति २ । तते णं से
मेहे कुमारे समणेणं भगवया महावीरेणं संभारियपुव्व-(भवे)जातीसंभरणे
दुगुणाणीयसंवेगे आणंदयंसुपुन्नमुहे हरिसवसेणं धाराहयकदंक्कं पिव समुस्स-
सितरोमकूवे समणं भगवं महावीरं वंदति नमंसति २ ता एवं वदासी-अज्ज-
प्पभिती णं भंते ! मम दो अञ्जीणि मोत्तणं अवसेसे काए समणाणं
णिगंथाणं निसट्टेत्तिकट्टु पुणारवि समणं भगवं महावीरं वंदति नमंसति २
एवं वदासी-इच्छामि णं भंते ! इयाणिं दोच्चंपि सयमेव पव्वावियं सयमेव
मुंडावियं जाव सयमेव आयारगोयरं जायामायावत्तियं धम्ममातिक्खह ३ ।
तए णं समणो भगवं महावीरे मेहं कुमारं सयमेव पव्वावेइ जाव जायामायावत्तियं
धम्ममाइक्खइ, एवं देवाणुप्पिया ! गन्तव्वं एवं चिट्ठियव्वं एवं णिसीयव्वं एवं
तुयट्ठियव्वं एवं भुंजियव्वं भासियव्वं उट्टाय २ पाणाणं भूयाणं जीवाणं सत्ताणं
संजमेणं संजमितव्वं, तते णं से मेहे समणास्स भगवतो महावीरस्स अयमेयारुवं
धाग्मयं उवएसं सम्मं पडिच्छति २ तह चिट्ठति जाव संजमेणं संजमति,
तते णं से मेहे अणुगारे जाए ईरियासमिणं अणुगारवन्नओ भाणियव्वो ४ ।

तते णं से मेहे अणगारे समणस्स भगवतो महावीरस्स अंतिए एताख्वाणं
थेराणं सामातियमातियाणि एकारस अंगतिं अहिज्जति २ ता बहूहिं चउत्थ-
च्छट्टुट्ठम-दसम दुवालसेहिं मासद्धमासखमणेहिं अप्पाणं भावेमाणे विहरति,
तते णं समणे भगवं महावीरे रायगिहाओ नगराओ गुणसिलाओ चेत-
याओ पडिनिक्खमति २ बहिया जणवयविहारं विहरति ५ ॥ सूत्रं ३३ ॥
तते णं से मेहे अणगारे अन्नया कदाइ समणं भगवं महावीरं वंदति
नमंसति २ एवं वदासी-इच्छामि णं भंते ! तुब्भेहिं अब्भणुन्नाते समाणे
मासियं भिक्खुपडिमं उवसंपज्जित्ताणं विहरित्तए, अहासुहं देवाणुप्पिया !
मा पडिवन्धं करेह १ । तते णं से मेहे समणेणं भगवया महावीरेण अब्भ-
णुन्नाते समाणे मासियं भिक्खुपडिमं उवसंपज्जित्ताणं विहरति, मासियं
भिक्खुपडिमं अहासुत्तं अहाकप्पं अहामगं जाव समं काएणं फासेति पालेति
सोभेति तीरेति किट्ठेति सम्मं काएण फासेत्ता पालित्ता सोभेत्ता तीरेत्ता
किट्ठेत्ता पुणरवि समणं भगवं महावीरं वंदति नमंसति २ ता एवं वदासी-
इच्छामि णं भंते ! तुब्भेहिं अब्भणुन्नाते समाणे दोमासियं भिक्खुपडिमं
उवसंपज्जित्ता णं विहरित्तए २ । अहासुहं देवाणुप्पिया ! मा पडिवन्धं करेह,
जहा पढमाए अभिलावो तथा दोच्चाए तच्चाए चउत्थाए पंचमाए छम्मासि-
याए सत्तमासियाए पढमसत्तराइंदियाए दोच्चं सत्तरातिंदियाए तइयं सत्त-
रातिंदियाए अहोरातिंदियाएवि एगराइंदियाएवि ३ । तते णं से मेहे अण-
गारे बारस भिक्खुपडिमाओ सम्मं काएणं फासेत्ता पालेत्ता सोभेत्ता तीरेत्ता
किट्ठेत्ता पुणरवि वंदति नमंसइ २ ता एवं वदासी-इच्छामि णं भंते !
तुब्भेहिं अब्भणुन्नाए समाणे गुणरतणसंवच्छरं तवोकम्मं उवसंपज्जिता णं
विहरित्तए, अहासुहं देवाणुप्पिया ! मा पडिवन्धं करेह ४ । तते णं से मेहे
अणगारे पढमं मासं चउत्थं चउत्थेणं अणिविस्वत्तेणं तवोकम्मेणं दिया अणुक्कु-
डुए सुराभिमुहे आयावणभूमिए आयावेमाणे रत्ति वीरासणेणं अवाउडएणं,

दोच्चं मासं छट्ठं छट्ठेणं अणिविखत्तणं जाव अवाउडएण, तच्चं मासं
अट्ठमंअट्ठमेणं अणिविखत्तणं जाव अवाउडएण, चउत्थं मासं दसमं २
अणिविखत्तेणं तवोकम्मेणं दिया ठणुक्कुडूए सूरामिभूहे आयावणभूमिए
आयावेमाणे रत्तिं वीरासणेणं अवाउडएणं, पंचमं मासं दुवालममं २ अणिवि-
खत्तेणं तवोकम्मेणं दिया ठणुक्कुडूए सूरामिभूहे आयावणभूमिए आयावे-
माणे रत्तिं वीरासणेणं अवाउडतेणं ५ । एवं खलु एएणं अभिलावेणं छट्ठे
चोइसमं २ सत्तमे सोलसमं २ अट्ठमे अट्ठारसमं २ नवमे वीसतिमं २ दसमे बावी-
सतिमं २ एकारसमे चउव्वीसतिमं २ बारसमे छव्वीसतिमं २ तेरसमे अट्ठावी-
सतिमं २ चोइसमे तीइमं २ पंचदसमे वत्तीसतिमं २ सोलममे चउत्तंसतिमं
२ अणिविखत्तेणं तवोकम्मेणं दिया ठणुक्कुडूएणं सूरामिभूहे आयावणभूमिए
आयावेमाणे रत्तिं वीरासणेणं य अवाउडतेणं य ६ । तते णं से मेहे अणगारे
गुणरयणसंबच्छरं तवोकप्पं अहासुत्तं जाव सम्मं काएणं फासेइ पालेइ सोभेइ
तीरेइ किट्टेइ, अहासुत्तं अहाकप्पं अहामग्गं फासेत्ता पालेत्ता सोहेत्ता तीरेत्ता
किट्टेत्ता समणं भगवं महावीरं वंदति नमंसति २ बहूहिं चउत्थ-छट्ठमद-
समदुवालसेहिं मासद्धमासखमाणेहिं विचितेहिं तवोकम्मेहिं अप्पाणं भावेमाणे
विहरति ७ ॥ सूत्रं ३४ ॥ तते णं से मेहे अणगारे तेणं उरालेणं विपुलेणं
सस्सिरीएणं पयत्तेणं पग्गहिएणं कल्लाणेणं सिवेणं धन्नेणं मंगल्लेणं उदग्गेणं
उदारएणं उत्तमेणं महाणुभावेणं तवोकम्मेणं सुक्के भुक्खे लुक्खे निम्मंसे
निस्सोएिए किडिकिडियाभूए अट्टिच्चम्मावणच्छे किसे धमणिसंतए जाते यावि
होत्था, जीवं जीवेणं गच्छति जीवं जीवेणं चिट्ठति भासं भासित्ता गिलायति
भासं भासमाणे गिलायति भासं भासिस्सामित्ति गिलायति, से जहा न.मए
इंगालसगडियाइ वा कट्टसगडियाइ वा पत्तसगडियाइ वा तिलसगडियाइ वा
एरंडकट्टसगडियाइ वा उराहे दिन्ना सुक्का समाणी ससहं गच्छइ, ससहं
चिट्ठति, एवामेव महे अणगारे ससहं गच्छइ ससहं चिट्ठइ, उवाचिए तवेणं

अवचिते मंससोणिएणं हुयासणे इव भासरासिपरिच्छन्ने तवेणं तेणं
 तवतेयसिरीए अतीव अतीव उवसोभेमाणे २ चिट्ठति १ । तेणं कालेणं
 तेणं समएणं समणे भगवं महावीरे आइगरे तित्थगरे जाव पुव्वाणुपुव्वि
 चरमाणे गामाणुगामं दुतिज्जमाणे सुहंसुहेणं विहरमाणे जेणामेव राधगिहे
 नगरे जेणामेव गुणसिलए चेतिए तेणामेव उवागच्छति २ ता अहापार्डरुवं
 उगहं उग्गिगिहत्ता संजमेणं तवसा अण्णाणं भावेमाणे विहरति
 २ । तते णं तस्स मेहस्स अण्णारस्स रात्रो पुव्वरत्तावरत्तकालसमयंसि
 धम्मजागरियं जागरमाणस्स अयमेयारूवे अज्भत्थिते जाव समुपज्जित्था—
 एवं खलु अहं इमेणं उरालेणं तहेव जाव भासं भासिस्सामीति गिलामि
 तं अत्थि ता मे उट्ठाणे कम्मे बले वीरिए पुरिसक्कारपरक्कमे सद्धा धिई
 संवेगे तं जाव ता मे अत्थि उट्ठाणे कम्मे बले वीरिए पुरिसगारपरक्कमे
 सद्धा धिई संवेगे जाव इमे धम्मायरिए धम्मोवदेसए समणे भगवं महावीरे
 जिणे सुहत्थी विहरति ताव ताव मे सेयं कल्लं पाउण्णभायाए रयणीए
 जाव तेयमा जलंते सूरे समणं ३ वंदित्ता नमंसित्ता समणेणं भगवता
 महावीरेणं अज्भणुन्नायस्स समाणस्स सयमेव पंच महव्वयाइं आरुहित्ता
 गोयमादिए समणे निग्गंथे निग्गथीओ य स्वामेत्ता तहारूवेहिं कडाईहिं
 थेरेहिं सद्धिं विउलं पव्वयं सणियं सणियं दुरूहति दुरूहित्ता सयमेव
 मेहघणसन्निगासं पुद्दविसिलापट्टयं पडिलेहेत्ता संलेहणाभूसणाए भूसियस्स
 भत्ताण-पडियाइविखतस्स पात्रोवगयस्स कालं अण्णवकंखमाणस्स विहरित्तए
 ३ । एवं संपेहेति २ कल्लं पाउण्णभायाए रयणीए जाव जलंते जेणेव समणे
 भगवं महावीरे तेणेव उवागच्छति २ समणं ३ तिकखुतो आदाहिसां
 पदाहिसां करेइ २ ता वंदति नमंसति २ नच्चासन्ने नातिदूरे सुस्सूसमाणे
 नमंसमाणे अभिमुहे विण्णएणां पंजलियपुडे पज्जुवासति ४ । मेहेत्ति समणे
 भगवं महावीरे मेहं अण्णारं एवं वदासी-से ण्णं तव मेहा ! रात्रो पुव्व-

रत्तावरत्तकालसमयंसि धम्मजागरियं जागरमाणास्स अयमेयारूवे अज्भत्थिते जाव समुपज्जित्था—एवं खलु अहं इमेरां ओरालेरां जाव जेणेव अहं तेणेव हव्वमागए, से णूरां मेहा अट्टे समट्टे १, हंता अत्थि, अहासुहं देवाणा-
 प्पिया ! मा पडिबंधं करेह ५ । तते रां से मेहे अण्णारे समयोरां भगवया
 महावीरेरां अब्भणुन्नाए समाणे हट्ट जाव हियए उट्टाए उट्टेइ २ ता समाणां ३
 तिक्खुत्तो आथाहिणां पयाहिणां करेइ २ ता वंदइ नमंसइ २ ता सयमेव पंच
 महव्वयाइं आरुभेइ २ ता गोयमाति समाणे निग्गंथे निग्गंथीओ य स्वामेति
 स्वामेत्ता य तहारूवेहिं कडाईहिं थेरेहिं सद्धि विपुलं पव्वयं सणियं २
 दुरूहति २ सयमेव मेहघणा-सन्निगासं पुढविसिलापट्टयं पडिलेहति २
 उच्चारपासवणभूमि पडलेहति २ दब्भसंथारगं संथरति २ दब्भसंथारगं
 दुरूहति २ पुरत्थाभिमुहे संपलियंकनिसन्ने करयलपरिग्गहियं सिरसावत्तं
 मत्थए अंजलिं कट्टु एवं वदासी—नमोऽथु णं अरिहंताणां भगवंताणां जाव
 संपत्ताणां, णमोऽथु णं समाणास्स भगवओ महावीरस्स जाव संपाविउकामस्स
 मम धम्मायरियस्स, वंदामि णं भगवंतं तत्थगयं इहगए पासउ मे भगवं
 तत्थगते इहगतंतिकट्टु वंदति नमंसइ २ ता एवं वदासी—पुव्विपिय णं
 मए समाणास्स ३ अंतिए सव्वे पाणाइवाए पच्चक्खाए मुसावाए अदिन्नादाणे
 मेहुणे परिग्गहे कोहे माणे माया लोभे पेज्जे दोसे कलहे अब्भक्खाणे पेसुन्ने
 परपरिवाए अरतिरति मायामोसे मिच्छादंसणासल्ले पच्चक्खाते, इयाणिपि णं अहं
 तस्सेव अंतिए सव्वं पाणातिवायं पच्चक्खामि जाव मिच्छादंसणासल्लं पच्चक्खामि,
 सव्वं असणापाणाखादिमसातिमं चउव्विहंपि आहारं पच्चक्खामि जावजीवाए,
 जंपि य इमं सरीरं इट्ठं कंतं पियं जाव विविहा रोगायंका परीसहोवसग्गा
 फुसंतीतिकट्टु एयंपिय णं चरमेहिं ऊसासनिस्सासेहिं वोसिरामित्तिकट्टु
 संलेहणा-भूसणाभूसिए भत्तपाणा-पडियाइक्खिए पाओवगए कालं-अण्णवर्क-
 खमाणे विहरति, तते णं ते थेरा भगवंतो मेहस्स अण्णारस्स अगिलाए

वेयावडियं करेति ६ । तते णं से मेहे अणगारे समणस्स भगवओ महा-
वीरस्स तहारूवाणं थेराणं अंतिए सामाइयमाइयाइं एकारस अंगाइं अहि-
ज्जित्ता बहुपडिपुन्नाइं दुवालस वरिसाइं सामन्नपरियागं पाउणित्ता मासियाए
संलेहणाए अप्पाणं भोसेत्ता सट्ठिं भताइं अणसणाए छेदेत्ता आलोतिय-
पडिक्कंते उद्धियसल्ले समाहिपत्ते आणुपुव्वेणं कालगए, तते णं ते थेरा
भगवंतो मेहं अणगारं आणुपुव्वेणं कालगयं पासंति २ परिनिव्वाणवत्तियं
काउस्सगं करेति. २ मेहस्स आयारभंडयं गेराहंति २ विउलाओ
पव्वयाओ सणियं २ पव्वोरूहंति २ जेणामेव गुणसिलए चेइए जेणामेव
समणे भगवं महावीरे तेणामेव उवागच्छंति २ ता समणं ३ वंदंति नमं-
संति २ ता एवं वयासी-एवं खलु देवाणुप्पियाणं अंतेवासी मेहे णामं
अणगारे पगइभइए जाव विणीते से णं देवाणुप्पिएहिं अब्भणुन्नाए समाणे
गोतमातिए समणे निग्गंथे निग्गंथीओ य खामेत्ता अहेहिं सद्धिं विउलं
पव्वयं सणियं २ दुरूहति २ सयमेव मेघघणसन्निगासं पुढविसिलं पट्टयं
पडिलेहेति २ भत्तपाण-पडियाइक्खित्ते अणुपुव्वेणं कालगए एस णं देवाणु-
प्पिया ! मेहस्स अणगारस्स आयारभंडए ७ ॥ सूत्रं ३५ ॥

अंतेत्ति भगवं गोतमे समणं भगवं महावीरं वंदति नमंसति २ ता
एवं वदासी-एवं खलु देवाणुप्पियाणं अंतेवासी मेहे णामं अणगारे से णं
भंते ! मेहे अणगारे कालमासे कालं किच्चा कहिं गए कहिं उववन्ने ?,
गोतमादि समणे भगवं महावीरे भगवं गोयमं एवं वयासी-एवं खलु गोयगा !
मम अंतेवासी मेहे णामं अणगारे पगतिभइए जाव विणीए से णं तहारूवाणं
थेराणं अंतिए सामाइयमाइयातिं एकारस अंगातिं अहिज्जति २ बारस
भिक्षुपडिमाओ गुणारयणासंवच्छरं तवोकम्मं काणं फासेत्ता जाव किट्टेत्ता
मए अब्भणुन्नाए समाणे गोयमाइ थेरे खामेइ २ तहारूवेहिं जाव विउलं
पव्वयं दुरूहति २ दब्भसंथारगं संथरति २ दब्भसंथारोवगए सयमेव पंच

महव्वए उच्चारेइ बारस वासातिं सामराणपरिगायं पाउणित्ता मासियाए संलेहणाए अघाणं भूसित्ता सट्ठ भत्तातिं अणसणाए छेदेत्ता आलोइयप-
डिक्कंते उद्धियसल्ले समाहिपत्ते कालमासे कालं किच्चा उद्धं चंदिमसूरग-
हगण-णक्खत्तताराव्वाणं बहूइं जोयणाइं बहूइं जोयणसयाइं बहूइं जोयण-
सहस्साइं बहूइं जोयणसयसहस्साइं बहूइं जोयणकोडीओ बहूइं जोअण-
कोडाकोडीओ उद्धं दूरं उप्पडत्ता सोहंमीसाण-सणकुमार-माहिंद वंभ-लंतग-
महासुक्क सहस्साराणय-पाणयारणच्चुते तिगिण य अट्टारसुत्तरे गेवेज्ज-वि-
माणावामसए वीइवइत्ता विजए महाविमाणो देवत्ताए उववराणो, तत्थ णं
अत्थेगइयाणं देवाणं तेत्तीसं सागारोवमाइं ठिई पराणत्ता, तत्थ णं मेहस्सवि
देवस्स तेत्तीसं सागरोवमातिं ठिती पन्नत्ता १ । एस णं भंते ! मेहे देवे
ताओ देवलोयाओ आउक्खएणं ठितिक्खएणं भवक्खएणं अणांतरं चयं
चइत्ता कहिं गच्छिहिति कहिं उववज्जिहिति ? गोयमा ! महाविदेहे वासे
सिज्झिहिति बुज्झिहिति मुच्चिहिति परिनिव्वाहिति सब्बदुक्खाणमंतं
काहिति २ । एवं खलु जंबू ! समणेणं भगवया महावीरेणं आइगरेणं तित्थ-
गरेणं जाव संपत्तेणं अप्पोपालंभनिमित्तं पढमस्स नायज्झयणस्स अयमट्ठे
पन्नत्ते त्तिवेमि ३ ॥ सूत्रं ३६ ॥ पढमं अज्झयणं समत्तं ।

॥ इति प्रथममध्ययनम् ॥ १ ॥

॥२॥ अथ संघाटाख्यं द्वितीयमध्ययनम् ॥

जति णं भंते ! समणेणं भगवया महार्वारेणं पढमस्स नायज्झयणस्स
अयमट्ठे पन्नत्ते वितीयस्स णं भंते । नायज्झयणस्स के अट्ठे पन्नत्ते ? एवं
खलु जंबू ! तेणं कालेणं तेणं समएणं रायगिहे णामं नयरे होत्था वन्नओ
१ । तस्स णं रायगिहस्स नगरस्स बहिया उत्तरपुरच्छिमे दिस्सीभाए गुणसिलए
नामं चेतिए होत्था वन्नओ, तस्स णं गुणसिलयस्स चेतियस्स अदूरसामंते

एत्थ णं महं एगे जिण्णुज्जाणे यावि होत्था विण्णुदेवउले परिसड्डियनोरण्णघरे
 ना णावि इ गुग्गुम्भ-ज्जायावलि-वच्छच्छाए अणोग-वालसय-संकण्णिज्जे यावि
 होत्था २ । तस्स णं जिन्नुज्जाणस्स बहुमज्जदेसभाए एत्थ णं महं एगे भग्ग-
 कूवए यावि होत्था, तस्स णं भग्गकूवस्स अदूरसामंते एत्थ णं महं एगे मालु-
 याकच्छए यावि होत्था, किराहे किराहोभासे जाव रम्भे घनकडियडच्छाए
 महामेह-निउरंबभूते (पत्तिए पुष्पिण्ण फल्लिए हरियगरे-रिज्जमाणो सिरीए अईव
 अईव उवमोभेमाणो चिट्ठइ)वहूहि रूखेहि य गुच्छेहि य गुम्भेहि य लयाहि य
 वल्लीहि य कुसेहि य (कूविण्हिय) खाण्ण(रूत्त)ण्हिय संच्छन्ने पल्लिच्छन्ने अंतो
 भुमिरे वाहिं गंभीरे अणोग-वालसय-संकण्णिज्जे यावि होत्था ३ ॥ सूत्रं ३७ ॥
 तत्थ णं रायगिहे नगरे धराणो नामं सत्थवाहे अट्ठे दित्ते जाव विउलभत्त-
 पाणो, तस्स णं धराणस्स सत्थवाहस्स भद्दा नामं भारिया होत्था सुवुमालपा-
 णिपाया अहीण-पडिपुराण-पंचिंदियसरीरा लवखाण-वंजण-गुणोववेया
 माणुम्माण्णपमाण-पडिपुन्न-सुजात-मव्वंगसुंदरंगी ससिसोमागारा कंता पिय-
 दंसणा सुख्वा करयल-परिमिय-तिवलियमज्जा कुंडलुल्लिहिय गंडलेहा
 कोमुदि-रयणियर-पडिपुराण-सोमवदणा सिंगारागार-चारुवेसा जाव पडिख्वा
 वंभा अविआउरी जाणुकोप्परमाया यावि होत्था ॥ सूत्रं ३८ ॥ तस्स णं
 धराणस्स सत्थवाहस्स पंथए नाम दासवेडे होत्था सव्वंगसुंदरंगे मंसोवचित्ते
 बाल-कीलावण-कुसले यावि होत्था, तते णं से धराणो सत्थवाहे रायगिहे
 नयरे बहुणं नगरनिगम-सेट्ठिसत्थवाहाणं अट्ठारसराह य सेणियप्पसेणीणं
 बहुसु कज्जेसु य कुडुंबेसु य मंतेसु य जाव चक्खुभूते यावि होत्था,
 नियगस्सवि य णं कुडुंबस्स बहुसु य कज्जेसु जाव चक्खुभूते यावि होत्था
 ॥ सूत्रं ३९ ॥ तत्थ णं रायगिहे नगरे विजए नामं तकरे होत्था, पावे
 चंडालरूवे भीमतर-रूहकम्भे आरुसिय-दित्तरत्तनयणो खरफरुस-महल्ल-विगय-
 बीभत्थदाट्ठिए असंपुडितउट्ठे उद्धुयपइन्न-लंबंतमुद्धए भमरराहुवन्ने निरण्णकोसे

निराणुतात्रे दारुणो पद्मभए निसंसतिए(निसंसे) निराणुकंपे अहिब्व एगंत-
दिट्टिए खुरेव एगंतधाराए गिद्धेव आमिसतल्लिच्छे अग्गिमिव सब्वभक्खे
जलमिव सब्वगाही उवकंचण-वंचण-मायानियडि-कूडकवड-साइसंपत्रोगबहुले
चिरनगर-विणट्ट-दुट्ट-सीलायारचरित्ते ज्वपसंगी मज्जपसंगी भोज्जपसंगी मंसप-
संगी दारुणो हिययदारए (जणहियाकारए) साहसिए संधिच्छेयए उवहिए विस्सं
भघाती आलीयग-तिथभेय-लहुहत्थ-संपउत्ते परस्स दव्वहरणंमि निव्वं
अणुबद्धे तिब्वेरे रायगिहस्स नगरस्स बहुणि अइगमणाणि य निग्गमए णि
य दाराणि य अवदाराणि य छिड्ढियो य खंडीयो य नगरनिद्धमणाणि य
संवट्टणाणि य निव्वट्टणाणि य ज्वखलयाणि य पाणागाराणि य वेसागा-
राणि य तदारट्टाणाणि य तकरट्टाणाणि य तकरघराणि य सिंगाडगाणि
य तियाणि य चउकाणि य चचराणि य नागघराणि य भूयघराणि य
जक्खदेउलाणि य सभाणि य पवाणि य पणियसालाणि य सुन्नघराणि य
आभोएमाणो २ मग्गमाणो गवेसमाणो, बहुजणस्स छिद्देषु य विसमेषु य
विहुरेषु य वसणेषु य अञ्जुदणेषु य उस्सवेषु य पसवेषु य
तिहीषु य छणेषु य जन्नेषु य पव्वणीषु य मत्तपमत्तस्स य वक्खित्तस्स य
वाउलस्स य सुहितस्स य दुक्खियस्स य दिदेसत्थस्स य विप्पवसियस्स य
मग्गं च छिद्दं च विरहं च अंतरं च मग्गमाणो गवेसमाणो एवं च णं विहरति,
बहियावि य णं रायगिहस्स नगरस्स आरामेषु य उज्जाणेषु य वाविपोक्खरणी-
दीहिया-गुंजालियासरेषु य सरपंतियासु य सरसरपंतियासु य जिराणुज्जाणेषु
य भग्गकूवणेषु य मालुयाकच्छणेषु य सुसाणणेषु य गिरिकंदर-लेण-उवट्टाणेषु
य बहुजणस्स छिद्देषु य जाव एवं च णं विहरति ॥ सूत्रं ४० ॥

तते णं तीसे भद्दाए भारियाए अन्नया कयाइं पुव्वरत्तावरत्त-कालसम-
यंसि कुड्डंबजागरियं जागरमाणीए अयमेयारूवे अज्झत्थिए जाव समुप-
जित्था-अहं धरणेण सत्थवाहेण सद्धिं बहुणि वासाणि सहपरिस-रसगंध-

रूवाणि माणुस्सगाइं कामभोगाइं पच्चणुभवमाणी विहरामि, नो चेव णं अहं दारगं वा दारिगं वा पयायामि १ । तं धन्नाओ णं ताओ अम्मयाओ जाव सुलद्धे णं माणुस्सए जम्मजीवियफले तासिं अम्मयाणं जासिं मन्ने णिगयकुच्छिसंभूयातिं थण्णदुद्धलुद्धयातिं महुरसमुल्लावगातिं मम्मणपयंपियातिं थण्णमूलकक्ख-देसभागं अभिसरमाणातिं मुद्धयाइं थण्णयं पिवंति २ । ततो य कोमलकमलो-वमेहिं हत्थेहिं गिरिहऊणं उच्छंगे निवेसियाइं देंति समुल्लावए पिण सुमहुरे पुणो २ मंजुलप्पभणिते, तं अहन्नं अधन्ना अपुन्ना अलक्खणा अकयपुन्ना एत्तो एगमवि न पत्ता, तं सेयं मम कल्लं पाउप्पभायाए रयणीए जाव जलंते धराणं सत्थवाहं आपुच्छित्ता धराणोणं सत्थवाहेणं अम्मणुन्नाया समाणी सुवहुं विपुलं असणपाण-खातिमसातिमं उवक्खडावेत्ता सुवहुं पुप्फवत्थ-गंधमल्लालंकारं गहाय बहूहिं मित्तनाति-नियग-सयण-संबंधि-परिजणमहिलाहिं सद्धिं संपरिवुडा जाइं इमाइं रायगिहस्स नगरस्स बहिया णागाणि य भूयाणि य जक्खाणि य इंदाणि य खंदाणि य रुद्धाणि य सेवाणि य वेसमणाणि य तत्थ णं बहूणं नागपडिमाण य जाव वेसमणा-पडिमाण य महरिहं पुप्फच्चणियं करेत्ता जाणुपायपडियाए एवं वइत्तए—जइ णं अहं देवाणुप्पिया ! दारगं वा दारिगं वा पयायामि तो णं अहं तुब्भं जायं च दायं च भायं च अक्खयणिहिं च अणुवड्ढेमिच्चि कट्टु उवातिं उवाइत्तए ३ । एवं संपेहेति २ कल्लं जाव जलंते जेणामेव धराणो सत्थवाहे तेणामेव उवागच्छति उवागच्छित्ता एवं वदासी—एवं खलु अहं देवाणुप्पिया ! तुब्भेहिं सद्धिं बहूइं वासातिं जाव देंति समुल्लावए सुमहुरे पुणो २ मंजुलप्पभणिते तराणं अहं अधन्ना अपुन्ना अकयलक्खणा एत्तो एगमवि न पत्ता, तं इच्छामि णं देवाणुप्पिया ! तुब्भेहिं अम्मणुन्नाता समाणी विपुलं असणं ४ जाव अणुवड्ढेमि उवाइयं करेत्तए ४ । ततो णं धराणो सत्थवाहे भइं भारियं एवं वदासी—ममपि य णं खलु देवाणुप्पिए !

एस चेव मणोरहे-कहं गां तुमं दारगं दारियं वा पयाएजसि १, भदाए
 सत्यवाहीए एयमट्टमणुजाणति, तते गां सा भदा सत्यवाही धराणोणं सत्यवा-
 हेणं अब्भणुनाता समाणी हट्टुट्टु जाव हयहियया विपुलं असणपाणस्वा-
 तिमसातिमं उवक्खडावेति २ ता सुबहुं पुफ्फगंधवत्थमल्लालंकारं गेराहति
 २ सयाओ गिहाओ निग्गच्छति २ रायगिहं नगरं मज्जमंज्जेणं
 निग्गच्छति २ ता जेणोव पोक्खरिणी तेणोव उवागच्छति २ पुक्खरिणीए
 तीरे सुबहुं पुफ्फ जाव मल्लालंकारं ठवेइ २ पुक्खरिणिं ओगाहइ २ जल-
 मज्जणं करेति जलकीडं करेति २ राहाया कयवलिकम्मा उल्लपडसाडिगा
 जाइं तत्थ उप्पलाइं जाव सहस्सपत्ताइं ताइं गिराहइ २ पुक्खरिणीओ
 पच्चोरुहइ २ तं सुबहुं पुफ्फगंधमल्लं गेराहति २ जेणामेव नागघरणे य
 जाव वेसमणघरणे य तेणोव उवागच्छति २ तत्थ गां नागपडिमाणे य
 जाव वेसमणपडिमाणे य आलोए पणामं करेइ ईसिं पच्चुन्नमइ २ लोम-
 हत्थगं परामुसइ २ नागपडिमाओ य जाव वेसमणपडिमाओ य लोमहत्थेणं
 पमज्जति उदगधाराए अब्भुक्खेति २ पम्हलसुकुमालाए गंधकासाईए गायाइं
 लूहइ २ महरिहं वत्थारुहणं च मल्लारुहणं च गंधारुहणं च चुन्नारुहणं च
 वन्नारुहणं च करेति २ जाव धूवं डहति २ जानुपायपडिया पंजलिउडा
 एवं वदासी-जइ गां अहं दारगं वा दारिगं वा पयायामि तो गां अहं जायं
 च जाव अणुवड्ढे मित्ति कट्टु उवातियं करेति २ जेणोव पोक्खरिणी तेणोव
 उवागच्छति २ विपुलं असणं ४ आसाएमाणी जाव विहरति, जिमिया
 जाव सुइभूया जेणोव सए गिहे तेणोव उवागया अदुत्तरं च गां भदा
 सत्यवाही चाउहसट्टमुट्टिपुत्तमासिणीसु विपुलं असणं ४ उवक्खडावेति २
 बहवे नागा य जाव वेसमणा य उवायमाणी जाव एवं च गां विहरति
 ५ ॥ सूत्रं ४१ ॥ तते गां सा भदा सत्यवाही अन्नया कयाइ केणति
 कालंतरेणं आवन्नसत्ता जाया यावि होत्था १ । तते गां तीसे भदाए

सत्यवाहीए दोसु मासेसु वीतिकंतेसु ततिए मासे वट्टमाणो इमेयारूवे दोहले पाउब्भूते-धन्नाओ णं ताओ अम्मयाओ जाव कयलक्खणाओ णं ताओ अम्मयाओ जाओ णं विउलं असणं ४ सुबहुयं पुप्फवत्थ-गंधमत्तलालंकारं गहाय मित्तनाति-नियग-सयण-संबंधि-परियण-नयरमहिलियाहि य सद्धिं संपरिवुडाओ रायगिहं नगरं मज्झंमज्झेणं निग्गच्छंति २ जेणोव पुक्खरिणी तेणोव उवागच्छंति २ पोक्खरिणीं ओगाहंति २ राहायाओ कयवलिकम्माओ सव्वालंकारविभूसियाओ विपुलं असणं ४ आसाएमाणीओ जाव पडिभुंजेमाणीओ दोहलं विणेति एवं संपेहेति २ कल्लं जाव जलंते जेणोव धराणो सत्यवाहे तेणोव उवागच्छति २ धराणं सत्यवाहं एवं वदामी-एवं खलु देवाणुप्पिया ! मम तस्स गव्वस्स जाव विणेति तं इच्छामि णं देवाणुप्पिया ! तुब्भेहिं अब्भणुन्नाता समाणी जाव विहरित्तए अहासुहं देवाणुप्पिया ! मा पडिवंधं करेह २ । तते णं सा भद्दा सत्यवाही धराणोणं सत्यवाहेणं अब्भणुन्नाया समाणी हट्टुट्टा जाव विपुलं असणं ४ जाव राहाया जाव उल्लपडसाडगा जेणोव नागघरते जाव धूवं दहति २ पणामं करेति पणामं करेत्ता जेणोव पोक्खरिणी तेणोव उवागच्छति २ तते णं ताओ मित्तनाति जाव नगरमहिलाओ भहं सत्यवाहिं सव्वालंकारविभूसितं करेति ३ । तते णं सा भद्दा सत्यवाही ताहिं मित्तनाति-नियगसयण-संबंधिपरिजण-णागरमहिलियाहिं सद्धिं तं विपुलं असणं ४ जाव परिभुंजमाणी य दोहलं विणेति २ जामेव दिसिं पाउब्भूता तामेव दिसिं पडिगया ४ । तते णं सा भद्दा सत्यवाही संपुन्नडोहला जाव तं गव्वं सुहंसुहेणं परिवहति, तते णं सा भद्दा सत्यवाही णवराहं मासाणं बहुपडिपुन्नाणं अद्धट्टमाण राइंदियाणं सुकुमालपाणिपादं जाव दारगं पयाया ५ । तते णं तस्स दारगस्स अम्मापियरो पढमे दिवसे जातकम्मं करेति २ तहेव जाव विपुलं असणं ४ उवक्खडावेति २ तहेव मित्तनाति-निययसयण-

संबन्धि-परियणनगर-महिलियाहि य भोयावेत्ता अयमेयारूवं गोन्नं गुण-
निष्फन्नं नामधेज्जं करेति जम्हा णं अम्हं इमे दारए बहूणं नागपडिमाणा
य जाव वेसमाणपडिमाणा य उवाइयलद्धे णं ते होउ णं अम्हं इमे दारए
देवदिन्ननामेणं ६ । तते णं तस्स दारगस्स अम्मापियरो नामधिज्जं करेति
देवदिन्नेत्ति, तते णं तस्स दारगस्स अम्मापियरो जायं च दायं च भायं च
अक्खयनिहिं च अणुवद्धेति ७ ॥ सूत्रं ४२ ॥ तते णं से पंथए दासचेडए देवदि-
न्नस्स दारगस्स बालगगाही जाए, देवदिन्नं दारयं कडीए गेराहति २ बहूहिं
डिंभएहि य डिंभगाहि य दारएहि य दारियाहि य कुमारएहि अ कुमारियाहि
य सद्धिं संपरिखुडे अभिरममाणे अभिरमति १ । तते णं सा भद्दा
सत्थवाही अन्नया कयाइं देवदिन्नं दारयं गहायं कयवलिकम्मं कयकोउय-
मंगल-पायच्छित्तं सञ्चालंकारभूसियं करेति, पंथयस्स दासचेडयस्स हत्थयंसि
दलयति २ । तते णं से पंथए दासचेडए भद्दाए सत्थवाहीए हत्थाओ
देवदिन्नं दारगं कडिए गिराहति २ सयातो गिहाओ पडिनिक्खमति २
बहूहिं डिंभएहि य डिंभियाहि य जाव कुमारियाहि य सद्धिं संपरिखुडे
जेणोव रायमग्गे तेणोव उवागच्छइ २ देवदिन्नं दारगं एगंते ठवेति २
बहूहिं डिंभएहि य जाव कुमारियाहि य सद्धिं संपरिखुडे पमत्ते यावि होत्था
(विहरति) ३ । इमं च णं विजए तकरे रायगिहस्स नगरस्स बहूणि
बाराणि य अवदाराणि य तहेव जाव आभोएमाणे मग्गेमाणे गवेसेमाणे
जेणोव देवदिन्ने दारए तेणोव उवागच्छइ २ देवदिन्नं दारगं सञ्चालंकार-
विभूसियं पासति पासित्ता देवदिन्नस्स दारगस्स आभरणालंकारेसु मुच्छिए
गडिए गिद्धे अज्झोववन्ने पंथयं दासचेडं पमत्तं पासति २ दिसालोयं करेति
करेत्ता देवदिन्नं दारगं गेराहति २ कक्खंसि अल्लियावेति २ उत्तरिज्जेणं
पिहेइ २ सिग्घं तुरियं चवलं चेतियं रायगिहस्स नगरस्स अवदारेणं
निग्गच्छति २ जेणोव जिणणुज्जाणे जेणोव भग्गकूवए तेणोव उवागच्छति २

देवदिन्नं दारयं जीवियात्रो ववरोवेति २ आभरणालंकारं गेराहति २ देवदिन्नस्स दारगस्स सरीरगं निष्पाणं निच्चेट्टं जीवियविप्पजटं भग्गकूवए पक्खिवति २ जेणोव मालुयाकच्छए तेणोव उवागच्छति २ मालुयाकच्छयं अणुपविसति २ निच्चले निष्फंदे तुसिणीए दिवसं खिवेमाणे चिट्ठति ४ ।

॥ सूत्रं ४३ ॥ तते णं से पंथए दासचेडे तत्रो मुहुत्तंतरस्स जेणोव देवदिन्ने दारए ठविए तेणोव उवागच्छति २ देवदिन्नं दारगं तंसि ठाणंसि अपासमाणो रोयमाणो कंदमाणो विल्लवमाणो देवदिन्नदारगस्स सव्वतो समंता मग्गणगवेसणं करेइ २ देवदिन्नस्स दारगस्स कत्थइ सुतिं वा खुतिं वा पउत्तिं वा अलभमाणो जेणोव सए गिहे जेणोव धरणो सत्थवाहे तेणोव उवागच्छति २ धराणं सत्थवाहं एवं वदासी—एवं खलु सामी ! भद्दा सत्थवाही देवदिन्नं दारयं राहायं जाव मम हत्थंसि दलयति तते णं अहं देवदिन्नं दारयं कडीए गिराहामि २ जाव मग्गणगवेसणं करेमि तं न णज्जति णं सामि ! देवदिन्ने दारए केणइ हते वा अवहिए वा अवखित्ते वा पायवडिए धराणस्स सत्थवाहस्स एतमट्टं निवेदेति १ । तते णं से धराणो सत्थवाहे पंथयदासचेडयस्स एतमट्टं सोच्चा णिसम्म तेण य महया पुत्तसोएणाभिभूते समाणो परसुणियत्तेव चंपगपायवे धसत्ति धरणीयलंसि सव्वंगेहिं सन्निवइए २ । तते णं से धराणो सत्थवाहे ततो मुहुत्तंतरस्स आसत्थे पच्छागयपाणो देवदिन्नस्स दारगस्स सव्वतो समंता मग्गणगवेसणं करेति देवदिन्नस्स दारगस्स कत्थइ सुइं वा खुइं वा पउत्तिं वा अलभमाणो जेणोव सए गिहे तेणोव उवागच्छइ २ महत्थं पाहुडं गेराहति २ जेणोव नगरगुत्तिया तेणोव उवागच्छति २ तं महत्थं पाहुडं उवणोति उवणत्तित्ता एवं वयासी—एवं खलु देवाणुप्पिया ! मम पुत्ते भद्दाए भारियाए अत्तए देवदिन्ने नाम दारए इट्ठे जाव उंबरपुष्पंपिव दुल्लहे सवणयाए किमंग पुण पासणयाए ? ३ । तते णं सा भद्दा देवदिन्नं राहायं सव्वा-

लंकारविभूसियं पंथगस्स हत्ये दलाति जाव पायवडिए तं मम निवेदेति
तं इच्छामि णं देवाणुप्पिया ! देवदिन्नदारगस्स सव्वथो समंता मग्गणाग-
वेसणां कयं ४ । तए णं ते नगरगोत्तिया धराणेणां सत्थवाहेणां एवं वुत्ता
समाणा सन्नद्धवद्धवम्मियकवया उप्पीलिय-सरासणवट्टिया जाव गहियाउहप-
हरणा धराणेणां सत्थवाहेणां सद्धिं रायगिहस्स नगरस्स बहूणि अतिगमणाणि
य जाव पवासु य मग्गणागवेसणां करेमाणा रायगिहाओ नगराओ पडिनि-
क्खमंति २ जेणोव जिगणुज्जाणे जेणोव भग्गकूवए तेणोव उवागच्छंति २
देवदिन्नस्स दारगस्स सरीरगं निप्पाणां निच्चेट्टं जीव(जीविय)विप्पजट्ठं
पासंति २ हा हा अहो अकज्जमितिकट्टु देवदिन्नं दारगं भग्गकूवाओ
उत्तारंति २ धराणास्स सत्थवाहस्स हत्येणां दलयंति ५ ॥ सूत्रं ४४ ॥
तते णं ते नगरगुत्तिया विजयस्स तकरस्स पयमग्ग-मणागच्छमाणा
जेणोव मालुयाकच्छए तेणोव उवागच्छंति २ मालुयाकच्छयं अणुपविसंति २
विजयं तकरं समक्खं सहोढं सगेवेज्जं जीवग्गाहं गिराहंति २ अट्टिसुट्टि-
जाणुकोप्पर-पहार-संभग्ग-महियगत्तं करंति २ अवउडाबन्धणां करंति २
देवदिन्नगस्स दारगस्स आभरणां गेराहंति २ विजयस्स तकरस्स गीवाए
बंधंति २ मालुयाकच्छगाओ पडिनिक्खमंति २ जेणोव रायगिहे नगरे
तेणोव उवागच्छंति २ रायगिहं नगरं अणुपविसंति २ रायगिहे नगरे
सिंघाडग-तियचउक्क-चचरमहापहपहेसु कसप्पहारे य लयप्पहारे य छिवापहारे
य निवाएमाणा २ छारं च धूलिं च कयवरं च उवरिं पक्किरमाणा २ महया
२ सहे णं उग्घोसेमाणा एवं वदंति—एस णं देवाणुप्पिया ! विजय नामं
तकरे जाव गिद्धे विव आमिसभक्खी बालघायए बालमारए, तं नो खलु
देवाणुप्पिया ! एयस्स केति राया वा रायपुत्ते वा रायमच्चे वा अवरज्ज्भति
एत्थट्टे (नन्नत्य) अप्पणो सयातिं कम्माइं अवरज्ज्भतित्तिकट्टु जेणामेव
चारगसाला तेणामेव उवागच्छंति २ हडिबंधणां करंति २ भत्तपाणुनिरोहं

करेति २ तिसंभं कसप्पहारे य जाव निवाएमाणा २ विहरंति १ । तते गां से धराणो सत्थवाहे मित्तनाति-नियगसयण-संबंधिपरियणोणं सद्धिं रोयमाणो जाव विलवमाणो देवदिन्नस्स दारगस्स सरीरस्स महया इट्ठीसक्कारसमुदणं निहरणं करेति २ बहूइं लोतियातिं मयगकिच्चाइं करेति २ केणइ कालं-तरेणं अवगयसोए जाए यावि होत्था २ ॥ सूत्रं ४५ ॥

तते गां से धराणो सत्थवाहे अन्नया क्याइं लहूसयंसि रायावराहंसि संपलत्ते जाए यावि होत्था, तते गां ते नगरगुत्तिया धराणं सत्थवाहं गेराहंति २ जेणोव चारणे तेणोव उवागच्छंति २ चारणं अणुपवेसंति २ विजएणं तक्करेणं सद्धिं एगयत्थो हडिबंधणं करेति १ । तते गां सा भहा भारिया कल्लं जाव जलंते विपुलं असणं ४ उवक्खडेति २ भोयणपिंड- (पडि)ए क(भ)रेति २ भोयणाइं पक्खिवति लंछियमुद्दियं करेइ २ एणं च सुरभि-वारिपडिपुन्नं दगवारयं करेति २ पंथयं दासवेडं सहावेति २ एवं वदासी-गच्छ गां तुमं देवाणुप्पिया ! इमं विपुलं असणं ४ गहाय चारगसालाए धराणस्स सत्थवाहस्स उवणोहि, तते गां से पंथए भहाए सत्थवाहीए एवं वुत्ते समाणो हट्टुट्टे तं भोयणपिंडयं तं च सुरभिवरवारिपडिपुन्नं दगवारयं गेराहति २ सयात्थो गिहात्थो पडिनिक्खमति २ रायगिहे नगरे मज्झं-मज्झेणं जेणोव चारगसाला जेणोव धन्ने सत्थवाहे तेणोव उवागच्छति २ भोयणपिंडयं ठवेति २ उल्लंछति २ ता भायणाइं गेराहति २ भायणाइं धोवेति २ हत्थसोयं दलयति २ धराणं सत्थवाहं तेणं विपुलेणं असण-पाण-खाइमसाइमेणं परिवेसति, तते गां से विजए तक्करे धराणं सत्थवाहं एवं वदासी-तुमराणं देवाणुप्पिया ! मम एयात्थो विपुलातो असण-पाण-खाइम-साइमात्थो संविभागं करेहि २ । तते गां से धराणो सत्थवाहे विजयं तक्करं एवं वदासी-अवि याइं अहं विजया ! एयं विपुलं असणं ४ कायाणं वा सुणगाणं वा दलएज्जा उक्कुरुडियाए वा गां छड्ढेज्जा नो चेव गां तव पुत्तघायगस्स पुत्तमार-

गस्स अरिस्स वेरियस्स पडिणीयस्स पच्चामित्तस्स एत्तो विपुलाओ
असण-पाण-खाइमसाइमाओ संविभागं करेज्जामि ३ । तते णं से धराणे
सत्थवाहे तं विपुलं असणं ४ आहारेति २ तं पंथयं पडिविसज्जेति, तते
णं से पंथए दासचेडे तं भोयणपिडगं गिरहति २ जामेव दिसिं पाउब्भूते
तामेव दिसिं पडिणए ४ । तते णं तस्स धराणस्स सत्थवाहस्स तं विपुलं
असणं ४ आहारियस्स समाणस्स उच्चारपासवणे णं उब्वाहित्था, तते णं से
धराणे सत्थवाहे विजयं त्करं एवं वदासी—एहि ताव विजया ! एगंतमवक-
मामो जेणं अहं उच्चारपासवणं परिट्ठवेमि, तते णं से विजए त्करे धराणं
सत्थवाहं एवं वयासी—तुब्भं देवाणुप्पिया ! विपुलं असणं ४ आहारियस्स
अत्थि उच्चारे वा पासवणे वा ममन्नं देवाणुप्पिया ! इमेहिं बहूहिं कसप्पहा-
रेहि य जाव लयापहारेहि य तराहाए य छुहाए य परब्भवमाणस्स णत्थि
केइ उच्चारे वा पासवणे वा तं छंदेणं तुमं देवाणुप्पिया ! एगंते अवकमिक्का
उच्चारपासवणं परिट्ठवेहि, तते णं से धराणे सत्थवाहे विजएणं त्करेणं एवं
बुत्ते समाणे तुसिणीए संचिट्ठति ५ । तते णं से धराणे सत्थवाहे मुहुत्तंतरस्स
बलियतरागं उच्चारपासवणेणं उब्वाहिज्जमाणे विजयं त्करं एवं वदासी—
एहि ताव विजया ! जाव अवकमामो ६ । तते णं से विजए धराणं सत्थ-
वाहं एवं वदासी—जइ णं तुमं देवाणुप्पिया ! ततो विपुलाओ-असण-पाण-खा-
इमसाइमाओ संविभागं करेहि ततोऽहं तुमेहिं सद्धिं एगंतं अवकमामि ७ ।
तते णं से धराणे सत्थवाहे विजयं एवं वदासी—अहन्नं तुब्भं ततो
विपुलाओ असण-पाण-खाइमसाइमाओ संविभागं करिस्सामि, तते णं से
विजए धराणस्स सत्थवाहस्स एयमट्ठं पडिसुणेति ८ । तते णं से विजए
धराणेणं सद्धिं एगंते अवकमेति उच्चारपासवणं परिट्ठवेति आयंते चोक्खे
परमसुइभूए तमेव ठाणं उवसंकमिक्का णं विहरति, तते णं सा भद्दा कल्लं
जाव जलंते विपुलं असणं ४ जाव परिवेसेति ९ । तते णं से धराणे

सत्यवाहे विजयस्स तकरस्स ततो विपुलात्थो असण-पाण-खाइमसाइमात्थो संविभागं करेति, तते णं से धरणो सत्यवाहे पंथयं दासचेडं विसज्जेति १० । तते णं से पंथए भोयणापिडयं गहाय चारगात्थो पडिनिक्खमति २ रायगिहं नगरं मज्झंमज्झेणं जेणोव सए गेहे जेणोव भद्दा भारिया तेणोव उवागच्छइ २ ता भद्दं सत्यवाहिणिं एव वयासी-एवं खलु देवाणुप्पिए ! धरणो सत्यवाहे त(हे)व पुत्तघायगस्स जाव पच्चामित्तस्स तात्थो विपुलात्थो असण-पाण-खाइमसाइमात्थो संविभागं करेति ११ ॥ सूत्रं ४६ ॥ तते णं सा भद्दा सत्यवाही पंथयस्स दासचेडयस्स अंतिए एयमट्ठं सोच्चा आसुरुत्ता रुट्ठा जाव मिसिमिसेमाणा धरणस्स सत्यवाहस्स पत्थोसभावज्जति १ । तते णं से धरणो सत्यवाहे अन्नया कयाइं मित्तनाति-नियगसयण-संबंधिपरियणोणं सएण य अत्थसारेणं रायकज्जातो अप्पाणं भोयावेति २ चारगसालात्थो पडिनिक्खमति २ जेणोव अलंकारियसभा तेणोव उवागच्छति २ अलंकारियकम्मं करेति(करावेइ) २ जेणोव पुक्खरिणीं तेणोव उवागच्छति २ अह(अहाकय) धोयमट्ठियं गेराहति पोक्खरिणीं ओगाहति २ जलमज्जाणं करेति २ राहाए कयवलिकम्मे जाव रायगिहं नगरं अणुपविसति २ रायगिहनगरस्स मज्झंमज्झेणं जेणोव सए गिहे तेणोव पधारेत्थ गमणाए २ । तते णं तं धरणं सत्यवाहं एज्जमाणं पासित्ता रायगिहे नगरे बहवे नियग-सेट्ठि-सत्यवाह-पभितत्थो आढंति परिजाणंति सक्कारेति सम्माणेति अम्भुट्ठेति सरीरकुसलं पुच्छंति ३ । तते णं से धरणो जेणोव सए गिहे तेणोव उवागच्छति २ जाविय से तत्थ बाहिरिया परिसा भवति तंजहा-दासाति वा पेस्साति वा भियगाइ वा भाइल्लगाइ वा, सेवि य णं धरणं सत्यवाहं एज्जंतं पासति २ पायवडियाए खेमकुसलं पुच्छंति, जावि य से तत्थ अम्भंतरिया परिसा भवति तंजहा-मायाइ वा पियाइ वा भायाति वा भगिणीति वा, सावि य णं धरणं सत्यवाहं एज्जमाणं पासति २ आसणात्थो

अबुट्टेति २ कंठाकंठियं अवयासिय बाहृप्पमोक्खणां करेति ४ । तते णं से धराणे सत्थवाहे जेणेव भद्दा भारिया तेणेव उवागच्छति, तते णं सा भद्दा धराणां सत्थवाहं एज्जमाणं पासति पासित्ता णो आदाति नो परियाणाति अणादायमाणी अपरिजाणमाणी तुमिणीयां परम्मही संचिट्ठति ५ । तते णं से धराणे सत्थवाहे भद्दं भारियं एवं वदासी-किन्नं तुब्भं देवाणुप्पिए ! न तुट्ठी वा न हरिसे वा नाणांदे वा जं मए सएणां अत्थसारेणां रायकज्जातो अप्पाणां विमोतिए ? ६ । तते णं सा भद्दा धराणां सत्थवाहं एवं वदासी-कहन्नं देवाणुप्पिया ! मम तुट्ठी वा जाव आणांदे वा भविस्सति ? जेणां तुमं मम पुत्तघायगस्स जाव पच्चामित्तस्स ततो विपुलातो असण-पाणा-खाइम-साइमाओ संविभागं करेसि ७ । तते णं से धराणे भद्दं एवं वदासी-नो खलु देवाणुप्पिए । धम्मोत्ति वा तवोत्ति वा कयपडिकइया वा लोगजत्ताति वा नायएति वा घाडिएति वा सहाएति वा सुहिति वा ततो विपुलातो असण-पाणाखाइम-साइमाओ संविभागे कए, नन्नत्थ सरीरचित्ताए ८ । तते णं सा भद्दा धराणेणां सत्थवाहेणां एवं वुत्ता समाणी हट्ट जाव आसणातो अबुट्टेति कंठाकंठिं अवयासेति खेमकुसलं पुच्छति २ राहाया जाव पायच्छित्ता विपुलातिं भोगभोगाइं भुंजमाणी विहरति ९ । तते णं से विजए तक्करे चारगसालाए तेहिं बंधेहिं वहेहिं कसप्पहारेहि य जाव तराहाए य छुहाए य परब्भवमाणे कालमासे कालं किच्चा नरएसु नेरइय-त्ताए उववन्ने १० । से णं तत्थ नेरइए जाते काले कालोभासे जाव वेयणां पच्चणुभवमाणे विहरइ, से णं ततो उव्वट्टित्ता अणादीयं अणावदग्गं दीह-मच्छं चाउरंतसंसारकंतारं अणुपरियट्टिस्सति एवामेव जंबू ! जे णं अम्हं निग्गंथो वा निग्गंथी वा आयरियउवज्जभायाणां अंतिए मुंडे भवित्ता आगाराओ अणागारियं पव्वतिए समाणे विपुलमणि-मुत्तिय-धणकणाग रयणा-सारेणां लुब्भति सेविय एवं चेव ११ ॥ सूत्रं ४७ ॥ तेणां कालेणां तेणां

समएणां धम्मवोसा नामं थेरा भगवंतो जातिसंपन्ना २ जाव पुब्बाणुपुब्बि-
चरमाणे जाव जेणोव रायगिहे नगरे जेणोव गुणसिलए चेतिए जाव अहा-
पडिरुवं उग्गहं उग्गिगिहत्ता संजमेणां तवसा अप्पाणां भावेमाणा विहरंति,
परिसा निग्गया धम्मो कहिओ १ । तते णां तस्स धराणास्स सत्थवाहस्स बहु-
जणास्स अंतिए एतम्मट्ठं सोच्चा णिसम्म इमेतारूवे अज्झत्थिते जाव समुप-
जित्था—एवं खलु भगवंतो जातिसंपन्ना इहमागया इह संपत्ता तं इच्छामि
णां थेरे भगवंते वंदामि नमंसामि गहाते जाव सुद्धप्पावेसाति मङ्गलाइं
वत्थाइं पवरपरिहिए पायविहारचारेणां जेणोव गुणसिले चेतिए जेणोव
थेरा भगवंतो तेणोव उवागच्छति २ वंदति नमंसति २ । तते णां
थेरा धराणास्स विचित्तं धम्ममातिक्खंति, तते णां से धराणे
सत्थवाहे धम्मं सोच्चा एवं वदासी—सहहामि णं भंते ! निग्गंथे पावयणे
जाव पव्वतिए जाव बहुणि वासाणि सामन्नपरियागं पाउणित्ता भत्तं
पच्चक्खात्तित्ता मासियाए संलेहणाए सट्ठिं भत्ताइं अणसणाए छेदेइ २ ता
कालमासे कालं किच्चा सोहम्मे कप्पे देवत्ताए उवन्ने, तत्थ णां अत्थेगतियाणां
देवाणां चत्तारि पलिओवमाइं ठिती पन्नत्ता, तत्थ णां धराणास्स देवस्स
चत्तारि पलिओवमाइं ठिती पराणत्ता ३ । से णां धराणे देवे ताओ देव-
लोयाओ आउक्खएणां ठितीक्खएणां भवक्खएणां अरांतरं च्यं चइत्ता
महाविदेहे वासे सिज्झिहिति जाव सव्वदुक्खाणमंतं करेहिति ४
॥ सूत्रं ४८ ॥ जहा णां जंबू ! धराणां सत्थवाहेणां नो धम्मोत्ति वा जाव
विजयस्स तक्करस्स ततो विपुलाओ असण-पाण-खाइमसाइमाओ संविभागे
कए नन्नत्थ सरीरसारक्खणट्ठाए १ । एवामेव जंबू ! जे णां अम्हं निग्गंथे
वा २ जाव पव्वतिए समाणे ववगयरहाणुम्महणा-पुप्फगंध-मल्लालंकारवि-
भूसे इमस्स ओरालियसरीरस्स नो वन्नहेउं वा रुवहेउं वा विसयहेउं वा
असणां ४ आहारमाहारेति, नन्नत्थ णाणदंसणचरित्ताणं वहणयाए

२ । से णं इहलोए चेव बहूणं समणोणं समणीणं सावगाण य
 साविगाण य अच्चणिज्जे जाव पज्जुवासणिज्जे भवति, परलोएवि य णं
 नो बहूणि हत्थच्छेयणाणि य कन्नच्छेयणाणि य नासाच्छेयणाणि य एवं
 हिययउप्पायणाणि य वसणुष्पाडणाणि य उल्लंबणाणि य पाविहिति अणा-
 तीयं च णं अणवदग्गं दीहं जाव वीतिवतिस्सति जहा व से धरणो सत्थ-
 वाहे ३ । एवं खलु जंबू ! समणोणं जाव दोच्चस्स नायज्भयणास्स अयमट्ठे
 पराणत्तेत्तिवेमि ४ ॥ सूत्रं ४९ ॥ त्रितीयं अज्भयणं समत्तं ॥ २ ॥

॥ इति द्वितीयमध्ययनम् ॥ २ ॥

॥३॥ अथ अण्डकाख्यं तृतीयमध्ययनम् ॥

जति णं भंते ! समणोणं भगवया महावीरेणं दोच्चस्स अज्भयणास्स
 णायाधम्मकहाणं अयमट्ठे पन्नत्ते तइअस्स अज्भयणास्स के अट्ठे पराणत्ते ?,
 एवं खलु जंबू ! तेणं कालेणं २ चंपा नामं नयरी होत्था वन्नओ ? ।
 तीसे णं चंपाए नयरीए बहिया उत्तरपुरच्छिमे दिसीभाए सुभूमिभाए नामं
 उज्जाणे होत्था सव्वोउए(य) सुरम्मे नंदणावणे इव सुहसुरभि-सीयलच्छायाए
 समणुवद्धे २ । तस्स णं सुभूमिभागस्स उज्जाणस्स उत्तरओ एगदेसंमि
 मालुयाकच्छए वन्नओ, तत्थ णं एगा वरमऊ(यु)री दो पुट्टे परियागते
 पिट्ठुंढीपंडुरे निव्वणे निरुवहए भिन्नमुट्ठिप्पमाणे मऊरी अंडए पसवति २
 सतेणं पक्खवाएणं सारक्खमाणी संगोवमाणी संविट्ठेमाणी विहरति ३ ।
 तत्थ णं चंपाए नयरीए दुवे सत्थवाहदारगा परिवसंति तंजहा—जिणदत्तपुत्ते
 य सागरदत्तपुत्ते य, सहजायया सहवद्धियया सहपंसुकीलियया सहदारदरिसी
 अन्नमन्न-मणुरत्तया अन्नमन्न-मणुव्वयया अन्नमन्नच्छंदाणुवत्तया अन्नमन्नहियति-
 च्छियकारया अन्नमन्नेसु गिहेसु किच्चाइं करणिजाइं पचणुभवमाणा
 विहरन्ति ४ ॥ सूत्रं ५० ॥

तते गां तेषि सत्यवाहदारगाणां अन्नया कयाई एगतथो सहियाणां समुवागयाणां सन्निसन्नाणां सन्निविट्टाणां इमेयारूवे मिहोकहासमुल्लावे समुप्पज्जित्था—जन्नं देवाणाण्णिया ! अम्हं सुहं वा दुक्खं वा पव्वज्जा वा विदेसगमणां वा समुप्पज्जति तन्नं अम्हेहिं एगयथो समेच्चा(संहिच्चा) णित्थरियव्वंतिकट्टु अन्नमन्नमेयारूवं संगारं पडिसुण्णैति २ सकम्मसंपउत्ता जाया यावि होत्था ॥ सूत्रं ५१ ॥ तत्थ गां चंपाए नयरीए देवदत्ता नामं गणिया परिवसइ अट्टा जाव भत्तपाणा चउसट्टि-कलापंडिया चउसट्टि-गणियागुणोववेया अउणात्तीसं विसेसे रममाणी एक्कवीस-रतिगुणप्पहाणा वत्तीस-पुरिसोवयार-कुसला गावंग सुत्त-पडिबोहिया अट्टारस-देसीभासा-विसारया सिंगारागार-चारुवेसा संगयगयहसिय-भणिय-विहिय-विलाससललिय-संलावनिउणाजुत्तो-वयारकुसला (सुं दरथणाजघणा--वयणा--नयणा--लावराणा--रूवजोव्वणा-विलासकलिया) ऊसियभया सहस्सलंभा विदिन्न-छत्तचामर-बालवियणिया कन्नीरहप्पयाया यावि होत्था बहूणां गणियासहस्साणां आहेवच्चं जाव विहरति १ । तते गां तेषि सत्यवाहदारगाणां अन्नया कदाइ पुव्वा(पच्चा)वरराह-कालसमयंसि जिमियभुत्ततरागयाणां समाणाणां आयन्ताणां चोक्खाणां परमसुत्तिभूयाणां सुहासणावरगयाणां इमेयारूवे मिहोकहासमुल्लावे समुप्पज्जित्था २ । तं सेयं खलु अम्हं देवाणाण्णिया ! कल्लं जाव जलंते विपुलं असणां ४ उवक्खडावेत्ता तं विपुलं असणां ४ धूवपुप्फगंधवत्थं गहाय देवदत्ताए गणियाए सद्धिं सुभूमिभागस्स उज्जाणास्स उज्जाणासिरिं पच्चणाभवमाणाणां विहरित्तएत्तिकट्टु अन्नमन्नस्स एयमट्टुं पडिसुण्णैति २ कल्लं पाउब्भूए कोडुं वियपुरिसे सहावैति २ एवं वदासी—गच्छह गां देवाणाण्णिया ! विपुलं असणां ४ उवक्खडेह २ तं विपुलं असणां ४ धूवपुप्फं गहाय जेणोव सुभूमिभागे उज्जाणे जेणोव गांदापुक्खरिणी तेणामेव उवागच्छह २ नंदापुक्खरिणीतो अट्टारसामंते थूणामंडवं आहणाह २ आसित-सम्मज्जितोवलित्तं सुगंधं जाव कलियं करेह २ अम्हे

पडिवालेमाणा २ चिट्टह जाव चिट्टंति ३ । तए गां सत्थवाहदारगा दोच्चंपि
 कोडुं वियपुरिसे सहावेति २ एवं वदामी-स्वियामेव लहुकरणा-जुत्तजोतियं
 (जुत्तएहिं) समखुरवालिहाणं समलिहिय-तिक्खग्ग-सिगाएहिं (जंबूणायमय-
 कलावजुत्त-पइविसिट्टएहिं) रययामय-घंटमुत्त-रज्जुपवर-कंचणाखचिय-णात्थपग्ग-
 होवग्गहितेहिं नीलुप्पल-कयामेलेएहि पवरगोणा-जुवाणएहिं नाणामणिरयणा-
 कंचणा-घंटियाजाल-परिक्खित्तं पवरलक्खणोववेयं (सुजात-जुगजुत्त-उज्जुग-
 पसत्थ-सुविरइय-निम्मियं) जुत्तमेव पवहणां उवणेह, तेज्जि तहेव उवणेति
 ४ । तते गां से सत्थवाह-दारगा राहाया जाव सरीरा पवहणां दुरूहंति २
 जेणेव देवदत्ताए गणियाए गिहं तेणेव उवागच्छंति २ ता पवहणातो
 पचोरुहति २ देवदत्ताए गणियाए गिहं अणुपविसंति ५ । तते गां सा
 देवदत्ता गणिया सत्थवाहदारए एज्जमाणो पासति २ हट्ट २ जाव आसणाओ
 अब्भुट्टेति २ सत्तट्ट पदाति अणुगच्छति २ ते सत्थवाहदारए एवं वदामी-
 संदिसंतु गां देवाणुप्पिया ! किमिहाग-मणुप्पतोयणां ? तते गां ते सत्थवाह-
 दारगा देवदत्तं गणियं एवं वदामी-इच्छामो गां देवाणुप्पिए ! तुम्हेहिं सद्धि
 सुभूमिभागस्स उज्जाणस्स उज्जाणसिरिं पच्चणुवभवमाणा विहरित्तए ६ ।
 तते गां सा देवदत्ता तेसिं सत्थवाहदारगाणां एतमट्टं पडिसुणेति २ राहाया
 कयक्खिवा किं ते पवर जाव सिरिसमाणवेसा जेणेव सत्थवाहदारगा तेणेव
 समागया ७ । तते गां ते सत्थवाहदारगा देवदत्ताए गणियाए सद्धिं जाणं
 दुरूहति २ चंणाए नयरीए मज्झमज्जेणां जेणेव सुभूमिभागे उज्जाणे जेणेव
 नंदापुक्खरिणी तेणेव उवागच्छंति २ पवहणातो पचोरुहंति २ नंदापोक्ख-
 रिणीं ओगाहंति २ जलमज्जणं करंति जलकीडं करंति राहाया देवदत्ताए
 सद्धिं पच्चुत्तरंति जेणेव थूणामंडवे तेणेव उवागच्छंति २ थूणामंडवं
 अणुपविसंति २ सब्वालंकारविभूसिया आसत्था वीसत्था सुहासणवरगया
 देवदत्ताए सद्धिं तं विपुलं असणां ४ धूवपुण्णगंधवत्थं आसाएमाणा

वीसाएमाणा परिभुंजेमाणा एवं च णं विहरंति, जिमियभुत्तुत्तरागयाविय णं समाणा देवदत्ताए सद्धि विडुलाति माणुस्सगाइं कामभोगाइं भुंजमाणा विहरंति ८ ॥ सूत्रं ५२ ॥ तते णं ते सत्यवाहदारगा पुव्वा(पच्चा)वरराह-कालसमयंसि देवदत्ताए गणियाए सद्धि थूणामंडवाओ पडिनिक्खमंति २ हत्थसंगेलीए सुभूमिभागे बहूसु आलिघरएसु य कयलीघरेसु य लयाघरएसु य अच्छणाघरएसु य पेच्छणाघरएसु य पसाहणाघरएसु य मोहणाघरएसु य सालघरएसु य जालघरएसु य कुसुमघरएसु य(जाव) उज्जाणसिरिं पच्चणुभवमाणा विहरंति ॥ सूत्रं ५३ ॥ तते णं ते सत्यवाहदारया जेगेव से मालुयाकच्छए तेगेव पहारेत्थ गमणाए, तते णं सा वणमऊरी ते सत्यवाहदारए एज्जमाणे पासति २ भीया तत्था तसिया उव्विग्गा पलाया महया २ सहे णं केकारवं विणिम्मयमाणी २ मालुयाकच्छाओ पडिनिक्खमति २ एगंसि रुक्खमालयंसि ठिच्चा ते सत्यवाहदारए मालुयाकच्छयं च अणिमिमाए दिट्ठीए पेहमाणी २ चिट्ठति १ । तते णं ते सत्यवाहदारगा अरणमन्नं सहावेति २ एवं वदासी-जहा णं देवाणुप्पिया ! एसा वणमऊरी अम्हे एज्जमाणा पासित्ता भीता तत्था तसिया उव्विग्गा पलाया महता २ सहे णं जाव अम्हे मालुयाकच्छयं च पेच्छमाणी २ चिट्ठति तं भवियव्वमेत्थ कारणेणंतिकट्ठ मालुयाकच्छयं अंतो अणुपविसंति २ तत्थ णं दो पुट्टे परियागये जाव पासित्ता अन्नमन्नं सहावेति २ एवं वदासी-सेयं खलु देवाणुप्पिया ! अम्हे इमे वणमऊरीअंडए साणं जाइमंताणं कुक्कुडियाणं अंडएसु अ पक्खिवावेत्तए २ । तते णं ताओ जातिमन्ताओ कुक्कुडियाओ ताए अंडए सए य अंडए सएणं पक्खवाएणं सारक्खमाणीओ संगोवेमाणीओ विहरिस्संति ३ । तते णं अम्हं एत्थं दो कीलावणागा मऊरपोयगा भविस्संतित्तिकट्ठ अन्नमन्नस्स एतमट्ठं पडिसुणोति २ सए सए दासवेडे सहावेति २ एवं वदासी-गच्छह णं तुम्भे

देवाणुष्पिया ! इमे अंडए गहाथ सगाणं जाइमंताणं कुक्कुडीणं अंडएसु
 पक्खिवह जाव तेवि पक्खिवेति ४ । तते णं ते सत्थवाहदारगा देवदत्ताए
 गणियाए सद्धिं सुभूमिभागस्स उज्जाणस्स उज्जाणसिंरिं पच्चणुभवमाणा
 विहरित्ता तमेव जाणं दुरुद्धा समाणा जेणोव चंपानयरीए जेणोव देवदत्ताए
 गणियाए गिहे तेणोव उवागच्छंति २ देवदत्ताए गिहं अणुपविसंति २
 देवदत्ताए गणियाए विपुलं जीवियारिहं पीइदाणं दलयंति २ सक्कारेति २
 सम्माणेति २ देवदत्ताए गिहातो पडिनिक्खिमंति २ जेणोव सयाइं २
 गिहाइं तेणोव उवागच्छंति २ सक्कम्मसंउत्ता जाया यावि होत्था ५ ।
 ॥ सूत्रं ५४ ॥ तते णं जे से सागरदत्तपुत्ते सत्थवाहदारए से णं कल्लं
 जाव जलंते जेणोव से वणमऊरीअंडए तेणोव उवागच्छति २ तंसि मऊरीअं-
 डयंसि संकिते कंखिते वितिगिच्छा-समावन्ने भेयसमावन्ने कलुससमावन्ने
 किन्नं ममं एत्थ किलावणमऊरीपोयए भविस्सति उदाहु णो भविस्सइत्ति-
 कट्टु तं मऊरीअंडयं अभिक्खणं २ उवत्तेति परियत्तेत्ति आसारेति
 संसारेति चालेति फंदेइ घट्टेति खोभेति अभिक्खणं २ कन्नमूलंसि टिट्टि-
 यावेति १ । तते णं से मऊरीअंडए अभिक्खणं २ उवत्तिज्जमाणे जाव
 टिट्टियावेज्जमाणे पोच्चडे जाते यावि होत्था २ । तते णं से सागरदत्तपुत्ते
 सत्थवाहदारए अन्नया कयाइं जेणोव से मऊरअंडए तेणोव उवागच्छति २
 तं मऊरीअंडयं पोच्चडेमेव पासति २ अहो णं ममं एस कीलावणए
 मऊरीपोयए ण जाएत्तिकट्टु ओहतमण जाव भियायति ३ । एवामेव
 समणाउसो । जो अहं निग्गंथो वा निग्गंथी वा आयरिय-उवज्जयाणं
 अंतिए पव्वतिए समाणे पंचमहव्वएसु ऋजीवनिकाएसु निग्गंथे पावयणे
 संकिते जाव कलुससमावन्ने से णं इहभवे चेव बहूणं समणाणं बहूणं
 समणीणं सावगाणं साविगाणं हीलणिज्जे निंदणिज्जे खिसणिज्जे गरह-
 णिज्जे परिभवणिज्जे परलोएणविय णं आगच्छति बहूणि दंडणाणि य

जाव अणुपरियट्टए ४ ॥ सूत्रं ५५ ॥ तते णं से जिणदत्तपुत्ते जेणोव से मऊरीअंडए तेणोव उवागच्छति २ तंसि मऊरीअंडयंसि निस्संकिते, सुवत्तए णं मम एत्थ की जावणए मऊरीपोयए भविस्सतीतिकट्टु तं मऊरीअंडयं अभिक्खणं २ नो उव्वत्तेत्ति जाव नो टिट्ठियावेति १ । तते णं से मऊरीअंडए अणुव्वत्तिज्जमाणो जाव अट्ठिट्ठिया-विज्जमाणो तेणं कालेणं तेणं समएणं उब्भिन्ने मऊरिपोयए एत्थ जाते २ । तते णं से जिणदत्तपुत्ते तं मऊरपोययं पासति २ हट्टुट्टे मऊरपोसए सहावेति २ एवं वदासी-तुब्भे णं देवाणुप्पिया । इमं मऊर-पोययं बहूहिं मऊर-पोसण-पाउग्गेहिं दब्भेहिं अणुपुब्भेणं सारक्खमाण्णा संगोवेमाण्णा संवड्ढेह नट्टुल्लगं च सिक्खावेह ३ । तते णं ते मऊरपोसगा जिणदत्तस्स पुत्तस्स एतमट्टं पडिसुणोति २ तं मऊरपोययं गेराहंति जेणोव सए गिहे तेणोव उवागच्छंति २ तं मयूरपोयगं जाव नट्टुल्लगं सिक्खावेति ४ । तते णं से मऊरपोयए उम्मुक्कबालभावे विन्नाय परिणयमित्ते जोव्वणगमणुयत्ते लवखणवज्जण-गुणोववेये माणुम्माणप्पमाण-पडिपुन्न-सुजायसव्वंगसुंदरंगे पक्खपेहुणकलावे विचित्तपिच्छ-सत-
(च्छावसत्त)चंदए नीलकंठए नच्चणसीलए एगाए चप्पुडियाए कयाए समाणीए अणोगातिं नट्टुल्लगसयातिं केकारवसयाणि य करेमाणो विहरति, तते णं ते मऊरपोसगा तं मऊरपोयगं उम्मुक्क जाव करेमाणं पासित्ता २ तं मऊरपोयगं गेराहंति २ जिणदत्तस्स पुत्तस्स उव्वणोति, तते णं से जिणदत्तपुत्ते सत्थवाहदारए मऊरपोयगं उम्मुक्क जाव करेमाणं पासित्ता हट्टुट्टे तेसिं विपुलं जीवियारिहं पीतिदाणं जाव पडिविसज्जेइ ५ । तए णं से मऊरपो-
तए जिणदत्तपुत्तेणं एगाए चप्पुडियाए कयाए समाणीए णंगोला-
भंगसिरोधरे सेयावंगे गिराहइ अवयारियपइन्नपक्खे उक्खित्त-चंदकातिय-
कलावे केकाइयसयाणि विमुच्चमाणो णच्चइ ६ । तते णं से जिणदत्तपुत्ते तेणं मऊरपोयएणं चंपाए नयरीए सिंघाडग जाव पहेसु सतिएहि य साह-

स्सिएहि य सयसाहस्सिएहि य पणिएहि य जयं करेमाणे विहरति ७ ।
 एवामेव समणाउसो ! जो अम्हं निग्गंथो वा निग्गंथी वा पव्वतिए समाणे
 पंचसु महव्वएसु इंसु जीवन्किएसु निग्गंथे पावयणे निस्संकिते निक्कं-
 खिए निव्वितिगिच्छे से णं इहभवे चेव बहूणां समणाणां समणीणां जाव
 वीतिवतिस्सति = । एवं खलु जंबू ! समणेणां भगवया महावीरेणां णायाराणां
 तच्चस्स अज्झयणास्स अयमट्ठे पन्नत्ते त्तिवेमि ६ ॥ सूत्रं ५६ ॥ तच्चं
 नायज्झयणां समत्तं ॥ ।

॥ इति तृतीयमध्ययनम् ॥ ३ ॥

॥४॥ अथ कूर्माभिधानं चतुर्थमध्ययनम् ॥

जति णं भंते ! समणेणां भगवया महावीरेणां नायाणां तच्चस्स नाय-
 ज्झयणास्स अयमट्ठे पन्नत्ते चउत्थस्स णं णायाराणां के अट्ठे पन्नत्ते ?, एवं
 खलु जंबू ! तेणां कालेणां २ वाणारसी नामं नयरी होत्था वन्नओ, तीसे
 णं वाणारसीए नयरीए बहिया उत्तरपुरच्छिमे दिसिभागे गंगाए महानदीए
 मयंगतीरदहे नामं दहे होत्था १ । अणुपुव्व-सुजाय-वप्पगंभीर-सीयलजले
 (अच्छविमल-सलिलपलिच्छन्ने) संछन्न-पत्तपुप्फ-पलासे(पउमपत्तं-भिसमुणाले)
 बहुउप्पल(पउम)-कुमुय-नलिण-सुभग-सोगंधिय-पुं डरीय-महापुं डरीय-सयपत्त-
 सहसपत्त-केसरकुल्लो(पुप्फो)वचिए पासादीए ४, तत्थ णं बहूणां मच्छाणा य
 कच्छभाण य गाहाणा य मगराणा य सुंसुमाराणा य सइयाणा य साहस्सि-
 याणा य सयसाहस्सियाणा य जूहाइं निब्भयाइं निरुव्विग्गाइं सुहंसुहेणां
 अभिरममाणगातिं २ विहरंति, तस्स णं मयंगतीरदहस्स अदूरसामंते एत्थ
 णं महं एगे मालुयाकच्छए होत्था वन्नओ २ । तत्थ णं दुवे-पावसिया-
 लगा परिवसंति, पावा चंडा रोहा तल्लिच्छा साहसिया लोहितपाणी आमि-
 सत्थी आमिसाहारा आमिसप्पिया आमिसलोला आमिसं गवेसमाणा

रत्तिं वियालचारिणो दिया पच्छन्नं चावि चिट्ठंति ३ । तते णं ताओ मयंगतीरद्दहातो अन्नया कदाइं सूरियंसि चिरत्थमियंसि लुलियाए संभाए पविरलमाणुसंसि णिसंत-पडिणिसंतंसि समारांसि दुवे कुम्मगा आहारत्थी आहारं गवेसमाणा सणियं २ उत्तरंति, तस्सेव मयंगतीरद्दहस्स परिपेरंतेणं सब्वतो समंता परिघोलेमाणा २ वित्तिं कप्पेमाणा विहरंति, तयरांतरं च णं ते पावसियालगा आहारत्थी जाव आहारं गवेसमाणा मालुयाकच्छ-याओ पडिनिक्खमंति २ ता जेणोव मयंगतीरे दहे तेणोव उवागच्छंति तस्सेव मयंगतीरद्दहस्स परिपेरंतेणं परिघोलेमाणा २ वित्तिं कप्पेमाणा विहरंति ४ । तते णं ते पावसियाला ते कुम्मए पासंति २ जेणोव ते कुम्मए तेणोव पहारेत्थ गमणाए, तते णं ते कुम्मगा ते पावसियालए एज्जमाणे पासंति २ भीता तत्था तसिया उव्विग्गा संजातभया हत्थे य पादे य गीवाए य सएहिं २ काएहिं साहरंति २ निच्चला निष्फंदा तुसिणीया संचिट्ठंति ५ । तते णं ते पावसियालया जेणोव ते कुम्मगा तेणोव उवागच्छंति २ ते कुम्मगा सब्वतो समन्ता उव्वतंति परियत्तंति आसारंति संसारंति चालेंति घट्टेंति फट्टेंति खोभेंति नहेहिं आलुपंति दंतेहि य अक्खोडेंति नो चव णं संचाणंति तेसिं कुम्मगाणं सरीरस्स आवाहं वा पवाहं वा वावाहं वा उप्पाएत्तए छविच्छेयं वा करेत्तए ६ । तते णं ते पावसियालया एए कुम्मए दोच्चंपि तच्चंपि सब्वतो समंता उव्वतंति जाव नो चव णं एसंचान्ति करेत्तए, ताहे संता तंता परितंता निव्विन्ना समाणा सणियं २ पच्चोसक्केति एगंतमवक्कमंति निच्चला निष्फंदा तुसिणीया संचिट्ठंति ७ । तत्थ णं एगे कुम्मगे ते पावसियालए चिरंगते दूरंगए जाणित्ता सणियं २ एगं पायं निच्छुभति, तते णं ते पावसियाला तेरां कुम्मएरां सणियं २ एगं पायं नीणियं पासंति २ ताए उक्किट्ठाए गईए सिग्घं चवलं तुरियं चंडं जतिरां वेगितं जेणोव से कुम्मए तेणोव उवा-

गच्छन्ति २ तस्स रां कुम्मगस्स तं पायं नखेहिं आलुपंति दंतेहिं अक्खो-
 डेंति ततो पच्छा मंसं च सोणियं च आहारेंति २ तं कुम्मगं सब्वतो समंता
 उव्वतेंति जाव नो चैव रां संचाइन्ति करेत्तए ताहे दोच्चंपि अवकमंति
 एवं चत्तारिवि पाया जाव सणियं २ गीवं गीणेति, तते रां ते पावसिया-
 लगा तेरां कुम्मएरां गीवं गीणियं पासंति २ सिग्घं चवलं ४ नहेहिं
 दंतेहिं कवालं विहाडेंति २ तं कुम्मगं जीवियाओ ववरोवेंति २ मंसं च
 सोणियं च आहारेंति = । एवामेव समाणाउसो ! जो अम्हं निग्गंथो वा २
 आयरियउवज्झायारां अंतिए पव्वतिए समाणो पंच से इंदिया अगुत्ता भवंति से
 रां इहभवे चैव बहूरां समाणारां ४ हीलणिज्जे जाव भवति, परलोगेऽविय रां
 आगच्छति बहूरां दंडणारां जाव अणुपरियट्टति, जहा से कुम्मए अगुत्ति-
 दिए १ । तते रां ते पावसियालगा जेणोव से दोच्चए कुम्मए तेणोव उवा-
 गच्छन्ति २ तं कुम्मगं सब्वतो समंता उव्वतेंति जाव दंतेहिं अक्खुडेंति
 जाव करेत्तए, तते रां ते पावसियालगा दोच्चंपि तच्चंपि जाव नो संचा-
 एन्ति तस्स कुम्मगस्स किंचि आवाहं वा विवाहं वा जाव छविच्छेयं वा
 करेत्तए ताहे संता तंता परितंता निव्विन्ना समाणा जामेव दिसिं पाउब्भूता
 तामेव दिसिं पडिगया, तते रां से कुम्मए ते पावसियालए चिरंगए दूरगए
 जाणित्ता सणियं २ गीवं नेणेति २ दिसावलोयं करेइ २ जमगसमगं
 चत्तारिवि पादे नीणेति २ ताए उक्किट्टाए कुम्मगईए वीइवयमाणो २ जेणोव
 मयंगतीरदहे तेणोव उवागच्छइ २ मित्तनाति-नियग-सयण-संबंधिपरियणोणं
 सद्धिं अभिसमन्नागए यावि होत्था १० । एवामेव समाणाउसो ! जो अम्हं
 समाणो वा २ पंच से इंदियातिं गुत्तातिं भवंति जाव जहा उ से कुम्मए
 गुत्तिदिए ११ । एवं खलु जंबू ! समाणारां भगवया महावीरेणां चउत्थस्स
 नायज्झयणास्स अयमट्टे पराणत्ते त्तिबेमि १२ ॥ सूत्रं ५७ ॥ चउत्थं
 नायज्झयणां समत्तं ॥

॥५॥ अथ श्री शैलकाख्यं पञ्चमध्ययनम् ॥

जति णं भंते ! समणोणं भगवया महावीरेणं चउत्थस्स नायज्भयणस्स
 अयमट्ठे पन्नत्ते पंचमस्स णं भंते ! णायज्भयणस्स के अट्ठे पन्नत्ते ?,
 एवं खलु जंबू ! तेणं कालेणं २ बारवती नामं नयरी होत्था पाईण-पडी-
 णायया उदीण-दाहिणविच्छिन्ना नवजोयण-विच्छिन्ना दुवालस-जोयणा-
 यामा धणवइ-मतिनिम्मिया चाभीयर-पवरपागार-णाणामणि-पंचवन्न-कविसी-
 सग-सोहिया अलयापुरि-संकासा पमुतिय-पक्कीलिया पच्चक्खं देवलोयभूता,
 तीसे णं बारवतीए नयरीए बहिया उत्तरपुरच्छिमे दिसीभाए रेवतगे नाम
 पव्वए होत्था तुंगे गगणतल-मणुलिहंतसिहरे णाणाविह-गुच्छगुम्म-लया-
 वल्लिपरिगते हंस-मिग-मयूर-कोंच-सारस-चकवाय-मयणासाल-कोइल-कुलोववेए
 अणोग-तड-कडग-वियर-उज्जरय-पवाय-पभार-सिहरपउरे अच्चरगण-देव-
 संब-चारण-विजाहर-मिहुणसंविचिन्ने निचच्छणए दसारवर-वीरपुरिस-तेलो-
 कवलवगाणं सोमे सुभगे पियदंसणे सुरूवे पासातीए ४, १ । तस्स णं
 रेवयगस्स अदूरसामंते एत्थ णं णंदणवणे नामं उज्जाणे होत्था, सब्बोउय-
 पुष्पफलमिद्धे रम्भे नंदणवणप्पगासे पासातीए ४, तस्स णं उज्जाणस्स
 बहुमज्भदेसभाए सुरप्पिए नामं जक्खाययणे होत्था दिव्वे, वन्नत्थो २ । तत्थ
 णं बारवतीए नयरीए कण्हे नामं वासुदेवे राया परिवसति, से णं तत्थ
 समुहविजयपामोक्खाणं दसरहं दसाराणं बलदेवपामोक्खाणं पंचरहं महा-
 वीराणं उग्गसेण-पामोक्खाणं सोलसरहं राईसहस्साणं पज्जुन्न-पामोक्खाणं
 अद्दुट्ठाणं कुमारकोडीणं संबपामोक्खाणं सट्ठीए दूहंतसाहस्सीणं वीरसेण-
 पामोक्खाणं एकवीसाए वीरसाहस्सीणं महासेन-पामोक्खाणं छप्पन्नाए
 बलवग-साहस्सीणं रुप्पिणीपामोक्खाणं बत्तीसाए महिलासाहस्सीणं अणंग-
 सेणा-पामोक्खाणं अणोगाणं गणियासाहस्सीणं अन्नेसिं च बहूणं ईसरत-
 लवर जाव सत्थवाहपभिईणं वेयड्ढगिरि-सायर-पेरंतस्स य दाहिणइ-भरहस्स

य बारवतीए नयरीए य आहेवच्च जाव पालेमाणे विहरति ३ ॥ सूत्रं ५८ ॥
 तस्स गां बारवईए नयरीए थावच्चा णामं गाहावतिणी परिवसति अद्वा जाव
 अपरिभूता, तीसे गां थावच्चाए गाहावतिणीए पुत्ते थावच्चापुत्ते णामं
 सत्थवाहदारए होत्था सुकुमालपाणिपाए जाव सुरूवे १ । तते गां सा थावच्चा
 गाहावइणी तं दारयं सातिरेग-अट्टवास-जाययं जाणित्ता सोहणंसि तिहि-करण
 -णाक्खत्त-मुहुत्तंसि कलापरियस्स उवणोति, जाव भोगसमत्थं जाणित्ता बत्तीसाए
 इब्भकुल-बालियाणां एगदिवसेणं पाणि गेराहावेति, बत्तीसतो दाओ जाव बत्तीसाए
 इब्भकुलबालियाहिं सद्धिं विपुले सहफरिम-रसरूप-वन्नगंधे जाव भुंजमाणे
 विहरति २ । तेणं कालेणं २ अरहा अरिट्टनेमी सो चेव वराणओ दसधणुस्सेहे
 नीलुप्पल-गवल-गुलिय-अयसि-कुसुमप्पगासे अट्टारसहिं समणसाहस्सीहिं
 सद्धिं संपरिवुडे चत्तालीमाए अज्जियासाहस्सीहिं सद्धिं संपरिवुडे पुव्वाणु-
 पुव्वि चरमाणे जाव जेणोव बारवती नगरी जेणोव रेवयगपव्वए जेणोव नंद-
 णवणे उज्जाणे जेणोव सुरप्पियस्स जक्खस्स जक्खाययणे जेणोव असोगव-
 रपायवे तेणोव उवागच्छइ २ अहापडिख्वं उग्गहं ओगिरिहत्ता संजमेणं
 तवसा अप्पाणं भावेमाणे विहरति, परिसा निग्गया धम्मो कहिओ ३ ।
 तते गां से कगहे वासुदेवे इमीसे कहाए लच्छट्टे समाणे कोडुं बियपुरिसे
 सहावेति २ एवं वदासी-खिप्पामेव भो देवाणुप्पिया ! सभाए सुहम्माए
 मेघोधरसियं गंभीरं महुरसहं कोमुदितं भेरिं तालेह, तते गां ते कोडुं बिय-
 पुरिसा कगहेणं वासुदेवेणं एवं वुत्ता समाणा हट्ट जाव मत्थए अंजलि
 कट्टु-एवं सामी २ तहत्ति जाव पडिसुणोति २ कगहस्स वासुदेवस्स अंति-
 याओ पडिनिक्खमांति २ जेणोव सहा सुहम्मा जेणोव कोमुदिया भेरी तेणोव
 उवागच्छंति तं मेघोधरसियं गंभीरं महुरसहं कोमुदितं (सामुदायिकीं)
 भेरिं तालेति ४ । ततो निद्ध-महुर-गंभीर-पडिसुणोपिव सारइणं ब्रलाह-
 णोपिव अणुरसियं भेरीए तते गां तीसे कोमुदियाए भेरियाए तालियाए

समाणीए बारवतीए नयरीए नवजोयण-विच्छिन्नाए दुवालस-जोयणाया-
 माए सित्राडग-तिय-चउक्क-चवर-कंदरदरीए विवर-कुहर-गिरिसिहर-नगरगो-
 उर-पासातदुवार-भवणदेउल-पडिसुया-सयसहस्ससंकुलं सहं करेमाणे बारवतिं
 नगरिं सव्भितरवाहिरियं सव्वतो समंता से सहं विप्पसरित्था ५ । तते णं
 बारवतीए नयरीए नवजोयणविच्छिन्नाए बारसजोयणायामाए समुद्विजय-
 पामोक्खा दसदसारा जाव गणियासहस्साइं कोमुदीयाए भेरीए सहं सोच्चा
 णिसम्म हट्टुट्टा जाव रहाया आविद्ध-वग्घारिय-मल्लदामकलावा अहतव-
 त्थ-चंदणोकिन्न-गायसरीरा अप्पेगतिया हयगया एवं गयगया रहसीया-संद-
 माणीगया अप्पेगतिया पायविहारचारेणं पुरिस-वग्गुरा-परिखित्ता करहस्स
 वासुदेवस्स अंतियं पाउब्भवित्था ६ । तते णं से करहे वासुदेवे समुद्वि-
 जय-पामोक्खे दस दसारे जाव अंतियं पाउब्भवमाणे पासति पासित्ता
 हट्टुट्ट जाव कोडु वियपुरिसे सहावेति २ एवं वयासी-खिप्पामेव भो देवा-
 णुप्पिया ! चाउरिगिणीं सेणं सज्जेह विजयं च गंधहत्थि उवट्टवेह, तेवि
 तहत्ति उवट्टवेति, जाव पज्जुवासंति ७ ॥ सूत्रं ५१ ॥ थावच्चापुत्तेवि
 णिग्गए जहा मेहे तहेव धम्मं सोच्चा णिसम्म जेणोव थावच्चा गाहावतिणी
 तेणोव उवागच्छति २ पादग्गहणं करेति जहा मेहस्स तहा चेव णिवेयणा
 जाहे नो संवाएति विसयाणुलोमाहि य विसयपडिकूलाहि य बहूहिं आव-
 वणाहि य पन्नवणाहि य सन्नवणाहि य विन्नवणाहि य आववित्तए वा
 ४ ताहे अकामिया चेव थावच्चापुत्तदारगस्स निक्खमण-मणुमन्नित्था नवरं
 निक्खमणाभिसेयं पासामो, तए णं से थावच्चापुत्ते तुसिणीए संचिट्ठ १ ।
 तते णं सा थावच्चा आसणाओ अब्भुट्टेति २ महत्थं महग्घं महरिहं राय-
 रिहं पाहुडं गेगहति २ मित्त जाव संपरिवुडा जेणोव करहस्स वासुदेवस्स
 भग्गवरपडिदुवारदेसभाए तेणोव उवागच्छति २ पडिहारदेसिएणं मग्गेणं
 जेणोव करहे वासुदेवे तेणोव उवागच्छति २ करयल जाव वद्धावेति २ तं

महत्त्वं महग्धं महरिहं रायरिहं पाहुडं उवगोइ २ एवं वदासी—एवं खलु देवाणुप्पिया ! मम एगं पुत्ते थावच्चापुत्ते नामं दारए इट्टे जाव से णं संसारभयउड्विग्गे इच्छति अरहओ अरिट्टुनेमिस्स जाव पव्वत्तिए अहराणं निक्खममाणसकारं करेमि, इच्छामि णं देवाणुप्पिया ! थावच्चापुत्तस्स निक्खममाणस्स छत्तमउड-चामराओ य विदिन्नाओ २ । तते णं कराहे वासुदेवे थावच्चा-गाहावतिणीं एवं वदासी—अच्छाहि णं तुमं देवाणुप्पिए ! सुनिब्बुया वीसत्था, अहराणं सयमेव थावच्चापुत्तस्स दारगस्स निक्खममाणसकारं करिस्सामि, तते णं से कराहे वासुदेवे चाउरंगिणीए सेणाए विजयं हत्थि-रयणं दुरूढे समाणे जेगोव थावच्चाए गाहावतिणीए भवणे तेगोव उवाग-च्छति २ थावच्चापुत्तं एवं वदासी—मा णं तुमे देवाणुप्पिया ! मुंढे भवित्ता पव्वयाहि, भुंजाहि णं देवाणुप्पिया ! विउले माणुस्सए कामभोए मम बाहुच्छायापरिग्गहिए, केवलं देवाणुप्पियस्स अहं णो संचाएमि वाउकायं उवरिमेणं गच्छमाणं निवारित्तए, अरणे णं देवाणुप्पियस्स जे किंचिवि आबाहं वा वावाहं वा उप्पाएति तं सब्वं निवारेमि ३ । तते णं से थाव-च्चापुत्ते कराहेणं वासुदेवेणं एवं बुत्ते समाणे कराहं वासुदेवं एवं वयासी—जइ णं तुमं देवाणुप्पिया ! मम जीवियंतकराणं मच्चुं एज्जमाणं निवारेसि जरं वा सरीरख्वविणासिणिं सरीरं वा अइवयमाणिं निवारेसि तते णं अहं तव बाहुच्छायापरिग्गहिए विउले माणुस्सए कामभोगे भुंजमाणो विहरामि ४ । तते णं से कराहे वासुदेवे थावच्चापुत्तेणं एवं बुत्ते समाणे थावच्चापुत्तं एवं वदासी—एए णं देवाणुप्पिया दुरतिकमणिज्जा णो खलु सका सुवलिणणावि देवेण वा दाणवेण वा शिवारित्तए णन्नत्थ अण्णणो कम्मक्खएणं, तं इच्छामि णं देवाणुप्पिया ! अन्नाणमिच्छत्तअविइकसायसंचियस्स अत्तणो कम्मक्खयं करित्तए ५ । तते णं से कराहे वासुदेवे थावच्चापुत्तेणं एवं बुत्ते समाणे कोडुं बियपुरिसे सहावेति २ एवं वदासी—गच्छह णं देवाणुप्पिया !

वारवतीए नयरीए सिंघाडग-तियग-चउक-चचर जाव हत्थिखंधवरगया महया
 २ सहेणं उग्घोसेमाणा २ उग्घोसणं करेह—एवं खलु देवाणुप्पिया !
 थावच्चापुत्ते संसारभउव्विग्गे भीए जम्मणामरणाणां (जम्मजरामरणाणां)
 इच्छति अरहतो अरिट्टनेमिस्स अंतिए मुंडे भवित्ता पव्वइत्तए, तं जो खलु
 देवाणुप्पिया ! राया वा जुयराया वा देवी वा कुमारे वा ईसरे वा तलवरे
 वा कोडुं विय-पुरिसे वा मांडविय-पुरिसे वा इब्भसेट्टि-सेणावइ-सत्थवाहे वा
 थावच्चापुत्तं पव्वयंतमणुपव्वयति तस्स णं कराहे वासुदेवे अणुजाणति
 पच्छातुरस्सविय से मित्तनाति-नियग संबंधिपरिजणस्स जोगखेमं वट्टमाणां
 पडिवहत्तिक्किट्टु घोमणं घोसेह जाव घोसंति ६ । तते णं थावच्चापुत्तस्स
 अणुराएणां पुरिससहस्सं निक्खमणाभिमुहं गहायं सव्वालंकारविभूसियं
 पत्तेयं २ पुरिससहस्सवाहिणीसु सिवियासु दुरूढं समाणां मित्तणातिपरिवुडं
 थावच्चापुत्तस्स अंतियं पाउब्भूयं ७ । तते णं से कराहे वासुदेवे पुरिससह-
 स्समंतियं पाउब्भवमाणां पासति २ कोडुं वियपुरिसे सहावेति २ एवं
 वदासी—जहा मेहस्स निक्खमणाभिसेओ तहेव सेयापीएहिं गहावेति २
 जाव अरहतो अरिट्टनेमिस्स छत्ताइच्छत्तं पडागातिपडागं पासंति २
 विज्जाहरचारणे जाव पासित्ता सीवियाओ पच्चोरुहंति, तते णं से कराहे
 वासुदेवे थावच्चापुत्तं पुरओ काउं जणोव अरिहा अरिट्टनेमी सव्वं तं चेव
 आभरण-मल्लंकारं ओमुयति, ८ । तते णं से थावच्चागाहावइणी हंसल-
 वखणोणं पडगसाडएणां आभरणमल्लंकारे पडिच्छइ हार-वारिधार-च्चिन्न-
 मुत्तावलिप्पगासातिं अंसूणि विणिम्मुंचमाणी २ एवं वदासी—जतियव्वं
 जाया ! घडियव्वं जाया ! परिकमियव्वं जाया ! अस्सि च णं अट्टे णो
 पमादेयव्वं, जामेव दिसिं पाउब्भूता तामेव दिसिं पडिगया ९ । तते णं से
 थावच्चापुत्ते पुरिससहस्सेहिं सच्चिं सयमेव पंचमुट्टियं लोयं करेति जाव
 पव्वतिए १० । तते णं से थावच्चापुत्ते अणुगारे जाते ईरियासमिए भासासमिए

जाव विहरति, तते गां से थावच्चापुत्ते अरहतो अरिट्टुनेमिस्स तहारूवाणं थेराणां अंतिए सामाइयमाइयातिं चोइस पुव्वाइं अहिज्जति २ बहूहिं जाव चउत्थेणां विहरति ११ । तते गां अरिहा अरिट्टुनेमी थावच्चापुत्तस्स अण्णगारस्स तं इब्भाइयं अण्णगारसहस्सं सीसत्ताए दलयति, तते गां से थावच्चापुत्ते अन्नया कयाइं अरहं अरिट्टुनेमिं वंदति नमंसति २ एवं वदामी—इच्छामि गां भंते ! तुब्भेहिं अब्भणुन्नाते समाणे सहस्सेणां अण्णगारेणां सद्धिं बहिया जणवयविहारं विहरित्तए, अहासुहं देवाणुप्पियाणां ! तते गां से थावच्चापुत्ते अण्णगारसहस्सेणां सद्धिं तेणां उरालेणां उग्गेणां पयत्तेणां पग्गहिण्णां जाव बहिया जणवयविहारं विहरति १२ ॥ सूत्रं ६० ॥

तेणां कालेणां तेणां समएणां सेलगपुरे नामं नगरं होत्था, सुभूमिभागे उज्जाणे, सेलए राया पउमावती देवी मंडुए कुमारे जुवराया, तस्स गां सेलगस्स पंथगपामोक्खा पंच मंतिसया होत्था उप्पत्तियाए वेणाइयाए ४ उववेया रज्जधुरं चिंतयंति १ । थावच्चापुत्ते सेलगपुरे समोसठे राया णिग्गतो धम्मकहा, धम्मं सोच्चा जहा गां देवाणुप्पियाणां अंतिए बहवे उग्गा भोगा जाव चइत्ता हिरन्नं जाव पव्वइत्ता तहा गां अहं नो संचाएमि पव्वत्तित्तए २ । अहन्नं देवाणुप्पियाणां अंतिए पंचाणुव्वइयं जाव समणोवासए जाव अहिगयजीवाजीवे जाव अप्पारां भावेमाणे विहरंति, पंथगपामोक्खा पंच मंतिसया समणोवासया जाया, थावच्चापुत्ते बहिया जणवयविहारं विहरति ३ ॥ सू० ६१ ॥

तेणां कालेणां २ सोगंधिया नाम नयरी होत्था वन्नओ, नीलासोए उज्जाणे वन्नओ, तत्थ गां सोगंधियाए नयरीए सुदंसणे नामं नगरसेट्ठी परिवसति अट्ठे जाव अपरिभूते १ । तेणां कालेणां २ सुए नामं परिव्वायए होत्था, रिउव्वेय-जजुव्वेय-सामवेय-अथव्वणवेय-सट्ठितंतकुसले (संखाणे सिखाणकप्पे कप्पे वागरणे छंदे निरुत्ते जोइसामयणे) संखसमए लद्धट्टे (वेयाणां इतिहासपंचमाणां निधंदुद्धट्टाणां संगोवंगाणां सरहस्साणां सारए वारए पारए सडंगवी सट्ठितं-

तविसारए अन्नेसु य वंभराणएसु सत्थेसु सुपरिनिट्टिए पंचजम-पंचनियम-जुत्तं) सोयमूलयं दसप्पयारं परिव्वायगधम्मं दाणधम्मं च सोयधम्मं च तित्थाभिसेयं च आवेमाणो पन्नवेमाणो धाउरत्त-वत्थपवरपरिहिए तिदंड-कुंडिय-छत्तच्छलु(कंचनीय, करोडिय)छराणालयंकुस-पवित्तय-केसरीहत्थगए परिव्वायगसहस्सेणं सद्धिं संपरिवुडे जेणोव सोगंधियानगरी जेणोव परिव्वायगावसहे तेणोव उवागच्छइ २ परिव्वायगावसहंसि भंडगनिक्खेवं करेइ २ ता संखसमएणं अण्णाणं भावेमाणो विहरति २ । तते णं सोगंधियाए सिघाडग-तिगचउक्कचच्चर-चउमुह-महापह-पहेसु बहुजणो अन्नमन्नस्स एवमाइक्खइ-एवं खलु सुए परिव्वायए इह हव्वमागते जाव विहरइ, परिसा निग्गया सुदंसणो निग्गए ३ । तते णं से सुए परिव्वायए तीसे परिसाए सुदंसणस्स य अन्नेसिं च बहुणं संखाणं परिकहेति-एवं खलु सुदंसणा ! अहं सोयमूलए धम्मे पन्नत्ते सेऽविय सोए दुविहे पन्नत्ते, तंजहा-दव्वसोए य भावसोए य, दव्वसोए य उदएणं मट्टियाए य, भावसोए दव्वेहि य मंतेहि य, जन्नं अहं देवाणुप्पिया ! किंचि असुई भवति तं सव्वं सज्जो पुट्ठीए आलिप्पति ततो पच्छा सुद्धेण वारिणा पक्खालिज्जति ततो तं असुई सुई भवति, एवं खलु जीवा जलाभिसेयपू-यण्णाणो अविग्घेणं सग्गं गच्छंति, तते णं से सुदंसणो सुयस्स अंतिए धम्मं सोच्चा हट्ठे सुयस्स अंतियं सोयमूलयं धम्मं गेराहति २ परिव्वायए विपुलेणं अण्णा-याण्णाखाइममाइमेणं वत्थ-गन्धमल्ललंकारेणं पडिलाभेमाणो जाव विहरति ३ । तते णं से सुए परिव्वायगे सोगंधियाओ नगरीओ निगच्छति २ ता बहिया जणवयविहारं विहरति ४ । तेणं कालेणं २ थावचापुत्तस्स समोसरणं, परिसा निग्गया, सुदंसणोवि णीइ, थावचापुत्तं वंदति नमंसति २ एवं वदासी-तुम्हाणं किंमूलए धम्मे पन्नत्ते ?, तते णं थावचापुत्ते सुदंसणेणं एवं बुत्ते समाणो सुदंसणं एवं वदासी-सुदंसणा ! विणयमूले धम्मे पन्नत्ते, सेविय विणयमूले धम्मे दुविहे पन्नत्ता, तंजहा-अणारविणए अणारविणए

य, तत्थ गां जे से अगारविणए से गां पंच अणुव्यातिं सत्त सिक्खावयातिं एकारस उवासगपडिमात्रो, तत्थ गां जे से अणुगारविणए से गां पंच महव्वयाइं, तंजहा—सव्वातो पाणातिवायात्रो वेरमणां सव्वात्रो मुसावायात्रो वेरमणां सव्वातो अदिन्नादाणातो वेरमणां सव्वात्रो मेहुणात्रो वेरमणां सव्वात्रो परिग्गहात्रो वेरमणां सव्वात्रो राइभोयणात्रो वेरमणां जाव मिच्छादंसणासल्लात्रो वेरमणां ५ । दसाविहे पच्चक्खारो बारस भिक्खुपडिमात्रो, इच्चेएणां दुविहेणां विणयमूलएणां धम्मेषां अणुपुव्वेणां अट्टकम्मपगंठीत्रो खवेत्ता लोयग्गपइट्ठाणे भवति ६ । तते गां थावच्चापुत्ते सुदंसणां एवं वदासी—तुव्वे गां सुदंसणा ! किंमूलए धम्मे पन्नते ?, अम्हारां देवाणुप्पिया ! सोयमूले धम्मे पन्नते जाव सग्गं गच्छंति ७ । तते गां थावच्चापुत्ते सुदंसणां एवं वदासी—सुदंसणा ! से जहा नामए केइ पुरिसे एगं महं रुहिरकयं वत्थं रुहिरेण चेव धोवेज्जा तते गां सुदंसणा ! तस्स रुहिरकयस्स वत्थस्स रुहिरेण चेव पक्खालिज्जमाणस्स अत्थि काइ सोही ?, गो तिणट्ठे समट्ठे, एवामेव सुदंसणा ! तुव्वंपि पाणातिवाएणां जाव मिच्छादंसणासल्लेणं नत्थि सोही जहा तस्स रुहिरकयस्स वत्थस्स रुहिरेणं चेव पक्खालिज्जमाणस्स नत्थि सोही, सुदंसणा ! से जहाणामए केइ पुरिसे एगं महं रुहिरकयं वत्थं सज्जियाखारेणां अणुलिंपति २ पयणां आरुहेति २ उराहं गाहेइ २ ता ततो पच्छा सुद्धेणं वारिणा धोवेज्जा, से गाणां सुदंसणा ! तस्स रुहिरकयस्स वत्थस्स सज्जियाखारेणां अणुलित्तस्स पयणां आरुहियस्स उराहं गाहितस्स सुद्धेणं वारिणा पक्खालिज्जमाणस्स सोही भवति ?, हंता भवइ, एवामेव सुदंसणा ! अम्हंपि पाणाइवाय-वेरमणेणां जाव मिच्छादंसणा-सल्लवेरमणेणां अत्थि सोही, जहा वा तस्स रुहिरकयस्स वत्थस्स जाव सुद्धेणां वारिणा पक्खालिज्जमाणस्स अत्थि सोही ८ । तत्थ गां से सुदंसणे संबुद्धे थावच्चापुत्तं वंदति नमंसति २ एवं वदासी—इच्छामि गां भंते ! धम्मं सोच्चा जाणित्तए जाव

समणोवासए जाते अहिगयजीवाजीवे जाव पडिलामेमाणे विहरति, तए
 गां तस्स सुयस्स परिव्वायगस्स इमीसे कहाए लद्धट्टस्स समाणस्स अय-
 मेयारूवे जाव समुप्पज्जित्था—एवं खलु सुदंसणोरां सोयं धम्मं विप्पजहाय
 विणायमूले धम्मे पडिवन्ने, तं सेयं खलु मम सुदंसणस्स दिट्ठिं वामेत्तए,
 पुणारवि सोयमूलए धम्मे आग्रवित्तएत्तिकट्टु एवं संपेहेति २ परिव्वाय-
 गसहस्सेरां सद्धिं जेणोव सोगंधिया नगरी जेणोव परिव्वायगावसहे तेणोव
 उवागच्छति २ परिव्वायगावसहंसि भंडनिक्खेवं करेति २ धाउरत्तवत्थप-
 रिहिते पविरलपरिव्वायगेरां सद्धिं संपरिवुडे परिव्वायगावसहात्थो पडि-
 निक्खमति २ सोगंधियाए नयरीए मज्झमज्जेरां जेणोव सुदंसणस्स गिहे
 जेणोव सुदंसणे तेणोव उवागच्छति, तते गां से सुदंसणे तं सुयं एज्जमारां
 पासति २ नो अब्भुट्ठेति नो पच्चुग्गच्छति णो आढाइ नो परियाणाइ
 नो वंदति तुसिणीए संचिट्ठति ६ । तए गां से सुए परिव्वायए सुदंसणं
 अण्णभुट्ठियं जाव पासित्ता एवं वदासी—तुमं गां सुदंसणा ! अन्नदा ममं
 एज्जमाणं पासित्ता अब्भुट्ठे सि जाव वंदसि, इयाणिं सुदंसणा ! तुमं ममं
 एज्जमाणं पासित्ता जाव णो वंदसि, तं कस्स गां तुमे सुदंसणा ! इमेयारूवे
 विणायमूलधम्मे पडिवन्ने ? तते गां से सुदंसणे सुएरां परिव्वायएरां एवं
 वुत्ते समाणे आसणात्थो अब्भुट्ठेति २ करयल-परिगहिय-दसराहं जाव
 सुयं परिव्वायगं एवं वदासी—एवं खलु देवाणुप्पिया ! अरहतो अरिट्ठनेमिस्स
 अंतेवासी थावच्चापुत्ते नामं अण्णगारे जाव इहमागए इह चेव नीलासोए
 उज्जाणे विहरति, तस्स गां अंतिए विणायमूले धम्मे पडिवन्ने १० । तते
 गां से सुए परिव्वायए सुदंसरां एवं वदासी—तं गच्छामो गां सुदंसणा ! तव
 धम्मायरियस्स थावच्चापुत्तस्स अंतियं पाउब्भवामो इमाइं च गां एयारूवातिं अट्ठाइं
 हेऊइं पसिणातिं कारणातिं वागरणातिं पुच्छामो, तं जइ गां मे से इमाइं अट्ठातिं
 जाव वागरति तते गां अहं वंदामि नमंसामि, अह मे से इमातिं अट्ठातिं

जाव नो से वाकरेति तते रां अहं एएहिं चेव अट्टेहिं हेऊहिं निप्पट्टपसिणा-
वागरां करिस्सामि ११ । तते रां से सुए परिव्वायगसहस्सेरां सुदंसणेण
य सेट्टिणा सद्धिं जेणेव नीलासोए उज्जाणे जेणेव थावच्चापुत्ते अण्णगारे तेणेव
उवागज्झति २ चा थावच्चापुत्तं एवं वदासी-जत्ता ते भंते ! जवणिज्जं ते
अव्वावाहंपि ते फासुयं विहारं ते ? तते रां से थावच्चापुत्ते सुएणं परिव्वा-
यगेणं एवं वुत्ते समाणे सुयं परिव्वायगं एवं वदासी-सुया ! जत्तावि मे
जवणिज्जंपि मे अव्वावाहंपि मे फासुयविहारंपि मे १२ । तते रां से सुए
थावच्चापुत्तं एवं वदासी-किं भंते ! जत्ता ? सुया ! जन्नं मम णाणदंसण-
चरित्तव-संजममातिएहिं जोएहिं जोयणा से तं जत्ता, से किं तं
भंते ! जवणिज्जं ?, सुया ! जवणिज्जे दुविहे पन्नत्ते, तंजहा-इंदियजवणिज्जे
य नोइंदियजवणिज्जे य, से किं तं इंदियजवणिज्जे ?, सुया ! जन्नं ममं
सोतिंदिय-चक्खिंदिय-घाणिंदिय-जिब्भिंदिय-फासिंदियाइं निरुवहयाइं वसे वट्टंति
से तं इंदियजवणिज्जं, से किं तं नोइंदियजवणिज्जे ?, सुया ! जन्नं कोहमाण-
मायालोभा खीणा उदसंता नो उदयंति से तं नोइंदियजवणिज्जे १३ ।
से किं तं भंते ! अव्वावाहं ? सुया ! जन्नं मम वातिय-पित्तिय-सिंभिय-
सन्निवाइया विविहा रोगातंका णो उदीरंति सेत्तं अव्वावाहं, से किं तं
भंते ! फासुयविहारं ?, सुया ! जन्नं आरामेसु उज्जाणेसु देवउलेसु
सभासु पव्वासु इत्थि-पसु-पंडग-विवज्जियासु वसहीसु पाडिहारियं पीठ-
फल्लग-सेज्जासंथारियं उग्गिणिहत्तारां विहरामि सेत्तं फासुयविहारं १४ ।
सरिसवया ते भंते ! किं भक्खेया अभक्खेया ?, सुया ! सरिसवया भक्खे-
यावि अभक्खेयावि, से केण्णट्टेरां भंते ! एवं वुच्चइ-सरिसवया भक्खेयावि
अभक्खेयावि ?, सुया ! सरिसवया दुविहा पन्नता, तंजहा-मित्तसरिसवया
धन्नसरिसवया य, तत्थ रां जे ते मित्तसरिसवया ते तिविहा पन्नता,
तंजहा-सहजायया सहवड्ढियया सहपंसुकीलियया, ते रां समणारां

णिग्गंधारां अभक्खेया, तत्थ रां जे ते धन्नसरिसवया ते दुविहा पन्नत्ता, तंजहा—मत्थपरिणया य असत्थपरिणया य १५ । तत्थ रां जे ते असत्थपरिणया ते समण्णाणां निग्गंधारां अभक्खेया, तत्थ रां जे ते सत्थपरिणया ते दुविहा पन्नत्ता, तंजहा—फासुगा य अफासुगा य, अफासुया रां सुया ! नो भक्खेया, तत्थ रां जे ते फासुया ते दुविहा पन्नत्ता, तंजहा—जातिया य अजातिया य, तत्थ रां जे ते अजातिया ते अभक्खेया, तत्थ रां जे ते जाइया ते दुविहा पन्नत्ता, तंजहा—एसणिज्जा य अरोसणिज्जा य, तत्थ रां जे ते अरोसणिज्जा ते रां अभक्खेया, तत्थ रां जे ते एसणिज्जा ते दुविहा पन्नत्ता, तंजहा—लद्धा य अलद्धा य, तत्थ रां जे ते अलद्धा ते अभक्खेया, तत्थ रां जे ते लद्धा ते निग्गंधारां भक्खेया, एएणां अट्टेणां सुया ! एवं बुच्चति—सरिसवया भक्खेयावि अभक्खेयावि, एवं कुलत्थावि भाणियव्वा १६ । नवरि इमं गाणात्तं—इत्थिकुलत्था य धन्नकुलत्था य, इत्थिकुलत्था तिविहा पन्नत्ता, तंजहा—कुलवधुया य कुलमाउया इ य कुलधूया इ य, धन्नकुलत्था तहेव, एवं मासावि १७ । नवरि इमं नाणात्तं—मासा तिविहा पन्नत्ता, तंजहा—कालमासा य अत्थमासा य धन्नमासा य, तत्थ रां जे ते कालमासा ते रां दुवालसविहा पन्नत्ता, तंजहा—सावणो जाव आसादे, ते रां अभक्खेया, अत्थमासा दुविहा—हिरन्नमासा य सुवराणामासा य, ते रां अभक्खेया धन्नमासा तहेव १८ । एगे भवं दुवे भवं अरोगे भवं अव्वए अक्खए भवं अव्वए भवं अवट्टिए भवं अरोगभूयभावे भविएवि भवं ?, सुया ! एगेवि अहं ! दुवेवि अहं जाव अरोगभूयभावभविएवि अहं, से केणाट्टेणां भंते ! एगेवि अहं जाव सुया ! दव्वट्टयाए एगे अहं नाणादंसणाट्टयाए दुवेवि अहं, पएसट्टयाए अक्खएवि अहं अव्वएवि अहं अवट्टिएवि अहं, उवओगट्टयाए अरोगभूयभावभविएवि अहं १९ । एत्थ रां से सुए संबुद्धे थावच्चापुत्तं वंदति नमंसति २ एवं वदासी—इच्छामि रां भंते ! तुब्भे अंतिए केवलि-

पन्नत्तं धम्मं निसामित्तए धम्मकहा भाणियव्वा, तए गां से सुए परिव्वायए थावच्चापुत्तस्स अंतिए धम्मं सोच्चा णिसम्म एवं वदासी-इच्छामि गां भंते ! परिव्वायग-सहस्सेणां सद्धिं संपरिवुडे देवाणुप्पियाणां अंतिए मुंडे भविता पव्वइत्तए, अहासुहं जाव उत्तरपुरच्छिमे दिसीभागे तिडंडयं जाव थाउर-त्ताओ य एगंते एडेति २ सयमेव सिंहं उप्पाडेति २ जेणोव थावच्चापुत्ते तेणोव उवागच्छइ उवागच्छित्ता जाव मुंडे भवित्ता जाव पव्वतिए सामा-इयमातियाइं चोइस पुव्वातिं अहिज्जति २० । तते गां थावच्चापुत्ते सुयस्स अणगारसहस्सं सीसत्ताए वियरति, तते गां से थावच्चापुत्ते सोगंधियाओ नीलासोयाओ पडिनिक्खमति २ बहिया जणदयविहारं विहरति २१ । तते गां से थावच्चापुत्ते अणगारसहस्सेणां सद्धिं संपरिवुडे जेणोव पुंडरीए पव्वए तेणोव उवागच्छइ २ पुंडरीयं पव्वयं सणियं २ दुरूहति २ मेघ-घणसन्निगासं देवसन्निवायं पुढविसिलापट्टयं जाव पाओवगमणां णुवन्ने २२ । तते गां से थावच्चापुत्ते बह्वणि वासाणि सामन्नपरियागं पाउत्तात्ता मासियाए संलेहणाए सट्ठिं भत्तातिं अणसणाए जाव केवलवरनाणदंसाणं समुप्पाडेत्ता ततो पच्छा सिद्धे जाव पहीणे २३ ॥ सूत्रं ६२ ॥ तते गां से सुए अन्नया कयाइं जेणोव सेलगपुरे नगरे जेणोव सुभूमिभागे उज्जाणे समोसरणां परिसा निग्गया सेलओ निग्गच्छति धम्मं सोच्चा जं नयरं देवाणुप्पिया ! पंथगपामोक्खातिं पंच मंतिसयातिं आपुच्छामि मराडुयं च कुमारं रज्जे ठवेमि, ततो पच्छा देवाणुप्पियाणां अन्तिए मुंडे भवित्ता आगाराओ अणगारियं पव्वयामि, अहासुहं १ । तते गां से सेलए राया सेलगपुरं नयरं अणुपविसति २ जेणोव, सए गिहे जेणोव बाहिरिया उव-ट्टाणसाला तेणोव उवागच्छइ २ सीहासणां सन्निसन्ने, तते गां से सेलए राया पंथयपामोक्खे पंच मंतिसए सहावेइ सहावेत्ता एवं वदासी-एवं खलु देवाणुप्पिया ! मए सुयस्स अंतिए धम्मे णिसंते सेवि य मे धम्मे इच्छिए पडिच्छिए

अभिरुति ए अहं णं देवाणुप्पिया ! संसारभयउव्विग्गे जाव पव्वयामि, तुब्भे णं देवाणुप्पिया ! किं करेह किं ववसह किं वा ते हियइच्छियं ? २ । तते णं तं पंथयपामोक्खा पंचमंतिसया सेलगं रायं एवं वदासी-जइ णं तुब्भे देवाणुप्पिया ! संसार जाव पव्वयह अम्हाणं देवाणुप्पिया ! किमन्ने आहारे वा आलंबे वा अम्हेऽविय णं देवाणुप्पिया ! संसारभयउव्विग्गा जाव पव्वयामो, जहा देवाणुप्पिया ! अम्हं बहुसु कज्जेसु य कारणेसु य जाव तहा णं पव्वतियाणवि समाणाणं बहुसु जाव चक्खुभूते ३ । तते णं से सेलगे पंथगपामोक्खे पंच मंतिसए एवं वदासी-जति णं देवाणुप्पिया ! तुब्भे संसार जाव पव्वयह तं गच्छह णं देवाणुप्पिया ! सएसु २ कुडुबेसु जेट्ठे पुत्ते कुडुं वमज्जे ठवेत्ता पुरिससहस्सवाहिणीओ सीयाओ दुरूढा समाणा मम अंतियं पाउब्भवहत्ति, तहेव पाउब्भवंति ४ । तते णं से सेलए राया पंच मंतिसयाइं पाउब्भवमाणातिं पासति २ हट्टुट्टे कोडुंबियपुरिसे सहावेति २ एवं वदासी-खिप्पामेव भो देवाणुप्पिया ! मंडुयस्स कुमारस्स महत्थं जाव रायाभिसेयं उवट्टवेह जाव अभिसिचति जाव राया विहरति । तते णं से सेलए मंडुयं रायं आपुच्छइ ५ । तते णं से मंडुए राया कोडुंबियपुरिसे सहावेइ २ एवं वदासी-खिप्पामेव सेलगपुरं नगरं आसित जाव गंधवट्टिभूतं करेह य कारवेह य २ एवमाणत्तियं पच्चप्पिणह, तते णं से मंडुए दोब्बंपि कोडुंबियपुरिसे सहावेइ २ एवं वदासी-खिप्पामेव सेलगस्स रत्तो महत्थं जाव निक्खमणाभिसेयं जहेव मेहस्स तहेव णवरं पउमावतीदेवी अग्गकेसे पडिच्छति सव्वेवि पडिग्गहं गहाय सीयं दुरूहंति, अवसेसं तहेव जाव सामात्तियमात्तियातिं एकारस अंगाइं अहिज्जति २ बहूहिं चउत्थ जाव विहरति ६ । तए णं से सुए सेलयस्स अणगारस्स ताइं पंथयपामोक्खाति पंच अणगारसयाइं सीसत्ताए वियरति, तते णं से सुए अन्नया कयाइं

सेलगपुरात्रो नगरात्रो सुभूमिभागात्रो उज्जाणात्रो पडिनिक्खमति २ ता
 वहिया जणवयविहारं विहरति, तते गां से सुए अणगारे अन्नया कयाइं तेणं
 अणगारसहस्सेणं सद्धिं संपरिवुडे पुव्वाणुपुव्वि चरमाणे गामाणुगामं
 विहरमाणे जेणेव पोंडरीए पव्वए जाव सिद्धे ७ ॥ सूत्रं ६३ ॥
 तते गां तस्स सेलगस्स रायरिसिस्स तेहिं अंतेहि य पंतेहि य तुच्छेहि य
 लूहेहि य अरसेहि य विरसेहि य सीएहि य उगहेहि य कालातिककंतेहि य
 पमाणाइक्कंतेहि य णिच्चं पाणभोयणेहि य पयइसुकुमालयस्स सुहोचियस्स
 सरीरगंसि वेयणा पाउब्भता उज्जला जाव दुरहियासा (रोगायंके उज्जले जाव
 दुरहियासे) कंडुयदाह-पित्तजर-परिगयसरीरे यावि विहरति, तते गां से सेलए
 तेणं रोयायकेण सुक्के जाए यावि होत्था १ । तते गां सेलए अन्नया कदाइं
 पुव्वाणुपुव्वि चरमाणे जाव जेणेव सुभूमिभागे जाव विहरति, परिसा
 निग्गया, मंडुओऽवि निग्गओ, सेलयं अणगारं जाव वंदति नमंसति २
 पज्जुवासति २ । तते गां से मंडुए राया सेलयस्स अणगारस्स सरीरयं
 सुक्कं भुक्कं जाव सब्बाबाहं सरोगं पासति २ एवं वदासी—अहं गां भंते !
 तुब्भं अहापवित्तेहिं तिगिच्छएहिं अहापवित्तेणं ओसहभेसज्जेणं भत्तपाणेणं
 तिगिच्छं आउंटावेमि, तुब्भे गां भंते ! मम जाणसालासु समोसरह फासुअं
 एसणिज्जं पीढ-फलगसेज्जा-संथारगं ओगिणिहत्ताणं विहरह ३ । तते गां
 से सेलए अणगारे मंडुयस्स रत्तो एयमट्टं तहत्ति पडिसुणेति, तते गां
 से मंडुए सेलयं वंदति नमंसति २ जामेव दिसिं पाउब्भूते तामेव दिसिं
 पडिगए ४ । तते गां से सेलए कल्लं जाव जलंते सभंड-मत्तोवगरण-मायाए
 पंथयपामोक्खेहिं पंचहिं अणगारसएहिं सद्धिं सेलगपुर-मणुपविसति २
 जेणेव मंडुयस्स जाणसाला तेणेव उवागच्छति २ फासुयं पीढ जाव
 विहरति ५ । तते गां से मंडुए चिगिच्छए सहावेति २ एवं वदासी—तुब्भे
 गां देवाणुप्पिया ! सेलयस्स फासुएसणिज्जेणं जाव तेगिच्छं आउट्टेह, तते

गां तेगिच्छया मंडुएणां रन्ना एवं बुत्ता हट्टुट्टु जाव सेलयस्स अहापवित्तेहिं
 ओसहभेसज्जभत्तपाणेहिं तेगिच्छं आउट्टेति, मज्जपाणां च से उवदिसंति
 ६ । तते गां तस्स सेलयस्स अहापवित्तेहिं जाव मज्जपाणेण रोगायंके उवसंते
 होत्था हट्टे म(क)ल्लसरीरे जाते ववगयरोगायंके, तते गां से सेलए तंसि
 रोगायंकंसि उवसंतंसि समागांसि तंसि विपुलंसि असणा-पाणा-खाइमसाइमंसि
 मज्जपाणाए य मुच्छिए गट्टिए गिद्धे अज्भोववन्ने ओसन्ने ओसन्नविहारी
 एवं पासत्थे २ कुसीले २ पमत्ते संसत्ते उउवद्ध-पीढफलग-सेज्जासंथारए पमत्ते
 यावि विहरति, नो संचाएति फासुएसणिज्जं पीढं पच्चप्पिणित्ता, मंडुयं च
 रायं आपुच्छित्ता बहिया जाव (जणावयविहारं अब्भुज्जणा पवत्तेणा
 पग्गहिणा) विहरित्ते ७ । तते गां तंसि पंथयवज्जाणां पंचराहं
 अणागारसयाणां अन्नया कयाइं एगयओ सहियाणां जाव पुव्वरत्ता-
 वरत्त-कालसमयंसि धम्मजागरियं जागरमाणाणां अयमेयारूवे अब्भत्थिए
 जाव समुप्पज्जित्था—एवं खलु सेलए रायरिमी चइत्ता रज्जं जाव पव्वतिए
 ८ । विपुलेणां असणा-पाणा-खाइम-साइमेणां मज्जपाणाए मुच्छिए, नो संचाएति
 जाव विहरित्ते, नो खलु कप्पइ देवाणाप्पिया ! समणाणां जाव पमत्ताणां
 विहरित्ते, तं सेयं खलु देवाणाप्पिया ! अम्हं कल्लं सेलयं रायरिसिं
 आपुच्छित्ता पाडिहारियं पीढफलग-सेज्जासंथारगं पच्चप्पिणित्ता सेलगस्स
 अणागारस्स पंथयं अणागारं वेयावच्चकरं ठ्वेत्ता बहिया अब्भुज्जणां जाव
 विहरित्ते ९ । एवं संपेहेति २ कल्लं जेणोव सेलए आपुच्छित्ता पाडिहा-
 रियं पीढ-फलग-सेज्जासंथारगं पच्चप्पिणांति २ पंथयं अणागारं वेयावच्चकरं
 ठवंति २ बहिया जाव विहरंति १० ॥ सूत्रं ६४ ॥ तते गां से पंथए सेलयस्स
 सेज्जासंथार-उच्चारपासवणा--खेलसंधाणा-भत्तओसह--भेसज्ज-भत्तपाणाणां अगि-
 लाए विणाणां वेयावड्डियं करेइ १ । तते गां से सेलए अन्नया कयाइं कत्तिय-
 चाउम्मासियंसि विपुलं असणा-पाणा-खाइम-साइमं आहारमाहारिए सुबहुं

मज्जपाण्यं पीए पुब्बा(पञ्चा)वरगहकालसमयंसि सुहप्पसुत्ते २ । तते गां से पंथए कत्तिय-चाउम्मासियंसि कयकाउस्सग्गे देवसियं पडिक्कमणां पडिक्कंते चाउम्मासियं पडिक्कमिउंकामे सेलयं रायरिसिं खामणाट्टयाए सीसेणां पाएसु संघट्टेइ ३ । तते गां से सेलए पंथएणां सीसेणां पाएसु संघट्टिए समाणे आसुरुत्ते जाव मिसिमिसेमाणे उट्टेति २ एवं वदासी-से केस गां भो एस अर्पात्थयपत्थए जाव परिवज्जिए जे गां ममं सुहपसुत्तं पाएसु संघट्टेति ? तते गां से पंथए सेलएणां एवं बुत्ते समाणे भीए तत्थे तसिए करयल-परिग-हियदसनहं जाव कट्टु एवं वदासी-अहरणां भंते ! पंथए कयकाउस्सग्गे देवसियं पडिक्कमणां पडिक्कंते चाउम्मासियं पडिक्कंते चाउम्मासियं खामेमाणे देवाणुप्पियं वंदमाणे सीसेणां पाएसु संघट्टेमि, तं खमंतु गां देवाणुप्पिया ! खमन्तु मेऽवराहं तुमराणां (खंतुमरहंतु गां) देवाणुप्पिया ! गाइभुजो एवं करणयाएत्तिकट्टु सेलयं अणगारं एतमट्टं सम्मं विणएणां भुजो २ खामेति ४ । तते गां तस्स सेलयस्स रायरिसिस्स पंथएणां एवं बुत्तस्स अयमेयारूवे जाव समुप्पज्जित्था-एवं खलु अहं रज्जं च जाव ओसन्नो जाव उउबद्धपीढ-फलग-सेज्जासंथारए विहरामि, तं नो खलु कप्पति समणाणां णिग्गंथाणां अपसत्थाणां जाव विहरित्तए, तं सेयं खलु मे कल्लं मंडुयं रायं आपुच्छित्ता पाडिहारियं पीढफलग-सेज्जासंथारयं पन्नप्पिणित्ता पंथएणां अणगारेणां सद्धिं बहिया अम्भुज्जएणां जाव जणवयविहारेणां विहरित्तए, एवं संपेहेति २ कल्लं जाव विहरति ५ ॥ सूत्रं ६५ ॥

एवामेव समणाउसो ! जाव निग्गंथे वा २ ओसन्ने जाव संथारए पमत्ते विहरति से गां इहलोए चेव बहूणां समणाणां ४ हीलणिज्जे संसारो भाणियव्वो १ । तते गां ते पंथगवज्जा पंच अणगारसया इमीसे कहाए लद्धट्टा समाणा अन्नमन्नं सहावेति २ एवं वयासी-सेलए रायरिसी पंथएणां बहिया जाव विहरति, तं सेयं खलु देवाणुप्पिया ! अमहं सेलयं

उवसंपञ्जिता णं विहरित्तए, एवं संपेहेति २ ता सेलयं रायं उवसंपञ्जि-
त्ताणं विहरंति २ ॥ सूत्रं ६६ ॥ तते णं ते सेलयपामोक्खा पंच अण-
गारसया बहूणि वासाणि सामन्नपरियागं पाउणित्ता जेणोव पोंडरीये पव्वए
तेणोव उवागच्छंति २ जहेव थावच्चापुत्ते तहेव सिद्धा १ । एवामेव समणा-
उत्तो ! जो निग्गंथो वा २ जाव विहरिस्सति एवं खलु जंबू ! समणोणं
भगवया महावीरेणं पंचमस्स णायज्झयणस्स अयमट्ठे पराणत्तेत्तिवेमि
२ ॥ सूत्रं ६७ ॥ पंचमं नायज्झयणं समत्तं ॥

॥ इति पञ्चममध्ययनम् ॥ ५ ॥

॥६॥ श्रीतुम्बकाख्यं षष्ठमध्ययनम् ॥

जति णं भंते ! समणोणं जाव संपत्तेणं पंचमस्स णायज्झयणस्स
अयमट्ठे पन्नत्ते छट्ठस्स णं भंते ! नायज्झयणस्स समणोणं जाव संपत्तेणं
के अट्ठे पन्नत्ते ?, एवं खलु जंबू ! तेणं कालेणं २ रायगिहे समोसरणं
परिसा निग्गया १ । तेणं कालेणं २ समणस्स भगवत्तो महावीरस्स जेट्ठे
अंतेवासो इंदभूती अणगारे अदूरसामंते जाव सुक्कज्झाणोवगए विहरति,
तते णं से इंदभूती अणगारे जायसट्ठे ० समणस्स ३ एवं वदासी-कहराणं
भंते ! जीवा गुरुयत्तं वा लहुयत्तं वा हव्वमागच्छंति ?, गोयमा ! से जहा
नामए केइ पुरिसे एगं महं सुक्कं तुवं णिच्छिड्डं निरुवहयं दब्भेहिं
कुसेहिं वेढेइ २ मट्ठियालेवेणं लिंपति उराहे दलयति २ सुक्कं समाणं
दाच्चंपि दब्भेहि य कुसेहि य वेढेति २ मट्ठियालेवेणं लिंपति २ उराहे
सुक्कं समाणं तच्चंपि दब्भेहि य कुसेहि य वेढेति २ मट्ठियालेवेणं लिंपति,
एवं खलु एणुवाएणं अंतरा वेढेमाणो अंतरा लिंपेमाणो अंतरा सुक्कवेमाणो
जाव अट्ठहिं मट्ठियालेवेहिं आलिंपति, अत्थाह-मतारम-पोरिसियंसि उदगंसि
पक्खिवेजा, से णूणं गोयमा ! से तुंवे तेसिं अट्ठराहं मट्ठियालेवाणं गुरुय-

याए भारियाए गुरुयभारियाए उषिं सलिलमतिवइत्ता अहे धरणियल-
पइट्टाणे भवति, एवामेव गोयमा ! जीवावि पाणातिवाएणां जाव मिच्छा-
दंसणसल्लेणां अणुपुब्बेणां अट्ट कम्मपगडीओ समज्जिणान्ति, तासिं गरुय-
याए भारियाए गरुयभारियाए कालमासे कालं किच्चा धरणियल-मतिव-
तित्ता अहे नरगतल-पइट्टाणा भवंति, एवं खलु गोयमा ! जीवा गुरुयत्तं
हव्वमागच्छंति २ । अहराणां गोयमा ! से तु वे तंसि पढमिल्लुगंसि मट्टि-
यालेवंसि तिन्सि कुहियंसि परिसडियंसि ईसिं धरणियलाओ उप्पत्तिता
णां चिट्ठति, ततोऽणंतरं च णां दोच्चंपि मट्टियालेवे जाव उप्पत्तिता णां
चिट्ठति, एवं खलु एएणां उवाएणां तेसु अट्टसु मट्टियालेवेसु तिन्नेसु जाव
विमुक्कबंधणे अहेधरणियल-मइवइत्ता उषिं सलिलतल-पइट्टाणे भवति, एवा-
मेव गोयमा ! जीवा पाणातिवातवेरमणेणां जाव मिच्छादंसण-सल्ल-वेरमणेणां
अणुपुब्बेणां अट्ट कम्मपगडीओ खवेत्ता गगणतल-मुप्पइत्ता उषिं लोयग्ग-
पतिट्टाणा भवंति, एवं खलु गोयमा ! जीवा लहुयत्तं हव्वमागच्छंति ३ ।
एवं खलु जंबू ! समणेणां भगवया महावीरेणां छट्टस्स नायज्झयणास्स
अयमट्टे पन्नत्तेत्तिवेमि ४ ॥ सूत्रं ६८ ॥ छट्टं नायज्झयणां समत्तं ॥

॥ इति षष्ठमध्ययनम् ॥ ६ ॥

॥७॥ अथ श्रीरोहिणीज्ञाताख्यं सप्तममध्ययनम् ॥

जति णां भंते ! समणेणां जाव संपत्तेणां छट्टस्स नायज्झयणास्स अयमट्टे
पन्नत्ते सत्तमस्स णां भंते ! नायज्झयणास्स के अट्टे पन्नत्ते?, एवं खलु जंबू ! तेणां
कालेणां २ रायगिहे नाम नयरे होत्था, सुभूमिभागे उज्जाणे १ । तत्थ णां
रायगिहे नगरे धरणे नामं सत्थवाहे परिवसति, अहे ०, भदा भारिया
अहीणापंचेंदिय जाव सुरूवा, तस्स णां धराणास्स सत्थवाहस्स पुत्ता भदाए
भारियाए अत्तया चत्तारि सत्थवाहदारया होत्था, तंजहा-धणापाले धणादेवे

धणागोवे धणारक्खिए, तस्स गां धराणास्स सत्थवाहस्स चउराहं पुत्ताणां भारियाओ चत्तारि सुराहाओ होत्था, तंजहा-उज्झिया भोगवतिया रक्खतिया रोहिणिया २ । तते गां तस्स धराणास्स अन्नया कदाइं पुव्वरत्ता-वरत्त-कालसमयंसि इमेयारूवे अब्भत्थिए जाव समुप्पज्जित्था-एवं खलु अहं रायगिहे बहूणां ईसर जाव पभिईणां सयस्स कुडुंबस्स बहूसु कज्जेसु य करणिज्जेसु कोडुंबेसु य मंतगोसु य गुज्जे रहस्से निच्छए ववहारेसु य आपुच्छणिज्जे पडिपुच्छणिज्जे मेढी पमाणे आहारे आलंबणे चक्खुमेढीभूते कज्जवट्टावए ३ । तं गां गाज्जति जं मए गयंसि वा चुयंसि वा मयंसि वा भग्गंसि वा लुग्गंसि वा सडियंसि वा पडियंसि वा विदेसत्थंसि वा विप्पवसियंसि वा, इमस्स कुडुंबस्स किं मन्ने आहारे वा आलंबे वा पडिंबे वा भविस्सति ? ४ । तं सेयं खलु मम कल्लं जाव जलंते विपुलं असणां ४ उवक्खडावेत्ता मित्तणाति-नियगसयणा-संबंधि-परिजणां चउराहं सुराहाणां कुलघर-वग्गं आमंतेत्ता तं मित्तणाइ-णियगसयणा-संबंधिपरिजणां चउराह य सुराहाणां कुलघरवग्गं विपुलेणां असणा-पाणा-खाइम-साइयेणां धूवपुण्णवत्थगंधं जाव सक्कारेत्ता सम्माणोत्ता तस्सेव मित्तणाति-नियग-सयणासंबंधिपरिजणास्स चउराह य सुराहाणां कुलघरवग्गस्स पुरतो चउराहं सुराहाणां परिक्खणाट्टयाए पंच २ सालिअक्खए दलइत्ता जाणामि ताव का किहं वा सारक्खइ वा संगोवेइ वा संवट्ठे ति वा ? ५ । एवं संपेहेइ २ कल्लं जाव मित्तणाति-नियग-सयणा-संबंधि-परिजणां चउराहं सुराहाणां कुलघरवग्गं आमंतेइ २ विपुलं असणां ४ उवक्ख-डावेइ ततो पच्छा राहाए कयबलिकम्मे जाव भोयणांमंडवंसि सुहासणा-वरगए मित्तणाति-नियग-सयणा-संबंधि-परिजणोणां चउराह य सुराहाणां कुलघरवग्गोणां सद्धिं तं विपुलं असणां ४ जाव सक्कारेति २ तस्सेव मित्तणाति-नियग-सयणा-संबंधि-परिजणास्स चउराह य सुराहाणां कुलघरवग्गस्स य पुरतो पंच सालि-अक्खए गेराहति २ जेट्ठा सुराहा उज्झितिया तं सदावेति २ एवं वदासी-

तुमं णं पुत्ता ! मम हत्थाओ इमे पंच सालिअक्खए गेराहाहि २ अणुपुब्बेणं सारक्खेमाणी संगोवेमाणी विहराहि, जया णंऽहं पुत्ता ! तुमं इमे पंच सालिअक्खए जाएजा तथा णं तुमं मम इमे पंच सालिअक्खए पडिदिजाए-जासित्तिकट्टु सुराहाए हत्थे दलयति २ पडिविसज्जेति ६ । तते णं सा उज्झिया धराणस्स तहत्ति एयमट्ठं पडिसुणोति २ धराणस्स सत्थवाहस्स हत्थाओ ते पंच सालिअक्खए गेराहति २ एगंतमव-कमति एगंतमवकमियाए इमेयारूवे अब्भत्थिए जाव समुप्पज्जित्था—एवं खलु तायाणं कोट्टागारंसि बहवे पत्था सालीणं पडिपुराणा चिट्ठंति, तं जया णं ममं ताओ इमे पंच सालिअक्खए जाएस्सति तथा णं अहं पल्लंतराओ अन्ने पंच सालिअक्खए गहाय दाहामित्तिकट्टु एवं संपेहेइ २ तं पंच सालिअक्खए एगंते एडेति २ सकम्मसंजुत्ता जाया यावि होत्था ७ । एवं भोगवतियाएवि, णवरं सा झोल्लेति २ अणुगिलति(फोल्लेइ) २ सकम्म-संजुत्ता जाया ८ । एवं रक्खियावि, नवरं गेराहति २ इमेयारूवे अब्भत्थिए जाव समुप्पज्जित्था—एवं खलु ममं ताओ इमस्स मित्तनाति-नियग-सयण-संबंधि-परिजणस्स चउराह य सुराहाणं कुलघरवग्गस्स य पुरतो सहावेत्ता एवं वदासी—तुमराणं पुत्ता ! मम हत्थाओ जाव पडिदिजाएजासित्तिकट्टु मम हत्थंसि पंच सालिअक्खए दलयति तं भवियव्वमेत्थ कारणोणंत्तिकट्टु एवं संपेहेति २ ते पंच सालिअक्खए सुद्धे वत्थे बंधइ २ रयणकरंडियाए पक्खिवेइ २ ऊसीसामूले अवेइ २ तिसंभं पडिजागरमाणी विहरइ ९ । तए णं से धरणो सत्थवाहे तस्सेव मित्त जाव चउत्थि रोहिणीयं सुराहं सहावेति २ जाव तं भवियव्वं एत्थ कारणोणं तं सेयं खलु मम एए पंच सालिअ-क्खए सारक्खेमाणीए संगोवेमाणीए संबद्धेमाणीएत्तिकट्टु एवं संपेहेति २ कुलघरपुरिसे सहावेति २ एवं वदासी—तुम्भे णं देवाणुप्पिया ! एते पंच सालिअक्खए गेराहह २ पढमपाउसंसि महावुट्टिकायंसि निवइयंसि समाणंसि

खुड्ढागं केयारं सुपरिकम्मियं करेह २ ता इमे पंच सालिअक्खए वावेह २ दोच्चंपि तच्चंपि उक्खयनिहए करेह २ वाडिपरिक्खेवं करेह २ सारक्खे-
 माणा संगोवेमाणा अणुपुव्वेणं संवड्ढेह १० । तते णं ते कोडुंबिया
 रोहिणीए एतमट्टं पडिसुणंति तं पंच सालिअक्खए गेराहंति २ अणुपुव्वेणं
 सारक्खंति संगोवंति० विहरंति ११ । तए णं ते कोडुंबिया पढमपाउसंसि
 महावुट्टिकायंसि णिवइयंसि समाणंसि खुड्ढायं केदारं सुपरिकम्मियं करेति २
 ते पंच सालिअक्खए ववंति दुच्चंपि तच्चंपि उक्खयनिहए करेति २ वाडि-
 परिक्खेवं करेति २ अणुपुव्वेणं सारक्खेमाणा संगोवेमाणा संवड्ढेमाणा
 विहरंति १२ । तते णं ते साली अणुपुव्वेणं सारक्खिज्जमाणा संगोवि-
 ज्जमाणा संवड्ढिज्जमाणा साली जाया किराहा किराहोभासा जाव निउरं-
 बभूया पासादीया ४, तते णं साली पत्तिया वत्तिया(तइया) गन्धिया पसूया
 आगयगंधा खीराइया बद्धफला पक्का परियागया सल्लइपत्तया (सल्लइया
 पत्तइया) हरियपव्वकंडा जाया यावि होत्था १३ । तते णं ते कोडुंबिया
 ते सालीए पत्तिए जाव सल्लइए पत्तइए जाणित्ता तिक्खेहिं णवपज्जणएहिं
 असियएहिं लुणोति २ करयलमलिते करेति २ पुणंति, तत्थ णं चोक्खाणं
 सूयाणं अक्खंडाणं अफोडियाणं छड्ढुड्ढापुट्टा(प्रया)णं सालीणं मागहए
 पत्थह जाए तते णं ते कोडुंबिया ते साली णवएसु घडएसु पक्खिखवंति २
 उपलिंपंति २ लिंपेति २ लंछियमुहिते करेति २ कोट्टागारस्स एगदे-
 संसि अवेति २ सारक्खेमाणा संगोवेमाणा विहरंति १४ । तते णं ते
 कोडुंबिया दोच्चंमि वासारत्तंसि पढमपाउसंसि महावुट्टिकायंसि निवइयंसि
 खुड्ढागं केयारं सुपरिकम्मियं करेति ते साली ववंति दोच्चंपि तच्चंपि उक्ख-
 यणिहए जाव लुणोति जाव चलणतलमलिए करेति २ पुणंति, तत्थ णं
 सालीणं बहवे कुड्ढवा(मुरला) जाव एगदेसंसि अवेति २ सारक्खेमाणा
 संगोवेमाणा विहरंति १५ । तते णं ते कोडुंबिया तच्चंसि वासारत्तंसि

महाबुट्टिकायंसि निवड्यंसि बहवे केदारे सुपरिकम्भियं करेति जाव लुण्ठेति
 २ संवहंति २ खलयं करेति २ मलेति जाव बहवे कुंभा जाया, तते गां
 ते कोडु विया साली कोट्टागारंसि पक्खिवंति जाव विहरंति, चउत्थे वासा-
 रत्ते बहवे कुंभसया जाया १६ । तते गां तस्स धराणास्स पंचमयंसि संवच्छ-
 रंसि परिणाममाणंसि पुव्वरतावरत्त-कालसमयंसि इमेयारूवे अब्भत्थिए जाव
 समुप्पज्जित्था—एवं खलु मम इत्थो अतीते पंचमे संवच्छरे चउराहं सुराहाणं
 परिक्खणट्टयाए ते पंच सालिअक्खता हत्थे दिन्ना तं सेयं खलु मम कल्लं
 जाव जलंते पंच सालिअक्खए परिजाइत्तए जाव जाणामि ताव काए
 किहं सारक्खिया वा संगोविया वा संवड्ढिया जावत्तिकट्टु एवं संपेहेति २
 कल्लं जाव जलंते विपुलं असणं ४ जाव मित्तनाय-निगम-सयण-संबंधि-
 परिजणं चउराह य सुराहाणं कुलघर जाव सम्माणित्ता तस्सेव मित्तनाय-
 नियग-सयण-संबंधि-परिजणस्स चउराह य सुराहाणं कुलघरवग्गस्स पुरत्थो
 जेट्टं उज्झियं सहावेइ २ ता एवं वयासी—एवं खलु अहं पुत्ता ! इतो
 अतीते पंचमंसि संवच्छरंसि इमस्स मित्तनायनियग-सयण-संबंधि-परिजणस्स
 चउराह य सुराहाणं कुलघरवग्गस्स य पुरतो तव हत्थंसि पंच सालिअक्खए
 दलयामि जया गां अहं पुत्ता ! एए पंच सालियअक्खए जाएज्जा तथा गां
 तुमं मम इमे पंच सालिअक्खए पडिदिजाएजासित्तिकट्टु तं हत्थंसि
 दलयामि, से नूणं पुत्ता ! अत्थे समट्टे ?, हंता अत्थि, तन्नं पुत्ता ! मम ते
 सालिअक्खए पडिनिजाएहि १७ । तते गां सा उज्झितिया एयमट्टं
 धराणास्स पडिसुणोति २ जेणोव कोट्टागारं तेणोव उवागच्छति २ पल्लातो
 पंच सालिअक्खए गेराहति २ जेणोव धराणो सत्थवाहे तेणोव उवागच्छति
 २ धराणं सत्थवाहं एवं वदासी—एए गां ते पंच सालिअक्खएत्तिकट्टु
 धराणास्स हत्थंसि ते पंच सालिअक्खए दलयति, तते गां धराणो उज्झियं
 सवहसावियं करेति २ एवं वयासी—किराणं पुत्ता ! एए ते चेव पंच

सालिअक्खए उदाहु अन्ने ? तते गां उज्झिया धराणां सत्थवाहं एवं वयासी—एवं खलु तुब्भे तातो ! इअोस्तीए पंचमे संवच्छरे इमस्स मित्तनाति-नियग-सजणा-संबंधि-परिजणास्स चउराह य सुरहाणां कुलघरवग्गस्स जाव विहरामि, तते गांइहं तुब्भं एतमट्ठं पडिसुणोमि २ ते पंच सालिअक्खए गेराहामि एगंतमवक्कमामि तते गां मम इमेयारूवे अब्भत्थिए जाव समुप्पजित्था—एवं खलु तायाणां कोट्टागारंसि बहवे जाव सकम्मसंजुत्ता, तं णो खलु ताअो ! ते चेव पंच सालिअक्खए एए गां अन्ने, तते गां से धराणे उज्झियाए अंतिए एथमट्ठं सोच्चा णिसम्म आसुरुत्ते जाव मिसिमिसेमाणो उज्झितियं तस्स मित्तनाति-नियग-सजणा-संबंधि-परिजणास्स चउराह य सुरहाणां कुलघरवग्गस्स य पुरअो तस्स कुलघरस्स द्धारुज्झियं च द्धारुज्झियं च कयवरुज्झियं च समु(संपु)च्छियं च सम्मज्झियं च पाउवदाइं च गहाणोवदाइं च बाहिरपेसणाकारिं ठ्वेति १८ । एवामेव समणाउसो ! जो अम्हं निग्गंथो वा २ जाव पव्वतिते पंच य से महव्वयातिं उज्झियाइं भवंति से गां इह भवे चेव बहूणां समणारां ४ जाव अणुपरियट्ठिइस्सइ जहा सा उज्झिया । एवं भोगवइयावि, नवरं तस्स कंडितियं वा कोट्टंतियं च पीसंतियं च एवं रुच्चंतियं रंधंतियं परिवेसंतियं च परिभायंतियं च अब्भंतरियं च पेसणाकारिं महाणासिणिं ठ्वेति १९ । एवामेव समणाउसो ! जो अम्हं समणो पंच य से महव्वयाइं फोडि(ल्लि)याइं भवंति से गां इह भवे चेव बहूणां समणारां ४ जाव हीलणिज्जे ४ जहा व सा भोगवतिया २० । एवं रक्खितियावि, नवरं जेणोव वासघरे तेणोव उवागच्छइ २ मंजूसं विहाडेइ २ रयणाकरंडगाअो ते पंच सालिअक्खए गेराहति २ जेणोव धराणे तेणोव उवागच्छति २ पंच सालिअक्खए धराणास्स हत्थे दलयति, तते गां से धराणे रक्खितियं एवं वदासी—किन्नं पुत्ता ! ते चेव ते पंच सालिअक्खया उदाहु अन्नेत्ति ?,

तते गां रक्खितिया धराणां सत्थवाहं एवं वयासी—एवं खलु तातो ! जाव ते चेवं ताया ! एए पंच सालिअक्खया णो अन्ने, कहन्नं पुत्ता !, एवं खलु ताओ ! तुब्भे इओ पंचमंमि जाव भवियव्वं एत्थ कारणोणांतिकट्ट ते पंच सालिअक्खए सुद्धे वत्थे जाव तिसंभं पडिजागरमाणी य विहरामि, ततो एतेणां कारणोणां ताओ ! ते चेव ते पंच सालिअक्खए णो अन्ने, तते गां से धराणो रक्खितियाए अंतिए एयमट्टं सोचा हट्टुट्ट तस्स कुलधरस्स हिरन्नस्स य कंसदूस-विपुल-धरा जाव सावतेजस्स य भंडागारिणि ठ्वेति २१ । एवामेव समणाउसो ! जाव पंच य से महव्वयातिं रक्खियातिं भवंति से गां इह भवे चेव बहूणां समणाणां ४ अच्चणिज्जे जहा जाव सा रक्खिया २२ । रोहिणियावि एवं चेव, नवरं तुब्भे ताओ ! मम सुबहुयं सगडीसागडं दलाहि जेणां अहं तुब्भं ते पंच सालिअक्खए पडिणिजाएमि, तते गां से धराणो रोहिणि एवं वदासी—कहराणां तुमं मम पुत्ता ! ते पंच सालिअक्खए सगड(डी)सागडेणां निजाइस्ससि ?, तते गां सा रोहिणी धराणां एवं वदासी—एवं खलु तातो ! इओ तुब्भे पंचमे संवच्छरे इमस्स मित्त जाव बहवे कुंभमया जाया तेणोव कमेणां एवं खलु ताओ ! इओ तुब्भे ते पंच सालिअक्खए सगडसागडेणां निजाएमि २३ । तते गां से धराणो सत्थवाहे रोहिणीयाए सुबहुयं सगडसागडं दलयति, तते गां रोहिणी सुबहुं सगडसागडं गहाय जेणोव सए कुलधरे तेणोव उवागच्छइ कोट्टागारे विहाडेति २ पल्ले उब्भदति २ सगडीसागडं भरेति २ रायगिहं नगरं मज्झमज्जेणां जेणोव सए गिहे जेणोव धराणो सत्थवाहे तेणोव उवागच्छति २४ । तते गां रायगिहे नगरे सिधाडग जाव बहुजणो अन्नमन्नं एवमातिक्खति—धन्ने गां देवाणुप्पिया ! धराणो सत्थवाहे जस्स गां रोहिणीया सुराहा जीए गां पंच सालिअक्खए सगडसागडेणां निजाएति २५ । तते गां से धराणो सत्थवाहे ते पंच सालिअक्खए सगडसागडेणां निजाएतिते

पासति २ हट्टु जाव पडिच्छति २ तस्सेव मित्तनाति-निययसज्जा-
संबंधि-परिजणास्स चउराह य सुराहाणां कुलधरपुरतो रोहिणीयं
सुराहं तस्स कुलधरस्स बहुसु कज्जेसु य जाव रहस्सेसु य
आपुच्छणिज्जं जाव वट्टावितं पमाणभूयं ठवेति २६ । एवामेव समणा-
उसो ! जाव पंच महब्बया संबद्धिया भवंति से णं इह भवे चेव बहूणां सम-
णाणां जाव वीतीवइस्सइ जहा व सा रोहिणीया २७ । एवं खलु जंबू !
समणेणं भगवया महावीरेणं सत्तमस्स नायज्भयणास्स अयमट्टे पन्नत्तेत्ति-
वेमि २८ ॥ सूत्रं ६१ ॥ सत्तमं नायज्भयणां समत्तं ॥

॥ इति सप्तममध्ययनम् ॥ ७ ॥

॥८॥ अथ श्रीमल्लीज्ञाताख्य-मष्टममध्ययनम् ॥

जति णं भंते ! समणेणं भगवया महावीरेणं सत्तमस्स नायज्भयणास्स
अयमट्टे पराणत्ते अट्टमस्स णं भंते ! के अट्टे पराणत्ते ? एवं खलु जंबू !
तेणं कालेणं तेणं समणेणं इहेव जंबूदीवे दीवे महाविदेहे वासे २
मंदरस्स पव्वयस्स पच्चत्थिमेणं निसदस्स वासहरपव्वयस्स उत्तरेणं सीयोयाए
महाणदीए दाहिणेणं सुहावहस्स वक्खारपव्वतस्स पच्चत्थिमेणं पच्चत्थिम-
लवणासमुद्दस्स पुरच्छिमेणं एत्थ णं सलिलावती नामं विजए पन्नत्ते ? ।
तत्थ णं सलिलावती(नलिनावती)विजए वीयसोगा नामं रायहाणी पन्नत्ता,
नवजोयणाविच्छिन्ना जाव पच्चक्खं देवलोगभूया, तीसे णं वीयसोगाए
रायहाणीए उत्तरपुरच्छिमे दिसिभाए इंदकुंभे नामं उज्जाणे, तत्थ णं
वीयसोगाए रायहाणीए बले नामं राया, तस्सेव धारणीपामोक्खं देविसहस्सं
उवरोधे होत्था २ । तते णं सा धारिणी देवी अन्नया कदाइ सीहं सुमिणे
पासित्ता णं पडिबुद्धा जाव महब्बले नामं दारए जाए उम्मुक्क जाव भोग-
समत्थे, तते णं तं महब्बलं अम्मापियरो सरिसियाणं कमलसिरी-पामोक्खारां

पंचराहं रायवरकन्नासयारां एगदिवसेरां पाणिं गेरहावेति, पंच पासायसया पंचसतो दातो जाव विहरति ३ । थेरागमणं इंदकुंभे उजागो समोसढे परिसा निग्गया, बलोवि निग्गयो धम्मं सोचा णिसम्म जं नवरं महब्बलं कुमारं रज्जे ठवेति जाव एकारसंगवी बहूणि वासाणि सामराणपरियायं पाउणित्ता जेणोव चारुपव्वए मासिएरां भत्तेरां सिद्धे ४ । तते णं सा कमलसिरी अन्नदा सीहं सुमिणे जाव बलभदो कुमारो जाओ, जुवराया यावि होत्था, तस्स णं महब्बलस्स रन्नो इमे छप्पिय बालवयंसगा रायाणो होत्था, तंजहा—अयले १ धरणो २ पूरणो ३ वसु ४ वेसमणो ५ अभिचंदे ६ सहजायया जाव संहिचाते णित्थरियव्वेत्तिकट्टु अन्नमन्नस्सेयमट्टं पडिसु- णोति ५ । तेणं कालेरां २ इंदकुंभे उजागो थेरा समोसदा, पारिसा निग्गया महब्बले णं धम्मं सोचा जं नवरं छप्पिय बालवयंसए आपुच्छामि बलभहं च कुमारं रज्जे ठवेमि जाव छप्पिय बालवयंसए आपुच्छति, तते णं ते छप्पिय बालवयंसए महब्बलं रायं एवं वदासी—जति णं देवाणुप्पिया ! तुब्भे पव्वयह अम्हं के अन्ने आहारे वा जाव पव्वयामो, तते णं से महब्बले राया ते छप्पिय बालवयंसयारां एवं वदासी—जति णं तुब्भे मए सद्धि जाव पव्वयह तो णं गच्छह जेट्ठे पुत्ते सएहिं २ रज्जेहिं ठवेह जाव पुरिससहस्सवाहिणीओ सीयाओ दुरूढा जाव पाउब्भवन्ति ६ । तते णं से महब्बले राया छप्पिय बालवयंसए पाउब्भूते पासति २ हट्टुत्तुट्टु जाव कोडुं वियपुरिसे सहावेइ जाव बलभदस्स अभिसेओ, आपुच्छति, तते णं से महब्बले जाव महया इड्डीए पव्वतिए एकारस अंगाइं अहिज्जति २ बहूहिं चउत्थ जाव भावेमाणो विहरति ७ । तते णं तेसि महब्बलपामोक्खारां सत्तराहं अणगारां अन्नया कयाइ एगयओ सहियां इमेयारूवे मिहो कहासमुल्लावे समुप्पजित्था—जरां अम्हं देवाणुप्पिया ! एगे तवोकम्मं उव्वसं- पजित्ता णं विहरति तराणं अम्हेहिं सव्वेहिं तवोकम्मं उव्वसंपजित्ताणं

(कण्ड) विहरित्तएत्तिकट्टु अणगामराणस्स एयमट्ठं पडिसुणोति २ बहूहिं चउत्थ जाव विहरति = । तते णां से महब्बले अणगारे इमेणां कारणाणां इत्थिणांमगोयं कम्मं निव्वत्तेसु—जति णां ते महब्बलवज्जा छ अणगारा चउत्थं उवसंपज्जित्ताणां विहरंति ततो से महब्बले अणगारे छट्ठं उवसंपज्जित्ता णां विहरइ, जति णां ते महब्बलवज्जा अणगारा छट्ठं उवसंपज्जित्ता णां विहरंति ततो से महब्बले अणगारे अट्ठमं उवसंपज्जित्ता णां विहरति, एवं अट्ठमं तो दसमं अह दसमं तो दुवालसं, इमेहि य णां वीसाएहि य कारणाहिं आसेवियवहुलीकएहिं तित्थयरनामगोयं कम्मं निव्वत्तिसु, तंजहा—अरहंतं १ सिद्ध २ पवयणा ३ गुरु ४ थेर ५ बहुस्सुए ६ तवस्सीसुं ७ ॥ वच्छल्लया य तेसिं अभिक्ख णाणोवओगे य = ॥ १ ॥ दंसणा १ विणाए १० आवस्सए य ११ सीलव्वए निरइयारं १२ । खणालव १३ तव १४ चियाए १५ वेयावच्चे १६ समाही य १७ ॥ २ ॥ अप्पुव्वणाणागहणे १८ सुयभत्ती १९ पवयणे पभावणाया २० । एएहिं कारणाहिं तित्थयरत्तं लहइ जीओ (एसो, सो उ) ॥ ३ ॥ ८ । तए णां ते महाब्बलपामोक्खा सत्त अणगारा मासियं भिक्खुपडिमं उवसंपज्जित्ताणां विहरंति जाव एगराइयं उवसंपज्जित्ताणां विहरंति, ९ । तते णां ते महाब्बलपामोक्खा सत्त अणगारा खुड्डागं सीहनिक्कीलियं तवोकम्मं उवसंपज्जित्ताणां विहरंति, तंजहा—चउत्थं करेति २ सब्बकामगुणियं पारेति २ छट्ठं करेति २ चउत्थं करेति २ अट्ठमं करेति २ छट्ठं करेति २ दसमं करेति २ अट्ठमं करेति २ दुवालसमं करेति २ दसमं करेति २ चाउहसमं करेति २ दुवालसमं करेति २ सोलसमं करेति २ चोहसमं करेति २ अट्टारसमं करेति २ सोलसमं करेति २ वीसइमं करेति २ अट्टारसमं करेति २ वीसइमं करेति २ सोलसमं करेति २ अट्टारसमं करेति २ चोहसमं करेति २ सोलसमं करेति २ दुवालसमं करेति २ चाउहसमं करेति २ दसमं करेति २ दुवाल-

समं करेति २ अट्टमं करेति २ दसमं करेति २ छट्टं करेति २ अट्टमं करेति २ चउत्थं करेति २ छट्टं करेति २ चउत्थं करेति सब्वत्थ सब्वकामगुणिएणां पारेंति, एवं खलु ऐसा खुड्ढागसीहनिकीलियस्स तवोकम्मस्स पढमा परिवाडी छहिं मासेहिं सत्तहि य अहोरत्तेहि य अहासुत्ता जाव आराहिया भवइ, तयाणांतरं दोच्चाए परिवाडीए चउत्थं करेति नवरं विगइवज्जं पारेंति, एवं तच्चावि परिवाडी नवरं पारणाए अलेवाडं पारेंति, एवं चउत्थावि परिवाडी नवरं पारणाए आयंबिलेणां पारेंति १० । तए गां ते महब्बलपामोक्खा सत्त अणागारा खुड्ढागं सीहनिकीलियं तवोकम्मं दोहिं संवच्छरेहिं अट्टावीसाए य अहोरत्तेहिं अहासुत्तं जाव आणाए आराहेत्ता जेगोव थेरे भगवंते तेगोव उवागच्छंति २ थेरे भगवंते वंदंति नमंसंति २ एवं वयासी-इच्छामो गां भंते । महालयं सीहनिकीलियं तहेव जहा खुड्ढागं नवरं चोत्तीसइमात्थो नियत्तए एगाए परिवाडीए कालो एगेणां संवच्छरेणां छहिं मासेहिं अट्टारसहि य अहोरत्तेहिं समप्पेति, सब्वापि सीहनिकीलियं छहिं वासेहिं दोहि य मासेहिं बारसहि य अहोरत्तेहिं समप्पेति ११ । तए गां ते महब्बलपामोक्खा सत्त अणागारा महालयं सीहनिकीलियं अहासुत्तं जाव आराहेत्ता जेगोव थेरे भगवंते तेगोव उवागच्छंति २ थेरे भगवंते वंदंति नमंसंति २ बहूणि चउत्थ जाव विहरंति १२ । तते गां ते महब्बलपामोक्खा सत्त अणागारा तेणां ओरालेणां सुक्का भुवखा जहा खंदत्थो नवरं थेरे आपुच्छित्ता चारुपव्वयं दुरूहंति २ जाव दोमासियाए संलेहणाए सवीसं भत्तसयं चतुरासीतिं वाससयसहस्सातिं सामराणापरियागं पाउगांति २ चुलसीतिं पुव्वसयसहस्सातिं सब्वाउयं पालइत्ता जयंते विमाणो देवत्ताए उववन्ना १३ ॥ सूत्रं ७० ॥

तत्थ गां अत्येगतियाणां देवाणां बत्तीसं सागरोवमाइं ठिती, तत्थ गां महब्बलवज्जारां छराहं देवाणां देसूणाइं बत्तीसं सागरोवमाइं ठिती,

महव्वलस्स देवस्स पडिपुन्नाइं वत्तीसं सागरोवमाइं ठिती १ । तते णं ते महव्वलवज्जा छप्पिय बालवयंसा देवा ताओ देवलोगाओ आउक्खएणां ठिइक्खएणां भवक्खएणां अरांतरं चयं चइत्ता इहेव जंबुद्दीवे २ भारहे वासे विसुद्ध-पितिमातिवंसेसु रायकुलेसु पत्तेयं २ कुमारत्ताए पच्चायायासी, तंजहा—पडिबुद्धी इक्खागराया, चंदच्छाए अंगराया, संखे कासिराया, रूपी कुणाला-हिवती, अदीणासत्तू कुरुयाया, जितसत्तू पंचालाहिवई २ । तते णं से महव्वले देवे तीहिं णाणोहिं समग्गे उच्चट्टाणाट्टि(ग)एसु गहेसु सोमासु दिसासु वितिमिरासु विसुद्धासु जइतेसु सउणोसु पर्याहिणाणुकूलंसि भूमिसप्पिसि मारुतंसि पवायंसि निष्फन्नसस्समेइणीयंसि कालंसि पमुइयपक्कीलिएसु जणावएसु अद्धरत्तकालसमयंसि अस्सिणाणक्खत्तेरां जोगमुवागएणां जे से हंमंतारां चउत्थे मासे अट्टमे पक्खे फग्गुणासुद्धे तस्स णं फग्गुणासुद्धस्स (गिम्हारां पढमे मासे दोच्चे पक्खे चेतसुद्धे तस्स णं चित्तसुद्धस्स) चउत्थि-पक्खेरां जयंताओ विमाणाओ वत्तीसं सागरोवमट्टितीयाओ अरांतरं चयं चइत्ता इहेव जंबुद्दीवे २ भारहे वासे मिहिलाए रायहाणीए कुंभगस्स रत्तो पभावतीए देवीए कुच्छिसि आहारवक्कंतीए सरीरवक्कंतीए भववक्कंतीए गम्भत्ताए वक्कंते, तं रयणिं च णं चोदस महासुमिणा वन्नओ, भतारकहरां सुमिणापाढगपुच्छा जाव विहरति ३ । तते णं तीसे पभावतीए देवीए तिरहं मासारां बहुपडिपुन्नारां इमेयारूवे डोहले पाउब्भूते—धन्नाओ णं ताओ अम्मयाओ जाओ णं जलथलय-भासुरप्पभूएणां दसद्धवन्नेरां मल्लेरां अत्थुयपच्चत्थुयंसि सयणिज्जंसि सन्निसन्नाओ सरिणावन्नाओ य विहरंति, एणं च महं सिरीदामगंडं पाडल-मल्लिय-चंपय-असोग-पुन्नाग-नाग-मरुयग-दमणाग-अणोज्ज-कोज्जयपउरं परमसुह-फासदरिसणिज्जं महया गंधद्धणिं मुयंतं अग्गायमाणीओ डोहलं विणोति ४ । तते णं तीसे पभावतीए देवीए इमेयारूवं डोहलं पाउब्भूतं पासिता अहासन्निहिया वाणमंतरा देवा

खिप्पामेव जलथलय जाव दसद्धवन्नमल्लं कुंभगसो य भारगसो य कुंभगस रन्नो भवगांसि साहरंति, एगं च गां महं सिरिदामगंडं जाव मुयंतं उवणेंति, तए गां सा पभावती देवी जलथलय जाव मल्लेणं डोहलं विणोति, तए गां सा पभावतीदेवी पमत्थडोहला जाव विहरइ ५ । तए गां सा पभावतीदेवी नवराहं मासाणं अद्धट्टमाणं य रतिं(राइ)दियाणं जे से हेमंताणं पढमे मासे दोच्चे पक्खे मग्गसिरसुद्धे तस्स गां मग्गसिरसुद्धस्स एकारसीए पुव्वरत्तावरत्त-कालसमयंसि अस्सिणीनक्खत्तेणं उच्चट्टाणट्टिएसे गहेसु जाव पमुइयपक्कीलिएसु जणावएसु आरोयाऽऽरोयं एकूणावीसतिमं तित्थयरं पयाया ६ ॥ सूत्रं ७१ ॥ तेगां कालेणं २ अहोलोग-वत्थव्वाओ अट्ट दिसाकुमारीओ मयहरीयाओ जहा जंबुद्दीवपन्नत्तीए जम्मणं सव्वं नवरं मिहिलाए कुंभयस्स पभावतीए अभिलाओ संजोएव्वो जाव नंदी-सरवरे दीवे महिमा १ । तथा गां कुंभए राया बहूहिं भवणावति ४ तित्थ-यर जाव कम्मं जाव नामकरणां, जम्हा गां अम्हे इमीए दारियाए माउए मल्लसयणिज्जंसि डोहले विणीते तं होउ गां णामेणं मल्ली २ । जहा महाबले नाम जाव परिवड्डिया, “सा वद्धती भगवतो दियलोयचुता अणो-वमसिरीया । दासीदासपरिवुडा परिकिन्ना पीडमहे हिं ॥१॥ असियसिरया सुनयणा विंबोटी धवलदंतपंतीया(सेदीया) । वरकमलगब्भगोरी(वराणा. कोमलंगी) फुल्लुप्पल(पउमुप्पलुप्पल)गंधनीसासा ॥२॥” ३ ॥ सूत्रं ७२ ॥ तए गां सा मल्ली विदेहवररायकन्ना उम्मुक्कवालभावा जाव रूवेण जोव्वशेण य लावन्नेण य अतीव २ उक्किट्टा उक्किट्टसरीरा जाया यावि होत्था १ । तते गां सा मल्ली देसूणावाससयजाया ते छप्पि रायाणो विपुलेण ओहिणा आभोएमाणी २ विहरति, तंजहा-पडिबुद्धि जाव जियसत्तुं पंचालाहिवइं २ । तते गां सा मल्ली कोडुंबियपुरिसे सहावेइ २ एवं वयासी-तुब्भे गां देवाणुप्पिया असोगवणियाए एगं महं मोहणाघरं करेह अणोग-खंभ-सयस-

त्रिविष्टं, तस्स गां मोहणघरस्स बहुमज्झदेसभाए छ गब्भघरए करेह, तेसि
गां गब्भघरगाणां बहुमज्झदेसभाए जालघरयं करेह, तस्स गां जालघरयस्स
बहुमज्झदेसभाए मणिपेट्टियं करेह २ जाव पच्चप्पिणांति ३ । तते गां मल्ली
मणिपेट्टियाए उवरिं अप्पणो सरिसियं सरित्तयं सरिव्वयं सरिस-लावन्न-
जोव्वण-गुणोववेयं कणागमइं मत्थयच्छिड्डं पउमुप्पलप्पिहाणां पडिमं
करेति २ जं विपुलं असणां ४ आहारेति ततो मणुन्नाओ असणा-पाणा-
खाइमसाइमाओ कल्लाकल्लि एगमेगं पिंडं गहाय तीसे कणागामतीए मत्थय-
च्छिड्डाए जाव पडिमाए मत्थयंसि पक्खिमाणी २ विहरति ४ । तते गां
तीसे कणागमतीए जाव मत्थयच्छिड्डाए पडिमाए एगमेगंसि पिंडे पक्खिप्प-
माणो २ ततो गंधे पाउब्भवति, से जहा नामए अहिमडेत्ति वा जाव एत्तो
अणिट्टतराए अमणामतराए ५ ॥ सूत्रं ७३ ॥ तेणां कालेणां २ कोसला
नाम जणवए, तत्थ गां सागेए नाम नयरे तस्स गां उत्तरपुरच्छिमे दिसीभाए,
एत्थ गां महं एगे णागघरए होत्था दिव्वे सच्चे सच्चोवाए संनिहियपाडिहेरे,
तत्थ गां नगरे पडिबुद्धिनाम इक्खागुराया परिवसति पउमावती देवी सुबुद्धी
अप्रच्चे सामदंड ० १ । तते गां पउमावतीए अन्नया कयाइं जागजन्नए यावि
होत्था, तते गां सा पउमावती नागजन्नसुवट्टियं जाणित्ता जेणोव पडिबुद्धि नाम
इक्खागुराया तेणोव उवागच्छइ २ करयल-परिग्गहिय-दसनहं सिरसावत्तं मत्थए
अंजलिं कट्टु एवं वदासी—एवं खलु सामी ! मम कल्लं नागजन्नए यावि भविस्सति
तं इच्छामि गां सामी ! तुब्भेहिं अब्भणुन्नाया समाणी नागजन्नयं गमित्तए,
तुब्भेज्जि गां सामी ! मम नागजन्नयंसि समोसरह, तते गां पडिबुद्धी
पउमावतीए देवीए एयमट्टं पडिसुणोति २ । तते गां पउमावती पडिबुद्धिणा
रन्ना अब्भणुन्नाया हट्टुट्टु जाव हियया कोडुं वियपुरिसे सहावेति २ एवं
वदासी—एवं खलु देवाणुप्पिया ! मम कल्लं नागजणए भविस्सति तं
तुब्भे मालागारे सहावेह २ एवं वदह—एवं खलु पउमावईए देवीए कल्लं

नागजत्रए भविस्सइ तं तुब्भे णं देवाणुप्पिया ! जलथलय जाव दसद्धवन्नं मल्लं णागघरयंसि साहरह एगं च णं महं सिरिदामगंडं उवणेह, तते णं जलथलय जाव दसद्धवन्नेरां मल्लेरां णाणाविहभत्ति-सुविरइयं हंस-मिय-मउर-कोंच-सारस-चक्रवाय-मयण-साल-कोइल-कुलोववेयं ईहामिय जाव भत्तिचित्तं महग्घं महरिहं विपुलं पुष्फमंडवं विरएह, तस्स णं बहुमज्झदेसभाए एगं महं सिरिदामगंडं जाव गंधद्धुणिं मुयंतं उल्लोयंसि ओलंबेह २ पउमावतिं देविं पडिवालेमाणा २ चिट्ठह ३ । तते णं ते कोडुंबिया जाव चिट्ठति, तते णं सा पउमावती देवी कळ्ळं० कोडुंबिए एवं वदासी-खिप्पामेव भो देवाणुप्पिया ! सागेयं नगरं सन्निभतरवाहिरियं आसित-सम्मज्जितोवलित्तं जाव पच्चप्पिणंति, तते णं सा पउमावती दोच्चंपि कोडुंबियपुरिसे सहावेति २ एवं वयासी-एवं खलु देवाणुप्पिया ! खिप्पामेव लहुकरणाजुत्तं जाव जुत्तामेव उवट्टवेह, तते णं तेऽवि तेहव उवट्टावेति ४ । तते णं सा पउमावती अंतो अंतेउरंसि राहाया जाव धम्मियं जाणं दूरूदा, तए णं सा पउमावई नियगपरिवालसंपरिवुडा सागेयं नगरं मज्झमज्झेणं णिज्जाति २ जेणेव पुक्खरणी तेणेव उवागच्छति २ पुक्खरणिं ओगाहइ २ जलमज्जणं जाव परमसूइभूया उल्लपडसाडया जातिं तथ उप्पलातिं जाव गेराहति २ जेणेव नागघरए तेणेव पहारेत्थ गमणाए, तते णं पउमावतीए दासचेडीओ बहुओ पुष्फपडलग-हत्थगयाओ धूव-कडु-च्छुग-हत्थ-गयाओ पिट्टतो समणुगच्छंति ५ । तते णं पउमावती सव्विड्ढिए जेणेव नागघरे तेणेव उवागच्छति २ नागघरयं अणुपविसति २ लोम-हत्थगं जाव धूवं डहति २ पडिबुद्धिं पडिवालेमाणी २ चिट्ठति, तते णं पडिबुद्धी राहाए हत्थिखंधवरगते सकोरंट जाव सेयवरचामराहिं हयगय-रहजोह-महया-भडग-चडकर-पहकरेहिं साकेयनगरं मज्झं मज्झेणं णिग्ग-च्छति २ जेणेव नागघरे तेणेव उवागच्छति २ हत्थिखंधाओ पच्चोरुहति २

आलोए पाणामं करेइ २ पुष्कमंडवं अणुपविसति २ पासति तं एगं महं
सिरिदामगंडं, तए गां पडिबुद्धी तं सिरिदामगंडं सुइरं कालं निरिक्खइ २
तंसि सिरिदामगंडंसि जायविम्हए सुबुद्धिं अमच्चं एवं वयासी—तुमन्नं
देवाणुप्पिया ! मम दोच्चेणं बहूणि गामागर जाव सन्निवेसाइं आहिंडसि
बहूणि रायईसर जाव गिहातिं अणुपविससि तं अत्थि एणं तुमे कहिंचि
एरिसए सिरिदामगंडे दिट्ठपुब्बे जारिसए गां इमे पउमावतीए देवीए सिरि-
दामगंडे ? ६ । तते गां सुबुद्धी पडिबुद्धिं रायं एवं वदासी—एवं खलु सामी !
अहं अन्नया कयाइं तुव्भं दोच्चेणं मिहिलं रायहाणिं गते तत्थि गां मए कुंभ-
गस्स रत्तो धूयाए पभावईए देवीए अत्तयाए मल्लीए संवच्छरपडिलेहाणंसि
दिव्वे सिरिदामगंडे दिट्ठपुब्बे तस्स गां सिरिदामगंडस्स इमे पउमावतीए
सिरिदामगंडे सयसहस्सतिमंपि कलं गा अग्घति ७ । तते गां पडिबुद्धी सुबुद्धिं
अमच्चं एवं वदासी—केरिसिया गां देवाणुप्पिया ! मल्ली विदेहरायवरकन्ना जस्स
गां संवच्छर-पडिलेहाणंसि सिरिदामगंडस्स पउमावतीए देवीए सिरिदामगंडे
सयसहस्सतिमपि कलं न अग्घति ? तते गां सुबुद्धी पडिबुद्धिं इक्खागुरायं
एवं वदासी—विदेहरायवरकन्नगा सुपडट्ठिय-कुमुन्नय-चारुचरणा वन्नथो ८ ।
तते गां पडिबुद्धी सुबुद्धिस्स अमच्चस्स अंतिए सोच्चा णिसम्म सिरिदामगंड-
जणितहासे दूयं सद्दावेइ २ एवं वयासी—गच्छाहि गां तुमं देवाणुप्पिया !
मिहिलं रायहाणिं तत्थि गां कुंभगस्स रत्तो धूयं पभावतीए देवीए अत्तियं
मल्लिं विदेह-वरराय-कराणं मम भारियत्ताए वरेहि जतिविय गां सा सयं
रज्जसुंका ९ । तते गां से दूए पडिबुद्धिणा रत्ता एवं बुत्ते समाणो हट्ठुट्ठ
जाव पडिसुण्णंति २ जेणोव सए गिहे जेणोव चाउग्घंटे आसरहे तेणोव
उवागच्छति २ चाउग्घंटे आसरहं पडिकप्पावेति २ दुरूढे जाव हयगय-
महयाभड-चडगरेणं साएयाओ णिग्गच्छति २ जेणोव विदेहजणवए जेणोव
मिहिला रायहाणी तेणोव पहारेत्थ गमणाए १० ॥ ७४ ॥ तेणं कालेणं

२ अंगानाम जणवए होत्था, तत्थ णं चंपानामे णयरी होत्था, तत्थ णं चंपाए नयरीए चंदच्छाए अंगराया होत्था, तत्थ णं चंपाए नयरीए अरहन्नगपामोक्खा बहवे संजत्ता णावावाणियगा परिवसंति अद्दा जाव अपरिभूया १ । तते णं से अरहन्नगे समणांवासए यावि होत्था अहिगयजीवाजीवे वन्नओ, तते णं तेसिं अरहन्नगपामोक्खाणं संजुत्ता-णावावाणियगारां अन्नया कयाइ एगयओ सहिआणं इमे एयारूवे मिहो कहासंलावे समुपज्जित्था—सेयं खलु अम्हं गणिमं च धरिमं च मेज्जं च पारिच्छेज्जं च भंडगं गहाय लवणसमुद्दं पोतवहणोण ओगाहित्तएत्तिकट्टु अन्नमन्नं एयमट्टं पडिसुणोति २ गणिमं च ४ गेरहंति २ सगडिसागडियं च सज्जेति २ गणिमस्स ४ भंडगस्स सगडिसागडियं भरेति २ सोहणांसि तिहिकरणा-नक्खत्तमुहुत्तंसि विपुलं असणां ४ उवक्खडावेति मित्तणाइ-नियगसजणा-संबंधि-परिजणां भोअणावेलाए भुंजावेति जाव आपुच्छंति २ सगडिसागडियं जोयंति २ चंपाए नयरीए मज्जमज्जेणां जेणोव गंभीरए पोयपट्टणो तेणोव उवागच्छति २ सगडिसागडियं मोयंति २ पोयवहरां सज्जेति २ गणिमस्स य जाव चउव्विहस्स भंडगस्स भरेति तंदुलाण य समितस्स य तेल्लयस्स य गुल्लस्स य घयस्स य गोरसस्स य उदयस्स य उदयभायणाण य ओसहाण य भेसज्जाण य तणास्स य कट्टस्स य आवरणाण य पहरणाण य अन्नेसिं च बहूणां पोयवहरणपाउग्गारां दव्वारां पोतवहरां भरेति, सोहणांसि तिहिकरणा-नक्खत्तमुहुत्तंसि विपुलं असणां ४ उवक्खडावेति २ मित्तणातिं नियग-सजणा-संबंधि-परिजणां भुंजावेति जाव आपुच्छंति २ जेणोव पोतट्टाणो तेणोव उवागच्छंति २ । तते णं तेसिं अरहन्नग जाव वाणियगाणं परियणो जाव तारिसेहिं वग्गूहिं अभिणांदता य अभिसंथुणामाणा य एवं वदासी—अज्ज ताय भाय माउल भाइणज्जे भगवता समुद्देणां अनभिरिवज्जमाणा २ चिरं जीवह भहं च भे पुणारवि लच्छट्टे कयकज्जे अणहसमग्गे नियगं धरं

हव्वमागए पासामोत्तिकट्टु ताहिं सोमाहिं निद्धाहिं दीहाहिं (सप्पिवासाहिं) पप्पु(च्छ)याहिं दिट्ठीहिं निरीक्खमाणा मुहुत्तमेत्तं संचिट्ठंति ३ । तत्रो समाणिएसु पुप्फवलिकम्भेसु दिन्नेसु सरस-रत्तचंद्रण-दहर-पंचंगुलितलेसु अणुत्तिवत्तंसि धूवंसि पूतिएसु समुद्वाएसु संसारियासु वलयवाहासु ऊसिएसु सिएसु भयग्गेसु मडुप्पवाइएसु तूरेसु जइएसु सव्वसउणोसु गहिएसु रायवरसासणोसु महया उक्किट्ठिसीहणाय जाव रवेणं पक्खुभित-महासमुद्द-स्वभूयंपिव मेइणिं करेमाणा एगदिसिं जाव वाणियगा णावं दुख्खा ४ । ततो पुस्समाणावो वक्कमुदाहु-हं भो ! सव्वेसिमवि अत्थसिद्धी उवट्ठिताइं कल्लाणाइं पडिहयातिं सव्वपावाइं जुत्तो पूसो विजत्रो मुहुत्तो अयं देसकालो, ततो पुस्समाणाएणं वक्के समुदाहिए हट्टुट्टे कुच्छिधार-कत्रधार-गच्चिभज-संजत्ताणावावाणियगा वावारिसु तं नावं पुन्नुच्छंगं पुण्णामुहिं बंधणोहिंतो सुंचंति ५ । तते णं सा नावा विमुक्कबंधणा पवणबल-समाहया उस्सियसिया वित्ततपक्खा इव गरुडजुवई गंगासलिल-तिक्खमोयवेगेहिं संबुब्भभाणी २ उम्मीतरंग-मालासहस्साइं समतिच्छमाणी २ कइवएहिं अहोरत्तेहिं लवणसमुद्दं अणोगातिं जोयणसतातिं ओगाढा ६ । तते णं तेसिं अरहन्नग-पामोक्खाणं संजुत्तानावावाणियगाणं लवणसमुद्दं अणोगाइं जोयणसयाइं ओगाढाणं समाणाणं बहूतिं उप्पातियसतातिं पाउब्भूयाइं, तंजहा-अकाले गज्जिते अकाले विज्जुते अकाले थणियसहे, अभिक्खणं २ आगासे देवतात्रो नच्चंति, एगं च णं महं पिसायरूवं पासंति, तालजंघं दिवं गयाहिं बाहाहिं मसिपूसग-महिसकालगं भरियमेहवन्नं लंबोट्टं निग्गयग्गदंतं निलालिय-जमलजुयलजीहं आऊ-सिय-वयणागंडदेसं चीणा-चिपिट-जासियं विगय-भुग्ग-भुमयं(मुग्गभग्गं) खज्जोयग-दित्तचक्खुराणं उतासणागं विसालवच्छं विसालकुच्छिं पलंबकुच्छिं पहसिय-पयलिय-पयडियगत्तं(विगयभुग्ग-भुमय-पहसिय-पयलिय-पयडिय-फुलिंग-खज्जोय-दित्त-

चक्रखुरागं) पणञ्जमाणं अफ्फोडंतं अभिवयंतं अभिगज्जंतं बहुसो २ अट्टट्ट-
 हासे विणिम्मयंतं नीलुप्पल-गवल-गुलिय-अयसिकुसुमप्पगासं खुरहारं असिं
 गहाय अभिमुह-भावयमाणं पासंति = । तते णं ते अरहराणगवज्जा संजु-
 त्ताणावावाणियगा एगं च णं महं तालपिसायं पासंति तालजंघं दिवं
 गयाहिं बाहाहिं फुट्टसिरं भमर-णिगर-वरमासरासि-महिसकालगं भरियमेह-
 वन्नं सुप्पणहं फालसरिसजीहं लंबोट्टं धवल-वट्टअसिलिट्ट-तिक्खधिर-पीण-
 कुडिल-दाढेवगूढवयणं विकोसिय-धारासि-जुयल-समसरिस-तणुय-चंचल-गलं-
 त-रसलोल-चवल-फुरुफुरेत-निह्हालियग्गजीहं अवय(अवि)च्छिय-महल्ल-विगय-
 बीभत्स-लालपगलंत-रत्ततालुयं हिंगुलुय-सगम्भ-कंदरविलंव अंजणागिरिस्स
 (अग्गिभरस्स) अग्गिजालुग्गिलंतवयणं आऊसिय-अक्ख-चम्म-उडट्ट-गंडदेसं
 चीणत्तिपिड-वंक-भग्गणासं रोसागय-धमधमेत-मारुत-निट्टुर-खर-फरुसभुसिरं
 ओभुग्ग-णासियपुडं घाडुम्भड-रइयभीसणामुहं उद्धमुह-कन्नसक्कुलिय-महंत-
 विगयलोम-संखालग-लंबंतचलियकन्नं पिगल-दिप्पंतलोयणं भिउडि-तडिय-
 निडालं(भिउडितडियं तडियनिडालं) नरसिर-माल-परिणद्धत्तिद्धं विचित्त-
 गोणस-सुद्धपरिकरं अवहोलंत-पुफुयायंत-सप्पविच्छुय-गोधुं-दर-नउल-सरड-
 विरइय-विचित्त वेयच्छमालियागं भोगकूर-कराह-सप्प-धमधमेत-लंबंतकन्नपूरं
 मज्जार-सियाल-लइयखंधं दित्तघुघुयंत-घूयकय-कुंतलसिरं घंटारवेणभीमं
 भयंकरं कायरजण-हिययफोडणं दित्तमट्टट्टहासं विणिम्मयंतं वसा-रुहिर-पूयमं-
 समल-मलिण-पोच्चडतणुं उतासणयं विसालवच्छं पेच्छंता भिन्नणह-मुह-
 नयण-कन्न-वरवग्घचित्त-कत्तीणिवसणं सरस-रुहिर-गयचम्म-वितत-ऊसविय-
 बाहुजुयल ताहि य खरफरुसअसि-णिद्ध-अणिट्ट-दित्तअसुभअप्पिय[अमणुन्न]
 अक्कंतवग्गूहि य तज्जयंतं पासंति तं तालपिसायरूवं एज्जमाणं पासंति २
 भीया संजायभया अन्नमन्नस्स कायं समतुरंगेमाणा २ बहूणं इंदाण य
 खंदाण य रुहसिव-वेसमणणागा(मा)णं भूयाण य जक्खाण य अज्जकोट्टकि-

रियाण य बहूणि उवाइयसयाणि ओवातियमाणा २ चिट्ठंति ७ । तए णं से
 अरहन्नए समणोवासए तं दिव्वं पिसायरूवं एज्जमाणं पासति २ अभीते
 अत्थे अचलिए असंभंते अणाउले अणुव्विग्गे अभिन्नमुह-राग-णायणावन्ने
 अदीणाविमणाणासे पायवहणास्स एगदेसंसि वत्थंतेसां भूमिं पमज्जति २
 ठाणं ठइ २ करयलत्थो एवं वयासि—नमोऽत्थु णं अरहंताणं जाव संपत्ताणं,
 जइ णं अहं एत्तो उवसग्गतो मुंचामि तो मे कप्पति पारित्तए अहं णं
 एत्तो उवसग्गात्थो ण मुंचामि तो मे तहा पच्चक्खाएयव्वेत्तिकट्ठु सागारं
 भत्तं पच्चक्खाति ८ । तते णं से पिसायरूवे जेणेव अरहन्नए समणोवासए
 तेणेव उवागच्छति २ अरहन्नगं एवं वदासी—हं भो ! अरहन्नगा अपत्थिय-
 पत्थिया जाव परिवज्जिया णो खलु कप्पति तव सीलव्वय-गुणवेरमणा-
 पच्चक्खाणे पोसहोववासातिं चालित्तए वा एवं खोभेत्तए वा खंडित्तए वा
 भंजित्तए वा उज्झित्तए वा परिचइत्तए वा ? तं जति णं तुमं सीलव्वयं जाव ण
 परिचयसि तो ते अहं एयं पोतवहणं दोहिं अंगुलियाहिं गेराहामि २ सत्तट्ठु-तलप्प-
 माण-मेत्तातिं उट्ठं वेहासं उव्विहामि २ अंतो जलंसि णिव्वोलेमि जेणं तुमं
 अट्ठुदुहट्ठवसट्ठे असमाहिपत्ते अकाले चेव जीवियात्थो ववरोविज्जसि ९ । तते णं
 से अरहन्नते समणोवासए तं देवं मणासा चेव एवं वदासी—अहं णं देवाणुप्पिया !
 अरहन्नए णामं समणोवासए अहिगयजीवाजीवे नो खलु अहं सका केणाइ देवेण
 वा जाव निग्गंथात्थो पावयणात्थो चालित्तए वा खोभेत्तए वा विपरिणामेत्तए
 वा तुमं णं जा सद्धा तं करेहित्तिकट्ठु अभीए जाव अभिन्नमुह-रागणायणा-
 वन्ने अदीणाविमणा-माणसे निच्चले निष्फंदे तुसिणीए धम्मज्झाणोवगते विहरति
 १० । तए णं से दिव्वे पिसायरूवे अरहन्नगं समणोवासगं दोच्चंपि तच्चंपि एवं
 वदासी—हं भो अरहन्नगा ! अपत्थिपत्थिया जाव परिवज्जिया जाव अभिन्नमुह-
 रागणायणावन्ने अदीणा-विमणाणासे निच्चले निष्फंदे तुसिणीए धम्मज्झा-
 णोवगए विहरति ११ । तते णं से दिव्वे पिसायरूवे अरहन्नगं धम्मज्झा-

णोवगयं पासति पासित्ता बलियतरागं आसुरुत्ते तं पोयवहणं दोहिं
 अंगुलियाहिं गिरहति २ सत्तट्टतलाइं जाव अरहन्नगं एवं वदासी-हं भो
 अरहन्नगा ! अप्पत्थियपत्थिया णो खलु कप्पति तव सीलव्वय तहेव जाव
 धम्मज्झाणोवगए विहरति १२ । तते णं से पिसायरूवे अरहन्नगं जाहे
 नो संचाएइ निग्गंथाओ पावयणाओ चालित्तए वा खोभेत्तए वा विपरिणा-
 मेत्तए वा ताहे उवसंते जाव निव्विन्ने तं पोयवहणं सणियं २ उवरिं जलस्स
 ठ्वेति २ तं दिव्वं पिसायरूवं पडिसाहरइ २ दिव्वं देवरूवं विउव्वइ २
 अंतलिक्खपडिव्विन्ने सखिखिणियाइं जाव परिहिते अरहन्नगं समणोवासगं
 एवं वयासी-हं भो ! अरहन्नगा ! धन्नोऽसि णं तुमं देवाणुप्पिया ! जाव
 जीवियफले जस्स णं तव निग्गंथे पावयणे इमेयारूवा पडिव्वत्ती लद्धा पत्ता
 अभिसमन्नागया १३ । एवं खलु देवाणुप्पिया ! सक्के देविंदे देवराया
 सोहम्मे कप्पे सोहम्मवडिसए विमाणे सभाए सुहम्माए बहूणं देवाणं
 मज्झगते महया सहोणं आतिक्रवति ४ एवं खलु जंबूदीवे २ भारहे वासे
 चंपाए नयरीए अरहन्नए समणोवासए अहिगयजीवाजीवे नो खलु सक्को
 केणति देवेण वा दाणावेण वा णिग्गंथाओ पावयणाओ चालित्तए वा
 जाव विपरिणामेत्तए वा, तते णं अहं देवाणुप्पिया ! सक्कस्स णो एयमट्टं
 सहहामि णो पत्तियामि णो रोयामि तते णं मम इमेयारूवे अन्भत्थिए ५
 गच्छामि णं अरहन्नयस्स अंतियं पाउव्ववामि जाणामि ताव अहं अरहन्नगं
 किं पियधम्मे णो पियधम्मे ? दढधम्मे नो दढधम्मे ? सीलव्वयगुणे किं चालेति
 जाव परिचयति णो परिपचयतित्तिक्कट्टु, एवं संपेहेमि २ ओहिं पउंजामि २
 देवाणुप्पिया ! ओहिणा आभोएमि २ उत्तरपुरच्छिमं २ उत्तरविउव्वियं जाव
 ताए उक्किट्ठाए जेणोव समुहे जेणोव देवाणुप्पिया तेणोव उवागच्छामि २
 देवाणुप्पिया णं उवसग्गं करेमि, नो चेव णं देवाणुप्पिया भीया.वा०, तं
 जराणं सक्के देविंदे देवराया वदति सच्चे णं एसमट्टे तं दिट्ठे णं देवाणु-

पियाणां इष्टी जुई जसे जाव परकमे लद्धे पत्ते अभिसमन्नागए तं स्वामेमि
 णं देवाणुप्पिया ! स्वमंतु मरहंतु णं देवाणुप्पिया ! णाइभुज्जो २ एवंकरणा-
 याएत्तिकट्टु पंजलिउडे पायवडिए एयमट्टुं विणएणां भुज्जो २ स्वामेइ २
 थरहन्नयस्से दुवे कुंडलजुयले दलयति २ जामेव दिस्सि पाउब्भूए तामेव
 पडिगए १४ ॥ सूत्रं ७५ ॥

तते णं से थरहन्नए निरुवसग्गमितिकट्टु पडिमं पारेति, तए णं
 ते थरहन्नगपामोक्खा जाव वाणियगा दक्खिणाणुकूलेणां वाएणां जेणोव
 गंभीरए पोयपट्टुणो तेणोव उवागच्छंति २ पोयं लंबेति २ सगडसागडं
 सज्जेति २ तं गणिमं ४ सगडि-सागडियं संकामेति २ सगडी-सागडियं
 जोएंति २ जेणोव मिहिला तेणोव उवागच्छंति २ मिहिलाए रायहाणीए
 बहिया अग्गुज्जाणांसि सगडीसगडं मोएंइ २ मिहिलाए रायहाणीए तं
 महत्थं महग्घं महरिहं विउलं रायरिहं पाहुडं कुंडलजुयलं च गेरहंति २
 अणुपविसंति २ जेणोव कुंभए तेणोव उवागच्छंति २ करयल जाव तं
 महत्थं दिव्वं कुंडलजुयलं च उवणोति २ तते णं कुंभए तेस्सि संजत्तगाणां
 जाव पडिच्छइ २ मल्लीं विदेहवररायकन्नं सहावेति २ तं दिव्वं कुंडल-
 जुयलं मल्लीए विदेहवररायकन्नगाए पिणद्धति २ पडिविसज्जेति १ । तते
 णं से कुंभए राया ते थरहन्नगपामोक्खे जाव वाणियगे विपुलेणां असणा-
 वत्थगंध जाव उस्सुककं वियरति २ रायमग्गमोगादेइ आवासे वियरति २
 पडिविसज्जेति २ । तते णं थरहन्नगसंजत्तगा जेणोव रायमग्गमोगादे
 आवासे तेणोव उवागच्छंति २ भंडवहरणां करेति २ पडिभंडं गेरहंति २
 सगडी-सागडियं भरेति जेणोव गंभीरए पोयपट्टुणो तेणोव उवागच्छंति २ पोत्व-
 हाणां सज्जेति २ भंडं संकामेति दक्खिणाणुकूलेणां वाएणां जेणोव चंपा पोयट्टुणो
 तेणोव पोयं लंबेति २ सगडीसागडं सज्जेति २ तं गणिमं ४
 सगडी-सागडियं संकामेति २ जाव महत्थं पाहुडं दिव्वं च कुंडलजुयलं

गेरुहंति २ जेगेव चंदच्छाए अंगराया तेगेव उवागच्छति २ तं महत्थं जाव उवरोति ३ । तते गां चंदच्छाए अंगराया तं दिव्वं महत्थं च कुंडलजुयलं पडिच्छति २ ते अरहन्नगपामोक्खे एवं वदासी-तुम्भे गां देवाणुप्पिया ! बहूणि गामागार जाव आहिंडह लवणासमुहं च अभिक्खणां २ पोयवहणेहिं ओगाहेह गाहह तं अत्थियाइं मे केइ कहिंचि अच्चेरए दिट्ठपुब्बे ? तते गां ते अरहन्नपामोक्खा चंदच्छायं अंगरायं एवं वदासी-एवं खलु सामी ! अम्हे इहेव चंपाए नयरीए अरहन्नपामोक्खा बहवे संजत्तगा णावावाणियगा परिवसामो, तते गां अम्हे अन्नया कयाइं गणिमं च ४ तहेव अहीणमतिरिचं जाव कुंभगस्स रत्तो उवणेमो ४ । तते गां से कुंभए मल्लीए विदेहरायवरकन्नाए तं दिव्वं कुंडलजुयलं पिणद्धेति २ पडिब्बिसज्जेति, तं एस गां सामी ! अम्हेहिं कुंभरायभवणांसि मल्ली विदेहे अच्चेरए दिट्ठे तं नो खलु अन्ना कावि तारिसिया देवकन्ना वा जाव जारिसिया गां मल्लीविदेहा, तते गां चंदच्छाए ते अरहन्नगपामोक्खे सकारेति सम्माणेति २ पडिबिसज्जेति ५ । तते गां चंदच्छाए वाणियगजणियहासे दूतं सदावेति जाव जइविय गां सा सयं रज्जसुक्का, तते गां ते दूते हट्ठे जाव पहारेत्थ गमणाए २, ६ ॥ सूत्रं ७६ ॥

तेगां कालेगां २ कुणाला नाम जणावए होत्था, तत्थ गां सावत्थी नामं नगरी होत्था, तत्थ गां रूपी कुणालाहिवई नामं राया होत्था, तस्स गां रुपिस्स धुया धारिणीए देवीए अत्तया सुबाहुनामं दारिया होत्था, सुकुमाल जाव रूवेण य जोव्वणेगां लावराणेण य उक्किट्ठा उक्किट्ठसरीरा जाया यावि होत्था, तीसे गां सुबाहुए दारियाए अन्नदा चाउम्मासियमज्जाणए जाए यावि होत्था १ । तते गां से रूपी कुणालाहिवई सुबाहुए दारियाए चाउम्मासियमज्जाणयं उवट्ठियं जाणति २ कोडुं वियपुरिसे सदावेति २ एवं वयासी-एवं खलु देवाणुप्पिया ! सुबाहुए दारियाए कल्लं चाउम्मासियमज्जाणए भविस्सति तं

कल्लं तुब्भे णं रायमग्गमोगादंसि चउक्कंसि जलथलय-दसद्धवन्नमल्लं
साहरह जाव सिरिदामगंडं ओलइन्ति, तते णं से रूपी कुणालाहिवती
सुवन्नगारसेणिं सहावेति २ एवं वयासी-खिप्पामेव भो देवाणुप्पिया !
रायमग्गमोगादंसि पुप्फमंडवंसि णाणाविह-पंचवन्नेहिं तंदुलेहिं णगरं
आलिहह तस्स बहुमज्जभदेसभाए पट्टयं रएह २ जाव पच्चप्पिणंति २ । तते णं
से रूपी कुणालाहिवई हत्थिखंधवरगए चाउरंगिणीए सेणाए महया भड० अंते-
उरपरियाल-संपरिवुडे सुवाहुं दारियं पुरतो कट्टु जेणोव रायमग्गे जेणोव पुप्फ-
मगडवे तेणोव उवागच्छति २ हत्थिखंधातो पच्चोरूहति २ पुप्फमंडवं अणुप-
विसति २ सीहासणवरगए पुरत्थाभिमुहे सन्निसन्ने ३ । तते णं ताओ
अंतेउरियाओ सुवाहुं दारियं पट्टयंसि दुरूहंति २ सेयपीतएहिं कलसेहिं
गहारोति २ सब्वालंकारविभूसियं करंति २ पिउणो पायं वंदिउं उवरोति
तते णं सुवाहुदारिया जेणोव रूपी राया तेणोव उवागच्छति २ पायग्गहणं
करेति, तते णं से रूपी राया सुवाहुं दारियं अंके निवेसेति २ सुवाहुए
दारियाए रूवेण य जोव्वणेण य लावराणेण य जाव विम्हिए वरिसधरं सहावेति
२ एवं वयासी-तुमराणं देवाणुप्पिया ! मम दोच्चेणं बहूणि गामागरनगर-
गिहाणि अणुपविससि, तं अत्थि याइं ते कस्सइ रन्नो वा ईसरस्स वा कहिंचि
एयारिसए मज्जणए दिट्ठपुव्वे जारिसए णं इमीसे सुवाहुदारियाए मज्जणए ?
४ । तते णं से वरिसधरे रुप्पिं करयल जाव एवं वयासी-एवं खलु सामी !
अहं अन्नया तुब्भेणं दोच्चेणं मिहिलं गए तत्थ णं मए कुंभगस्स रन्नो
धूयाए पभावतीए देवीए अत्तयाए मल्लीए विदेहरायकन्नगाए मज्जणए दिट्ठे,
तस्स णं मज्जणगस्स इमे सुवाहुए दारियाए मज्जणए सयसहस्सइमंपि कलं न
अग्घेति ५ । तए णं से रूपी राया वरिसधरस्स अंतिए एयमट्टं सोच्चा
णिसम्म सेसं तहेव मज्जणगजणित्थासे दूतं सहावेति २ एवं वयासी-जेणोव
मिहिला नयरी तेणोव पहारिस्थगमणाए ६ ॥ सूत्रं ७७ ॥ तेणं कालेणं २

कासी नाम जणवए होत्था, तत्थ णं वाणारसीनाम नगरी होत्था, तत्थ णं संखे नामं कासीराया होत्था, तते णं तीसे मल्लीए विदेहरायवरकन्नाए अन्नया कयाइं तस्स दिव्वस्स कुंडलजुयलस्स संधी विसंघडिए यावि होत्था १ । तते णं से कुंभए राया सुवन्नगारसेणी सदावेति २ एवं वदासी-तुब्भे णं देवाणुप्पिया ! इमस्स दिव्वस्स कुंडलजुयलस्स संधिं संघाडेह, तए णं सा सुवन्नगारसेणी एतमट्टं तहत्ति पडिसुणोति २ तं दिव्वं कुंडलजुयलं गेराहति २ जेणोव सुवन्नगारभिसियाओ तेणोव उवागच्छंति २ सुवन्नगारभिसियासु णिवेसेति २ बहूहिं आएहि य जाव परिणामेमाणा इच्छंति २ तस्स दिव्वस्स कुंडलजुयलस्स संधिं घडित्तए, नो चेव णं संचाएति संघडित्तए २ । तते णं सा सुवन्नगारसेणी जेणोव कुंभए तेणोव उवागच्छति २ करयल जाव वद्धवेत्ता एवं वदासी-एवं खलु सामी ! अज्ज तुब्भे अम्हे सदावेह २ जाव संधिं संघाडेत्ता एतमाणां पच्चप्पिणाह, तते णं अम्हे तं दिव्वं कुंडलजुयलं गेराहामो जेणोव सुवन्नगारभिसियाओ जाव नो संचाएमो संघाडित्तए, तते णं अम्हे सामी ! एयस्स दिव्वस्स कुंडलस्स अन्नं सरिसयं कुंडलजुयलं घडेमो ३ । तते णं से कुंभए राया तीसे सुवन्नगारसेणीए अंतिए एयमट्टं सोच्चा निसम्म आसुरुत्ते तिवलियं भिउडीं निडाले साहट्टु एवं वदासी-से केणां तुब्भे कलायाणां भवह ? जे णं तुब्भे इमस्स कुंडलजुयलस्स नो संचाएह संधिं संघाडेत्तए, ते सुवन्नगारे निव्विसए आणवेति ४ । तते णं ते सुवन्नगारा कुंभेणां रणाणा निव्विसया आणत्ता समाणा जेणोव साति २ गिहातिं तेणोव उवागच्छंति २ समंडमत्तोवगरणमायाओ मिहिलाए रायहाणीए मज्झंमज्झेणां निक्खमंति २ विदेहस्स जणवयस्स मज्झंमज्झेणां जेणोव कासी जणवए जेणोव वाणारसी नयरी तेणोव उवागच्छंति २ अग्गुज्जाणांसि सगडीसागडं मोएन्ति २ महत्थं जाव पाहुडं गेराहंति २ ता वाणारसीनयरीं मज्झंमज्झेणां जेणोव संखे कासीराया तेणोव उवागच्छंति २

करयल जाव एवं वयासी—अम्हे णं सामी ! मिहिलातो नयरीओ कुंभ-
 एणां रन्ना निव्विसया आणत्ता समाणा इहं हव्वमागता तं इच्छामो णं
 सामी ! तुब्भं बाहुच्छाया-परिग्गहिया निव्वभया निरुव्विग्गा सुहंसुहेणां परिव-
 सिउं ५ । तते णं संखे कासीराया ते सुवन्नगारे एवं वदासी—किन्नं
 तुब्भे देवाणुप्पिया ! कुंभएणां रन्ना निव्विसया आणत्ता ? तते
 णं ते सुवन्नगारा संखं एवं वदासी—एवं खलु सामी ! कुंभगस्स
 रन्नो धूयाए पभावतीए देवीए अत्तयाए मल्लीए कुंडलजुयलस्स संधी
 विसंघडिए तते णं से कुंभए सुवन्नगरसेणिं सदावेति २ जाव निव्विसया
 आणत्ता, तं एएणां कारणेणां सामी ! अम्हे कुंभएणां निव्विसया आणत्ता
 ६ । तते णं से संखे सुवन्नगारे एवं वदासी—केरिसिया णं देवाणु-
 प्पिया ! कुंभगस्स धूया पभावतीदेवीए अत्तया मल्ली विदेहवररायकन्ना ?
 तते णं ते सुवन्नगारा संखरायं एवं वदासी—णो खलु सामी ! अन्ना काई
 तारिसिया देवकन्ना वा गंधव्वकन्ना वा जाव जारिसिया णं मल्ली विदे-
 हवररायकन्ना, तते णं से संखे कुंडलजुयल-जणितहासे दूतं सदावेति जाव
 तहेव पहारेत्थ गमणाए ७ ॥ सूत्रं ७८ ॥ तेणां कालेणां २ कुरुजणावए
 होत्था, हत्थिणाउरे नगरे अदीणासत्तू नामं राया होत्था जाव विहरति,
 तत्थ णं मिहिलाए कुंभगस्स पुत्ते पभावतीए अत्तए मल्लीए अणुजायए
 मल्लदिन्नए नाम कुमारे जाव जुवराया यावि होत्था, तते णं मल्लदिन्ने
 कुमारे अन्नया कोडुं बियपुरिसे सदावेति २ गच्छह णं तुब्भे मम पमदव-
 णंसि एगं महं चित्तसभं करेह अणोग जाव पच्चप्पिणांति १ । तते णं से
 मल्लदिन्ने चित्तगरसेणिं सदावेति २ एवं वयासी—तुब्भे णं देवाणुप्पिया !
 चित्तसभं हावभात्र-विलास-विब्बोयकलिएहिं रूवेहिं चित्तेह २ जाव पच्चप्पि-
 णह, तते णं सा चित्तगरसेणी तहत्ति पडिसुगोति २ जेणोव सयाइं गिहाइं
 तेणोव उवागच्छति २ तूलियाओ वन्नए य गेराहंति २ जेणोव चित्तसभा

तेणोव उवागच्छन्ति २ चा अणुपविसन्ति २ भूमिभागे विरंचन्ति २ भूमिं सज्जेति २ चित्तसभं हावभाव जाव चित्तेउं पयत्ता यावि होत्था, तते णं एगस्स चित्तगरस्स इमेयारूवा चित्तगरलद्धी लद्धा पत्ता अभिसमन्नागया-जस्स णं दुपयस्स वा चउपयस्स वा अपयस्स वा एगदेसमवि पासति तस्स णं देसाणुसारेणं तयाणुरूवं निव्वत्तेति २ । तए णं से चित्तगरदारए मल्लीए जवणि-यंतरियाए जालंतरेण पायंगुट्टं पासति, तते णं तस्स णं चित्तगरस्स इमे-यारूवे जाव सेयं खलु मम मल्लीएवि पायंगुट्टाणुसारेणं सरिसगं जाव गुणोववेयं रूवं निव्वत्तिए, एवं संपेहेति २ भूमिभागं सज्जेति २ मल्लीए-वि पायंगुट्टाणुसारेणं जाव निव्वत्तेति, तते णं सा चित्तगरसेणी चित्तसभं जाव हावभावं जाव चित्तेति २ जेणोव मल्लदिन्ने कुमारे तेणोव उवागच्छन्ति २ जाव एतमाणात्तियं पच्चप्पिणांति ३ । तए णं मल्लदिन्ने चित्तगरसेणि सक्कारेइ २ विपुलं जीवियारिहं पीइदाणं दलेइ २ पडिविसज्जेइ, तए णं मल्लदिन्ने अन्नया राहाए अंतेउरपरियालसंपरिवुडे अम्मधाईए सद्धिं जेणोव चित्तसभा तेणोव उवागच्छन्ति २ चित्तसभं अणुपविसइ २ हावभावविलास-विब्बोयकलियाइं रूवाइं पासमाणो २ जेणोव मल्लीए विदेहवररायकन्नाए तयाणुरूवे रूवे णिव्वत्तिए तेणोव पहारेत्थ गमणाए ४ । तए णं से मल्लदिन्ने कुमारे मल्लीए विदेहवररायकन्नाए तयाणुरूवं रूवं निव्वत्तियं पासति २ इमेयारूवे अन्नभत्थिए जाव समुप्पज्जित्था-एस णं मल्ली विदेहवररायकन्न-त्तिकट्टु लज्जिए वीडिए विअडे सणियं २ पच्चोसकइ, तए णं मल्लदिन्नं अम्मधाई सणियं २ पच्चोसककंतं पासित्ता एवं वदासी-किन्नं तुमं पुत्ता ! लज्जिए वीडिए(वेइडे) विअडे सणियं २ पच्चोसकसि ?, तते णं से मल्ल-दिन्ने अम्मधाति एवं वदासी-जुत्तं णं अम्मो ! मम जेट्टाए भगिणीए गुरु-देवयभूयाए लज्जिणज्जाए मम चित्तगरणिव्वत्तियं सभं अणुपविसित्तिए ?, तएणं अम्मधाई मल्लदिन्नं कुमारं एवं वदासी-नो खलु पुत्ता । एस मल्ली, एस

गां मल्ली विदेहवररायकन्ना चित्तगरणां तयाणुरूवे रूवे णिव्वत्तिए, तते
गां मल्लदिन्ने अम्मधाईए एयमट्ठं सोच्चा आसुरुत्ते एवं वयासी-केस
गां भो चित्तयरए अपत्थिअपत्थिए जाव परिवज्जिए जे गां मम जेट्ठाए भगि-
णीए गुरुदेवयभूयाए जाव निव्वत्तिएकिट्ठु तं चित्तगरं वज्झं आणवेइ ५ ।
तए गां सा चित्तगरस्सेणी इमीसे कहाए लच्छट्ठा समाणा जेणोव मल्लदिन्ने
कुमारे तेणोव उवागच्छइ २ ता करयलपरिग्गहियं जाव वद्धावेइ २ ता
एवं वयासी-एवं खलु सामी ! तस्स चित्तगरस्स इमेयारूवा चित्तकरलद्धी
लद्धा पत्ता अभिसमन्नागया जस्स गां दुपयस्स वा जाव णिव्वत्तेति तं मा
गां सामी ! तुब्भे तं चित्तगरं वज्झं आणवेह, तं तुब्भे गां सामी ! तस्स
चित्तगरस्स अन्नं तयाणुरूवं दंडं निव्वत्तेह, तए गां से मल्लदिन्ने तस्स चित्तग-
रस्स संडासगं छिंदावेइ २ निव्विसयं आणवेइ ६ । तए गां से चित्तगरए
मल्लदिन्नेणां णिव्विसिए आणत्ते समाणो सभंड-मत्तोवगरणा-मायाए मिहिलाओ
णायरीओ णिव्विखमइ २ विदेहं जणावयं मज्झमज्जेणां जेणोव कुरुजणावए
जेणोव हत्थिणाउरे नयरे जेणोव अदीणासत्तू राया तेणोव उवागच्छति २ ता
भंडणिव्वेवं करेइ २ चित्तफलगं सज्जेइ २ मल्लीए विदेहवररायकन्नाए
पायंगुट्ठाणुसारेणा रूवं णिव्वत्तेइ २ कक्खंतरंसि छुब्भइ २ महत्थं ३ जाव
पाहुडं गेराहइ २ हत्थिणापुरं नयरं मज्झमज्जेणां जेणोव अदीणासत्तू राया
तेणोव उवागच्छति २ तं करयल जाव वद्धावेइ २ पाहुडं उवगेति २
एवं वयासी-एवं खलु अहं सामी ! मिहिलाओ रायहाणीओ कुंभगस्स
रत्तो पुत्तेणां पभावतीए देवीए अत्तएणां मल्लदिन्नेणां कुमारेणां निव्विसए
आणत्ते समाणो इह हव्वमागए, तं इच्छामि गां सामी ! तुब्भं बाहुच्छाया-
परिग्गहिए जाव परिवसित्तए ७ । तते गां से अदीणासत्तू राया तं चित्तग-
दारयं एवं वदासी-किन्नं तुमं देवाणुप्पिया ! मल्लदिसाणां निव्विसए
आणत्ते ?, तए गां से चित्तयरदारए अदीणासत्तुरायं एवं वदासी-एवं खलु

सामी ! मल्लदिन्ने कुमारे अराणया कयाई चित्तगरसेणिं सहावेइ
 २ एवं वयासी-तुब्भे णं देवाणुप्पिया ! मम चित्तसभं तं चेव सव्वं भाणि-
 यव्वं जाव मम संडासगं छिंदावेइ २ निव्विसयं आणवेइ, तं एवं खलु
 अहं सामी ! मल्लदिन्नेणं कुमारेणं निव्विसए आणत्ते = । तते णं अदी-
 णसत्तू राया तं चित्तगरं एवं वदासी-से केरिसए णं देवाणुप्पिया ! तुमे
 मल्लीए तदाणुरूवे रूवे निव्वत्तिए ?, तते णं से चित्तगरदारए कक्खंतराओ
 चित्तफलयं णीणेति २ अदीणसत्तुस्स उवणेइ २ एवं वयासी-एस णं
 सामी ! मल्लीए विदेहवररायकन्नाए तयाणुरूवस्स रूवस्स केइ आगारभाव-
 पडोयारे निव्वत्तिए णो खलु सकाकेणइ देवेण वा जाव मल्लीए विदेहरायव-
 रकराणगाए तयाणुरूवे रूवे निव्वत्तिए, तते णं अदीणसत्तू पडिरूवजणितहासे
 दूयं सहावेति २ एवं वदासी-तहेव जाव पहारेत्थ गमणयाए ६ ॥सूत्रं ७६॥
 तेणं कालेणं २ पंचाले जणवए कंपिल्ले पुरे नयरे जियसत्तू नाम राया
 पंचालाहिवई, तस्स णं जितसत्तुस्स धारिणीपामोक्खं देविसहस्सं ओरोहे
 होत्था, तत्थ णं मिहिलाए चोक्खा नामं परिव्वाइया रिउव्वेइ जाव परि-
 णिट्ठिया यावि होत्था ? । तते णं सा चोक्खा परिव्वाइया मिहिलाए
 बहूणं राईसर जाव सत्यवाहपभित्तीणं पुरतो दाणधम्मं च सोयधम्मं च
 तित्थाभिसेयं च आघवेमाणी पराणवेमाणी परूवेमाणी उवदंसेमाणी
 विहरति २ । तते णं सा चोक्खा परिव्वाइया अन्नया कयाई तिदंडं च कुंडियं
 च जाव धाउरत्ताओ य गेराहइ २ परिव्वाइगावसहाओ पडिनिक्खमइ २
 पविरल-परिव्वाइया सद्धिं संपरिवुडा मिहिलं रायहाणिं मज्झमंज्जेणं जेणेव
 कुंभगस्स रत्तो भवणे जेणेव कराणतेउरे जेणेव मल्ली विदेहवररायकन्ना
 तेणेव उवागच्छइ २ उदय-परिफासियाए दब्भोवरि पच्चत्थुयाए भिसियाए
 निसियति २ ता मल्लीए विदेहवररायकन्नाए पुरतो दाणधम्मं च जाव
 विहरति ३ । तते णं मल्ली विदेहा चोक्खं परिव्वाइयं एवं वयासी-तुब्भे

गां चोक्खे ! किंमूलए धम्मे पन्नत्ते ?, तते गां सा चोक्खा परिव्वाइया मल्लिं विदेहं एवं वदासी—अम्हं गां देवाणुप्पिए ! सोयमूलए धम्मे पराण-वेमि, जराणं अम्हं किंचि अस्सुई भवइ तराणं उदएण य मट्टियाए जाव अविग्घेणं सग्गं गच्छामो, तए गां मल्ली विदेहवररायकन्ना चोक्खं परि-व्वाइयं एवं वदासी—चोक्खा ! से जहा नामए केई पुरिसे रुहिरकयं वत्थं रुहिरेण चेव धोव्वेज्जा अत्थि गां चोक्खा ! तस्स रुहिरकयस्स वत्थस्स रुहिरेणं धोव्वमाणस्स काई सोही ?, नो इणाट्टे समट्टे, एवामेव चोक्खा ! तुब्भे गां पाणाइवाएणं जाव मिच्छादंसणसल्लेणं नत्थि काई सोही, जहा व तस्स रुहिरकयस्स वत्थस्स रुहिरेणं चेव धोव्वमाणस्स ४ । तए गां सा चोक्खा परिव्वाइया मल्लीए विदेहवररायकन्नाए एवं बुत्ता समाणा संकिया कंखिया विइगिच्छिया भेयसमावराणा जाया यावि होत्था, मल्लीए णो संचाएति किंचिवि पामोक्खमाइक्खत्तए तुसिणीया संचिट्ठति, तते गां तं चोक्खं मल्लीए बहुत्थो दासचेडियो हीलेंति निंदंति खिसंति गरहंति अप्पेगतिया हेरुयालंति अप्पेगतिया मुहमक्कडिया करेंति अप्पेगतिया वग्घाडीत्थो करेंति अप्पेगतिया तज्जेमाणीत्थो तालेमाणीत्थो निच्छुभंति, तए गां सा चोक्खा मल्लीए विदेहवररायकन्नाए दासचेडियाहिं जाव गर-हिज्जमाणी हीलिज्जमाणी आसुरुत्ता जाव मिसिमिसेमाणी मल्लीए विदेहराय-वरकराणाए पत्थोसमावज्जति, भिसियं गेरहति २ कराणंतेउरात्थो पडि-निक्खमति २ मिहिलात्थो निग्गच्छति २ परिव्वाइयासंपरिवुडा जेणोव पंचालजणावए जेणोव कंपिल्लपुरे बहूणं राइसर जाव परूवेमाणी विहरति ५ । तए गां से जियसत्तू अन्नदा कदाई अंतेउरपरियाल सद्धिं संपरिवुडे एवं जाव विहरति, तते गां सा चोक्खा परिव्वाइयासंपरिवुडा जेणोव जित-सत्तुस्स रराणो भवणो जेणोव जितसत्तू तेणोव उवागच्छइ २ ता अणुपवि-सति २ जियसत्तुं जएणं विजएणं वद्धावेति, तते गां से जितसत्तू चोक्खं

परिक्वाइयासंपरिवुडं एज्जमाणां पासति २ सीहासणाओ अब्भुट्टेति २ चोक्खं सक्कारेति २ आसरोणां उवण्णिमंतेति, तते णां सा चोक्खा उदगपरि-
 फासियाए जाव भिसियाए निविसइ, जियसत्तुं रायं रज्जे य जाव अंतेउरे
 य कुसलोदंतं पुच्छइ, तते णां सा चोक्खा जियसत्तुस्स रत्तो दाणाधम्मं च
 जाव विहरति ६ । तते णां से जियसत्तू अप्पणो ओरोहंसि जाव विम्हिए
 चोक्खं एवं वदासी-तुमं णां देवाणुप्पिया ! बहूणि गामागर जाव अडह
 बहूण य रातीसर० गिहाति अणुपविससि तं अत्थियाइं ते कस्सवि रत्तो
 वा जाव एरिसए ओरोहे दिट्ठपुव्वे जारिसए णां इमे मह उवरोहे ?, तए
 णां सा चोक्खा परिक्वाइया ईसिं अवहसियं करेइ २ जियसत्तुं एवं वयासी-
 एवं च सरिसए णां तुमं देवाणुप्पिया ! तस्स अगडदददुरस्स ?, के णां
 देवाणुप्पिए ! से अगडदददुरे ?, जियसत्तू ! से जहा नामए अगडदददुरे
 सिया, से णां तत्थ जाए तत्थेव वुड्ढे अराणां अगडं वा तलागं वा दहं वा
 सरं वा सागरं वा अपासमाणो चेवं मराणइ-अयं चेव अगडे वा जाव
 सागरे वा, तए णां तं कूवं अरणो सामुहए दददुरे हव्वमागए, तए णां से
 कूवदददुरे तं सामुहदददुरं एवं वदासी-से केस णां तुमं देवाणुप्पिया ! कत्तो
 वा इह हव्वमागए ?, तए णां से सामुहए दददुरे तं कूवदददुरं एवं वयासी-एवं
 खलु देवाणुप्पिया ! अहं सामुहए दददुरे, तए णां से कूवदददुरे तं सामुहयं
 दददुरं एवं वयासी-केमहालए णां देवाणुप्पिया ! से समुह्हे ?, तए णं से सामुहए
 दददुरे तं कूवदददुरं एवं वयासी-महालए णां देवाणुप्पिया ! समुह्हे, तए णां से दददुरं
 पाएणां लीहं कड्ढेइ २ एवं वयासी-एमहालए णां देवाणुप्पिया ! से समुह्हे ?,
 णो इणट्टे समट्टे, महालए णां से समुह्हे, तए णां से कूवदददुरे पुरच्छिमिल्लाओ
 तीराओ उप्फिट्ठिता णां गच्छइ २ एवं वयासी-एमहालए णां देवाणुप्पिया !
 से समुह्हे ?, णो इणट्टे समट्टे, तहेव एवामेव तुमंपि जियसत्तू अन्नेसिं
 बहूणां राईसर जाव सत्थवाहपभिईणां भज्जं वा भगिणीं वा धूयं वा सुराहं

वा अपासमाणो जागोसि जारिसए मम चैव गां ओरोहे तारिसए गो
अराणस्स, तं एवं खलु जियसत्तू ! मिहिलाए नयरीए कुंभगस्स धूता पभा-
वतीए अत्तिया मल्ली नामंति रूवेण य जुव्वणेण जाव नो खलु अराणा
काई देवकन्ना वा जारिसिया मल्ली, विदेहवररायकराणाए छिराणस्सवि
पायंगुट्टगस्स इमे तवोरोहे सयसहस्सतिमंपि कलं न अग्घइत्तिकट्टु जामेव
दिसं पाउब्भूया तामेव दिसं पडिगया, तते गां से जित्तसत्तू परिव्वाइया-
जणितहासे दूयं सहावेति २ जाव पहारेत्थ गमणाए ६ ॥ सूत्रं ८० ॥

तते गां तेसिं जियसत्तुपामोक्खाणां छराहं राईणां दूया जेगोव मिहिल्ला
तेगोव पहारेत्थ गमणाए १ । तते गां छप्पिय दूतका जेगोव मिहिला तेगोव
उवागच्छंति २ मिहिलाए अग्गुज्जागांसि पत्तेयं २ खंधावारनिवेशं करेति २
मिहिलं रायहाणां अणुपविसंति २ जेगोव कुंभए तेगोव उवागच्छंति २
पत्तेयं २ करयल जाव साणां २ राईणां वयणातिं निवेदंति २ । तते गां से
कुंभए तेसिं दूयाणां अंतिए एयमट्टं सोच्चा आसुरुत्ते जाव तिवलियं मिउडिं
एवं वयासी—न देमि गां अहं तुच्चं मल्लीं विदेहवरकराणांतिकट्टु ते छप्पि
दूते असकारिय असम्माणिय अवहारेणां णिच्छुभावेति, तते गां जित्तसत्तुपा-
मोक्खाणां छराहं राईणां दूया कुंभणां रन्ना असकारिया असम्माणिया
अवदारेणां णिच्छुभाविया समाणा जेगोव सगा २ जाणवया जेगोव
सयातिं २ णगराहं जेगोव सगा २ रायाणो तेगोव उवागच्छंति
करयलपरिग्गहिय-दसनहं सिरावत्तं जाव कट्टु एवं वयासी—एवं खलु
सामी ! अम्हे जित्तसत्तुपामोक्खाणां छराहं राईणां दूया जमगसमगं चैव
जेगोव मिहिला जाव अवदारेणां निच्छुभावेति, तं गा देइ गां सामी !
कुंभए मल्ली विदेहवररायकन्ना साणां २ राईणां एयमट्टं निवेदंति ३ । तते
गां ते जियसत्तुपामोक्खा छप्पि रायाणो तेसिं दूयाणां अंतिए एयमट्टं सोच्चा
निसम्म आसुरुत्ता अराणमराणस्स दूयसंपेसणां करेति २ एवं वदासी—एवं

खलु देवाणुष्पिया ! अम्हं छरहं राईणं दूया जमगसमगं चैव जाव निच्छूढा,
तं सेयं खलु देवाणुष्पिया ! अम्हं कुंभगस्स जत्तं गेरिहत्तएत्तिकट्टु अरणा-
मराणास्स एतमट्टुं पडिसुणोति २ राहाया सराणाद्धा हत्थिखंधवरगया सकोरंटम-
ल्लदामा जाव सेयवरचामराहिं० महया-हय-गय-रह-पवर-जोहकलियाए चाउरं-
गिणीए सेणाए सद्धिं संपरिखुडा सव्विड्डीए जाव रवेणं सएहिं २ नगरेहितो
जाव निग्गच्छंति २ एगयत्रो मिलायंति २ जेणोव मिहिला तेणोव पहारेत्थ
गमणाए ४ । तते णं कुंभए राया इमीसे कहाए लच्छट्टे समाणो वलवाउयं
सहावेति २ एवं वदासी-खिप्पामेव जाव हय जाव सेणां सन्नाहेह जाव
पच्चप्पिणांति, तते णं कुंभए राहाते सराणाद्धे हत्थिखंधवरगये सकोरंटमल्ल-
दामे सेयवरचामरणे महया हयगयरह-पवरजोह-कलिए मिहिलं मज्झंम-
ज्जेणं णिज्जाति २ विदेहं जणवयं मज्झंमज्जेणं जेणोव देसअंते तेणोव
उवागच्छति २ खंधावारनिवेशं करेति २ जियसत्तुपामोक्खा छप्पिय रायाणो
पडिवालेमाणो जुज्झसज्जे पडिचिट्ठति ५ । तते णं ते जियसत्तुपामोक्खा
छप्पिय रायाणो जेणोव कुंभए तेणोव उवागच्छति २ कुंभएणं रन्ना सद्धिं
संपलग्गा यावि होत्था, तते णं ते जियसत्तुपामोक्खा छप्पि रायाणो कुंभयं
रायं हयमहिय-पवर-वीरघाइय-निवडिय-चिधच्छयप्पडागं किच्छप्पाणोवगयं
दिसो दिसिं पडिसेहिंति ६ । तते णं से कुंभए जितसत्तुपामोक्खेहिं छहि
राईहिं हयमहित जाव पडिसेहिए समाणो अत्थामे अबले अवीरिए जाव
अधारणिज्जमितिकट्टु सिग्घं तुरियं जाव वेइयं जेणोव मिहिला तेणोव
उवागच्छंति २ मिहिलं अणुपविसति २ मिहिलाए दुवारातिं पिहेइ २
रोहसज्जे चिट्ठति ७ । तते णं ते जितसत्तुपामोक्खा छप्पि राया णो जेणोव
मिहिला तेणोव उवागच्छंति २ मिहिलं रायहाणिं णिस्संचारं णिरुच्चारं
सव्वतो समंता थोरुंभित्ताणं चिट्ठंति, तते णं से कुंभए मिहिलं रायहाणिं
रुद्धं जाणित्ता अब्भंतरियाए उवट्ठाणसालाए सीहासणवरगए तेसिं जितसत्तु-

पामोक्खाणां छराहं रातीणां छिद्वाणि य विवराणि य मम्माणि य अलभमाणे
 बहूहिं आएहि य उवाएहि य उप्पत्तियाहि य ४ बुद्धीहिं परिणामेमाणे २
 किंचि आयं वा उवायं वा अलभमाणे ओहतमणसंकप्पे जाव भियायति,
 इमं च गां मल्लीविदेहवररायकन्ना राहाया जाव बहूहिं खुज्जाहिं परिबुडा
 जेणेव कुंभए तेणेव उवागच्छति २ कुंभगस्स पायग्गहाणं करेति = । तते
 गां कुंभए मल्लिं विदेहवररायकन्नं गो आदाति नो परियाणाइ तुसिणीए
 संचिट्ठति, तते गां मल्ली विदेहवररायकन्ना कुंभगं एवं वयासी-तुब्भे गां
 ताओ ! अराणादा ममं एज्जमाणां जाव निवेसेह, किराणां तुब्भं अज्ज ओहत-
 मणसंकप्पे भियायह ? तते गां कुंभए मल्लिं विदेहवररायकन्नं एवं वयासी-
 एवं खलु पुत्ता ! तव कज्जे जितसत्तुपामुक्खेहिं छहिं रातीहिं दूया संपेसिया,
 ते गां मए असकारिया जाव निच्छूटा ६ । तते गां ते जितसत्तुपामुक्खा तेसिं
 दूयाणां अंतिए एयमट्ठं सोच्चा परिक्खविया समाणा मिहिलं रायहाणिं निस्सं-
 चारं जाव चिट्ठति, तते गां अहं पुत्ता तेसिं जितसत्तुपामोक्खाणां छराहं राईणां
 अंतराणि अलभमाणे जाव भियामि, १० । तते गां सा मल्ली विदेहवररा-
 यकन्ना कुंभयं रायं एवं वयासी-मा गां तुब्भे ताओ ! ओहयमणसंकप्पा
 जाव भियायह, तुब्भे गां ताओ ! तेसिं जितसत्तुपामोक्खाणां छराहं राईणां
 पत्तेयं २ रहसियं दूयसंपेसे करेह, एगमेगं एवं वहह-तव देमि मल्लिं विदेह-
 वररायकराणांतिकट्ठु संभाकाल-समयंसि पविरलमणूसंसि निसंतंसि पडिनि-
 संतंसि पत्तेयं २ मिहिलं रायहाणिं अणुप्पवेसेह २ गम्भघरएसु अणुप्पवेसेह
 मिहिलाए रायहाणीए दुवाराइं पिधेह २ रोहसज्जे चिट्ठह, तते गां कुंभए
 एवं करेइ तं चेव जाव पवेसेति रोहसज्जे चिट्ठति ११ । तते गां ते जितसत्त-
 पामोक्खा छप्पिय रायाणो कल्लं पाउब्भया जाव जालंतरेहिं कणायमयं
 मत्थयच्छिट्ठुं पउमुप्पलपिहाणां पडिमं पासति, एस गां मल्ली विदेहरायवरक-
 राणात्तिकट्ठु मल्लीए विदेहवररायकन्नाए रूवे य जोव्वणे य लावराणे य

मुच्छ्रिया गिद्धा जाव अज्भोववराणा अणिमिसाए दिट्ठीए पेहमाणा २ चिट्ठंति १२ । तते गां सा मल्ली विदेहवररायकन्ना राहाया जाव पायच्छ्रिता सव्वालंकार-विभूषिया बहूहिं खुज्जाहिं जाव परिक्खित्ता जेगोव जालघरणे जेगोव कण्णपडिमा तेगोव उवागच्छति २ तीसे कण्णपडिमाए मत्थयाओ तं पउमं अवगोति, तते गां गंधे णिद्धावति से जाह नामए अहिमडेति वा जाव असुभतराए चेव १३ । तते गां ते जियसत्तुपामोक्खा तेगां असुभेगां गंधेगां अभिभूया समाणा सएहिं २ उत्तरिज्जेहिं आसातिं पिहेति २ ता परम्मुहा चिट्ठंति, तते गां सा मल्ली विदेहवररायकन्ना ते जितसत्तुपामोक्खे एवं वयासी-किराणं तुब्भं देवाणुप्पिया ! सएहिं २ उत्तरिज्जेहिं जाव परम्मुहा चिट्ठह ?, तते गां ते जितसत्तुपामोक्खा मल्लीं विदेहवररायकन्नं एवं वयंति-एवं खलु देवाणुप्पिए ! अम्हे इमेगां असुभेगां गंधेगां अभिभूया समाणा सएहिं २ जाव चिट्ठामो, तते गां मल्ली विदेहवररायकन्ना ते जितसत्तुपामोक्खे एवं वयासी-जइ ता देवाणुप्पिया ! इमीसे कण्णपडिमाए जाव पडिमाए कल्लाकल्लिं ताओ मण्णराणाओ असण ४ एगमेगे पिंडे पविक्खप्पमाणो २ इमेयारूवे असुभे पोग्गलपरिणामे इमस्स (किमंग) पुण्ण ओरालिय-सरीरस्स खेलासवस्स वंतासवस्स पित्तासवस्स सुक्कसोणिय-पूयासवस्स दुरूवऊसास-नीसासस्स दुरूव-मुत्त-पुत्तिय-पुरीस-पुराणस्स सडण जाव धम्मस्स केरिसए परिणामे भविस्सति ?, तं मा गां तुब्भे देवाणुप्पिया ? माणुस्सएसु कामभोगेसु सज्जह रज्जह गिज्जह मुज्जह अज्भोववज्जह, एवं खलु देवाणुप्पिया ! तुम्हे अम्हे इमाओ तच्चे भवग्गहणो अवरविदेहवासे सलिलावतिसि विजए वीयसोगाए रायहाणीए महब्बलपामोक्खा सत्तवि य बालवयंसया रायाणो होत्था सहजाया जाव पव्वतिता, तए गां अहं देवाणुप्पिया ! इमेगां कारणेगां इत्थीनामगोयं कम्मं निव्वत्तेमि जति गां तुब्भं चोत्थं उवसंपज्जित्ताणं विहरह तते गां अहं छट्ठं उवसंपज्जित्ताणं विहरामि सेसं

तहेव सब्बं, तते गां तुब्भे देवाणुप्पिया ! कालमासे कालं किच्चा जयंते विमाणो उववराणा तत्थ गां तुब्भे देसूणातिं बत्तीसातिं सागरोवमाइं ठिती, तते गां तुब्भे ताथो देवलोयाथो अणांतरं चयं चइत्ता इहेव जंबुहीवे २ जाव साइं २ रजातिं उवसंपज्जित्ताणां विहरह, तते गां अहं देवाणुप्पिया ! ताथो देवलोयाथो आउक्खणां जाव दारियत्ताए पचायाया,—किं थ तयं पम्हुट्टं जं थ तथा भो जयंत पवरंमि बुत्था समयनिबद्धं देवा ! तं संभरह जातिं ॥ १ ॥ १४ । तते गां तेसिं जियसत्तुपामोक्खाणां छराहं रायाणां मल्लीए विदेहवररायकन्नाए अंतिए एतमट्टं सोच्चा णिसम्म सुभेणां परिणाभेणां पसत्थेणां अज्झवसाणेणां लेसाहिं विसुज्झमाणीहिं तथावरणिज्जाणां कम्माणां खओवसमेणा ईहावूह-मग्गाणगवेसणां करेमाणस्स सणिणज्जाइस्सरणे समुप्पन्ने, एयमट्टं सम्मं अभिसमागच्छंति १५ । तए गां मल्ली अरहा जितसत्तुपामोक्खे छप्पि रायाणो समुप्पराणजाइसरणे जाणित्ता गब्भघराणां दाराइं विहाडावेति, तते गां ते जितसत्तुपामोक्खा जेणेव मल्ली अरहा तेणेव उवागच्छंति २ तते गां महब्बलपामोक्खा सत्तविय बालवयंसा एगयथो अभिसमन्नागया यावि होत्था १६ । तते गां मल्लीए अरहाते जितसत्तुपामोक्खे छप्पिय रायाणो एवं वदासी—एवं खलु अहं देवाणुप्पिया ! संसारभयउव्विग्गा जाव पव्वयामि तं तुब्भे गां किं करेह किं च ववसह- (वसह) जाव किं भे हियसामत्थे ?, जियसत्तुपामुक्खा छप्पिय रायाणो मल्लि अरहं एवं वयासी—जति गां तुब्भे देवाणुप्पिया ! संसार जाव पव्वयह अम्हे गां देवाणुप्पिया ! के अरणो आलंबणे वा आहारे वा पडिबंधे वा जह चेव गां देवाणुप्पिया ! तुब्भे अम्हे इथो तच्चे भवग्गहणे बहुसु कज्जेसु य मेढी पमाणं जाव धम्मधुरा होत्था तहा चेव गां देवाणुप्पिया ! इरिंहपि जाव भविस्सह, अम्हेविय गां देवाणुप्पिया ! संसारभउव्विग्गा जाव भीया जम्मणमरणाणां, देवाणुप्पियाणां सद्धिं मुंडा भवित्ता जाव पव्वयामो

१७ । तते गां मल्ली अरहा ते जितसत्तुपामोक्खे एवं वयासी-जराणां तुब्भे संसार जाव मए सद्धिं पव्वयह तं गच्छह गां तुब्भे देवाणुप्पिया ! सएहिं २ रज्जेहिं जेट्ठे पुत्ते रज्जे ठवेह २ ता पुरिससहस्सवाहिणीओ सीयाओ दुरूहह दुरूढा समाणा मम अंतियं पाउब्भवह, तते गां ते जितसत्तुपामुक्खा मल्लिस्स अरहतो एतमट्ठं पडिसुण्णोति १८ । तते गां मल्ली अरहा ते जितसत्तुपामुक्खाणु ङ्गप्पिय रायाणु गहाय जेणोव कुंभए तेणोव उवागच्छइ उवागच्छित्ता कुंभगस्स पाएसु पाडेति, तते गां कुंभए ते जितसत्तुपामुक्खे ङ्गप्पिय रायाणो विपुलेणां असणु-पाणुखाइम-साइमेणं पुप्फवत्थ-गंधमल्लालंकारेणां सक्कारेति जाव पडिविसज्जेति, तते गां ते जियसत्तुपामोक्खा कुंभएणां रराणा विसज्जिया समाणा जेणोव साइं २ रज्जातिं जेणोव नगरातिं तेणोव उवागच्छंति २ सगाइं रज्जातिं उवसंपज्जित्ता विहरंति, तते गां मल्ली अरहा संवच्छरावसाणे निक्खमिस्सामिति मणां पहारेति १९ ॥ सूत्रं ८१ ॥ तेणां कालेणां २ सक्कस्सासणां चलति, तते गां सक्के देविंदे ३ आसणां चलयं पासति २ ओहिं पउंजति २ मल्लिं अरहं ओहिणा आभोएति २ इमेयारूवे अब्भत्थिए जाव समुप्पज्जित्था-एवं खलु जंबुद्दीवे २ भारहे वासे मिहिलाए कुंभगस्स रत्तो पुत्ती मल्ली अरहा निक्खमिस्सामिति मणां पहारेति १ । तं जीयमेयं तीयपच्चुप्पन्नमणागयाणां सक्काणां ३ अरहंताणां भगवंताणां निक्खममाणाणां इमेयारूवं अत्थसंपयाणां दलित्तए, तंजहा-तिराणोव य कोडिसया अट्टासीति च होंति कोडीओ । असितिं च सयसहस्सा इंदा दलयंति अरहाणां ॥ १ ॥ एवं संपेहेति २ वेसमणां देवं सहावेति २ ता एवं वयासी-एवं खलु देवाणुप्पिया ! जंबुद्दीवे २ भारहे वासे जाव असीतिं च सयसहस्साइं दलइत्तए, तं गच्छह गां देवाणुप्पिया ! जंबुद्दीवे २ भारहे वासे मिहिलाए कुंभगस्स रत्तो भवणांसि इमेयारूवं अत्थसंपदाणां साहराहि २ खिप्पामेव मम एयमाणत्तियं पच्चप्पिणाहि, तते गां से वेसमणे

देवे सक्केणं देविंदेणं ३ एवं बुत्ते हट्टे करयल जाव पडिसुणोइ २ जंभए
 देवे सदावेइ २ एवं वयासी-गच्छह णं तुब्भे देवाणुप्पिया । जंबुहीवं
 दीवं भारहं वासं मिहिलं रायहाणिं कुंभगस्स रत्तो भवणांसि तिन्नेव य
 कोडिसया अट्टासीयं च कोडीओ असियं च सयसहस्साइं अयमेयारूवं
 अत्थसंपयाणं साहरह २ मम एयमाणत्तियं पच्चप्पिणह २ । तते णं ते जंभगा
 देवा वेसमणोणं जाव सुणोत्ता उत्तरपुरच्छिमं दिसीभागं अवक्कमंति २ जाव
 उत्तरवेउव्वियाइं रूवाइं विइव्वंति २ ताए उक्किट्टाए जाव वीइवयमाणा
 जेणोव जंबुहीवे २ भारहे वासे जेणोव मिहिला रायहाणी जेणोव कुंभगस्स
 रणो भवणो तेणोव उवागच्छंति २ कुभगस्स रत्तो भवणांसि तिन्नि कोडि-
 सया जाव साहरंति २ जेणोव वेसमणो देवे तेणोव उवागच्छंति २ करयल
 जाव पच्चप्पिणंति, तते णं से वेसमणो देवे जेणोव सक्के देविंदे
 देवराया तेणोव उवागच्छइ २ करयल जाव पच्चप्पिणंति ३ ।
 तते णं मल्ली अरहा कल्लाकल्लिं जाव मागहओ पायरासोत्ति
 बहूणं सणाहाण य अणाहाण य पंथियाण य पहियाण य करो-
 (कायको)डियाण य कप्पडियाण य एगमेगं हिरणकोडिं (हत्थामासं)
 अट्ट य अणुणातिं सयसहस्सातिं इमेयारूवं अत्थसंपदाणं दत्तयति,
 तए णं से कुंभए मिहिलाए रायहाणीए तत्थ २ तहिं २ देसे २
 बहूओ महाणससालाओ करेति, तत्थ णं बहवे मणुया दिरणभइभत्तवेयणा
 विपुलं असणं ४ उवक्खडेंति २ जे जहा आगच्छंति तंजहा-पंथिया वा
 पहिया वा करोडिया वा कप्पडिया वा पासंडत्था वा गिहत्था वा तस्स य
 तहा आसत्थस्स वीसत्थस्स सुहासणवरगतस्स तं विपुलं असणं ४ परि-
 भाएमाणा परिवेसेमाणा विहरंति ४ । तते णं मिहिलाए सिंघाडग जाव
 बहुजणो अणामराणस्स एवमातिक्खति-एवं खलु देवाणुप्पिया ! कुंभगस्स
 रणो भवणांसि सव्वकामगुणियं किमिच्छियं विपुलं असणं ४ बहूणं

समणाय य जाव (सुरासुरियं) परिवेसिज्जति, वरवरिया घोसिज्जति किमि-
 च्छियं दिज्जे बहुविहीयं । सुरअसुर-देवदाणाव-नरिंदमहियाणा निक्खमणे
 ॥ १ ॥ तते णं मल्ली अरहा संवच्छरेणं तिन्नि कोडिसया अट्टा-
 सीतिं च होति कोडीओ असितिं च सयसहस्साइं इमेयारूवं
 अत्थसंपदाणां दलइत्ता निक्खमामिति मणं पहारेति ५ ॥ सूत्रं ॥ ८२ ॥
 तेणं कालेणं २ लोगंतिया देवा बंभलोए कप्पे रिट्टे विमाण-
 पत्थडे सएहिं २ विमाणोहिं सएहिं २ पासायवडिसएहिं पत्थेयं २ चउहिं
 सामाणिय-साहस्सीहिं तिहिं परिसाहिं सत्तहिं अणिएहिं सत्तहिं अणिया-
 हिवईहिं सोलसहिं आयरक्ख-देवसाहस्सीहिं अन्नेहि य बहूहिं लोगंतिएहिं
 देवेहिं सद्धिं संपरिवुडा महयाहय-नट्टगीयवाइय जाव रवेणं भुंजमाणा
 विहरंति, तंजहा—‘सारस्सयमाइच्चा वरही वरुणा य गहतोया य । तुसिया
 अब्बावाहा अग्गिच्चा चेव रिट्टा य ॥ १ ॥ १ । तते णं तेसिं लोयंतियाणं
 देवाणं पत्थेयं २ आसणातिं चलंति तहेव जाव अरहंताणं निक्खममाणाणं
 संबोहणं करेत्तएत्ति तं गच्छामो णं अम्हेवि मल्लिस्स अरहतो संबोहणं
 करेमिच्चिट्ठु एवं संपेहेति २ उत्तरपुरच्छिमं दिसीभायं अवक्कमंति २
 वेउब्बियसमुग्धाएणं समोहणांति २ संखिज्जाइं जोयणाइं एवं जहा जंभगा
 जाव जेणेव महिला रायहाणी जेणेव कुंभगस्स रन्नो भवणे जेणेव
 मल्ली अरहा तेणेव उवागच्छंति २ अंतलिक्खपडिवन्ना सखिसिणियाइं
 जाव वत्थातिं पवर परिहिया करयल जाव ताहिं इट्टाहिं जाव एवं
 वयासी—बुज्झाहि भगवं ! लोगनाहा पवत्तेहि धम्मतित्थं जीवाणं हियसुह-
 निस्सेयसकरं भविस्सतित्तिक्कट्टु दोच्चंपि तच्चंपि एवं वयंति २ मल्लिं अरहं
 वंदंति नमंसंति २ जामेव दिसिं पाउब्भूआ तामेव दिसिं पडिगया २ । तते
 णं मल्ली अरहा तेहिं लोगंतिएहिं देवेहिं संबोहिए समाणे जेणेव अम्मापियरो
 तेणेव उवागच्छंति २ करयल जाव एवं वयासी—इच्छामि णं अम्मयाओ !

तुब्भेहिं अम्भणुराणाते मुंडे भवित्ता जाव पव्वत्तिए, अहासुहं देवाणुप्पिया !
 मा पडिबंधं करेहि ३ । तते णं कुंभए कोडुं वियपुरिसे सहावेति २ एवं
 वदासी-खिप्पामेव अट्टसहस्सं सोवणिणयाणां जाव भोमेज्जाणांति, अराणां
 च महत्थं जाव तित्थयराभिसेयं उवट्टवेह जाव उवट्टवेति ४ । तेणां कालेणां
 २ चमरे असुरिदे जाव अच्चुय-पज्जवसाणा आगया, तते णं सक्के ३
 आभिओगिए देवे सहावेति २ एवं वदासी-खिप्पामेव अट्टसहस्सं सोव-
 णिणयाणां जाव अराणां च तं विउलं उवट्टवेह जाव उवट्टवेति, तेवि कलसा
 ते चेव कलसे अणुपविट्टा, तते णं से सक्के देविदे देवराया कुंभए य राया
 मल्लिं अरहं सीहासणांसि पुरत्थाभिमुहं निवेसेइ अट्टसहस्सेणां सोवणिणयाणां
 जाव अभिसिंचंति ५ । तते णं मल्लिस्स भगवओ अभिसेए वट्टमाणे
 अप्पेगतिया देवा मिहिलं च सन्भितरं बाहिं आव सव्वतो समंता परिधा-
 वंति, तए णं कुंभए राया दोच्चंपि उत्तरावक्कमाणां जाव सव्वालंकारविभू-
 सियं करेति २ कोडुं वियपुरिसे सहावेइ २ ता एवं वयासी-खिप्पामेव
 मणोरमं सीयं उवट्टवेह ते उवट्टवेति ६ । तते णं सक्के ३ आभिओगिए
 देवे सहावेति २ एवं वयासी-खिप्पामेव अणोगखंभ-सयसन्निविट्टं जाव
 मणोरमं सीयं उवट्टवेह जाव सावि सीया तं चेव सीयं अणुपविट्टा, तते
 णं मल्ली अरहा सीहासणाओ अम्भुट्टेति २ जेणेव मणोरमा सीया तेणेव
 उवागच्छति २ मणोरमं सीयं अणुपयाहिणी-करेमाणा मणोरमं सीयं
 दुरूहति २ सीहासणावरगए पुरत्थाभिमुहे सन्निसन्ने, तते णं कुंभए अट्टारस
 सेणुप्पसेणीओ सहावेति २ एवं वदासी-तुब्भे णं देवाणुप्पिया ! राहाया
 जाव सव्वालंकारविभूसिया मल्लिस्स सीयं परिवहह जाव परिवहंति ७ ।
 तते णं सक्के देविदे देवराया मणोरमाए दक्खिणिल्लं उवरिल्लं बाहं
 गेराहति, ईसाणे उत्तरिल्लं उवरिल्लं बाहं गेराहति, चमरे दाहिणिल्लं हेट्टिल्लं
 बाहं गेराहति, बली उत्तरिल्लं हेट्टिल्लं बाहं गेराहति, अवसेसा देवा जहा-

रिहं मणोरमं सीयं परिवहति, “पुब्बि उक्खित्ता माणुस्सेहिं तो हट्टरोम-
 कूवेहि । पच्छा वहंति सीयं असुरिंद-सुरिंद-नागेंदा ॥ १ ॥ चल-चवल-
 कुंडल(भूषण)धरा सच्छंद-विउब्बियाभरणधारी । देविंद-दाणविंदा वहंति
 सीयं जिणिंदस्स ॥ २ ॥ ८ । तते णं मल्लिस्स अरहत्थो मणोरमं सीयं
 दुरूदस्स इमे अट्टुमंगलगा पुरतो अहाणु० एवं निग्गमो जहा जमालिस्स,
 तते णं मल्लिस्स अरहतो निक्खममाणस्स अप्पेगइया देवा मिहिलं रायहाणि
 आसिय-संमज्जियं संमट्टुसुइ-रत्थंतरावण-विहियं करेति अम्भितर-वासविहि-
 गाहा जाव परिधावंति १ । तते णं मल्ली अरहा जेणोव सहस्संबवणे उज्जाणे
 जेणोव असोगवरपायवे तेणोव उवागच्छति सीयात्थो पच्चोरुमति २ आभर-
 णालंकारं पभावती पडिच्छति, तते णं मल्ली अरहा सयमेव पंचमुट्टियं
 लोयं करेति, तते णं सक्के देविंदे ३ मल्लिस्स केसे पडिच्छति, खीरोदग-
 समुद्दे पक्खवइ (साहरइ) १० । तते णं मल्ली अरहा णामोऽथु णं
 सिद्धाणंतिकट्टु सामाइयचरित्तं पडिवज्जति, जं समयं च णं मल्ली अरहा
 चरित्तं पडिवज्जति तं समयं च णं देवाणं माणुसाण य णिग्घोसे तुरियनि-
 णायगीयवातियनिग्घोसे य सक्कस्स वयणसंदेसेणं णिलुक्के यावि होत्था,
 जं समयं च णं मल्ली अरहा सामातियं चरित्तं पडिवन्ने तं समयं च णं
 मल्लिस्स अरहतो माणुसधम्मात्थो उत्तरिए मणपज्जवनाणे समुप्पन्ने ११ ।
 मल्ली णं अरहा जे से हेमंताणं दोच्चे मासे चउत्थे पक्खे
 पोससुद्धे तस्स णं पोससुद्धस्स एकारसीपक्खेणं पुब्बराहकालसमयंसि
 अट्टुमेणं भत्तेणं अपाणएणं अस्सिणीहिं नक्खत्तेणं जोगमुवागएणं तिहिं
 इत्थीसएहिं अम्भितरियाए परिसाए तिहिं पुरिससएहिं बाहिरियाए परिसाए
 सद्धि मुंडे भवित्ता पव्वइए १३ । मल्लि अरहं इमे अट्टु रा(णा)यकुमारा
 अणुपव्वइंसु तंजहा—णंदे य णंदिमित्ते सुमित्त बलमित्त भाणुमित्ते य । अमरवति
 अमरसेणे महसेणे चैव अट्टुमए ॥ १ ॥ तए णं से भवणावई ४ मल्लिस्स

अरहतो निक्खमणमहिमं करेति २ जेणोव नंदीसरवरे तेणोव उवागच्छंति २
 अट्टाहियं करेति २ जाव पडिगया १४ । तते णं मल्ली अरहा जंचेव
 दिवसं पव्वतिए तस्सेव दिवसस्स पुव्वा(पच्च)वरराह-कालसमयंसि असोग-
 वरपायवस्स अहे पुढवि-सिलापट्टयंसि सुहासणवरगयस्स सुहेणं परिणामेणं
 पसत्थेहिं अज्झवसारोहिं पसत्थाहिं लेसाहिं विसुज्झमाणीहिं तथावराण-
 कम्म-रय-विकराणकरं अपुव्वकरणं अणुपविट्टस्स अणंते जाव केवलनाण-
 दंसणो समुप्पन्ने १५ ॥ सूत्रं ८३ ॥ तेणं कालेणं २ सब्बदेवाणं आसणातिं
 चलंति, समोसदा सुणोति अट्टाहियामहिमं नंदीसरं जामेव दिसं पाउब्भूया
 कुंभएवि निग्गच्छति १ । तते णं ते जितसत्तुपामुक्खा छप्पिय रायाणो
 जेट्टुप्पत्ते रज्जे ठावेत्ता पुरिससहस्सवाहिणीयाओ दुरूढा सव्विड्डीए जेणोव मल्ली
 अरहा जाव पज्जुवासंति, तते णं मल्ली अरहा तीसे महालियाए कुंभगस्स तेसिं
 च जियसत्तुपामुक्खाणं धम्मं कहेति परिसा जामेव दिसिं पाउब्भूया तामेव
 दिसिं पडिगया, कुंभए समणोवासए जाते, पडिगए, पभावती य २ ।
 तते णं जितसत्तू छप्पि राया धम्मं सोच्चा आलित्तए णं भंते ! जाव पव्वइया,
 चोदसपुव्विणो अणंते केवले सिद्धा ३ । तते णं मल्ली अरहा सहसंब-
 वणाओ निक्खमति २ बहिया जणवयविहारं विहरइ ४ । मल्लिस्स णं
 भिसगपामोक्खा अट्टावीसं गणा अट्टावीसं गणहरा होत्था, मल्लिस्स णं
 अरहओ चत्तालीसं समणसाहस्सीओ उक्कोसिया समणसंपया होत्था, बंधुमति-
 पामोक्खाओ पणपराणं अज्जियासाहस्सीओ उक्कोसिया अज्जियासंपया
 होत्था, सावयाणं एगा सतसाहस्सी चुलसीति सहस्सा उक्कोसिया सावयाणं
 संपया होत्था, सावियाणं तिन्नि सयसाहसीओ पराणट्ठिं च सहस्सा, छस्सया
 चोदसपुव्वीणं, वीससया ओहिनाणीणं, बत्तीसं सया केवलणाणीणं
 पणातीसं सया वेउव्वियाणं, अट्टसया मणपज्जवनाणीणं, चोदससया वाईणं,
 वीसं सया अणुत्तरोववातियाणं ४ । मल्लिस्स अरहओ दुविहा अंतगड-

भूमी होत्या, तंजहा—जुयंतकरभूमी परियायंतकरभूमी य, जाव वीसति-
मात्रो पुरिसजुगात्रो जुयंतकरभूमी, दुवासपरियाए(दुमास, चउमास परियाए)
अंतमकासी ५ । मल्ली गां अरहा पणुवीसं धणुतिमुड्डं उच्चत्तेगां वरागोणं
पियंगुसमे समचउरंस-संठागो वज्जरिसभ-गारायसंघयगो मज्भदेसे सुहंसुहेगां
विहरित्ता जेगोव सम्मेय-सेलसिहरे पव्यए तेगोव उवागच्छइ २ ता संमेय-
सेलसिहरे पात्रोवगमणुववरागो मल्ली य अरहा एगं वाससतं आगारवासं,
पणपराणं वाससहस्सातिं वाससयऊणातिं केवलिपरियागं पाउणित्ता, पण-
पराणं वाससहस्साइं सव्वाउयं पालइत्ता जे से गिम्हाणं पढमे मासे दोच्चे
पक्खे चित्तसुद्धे तस्स गां चेत्तसुद्धस्स चउत्थीए भरणीए गावखत्तेगां अद्धर-
त्तकालसमयंसि पंचेहिं अज्जियासएहिं अम्भितरियाए परिसाए पंचहिं
अणगारसएहिं बाहिरियाए परिसाए मासिएणं भत्तेगां अपाणएणं वग्घा-
रियपाणी स्वीगो वेयणिज्जे आउए नामे गोए सिद्धे ६ । एवं परिनि-
व्वाण-महिमा भाणियव्वा जहा जंबुद्वीव-पराणत्तीए, नंदीसरे अट्टाहियात्रो
पडिगयात्रो, एवं खलु जंबू ! समगोणं भगवया महावीरेणं अट्टमस्स
नायज्भयणास्स अयमट्टे पराणत्तेत्तिवेमि ७ ॥ सूत्रं ८४ ॥

॥ इति अष्टममध्ययनम् ॥

॥६॥ अथ श्रीमाकन्दीदारकाख्यं नवममध्ययनम् ॥

जइ गां भंते ! समगोणं जाव संपत्तेणं अट्टमस्स णायज्भयणास्स
अयमट्टे पराणत्ते नवमस्स गां भंते ! नायज्भयणास्स समगोणं जाव
संपत्तेणं के अट्टे पराणत्ते ? , एवं खलु जंबू ! तेणं कालेणं २ चंपा नामं
नयरी पुराणभदे तत्थ गां माकंदी नामं सत्थवाहे परिवसति, अट्टे ०, तस्स
गां भदा नामं भारिया, तीसे गां भदाए अत्तया दुवे सत्थवाहदारया होत्या,
तंजहा—जिणपालिए य जिणरक्खिए य १ । तते गां तेसिं मागंदियदारगाणं

अराण्या कयाई एगयत्रो इमेयारूवे मिहो कहासमुल्लावे सपुप्पजित्था—एवं खलु अम्हे लवणसमुद्दं पोयवहणोणं एकारस वारा ओगाढा सव्वत्थवियणं लद्धट्ठा कयकज्जा अणहसमग्गा पुणारवि निययघरं हव्वामागया तं सेयं खलु अम्हं देवाणुप्पिया ! दुवालसमंपि लवणसमुद्दं पोतवहणोणं अगाहित्तएत्तिकट्टु अणमराणस्सेतमट्टं पडिसुणोति २ ता जेणोव अम्मापियरो तेणोव उवागच्छंति एवं वदासी—एवं खलु अम्हे अम्मयाओ ! एकारस वारा तं चेव जाव निययं घरं हव्वमागया, तं इच्छामो णं अम्मयाओ ! तुम्हेहिं अब्भणुराणाया समाणा दुवालसमं लवणसमुद्दं पोयवहणोणं ओगाहित्तए २ । तते णं ते मागंदियदारए अम्मापियरो एवं वदासी—इमे ते जाया ! अज्जग जाव परिभाएत्तए तं अणुहोह ताव जाया ! विउले माणुस्सए इट्ठीसकारसमुदए, किं भे सपच्चवाएणं निरालंबणोणं लवणसमुद्दोत्तारेणं ?, एवं खलु पुत्ता ! दुवालसमी जत्ता सोवसग्गा यावि भवति, तं मा णं तुब्भे दुवे पुत्ता ! दुवालसमंपि लवणसमुद्दं जाव ओगाहेह, मा हु तुब्भं सरीरस्स वावत्ती भविस्सति ३ । तते णं मागंदियदारगा अम्मापियरो दोच्चंपि तच्चंपि एवं वदासी—एवं खलु अम्हे अम्मयाओ ! एकारस वारा लवणं ओगाहित्तए ४ । तते णं ते मागंदीदारए अम्मापियरो जाहे नो संचाएंति बहूहिं आघवणाहिं पराणवणाहि य आघवित्तए वा पन्नवित्तए वा ताहे अकामा चेव एयमट्टं अणुजाणित्था (अणुमराणत्था) तते णं ते मागंदियदारगा अम्मापिऊहिं अब्भणुराणाया समाणा गणिमं च धरिमं च मंज्जं च पारिच्छेज्जं च जहा अरहणगस्स जाव लवणसमुद्दं बहूइं जोअणसयाइं ओगाढा ५ ॥ सूत्रं ८५ ॥

तते णं तेसिं मागंदियदारगाणं अओगाइं जोयणसयाइं ओगाढाणं समाणाणं अओगाइं उप्पाइयसयातिं पाउब्भयातिं, तंजहा—अकाले गज्जियं जाव थणियसद्दे कालियवाते तत्थ समुट्टिए, तते णं सा णावा तेणं

कालियवातेणं आहुणिज्जमाणी २ संचालिज्जमाणी २ संखोभिज्जमाणी २
 सलिल-तिम्बखेगेहिं आयट्टिज्जमाणी २ कोट्टिमंसि करतलाहते विव
 तेंदूसए तत्थेव २ ओवयमाणी य उप्पयमाणी य उप्पयमाणीविव धरणी-
 यलाओ सिद्धविज्जाहरकन्नगा ओवयमाणीविव गगणतलाओ भट्टविज्जा
 विज्जाहर-कन्नगाविव पलायमाणीविव महागरुल-वेग-वित्तासिया भुयगवर-
 कन्नगा धावमाणीविव महाजण-रसियसद्द-वित्तत्था ठाणभट्टा आसकिसोरी
 णिगुंजमाणीविव गुरुजण-दिट्ठावराहा सुयण-कुलकन्नगा घुम्ममाणीविव
 वीचीपहारसततालिया गलिय-लंबणाविव गगणतलाओ रोयमाणीविव
 सलिल-गंट्टि-विप्पइरमाण-घोरंसुवाएहिं णववहू उवरतभत्तुया विलवमाणीविव
 परचक्क-रायाभिरोहिया परम-महच्चभयाभिद्दुया महापुरवरी भायमाणीविव
 कवडच्छोम-प्पओगजुत्ता जोगपरिच्चाइया णिसासमाणीविव महाकंतार-
 विणिग्गय-परिस्संता परिणयवया अम्मया सोयमाणीविव तवचरण-खीण-
 परिभोगा चयण-काले देववरवहू संचुरिणाय-कट्टकूवरा भग्ग-मेट्टि-मोडिय-
 सहस्समाला सूलाइय(त्त)-वंक-परिमासा फलहंतर-तडतडेंत-फुट्टंत-संधि-
 वियलंत-लोहकीलिया सव्वंग-वियंभिया परिसडिय-रज्जु-विसरंत-सव्वगत्ता
 आमग-मल्लग-भूया अकयपुराण-जण-मणोरहोविव चित्तिज्जमाणागुरुई हाहाकय-
 करणधार-णाविय-वाणियग-जण-कम्मगार-विलविया णाणाविह-रयण-पणि-
 यसंपुराणा बहूहिं पुरिससएहिं रोयमाणोहिं कंदमाणोहिं सोयमाणोहिं तिप्प-
 माणोहिं विलवमाणोहिं एणं महं अंतो जलगयं गिरि-सिहर-मासायइत्ता
 संभग्ग-कूवतोरणा मोडिय-भयदंडा वलय-सय-खंडिया करकरस्स तत्थेव
 विहवं उवगया १ । तते णं तीए णावाए भिज्जमाणीए बहवे पुरिसा
 विपुलपडियं भंडमायाए अंतो जलंमि णिमज्जावि यावि होत्था २
 ॥ सूत्रं ८६ ॥

तते णं ते मागंदियदारगा छेया दक्खा पत्तट्टा कुसला मेहावी

गिउण-सिण्पोवगया बहुसु पोतवहण-संपराएसु कयकरण-लद्धविजया
 अमूढा अमूढहत्था एगं महं फलगखंडं आसादेति, जंसिं च णं पदेसंसि से
 पोयवहणो विवन्ने तंसिं च णं पदेसंसि एगे महं रयणदीवे णामं दीवे
 होत्था अणोगाइं जोअणातिं आयाम-विवखंभेणं अणोगाइं जोअणाइं
 परिक्खेवेणं णाणा-दुमसंड-मंडिउइंसे सस्सिरीए पासातीए ४, तस्स णं
 वमुमज्झ-देसभाए तत्थ णं महं एगे पासायवडेंसए होत्था अब्भुग्गय-मूसियए
 जाव सस्सिरीभूयखूवे पासातीए ४, तत्थ णं पासाय-वडेंसए रयणदीवदेवया
 नामं देवया परिवसति पावा चंडा रुहा साहसिया, तस्स णं पासायवडिं-
 सयस्स चउद्दिंसिं चत्तारि वणसंडा किरहा किरहोभासा १ । तते णं ते
 मागंदियदारगा तेणं फलयखंडेणं उब्बुडमाणा (उबुज्जमाणा) २ रयणदीवतेणं
 संवृदा (संछुदा) यावि होत्था, तते णं ते मागंदियदारगा थाहं लभंति २
 मुहुत्तरं आससंति २ फलगखंडं विसज्जेति २ रयणदीवं उत्तरंति २
 फलाणं मग्गणगवेसणं करेति २ फलातिं गिरहंति २ आहारंति २ णालि-
 एराणं मग्गणगवेसणं करेति २ नालिएराइं फोडेंति २ नालिएर-तेल्लेणं
 अणणमराणस्स गत्ताइं अब्भंगेति २ पोक्खराणीतो अणोहातिं २ जलमज्जणं
 करेति २ जाव पच्चुत्तरंति २ पुढवि-सिलापट्टयंसि निसीयंति २ आसत्था
 वीसत्था सुहासणवरगया चंपानयरिं अम्मापिउ-आपुच्छणं च लवणसमुहोत्तारं
 च कालियवाय-समुत्थणं च पोतवहण-विवत्तिं च फलयखंडस्स आसायणं च
 रयणदीवुत्तारं च अणुचित्तेमाणा २ ओहतमणसंकप्पा जाव भियायेन्ति २ ।
 तते णं सा रयणदीवदेवया ते मागंदियदारए ओहिणा आभोएति
 असिफलम-वग्गहत्था सत्तट्टतलप्पमाणां उट्टं वेहासं उप्पयति २ ताते
 उक्किट्टाए जाव देवगईए वीइवयमाणी २ जेणेव मागंदियदारए तेणेव
 आगच्छति २ आसुरुत्ता मागंदियदारए खर-फरुस-निट्ठुर-वयणेहिं एवं
 वदासी-हं भो मागंदियदारया ! अप्पत्थियपत्थिया जति णं तुब्भे मए सद्धिं

विउलाति भोगभोगां भुंजमाणा विहरह तो भे अत्थि जीवित्रं, अहराणं
तुब्भे मए सद्धि विउलाति नो विहरह तो भे इमेणं नीलुप्पल-गवल-गुलिय
जाव खुरधारेणं असिणा रत्तगंडमंसुयाइं माउयाहिं उवसोहियाइं तालफला-
णीव सीसाइं एगंते एडेमि ३ । तते णं ते मागंदियदारगा रयणादीवदेवयाए
अंतिए सोच्चा भीया करयल जाव एवं वयासी-जराणं देवाणुप्पिया ! वतिस्ससि
तस्स आणा-उववाय-वयणनिहेसे चिट्ठिस्सामो, तते णं सा रयणादीवदेवया
ते मागंदियदारए गेराहति २ जेणेव पासायवडिसए तेणेव उवागच्छइ २
असुभ-पोग्गलावहारं करेति २ सुभपोग्गल-पक्खेवं करेति २ ता पच्छा
तेहिं सद्धि विउलाति भोगभोगां भुंजमाणी विहरति कल्लाकल्लिं च
अमयफलाति उवणेति ४ ॥ सूत्रं =७ ॥ तते णं सा रयणादीवदेवया सकव-
यणा-संदेसेणं सुट्टिएणं लवणाहिवइणा लवणासमुहे तिसत्तखुत्तो अणुपरिय-
ट्टियव्वेत्ति जं किंचि तत्थ तणं वा पत्तं वा कट्टं वा कयवरं वा असुइं
पूतियं दुरभि-गंध-मचोवखं तं सब्बं आहुणिय २ तिसत्तखुत्तो एगंते एडेय-
व्वंतिकट्टु णिउत्ता १ । तते णं सा रयणादीवदेवया ते मागंदियदारए एवं
वदासी-एवं खलु अहं देवाणुप्पिया ! सकवयणासंदेसेणं सुट्टियेणं तं चेव
जाव णिउत्ता, तं जाव अहं देवाणुप्पिया ! लवणासमुहे जाव एडेमि ताव
तुब्भे इहेव पासायवडिसए सुहंसुहेणं अभिरममाणा २ चिट्ठह, जति णं
तुब्भे एयंसि अंतरंसि उव्विग्गा वा उस्सुया (उप्पिच्छा) वा उप्पुया वा
भवेज्जाह तो णं तुब्भे पुरच्छिमिल्लं वणासंडं गच्छेज्जाह, तत्थ णं दो ऊऊ
सया साहीणा तंजहा-पाउसे य वासारत्ते य, -तत्थ उ कंदल-सिलिंध-दंतो
णिउर-वरपुफ-पीवरकरो । कुडयज्जुणा-णीव-सुरभि-दाणो पाउस-ऊऊ-गयवरो
साहीणो ॥ १ ॥ तत्थ य-सुरगोवमणि-विचित्तो दुदुदुर-कुलर-सियउज्भर-
रवो । बरहिणाविंद-परिणाद्धसिहरो वासारत्तो उऊपव्वतो साहीणो ॥ २ ॥
तत्थ णं तुब्भे देवाणुप्पिया ! बहुसु वावीसु य जाव सरसरपंतियासु बहुसु

आलीघरएसु य मालीघरएसु य जाव कुसुमघरएसु य सुहंसुहेणं अभिरम-
 माणा विहरेज्जाह, जति णं तुब्भे एत्थवि उब्बिग्गा वा उस्सुया वा उप्पुया
 वा भवेज्जाह तो णं तुब्भे उत्तरिल्लं वणसंडं गच्छेज्जाह, तत्थ णं दो ऊऊ
 सया साहीणा तंजहा-सरदो य हेमंतो य, -तत्थ उ सणसत्त-वराणकउओ
 नीलुप्पल-पउम-नलिणसिंगो । सारस-चक्कवाय-रवितघोसो सरय-ऊऊगोवती
 साहीणा ॥ १ ॥ तत्थ य सियकुंद-धवल(विमल)-जोरहो कुसुमित-लोद्ध-
 वणसंड-मंडलतलो । तुसार-दगधार-पीवरकरो हेमंत-ऊऊससी सया साहीणो
 ॥ २ ॥ तत्थ णं तुब्भे देवाणुप्पिया ! वावीसु य जाव विहरेज्जाह, जति णं
 तुब्भे तत्थवि उब्बिग्गा वा उस्सुया वा जाव भवेज्जाह तो णं तुब्भे
 अवरिल्लं वणसंडं गच्छेज्जाह, तत्थ णं दो ऊऊ साहीणा, तंजहा-वसंतो
 य गिम्हे य, तत्थ उ सहकार-चारुहारो किंसुय-करिणायारासोग-मउडो ।
 ऊसित-तिलग-बउलायवत्तो वसंत-उऊणरवती साहीणो ॥ १ ॥ तत्थ य
 पाडल-सिरीस-सलिलो मलिया-शामंतिय-धवलवेलो । सीयल-सुरभि-अनिल-
 मगरचरियो गिम्ह-ऊऊ-सागरो साहीणो ॥ २ ॥ तत्थ णं बहुसु जाव
 विहरेज्जाह, जति णं तुब्भे देवाणुप्पिया ! तत्थवि उब्बिग्गा उस्सुया भवेज्जाह
 तयो तुब्भे जेणोव पासायवडिसए तेणोव उवागच्छेज्जाह, ममं पडिवालेमाणा
 २ चिट्ठेज्जाह, मा णं तुब्भे दक्खिणिल्लं वणसंडं गच्छेज्जाह, तत्थ णं महं
 एगे उग्गविसे चंडविसे घोर(भोग)विसे महाविसे अइकायमहाकाए जहा
 तेयनिसग्गे मसि-महिसामूमाकालए नयण-विस-रोसपुराणो अंजण-पुंज-नियर-
 प्पगासे रत्तच्छे जमल-जुयल-चंचल-चलंतजीहे धरणि-यल-वेणिभूए उकड-
 फुड-कुडिल-जडिल-कक्खड-वियड-फडाडोव-करणादच्छे लोगाहार-धम्ममाण-
 धमधमेतघोसे अणागलिय-चंडतिव्वरोसे समुहिं तुरियं चवलं धमधमंत-दिट्ठी-
 विसे सप्पे य परिवसति, मा णं तुब्भं सरीरगस्स वावत्ती भविस्सइ २ ।
 ते मागंदियदारए दोच्चं तच्चंपि एवं वदति २ वेउव्वि-समुग्घातणं समोहणति

२ ताए उक्किट्टाए लवणासमुद्दं तिसत्तखुत्तो अणुपरियट्टेउं पयत्ता यावि होत्था ३ ॥ सूत्रं = = ॥

तए णं ते मागंदियदारया तत्रो मुहुत्तंतरस्स पासायवडिसए सइं वा रतिं वा धितिं वा अलभमाणा अराणमराणं एवं वदासी-एवं खलु देवाणुप्पिया ! रयादीवदेवया अम्हे एवं वदासी-एवं खलु अहं सकवयाणसंदेसेणं सुट्टिएणं लवणाहिवइणा जाव वावत्ती भविस्सइ, तं सेयं खलु अम्हं देवाणुप्पिया ! पुरच्छिमिल्ले वणासंडं गमित्तए, अराणमराणस्स एयमट्टं पडिसुणोति २ जेणोव पुरच्छिमिल्ले वणासंडे तेणोव उवागच्छंति २ तत्थ णं वावीसु य जाव अभिरममाणा आलीघरएसु य जाव विहरंति १ । तते णं ते मागंदियदारया तत्थवि सइं वा जाव अलभमाणा जेणोव उत्तरिल्ले वणासंडे तेणोव उवागच्छंति २ तत्थ णं वाविसु य जाव जालीघरएसु य विहरंति २ । तते णं ते मागंदियदारया तत्थवि सतिं वा जाव अलभमाणा जेणोव पञ्चत्थिमिल्ले वणासंडे तेणोव उवागच्छंति २ जाव विहरति ३ । तते णं ते मागंदियदारया तत्थवि सतिं वा जाव अलभमाणा अराणमराणं एवं वदासी-एवं खलु देवाणुप्पिया ! अम्हे रयादीवदेवया एवं वदासी-एवं खलु अहं देवाणुप्पिया ! सकस्स वयाणसंदेसेणं सुट्टिएणं लवणाहिवइणा जाव मा णं तुब्भं सरीरगस्स वावत्ती भविस्सति तं भवियव्वं एत्थ कार-णोणं, तं सेयं खलु अम्हं दक्खिणिल्लं वणासंडं गमित्तएत्तिकट्टु अराणम-राणस्स एतमट्टं पडिसुणोति २ जेणोव दक्खिणिल्ले वणासंडे तेणोव पहारेत्थ गमणाए ४ । तते णं मंधे निद्धाति से जहा नामए अहिमडंति वा जाव अणिट्टतराए चेव, तते णं ते मागंदियदारया तेणं असुभेणं मधेणं अभि-भूया सम्माणा सएहिं २ उत्तरिज्जेहिं आसाति पिहेति २ जेणोव दक्खि-णिल्ले वणासंडे तेणोव उवागया तत्थ णं महं एणं आघा(य)तणं पासंति २ अट्टिय-रासि-सतसंकुलं भीम-दरिसणिज्जं एणं च तत्थ सूलाइतयं पुरिसं

कलुषातिं विस्तराति कट्टाति कुब्जमाणं पासंति २ भीता जाव संजातभया जेणेव से सूलातियपुरिसे तेणेव उवागच्छंति २ तं सूलाइयं एवं वदासी-एस णं देवाणुप्पिया ! कस्साघयणे तुमं च णं के कथो वा इहं हव्वमाणे केण वा इमेयारूवं आवति पाविण ? ५ । तते णं से सूलातियए पुरिसे मागंदियदारए एवं वदासी-एस णं देवाणुप्पिया ! रयणादीवदेवयाए आघयणे अहराणं देवाणुप्पिया ! जंबुदीवाओ दीवाओ भारहाओ वासाओ कागंदीए आसवाणियए विपुलं पणिय-भंडमायाए पोतवहणेरां लवणासमुहं ओथाए, तते णं अहं पोयवहण-विवत्तीए निब्बुडु-भंडसारे एगं फलगखंडं आसाएमि, तते णं अहं उवुज्जमाणे २ रयणादीवतेणं संबूढे, तते णं सा रयणादीवदेवया ममं ओहिणा पासइ २ ममं गेराहइ २ मए सच्छिं विपुलातिं भोगभोगातिं भुंजमाणी विहरति, तते णं सा रयणादीवदेवया अराणादा कयाई अहाल-हुसगंसि अवरहंसि परिकुविया समाणी ममं एतारूवं आवति पावेइ, तं णं णज्जति णं देवाणुप्पिया ! तुम्हंपि इमेसिं सरीरगाणं का मराणे आवती भविस्सइ ? ६ । तते णं ते मागंदियदारया तस्स सूलाइयगस्स अंतिए एयमत्थं सोच्चा णिसम्म बलियतरं भीया जाव संजायभया सूलाइतयं पुरिसं एवं वदासी-कहराणं देवाणुप्पिया ! अम्हे रतणादीवदेवयाए हत्थाओ साहत्थि णित्थरिज्जामो ? ७ । तते णं से सूलाइयए पुरिसे ते मागंदियदारए एवं वदासी-एस णं देवाणुप्पिया ! पुरच्छिमिल्ले वणासंडे सेलगस्स जक्खस्स जक्खाययणे सेलए नामं आसरूवधारी जक्खे परिवसति, तए णं सेलए जक्खे चोइसट्ट-मुद्दिट्ट-पुराणमासिणीसु आगयसमए पत्तसमये महया २ सहेणं एवं वदति-कं तारयामि कं पालयामि ?, तं गच्छह णं तुब्भे देवाणु-प्पिया ! पुरच्छिमिल्लं वणासंडं सेलगस्स जक्खस्स महरिहं पुप्फच्चणिये करेह २ जराणुपायवडिया पंजलिउडा विणाएणं पज्जुवासमाणा चिट्ठह, जाहे णं से सेलए जक्खे आगतसमए पत्तसमए एवं वदेज्जा-कं तारयामि कं

पालयामि ? , ताहे तुब्भे वदह—अम्हे तारयाहि अम्हे पालयाहि, सेलए भे जक्खे परं रयणादीवदेवयाए हत्थाओ साहत्थि णित्थारेजा, भे न याणामि इमेसिं सरीरगाणं का मरणो आवई भविस्सइ ? = ॥ सूत्रं =६ ॥ तते णं ते मागंदियदारया तस्स सूलाइयस्स अंतिए एयमट्टं सोच्चा निसम्म सिग्घं चंडं चवलं तुरियं चेइयं जेणोव पुरच्छिमिल्ले वणासंडे जेणोव पोक्खरिणी तेणोव उवागच्छंति २ पोक्खरिणिं गाहंति २ जलमज्जाणं करेन्ति २ जाइं तत्थ उप्पलाइं जाव गेराहंति २ जेणोव सेलगस्स जक्खस्स जक्खाययणो तेणोव उवागच्छंति २ आलोए पणांमं करेति २ महरिहं पुप्फच्चणियं करेति २ जराणुपायवड्डिया सुस्सूममाणा णमंसमाणा पज्जुवासंति ? । तते णं से सेलए जक्खे आगतसमए पत्तसमए एवं वदासी—कं तारयामि कं पालयामि ? , तते णं ते मागंदियदारया उट्ठाए उट्ठेति करयल जाव एवं वयासी—अम्हे तारयाहि अम्हे पालयाहि २ । तए णं से सेलए जक्खे ते मागंदियदारया एवं वयासी—एवं खलु देवाणुप्पिया ! तुब्भं मए सद्धिं लवणासमुद्देणं मज्झं २ वीइवयमाणेणं सा रयणादीवदेवया पावा चंडा रुदा खुदा साहसिया बहूहिं खरएहि य मउएहि य अणालोमेहि य पडि-लोमेहि य सिंगारेहि य कलुणोह य उवसग्गेहि य उवसग्गं करेहिंति, तं जति णं तुब्भे देवाणुप्पिया ! रयणादीवदेवयाए एतमट्टं आढाह वा परियाणह वा अवयेक्खह वा तो भे अहं पिट्ठातो विधुणामि, अह णं तुब्भे रयणादीवदेवयाए एतमट्टं णो आढाह णो परियाणह णो अवे(अवय)क्खह तो भे रयणादीव-देवया-हत्थातो साहत्थि णित्थारेमि ३ । तए णं ते मागं-दियदारया सेलगं जक्खं एवं वदासी—जराणं देवाणुप्पिया ! वइस्संति तस्स णं उववाय-वयणाणिहेसे चिट्ठिस्सामो ४ । तते णं से सेलए जक्खे उत्तर-पुरच्छिमं दिसीभागं अवक्कमति २ वेउव्विय-समुग्घाएणं समोहणाति २ संखेज्जातिं जोयणाइं दंडं निस्सरइ दोच्चंपि तच्चंपि वेउव्वियसमुग्घाएणं

समोहणाति २ एगं महं आसख्वं विउव्वइ २ ते मागंदियदारए एवं
वदासी--हं भो मागंदिया ! आरुह णं देवाणुप्पिया ! मम पिट्टंसि ५ ।
तते णां ते मागंदियदारया हट्टुत्तुट्टे सेलगस्स जक्खस्स पणामं करेति २
सेलगस्स पिट्टिं दुरूढा, तते णां से सेलए ते मागंदियदारया दुरूढे
जाणिता सत्तट्ट-तालप्पमाणमेत्ताति उट्टं वेहासं उप्पयति, उप्पइत्ता य ताए
उक्किट्टाए तुरियाए देवयाए लवणासमुद्दं मज्झंमज्जेणां जेणोव जंबुद्दीवे दीवे
जेणोव भारहे जेणोव चंपा नयरी तेणोव पहारेत्थ गमणाए ६ ॥ सूत्रं १० ॥
तते णां सा रयणादीवदेवया लवणासमुद्दं तिसत्तखुत्तो अणुपरियट्टति जं
तत्थ तणां वा जाव एडेति, जेणोव पासायवडंसए तेणोव उवागच्छति २ ते
मागंदिया पासायवडंसए अपासमाणी जेणोव पुरच्छिमिल्ले वणासंडे जाव
सव्वतो समंता मग्गणागवेसणां करेति २ तेसिं मायंदियदारगणां कत्थइ
सुतिं वा ३ अलभमाणी जेणोव उत्तरिल्ले एवं चेव पच्चत्थिमिल्लेवि जाव
अपासमाणी ओहिं पउंजति, ते मागंदियदारए सेलएणं सद्धिं लवणासमुद्दं
मज्झंमज्जेणां वीट्ठवयमाणा २ पासति २ आसुरुत्ता असिखेडगं गेराहति २
सत्तट्ट जाव उप्पयति २ ताए उक्किट्टाए जेणोव मागंदियदारया तेणोव उवा-
गच्छति २ एवं वदासी--हं भो मागंदियदारया ! अप्पत्थियपत्थिया ! किरणां
तुब्भे जाणाह ममं विप्पजहाय सेलएणां जक्खेणां सद्धिं लवणासमुद्दं मज्झं-
मज्जेणां वीतीवयमाणा १, तं एवमवि गए जइ णां तुब्भे ममं अवयक्खह
तो भे अत्थि जीवियं, अहरणां णावयक्खह तो भे इमेणां नीलुप्पल-गवल
जाव एडेमि १ । तते णां ते मागंदियदारया रयणादीवदेवयाए अंतिए
एयमट्टं सोच्चा णिसम्म अभीया अतत्था अणुव्विग्गा अक्खुभिया असंभंता
रयणादीवदेवयाए एयमट्टं नो आढंति नो परियाणंति णो अवयक्खंति, अणा-
दायमाणा अपरिजाणमाणा अणावयक्खमाणा सेलएणा जक्खेणा सद्धिं
लवणासमुद्दं मज्झंमज्जेणां वीतिवयंति २ । तते णां सा रयणादीवदेवया

ते मागंदिया जाहे नो संचाएति बहूहिं पडिलोमेहिय उवसग्गेहिं य चालित्तए वा खोभित्तए वा विप्परिणामित्तए वा लोभित्तए वा ताहे महुरेहिं सिंगारेहिं य कलुगेहिं य उवसग्गेहिं य उवसग्गेउं पयत्ता यावि होत्था, हं भो मागंदियदारगा ! जति गां तुब्भेहिं देवाणुप्पिया ! मए सद्धिं हसियाणि य रमियाणि य ललियाणि य कीलियाणि य हिंडियाणि य मोहियाणि य ताहे गां तुब्भे सब्वातिं अगणेमाणा ममं विप्पजहाय सेलएणां सद्धिं लवणासमुहं मज्झंमज्जेणां वीइवयह ३ । तते गां सा रयणादीवदेवया जिणारक्खियस्स मणां ओहिणा आभाएति आभोएत्ता एवं वदासी—णिच्चंऽपिय गां अहं जिणपालियस्स अणिट्ठा ५ निच्चं मम जिणपालिए अणिट्ठे ५ निच्चंऽपिय गां अहं जिणारक्खियस्स इट्ठा ५ निच्चंऽपिय गां ममं जिणारक्खिए इट्ठे ५, जति गां ममं जिणपालिए रोयमाणीं कंदमाणीं सोयमाणीं तिप्पमाणीं विलवमाणीं गावयक्खति किराणां तुमं जिणारक्खिया ! ममं रोयमाणीं जाव गावयक्खसि ?, तते गां—‘सा पवररयणादीवस्स देवया ओहिणा उ जिणारक्खियस्स मणां । नाऊणा वधनिमित्तं उवरि मागंदियदारगाणां दोराहंपि ॥ १ ॥ दोसकलिया सललियं गाणाविहचुराणावासमीसं(सियं) दिवं । घाणमणा-निव्वुइकरं सब्बोउय-सुरभि-कुसुमवुट्ठिं पमुंचमाणी ॥ २ ॥ गाणा-मणि-कणाग-रयणा-घंटिय-खिंखिणि-गोऊर-मेहल-भूसणारवेणां । दिसाओ विदिसाओ पूरयंती वयणमिणां वेति सा सकलुसा ॥ ३ ॥ होल वसुल गोल गाह दइत पिथ रमणा कंत सामिय णिग्घिणा णित्थक । छि(धि)राणा णिकिव अकयराणुय सिढिलभाव निलज्ज लुक्ख अकलुणा जिणारक्खिय मज्झं हिययरक्खगा ! ॥ ४ ॥ गाहु जुज्जसि एकियं अणाहं अबंधवं तुज्झ चलणा-ओवाय-कारियं उज्झुउं महराणां । गुणासंकर ! अहं तुमे विहूणा गा समत्थावि जीविउं खगांपि ॥ ५ ॥ इमस्स उ अणोग-भस-मगर-विविध-सावय-सयाउलघरस्स । रयणागरस्स मज्जे अप्पाणां वहेमि तुज्झ पुरंओ एहि

णियत्ताहि जइसि कुवित्रो खमाहि एकावराहं मे ॥ ६ ॥ तुज्झ य विगय-
घण-विमल-ससिमंडलगार(लोवम)सस्सिरीयं सारय-नवकमल-कुमुद-कुवल्य
(कुमुद-विमउल-विगसिय)विमलदलनिकर-सरिसनिभं । नयणां वयणां
पिवासागयाए सद्धा मे पेच्छउं जे अवलोएहि ता इत्रो ममं णाह जा ते
पेच्छामि वयणाकमलं ॥ ७ ॥ एवं सप्पणय-सरल-महुरातिं पुणो २ कलुणाइं
वयणातिं जंपमाणी सा पावा मग्गत्रो समणोइ पावहियया ॥ ८ ॥ ३ ।
तते णं से जिणारक्खिए चलमणो तेणोव भूसणारवेणं करणसुहमणोहरेणं
तेहि य सप्पणय-सरल-महुरभणिएहिं संजाय-विउयाराए रयणादीवस्स देव-
याए तीसे सुंदरथण-जहण-वयणा-कर-चरण-नयणा-लावन्न-रूव-जोव्वणासिरीं
च दिवं सरभसउवगूहियाइं जातिं विव्वोय-विलसियाणि य विहसिय-सकड-
क्ख-दिट्ठि-निस्ससिय-मलि(णि)य-उवललिय-ठियगमणा-पणाय-खिज्जिय-पासादी-
याणि य सरमाणो रागमोहियमई अवसे कम्मवसगए (कमवेगनडिए)
अवयक्खति मग्गतो सविलियं ४ । तते णं जिणारक्खियं समुप्पन्न-कलुणा-
भावं मच्चुगलत्थल्लणोलियमइं अवयक्खंतं तहेव जक्खे य सेलए जाणिएऊणा
सणियं २ उव्विहति (तहेव सणियं) नियगपिट्ठाहिं विगयसत्थं (सड्ढं, सइं)
५ । तते णं सा रयणादीवदेवया निस्संसा कलुणां जिणारक्खियं सकलुसा
सेलगपिट्ठाहिं उवयंतं दास ! मत्रोसित्ति जंपमाणी अप्पत्तं सागरसलिलं
गेरिहय बाहाहिं आरसंतं उड्ढं उव्विहति, अंबरतले ओवयमाणं च मंडल-
गोणा पडिच्छित्ता नीलुप्पल-गवल-अयसिप्पगासेणा असिवरेणं खंडाखंडिं
करेति २ तत्थ विलवमाणं तस्स य सरसवहियस्स वेत्तूणा अंगमंगातिं सरु-
हिराइं उक्खित्तबलिं चउहिसिं करेति सा पंजली पहिट्ठा ६ ॥ सूत्रं ११ ॥
एवामेव समणाउसो ! जो अम्हं निग्गंथाणा वा २ अंतिए पव्वतिए समाणो
पुणारवि माणुस्सए कामभोगे आसायति पत्थयति पीहेति अभिलसति से
णं इह भवे चेव बहूणां समणाणं ४ जाव संसारं अणुपरियट्ठिस्सति, जहा

वा से जिणारक्खिए—‘द्वलओ अवयक्खंतो निरावयक्खो गओ अविग्घेणं ।
तम्हा पवयणासारे निरावयक्खेण भवियव्वं ॥ १ ॥ भोगे अवयक्खंता
पडंति संसारसायरे घोरे । भोगेहिं निरवयक्खा तरंति संसारकंतरं
॥ २ ॥ सूत्रं १२ ॥ तते णं सा रयणादीवदेवया जेणोव जिणपालिए
तेणोव उवागच्छति बहूहिं अणुलोमेहि य पडिलोमेहि य खरमहुर-सिगारेहिं
कलुणोहि य उवसग्गेहि य जहे नो संचाएइ चालित्तए वा खोभित्तए वा
विप्परिणामित्तए वा ताहे संता तंता परितंता निव्विराणा समाणा जामेव
दिसिं पाउब्भूया तामेव दिसिं पडिगया १ । तते णं से सेलए जक्खे जिण-
पालिएणं सद्धिं लवणसमुद्दं मज्झंमज्झेणं वीतीवयति २ जेणोव चंपानयरी
तेणोव उवागच्छति २ चंपाए नयरीए अग्गुजाणंसि जिणपालियं पट्टातो
ओयारेति २ एवं वयासी-एस णं देवाणुप्पिया ! चंपानयरी दीसत्तित्ति-
कट्टु जिणपालियं आपुच्छति २ जामेव दिसिं पाउब्भूए तामेव दिसिं
पडिगए २ ॥ सूत्रं १३ ॥ तते णं जिलपालिए चंपं अणुपविसति २
जेणोव सए गिहे जेणोव अम्मापियरो तेणोव उवागच्छइ २ अम्मापिऊणं
रोयमाणो जाव विलवमाणो जिणारक्खियवावत्तिं निवेदेति, तते णं जिण-
पालिए अम्मापियरो मित्तणाति जाव परियणोणं सद्धिं रोयमाणाति बहूइं
लोइयाइं मयक्किञ्चाइं करेति २ कालेणं विगतसोया जाया, तते णं
जिणपालियं अन्नया कयाइ सुहासणावरगतं अम्मापियरो एवं वदासी-
कहरणं पुत्ता ! जिणारक्खिए कालगए ? ३ । तते णं से जिणपालिए
अम्मापिऊणं लवखसमुद्दोत्तरं च कालियवाय-समुत्थणं पोतवहणाविवत्तिं च
फलह-खंड-आसातणं च रयणादीवुत्तरं च रयणादीवदेवयागिहं च
भोगविभूइं च रयणादीवदेवया अप्पाहणं च सूलाइय-पुरिस-दरिसणं च
सेलग-जक्ख-आरुहणं च रयणादीवदेवयाउवसग्गं च जिणारक्खियविवत्तिं च
लवणसमुद्द-उत्तरणं च चंपागमणं च सेलग-जक्ख-आपुच्छणं च जहाभूय-

मवितह-मसंदिद्धं परिकहेति, तते णं जिणपालिएं जाव अण्णसोगे जाव विपुलातिं भोगभोगाइं भुंजमाणो विहरति ४ ॥ सूत्रं १४ ॥ तते कालेणं २ समणे भगवं महावीरे समोसडे, धम्मं सोच्चा पव्वतिए एकारसंगवी मासिएणं सोहम्मे कप्पे दो सागरोवमे, महाविदेहे सिज्झिहिति । एवामेव समणाउसो ! जाव माणुस्सए कामभोए णो पुणारवि आसाति से णं जाव वीतिवतिस्सति जहा वा से जिणपालिए । एवं खलु जंबू ! समणेणं भगवया महावीरेणं नवमस्स नायज्झयणस्स अयमट्टे पराणत्तेत्तिवेमि ॥ सूत्रं १५ ॥ नवमं अज्झयणं समत्तं ॥

॥ इति नवममध्ययनम् ॥ ९ ॥

॥१०॥ अथ श्रीचन्द्राख्यं दशममध्ययनम् ॥

जति णं भंते ! समणेणं भगवया महावीरेणं जाव संपत्तेणं णवमस्स णायज्झयणस्स अयमट्टे पराणत्ते, दसमस्स णं भंते ! नायज्झयणस्स समणेणं जाव संपत्तेणं के अट्टे पन्नत्ते ?, एवं खलु जंबू ! तेणं कालेणं २ रायगिहे नगरे सामी समोसडे गोयमसामी एवं वदासी-कहराणं भंते ! जीवा वड्ढंति वा हायन्ति वा ?, गोयमा ! से जहा नामए बहुलपक्खस्स पाडि-वयाचंदे पुरिणमाचंदं पणिहाय हीणो वराणेणं हीणे सोम्मयाए हीणे निद्धयाए हीणे कंतीए एवं दित्तीए जुत्तीए छायाए पभाए ओयाए लेस्साए मंडलेणं तथाणंतरं च णं बीयाचंदे पाडिवयं चंदं पणिहाय हीणतराए वराणेणं जाव मंडलेणं तथाणंतरं च णं ततिआचंदे वितियाचंदं पणिहाय हीणतराए वराणेणं जाव मंडलेणं, एवं खलु एएणं कमेणं परिहायमाणो २ जाव अमावस्साचंदे चाउहसिचंदं पणिहाय नट्टे वराणेणं जाव नट्टे मंडलेणं १ । एवामेव समणाउसो ! जो अम्हं निग्गंथो वा निग्गंथी वा जाव पव्वइए समारो हीणे खंतीए एवं मुत्तीए गुत्तीए अज्जवेणं महवेणं लाघवेणं सच्चेणं तवेणं

चियाए अकिंचणयाए बंभचेरवासेणं, तयाणंतरं च णं हीणो हीणतराए खंतीए जाव हीणतराए बंभचेरवासेणं, एवं खलु एएणं कमेणं परिहायमाणो २ णट्टे खंतीए जाव णट्टे बंभचेरवासेणं २ । से जहा वा सुक्कपक्खस्स पाड्वियाचंदे अमावासाए चंदं पणिहाय अहिए वराणोणं जाव अहिए मंडलेणं तयाणंतरं च णं चिइयाचंदे पड्वियाचंदं पणिहाय अहिययराए वराणोणं जाव अहियतराए मंडलेणं एवं खलु एएणं कमेणं परिवुड्ढेमाणो २ जाव पुणिणमाचंदे चाउदसिं चंदं पणिहाय पडिपुराणं वराणोणं जाव पडिपुराणो मंडलेणं ३ । एवामेव समणाउसो ! जाव पव्वतिए समाणो अहिए खंतीए जाव बंभचेरवासेणं, तयाणंतरं च णं अहिययराए खंतीए जाव बंभचेरवासेणं ४ । एवं खलु एएणं कमेणं परिवुड्ढेमाणो २ जाव पडिपुन्ने बंभचेरवासेणं, एवं खलु जीवा वड्ढंति वा हायंति वा, एवं खलु जंबू ! समणेणं भगवता महावीरेणं दसमस्स णायज्झयणास्स अयमट्टे पराणत्तेत्तिवेमि ५ ॥ सूत्रं १६ ॥ दसमं णायज्झयणं समत्तं ॥

॥ इति दशममध्ययनम् ॥ १० ॥

॥११॥ अथ श्रीदावद्रवाख्य-मेकादशममध्ययनम् ॥

जति णं भंते ! समणेणं भगवया महावीरेणं जाव संपत्तेणं दसमस्स नायज्झयणास्स अयमट्टे पराणत्ते एकारसमस्स णं भंते ! नायज्झयणास्स समणेणं भगवया महावीरेणं जाव संपत्तेणं के अट्टे पन्नत्ते ?, एवं खलु जंबू ! तेणं कालेणं २ रायगिहे गोयमे एवं वदासी— कह णं भंते ! जीवा आराहगा वा विराहगा वा भवंति ?, गोयमा ! से जहा णामए एगंसि समुद्धकूलंसि दावहवा नामं रुक्खा पराणत्ता किराहा जाव निउरुंबभूया पत्तिया पुष्फिया फलिया हरियगरेरिज्जमाणा सिरीए अतीव उवसोभेमाणा २ चिट्ठंति १ । जया णं दीविच्चगा ईसिं पुरेवाया पच्छावाया मंदावाया महा-

वाया वायंति तदा णं बहवे दावहवा रुक्खा पत्तिया जाव चिट्ठंति अप्पेगत्तिया दावहवा रुक्खा जुन्ना भोडा परिसडियपंडुपत्तपुप्फफला सुक्करुक्खओ विव मिलायमाणा २ चिट्ठंति, एवामेव समणाउसो ! जे अम्हं निग्गंथो वा निग्गंथी वा जाव पव्वतिते समाणो बहूणं समणाणं ४ सम्मं सहति जाव अहियासेति बहूणं अराणउत्थियाणं बहूणं गिहत्थाणं नो सम्मं सहति जाव नो अहियासेति एस णं मए पुरिसे देसविराहए पराणत्ते समणाउसो ! २ । जया णं सामुहगा ईसिं पुरेवाया पच्छावाया मंदावाया महावाता वायंति तदा णं बहवे दावहवा रुक्खा जुन्ना भोडा जाव मिलायमाणा २ चिट्ठंति, अप्पेगइया दावहवा रुक्खा पत्तिया पुप्फिया जाव उवसोभेमाणा २ चिट्ठंति, एवामेवसमणाउसो ! जो अम्हं निग्गंथो वा निग्गंथी वा पव्वतिए समाणो बहूणं अराणउत्थियाणं बहूणं गिहत्थाणं सम्मं सहति बहूणं समणाणं ४ नो सम्मं सहति एस णं मए पुरिसे देसाराहए पन्नत्ते समणाउसो ! ३ । जया णं नो दीविच्चगा णो सामुहगा ईसिं पुरेवाया पच्छावाया जाव महावाया तते णं सव्वे दावहवा रुक्खा जुन्ना भोडा जाव मिलायमाणा २ चिट्ठंति, अप्पेगइया दावहवा रुक्खा पत्तिया पुप्फिया जाव उवसोभेमाणा २ चिट्ठंति, एवामेव समणाउसो ! जाव पव्वतिए समाणो बहूणं समणाणं २ बहूणं अन्नउत्थियगिहत्थाणं नो सम्मं सहति एस णं मए पुरिसे सव्वविराहए पराणत्ते समणाउसो !, जया णं दीविच्चगावि सामुहगावि ईसिं पुरेवाया पच्छावाया जाव वायंति तदा णं सव्वे दावहवा रुक्खा पत्तिया जाव चिट्ठंति, एवामेव समणाउसो ! जे अम्हं पव्वतिए समाणो बहूणं समणाणं बहूणं अन्नउत्थियगिहत्थाणं सम्मं सहति एस णं मए पुरिसे सव्वाराहए पन्नत्ते ! एवं खलु गोयमा ! जीवा आराहगा वा विराहगा वा भवंति, एवं खलु जंबू ! समणोणं भगवया एकार-समस्स अयमट्ठे पराणत्तेत्तिवेमि ४ ॥ सूत्रं १७ ॥ एकारसमं नायज्झयणं समत्तं ॥

॥१२॥ अथ श्री उदकार्यं द्वादशममध्ययनम् ॥

जति णं भंते ! समणोणं जाव संपत्तेणं एकारसमस्स नायज्भयणस्स
 अयमट्टे पन्नत्ते, बारसमस्स णं भंते ! नायज्भयणस्स समणोणं जाव सपत्तेणं
 के अट्टे पन्नत्ते ?, एवं खलु जंबू ! तेषां कालेणं २ चंपा नाम नयरी पुराणा-
 भट्टे, जितसत्तू राया धारिणी देवी, अदीणसत्तू नामं कुमारे जुवराया यावि
 होत्था, सुबुद्धी अमच्चे जाव रज्जधुराचित्ते समणोवासए १ । तीसे णं
 चंपाए णयरीए बहिया उत्तरपुरच्छिमेणं एगे परिहोदए यावि होत्था, मेय-
 वसा-मंस-रुहिर-पूय-पडल-पोच्चडे मयग-कलेवर-संछरगणे अमणुराणे वराणोरां
 जाव फासेरां २ । से जहा नामए अहिमडेति वा गोमडेति वा जाव
 मय-कुहिय-विण्णट्ट-किमिणवावराण-दुरभिगंधे किमिजालाउले संसत्ते असुइ-
 विगय-बीभत्थ-दरिसण्णिज्जे, भवेयारूवे सिया ?, णो इणट्टे समट्टे, एत्तो
 अण्णिट्टतराए चेव जाव गंधेरां पराणत्ते ३ ॥ सूत्रं १८ ॥ तते णं से
 जितसत्तू राया अराणादा कदाइ गहाए कथवलिकम्मे जाव अण्ण-महग्घाभर-
 णालंकिय-सरीरे बहूहिं राईसर जाव सत्यवाहपभितिहिं सद्धिं भोयणवेलाए
 सुहासणावरगए विपुलं असरां ४ जाव विहरति, जिमित-भुत्तुत्तरायए जाव
 सुइभूते तंति विपुलंसि असण-पाण-खाइम-साइमंसि जाव जायविम्हए ते बहवे
 ईसर जाव पभितीए एवं वयासी-अहो णं देवाणुप्पिया ! इमे मणुराणे
 असणे ४ वराणोणं उववेए जाव फासेणं उववेते अस्सायण्णिज्जे विस्सायण्णिज्जे
 पीण्णण्णिज्जे दीवण्णिज्जे दप्पण्णिज्जे मयण्णिज्जे विहण्णिज्जे सन्विदिय-गाय-
 पल्हायण्णिज्जे १ । तते णं ते बहवे ईसर जाव पभियत्रो जितसत्तुं एवं
 वयासी-तहेव णं सामी ! जराणं तुब्भे वदह अहो णं इमे मणुराणे असरां
 ४ वराणोणं उववेए जाव पल्हायण्णिज्जे, तते णं जितसत्तू सुबुद्धिं अमच्चं
 एवं वयासी-अहो णं सुबुद्धी ! इमे मणुराणे असणे ४ जाव पल्हायण्णिज्जे
 तए णं सुबुद्धी जितसत्तुस्सेयमट्टं नो आदाइ जाव तुसिणीए संचिट्ठति

२ । तते गां जितसत्तुणा सुबुद्धी दोच्चंपि तच्चंपि एवं बुत्ते समाणे जितसत्तुं
 रायं एवं वदासी—नो खलु सामी ! अहं एयंसि मणुराणांसि असण-पाण-खाइम-
 साइमंसि केइ विम्हए, एवं खलु सामी ! सुब्भिसद्दावि पुग्गला दुब्भिसद्दाए
 परिणमंति, दुब्भिसद्दावि पोग्गला सुब्भिसद्दाए परिणमंति, सुरूवावि पोग्गला
 दुरूवत्ताए परिणमंति दुरूवावि पोग्गला सुरूवत्ताए परिणमंति, सुब्भिमंथावि
 पोग्गला दुब्भिमंथाए परिणमंति दुब्भिमंथावि पोग्गला सुब्भिमंथाए
 परिणमंति, सुरसावि पोग्गला दुरसत्ताए परिणमंति दुरसावि पोग्गला
 सुरसत्ताए परिणमंति, सुहफासावि पोग्गला दुहफासत्ताए परिणमंति दुहफा-
 सावि पोग्गला सुहफासत्ताए परिणमंति पञ्चोग-वीससा-परिणयावि य गां
 सामी ! पोग्गला पराणत्ता ३ । तते गां से जितसत्तू सुबुद्धिस्स अमच्चस्स
 एवमातिक्खमाणस्स ४ । एयमट्ठं नो आदाति नो परियाणई तुसिणीए
 संचिट्ठइ ४ । तए गां से जितसत्तू अराणादा कदाई राहाए आसखंध-वरगते
 महया भड-चडग-रहआस-वाहणियाए निज्जायमाणे तस्स फरिहोदगस्स
 अदूरसामंतेगां वीतीवयइ ५ । तते गां जितसत्तू तस्स फरिहोदगस्स असुभेगां
 गंधेगां अभिभूते समाणे सएगां उत्तरिज्जगेगां आसगं पिहेइ, एगंतं अवक-
 मति, ते बहवे ईसर जाव पभित्तिओ एवं वदासी—अहो गां देवाणुप्पिया !
 इमे फरिहोदए ! अमणुराणे वराणेगां ४ से जहा नामए अहिमडेति वा
 जाव अमणामतराए चेव ५ । तए गां ते बहवे राईसरपभिइ जाव एवं
 वयासी—तहेव गां तं सामी ! जंगां तुब्भे एवं वयह, अहो गां इमे फरिहोदए
 अमणुराणे वराणेगां ४ से जहा गाणमए अहिमडे इ वा जाव अमणामतराए
 चेव ६ । तए गां से जियसत्तू सुबुद्धिं अमच्चं एवं वदासी—अहो गां सुबुद्धी !
 इमे फरिहोदए अमणुराणे वराणेगां से जहा नामए अहिमडेइ वा जाव
 अमणामतराए चेव, तए गां सुबुद्धी अमच्चे जाव तुसिणीए संचिट्ठइ ७ ।
 तए गां से जियसत्तू राया सुबुद्धिं अमच्चं दोच्चंपि तच्चंपि एवं वयासी—अहो

गां तं चैव, तए गां से सुबुद्धी अमञ्चे जियसत्तुणा रत्ता दोच्चंपि तच्चंपि
 एवं बुत्ते समाणे एवं वयासी-नो खलु सामी ! अहं एयंसि फरिहोदगंसि
 केइ विम्हए, एवं खलु सामी ! सुब्भिसद्दावि पोग्गला दुब्भिसद्दाए परिण-
 मंति, तं चैव जाव पत्रोग वीससा-परिणयावि य गां सामी ! पोग्गला
 पराणात्ता = । तते गां जितसत्तू सुबुद्धि एवं चैव, मा गां तुमं
 देवाणुप्पिया ! अप्पागां च परं च तदुभयं वा बहूहि य असम्भावुम्भावणाहिं
 मिच्छत्ताभिणिवेसेण य बुग्गाहेमाणे बुप्पाएमाणे विहराहि १ । तते गां
 सुबुद्धिस्स इमेयारूवे अम्भत्थिए ५ समुप्पज्जित्था-अहो गां जितसत्तू संते
 तच्चै तहिए अवितहे सम्भूते जिणपराणात्ते भावे णो उवलभति, तं सेयं
 खलु मम जितसत्तुस्स रराणो संताणं तच्चाणं तहियाणं अवितहाणं सम्भू-
 ताणं जिणपराणात्ताणं भावाणं अभिगमणट्टयाए एयमट्टं उवाइणावेत्तए १० ।
 एवं संपेहेति २ पच्चतिएहिं पुरिसेहिं सद्धि अंतरावणाओ नवए घडयपडए
 पगेराहति २ संभाकाल-समयंसि पविरलमणुस्संसि णिसंत-पडिनिस्तंसि
 जेणेव फरिहोदए तेणेव उवागए २ तं फरिहोदगं गेराहावेति २ नवएसु
 घडएसु गालावेति २ नवएसु घडएसु पक्खिवावेति २ सज्जक्खारं पक्खिवा-
 वेइ २ लंछियमुद्धिते करावेति २ सत्तरत्तं परिवसावेति २ दोच्चंपि नवएसु
 घडएसु गालावेति नवएसु घडएसु पक्खिवावेति २ सज्जक्खारं पक्खिवा-
 वेइ लंछियमुद्धिते कारवेति २ सत्तरत्तं परिवसावेति २ तच्चंपि णवएसु
 घडएसु जाव संवसावेति, एवं खलु एएणां उवाएणां अंतरा गलावेमाणे
 अंतरा पक्खिवावेमाणे अंतरा य विपरिवसावेमाणे २ सत्त २ रातिदिया
 विपरिवसावेति ११ । तते गां से फरिहोदए सत्तमसत्तयंसि परिणममाणांसि
 उदगरयणे जाए यावि होत्था अञ्छे पत्थे जञ्चे तणुए फलिहवराणाभे
 वराणेणां उववेते ४ आसायणिज्जे जाव सन्विदिय-गाय-पल्हायणिज्जे १२ ।
 तते गां सुबुद्धी अमञ्चे जेणेव से उदगरयणे तेणेव उवागच्छति २ करय-

लंसि आसादेति २ तं उदगरयणां वरागोणां उववेयं ४ आसायणिज्जं जाव
सव्विदिय-गाय-पल्हायणिज्जं जाणित्ता हट्टुट्टे बह्वहिं उदगसंभारणिज्जेहिं
संभारेति २ जितसत्तुस्स रराणो पाणियघरियं सहावेति २ एवं वयासी-
तुमं च गां देवाणुप्पिया ! इमं उदगरयणां गेराहाहि २ जितसत्तुस्स रन्नो
भोयणवेलाए उवणेज्जासि १३ । तते गां से पाणियघरिए सुवुद्धियस्स
एतमट्टं पडिसुणोति २ तं उदगरयणां गिरहाति २ जितसत्तुस्स रराणो
भोयणवेलाए उवट्टवेति, तते गां से जितसत्तू राया तं विपुलं असणां ४
आसाएमाणो वीसाएमाणो जाव विहरइ १४ । जिमियभुत्तुत्तरायएविय गां जाव
परमसुइभूए तंसि उदगरयणां जायविम्हए ते बहवे राईमर जाव एवं वयासी-
अहो गां देवाणुप्पिया ! इमे उदगरयणो अच्छे जाव सव्विदियगाय-पल्हाय-
णिज्जे, तते गां बहवे राईसर जाय एवं वयासी-बहव गां सामी ! जराणां
तुम्भे बद्ध जाव एवं चेव पल्हायणिज्जे १५ । तते गां जितसत्तू राया
पाणियघरियं सहावेति २ एवं वयासी-एस गां तुम्भे देवाणुप्पिया !
उदगरयणो कथो आसादिते ? तते गां से पाणियघरिए जितसत्तुं एवं
वयासी-एस गां सामी ! मए उदगरयणो सुवुद्धिस्स अंतियायो आसादिते
१६ । तते गां जितसत्तू सुवुद्धि अमच्चं सहावति २ एवं वयासी-अहो गां
सुवुद्धी केणां कारणाणां अहं तव अणिट्टं ५ जेणां तुमं मम कल्लाकल्लिं
भोयणवेलाए इमं उदगरयणां न उवट्टेवसि ? तए गां (तं एस गां) तुमे देवा-
णुप्पिया ! उदगरयणो कथो उवलच्छे ? तते गां सुवुद्धी जितसत्तुं एवं
वयासी-एस गां सामी ! से फरिहोदए १७ । तते गां से जितसत्तू सुवुद्धि
एवं वयासी-केणां कारणाणां सुवुद्धी ! एस से फरिहोदए ? तते
गां सुवुद्धी जितसत्तुं एवं वयासी-एवं खलु सामी ! तुम्हे तथा मम
एवमात्तिवखमाणस्स ४ एतमट्टं नो मद्दहह तते गां मम
इमेयाखवे अम्भत्थिते ६ अहो गां जितसत्तू संते जाव भावे

नो महहति नो पत्तियति नो रोएती तं सेयं खलु ममं जियसत्तुस्स रन्नो संतारां जाव सन्भूतारां जिणपन्नत्तारां भावारां अभिगमणट्टयाए एतमट्टं उवाइणावेत्तए, एवं संपेहेमि २ तं चेव जाव पाणियघरियं सद्दावेमि २ एवं वदामि—तुमं गां देवाणुप्पिया ! उदगरतरां जितसत्तुस्स रन्नो भोयणा-वेलाए उवणोहि, तं एएगां कारणोरां सामी ! एस से फरिहोदए १८ । तते गां जितसत्तू राया सुबुद्धिस्स अमच्चस्स एवमातिक्खमाणस्स ४ एतमट्टं नो सहहति ३ असहहमाणो ३ अन्भितरट्टाणिज्जे पुरिसे सद्दावेति २ एवं वदासी—गच्छह गां तुब्भे देवाणुप्पिया ! अंतरावणाओ नवघडए पडए य गेराहह जाव उदग-संहारणिज्जेहिं दब्बेहिं संभारेह तेऽवि तेहेव संभारेति २ जितसत्तुस्स उवरोति १९ । तते गां जितसत्तू राया तं उदगरयगां करयलंसि आसाएति आसातणिज्जं जाव सन्विदिय-गाय-पल्हायणिज्जं जाणित्ता सुबुद्धिं अमच्चं सद्दावेति २ एवं वयासी—सुबुद्धी ! एए गां तुमे संता तच्चा जाव सन्भूया भावा कतो उवलद्धा ?, तते गां सुबुद्धी जितसत्तुं एवं वदासी—एए गां सामी ! मए संता जाव भावा जिणवयणातो उवलद्धा २० । तते गां जितसत्तू सुबुद्धिं एवं वदासी—तं इच्छामि गां देवाणुप्पिया ! तव अंतिए जिणवयणं निसामेत्तए, तते गां सुबुद्धी जितसत्तुस्स विचित्तं केवल्लिपन्नत्तं चाउज्जामं धम्मं परिकहेइ, तमाइक्खति जहा जीवा ब्भंति जाव पंच अणुव्वयातिं २१ । तते गां जितसत्तू सुबुद्धिस्स अंतिए धम्मं सोच्चा णिसम्म हट्टुट्टे सुबुद्धिं अमच्चं एवं वयासी—सद्दाहामि गां देवाणु-प्पिया ! निग्गंथं पावयणां ३ जाव से जहेयं तुब्भे वयह, तं इच्छामि गां तव अंतिए पंचाणुव्वइयं सत्तसिक्खावइयं जाव उवसंपज्जित्तारां विहरित्तए, अहासुहं देवाणुप्पिया ! मा पडिबंघं करेह २२ । तए गां से जियसत्तू सुबुद्धिस्स अमच्चस्स अंतिए पंचाणुव्वइयं जाव दुवालसविहं सावयधम्मं पडिवज्जइ, तते गां जितसत्तू समणोवासए अभिगय-जीवाजीवे जाव पडित्ता-

भेमाणो विहरति २३ । तेषां कालेषां २ थेरागमणां जियसत्तू राया सुबुद्धी य निग्गच्छति, सुबुद्धी धम्मं सोच्चा जं णवरं जियसत्तुं आपच्छामि जाव पव्वयामि, अहासुहं देवाणुप्पिया २४ । तते णं सुबुद्धी जेणोव जितसत्तू तेणोव उवागच्छति २ एवं वयासी—एवं खलु सामी ! मए थेराणां अंतिए धम्मे निसन्ते सेऽविय धम्मे इच्छिए पडिच्छिए इच्छियपडिच्छिए, तए णं अहं सामी ! संसारभउव्विग्गे भीए जाव इच्छामि णं तुब्भेहिं अब्भणुत्ताए समाणे थेराणां अंतिए जाव पव्वइत्तए २५ । तते णं जितसत्तू सुबुद्धिं एवं वयासी—अच्छासु ताव देवाणुप्पिया ! कतिवयातिं वासाइं उरालातिं जाव भुंजमाणा ततो पच्छा एगयत्तो थेराणां अंतिए मुंडे भवित्ता जाव पव्वइस्सामो २६ । तते णं सुबुद्धी जितसत्तुस्स एयमट्टं पडि-सुणोति, तते णं तस्स जितसत्तुस्स सुबुद्धीणा सद्धिं विपुलाइं माणुस्सगाइं कामभोगाइं पच्चणुअभवमाणस्स दुवालस वासाइं वीतिककंताइं २७ । तेषां कालेषां २ थेरागमणां तते णं जितसत्तू धम्मं सोच्चा एवं जं नवरं देवाणु-प्पिया ! सुबुद्धिं अमच्चं आमंतेमि जेट्टपुत्तं रज्जे ठ्वेमि, तए णं तुब्भं जाव पव्वयामि, अहासुहं देवाणुप्पिया ! २८ । तते णं जितसत्तू जेणोव सए गिहे तेणोव उवागच्छति २ सुबुद्धिं सहावेति २ एवं वयासी—एवं खलु मए थेराणां जाव पव्वज्जामि, तुमं णं किं करेसि !, तते णं सुबुद्धी जितसत्तुं एवं वयासी—जाव के० अन्ने आहारे वा जाव पव्वयामि, तं जति णं देवाणुप्पिया ! जाव पव्वयह गच्छह णं देवाणुप्पिया ! जेट्टपुत्तं च कुडुबे अवेहि २ सीयं दुरुहित्तरां ममं अंतिए सीया जाव पाउअभवेति, तते णं सुबुद्धीए सीया जाव पाउअभवइ २९ । तते णं जितसत्तू कोडुंबियपुरिसे सहावेति २ एवं वयासी—गच्छह णं तुब्भे देवाणु-प्पिया ! अदीणसत्तुस्स कुमारस्स रायाभिसेयं उवट्टवेह जाव अभिसिंचंति जाव पव्वतिए ३० । तते णं जितसत्तू एकारस अंगाइं अहिज्जति बहूणि

वासाणि परियात्रो मासियाए सिद्धे, तेषां सुबुद्धी एकारस अर्गाइं
अहिज्जति, बहूणि वासाणि जाव सिद्धे ३१ । एवं खलु जंबू ! समगोणं
भगवया महावीरेणं बारसमस्स नायज्भयणास्स अयमट्टे पराणत्तेत्तिवेमि
३२ ॥ सूत्रं ११ ॥ बारसमं नाज्भयणां समत्तं ॥

॥ इति द्वादशममध्ययनम् ॥ १२ ॥

॥१३॥ अथ श्रीददुराख्यं त्रयोदशममध्ययनम् ॥

जति णं भंते ! समगोणं जाव संपत्तेणं बारसमस्स नायज्भयणास्स
अयमट्टे पराणत्ते तेरसमस्स णं भंते ! नायज्भयणास्स समगोणं जाव संप-
तेरां के अट्टे पन्नत्ते ?, एवं खलु जंबू ! तेरां कालेरां २ रायगिहे गुण-
सिलए चेतिए, समोसरणां, परिस्सा निग्गया ? । तेरां कालेरां २ सोहम्म-
कप्पे दददुरवड्डिसए विमाणो सभाए सुहम्माए दददुरंसि सीहासणांसि दददुरे
देवे चउहिं सामाणियसाहस्सीहिं चउहिं अग्गमहिंसीहिं सपरिसाहिं एवं
जहा सुरियाभो जाव दिव्वातिं भोगभोगाइं भुंजमाणो विहरइ, इमं च णं
केवलकप्पं जंबुद्धीवं २ विपुलेणं ओहिणा आभोएमाणो २ जाव नट्टविहिं
उवदंसित्ता पड्डिगते जहा सुरियाभे २ । भंतेति भगवं गोयमे समरां भगवं
महावीरं वंदइ नमंसति २ एवं वयासी-अहो णं भंते । दददुरे देवे
महिड्डिए २ दददुरस्स णं भंते ! देवस्स सा दिव्वा देविड्डी ३ कहिं गया ?
कहिं अणुपविट्ठा ?, गोयमा ! सरीरं गया सरीरं अणुपविट्ठा कूडागार-
दिट्ठंतो ३ । दददुरेरां भंते ! देवेरां सा दिव्वा देविड्डी ३ किराणा लद्धा
जाव अभिसमन्नागया ?, एवं खलु गोयमा ! इहेव जंबुद्धीवे २ भारहे वासे
रायगिहे गुणसिलए चेतिए सेणिए राया, तत्थ णं रायगिहे रांदे णामं
मणियारसेट्ठी अट्टे दित्ते ० ४ । तेरां कालेरां २ अहं गोयमा ! समोसट्टे
परिस्सा णिग्गया, सेणिए राया निग्गए, तते णं से नंदे मणियारसेट्ठी

इमीसे कहाए लद्धट्टे समाणे रहाए पायचारेणं जाव पज्जुवासति, गांदे धम्मं सोच्चा समणोवासाए जाते, तते णं अहं रायगिहाओ पडिनिक्खन्ते बहिया जणावयविहारं विहरामि ५ । तते णं से गांदे मणियारसेट्ठी अन्नया कदाइ असाहुदंसणोणं य अपज्जुवासाणाए य अणाणासासणाए य असुस्सू-सणाए य सम्भत्तपज्जवेहिं परिहायमाणोहिं २ मिच्छत्तपज्जवेहिं परिवड्ढमा-णोहिं २ मिच्छत्तं विष्ण्डिवन्ने जाए यावि होत्था ६ । तते णं नंदे मणि-यारसेट्ठी अन्नता गिम्हकालसमयंसि जेट्टामूलंसि मासंसि अट्टमभत्तं परि-गेरहति २ पोसहसालाए जाव विहरति, तते णं गांदस्स अट्टमभत्तंसि परिणममाणांसि तरहाए छुहाए य अभिभूतस्स समाणास्स इमेयारूवे अन्भत्थिते ५-धन्ना गां ते जाव ईसरपभितओ जेसिं गां रायगिहस्स बहिया बहूओ वावीतो पोक्खरणीओ जाव सरसरपंतियाओ जत्थ गां बहुजणो रहाति य पियति य पाणियं च संवहति, तं सेयं खलु ममं कल्लं पाउप्पभायाए सेणियं आपुच्छित्ता रायगिहस्स बहिया उत्तरपुरच्छिमे दिसिभाए वेभारपव्वयस्स अदूरसामंते वत्थुपाढ्यरोइतंसि भूमिभागंसि जाव गांदं पोक्खरणिं खणावेत्तएत्तिकट्टु एवं संपेहेति २ कल्लं पाउप्पभायाए जाव पोसहं पारेति २ रहाते कयवलिकम्मे मित्तणाइ जाव संपरिवुडे महत्थं जाव पाहुडं रायारिहं गेरहति २ जेणेव सेणिए राया तेणेव उवा-गच्छति २ जाव पाहुडं उवट्टवेति २ एवं वयासी-इच्छामी गां सामी ! तुम्भेहिं अन्भणुन्नाए समाणे रायगिहस्स बहिया जाव खणावेत्तए, अहासुहं देवाणुप्पिथा ७ । तते णं गांदे सेणिएणं रत्ता अन्भणुराणाते समाणे हट्ट-तुट्टे रायगिहं मज्झमंज्झेणं निग्गच्छति २ वत्थुपाढ्यरोइयंसि भूमिभागंसि गांदं पोक्खरणिं खणाविउं पयत्ते यावि होत्था, तते णं सा गांदा पोक्खरणी अणुपुव्वेणं खणामाणा २ पोक्खरणी जाया यावि होत्था चाउक्कोणा सम-तीरा अणुपुव्व-सुजाय-वप्प-सीयलजला संहरण-पत्त-विस-मुणाला बहुप्पल-

पउम-कुमुद-नलिण-सुभग-सोगंधिय-पुं डरीय-महापुं डरीय-सयपत्त-सहस्सपत्त-
 पफुल्ल-केसरोववेया परिहत्थ-भमंत-मच्छ-छप्पय-अणोग-सउण-गण-मिहुण-विय-
 रिय-सददुन्नइय-महर-सरनाइया पासाईया ४, = । तते णं से णंदे मणियार-
 सेट्ठी णंदाए पोक्खरणीए चउदिसिं चत्तारि वणसंडे रोवावेति १ । तए णं ते
 वणसंडा अणुपुव्वेणं सारक्खिज्जमाणा य संगोविज्जमाणा य संवड्ढियमाणा य से
 वणसंडा जाया किराहा जाव निकुरुंबभूया पत्तिया पुष्फिया जाव उव-
 सोभेमाणा २ चिट्ठंति १० । तते णं नंदे पुरच्छिमिल्ले वणसंडे एगं महं
 चित्तसभं करावेति अणोग-खंभसय-संनिविट्ठं पा०, तत्थ णं बहूणि
 किराहाणि य जाव सुक्किलाणि य कट्टकम्माणि य पोत्थकम्माणि य चित्त-
 कम्माणि य लिप्पकम्माणि य गंधिम-वेट्ठिम-पूरिम-संघातिमकम्माणि य
 उवदंसिज्जमाणाइं २ चिट्ठंति, तत्थ णं बहूणि आसणाणि य सयणाणि य
 अत्थुयपच्चत्थुयाइं चिट्ठंति, तत्थ णं बहवे णडा य णट्ठा य जाव दिन्न-
 भइभत्त-वेयणा तालायरकम्मं करेमाणा विहरंति ११ । रायगिहविणिग्गओ
 य जत्थ बहू जणो तेसु पुव्वन्नत्थेसु आमणसयणोसु संनिसन्नो य संतुयट्ठो
 य सुणमाणो य पेच्छमाणो य सोहेमाणो य सुहंसुहेरां विहरइ १२ । तते
 णं णंदे दाहिणिल्ले वणसंडे एगं महं महाणससालं करावेति अणोगखंभ-
 सयसंनिविट्ठं जाव रूवं, तत्थ णं बहवे पुरिसा दिन्नभइभत्तवेयणा विपुलं
 असरां ४ उवक्खडेंति बहूणां समण-माहण-अतिही-किवण-वणीमगारां परि-
 भाएमाणा २ विहरंति १३ । तते णं णंदे मणियारसेट्ठी पच्चत्थिमिल्ले
 वणसंडे एगं महं तेगिच्छियसालं करेति, अणोगखंभसयसंनिविट्ठं जाव
 रूवं, तत्थ णं बहवे वेजा य वेज्जपुत्ता य जाणुया य जाणुयपुत्ता य कुसला
 य कुसलपुत्ता य दिन्न-भइभत्तवेयणा बहूणां वाहियाणं गिलाणाण य रोगि-
 याण य दुब्बलाण य तेइच्छकम्मं करेमाणा विहरंति १४ । अणो य एत्थ बहवे
 पुरिसा दिन्नभइ भत्तवेयणा तेसिं बहूणां वाहियाण य रोगियाण य गिलाणाण य

दुब्बलाण य ओसह-भेसज्ज-भत्तपाणेणं पडियारकम्मं करेमाणा विहरंति,
 तते णं गांदे उत्तरिल्ले वणासंडे एगं महं अलंकारियसभं करेति, अरोगखं-
 भसत्तसंनिविट्ठं जाव पडिरूवं, तत्थ णं बहवे अलंकारियपुरिसा दिन्नभइ-
 भत्तवेयणा बहूणां समणाणा य अणाहाणा य गिलाणाणा य रोगियाणा य
 दुब्बलाणा य अलंकारियकम्मं करेमाणा २ विहरंति १५ । तते णं तीए
 गांदाए पोक्खरणीए बहवे सणाहा य अणाहा य पंथिया य पहिया य
 करोडिया कारि(र)या तणाहारया पत्तहारया कट्टुहारया अप्पेगतिया
 राहायंति अप्पेगतिया पाणियं पियंति अप्पेगतिया पाणियं संवहंति अप्पे-
 गतिया विसज्जितसेय-जल्लमल-परिस्सम-निहखुप्पिवासा सुहंसुहेणां विहरंति
 १६ । रायगिह-विणिग्गओवि जत्थ बहुजणो किं ते जलरमणा-विविहमज्जणा-
 कयलिलयाघरय-कुसुमसत्थरय-अरोगसउणा-गणारुयरिभितसंकुलेसु सुहंसुहेणां
 अभिरममाणो २ विहरति १७ । तते णं गांदाए पोक्खरिणीए बहुजणो
 राहायमाणो पाणियं च संवहमाणो य अन्नमन्नं एवं वदासी-धराणो णं
 देवाणुप्पिया ! गांदे मणियारसेट्ठी कयत्थे जाव जम्मजीवियफले जस्स णं
 इमेयारूवा गांदा पोक्खरणी चाउक्कोणा जाव पडिरूवा, जस्स णं पुरत्थिमिल्ले
 तं चेव सव्वं चउसुवि वणासंडेसु जाव रायगिहविणिग्गओ जत्थ बहुजणो
 आसणेसु य सयणेसु य सन्निसन्नो य संतुयट्ठो य पेच्छमाणो य साहेमाणो
 य सुहंसुहेणां विहरति, तं धन्ने कयत्थे कयपुन्ने कयाणां० लोया ! सुलद्धे
 माणुस्सए जम्मजीवियफले नंदस्स मणियारस्स १८ । तते णं रायगिहे
 संघाडग जाव बहुजणो अन्नमन्नस्स एवमातिक्खति ४ धन्ने णं देवाणुप्पिया !
 गांदे मणियारे सो चेव गमओ जाव सुहंसुहेणां विहरति । तसे णं से गांदे
 मणियारे बहुजणास्स अंतिए एतमट्ठं सोच्चानिसम्म हट्ठ २ धाराहय-
 कलंबुगंपिव समूससियरोमकूवे परं सायासोक्ख-मणुभवमाणो विहरति १९

॥ सूत्रं १०० ॥

तते गां तस्स नंदस्स मणियारसेट्टिस्स अन्नया कयाई सरीरगंसि सोलस रोयायंका पाउब्भूया तंजहा—“सासे कासे जरे दाहे, कुच्छिसूले भगंदरे ६ । अरिसा अजीरण दिट्टिमुद्धसूले अगारण १० ॥ १ ॥ अच्छि-वेयणा कन्नवेयणा कंडू दउदरे कोढे ? १६ ।” १ । तते गां से गांदे मणियार-सेट्टी सोलसहिं रोयायंकेहिं अभिभूते समाणे कोडुबियपुरिसे सदावेति २ एवं वयासी—गच्छह गां तुब्भे देवाणुप्पिया ! रायगिहे सिंघाडग जाव पहेसु महंया सददेसां उग्घोसेमासा २ एवं वयह—एवं खलु देवाणुप्पिया ! गांदस्स मणियारसेट्टिस्स सरीरगंसि सोलस रोयायंका पाउब्भूता, तंजहा—‘सासे जाव कोढे’ तं जो गां इच्छति देवाणुप्पिया ! वेज्जो वा वेज्जपुत्तो वा जाणुत्तो वा २ कुसलो वा २ नंदस्स मणियारस्स तेसिं च गां सोलसराहं रोयायंकारां एगमवि रोयायंकं उवसामेत्तए तस्स गां देवाणु-प्पिया ! मणियारे विउलं अत्थसंपदारां दलयतित्तिक्कट्टु दोच्चंपि तच्चंपि घोसरां घोसेह २ पच्चप्पिणाह, तेवि तहेव पच्चप्पिरांति २ । तते गां रायगिहे इमेयारूवं घोसरां सोच्चा णिसम्म बहवे वेज्जा व वेज्जपुत्ता य जाव कुसलपुत्ता य सत्थ-कोस-हत्थगया य कोसग-पाय-हत्थगया य सिलियाहत्थगया य गुलियाहत्थगया य ओसह-भेसज्ज-हत्थगया य सएहिं २ गिहेहिंतो निक्ख-मंति २ रायगिहं मज्जमंज्जेरां जेणोव गांदस्स मणियारसेट्टिस्स गिहे तेणोव उवागच्छंति २ गांदस्स सरीरं पासंति, तेसिं रोयायंकारां णियारां पुच्छंति गांदस्स मणियारस्स बहूहिं उव्वलगोहि य उव्वट्टुगोहि य सिंगोहपागोहि य वमगोहि य विरेयगोहि य सेयगोहि य अवदहगोहि य अवरहागोहि य अणुवासगोहि य वत्थिकम्मेहि य निरूहेहि य सिरावेहेहि य तच्छणाहि य पच्छणाहि य सिरावेहेहि य तत्पणाहि य पुढवाएहि य छल्लीहि य वल्लीहि य मूलेहि य कंदेहि य पत्तेहि य पुप्फेहि य फलेहि य बीएहि य सिलि(ला)-याहि य गुलियाहि य ओसहेहि य भेसज्जेहि य इच्छंति तेसिं सोलसराहं

रोयायंकारां एगमवि रोयायंकं उवसामित्तए, नो चैव गां संचाएंति उवसामे-
 त्तए, तते गां ते बहवे वेजा य ६ जाहे नो संचाएंति तेसिं सोलसरहं रोगारां
 एगमवि रोगायंकं उवसामित्तए ताहे संता तंता जाव पडिगया ३ । तते गां
 नंदे तेहिं सोलसेहिं रोयायंकेहिं अभिभूते समागो गांदापोक्खरणीए
 मुच्छिए ४ तिरिक्खजोणिएहिं निवद्धाउते बद्धपएसिए अट्टुदुहट्टवसट्टे
 कालमासे कालं किञ्चा नंदाए पोक्खरणीए दददुरीए कुच्छिंसि
 दददुरत्ताए उववन्ने ४ । तए गां गांदे दददुरे गब्भाओ विणिम्मुकके
 समागो उम्मुक-बालभावे विन्नाय-परिणायमित्ते जोव्वणग-मणुपत्ते नंदाए
 पोक्खरणीए अभिरममाणो २ विहरति ५ । तते गां गांदाए पोक्खरणीए
 बहू जणो गहायमाणो य पियइ य पाणियं च संवहमाणो अन्नमन्नस्स एव-
 मातिक्खति ४ धन्ने गां देवाणुप्पिया ! गांदे मणियारे जस्स गां इमेयारूवा
 गांदा पुक्खरणी चाउक्कोणा जाव पडिरूवा जस्स गां पुरत्थिमिल्ले वणासंडे
 चित्तसभा अयोगखंभ-सयसंनिविट्ठा तहेव चत्तारि सहाओ जाव जम्मजीवि-
 यफले ६ । तते गां तस्स दददुरस्स तं अभिक्खणं २ बहुजणस्स अंतिए
 एयमट्टं सोच्चा णिसम्म इमेयारूवे अब्भत्थिए ६—से कहिं मन्ने मए इमेया-
 रूवे सहे णिसंत-पुव्वेत्तिकट्टु सुभेणं परिणामेणं जाव जाइसरणो समुप्पन्ने,
 पुव्वजातिं सम्मं समागच्छति ७ । तते गां तस्स दददुरस्स इमेयारूवे अब्भ-
 त्थिए पत्थिए मणोगए संकप्पे समुप्पज्जित्था—एवं खलु अहं इहेव रायगिहे
 नगरे गांदे ग्गामं मणियारे अट्टे ० । तेणं कालेणं तेणं समएणं समणो
 भगवं महावीरे समोसडे, तए गां समणस्स भगवओ महावीरस्स अंतिए
 पंचाणुव्वइए सत्तसिक्खावइए जाव पडिवन्ने, तए गां अहं अन्नया कयाई
 असाहुदंसणेण य जाव मिच्छत्तं विप्पडिवन्ने, तए गां अहं अन्नया कयाई
 गिन्हे कालसमयंसि जाव उपसंपज्जित्ता गां विहरामि, एवं जहेव चिंता
 आपुच्छणा नंदापुक्खरणी वणासंडा सहाओ तं चैव सव्वं जाव नंदाए

पुक्खरणीए दददुरीए कुच्छिंसि दददुरत्ताए उववन्ने, तं अहो गां अहं
 अहन्ने अपुन्ने अकयपुन्ने निग्गंथाओ पावयणाओ नट्टे भट्टे परिब्भट्टे
 तं सेयं खलु ममं सयमेव पुब्बपडिवन्नातिं पंचाणुव्वयातिं सत्तसिक्खावयातिं
 उवसंपज्जित्ताणं विहरित्तए, एवं संपेहेति २ पुब्बपडिवन्नातिं पंचाणुव्वयाइं
 सत्तसिक्खावयाइं आरुहेति २ इमेयारूवं अभिग्गहं अभिगिराहति—कप्पइ
 मे जावजीवं छट्ठं छट्ठेणं अणिक्वित्तेणं अप्पाणं भावेमाणस्स विहरित्तए,
 छट्ठस्सविय गां पारणांसि कप्पइ मे गांदाए पोक्खरणीए परिपेरंतेसु फासु-
 एणं राहाणोदएणां उम्महणोलोलियाहि य वित्तिं कप्पेमाणस्स विहरित्तए,
 इमेयारूवं अभिग्गहं अभिगेरहति, जावजीवाए छट्ठं छट्ठेणं जाव विहरति
 ८ । तेणं कालेणं २ अहं गोयमा ! गुणसिलए समोसठे परिसा निग्गया, तए
 गां नंदाए पुक्खरणीए बहुजणो राहायमाणो पियइ य पाणियं च संवहमाणो
 य अन्नमन्नं एवं वयासी—जाव समणो ३ इहेव गुणसिलए चेइए, समोसठे, तं
 गच्छामो गां देवाणुप्पिया ! समणं भगवं महावीरं वंदामो जाव पज्जु-
 वासामो एयं मे इह भवे परभवे य हियाए जाव अणुगामियत्ताए भविस्सइ
 ९ । तए गां तस्स दददुरस्स बहुजणस्स अंतिए एयमट्ठं सोच्चा निसम्म
 हट्ट २ धाराहयकलंबुगंपिव समूमसियरोमकूवे अयमेयारूवे अब्भत्थिए ५
 समुप्पज्जित्था—एवं खलु समणो भगवं महावीरे इहेव गुणसिलए चेइए
 समोसठे, तं गच्छामि गां वंदामि गां जाव पज्जुवासामि, एवं संपेहेति २
 गांदाओ पुक्खरणीओ सणियं २ उत्तरइ जेणोव रायमग्गे तेणोव
 उवागच्छति २ ताए उक्किट्ठाए ५ दददुरगईए वीतिवयमाणो जेणोव ममं
 अंतिए तेणोव पहारेत्थ गमणाए १० । इमं च गां सेणिए राया भंभसारे
 राहाए कयकोउय-मंगलपायच्छित्ते जाव सव्वालंकारविभूसिए हत्थिखंध-
 वरगए सकोरंठ-मल्लदामेणां छत्तेणां धरिज्जमाणोणां सेयवरचामराहिं उद-धुव्व-
 माणीहिं हयगयरह-जोहकलियाए महया भडचडगर-आसवाहणियाए चाउ-

रंगिणीए सेणाए सद्धिं संपरिवुडे मम पायवंदते हव्वमागच्छति १० । तते
 गां से दददुरे सेणियस्स रन्नो एगेगां आसकिसोरणां वामपाणां अक्कंते
 समाणे अंतनिग्घातिए कते यावि होत्था, तते गां से दददुरे अत्थामे अबले
 अवीरिए अपुरिसकार-परकमे अधारणिज्ज-मितिकट्टु एगंत-मवक्कमति २ कर-
 यल-परिग्गहियं दसनहं सिरसावत्तं मत्थए अंजलिं कट्टु एवं वयासी-नमोऽत्थु
 गां जाव संपत्तागां, नमोऽत्थु गां मम धम्मायरियस्स जाव संपाविउकामस्स
 पुब्बिपिय गां मए समास्स भगवतो महावीरस्स अंतिए थूलए पाणातिवाए
 पच्चक्खाए जाव थूलए परिग्गहे पच्चक्खाए, तं इयाणिपि तस्सेव अंतिए
 सब्बं पाणातिवायं पच्चक्खामि जाव सब्बं परिग्गहं पच्चक्खामि, जावजीवं
 सब्बं असगां ४ पच्चक्खामि, जावजीवं जंपिय इमं सरीरं इट्ठं कंतं जाव मा
 फुसंतु एयंपि गां चरिमेहिं ऊसासनीसासेहिं वोसिरामित्तिकट्टु ११ । तए
 गां से दददुरे कालमासे कालं किच्चा जाव सोहम्मे कप्पे दददुरवडिसए
 विमाणो उववायसभाए दददुरदेवत्ताए उववन्ने, एवं खलु गोयमा ! दददुरेगां
 सा दिव्वा देविट्ठी लद्धा ३, १२ । दददुरस्स गां भंते ! देवस्स केवतिकालं
 ठिई पराणत्ता ?, गोयमा ! चत्तारि पल्लिओवमाइं ठिती पन्नत्ता, से गां
 दददुरे देवे० महाविदेहे वासे सिज्झिहिति बुज्झिहिति जाव अंतं करेहिइ
 १३ । एवं खलु समाणेगां भगवया महावीरेगां तेरसमस्स नायज्झयणास्स
 अयमट्ठे पराणत्तेत्तिवेमि १४ ॥ सूत्रं १०१ ॥ तेरसमं गायज्झयणां समत्तं ॥

॥ इति त्रयोदशममध्ययनम् ॥ १३ ॥

॥१४॥ अथ श्रीतेतलिपुत्राख्यं चतुर्दशममध्ययनम् ॥

जति गां भंते ! समाणेगां भगवया महावीरेगां जाव संपत्तेगां तेरसमस्स
 नायज्झयणास्स अयमट्ठे पराणत्ते, त्थोदसमस्स गां भंते ! नायज्झयणास्स
 समाणेगां जाव संपत्तेगां के अट्ठे पन्नत्ते ?, एवं खलु जंबू ! तेणां कालेगां २

तेयलिपुरं नाम नगरं पमयवणो उज्जाणो कणागरहे राया, तस्स गां कणागरहस्स पउमावती देवी, तस्स गां कणागरहस्स तेयलिपुत्ते णामं अमच्चे सामदंड० १ । तत्थ गां तेयलिपुरे कलादे नामं मूसियारदारण होत्था अट्टे जाव अपरिभूते, तस्स गां भद्दा नामं भारिया, तस्स गां कलायस्स मूसियारदारयस्स धूया भद्दाए अत्तया पोट्टिला नामं दारिया होत्था रूवेण जोव्वणोण य लावन्नेण उक्किट्टा २, २ । तते गां पोट्टिला दारिया अन्नदा कदाइ गहाता सब्वालंकार-विभूसिया चेडिया-चक्कवाल-संपरिबुडा उप्पि पासाय-वरगया आगासतलगंसि कणागमएणां तिदूसएणां कीलमाणी २ विहरति ३ । इमं च गां तेयलिपुत्ते अमच्चे गहाए आससंधवरगए महया भड-चडगर-आस-वाहणियाए णिज्जायमाणो कलायस्स मूसियारदारगस्स गिहस्स अदूरसामंतेगां वीतीवयति ४ । तते गां से तेयलिपुत्ते मूसियारदारगगिहस्स अदूरसामंतेगां वीतीवयमाणो २ पोट्टिलं दारियं उप्पि पासायवरगयं आगासतलगंसि कणा-गतिदूसएणां कीलमाणीं पासति २ पोट्टिलाए दारियाए रूवे य ३ जाव अज्जोववन्ने कोडुं बियपुरिसे सहावेति २ एवं वयासी-एस गां देवाणु-प्पिया ! कस्स दारिया किं नामधेज्जा ? तते गां कोडुं बियपुरिसे तेयलिपुत्तं एवं वदासी-एस गां सामी ! कलायस्स मूसियारदारयस्स धूता भद्दाए अत्तया पोट्टिला नामं दारिया रूवेण य जाव सरीरा ५ । तते गां से तेयलिपुत्ते आसवाहणियाओ पडिनियत्ते समाणो अब्भितरट्टाणिज्जे पुरिसे सहावेति २ एवं वयासी-गच्छह गां तुब्भे देवाणुप्पिया ! कलादस्स मूसियार-दारयस्स धूयं भद्दाए अत्तयं पोट्टिलं दारियं मम भारियत्ताए वरेह ६ । तते गां ते अब्भंतरट्टाणिज्जा पुरिसा तेतलिणा एवं वुत्ता समाणा हट्टुट्ट जाव हियया करयल जाव कट्टु तहत्ति पडिसुरांति २ जेणोव कलायस्स मूसियारदारयस्स गिहे तेणोव उवागया, तते गां से कलाए मूसियारदारते पुरिसे एज्जमाणो पासति २ हट्टुट्टे आसणाओ अब्भु-

द्वेति २ सत्तद्वपदातिं अणुगच्छति २ आसरोरां उवणिमंतेति २ आसत्ये
 वीसत्ये सुहासणवरगए एवं वयासी-संदिसंतु णं देवाणुप्पिया ! किमागम-
 णुपत्रोयरां ?, तते णं ते अब्भितरट्ठाणिज्जा पुरिसा कलायमूसियारदारयं
 एवं वयासी-अम्हे णं देवाणुप्पिया ! तव धूयं भद्दाए अत्तयं पोट्टिलं दारियं
 तेयलिपुत्तस्स भारियत्ताए वरेमो, तं जति णं जाणसि देवाणुप्पिया ! जुत्तं
 वा पत्तं वा सलाहणिज्जं वा सरिसो वा संजोगो ता दिज्जउ णं पोट्टिला
 दारिया तेयलिपुत्तस्स, ता भण्ण देवाणुप्पिया ! किं दलामो सुक्कं ?, ७ ।
 तते णं कलाए मूसियारदारए ते अब्भितरट्ठाणिज्जे पुरिसे एवं वदासी-
 एस चेव णं देवाणुप्पिया ! मम सुंके जन्नं तेतलिपुत्ते मम दारियानिमित्तेरां
 अणुग्गहं करेति, ते ठाणिज्जे पुरिसे विपुलेरां असण-पाण-खाइम-साइमेरां
 पुप्फवत्थ-गंध-मल्लालंकारेणं सक्कारेइ सम्माणेइ २ पडिविसज्जेइ, तए णं
 कलायस्सवि मूसियारदारयस्स गिहात्थो पडिनिक्खमइ २ जेणोव तेयलिपुत्ते
 अमच्चं तेणोव उवागच्छंति २ तेयलिपुत्तं अमच्चं एयमट्ठं निवेयंति ८ ।
 तते णं कलादे मूसियारदारए अन्नया कयाइं सोहणंसि तिहि-नक्खत्त-मुट्ठत्तंसि
 पोट्टिलं दारियं गहायं सञ्चालंकारभूसियं सीयं दुरूहेइ २ ता मित्तणाइ-
 नियय-सज्जा-संबंधि-परिज्जास्स सद्धिं संपरिवुडे सातो गिहातो पडिनिक्ख-
 मति २ सच्चिद्धीए तेयलीपुरं मज्झमज्जेरां जेणोव तेतलिस्स गिहे तेणोव
 उवागच्छति २ पोट्टिलं दारियं तेतलिपुत्तस्स सयमेव भारियत्ताए दलयति
 ८ । तते णं तेतलिपुत्ते पोट्टिलं दारियं भारियत्ताए उवणीयं पासति २
 पोट्टिलाए सद्धि पट्टयं दुरूहति २ सेतापीतएहिं कलसेहिं अप्पाणं मज्जावेति
 २ अग्गिहोमं करेति २ पाणिग्गहणं करेति २ पोट्टिलाए भारियाए मित्त-
 णाति जाव परिज्जां विपुलेणं असण-पाण-खातिम-सातिमेणं पुप्फ-वत्थ-गंध-
 मल्लालंकारेणं जाव पडिविसज्जेति ९ । तते णं से तेतलिपुत्ते पोट्टिलाए
 भारियाए अणुरत्ते अविरत्ते उरालाइं जाव विहरति १० ॥ सूत्रं १०२ ॥

तते णां से कणागरहे राया रज्जे य रट्टे य बले य वाहणे य कोसे य कोट्टागारे य
अंतेउरे य मुच्छित्ते ४ जाते २ पुत्ते वियंगेति, अप्पेगइयाणां हत्थंगुलियाओ छिंदति
अप्पेगइयाणां हत्थंगुट्टए छिंदति एवं पायंगुलियाओ पायंगुट्टएवि कन्नसक्कु-
लीएवि नासापुडाइं फालेति अंगमंगातिं वियंगेति १ । तते णां तीसे पउमावतीए
देवीए अन्नया पुव्वरत्तावरत्तकाल-समयंसि अयमेयारूवे अब्भत्थिए पत्थिए
मणोगए संकप्पे समुप्पज्जित्था—एवं खलु कणागरहे राया रज्जे य जाव पुत्ते
वियंगेति जाव अंगमंगाइं वियंगेति, तं जति अहं दारयं पयायामि सेयं खलु
ममं तं दारगं कणागरहस्स रहस्सियं चेव सारक्खमाणीए संगोवेमाणीए
विहरत्तएत्तिकट्टु एवं संपेहेति २ तेयलिपुत्तं अमच्चं सहावेति २ एवं
वयासी—एवं खलु देवाणुप्पिया ! कणागरहे राया रज्जे य जाव वियंगेति तं
जति णां अहं देवाणुप्पिया ! दारगं पयायामि तते णां तुमं कणागरहस्स
रहस्सियं चेव अणुपुव्वेणां सारक्खमाणे संगोवेमाणे संवड्ढेहि, तते णां से
दारए उम्मुक्कवालभावे जोव्वणुगमणुप्पत्ते तव य मम य भिक्खाभायणे भवि-
स्सति, तते णां से तेयलिपुत्ते पउमावतीए एयमट्टं पडिसुणेति २ पडिगए
२ । तते णां पउमावती य देवी पोट्टिला य अमची सयमेव गव्वं गेरहति
सयमेव परिवहति, तते णां सा पउमावती नवरहं मासाणां जाव
पियदंसणां सुरूवं दारगं पयाया, जं रयणिं च णां पउमावती दारयं
पयाया तं रयणिं च णां पोट्टिलावि अमची नवरहं मासाणां विणिहायमा-
वन्नं दारियं पयाया ३ । तते णां सा पउमावती देवी अम्मधाइं सहावेति २
एवं वयासी—गच्छाहि णां तुमे अम्मो ! तेयलिगिहे तेयलिपुत्तं रहस्सियं
चेव सहावेहि, तते णां सा अम्मधाइं तहत्ति पडिसुणेति २ अंतेउरस्स
अवहारेणां निग्गच्छति २ जेणोव तेयलिस्स गिहे जेणोव तेयलिपुत्ते तेणोव
उवागच्छति २ करयत्त जाव एवं वदासी—एवं खलु देवाणुप्पिया !
पउमावती देवी सहावेति ४ । तते णां तेयलिपुत्ते अम्मधातीए अंतिए

एयमट्टं सोच्चा हट्ट २ अम्मधातीए सद्धिं सातो गिहाओ णिग्गच्छति २ अंतेउरस्स अवहारेणं रहस्सियं चैव अणुपविसति २ जेणोव पउमावती तेणोव उवागच्छति २ करयल जाव एवं वयासी-संदिसंतु णं देवाणुप्पिया ! जं मए कायव्वं ? तते णं पउमावती तेयलीपुत्तं एवं वयासी-एवं खलु कण्णगरहे राया जाव वियंगेति अहं च णं देवाणुप्पिया ! दारगं पयाया तं तुमं णं देवाणुप्पिया ! तं दारगं गेरहाहि जाव तव मम य भिक्खाभायणे भविस्सत्तित्तिक्कट्टु तेयलिपुत्तं दलयति ५ । तते णं तेयलिपुत्ते पउमावतीए हत्यातो दारगं गेरहति उत्तरिज्जेणं पिहेति २ अंतेउरस्स रहस्सियं चैव अवहारेणं निग्गच्छति २ जेणोव सए गिहे जेणोव पोट्टिला भारिया तेणोव उवागच्छति २ पोट्टिलं एवं वयासी-एवं खलु देवाणुप्पिया ! कण्णगरहे राया रज्जे य जाव वियंगेति अयं च णं दारए कण्णगरहस्स पुत्ते पउमावईए अत्तए तेरां तुमं देवाणुप्पिया ! इमं दारगं कण्णगरहस्स रहस्सियं चैव अणुपुव्वेणं सारक्खाहि य संगोवेहि य संवडेहि य, तते णं एस दारए उम्मुक्कबालभावे तव य मम य पउमावतीए य आहारे भविस्सत्तित्तिक्कट्टु पोट्टिलाए पासे णिक्खिवति पोट्टिलाओ पासाओ तं विणिहायमावन्नियं दारियं गेरहति २ उत्तरिज्जेणं पिहेति २ अंतेउरस्स अवहारेणं अणुपविसति २ जेणोव पउमावती देवी तेणोव उवागच्छति २ पउमावतीए देवीए पासे अवेति २ जाव पडिनिग्गते ६ । तते णं तीसे पउमावतीए अंगपडियारियाओ पउमावइं देविं विणिहायमावन्नियं च दारियं पयायं पासंति २ ता जेणोव कण्णगरहे राया तेणोव उवागच्छति २ ता करयल जाव एवं वयासी-एवं खलु सामी ! पउमावती देवी मइल्लियं दारियं पयाया, तते णं कण्णगरहे राया तीसे मइल्लियाए दारियाए नीहरणं करेति, बहूणि लोइयाइं मयक्किच्चाइं करेति, कालेणं विगयसोए जाते ७ । तते णं से तेतलिपुत्ते कल्ले कोडुंबियपुरिसे सदावेति २ एवं वयासी-खिप्पामेव

चारगसोहणं जाव ठितिपडियं जम्हा णं अम्हं एस दारए कणगरहस्स
 रज्जे जाए तं होउ णं दारए नामेणं कणगज्झए जाव भोगसमत्थे जाते ८ ।
 ॥ सूत्रं १०३ ॥ तते णं सा पोट्टिला अन्नया कयाई तेतलिपुत्तस्स अणिट्ठा
 ५ जाया यावि होत्था शेच्छइ य तेयलिपुत्ते पोट्टिलाए नामगोत्तमवि
 सवणयाए, किं पुण दरिसणं वा परिभोगं वा ?, तते णं तीसे पोट्टिलाए
 अन्नया कयाई पुञ्जरत्तावरत्तकालसमयंसि इमेयारूवे ५ जाव समुष्प-
 ज्जित्था—एवं खलु अहं तेतलिस्स पुंवि इट्ठा ५ आसि इयाणि अणिट्ठा ५
 जाया, नेच्छइ य तेयलिपुत्ते मम नामं जाव परिभोगं वा ओहयमाणसंकप्पा
 जाव भियायति १ । तए णं तेतलिपुत्ते पोट्टिलं ओहयमाणसंकप्पं जाव
 भियायमाणं पासति २ एवं वयासी—मा णं तुमं देवाणुप्पिया ! ओहयमाणसं-
 कप्पा जाव भियाहह, तुमं णं मम महाणसंसि विपुलं असणं ४ उवक्ख-
 डावेहि २ बहूणं समणमाहण जाव वणीमगाणं देयमाणी य दवावेमाणी
 य विहराहि २ । तते णं सा पोट्टिला तेयलिपुत्तेणं एवं बुत्ता समाणा
 हट्टुट्ठा जाव तेयलिपुत्तस्स एयमट्ठं पडिसुणेति २ कल्लाकल्लि महाणसंसि
 विपुलं असणं ४ जाव दवावेमाणी विहरति ३ ॥ सूत्रं १०४ ॥ तेणं
 कालेणं २ सुव्वयाओ नामं अज्जाओ ईरियासमिताओ जाव गुत्तबंभयारि-
 णीओ बहुस्सुयाओ बहुपरिवाराओ पुव्वाणुपुंवि जेणामेव तेयलिपुरे
 नयरे तेणोव उवागच्छंति २ अहापडिरूवं उग्गहं उग्गिराहंति २ संजमेण
 तवसा अप्पाणं भावेमाणीओ विहरंति, तते णं तासिं सुव्वयाणं अज्जाणं
 एगे संघाडए पढमाए पोरसीए सज्झायं करेति जाव अडमाणीओ तेत-
 लिस्स गिहं अणुपविट्ठाओ १ । तते णं सा पोट्टिला ताओ अज्जाओ
 एज्जमाणीओ पासति २ हट्टुट्ठा जाव आसणाओ अब्भुट्ठेति २ वंदति
 नमंसति २ विपुलं असणं ४ पडिलाभेति २ एवं वयासी—एवं खलु अहं
 अज्जाओ ! तेयलिपुत्तस्स पुंवि इट्ठा ५ आसी इयाणि अणिट्ठा ५ जाव

दंसणं वा परिभोगं वा, तं तुब्भे णं अज्जातो सिक्खियाओ बहुनायाओ बहुपढियाओ बहूणि गामागर जाव आहिंडह बहूणां राईसर जाव गिहाति गिहाति अणुपविसह तं अत्थि याइं भे अज्जाओ ! केइ कहंचि चुन्नजोए वा मंतजोगे वा कम्मणजोए वा हियउड्ढावणे वा काउड्ढावणे वा आभिओ-गिए वा वसीकरणे वा कोउयकम्मे वा भूइकम्मे वा मूले कंदे छल्ली वल्ली मिलिया वा गुलिया वा ओसहे वा भेसज्जे वा उवलद्धपुव्वे जेणाहं तेयलिपुत्तस्स पुणारवि इट्ठा ५ भवेज्जामि ?, २ । तते णं ताओ अज्जाओ पोट्टिलाए एवं वुत्ताओ समाणीओ दोवि कन्ने ठइंति २ पोट्टिलं एवं वदासी-अम्हे णं देवाणुप्पिया ! समाणीओ निग्गंथीओ जाव गुत्तवंभचारिणीओ नो खलु कप्पइ अम्हे एयप्पयारं कन्नेहिवि णिसामेत्तए, किमंग पुण उवदिसित्तए वा आयरित्तए वा ?, अम्हे णं तव देवाणुप्पिया ! विचित्तं केवलपन्नत्तं धम्मं पडिकहिज्जामो ३ । तते णं सा पोट्टिला ताओ अज्जाओ एवं वयासी-इच्छामि णं अज्जाओ ! तुम्हं अंतिए केवलपन्नत्तं धम्मं निसामित्तए, तते णं ताओ अज्जाओ पोट्टिलाए विचित्तं धम्मं परिकहेंति, तते णं सा पोट्टिला धम्मं सोच्चा निसम्म हट्टु जाव एवं वयासी-सदहामि णं अज्जाओ ! निग्गंथं पावयणां जाव से जहेयं तुब्भे वयह, इच्छामि णं अहं तुब्भं अंतिए पंचाणुव्वयाइं जाव धम्मं पडिवज्जित्तए, अहासुहं ४ । तए णं सा पोट्टिला तासिं अज्जाणं अंतिए पंचाणुव्वइयं जाव धम्मं पडिवज्जइ, ताओ अज्जाओ वंदति नमंसति २ पडिविसज्जेति, तए णं सा पोट्टिला समाणा-वासिया जाया जाव पडिलाभेमाणी विहरइ ५ ॥ सूत्रं १०५ ॥

तते णं तीसे पोट्टिलाए अन्नया कयाइ पुव्वरत्तावरत्त-कालसमयंसि कुडुंब-जागरियं जागरभाणाए अयमेयारूवे अब्भत्थिते पत्थिते मणोगते संकप्पे समुप्पज्जित्था-एवं खलु अहं तेतलिपुत्तस्स पुव्वि इट्ठा ५ आसि इयाणिं अण्णिट्ठा ५ जाव परिभोगं वा, तं सेयं खलु मम सुव्वयाणां अज्जाणां

अतिए पव्वतित्तए, एवं संपेहेति २ कल्लं पाउप्पभायाए जेगोव तेतलिपुत्ते
 तेगोव उवागच्छति २ करयलपरिगहियं जाव एवं वयासी-एवं खलु देवाणु-
 ष्पिया ! मए सुव्वयाणां अज्जाणां अतिए धम्मे गिंसते जाव अन्धगुत्ताया
 पव्वइत्तए १ । तते गां तेयलिपुत्ते पोट्टिलं एवं वयासी-एवं खलु तुमं
 देवाणुष्पिए ! मुंडा(मुंडे) पव्वइया समाणी कालमासे कालं किञ्चा अन्नतरेसु
 देवलोएसु देवत्ताए उववज्जिहिसि, तं जति गां तुमं देवाणुष्पिया ! ममं ताओ
 देवलोयाओ आगम्म कंवल्लिपन्नत्ते धम्मे बोहिहि तोऽहं विसज्जेमि, अह गां
 तुमं ममं गा संवोहेसि तो ते गा विसज्जेमि, तते गां सा पोट्टिला तेयलि-
 पुत्तस्स एयमट्टं पड्डिसुगोति २ । तते गां तेयलिपुत्ते विपुलं अस्सां ४
 उववखडावेति २ मित्तणाति जाव आमंतेइ २ जाव सम्माणोइ २ पोट्टिलं
 गहायं जाव पुरिससहस्स-वाहणीयं सिअं दुरूहिसा मित्तणाति जाव परिपुडे
 सव्विड्डिए जाव रवेणां तेतलीपुरस्स मज्झमज्जेणां जेगोव सुव्वयाणां उवस्सए
 तेगोव उवागच्छति २ सीयाओ पन्नोरुहति २ पोट्टिलं पुरतो कट्ठु जेगोव
 सुव्वया अज्जा तेगोव उवागच्छति २ वंदति नमंसात्त २ एवं वयासी-एवं
 खलु देवाणुष्पिया ! मम पोट्टिला भारिया इट्ठा ५ एस गां संसारभउव्विग्गा
 जाव पव्वतित्तए पड्डिच्छंत्तु गां देवाणुष्पिया ! सिस्सिणिभिव्वं दलयामि,
 अहासुहं मा गां पड्डिवंधं करेह ३ । तते गां सा पोट्टिला सुव्वयाहि अज्जाहिं
 एवं बुत्ता समाणा हट्टु जाव उत्तरपुरच्छिमे दिसीभागे अक्कमइ २ सयमेव
 आभरण-मल्लालंकारं ओमुयति २ सयमेव पंचसुट्टियं लोयं करेह २ जेगोव
 सुव्वयाओ अज्जाओ तेगोव उवागच्छइ २ वंदति नमंसात्त २ एवं वयासी-
 आलित्ते गां भंते ! लोए एवं जहा देवाणांदा जाव एकारस अंगाइ बहूणि
 वासाणि सामन्नपरियागं पाउणाइ २ मासियाए संलेहणाए अत्ताणां भोसेत्ता
 सट्ठिं भत्ताइ अणसणाए आलोइयपड्डिवक्कते समाहिं पत्ता कालमासे कालं
 किञ्चा अन्नतरेसु देवलोएसु देवत्ताए उववन्ना ४ ॥ सूत्रं १०६ ॥ तते गां

से कणागरहे राया अन्नया कयाई कालधम्मुणा संजुसे याधि होत्था, तसे
 गां राईसर जाव गाीहरणां करैति २ अन्नमन्नं एवं बयासी-एवं खलु
 देवाणुप्पिया ! कणागरहे राया रज्जे य जाव पुसे विर्यगिस्था, अम्हे गां
 देवाणुप्पिया ! रायाहीणा रायाहिद्विया रायाहीणकजा अयं च गां सेतली
 अमच्चे कणागरहस्स रन्नो सब्बट्ठाणोसु सब्बभूमियासु लद्धपच्चए दिग्गवियारे
 सब्बकज्जवट्ठावए याधि होत्था, तं सेयं खलु अम्हं तेतलिपुत्तं अमच्चं कुमारं
 जातिसएत्तिकट्ठु अन्नमन्नस्स एयमट्ठुं पडिसुगोति २ जेगोव तेयलिपुत्ते
 अमच्चे तेगोव उवागच्छंति २ तेयलिपुत्तं एवं बयासी-एवं खलु देवाणु-
 प्पिया ! कणागरहे राया रज्जे य रट्ठे य जाव विर्यगेह, अम्हे य गां देवाणु-
 प्पिया ! रायाहीणा जाव रायाहीणकजा, लुमं च गां देवाणुप्पिया !
 कणागरहस्स रन्नो सब्बट्ठाणोसु जाव रज्जधुराचितए, तं जइ गां देवाणुप्पिया !
 अत्थि केइ कुमारे रायलक्खणासंपन्ने अभिसेयारिहे तराणां लुमं अम्हं इत्ताहि,
 जा गां अम्हे महया २ रायाभिसेएणां अभिसिंयामो १ । तए गां तेतलिपुत्ते
 तेसिं ईसर० एतमट्ठुं पडिसुगोति २ कणागज्भयं कुमारं राहायं जाव
 सस्सिरीयं करेइ २ ता तेसिं ईसर जाव उवरोति २ एवं बयासी-एस गां
 देवाणुप्पिया ! कणागरहस्स रन्नो पुसे पउमावतीए देवीए अत्तए कणागज्भए
 नामं कुमारे अभिसेयारिहे रायलक्खणासंपन्ने मए कणागरहस्स रन्नो रहसि-
 ययं संबद्धिण, एयं गां लुब्भे महया २ रायाभिसेएणां अभिसिंयह, सब्बं च
 तेसिं उट्ठाण-परियावणियं परिकहेइ २ । तसे गां ते ईसर० कणागज्भयं
 कुमारं महया २ अभिसिंयति ३ । तसे गां से कणागज्भए कुमारे राया जाव
 महया हिमयंतमलय० वराणाओ जाव रज्जं पसासेमाणे विहरइ ४ । तसे गां
 सा पउमावती देवी कणागज्भयं रायं सहायेति २ एवं बयासी-एस गां
 पुत्ता ! तव रज्जे जाव असेउरे य जाव लुमं च तेतलिपुत्तस्स अमच्चस्स
 पहावेणां, तं लुमं गां तेतलिपुत्तं अमच्चं आदाहि परिजाणाहि सकारेहि

सम्मारोहि इतं अब्भुट्टेहि ठियं पञ्जुवासाहि वच्चंतं पडिसंसाहेहि अद्धास-
 गोणं उवणिमंतेहि भोगं च से अणुवड्डेहि ५ । तते णं से कणागज्झए
 पउमावतीए तहत्ति पडिसुणोति जाव भोगं च से वड्डेति ६ ॥ सूत्रं १०७ ॥
 तते णं से पोट्टिले देवे तेतलिपुत्तं अभिक्खरां २ केवलिपन्नत्ते धम्मे संबोहेति,
 नो चेव णं से तेतलिपुत्ते संबुज्झति, तते णं तस्स पोट्टिलदेवस्स इमेयारूवे
 अब्भत्थिते ५—एवं खलु कणागज्झए राया तेयलिपुत्तं आदाति जाव भोगं
 च संबड्डेति तते णं से तेतली अभिक्खरां २ संबोहिज्जमारोवि धम्मे नो
 संबुज्झति, तं सेयं खलु कणागज्झयं तेतलिपुत्तातो विप्परिणामेत्तएत्तिकट्टु
 एवं संपेहेति २ चा कणागज्झयं तेतलिपुत्तातो विप्परिणामेइ १ ।
 तते णं तेतलिपुत्ते कल्लं गहाते जाव पायच्छित्ते आसखंधवरगए
 बहूहिं पुरिसेहिं सद्धिं संपरिवुडे सातो गिहातो निग्गच्छति २
 जेणोव कणागज्झए राया तेणोव पहारेत्थ गमणाए, तते णं तेतलि-
 पुत्तं अमच्चं जे जहा बहवे राईसरतलवर जाव पभियञ्चो पांसंति ते तंहव
 आदायंति परिजाणंति अब्भुट्टेति २ अंजलिपरिग्गहं करेति इट्ठाहिं कंताहिं
 जाव वग्गूहिं आलवेमाणा य संलवेमाणा य पुरतो य पिट्टतो य पासतो
 य मग्गतो य समणुगच्छंति, तते णं से तेतलिपुत्ते जेणोव कणागज्झए
 तेणोव उवागच्छति, तते णं कणागज्झए तेतलिपुत्तं एज्जमाणां पासति २
 नो आदाति नो परियाणाति नो अब्भुट्टेति अणादायमारो ३ परम्मुहे
 संचिट्ठति, तते णं तेतलिपुत्ते कणागज्झयस्स रन्नो अंजलिं करेइ २ । तते
 णं से कणागज्झए राया अणादायमारो तुसिणीए परम्मुहे संचिट्ठति, तते
 णं तेतलिपुत्ते कणागज्झयं विप्परिणायं जाणित्ता भीते जाव संजातमए
 एवं वयासी—रुट्टे णं ममं कणागज्झए राया, हीणो णं मम कणागज्झए
 राया, अवज्झए (दुज्झए) णं कणागज्झए, तं णं नज्जइ णं मम केणइ
 कुमारेण मारेहितित्तिकट्टु भीते तत्थे य जाव सणियं २ पच्चोसक्केति २

तमेव आसखंधं दुरूहेति २ तेतलिपुरं मज्झमज्जेणं जेणोव सए गिहे तेणोव
 पहारेत्थ गमणाए ३ । तते णं तेयलिपुत्तं जे जहा ईसर जाव पासंति ते
 तहा नो आदायंति नो परियाणांति नो अब्भुट्ठेति नो अंजलि-परिग्गहं
 करेति इट्ठाहि जाव णो संलवंति नो पुरत्थो य पिट्ठत्थो य पासत्थो य
 (मग्गतो य) समणुगच्छंति ४ । तते णं तेतलिपुत्ते जेणोव सए गिहे
 तेणोव उवागच्छति, जावि य से तत्थ बाहिरिया परिसा भवति, तंजहा-
 दासेति वा पेसेति वा भाइल्लएति वा सावि य णं नो आदाइं २, जाविय
 से अब्भितरियां परिसा भवति, तंजहा-पियाइ वा माताति वा जाव
 सुरहाति वा साविय णं वा नो आदाइ ३, ५ । तते णं से तेतलिपुत्ते
 जेणोव वासघरे जेणोव सए सयणिज्जे तेणोव उवागच्छति २ सयणिज्जंसि
 णिसीयति २ एवं वयासी-एवं खलु अहं सयातो गिहातो निग्गच्छामि
 तं चेव जाव अब्भितरिया परिसा नो आदाति नो परियाणांति नो
 अब्भुट्ठेति, तं सेयं खलु मम अप्पाणां जीवियातो ववरोवित्तएत्तिकट्ठु एवं
 संपेहेति २ तालउडं विसं आसगंसि पक्खिवति से य विसे णो संकमति,
 तते णं से तेतलिपुत्ते नीलुप्पल जाव असिं खंधे ओहरति, तत्थवि य से
 धारा ओप(इ)ल्ला ६ । तते णं से तेतलिपुत्ते जेणोव असोगवणिया तेणोव
 उवागच्छति २ पासगं गीवाए बंधति २ रुक्खं दुरूहति २ पासं रुक्खे
 बंधति २ अप्पाणां मुयति तत्थवि य से रज्जू छिन्ना, तते णं से तेतलि-
 पुत्ते महतिमहालयं सिलं गीवाए बंधति २ अत्थाहमतारमपोरिसियंसि
 उदगंसि अप्पाणां मुयति, तत्थवि से थाहे जाते, तते णं से तेतलिपुत्ते
 सुक्कंसि तणाकूडंसि अगणिकायं पक्खिवति २ अप्पाणां मुयति तत्थवि
 य से अगणिकाए विज्झाए, तते णं से तंतली एवं वयासी-
 सद्धेयं खलु भो समणा वयंति सद्धेयं खलु भो माहणा वयंति
 सद्धेयं खलु भो समणा माहणा वयति, अहं एगो असद्धेयं वयामि एवं

खलु अहं सह पुत्तेहिं अपुत्ते को मेऽदं सहहिस्सति ? सह मित्तेहिं
 अमित्ते को मेऽदं सहहिस्सति ? एवं अत्थेरां दारेरां दासेहिं परिजणोरां ७ ।
 एवं खलु तेयलिपुत्ते रां अ० कणागज्जणरां रत्ता अवज्झाणरां समाणोरां
 तेयलिपुत्ते तालपुडगे विसे आसगंसि पक्खित्ते सेविय णो कमति को मेयं
 सहहिस्सति ? तेतलिपुत्ते नीलुप्ल जाव खंधंसि ओहरिए तत्थविय
 से धारा ओपल्ला को मेदं सहहिस्सति ? तेतलिपुत्तस्स पासगं गीवाए बंधेत्ता
 जाव रज्जू छिन्ना को मेदं सहहिस्सति ? तेतलिपुत्ते महासिलयं जाव
 बंधित्ता अत्थाह जाव उदगंसि अप्पा मुक्के तत्थविय णं थाहे जाए को
 मेयं सहहिस्सति ? तेतलिपुत्ते सुक्कंसि तणाकूडे अग्गी विज्झाए को मेदं
 सहहिस्सति ? ओहतमणसंकप्पे जाव भियाइ ८ । तते रां से पोट्टिले देवे
 पोट्टिलारूवं विउव्वति २ तेतलिपुत्तस्स अदूरसामंते ठिच्चा एवं वयासी—हं
 भो ! तेतलिपुत्ता ! पुरतो पवाए पिट्ठो हत्थिभयं दुहओ अचक्खुफासे
 मज्जे सराणि वरिसयंति गामे, पलित्ते रन्ने भियाति रन्ने पलित्ते गामे भियाति,
 आउसो ! तेतलिपुत्ता ! कओ वयामो ? तते रां से तेतलिपुत्ते पोट्टिलं एवं
 वयासी—भीयस्स खलु भो ! पव्वजा सररां उक्कंट्टियस्स सहसगमरां
 छुहियस्स अन्नं तिसियस्स पारां आउरस्स भेसज्जं माइयस्स रहस्सं अभिजु-
 त्तस्स पच्चयकररां अद्धाणपरिसंतस्स वाहणागमरां तरिउकामस्स पवहरां
 किच्चं परं अभिओजितुकामस्स सहायकिच्चं खंतस्स दंतस्स जित्तिदियस्स
 एत्तो एगमवि ण भवति ९ । तते रां से पोट्टिले देवे तेयलिपुत्तं अमच्चं एवं
 वयासी—सुट्ठु २ रां तुमं तेतलिपुत्ता ! एयमट्ठं आयाणिहित्तिकट्ठु दोच्चंपि
 तच्चंपि एवं वयइ २ जामेव दिंसि पाउब्भूए तामेव दिंसि पडिगए १०
 ॥ सूत्रं १०८ ॥ तते रां तस्स तेयलिपुत्तस्स सुभेरां परिणामेरां जाइसरणे
 समुप्पन्ने, तते रां तस्स तेयलिपुत्तस्स अयमेयारूवे अब्भत्थिते ५ समुप्प-
 जिज्जा—एवं खलु अहं इहेव जंबुदीवे २ महाविदेहे वासे पोवखलावतीविजये

पोंडरीगिणीते रायहाणीए महापउमे नामं राया होत्था, तते रां अहं थेराणां
 अंतिए मुंडे भवित्ता जाव चोदस पुव्वातिं अहिजित्ता बहूणि वासाणि
 सामन्नपरियाए पालयित्ता मासियाए संलेहणाए महासुक्के कप्पे देवे, तते रां
 अहं ताओ देवलोयाओ आउवखएणां इहेव तेयलिपुरे तेयलिस्स अमच्चस्स
 भदाए भारियाए दारगत्ताए पच्चायाते, तं सेयं खलु मम पुव्वदिट्ठाइं महव्वयाइं
 सयमेव उवसंपज्जित्तारां विहरित्तए १ । एवं संपेहेति २ सयमेव महव्वयाइं
 आरुहेति २ जेगोव पमयवगो उज्जागो तेगोव उवागच्छति २ असोग-वरपा-
 यवस्स अहे पुढवि-सिला-पट्टयंसि सुहनिसन्नस्स अणुचित्तेमाणस्स पुव्वाहीयातिं
 सामाइय-मातियाइं चोदसपुव्वाइं सयमेव अभिसमन्नागयाइं २ । तते रां
 तस्स तेयलिपुत्तस्स अणुगारस्स सुभेरां परिणामेरां जाव तथावरणिज्जारां
 कम्मारां खओवसमेरां कम्मरय-विकरणकरं अपुव्वकरां पविट्टस्स केवलवर-
 णाणदंसगो समुप्पन्ने ३ ॥ सूत्रं १०१ ॥ तए रां तेतलिपुरे नगरे अहास-
 न्निहिण्हिं वाणमंतरेहिं देवेहिं देवीहि य देवदुंदुभीओ समाहयाओ दस-
 द्धवन्ने कुसुमे निवाइए, दिव्वे गांयगंधव्वनिवाए कए यावि होत्था १ । तते
 रां से कणगज्ज्भए राया इमीसे कहाए लद्धट्टे एवं वयासी-एवं खलु तेतलिं
 मए अवज्ज्भाते मुंडे भवित्ता पव्वतिते तं गच्छामि रां तेयलिपुत्तं अणुगारं
 वंदामि नमंसामि २ एयमट्टं विणएणां भुज्जो २ स्वामेमि, एवं संपेहेति २
 राहाए चाउरंगिणीए सेणाए जेगोव पमयवगो उज्जागो जेगोव तेतलिपुत्ते
 अणुगारे तेगोव उवागच्छति २ तेतलिपुत्तं अणुगारं वंदति नमंसति २
 एयमट्टं च विणएणां भुज्जो २ स्वामेइ नच्चासन्ने जाव पज्जुवासइ २ । तते
 रां से तेयलिपुत्ते अणुगारे कणगज्ज्भयस्स रत्तो तीसे य महइ० धम्मं
 परिकहेइ, तते रां से कणगज्ज्भए राया तेतलिपुत्तस्स केवलिस्स अंतिए
 धम्मं सोच्चा णिसम्म पंचाणुव्वइयं सत्तसिक्खावइयं सावगधम्मं पडिवज्जइ २
 समणोवासए जाते जाव अहिगय-जीवाजीवे ३ । तते रां तेतलिपुत्ते केवली

बहूणि वासाणि केवलिपरियागं पाउणिता जाव सिद्धे । एवं खलु जंबु !
समगोणं भगवया महावीरेणं चोदसमस्स नायज्भयणस्स अयमट्टे पन्नत्तेत्ति-
वेमि ४ ॥ सूत्रं ११० ॥ चउदसमं अज्भयणं समत्तं ॥

॥ इति चतुर्दशमध्ययनम् ॥ १४ ॥

॥ १५ ॥ अथ श्रीनन्दिफलाख्यं पञ्चदशमध्ययनम् ॥

जति णं भंते ! समगोणं जाव संपत्तेणं चोदसमस्स नायज्भयणस्स
अयमट्टे पराणत्ते, पन्नरसमस्स णं भंते ! नायज्भयणस्स समगोणं जाव
संपत्तेणं के अट्टे पन्नत्ते ?, एवं खलु जंबु ! तेषां कालेणां २ चंपा नाम
नयरी होत्था, पुन्नभहे चेइए जियसत्तू राया, तत्थ णं चंपाए नयरीए
धराणो णामं सत्थवाहे होत्था अट्टे जाव अपरिभूए, तीसे णं चंपाए नयरीए
उत्तरपुरच्छिमे दिसिभाए अहिच्छत्ता नाम नयरी होत्था, रिद्धत्थिमिय-
समिद्धा वन्नत्थो १ । तत्थ णं अहिच्छत्ताए नयरीए कणागकेउ नामं राया
होत्था, महया वन्नत्थो २ । तस्स धराणस्स सत्थवाहस्स अन्नदा कदाइ
पुव्वरत्तावरत्त-कालसमयंसि इमेयारूवे अब्भत्थिते चित्तिए पत्थिए मणोगए
संकप्पे समुप्पज्जित्था—सेयं खलु मम विपुलं पणियभंडमायाए अहिच्छत्तं
नगरं वाणिजाए गमित्तए, एवं संपेहेति २ गणिमं च ४ चउव्विहं भंडं
गेराहइ २ सगडीसागडं सज्जेइ २ सगडीसागडं भरेति २ कोडुंबियपुरिसे
सहावेति २ एवं वयासी—गच्छह णं तुब्भे देवाणुप्पिया ! चंपाए नगरीए
सिंघाडग जाव पहेसुं एवं खलु देवाणुप्पिया ! धराणो सत्थवाहे विपुले
पणियभंडयाए इच्छति अहिच्छत्तं नगरं वाणिजाए गमित्तते, तं जो णं
देवाणुप्पिया ! चरण वा चीरिए वा चम्मखंडिए वा भिच्छुं डे वा पंडुरगे
वा गोतमे वा गोवतीते वा गिहिधम्मे वा गिहिधम्मचित्तए वा अविच्छ-
विरुद्ध-बुद्ध-सावग-रत्तपड-निगंथप्पभित्ति-पासंडत्थे वा गिहत्थे वा तस्स णं

धराणोरां सद्धिं अहिच्छत्तं नगरिं गच्छइ तस्स गां धराणो अच्छत्तगस्स
 छत्तगं दलाइ अणुवाहणास्स उवाहणाउ दलयइ अकुडियस्स कुडियं दलयइ
 अपत्थयणास्स पत्थयणां दलयइ अपक्खेवगस्स पक्खेवं दलयइ अंतराऽविय
 से पडियस्स वा भग्गुरु(लु)ग्गस्स साहेज्जं दलयति सुहंसुहेणा य गां अहि-
 च्छत्तं संपावेतित्तिकट्टु दोच्चंपि तच्चंपि घोसेह २ मम एयमाणत्तियं
 पच्चप्पिणाह ३ । तते गां ते कोडुंबियपुरिसा जाव एवं वयासी-हंदि सुणांतु
 भगवंतो चंपानगरीवत्थव्वा बहवे चरगा य जाव पच्चप्पिणांति ४ । तते गां
 से कोडुंबिय-घोसणां सुच्चा चंपाए णयरीए बहवे चरगा य जाव गिहत्था
 य जेणोव धराणो सत्थवाहे तेणोव उवागच्छंति तते गां धराणो तेसिं चरगाणा
 य जाव गिहत्थाणा य अच्छत्तगस्स छत्तं दलयइ जाव पत्थयणां दलाति,
 गच्छइ गां तुब्भे देवाणुप्पिया ! चंपाए नयरीए बहिया अग्गुज्जाणांसि मम
 पडिवालेमाणा चिट्ठह ५ । तते गां चरगा य जाव गिहत्थाय धराणोणां
 सत्थवाहेणां एवं वुत्ता समाणा जाव चिट्ठंति, तते गां धराणो सत्थवाहे
 सोहणांसि तिहिकरणनक्खत्तंसि विपुलं असणां ४ उवक्खडावेइ २ ता
 मित्तनाई आमंतेति २ भोयणां भोयावेति २ आपुच्छति २ सगडीसागडं
 जोयावेति २ चंपानगरीओ निग्गच्छति णाइविप्पिगिट्ठे हिं अद्धाणोहिं
 वसमाणो २ सुहंदिं वसहिपायरासेहिं अंगं जणावयं मज्झंमज्झेणां जेणोव
 देसगमं तेणोव उवागच्छति २ सगडीसागडं मोयावेति २ सत्थणिवेसं करेति
 २ कोडुंबियपुरिसे सदावेति ३ एवं वयासी-तुब्भे गां देवाणुप्पिया ! मम
 सत्थनिवेसंसि महया २ सहेणं उग्घोसेमाणा २ एवं वदह-एवं खलु
 देवाणुप्पिया ! इमीसे आगामियाए छिन्नावायाए दीहमद्धाए अडवीए
 बहुमज्झदेसभाए बहवे णांदिफला नामं रुक्खा पन्नत्ता किराहा जाव पत्तिया
 पुप्फिया फलिया हरियरेरिज्जमाणा सिरीए अईव अतीव उवसोभेमाणा
 चिट्ठंति मणुराणा वन्नेणां ४ जाव मणुन्ना फासेणां मणुन्ना छायाए, तं जो

गां देवाणुष्पिया ! तेसिं नंदिफलाणां रुक्खाणां मूलाणि वा कंदाणि वा
 तथाणि वा पत्ताणि वा पुष्पाणि वा फलाणि वा बीयाणि वा हरियाणि वा
 आहारेति छायाए वा वीसमति तस्स गां आवाए भइए भवति ततो पच्छा
 परिणममाणा २ अकाले चैव जीवियातो ववरोवेति, तं मा गां देवाणुष्पिया !
 केइ तेसिं नंदिफलाणां मूलाणि वा जाव छायाए वा वीसमउ, मा गां
 सेऽवि अकाले चैव जीवियातो ववरोविज्जिस्सति, तुब्भे गां देवाणुष्पिया !
 अन्नेसिं रुक्खाणां मूलाणि य जाव हरियाणि य आहारेथ छायासु वीस-
 महत्ति घोसणां घोसेह जाव पच्चप्पिणांति ६ । तते गां धराणे सत्थवाहे
 सगंडीसागडं जोएति २ जेणेव नंदिफला रुक्खा तेणेव उवागच्छति २
 तेसिं नंदिफलाणां अदूरसामंते सत्थणिवेसं करेति २ दोच्चंपि तच्चंपि
 कोडु बियपुरिसे सहावेति २ एवं वयासी-तुब्भे गां देवाणुष्पिया ! मम
 सत्थनिवेसंसि महता सहे गां उग्घोसेमाणा २ एवं वयह-एए गां देवाणु-
 ष्पिया ! ते गांदिफला किण्हा जाव मणुन्ना छायाए तं जो गां देवाणुष्पिया !
 एएसिं गांदिफलाणां रुक्खाणां मूलाणि वा कंदाणि वा पुष्पाणि वा तथाणि वा
 पत्ताणि वा फलाणि वा जाव अकाले चैव जीवियाथो ववरोवेति, तं मा गां तुब्भे
 जाव दूरंदूरेणां परिहरमाणा वीसमह, मा गां अकाले जीवितातो ववरोविस्संति,
 अन्नेसिं रुक्खाणां मूलाणि य जाव वीसमहत्तिकट्टु घोसणां पच्चप्पिणांति
 ७ । तत्थ गां अत्थेगइया पुरिसा धराणस्स सत्थवाहस्स एयमट्टुं सहहंति
 जाव रोयंति एयमट्टुं सहहमाणा तेसिं नंदिफलाणां दूरंदूरेण परिहरमाणा २
 अन्नेसिं रुक्खाणां मूलाणि य जाव वीसमंति, तेसिं गां आवाए नो भइए
 भवति, ततो पच्छा परिणममाणा २ सुहरूवत्ताए ५ भुज्जो २ परिणमंति,
 एवामेव समणाउसो ! जो अम्हं निग्गंथो वा २ जाव पंचसु कामगुणोसु नो
 सज्जेति नो रज्जेति० से गां इह भवे चैव बहूणां समणाणां ४ अच्चणिज्जे०
 परलोए नो आगच्छति जाव वीतीवतिस्सति, तत्थ गां जे से अत्थेगतिया

पुरिसा धराणास्स एयमट्ठं नो सद्वहंति ३ धराणास्स एतमट्ठं असद्वहमाणा ३
जेणोव ते नंदिफला तेणोव उवागच्छंति २ तेसिं नंदिफलाणां मूलाणि
य जाव वीसमंति तेसिं गां आवाए भइए भवति ततो पच्छा परिणममाणा जाव
ववरोवेति ८ । एवामेव समणाउसो ! जो अम्हं निग्गंथो वा निग्गंथी वा
पव्वतिए पंचसु कामगुणोसु सज्जेति ३ जाव अणुपरियट्ठिस्सति जहा व ते
पुरिसा ९ । तते गां से धराणो सगडीसागडं जोयावेति २ जेणोव अहिच्छत्ता
नगरी तेणोव उवागच्छति २ अहिच्छत्ताए गायरीए बहिया अग्गुज्जाणे
सत्थनिवेसं करेति २ सगडीसागडं मोयावेइ, तए गां से धराणो सत्थवाहे महत्थं
३ रायरिहं पाहुडं गेराहइ २ बहुपुरिसेहिं सद्धिं संपरिवुडे अहिच्छत्तं नयरं
मज्झमज्जेणां अणुपविसइ जेणोव कणागकेऊ राया तेणोव उवागच्छति,
करयल जाव वद्धावेइ, तं महत्थं ३ पाहुडं उवणेइ १० । तए गां से
कणागकेऊ राया हट्टुट्टे धराणास्स सत्थवाहस्स तं महत्थं ३ जाव पडिच्छइ
२ धराणां सत्थवाहं सकारेइ सम्माणोइ २ उस्सुक्कं वियरति २ पडिविसज्जेइ
भंडविणिमयं करेइ २ पडिभंडं गेराहति २ सुहंसुहेणां जेणोव चंपानयरी
तेणोव उवागच्छति २ मित्तनाति-नियगसज्जा-संबंधिपरिजणो अभिसमन्नागते
विपुलाइं माणुस्सगाइं जाव विहरति ११ । तेणां कालेणां २ थेरागमणां
धराणो धम्मं सोच्चा जेट्टुपुत्तं कुडुंवे ठवेत्ता पव्वइए एकारस सामाइयाति
अंगतिं बहूणि वासाणि जाव मासियाए संलेहणाए अन्नतरेसु देवलोएसु
देवत्ताए उववन्ने, महाविदेहे वासे सिज्झिहिति जाव अंतं करेति १२ ।
एवं खलु जंबू ! समणेणां भगवथा महावीरेणां पन्नरसमस्स नायज्झयणास्स
अयमट्ठे पराणत्तेत्तिवेमि १३ ॥ सूत्रं १११ ॥ पन्नरसमं नायज्झयणां
समत्तं ॥

॥१६॥ अथ श्रीअपरकङ्काख्यं षोडशमध्ययनम् ॥

जति गां भंते ! समगोणं भगवया महावीरेण जाव संपत्तेणं पन्नरस-
मस्स नायज्भयणस्स अयमट्टे पन्नत्ते सोलसमस्स गां भंते ! गायज्भयणस्स
गां समगोणं भगवया महावीरेण जाव संपत्तेणं के अट्टे पराणत्ते ? एवं खलु
जंबू ! तेणं कालेणं २ चंपा नाम नयरी होत्था, तीसे गां चंपाए नयरीए
बहिया उत्तरपुरच्छिमे दिसिभाए सुभूमिभागे उज्जाणे होत्था, तत्थ गां
चंपाए नयरीए तत्रो माहणा भातरो परिवसंति, तंजहा-सोमे सोमदत्ते
सोमभूती, अट्टा जाव रिउब्बेद ४ जाव सुपरिनिट्टिया, तेसि गां माहणाणं
तत्रो भारियानो होत्था, तंजहा-नागसिरी भूयसिरी जक्खसिरी, सुकुमाल
जाव तेसि गां माहणाणं इट्टात्रो विपुले माणस्सए जाव विहरंति १ ।
तते गां तेसि माहणाणं अन्नया कयाई एगयत्रो समुवागयाणं जाव इमे-
यारूवे मिहो कहासमुल्लावे समुप्पज्जित्था, एवं खलु देवाणुप्पिया ! अहं इमे
विपुले धणे जाव सावतेज्जे अलाह जाव आसत्तमात्रो कुलवंसात्रो
पकामं दाउं पकामं भोत्तुं पकामं परिभाएउं, तं सेयं खलु अहं
देवाणुप्पिया ! अन्नमन्नस्स गिहेसु कल्लकल्लिं विपुलं असणां ४ उवक्खडेउं
२ परिभुंजमाणाणं विहरित्तए, अन्नमन्नस्स एयमट्टं पडिसुणोति, कल्ल-
कल्लिं अन्नमन्नस्स गिहेसु विपुणं असणां ४ उवक्खडावेति २ परिभुंजमाणा
विहरंति २ । तते गां तीसे नागसिरीए माहणीए अन्नदा भोयणावारए जाते
यावि होत्था, तते गां सा नागसिरी विपुलं असणां ४ उवक्खडेति २ एगं
महं सालतियं तित्तालाउत्थं बहुसंभारसंजुत्तं गोहावगाढं उवक्खडावेति,
एगं विंदुयं करयत्तंसि आसाएइ तं खारं कडुयं अक्खज्जं अभोज्जं
विसब्भूयं जाणित्ता एवं वयासी-धिरत्थु गां मम नागसिरीए अहन्नाए
अपुन्नाए दूभगाए दूभगसत्ताए दूभगणिबोलियाए जीए गां मए सालइए
बहुसंभारसंभिए नेहावगाढे उवक्खडिए सुबहुदब्बक्खणं, नेहक्खए य

कए, तं जति णं ममं जाउयाओ जाणिस्संति तो णं मम खिसिस्संति तं जाव ताव ममं जाउयाओ ण जाणांति ताव मम सेयं एयं सालतियं तित्तालाउ बहुसंभारणोहकयं एगंते गोवेत्तए अन्नं सालइयं महुरालाउयं जाव नेहावगाढं उवक्खडेत्तए, एवं संपेहेति २ तं सालतियं जाव गोवेइ, अन्नं सालतियं महुरालाउयं उवक्खडेइ, तेसिं माहणाणं गहायाणं जाव सुहासण-वरगयाणं तं विपुलं असणां ४ परिवेसेति ३ । तते णं ते माहणा जिमित-मुत्तुरागया समाणा आयंता चोक्खा परमसुइभूया सकम्मसंपउत्ता जाया यावि होत्था, तते णं ताओ माहणीओ गहायाओ जाव विभूसियाओ तं विपुलं असणां ४ आहारेंति २ जेणोव सयाइं २ गेहाइं तेणोव उवागच्छंति २ सककम्म-संपउत्तातो जायातो ४ ॥ सूत्रं ११२ ॥ तेणं कालेणं २ धम्मघोसा नाम थेरा जाव बहुपरिवारा जेणोव चंपा नामं नगरी जेणोव सुभूमिभागे उज्जाणे तेणोव उवागच्छति २ अहापडिरुवं जाव विहरंति, परिमा निग्गया, धम्मो कहियो, परिमा पडिगया १ । तए णं तेसिं धम्मघोसाणं थेराणां अंतेवासी धम्मरुई नाम अणगारे ओराले जाव ते-उलेस्से मासं मासेणां खममाणे विहरति २ । तते णं से धम्मरुई अणगारे मासखमण-पारणगंमि पट्माए पोरिसीए सज्झायं करेइ २ बीयाए पोरिसीए एवं जहा गोयमसामी तहेव उग्गाहेति २ तहेव धम्मघोसं थेरं आपुच्छइ जाव चंपाए नयरीए उच्चनीयमज्झिमकुलाइं जाव अडमाणे जेणोव नागमि-रीए माहणीए गिहे तेणोव अणुपविट्ठे ३ । तते णं सा नागसिरी माहणी धम्मरुइं एज्जमाणां पासति २ ता तस्स सालइयस्स तित्तकडुयस्स बहुसंभार-संजुत्तस्स गोहावगाढस्स निसिरणट्ठयाए हट्टुट्ठा उट्ठेति २ जेणोव भत्तघरे तेणोव उवागच्छति २ तं सालतियं तित्तकडुयं च बहुसंभारसंजुत्तं नेहावगाढं धम्मरुइस्स अणगारस्स पडिगहंसि सब्वमेव निसिरइ ४ । तते णं से धम्मरुई अणगारे अहापज्जत्तमितिकट्ठु णागसिरीए माहणीए गिहातो

पडिनिक्खमति २ चंपाए नगरीए मज्झमज्जेरां पडिनिक्खमति २ जेगोव सुभूमिभागे उज्जाणो तेगोव उवागच्छति २ जेगोव धम्मघोसा थेरा तेगोव उवागज्जइ २ धम्मघोसस्स अदूरसामंते अन्नपाणां पडिदंसेइ २ अन्नपाणां पडिलेहेइ २ अन्नपाणां करयलंसि पडिदंसेति ५ । तते णां ते धम्मघोसा थेरा तस्स सालाइतस्स नेहावगाढस्स गंधेणां अभिभूया समाणा ततो सालाइयातो नेहावगाढाओ एगं बिंदुगं गहाय करयलंसि आसादेति, तित्तगं खारं कडुयं अखज्जं अभोज्जं विसभूयं जाणित्ता धम्मरुइं अणगारं एवं वदासी-जति णां तुमं देवाणुप्पिया ! एयं सालइयं जाव नेहावगाढं आहारेसि तो णां तुमं अकाले चैव जीवितातो ववरोविज्जसि, तं मा णां तुमं देवाणुप्पिया ! इमं सालतियं जाव आहारेसि, मा णां तुमं अकाले चैव जीविताओ ववरोविज्जसि, तं गच्छ णां तुमं देवाणुप्पिया ! इमं सालतियं एगंतमणावाए अचित्ते थंडिले परिट्टवेहि २ अन्नं फासुयं एसणिज्जं असणां ४ पडिगाहेत्ता आहारं आहारेहि ६ । तते णां से धम्मरुइं अणगारे धम्मघोसेणां थेरेणां एवं बुत्ते समाणो धम्मघोसस्स थेरस्स अंतियाओ पडिनिक्खमति २ सुभूमिभाग-उज्जाणाओ अदूरसामंते थंडिल्लं पडिलेहेति २ ततो सालइयातो एगं बिंदुगं गहेइ २ थंडिलंसि निसिरति, तते णां तस्स सालतियस्स तित्तकडुयस्स बहुसंभारत्तंजुत्तस्स नेहावगाढस्स गंधेणां बहूणि पिपीलिगा-सहस्साणि पाउब्भूयाणि, जा जहा य णां पिपीलिका आहारेति सा तहा अकाले चैव जीवितातो ववरोविज्जति ७ । तते णां तस्स धम्मरुइस्स अणगा-रस्स इमेयारूवे अब्भत्थिए ५ समुप्पज्जित्था-जइ ताव इमस्स सालतियस्स जाव एगंमि बिंदुगंमि पक्खत्तंमि अणोगातिं पिपीलिका-सहस्साइं ववरोविज्जंति तं जति णां अहं एयं सालइयं थंडिल्लंसि सव्वं निसिरामि तते णां बहूणां पाणाणां ४ वहकरणां भविस्सति, तं सेयं खलु ममेयं सालइयं जाव गाढं मयमेव आहारेत्तए, मम चैव एएणां सरीरेणां णिज्जाउत्तिकट्टु एवं

सपेहेति २ मुहपोत्तियं २ पडिलेहेति २ ससीसोवरियं कायं पमज्जेति २ तं सालइयं तित्तकडुय बहुनेहावगाढं बिलमिव पन्नगभूतेरां अप्पागोरां सव्वं सरीरकोट्टं सि पक्खिवति ८ । तते णां तस्स धम्मरुइस्स तं सालइयं जाव नेहावगाढं आहारियस्स समाणस्स मुहुत्तंतरेणां परिणममाणंसि सरीरगंसि वेयणा पाउब्भूता उज्जला जाव दुरहियासा, तते णां से धम्मरुची अणगारे अथामे अबले अवीरिए अपुरिसकारपरकमे अधारणिज्जमित्तिकट्टु आयार-भंडगं एगंते ठवेइ २ थंडिल्लं पडिलेहेति २ दब्भसंधारगं संधारेइ २ दब्भसंधारगं दुरुहति २ पुरस्थाभिमुहे संपलियंकनिसन्ने करयलपरिग्गहियं एवं वयासी-नमोऽथु णां अरहंताणां जाव संपत्ताणां, णामोऽथु णां धम्म-घोसाणां थेराणां मम धम्मायरियाणां धम्मोवएसगाणां, पुब्बिपि णां मए धम्म-घोसाणां थेराणां अंतिए सव्वे पाणातिवाए पच्चक्खाए जावजीवाए जाव परिग्गहे, इयाणिपि णां अहं तेसिं चेव भगवंताणां अंतियं सव्वं पाणाति-पातं पच्चक्खामि जाव परिग्गहं पच्चक्खामि जावजीवाए, जहा खंदओ जाव चरिमेहिं उस्सासनीसासेहिं वोसिरामित्तिकट्टु आलोइय-पडिक्कंते समाहिपत्ते कालगए ९ । तते णां ते धम्मघोसा थेरा धम्मरुइं अणगारं चिरं गयं जाणित्ता समणे निग्गंथे सहावेति २ एवं वयासी-एवं खलु देवाणुप्पिया ! धम्मरुइस्स अणगारस्स मासखमण-पारणागंसि सालइयस्स जाव गाढस्स णिसिरणाट्टयाए बहिया निग्गते चिराति तं गच्छह णां तुब्भे देवाणुप्पिया ! धम्मरुइस्स अणगारस्स सव्वतो समंता मग्गण-गवेसरां करेह १० । तते णां ते समाणा निग्गंथा जाव पडिसुरोति २ धम्मघोसाणां थेराणां अंति-याओ पडिनिक्खमंति २ धम्मरुइस्स अणगारस्स सव्वओ समंता मग्गण-गवेसरां करेमाणा जेणोव थंडिल्लं तेणोव उवागच्छंति २ धम्मरुइस्स अणगारस्स सरीरगं निप्पाणां निच्चेट्टं जीवविप्पजढं पासंति २ हा हा अहो अकज्जमिति-कट्टु धम्मरुइस्स अणगारस्स परिनिव्वाणवत्तियं काउस्सगं करेति, धम्मरुइस्स

आचारभंडगं गेराहंति २ जेरोव धम्मघोसा थेरा तेरोव उवागच्छंति २ गमणागमणां
 पडिक्कमंति २ एवं वयासा—एवं खलु अम्हे तुब्भं अंतियाओ पडिनिक्खमामो २
 सुभूमिभागस्स उज्जाणाओ परिपेरंतेणं धम्मरुइस्स अणगारस्स सब्वं जाव करे-
 माणे जेरोव थंडिल्ले तेरोव उवागया २ जाव इहं हव्वमागया, तं कालगए णं
 भंते ! धम्मरुइ अणगारे इमे से आचारभंडए ११ । तते णं ते धम्मघोसा थेरा
 पुव्वगए उवओगं गच्छंति २ समणे निग्गंथे निग्गंथीओ य सहावेति २
 एवं वयासी—एवं खलु अजो ! मम अतेवासी धम्मरुची नाम अणगारे
 पगइभइए जाव विणीए मासंमासेणं अणिविक्खत्तेणं तवोकम्मेणं जाव नागसि-
 रीए माहणीए गिहे अणुपविट्ठे, तए णं सा नागसिरी माहणी जाव निसिरइ,
 तए णं से धम्मरुइ अणगारे अहापज्जत्तमितिकट्टु जाव कालं अणवकंखेमाणे
 विहरति, से णं धम्मरुइ अणगारे बहूणि वासाणि सामन्नपरियागं पाउणित्ता
 अलोइयपंडिक्कंते समाहिपत्ते कालमासे कालं किच्चा उड्डं सोहम्मजाव
 सब्वटठसिद्धे महाविमाणे देवत्ताए उववन्ने, तत्थ णं अजहरणमणुकोसेणं
 तेत्तीसं सागरोवमाइं ठिती पन्नत्ता, तत्थ धम्मरुइस्सवि देवस्स तेत्तीसं सागरो-
 वमाइं ठिती पणत्ता, से णं धम्मरुइ देवे ताओ देवलोगाओ जाव महाविदेहे
 वासे सिज्झिहिति १२ ॥ सूत्रं ११३ ॥ तं धिरत्थु णं अजो ! णागसिरीए
 माहणीए अधन्नाए अपुन्नाए जाव णिंबोलियाए जाए णं तहारूवे साहू
 धम्मरुइ अणगारे मासखमाण-पारणगंसि सालाइएणं जाव गाढेणं अकाले
 चेव जीवितातो ववरोविए १ । तते णं ते समणा निग्गंथा धम्मघोसाणं
 थेराणं अंतिए एतमट्टं सोच्चा णिसम्म चंपाए सिंघाडग-तिग जाव बहुजणास्स
 एवमातिक्खंति—धिरत्थु णं देवाणुप्पिया ! नागसिरीए माहणीए जाव णिंबो-
 लियाए जाए णं तहारूवे साहू साहूवे सालतिएणं जीवियाओ ववरोविए २ । तए
 णं तेसिं समणाणं अंतिए एयमट्टं सोच्चा णिसम्म बहुजणो अन्नमन्नस्स एवमाति-
 क्खति एवं भासति—धिरत्थु णं नागसिरीए माहणीए जाव जीवियाओ ववरो-

विते ३ । तते रां ते माहणा चंपाए नयरीए बहुजणस्स अंतिए एतमट्टं सोच्चा
निसम्म आसुरुत्ता जाव मिसिमिसेमाणा जेषोव नागसिरी माहणी तेणोव
उवागच्छंति २ णागसिरीं माहणीं एवं वदासी-हं भो ! नागसिरी !
अपत्थियपत्थिए दुरंतपंतलक्खणो हीणपुण्णचाउहसे धिरत्थु णं तव
अधन्नाए अपुन्नाए जाव णिंबोलियाते जाए रां तुमे तहारूवे साहू साहुरूवे
मासखमणपारणांसि सालतिएरां जाव ववरोविते, उच्चावएहि अकोसणाहिं
अकोसंति, उच्चावयाहिं उद्धंसणाहिं उद्धंसंति, उच्चावयाहिं णिंबत्थणाहिं
णिंबत्थंति, उच्चावयाहिं णिच्चोडणाहिं निच्चोडेंति तज्जेति तालेंति तज्जेत्ता
तालेत्ता सयातो गिहातो निच्छुभंति ४ । तते रां सा नागसिरी सयातो
गिहातो निच्छूदा समाणी चंपाए नगरीए सिंघाडग-तिय-चउक्क-चच्चर-चउम्मुह-
महापहपहेसु बहुजणोणं हीलिज्जमाणी खिसिज्जमाणी निंदिज्जमाणी गरहिज्ज-
माणी तज्जिज्जमाणी पव्वहिज्जमाणी धिकारिज्जमाणी थुकारिज्जमाणी कत्थइ
ठारां वा निलयं वा अलभमाणी २ दंडीखंडनिवसणा खंड-मलय-खंडघडग-
हत्यगया फुट्टह-डाहड-सीसा मच्छिया-चडगरेणं अनिज्जमाणमग्गा गेहंगेहेरां
देहंबलियाए वित्तिं कप्पेमाणी विहरति ५ । तते रां तीसे नागसिरीए
माहणीए तव्ववंसि चैव सोलस रोयायंका पाउब्भूया, तंजहा-सासे कासे
जोणिसूले जाव कादे, तए रां सा नागसिरी माहणी सोलसहिं रोयायं-
केहिं अभिभूता समाणी अट्टहुहट्टवसट्टा कालमासे कालं किच्चा छट्टीए
पुढवीए उक्कोसेणं बावीम सागरोवम-ट्टितीएसु नरएसु नेरइयत्ताते उववन्ना
६ । सा णं तत्रोष्णांतरंसि उव्वट्टित्ता मच्छेसु उववन्ना, तत्थ णं सत्थवज्झा
दाहवक्कंतिए कालमासे कालं किच्चा अहेसत्तमीए पुढवीए उक्कोसाए तित्तीसं
सागरोवम-ट्टितीएसु नेरइएसु उववन्ना, सा णं ततोष्णांतरं उव्वट्टित्ता दोच्चंपि
मच्छेसु उववज्जति, तत्थविय णं सत्थवज्झा दाहवक्कंतीए दोच्चंपि अहे सत्तमीए
पुढवीए उक्कोसं तेत्तीस-सागरोवम-ट्टितीएसु नेरइएसु उववज्जति, सा णं

तत्रोहितो जाव उव्वट्टित्ता तच्चंपि मच्छेसु उव्वन्ना, तत्थविय गां सत्थवज्झा जाव कालं किच्चा दोच्चंपि छट्ठीए पुढवीए उक्कोसेगां बावीस सागरोवमट्टितीएसु नेरइएसु उव्वज्जति, तत्रोऽज्ञांतरं उव्वट्टित्ता नरएसु एवं जहा गोसाले तहा नेयव्वं जाव रयण्णभाए सत्तसु उव्वन्ना, ततो उव्वट्टित्ता जाव इमाइं खहयर-विहाणाइं जाव अद्दुत्तरं च गां खर-वायर-पुढविकाइयत्ताते तेसु अणंगसतसहस्स खुत्तो ७ ॥ सूत्रं ११४ ॥ सा गां तत्रोऽज्ञांतरं उव्वट्टित्ता इहेव जंजुहीवे दीवे भारहे वासे चंपाए नयरीए सागरदत्तस्स सत्थवाहस्स भद्दाए भारियाए कुच्चिसि दारियत्ताए पञ्चायाया १ । तते गां सा भद्दा सत्थवाही णवराहं मासारां दारियं पयाया सुकुमालकोमलियं गयतालुयसमाणां, तीसे दारियाए निव्वत्ते वारसाहियाए अम्मापियरो इमं एतारूवं गोन्नं गुणनिफ्फन्नं नामधेज्जं करेति—जम्हा गां अम्हं एसा दारिया सुकुमाला गयतालुयसमाणा तं होउ गां अम्हं इमीसे दारियाए नामधेज्जे सुकुमालिया, तते गां तीसे दारियाए अम्मापितरो नामधेज्जं करेति सूमालियत्ति २ । तए गां सा सूमालिया दारिया पंचधाईपरिग्गहिया तंजहा—खीरधाईए जाव गिरिकंदरम-ल्लोणा इव चंपकलया निव्वाए निव्वाघायंसि जाव परिवड्ढइ, तते गां सा सूमालिया दारिया उम्मुक्कबालभावा जाव रूवेण य जोव्वणेण थ लावराणेण य उक्किट्ठा उक्किट्ठसरीरा जाता यावि होत्था ३ ॥ सूत्रं ११५ ॥

तत्थ गां चंपाए नयरीए जिणदत्ते नाम सत्थवाहे अट्ठे ०, तस्स गां जिणदत्तस्स भद्दा भारिया सूमाला इट्ठा जाव माणुस्सए कामभोए पञ्चणुव्व-वमाणा विहरती १ । तस्स गां जिणदत्तस्स पुत्ते भद्दाए भारियाए अत्तए सागरए नामं दारए सुकुमाले जाव सुखे २ । तते गां से जिणदत्ते सत्थवाहे अन्नदा कदाई सातो गिहातो पडिनिक्खमति २ सागरदत्तस्स गिहस्स अदूरसामंतेणां वीतीवयइ इमं च गां सूमालिया दारिया राहाया चंडियासंघपरिवुडा उप्पि आगासतलगंसि कणागतेंदूसएणां कीलमाणी २

विहरति ३ । तते गां से जिण्णदत्ते सत्थवाहे सूमालियं दारियं पासति २
सूमालियाए दारियाए रूवे य ३ जायविम्हए कोडुंबियपुरिसे सहावेति २
एवं वयासी-एस गां देवाणुप्पिया ! कस्स दारिया किं वा गांमधेज्जं से ?
तते गां ते कोडुंबियपुरिसा जिण्णदत्तेण सत्थवाहेगां एवं वुत्ता समाणा हट्ठ
करयल जाव एवं वयासी-एस गां देवाणुप्पिया ! सागरदत्तस्स सत्थवाहस्स
धूया भद्दाए अत्तया सूमालिया नाम दारिया सुकुमालपाणिपाया जाव उक्कि-
ट्ठा उक्किट्ठसरीरा जाता यावि होत्था ४ । तते गां से जिण्णदत्ते सत्थवाहे
तेसिं कोडुंबियाणां अंतिए एयमट्ठं सोच्चा जेणोव सए गिहे तेणोव उवा-
गच्छति २ गहाए जाव मित्तनाइपरिवुडे चंपाए नयरीए जेणोव सागर-
दत्तस्स गिहे तेणोव उवागच्छइ, तए गां सागरदत्ते सत्थवाहे जिण्णदत्तं
सत्थवाहं एज्जमाणं पासइ एज्जमाणं पासइत्ता आसणात्थो अब्भुट्ठेइ २ ता
आसणेणं उवणिमंतेति २ आसत्थं वीसत्थं सुहासणावरगयं एवं वयासी-भण
देवाणुप्पिया ! किमागमाण-पत्थोयगां ? ५ । तते गां से जिण्णदत्ते सत्थवाहे
सागरदत्तं सत्थवाहं एवं वयासी-एवं खलु अहं देवाणुप्पिया ! तव धूयं भद्दाए
अत्तियं सूमालियं सागरस्स भारियत्ताए वरेमि, जति गां जाणाह देवाणुप्पिया !
जुत्तं वा पत्तं वा सलाहणिज्जं वा सरिसो वा संजोगो ता दिज्जउ गां
सूमालिया सागरस्स, तते गां देवाणुप्पिया ! किं दलयामो सुकं
सूमालियाए ? तए गां से सागरदत्ते तं जिण्णदत्तं एवं वयासी-एवं खलु
देवाणुप्पिया ! सूमालिया दारिया मम एगा एगजाया इट्ठा जाव किमंग
पुण पासणायाए तं नो खलु अहं इच्छामि सूमालियाए दारियाए खणमवि
विप्पत्थोगं, तं जति गां देवाणुप्पिया ! सागरदारए मम घरजामाउए भवति
तो गां अहं सागरस्स दारगस्स सूमालियं दलयामि ६ । तते गां से जिण्णदत्ते
सत्थवाहे सागरदत्तेणं सत्थवाहेगां एवं वुत्ते समाणे जेणोव सए गिहे तेणोव
उवागच्छइ २ सागरदारगं सहावेति २ एवं वयासी-एवं खलु पुत्ता ! सागरदत्ते

सत्थवाहे मम एवं वयासी—एवं खलु देवाणुष्पिया । सूमालिया दारिया इट्टा तं चेव
तं जति णं सागरदारए मम घरजामाउए भवइ ता दलयामि, तते णं से सागरए
दारए जिणदत्तेणं सत्थवाहेणं एवं वुत्ते समाणे तुसिणीए ७ । तते णं
जिणदत्ते सत्थवाहे अन्नदा कदाइ सोहणंसि तिहिकरणे विउल्लं असणं ४
उवक्खडावेति २ मित्तणाइ-निययसजण-संबंधि-परिजणं आमंतेइ जाव
सम्माणित्ता सागरं दारगं गहायं जाव सव्वालंकारविभूसियं करेइ २ पुरिस-
सहस्सवाहिणिं सीयं दुरूहावेति २ मित्तणाइ जाव संपरिवुडे सव्विड्डीए
साओ गिहाओ निग्गच्छति २ चंपानयरिं मज्झमज्झेणं जेणोव सागरदत्तस्स
गिहे तेणोव उवागच्छति २ सीयाओ पच्चोरुहति २ सागरगं दारगं सागर-
दत्तस्स सत्थवाहस्स उवंगोति = । तते णं सागरदत्ते सत्थवाहे विपुलं असणं
४ उवक्खडावेइ २ जाव सम्माणित्ता सागरगं दारगं सूमालियाए दारियाए
सद्धिं पट्टयं दुरूहावेइ २ सेयापीतएहिं कलसेहिं मज्जावेति २ होमं करावेति
२ सागरं दारयं सूमालियाए दारियाए पाणिं गेगहाविति १ ॥ सूत्रं ११६ ॥
तते णं सागरदारए सूमालियाए दारियाए इमं एयारूवं पाणिफासं पडिसं-
वेदेति से जहा नाम ए असिपत्ते इ वा जाव मुम्मुरे इ वा इतो अणिट्टतराए
चेव पाणिफासं पडिसंवेदेति, तते णं से सागरए अकामए अवसव्वसे तं
मुहुत्तमित्तं संचिट्ठति, तते णं से सागरदत्ते सत्थवाहे सागरस्स दारगस्स
अम्मापियरो मित्तणाइ विउल्लं असणं ४ पुण्फवत्थ जाव सम्माणित्ता पडिवि-
सज्जति १ । तते णं सागरए दारए सूमालियाए सद्धिं जेणोव वासधरे
तेणोव उवागच्छति २ सूमालियाए दारियाए सद्धिं तलिगंसि निवज्जइ, तते
णं ते सागरए दारए सूमालियाए दारियाए इमं एयारूवं अंगफासं पडिसंवेदेति,
से जहा नामए असिपत्तेइ वा जाव अमणामयरागं चेव अंगफासं पच्चणुब्भ-
वमाणो विहरति, तते णं से सागरए अंगफासं असहमाणो अवसव्वसे
मुहुत्तमित्तं संचिट्ठति, तते णं से सागरदारए सूमालियं दारियं सुहपसुत्तं

जाणित्ता सूमालियाए दारियाए पासाउ उट्टेति २ जेणेव सए सयणिज्जे तेणेव उवागच्छति २ सयणोयंसि निवज्जइ २ । तते णं सूमालिया दारिया तत्रो मुहुत्तंतरस्स पडिबुद्धा समाणी पतिवया पइमणुरत्ता पतिं पासे अप-
 स्समाणी तलिमाउ उट्टेति २ जेणेव से सयणिज्जे तेणेव उवागच्छति २ सागरस्स पासे णुवज्जइ, तते णं से सागरदारए सूमालियाए दारियाए दुच्चंपि इमं एयारूवं अंगफासं पडिसंवेदेति जाव अकामए अवसव्वसे मुहत्तमित्तं संचिट्ठति, तते णं से सागरदारए सूमालियं दारियं सुहपसुत्तं जाणित्ता सयणिज्जात्रो उट्टेइ २ वासघरस्स दारं विहाडेति २ मारामुक्के विव काए जामेव दिसिं पाउञ्चूए तामेव दिसिं पडिगए ३ ॥ सूत्रं ११७ ॥
 तते णं सूमालिया दारिया ततो मुहुत्तंतरस्स पडिबुद्धा पतिवया जाव अयासमाणी सयणिज्जात्रो उट्टेति सागरस्स दारगस्स सव्वतो समंता मग्गणगवेसणं करेमाणी २ वासघरस्स दारं विहाडियं पासइ २ एवं वयासी-गए से सागरेत्तिकट्टु ओहयमणसंकप्पा जाव भियायइ १ । तते णं सा भद्दा सत्थवाही कल्लं पाउप्पभायाए दासचेडियं सद्दावेति २ एवं वयासी-गच्छह णं तुमं देवाणुप्पिए ! वहुवरस्स मुहसोहणियं उवणेहि, तते णं सा दासचेडी भद्दाए एवं बुत्ता समाणी एयमट्टं तहत्ति पडिसुणंति, मुहधोवणियं गेराहति २ जेणेव वासघरे तेणेव उवागच्छति २ सूमालियं दारियं जाव भियायमाणिं पासति २ एवं वयासी-किन्नं तुमं देवाणु-
 प्पिया ! ओहयमणसंकप्पा जाव भियाहिसि २ । तते णं सा सूमालिया दारिया तं दासचेडीयं एवं वयासी-एवं खलु देवाणुप्पिया ! सागरए दारए मम सुहपसुत्तं जाणित्ता मम पासात्रो उट्टेति २ वासघरदुवारं अवगुराडति जाव पडिगए, तते णं ततो अहं मुहुत्तंतरस्स जाव विहाडियं पासामि, गए णं से सागरएत्तिकट्टु ओहयमण जाव भियायामि ३ । तते णं सा दास-
 चेडी सूमालियाए दारियाए एयमट्टं सोच्चा जेणेव सागरदत्ते तेणेव उवा-

गच्छइ २ ता सागरदत्तस्स एयमट्टं निवेणइ, तते गां से सागरदत्ते दास-
चेडीए अंतिए एयमट्टं सोच्चा निसम्म आसुरुत्ते जेणोव जिणदत्तसत्थवाह-
गिहे तेणोव उवागच्छति २ जिणदत्तसत्थवाहं एवं वयासी-किराणां देवाणु-
प्पिया ! एवं जुत्तं वा पत्तं वा कुलाणुरूवं वा कुलसरिसं वा जन्नं सागर-
दारए सूमालियं दारियं अदिट्टदोसं पइवयं विप्पजहाय इहमागत्थो बहूहि
खिज्जणियाहि य रुंठणियाहि य उवालभति ४ । तए गां जिणदत्ते सागरद-
त्तस्स एयमट्टं सोच्चा जेणोव सागरए दारए तेणोव उवागच्छति २ सागरयं
दारयं एवं वयासी-दुट्टु गां पुत्ता ! तुमे कयं सागरदत्तस्स गिहात्थो इहं
हव्वमागतै, तेणं तं गच्छइ गां तुमं पुत्ता ! एवमवि गते सागरदत्तस्स गिहे,
तते गां से सागरए जिणदत्तं एवं वयासी-अवि याति अहं तात्थो ! गिरि-
पडगां वा तरुपडगां वा मरुप्पवायं वा जलप्पवेसं वा विसभक्खणां वा वेहा-
णासं वा सत्थोवाडगां वा गिद्धापिट्टं वा पव्वज्जं वा विदेसगमणां वा
अव्भुवगच्छिज्जामि नो खलु अहं सागरदत्तस्स गिहं गच्छिज्जा ५ । तते
गां से सागरदत्ते सत्थवाहे कुट्टंतरिए सागरस्स एयमट्टं निसामेति २
लज्जिए विलीए विडडे जिणदत्तस्स गिहातो पडिनिक्खमइ जेणोव सए
गिहे तेणोव उवागच्छति २ सुकुमालियं दारियं सहावेइ २ अंके निवेसेइ
२ एवं वयासी-किराणां तव पुत्ता ! सागरएणां दारएणां मुक्का ?, अहं गां
तुमं तस्स दाहामि जस्स गां तुमं इट्ठा जाव मणाभा भविस्ससिच्चि सूमालियं
दारियं ताहि इट्ठाहि वग्गूहि समासासेइ २ पडिविसज्जेइ ६ । तए गां से
सागरदत्ते सत्थवाहे अन्नया उप्पि आगासतलगंसि सुहनिसराणो रायमग्गं
ओलोएमाणो २ चिट्ठति, तते गां से सागरदत्ते एगं महं दमगपुरिसं पासइ
दंडिसंढ-निवसणां खंडग-मल्लग-घडग-हत्थगयं मच्छिया-सहस्सेहि जाव
अन्निज्जमाणमग्गं ७ । तते गां से सागरदत्ते कोडुं बियपुरिसे सहावेति २
एवं वयासी-तुब्भे गां देवाणुप्पिया ! एयं दमगपुरिसं विउलेणं असणा

पाणसाइम-साइमेणं पलोभेहि २ गिहं अणुप्पवेसेह २ खंडगमल्लगं
 खंडघडगं ते एगंते एडेह २ अलंकारियकम्मं कारेह २ राहायं कयबलि-
 कम्मं जाव सव्वालंकार-विभूसियं करेह २ मणुणणं असणं ४
 भोयावेह २ मम अंतियं उवणेह, तए णं कोडुं वियपुरिसा जाव पडिसुणोति
 २ जेणेव से दमगपुरिसे तेणेव उवागच्छति २ चा तं दमगं असणं उवप्प-
 लोभेति २ चा सयं गिहं अणुपवेसिंति २ तं खंडगमल्लगं खंडगघडगं च तस्स
 दमगपुरिसस्स एगंते एडंति = । तते णं से दमगे तं खंडमल्लगंसि खंडघडगंसि
 य एगंते एडिज्जमाणांसि महया २ सहेणं आरसति, तए णं से सागरदत्ते
 तस्स दमगपुरिसस्स तं महया २ आरसिसयसद्दं सोच्चा निसम्म
 कोडुं वियपुरिसे एवं वयासी-किराणं देवाणुप्पिया ! एस दमगपुरिसे
 महया २ सहेणं आरसति ? तते णं कोडुं वियपुरिसा एवं वयासी-
 एस णं सामी ! तंसि खंडमल्लगंसि खंडघडगंसि एगंते एडिज्जामाणांसि
 महया २ सहेणं आरसइ १ । तते णं से सागरदत्ते सत्थवाहे ते कोडुं विय-
 पुरिसे एवं वयासी-मा णं तुब्भे देवाणुप्पिया ! एयस्स दमगस्स तं खंड
 जाव एडेह पासे ठ्वेह जहा णं पत्तियं भवति, तेवि तहेव ठ्वेति, तए णं
 ते कोडुं वियपुरिसा तस्स दमगस्स अलंकारियकम्मं करेति २ सयपाग-
 सहस्सपागेहिं तिल्लेहिं अब्भंगेति अब्भंगिए समाणे सुरभिगंधुव्वट्टुणेणं
 गायं उव्वट्टिति २ उसिणोदग-गंधोदएणं सीतोदगेणं राहाणेति पम्हल-
 सुकुमाल-गंध-कासाईए गायइं लूहंति २ हंसलवस्वणं पट्ट(पडग)साडगं
 परिहंति २ सव्वालंकार-विभूसियं करेति २ विउल्लं असणं ४ भोयावेति २
 सागरदत्तस्स उवणेन्ति, तए णं सागरदत्ते सूमालियं दारियं राहायं जाव
 सव्वालंकारभूसियं करित्ता तं दमगपुरिसं एवं वयासी-एस णं देवाणु-
 प्पिया ! मम धूया इट्टा एयं णं अहं तव भारियत्ताए दलामि भदियाए भदतो
 भविज्जासि १० । तते णं से दमगपुरिसे सागरदत्तस्स एयमट्टं पडिसुणोति
 २५

२ सूमालियाए दारियाए सद्धि वासघरं अणुपविसति सूमालियाए दारियाए सद्धि तलिगंसि निवज्जइ, तते णं से दमगपुरिसे सूमालियाए इमं एयारुवं अंगफासं पडिसंवेदेति, सेसं जहा सागरस्स जाव सयणिज्जाओ अब्भु(पच्चु)-ट्टेति २ वासघराओ निग्गच्छति २ खंडमल्लगं खंडघडं च गहाय मारामुक्के विव काए जामेव दिसि पाउब्भूए तामेव दिसि पडिगए, तते णं सा सूमालिया जाव गए णं से दमगपुरिसेत्तिकट्टु ओहयमाण जाव भियायति ११ ॥ सूत्रं ११८ ॥ तते णं सा भद्दा कल्लं पाउप्पभायाए दासवेडि सहावेति २ एवं वयासी-जाव सागरदत्तस्स एयमट्टं निवेदेति, तते णं से सागरदत्ते तहेव संभंते समाणे जेणेव वासहरे तेणेव उवागच्छति २ सूमालियं दारियं अंकं निवेसेति २ एवं वयासी-अहो णं तुमं पुत्ता ! पुरापोराणेणं जाव पच्चणुभवमाणी विहरसि तं मा णं तुमं पुत्ता ! ओहयमाण जाव भियाहि तुमं णं पुत्ता ! मम महाणसंसि विपुलं असणं ४ जहा पुट्टिला जाव परिभाएमाणी विहराहि, तते णं सा सूमालिया दारिया एयमट्टं पडिसुणेति २ महाणसंसि विपुलं असणं जाव दलमाणी दवावेमाणी विहरइ १ । तेणं कालेणं २ गोवालियाओ अजाओ बहुस्सु-याओ एवं जहेव तेयलिणाए सुव्वयाओ तहेव समोसड्ढाओ तहेव संघाडओ जाव अणुपविट्टे तहेव जाव सूमालिया पडिलाभित्ता एवं वदासी-एवं खलु अजाओ ! अहं सागरस्स अणिट्टा जाव अमणामा नेच्छइ णं सागरए मम नामं वा जाव परिभोगं वा, जस्स २ विय णं दिज्जामि तस्स २ विय णं अणिट्टा जाव अमणामा भवामि, तुब्भे य णं अजाओ ! बहुनायाओ एवं जहा पुट्टिला जाव उवलद्धे जे णं अहं सागरस्स दारगस्स इट्टा कंता जाव भवेज्जामि, अजाओ ! तहेव भणंति तहेव साविया जाया तहेव चित्ता तहेव सागरदत्तं सत्थवाहं आपुच्छति जाव गोवालियाणं अंतिए पव्वइया २ । तते णं सा सूमालिया अजा जाया ईरियासमिया जाव बंभयारिणी

तए गां से दूए गहाते जाव अलंकार-विभूसिए सरीरे चाउग्घंटं
 आसरहं दुरुहइ २ बहुहिं पुरिसेहिं सन्नद्ध जाव गहियाऽऽउहपहरगोहिं
 सद्धिं संपरिबुडे कंपिल्लपुरं नगरं मज्झंमज्झेणां निग्गच्छति, पंचालजणाव-
 यस्स मज्झंमज्झेणां जेणोव देसप्पंते तेणोव उवागच्छइ, सुरट्टाजणावयस्स
 मज्झंमज्झेणां जेणोव वारवती नगरी तेणोव उवागच्छइ २ वारवइं नगरिं
 मज्झंमज्झेणां अणुपविसइ २ जेणोव कराहस्स वासुदेवस्स बाहिरिया उवट्टा-
 णासाला तेणोव उवागच्छइ २ ता चाउग्घंटं आसरहं ठवेइ २ रहाओ
 पचोरुहति २ मणुस्स-वग्गुरा-परिक्खित्ते पायचार-विहारचारेणां जेणोव कराहे
 वासुदेव तेणोव उवागच्छति २ कराहं वासुदेवं समुहविजय-पामुक्खे य दस
 दसारे जाव बलवग-साहस्सीओ करयल तं चेव जाव समोसरह २ । तते
 गां से कराहे वासुदेवे तस्स दूयस्स अंतिए एयमट्टं सोच्चा निसम्म हट्ट जाव
 हियए तं दूयं सकारेइ सम्माणेइ २ पडिविसज्जेइ ३ । तए गां से कराहे
 वासुदेवे कोडुं बियपुरिसं सहावेइ २ एवं वयासी-गच्छाहि गां तुमं देवाणु-
 प्पिया ! सभाए सुहम्माए सामुदाइयं भेरिं तालेहि, तए गां से कोडुं बिय-
 पुरिसे करयल जाव कराहस्स वासुदेवस्स एयमट्टं पडिसुणोति २ जेणोव
 सभाए सुहम्माए सामुदाइया भेरी तेणोव उवागच्छइ २ सामुदाइयं भेरिं
 महया २ सहे गां तालेइ, तए गां ताए सामुदाइयाए भेरीए तालियाए
 समाणीए समुहविजयपामोक्खा दस दसारा जाव महसेणापामुक्खाओ
 छप्पराणां बलवगसाहस्सीओ गहाया जाव विभूसिया जहा विभव-इद्धि-
 सकार-समुदएणां अप्पेगइया हयगया जाव पायविहारचारेणां जेणोव कराहे
 वासुदेव तेणोव उवागच्छति २ करयल जाव कराहं वासुदेवं जएणां
 विजएणां वद्धावेति, तए गां से कराहे वासुदेवे कोडुं बियपुरिसे सहावेति २
 एवं वयासी-खिप्पामेव भो ! देवाणुप्पिया ! अभिसेक्कं हत्थिरयणां
 पडिकप्पेह हयगय जाव पच्चप्पिणांति ४ । तते गां से कराहे वासुदेवे जेणोव

मज्जगाधरे तेणोव उवागच्छति २ समुत्तजालाकुलाभिरामे जाव अंजणागिरि-
कूडसन्निभं गयवरं नरवई दुरूढे, तते णां से कराहे वासुदेवे समुहविजय-
पामुक्खेहिं दसहिं दसारेहिं जाव अणांगसेणा-पामुक्खेहिं अणोगाहिं गणिया-
साहस्सीहिं सद्धिं संपरिवुडे सव्विड्डीए जाव रवेणां बारवइनयरिं मज्जं-
मज्जेणां निग्गच्छइ २ सुरट्टाजणावयस्स मज्जंमज्जेणां जेणोव देसप्यंते
तेणोव उवागच्छइ २ पंचालजणावयस्स मज्जंमज्जेणां जेणोव कंपिल्लपुरे
नयरे तेणोव पहारेत्थगमणाए ५ । तए णां से दुए राया दोच्चं दूयं
सहावेइ २ एवं वयासी-गच्छ णां तुमं देवाणुप्पिया ! हत्थिणाउरं नगरं
तत्थ णां तुमं पंडुरायं सपुत्तयं जुहिद्विल्लं भीमसेणां अज्जुणां नउलं सहदेवं
दुज्जोहणां भाइसय-समगं गंगेयं विदुरं दोणां जयइहं सउणां कीवं आस-
त्थामं करयल जाव कट्टु तहेव समोसरह, तए णां से दूए एवं वयासी-
जहा वासुदेवे नवरं भेरा नत्थि जाव जेणोव कंपिल्लपुरे नयरे तेणोव
पहारेत्थ गमणाए २, ६ । एणोव कमेणां तच्चं दूयं चंपानयरिं, तत्थ णां
तुमं कराहं अंगरायं सेल्लं नंदिरायं करयल तहेव जाव समोसरह, चउत्थं
दूयं सुत्तिमइं नयरिं, तत्थ णां तुमं सिसुपालं दमघोससुयं पंचभाइसयसंप-
रिवुडं करयल तहेव जाव समोसरह, पंचमगं दूयं हत्थसीसनयरं, तत्थ णां
तुमं दमदंतं रायं करयल तहेव जाव समोसरह, छट्ठं दूयं महुरं नयरिं,
तत्थ णां तुमं धरं रायं करयल जाव समोसरह, सत्तमं दूयं रायगिहं नगरं,
तत्थ णां तुमं सहदेवं जरासिंधुसुयं करयल जाव समोसरह, अट्ठमं दूयं
कोडिराणां नयरं, तत्थ णां तुमं रूपिं भेसगसुयं करयल तहेव जाव समो-
सरह, नवमं दूयं विराडनयरं तत्थ णां तुमं कियगं भाउसयसमगं करयल
जाव समोसरह, दसमं दूयं अवसेसेसु य गामागर-नगरेसु अणोगाइं राय-
सहस्साइं जाव समोसरह ७ । तए णां से दूए तहेव निग्गच्छइ जेणोव
गामागर जाव समोसरह । तए णां ताइं अणोगाइं रायसहस्साइं तस्स

द्वयस्स अंतिए एयमट्टं सोच्चा निसम्म हट्टुत्तुट्टाइं तं दूयं सक्कारेति २ सम्माणंति २ पडिविसज्जिति ७ । तए णां ते वासुदेवपामुक्खा बहवे रायसहस्सा पत्तेयं २ गहाया सन्नद्ध-हत्थिखंध-वरगया ह्यगयरह-पवर-जोह-कलियाए महया भड-चडगर-रह-पहकर० सएहिं २ नगरेहितो अभिनिगच्छंति २ जेगोव पंचाले जणवए तेगोव पहारेत्थ गमणाए = ॥ सूत्रं १२३ ॥ तए णां से दुवए राया कोडुंबियपुरिसे सहावेइ २ एवं वयासी-गच्छह णां तुमं देवाणुप्पिया ! कंपिल्लपुरे नयरे बहिया गंगाए महानदीए अदूरसामंते एगं महं सयंवरमंडवं करेह अणोगखंभसयसन्नविट्टं लीलट्टियसालभंजिआगं जाव पच्चप्पिणांति १ । तए णां से दुवए राया कोडुंबियपुरिसे सहावेइ २ एवं वयासी-खिप्पामेव भो देवाणुप्पिया ! वासुदेव-पामुक्खाणां बहूणां राय-सहस्साणां आवासे करेह तेवि करेत्ता पच्चप्पिणांति २ । तए णां दुवए वासु-देवपामुक्खाणां बहूणां रायसहस्साणां आगमं जाणोत्ता पत्तेयं २ हत्थिखंध जाव परिवुडे अग्घं च पज्जं च गहाय सव्विड्ढिए कंपिल्लपुराओ निगच्छइ २ जेगोव ते वासुदेवपामुक्खा बहवे रायसहस्सा तेगोव उवागच्छइ २ ताइं वासुदेवपामुक्खाइं अग्घेण य पज्जेण य सक्कारेति सम्माणेइ २ तेसिं वासुदेवपामुक्खाणां पत्तेयं २ आवासे वियरति ३ । तए णां ते वासुदेव-पामोक्खा जेगोव सथा २ आवासा तेगोव उवागच्छंति २ हत्थिखंधाहितो पच्चोरु-हंति २ पत्तेयं खंधावारनिवेसं करेति २ सए २ आवासे अणुपविसंति २ सएसु २ आवासेसु आसणोसु य सयणोसु य सन्निसन्ना य संतुयट्टा य बहूहि गंधव्वेहि य नाडएहि य उवगिज्जमाणा य उवणच्चिज्जमाणा य विहरंति ४ । तते णां से दुवए राया कंपिल्लपुरं नगरं अणुपविसति २ विउलं असणां ४ उवक्खडावेइ २ कोडुंबियपुरिसे सहावेइ २ एवं वयासी-गच्छह णां तुम्भे देवाणुप्पिया ! विउलं असणां ४ सुरं च मज्जं च मंसं च सीधुं च पसराणां च सुबहु-पुप्फ-वत्थ-गंध-मल्लालंकारं च वासुदेवपामो-

क्खाणं रायसहस्साणं आवासेसु साहरह, तेवि साहरंति, तते णं ते वासुदेव-
 पामुक्खा तं विपुलं असणं ४ जाव पसन्नं च आसाएमाणा ४ विहरंति,
 जिमिय-भुत्तुरागयाविय णं समाणा आयंता जाव सुहासणवरगया बहूहि
 गंधवेहिं जाव विहरंति ५ । तते णं से दुवए राया पुवावरगह-कालसम-
 यंसि कोडुं बियपुरिसे सहावेइ २ ता एवं वयासी-गच्छह णं तुमे देवाणु-
 प्पिया ! कंफिल्लपुरे संघाडग जाव पहे वासुदेवपामुक्खाण य रायसहस्साणं
 आवासेसु हत्थिखंधवरगया महया २ सहेणं जाव उग्घोसेमाणा २ एवं
 वदह-एवं खलु देवाणुप्पिया ! कल्लं पाउप्पभायाए दुवयस्स रराणो धूयाए
 चुलणीए देवीए अत्तयाए धट्टज्जुराणस्स भगिणीए दोवईए रायवरकराणाए
 सयंवरे भविस्सइ, तं तुब्भे णं देवाणुप्पिया ! दुवयं रायाणं अणुगिराहेमाणा
 राहाया जाव विभूसिया हत्थिखंधवरगया सकोरंटमल्लदामेणं छत्तेणं धरि-
 ज्जमाणेणं सेयवरचामराहिं उद्धुवमाणीहिं हयगयरह-पवरजोह-कलियाए
 चाउरंगिणीए सेनाए सद्धिं संपरिवुडा महया भडचरगरेणं जाव परिविखत्ता
 जेणोव सयंवरामंडवे तेणोव उवागच्छति २ पत्तेयं नामकेसु आसणेसु निसीयह २
 दोवइं रायकराणं पड्डिवालेमाणा २ चिट्ठह, घोसणं घोसेह २ मम एयमाणत्तियं
 पच्चप्पिणाह, तए णं तं कोडुं बिया तहेव जाव पच्चप्पिणांति ६ । तए णं से दुवए
 राया कोडुं बियपुरिसे सहावेइ २ एवं वयासी-गच्छइ णं तुब्भे देवाणुप्पिया !
 सयंवरमंडपं आसिय-संमज्जि-ओवलित्तं सुगंधवरगंधियं पंचवराण-पुष्फ-पुंजो-
 वयार-कलियं कालागरु-पवरकुंदुरुक्क-तुरुक्क जाव गंधवट्टिभूयं मंचाइमंच-
 कलियं करेह २ वासुदेवपामुक्खाणं बहूणं रायसहस्साणं पत्तेयं २ नाम-
 काइं आसणाइं अत्थुयपच्चत्थुयाइं रएह २ एयमाणत्तियं पच्चप्पिणाह, तेवि
 जाव पच्चप्पिणांति ७ । तते णं ते वासुदेवपामुक्खा बहवे रायसहस्सा
 कल्लं पाउप्पभायाए राहाया जाव विभूसिया हत्थिखंधवरगया सकोरंट-
 मल्लदामेणं छत्तेणं धरिज्जमाणेणं सेयवरचामराहिं हयगय जाव परिवुडा

सन्विष्टीए जाव रवेणां जेगोव सयंवरं तेगोव उवागच्छति २ अणुपविसंति
 २ पत्तेयं २ नामंकेसु निसीर्यति दोवइं रायवरकराणां पडिवालेमाणा चिट्ठंति
 ८ । तए णां से पंडुए राया कल्लं गहाए जाव विभूसिए हत्थिखंधवरगए
 सकोरंट-मल्लदामेसां छत्तेणां धरिज्जमाणेणां सेयवरचामरहिं उद्धुव्वमाणीहिं
 हयगय-रहपवरजोहकलियाए चाउरंगिणीए सेणाए सद्धिं संपरिडुडे
 कंपिल्लपुरं मज्झमभेणां निग्गच्छंति जेगोव सयंवरामंडवे जेगोव वासुदेवपा-
 मुक्खा बहवे रायसहस्सा तेगोव उवागच्छति २ तेसिं वासुदेवपामुक्खाणां
 करयल जाव वद्धावेत्ता करहस्स वासुदेवस्स सेयवरचामरं गहाय उववीय-
 माणे चिट्ठति ९ ॥ सूत्रं १२४ ॥ तए णां सा दोवई रायवरकन्ना जेगोव
 जिणाघरे तेगोव उवागच्छइ २ ता जिणापडिमाणं अच्चणां करेई (जेगोव मज्जाघरे
 तेगोव उवागच्छइ २ गहाया कयबलिकम्मा कयकोउयमंगलपायच्छित्ता
 सुद्धप्पावेसाइं मंगलाइं वत्थाइं पवर परिहिया मज्जाघरात्थो पडिनिक्खमइ २
 जेगोव जिणाघरे तेगोव उवागच्छइ २ जिणाघरं अणुपविसइ २ जिणापडि-
 माणां आलोए पणामं करेइ २ लोमहत्थयं परामुसइ एवं जहा सूरियाभो
 जिणापडिमात्थो अच्चेइ २ तहेव भाणियव्वं जाव धूवं डहइ) २ वामं जाणां
 अच्चेति दाहिणां जाणां धरणियलंसि णिवेसेति २ तिक्खुत्तो मुद्धाणां धर-
 णियलंसि नमेइ २ ईसिं पच्चुराणामति करयल जाव कट्ठु एवं वयासी-
 नमोऽथु णां अरिहंताणां भगवंताणां जाव संपत्ताणां वंदइ नमंसइ २ जिणा-
 घरात्थो पडिनिक्खमति २ जेगोव अंतेउरे तेगोव उवागच्छइ ॥सूत्रं १२५॥

तते णां तं दोवइं रायवरकन्नं अंतेउरियात्थो सव्वालंकार-विभूसियं
 करेति किं ते ? वरपायपत्तणेउरा जाव चेडिया-चक्कवाल-मयहरगविंद-परि-
 खित्ता अंतेउरात्थो पडिणिक्खमति २ जेगोव बाहिरिया उवट्ठाणासाला
 जेगोव चाउग्घंटे आसरहे तेगोव उवागच्छति २ किड्ढावियाए लेहियाए
 सद्धिं चाउग्घंटे आसरहं दुरूहति, तते णां से धट्टुज्जुणे कुमारे दोवतीए

कराणाए सारत्थं करेति, तते णं सा दोवती रायवरकराणा कंपिल्लपुरं नयरं मज्झमज्जेणं जेणोव सयंवरमंडवे तेणोव उवागच्छति २ रहं ठ्वेति रहाओ पचोरुहति २ किड्ढावियाए लेहियाए य सद्धि सयंवरं मंडपं अणु-पविसति करयल जाव तेसिं वासुदेवपामुक्खाणां बहूणां रायवरसहस्साणां पणांमं करेति १ । तते णं सा दोवती रायवरकन्ना एगं महं सिरिदामगंडं, किं ते ? पाडलमल्लियचंपय जाव सत्तच्छयाईहिं गंधद्धणिं मुयंतं परमसुहफासं दरिसणिज्जं गिराहति, तते णं सा किड्ढाविया जाव सुरूवा जाव वामहत्थेणां चिल्ललगदप्पणां गहेऊणा सललियं दप्पणासंकंतबिबं संदंसिए य से दाहिरोगां हत्थेणां दरिसिए पवररायसीहे फुड-विसय-विसुद्ध-रिभिय-गंभीर-मडुरभणिया सा तेसिं सव्वेसिं पत्थिवाणां अम्मापिऊणां वंस-सत्त-सामत्थ-गोत्त-विवकंति-कंति-बहुविह-आगम-माहप्प-रूव-जोव्वणा-गुणा-लावराणा-कुल-सील-जाणिया कित्ताणं करेइ २ । पढमं ताव वरिहपुंगवाणां दसदसार-वीरपुरिसाणां तेलोक-बलवगाणां सत्तुसय-सहस्समाणावमद्दगाणां भवसिद्धि-पवरपुंडरीयाणां चिल्ल-लगाणां बल-वाारेय-रूव-जोव्वणा-गुणां-लावन्न-कित्तिया कित्ताणं करेति, ततो पुणो उग्गसेणाभाईणां जायवारां, भणाति य-सोहग्गरूवकलिए वरेहि वरपुरिसगंधहत्थीणां ३ । जो हु ते होइ हिययदइओ, तते णं सा दोवई रायवरकन्नागा बहूणां रायवर-सहस्साणां मज्झमज्जेणां समतिच्छमाणी २ पुव्वकय-णियाणोणां चोइज्जमाणां २ जेणोव पंच पंडवा तेणोव उवागच्छति २ ते पंचपंडवे तेणां दसद्धवरणोणां कुसुमदाणोणां आवेदिय-परिवेदियं करेति २ ता एवं वयासी-एए णं मए पंच पंडवा वरिया, तते णं तेसिं वासुदेव-पामोक्खाणां बहूणि रायसहस्साणि महया २ सद्देणां उग्घोसेमाणा २ एवं वयंति-सुवरियं खलु भो ! दोवइए रायवरकन्नाए २ त्तिकट्टु सयंवर-मंडवाओ पडिनिक्खमंति २ जेणोव सया २ आवासा तेणोव उवागच्छंति, तते णं धट्टज्जुराणो कुमारे पंच पंडवे दोवति रायवरकराणा च चाउग्घंटं

आसरहं दुरूहति २ ता कंपिल्लपुरं मज्झमभेणां जाव सयं भवणां अणुपविसति
 ४ । तते णां दुवए राया पंच पंडवे दोवइं रायवरकरणां पट्टयं दुरूहेति २
 सेयापीएहिं कलसेहिं मज्जावेति २ अग्गिहामं कारवेति पंचराहं पंडवाणां
 दोवतीए य पाणिग्गहणां करावेइ, तते णां से दुवए राया दोवतीए रायवरकरणा-
 याए इमं एयारूवं पीतिदाणां दलयती, तंजहा—अट्ट हिरराणाकोडीओ जाव
 अट्ट पेसणाकारीओ दासचेडीओ, अराणां च विपुलं धणाकरणां जाव दलयति,
 तते णां दुवए राया ताइं वासुदेवपामोक्खाइं विपुलेणां असणा ४ वत्थगंध
 जाव पडिविसज्जेति ५ ॥ सूत्रं १२६ ॥ तते णां से पंडू राया तेसिं
 वासुदेवपामोक्खाणां बहूणां रायसहस्साणां करयल जाव एवं वयासी—एवं
 खलु देवाणुप्पिया ! हत्थिणाउरे नयरे पंचराहं पंडवाणां दोवतीए य देवीए
 कल्लाणाकरे भविस्सति तं तुब्भे णां देवाणुप्पिया ! ममं अणुगिराहमाणा
 अकाल-परिहीणां (अकालए) समोसरह, तते णां वासुदेवपामोक्खा पत्तेयं
 २ जाव पहारेत्थ गमणाए १ । तते णां से पंडुराया कोडुंबियपुरिसे सहावेइ
 २ एवं वयासी—गच्छह णां तुब्भे देवाणुप्पिया ! हत्थिणाउरे पंचराहं
 पंडवाणां पंच पासायवडिसए कारेह अब्भुग्गयभूसिय वराणाओ जाव पडिरूवे
 २ । तते णां ते कोडुंबियपुरिसा पडिसुरोति जाव करावेति, तते णां से
 पंडुए पंचहिं पंडवेहिं दोवईए देवीए सद्धिं हयगय-संपरिवुडे कंपिल्लपुराओ
 पडिनिक्खमइ २ जेणोव हत्थिणाउरे तेणोव उवागए ३ । तते णां से पंडुराया
 तेसिं वासुदेवपामोक्खाणां आगमणां जाणित्ता कोडुंबियपुरिसे सहावेइ
 २ एवं वयासी—गच्छह णां तुब्भे देवाणुप्पिया ! हत्थिणाउरस्स नयरस्स
 बहिया वासुदेवपामोक्खाणां बहूणां रायसहस्साणां आवासे कारेह अणोग-
 खंभसय तहेव जाव पच्चप्पिणांति ४ । तते णां ते वासुदेवपामोक्खा बहवे
 रायसहस्सा जेणोव हत्थिणाउरे तेणोव उवागच्छन्ति, तते णां से पंडुराया
 तेसिं वासुदेवपामोक्खाणां आगमणां जाणित्ता हट्टुट्टे राहाए कयबलिकम्भे

जहा दुपए जाव जहारिहं आवासे दलयति, तते गां ते वासुदेवपामुक्खा बहवे रायसहस्सा जेगोव सयाइं २ आवासाइं तेगोव उवागच्छंति तहेव जाव विहरंति ५ । तते गां से पडुराया हत्थिणाउरं गायरं अणुपविसति २ कोडुंबियपुरिसे सदावेति २ एवं वयासी-तुब्भे गां देवाणुप्पिया ! विउलं असणां ४ तहेव जाव उवणोति, तते गां ते वासुदेवपामोक्खा बहवे राया राहाया कयबलिकम्मा तं विपुलं असणां ४ तहेव जाव विहरंति, तते गां से पंडुराया पंच पंडवे दोवतिं च देविं पट्टयं दुरूहेति २ सीयापीएहिं कलसेहिं राहावेति २ कल्लाणकारं करेति २ ते वासुदेवपामोक्खे बहवे रायसहस्से विपुलेगां असणा ४ पुप्फवत्थेगां सक्कारेति समाणेति जाव पडिविसज्जेति, तते गां ताइं वासुदेवपामोक्खाइं बहुहिं जाव पडिगयाति ॥ सूत्रं १२७ ॥ तते गां ते पंच पंडवा दोवतीए देवीए सद्धिं अंतो अंतेउर-परियाल सद्धिं कल्ला-कल्लिं वारंवारेगां ओरालाति भोगभोगाइं जाव विहरति १ । तते गां से पंडू राया अन्नया कयाई पंचहिं पंडवेहिं कौंतीए देवीए दोवतीए देवीए य सद्धिं अंतो अंतेउरपरियाल सद्धिं संपरिबुडे सीहासण-वरगते यावि विहरति २ । इमं च गां कच्छुल्लणारए दंसणेगां अइभइए विणीए अंतो २ य कलुसहियए मज्झत्थोवत्थिए य अल्लीण-सोम-पियदंसणे सुरूवे अमइल-सगल-परिहिए कालमिय-चम्म-उत्तरासंग-रइयवत्थे(च्छे) दराड-कमराडलु-हत्थे जंडामउड-दित्तसिए जन्नोवइय-गणेत्तिय-मुंजमेहल-वागलधरे हत्थकय-कच्छभीए पियगंधवे धरणि-गोयर-प्पहाणे संवरणावरणा-ओवयणा-उप्पयणिलेसणीसु य संकामणि-अभिओग-पराणात्ति-गमणी-थंभणीसु य बहुसु विजाहरीसु विज्जासु विस्सुयजसे इट्टे रामस्स य केसवस्स य पज्जुन्न-पईव-संव-अनिरुद्ध-णिसढ-उम्मुय-साराणागय-सुमुह-दुम्मुहातीणा जायवाणां अद्धुट्टाणा कुमारकोडीणां हिययदइए संथवए कलह-जुद्ध-कोलाहलप्पिए भंडणाभिलासी बहुसु य समर-सय-संपराएसु दंसणारए समंतओ कलहं सदक्खिणां अणुगवेसमाणो

असमाहिकरे दसार-वरवीर-पुरिस-तिलोक-बलवगाणां आमंतेऊण तं भगवतीं
 एक(संका)मणिं गगणा-गमणादच्छं उप्पइत्थो गगणा-मभिलंघयंतो गामागर-
 नगर-खेड-कब्बड-मडंब-दोगामुह-पट्टणा-संवा(वा)हसहस्समंडियं थिमियमेइणीतलं
 वसुहं ओलोइंतो रम्मं हत्थिणाउरं उवागए पंडुरायभवणांसि अइवेगेण समो-
 वइए ३ । तते गां से पंडुराया कच्छुल्ल-नारयं एज्जमाणां पासति २ पंचहिं
 पंडवेहिं कुंतीए य देवीए सद्धिं आसणातो अब्भुट्टेति २ कच्छुल्लनारयं
 सत्तट्टुपयाइं पच्चुग्गच्छइ २ तिक्खुत्तो आयाहिणा-पयाहिणां करेति २ वंदति
 णमंमति महरिहेणां आसणेणां उवणिमंतेति, तते गां से कच्छुल्लनारए
 उदग-परिफोसियाए दब्भोवरिपच्चत्थुयाए भिसियाए णिसीयति २ पंडुरायं
 रज्जे जाव अंतेउरे य कुसलोदंतं पुच्छइ, तते गां से पंडुराया कौंतीदेवी
 पंच य पंडवा कच्छुल्लणारयं आदंति जाव पज्जुवासंति, तए गां सा दोवई
 कच्छुल्लनारयं अस्संजयं अविरयं अपडिहय-पच्चक्खाय-पावकम्मंतिकट्टु नो
 आदाति नो परियाणइ नो अब्भुट्टेति नो पज्जुवासति ४ ॥ सूत्रं १२८ ॥
 तते गां तस्स कच्छुल्ल-णारयस्स इमेयारूवे अब्भत्थिर चित्तिए पत्थिए मणो-
 गए संकप्पे समुप्पज्जित्था-अहो गां दोवती देवी रूवेणां जाव लावराणेण य
 पंचहिं पंडवेहिं अणुवद्धा समाणी ममं णो आदाति जाव नो पज्जुवासइ,
 तं सेयं खलु मम दोवतीए देवीए विप्पियं करित्तएत्तिकट्टु एवं संपेहेति २
 पंडुरायं आपुच्छइ २ उप्पयणिं विज्जं आवाहेति २ ताए उक्किट्टाए जाव
 विजाहरगईए लवणासमुहं मज्जंमज्जेणां पुरत्थाभिमुहे वीइवतिउं पयत्ते यावि
 होत्था १ । तेणां कालेणां तेणां समएणां धायइसंडे दीवे पुरत्थिमद्ध-दाहिणाइ-
 भरहवासे अवरकंका णामं रायहाणी होत्था, तते गां अमरकंकाए
 रायहाणीए पउमणाभे णामं राया होत्था महया हिमवंत० वराणाओ,
 तस्स गां पउमनाभस्स रत्तो सत्त देवीसयाति ओरोहे होत्था, तस्स
 गां पउमनाभस्स रराणो सुनाभे नामं पुत्ते जुवराया यावि होत्था, तते गां से

पउमणाभे राया अंतो अंतेउरंसि ओरोहसंपरिबुडे सिंहासणावरगए विहरति,
 २ । तए गां से कच्छुल्लगारए जेगोव अमरकंका रायहाणी जेगोव पउमना-
 हस्स भवगो तेगोव उवागच्छति २ पउमनाभस्स रत्तो भवगांसि भक्ति वेगेणं
 समोवइए, तते गां से पउमनाभे राया कच्छुल्लं नारयं एज्जमाणं पासति २
 आसणातो अब्भुट्टेति २ अग्घेणं जाव आसणेणं उवाणिमंतेति ३ । तए
 गां से कच्छुल्लनारए उदय-परिफोसियाए दब्भोवरि-पच्चथुयाते भिसियाए
 निसीयइ जाव कुसलोदंतं आपुच्छइ, तते गां से पउमनाभे राया शियग-
 ओरोहे जायविम्हए कच्छुल्लगारयं एवं वयासी-तुब्भं देवाणुप्पिया ! बहूणि
 गामाणि जाव गेहाति अणुप्रावससि, तं अत्थि याइं ते कहिं च देवाणुप्पिया !
 एरिसए ओरोहे दिट्ठपुब्बे जारिसए गां मम ओरोहे ? ४ । तते गां से कच्छु-
 ल्लनारए पउमनाभेणं रत्ता एवं बुत्ते समाणे ईसिं विहसियं करेइ २ एवं
 वयासी-सरिसे गां तुमं पउमणाभा ! तस्स अगडदददुरस्स, के गां देवाणु-
 प्पिया ! से अगडदददुरे ?, एवं जहा मल्लिणाए एवं खलु देवाणुप्पिया !
 जंबुदीवे २ भारहे वासे हत्थिणाउरे दुपयस्स रराणो धूया चूलणीए देवीए
 अत्तया पंडुस्स सुराहा पंचगहं पंडवाणं भारिया दोवती देवी रूवेणा य जाव
 उक्किट्ठसरीरा दोवईए गां देवीए छिन्नस्सवि पायंगुट्ठयस्स अयं तव ओरोहे
 सतिमं पि कलं गा अग्घतित्तिकट्ठ, पउमणाभं आपुच्छति २ जाव पांडगए २,
 ५ । तते गां से पउमनाभे राया कच्छुल्लनारयस्स अंतिए एयमट्ठं सोच्चा
 णिसम्म दोवतीए देवीए रूवे य ३ मुच्छिए ४ दोवईए अज्जभोववन्ने जेगोव
 पोसहसाला तेगोव उवागच्छति २ पोसहसालं जाव पुब्बसंगतियं देवं एवं
 वयासी-एवं खलु देवाणुप्पिया ! जंबुदीवे २ भारहे वासे हत्थिणाउरे जाव
 सरीरा तं इच्छामि गां देवाणुप्पिया ! दोवतीं देवीं इहमाणियं, तते गां
 पुब्बसंगतिए देवे पउमनाभं एवं वयासी-नो खलु देवाणुप्पिया ! एयं भूयं
 वा भव्वं वा भविस्सं वा जराणं दोवती देवी पंच पंडवे मोत्तूणा अन्नेणं पुरिसेणं

सद्धिं औरालातिं जाव विहरिस्सति, तहाविय गां अहं तव पियट्टतयाए
 दोवतीं देविं इहं हव्वमाणोभित्तिकट्टु पउमणाभं आपुच्छइ २ ताए उक्किट्ठाए
 जाव लवणासमुद्दं मज्झंमज्झेणां जेणोव हत्थिणाउरे णायरे तेणोव पहारेत्थ
 गमणाए ६ । तेणां कालेणां २ हत्थिणाउरे जुहिट्ठिल्ले राया दोवतीए सद्धिं
 उप्पिं आगासतलंसि सुहपसुत्ते यावि होत्था, तए गां से पुव्वसंगतिए देवे
 जेणोव जुहिट्ठिल्ले राया जेणोव दोवती देवी तेणोव उवागच्छति २ दोवतीए
 देवीए असोवणियं दलयइ २ दोवतिं देविं गिराहइ २ ताए उक्किट्ठाए जाव
 जेणोव अमरकंका जेणोव पउमणाभस्स भवणे तेणोव उवागच्छति २ पउम-
 णाभस्स भवणांसि असोगवणियाए दोवतिं देवीं ठवेइ २ असोवणिं अवहरति
 २ जेणोव पउमणाभे तेणोव उवागच्छति २ एवं वयासी-एस गां देवाणुप्पिया !
 मए हत्थिणाउराओ दोवती इह हव्वमाणीया तव असोगवणियाए चिट्ठति,
 अतो परं तुमं जाणसित्तिकट्टु जामेव दिसिं पाउब्भूए तामेव दिसिं
 पडिगए ७ । तते गां सा दोवई देवी ततो मुहुत्तंतरस्स पडिबुद्धा समाणी तं
 भवणां असोगवणियं च अपच्चभिजाणमाणी एवं वयासी-नो खलु अम्हं एसे
 सए भवणे, णो खलु एसा अम्हं समा असोगवणिया, तं णा णज्जति गां
 अहं केणई देवेण वा दाणवेण वा किंपुरिसेण वा किन्नरेण वा महोरगेण
 वा गंधवेण वा अन्नस्स रराणो असोगवणियं साहरियत्तिकट्टु ओहयमणा-
 संकप्पा जाव भियायति = । तते गां से पउमणाभे राया गहाए जाव सब्वा-
 लंकारभूसिए अंतेउर-परियाल-संपरिबुडे जेणोव असोगवणिया जेणोव
 दोवती देवी तेणोव उवागच्छति २ दोवतीं देवीं ओहय-मणासंकप्पां जाव
 भियायमाणीं पासति २ ता एवं वयासी-किराणां तुमं देवाणुप्पिया ! ओहय
 जाव भियाहि ?, एवं खलु तुमं देवाणुप्पिया ! मम पुव्वसंगतिएणां देवेणां
 जंबुहीवाओ २ भारहाओ वासाओ हत्थिणापुराओ नयराओ जुहिट्ठिल्लस्स
 रराणो भवणाओ साहरिया तं मा गां तुमं देवाणुप्पिया ! ओहयमणासंकप्पा

जाव भियाहि, तुमं मए सद्धिं विपुलाइं भोगभोगाइं भुंजमाणी विहराहि
 १ । तते गां सा दोवती देवी पउमणाभं एवं वयासी-एवं खलु देवाणु-
 प्पिया ! जंबुद्वीवे २ भारहे वासे बारवतिए णयरीए कराहे गां वासुदेवे
 ममप्पियभाउए परिवसति, तं जति गां से ङ्गहं मासाणं ममं कूवं नो हव्व-
 मामच्छइ तते गां अहं देवाणुप्पिया ! जं तुमं पदसि तस्स आणा-ओवाय-
 वयण-णिहेसे चिट्ठिस्सामि, तते गां से पउमे दोवतीए एयमट्ठं पडिसुणेत्ता २
 दोवतिं देविं कराणतेउरे उवेति, तते गां सा दोवती देवी छट्ठं छट्ठेगां अनि-
 क्खित्तेणां आयंविण-परिग्गहिणां तवोकम्मणां अप्पाणं भावेमाणी विहरति १०
 ॥ सूत्रं १२६ ॥ तते गां मे जुहुट्ठिल्ले राया तथो मुहुत्तंतरस्स पडिबुद्धे
 समाणो दोवतिं देविं पासे अपासमाणो सयणिज्जाथो उट्ठेइ २ ता दोवतीए
 देवीए सब्बथो समंता मग्गणगवेसणां करेइ २ ता दोवतीए देवीए कत्थइ
 सुइं वा खुइं वा पवत्तिं वा अलममाणो जेणोव पंडुराया तेणोव उवागच्छति
 २ ता पंडुरायं एवं वयासी-एवं खलु ताथो ! ममं आगासतलगंसि पसु-
 त्तस्स पासातो दोवती देवी गां गाज्जति केणाइ देवेण वा दाणावेण वा
 किन्नरेण वा महोरगेण वा गंधवेण वा हिया वा णीया वा अवक्खित्ता
 वा ?, इच्छामि गां ताथो ! दोवतीए देवीए सब्बतो समंता मग्गणगवेसणां
 कयं १ । तते गां से पंडुराया कोडुंविपुल्लिसे सहावेइ २ एवं वयासी-
 गच्छह गां तुब्भे देवाणुप्पिया ! हत्थिणाउरे नयरे सिघाडग-तिय-चउक्क-
 चच्चर-महापहपहेसु महया २ सहेगां उग्गोसेमाणा २ एवं वयासी-एवं खलु
 देवाणुप्पिया ! जुहिट्ठिल्लस्स राणो आगासतलगंसि सुहपसुत्तस्स पासातो
 दोवती देवी गां गाज्जति केणाइ देवेण वा दाणावेण वा किपुल्लिसेण वा
 किन्नरेण वा महोरगेण वा गंधवेण वा हिया वा नीया वा अवक्खित्ता
 वा, तं जो गां देवाणुप्पिया ! दोवतीए देवीए सुतिं वा जाव पवत्तिं वा
 परिकहेति तस्स गां पंडुराया विउलं अत्थसंपयाणं दाणं दलयतित्तिक्कट्ठ

घोसगां घोसावेह २ एयमाणत्तियं पञ्चपिणाह २ । तते गां ते कोडुंबियपुरिसा
जाव पञ्चपिणांति, तत्ते गां से पंडू राया दोवतीए देवीए कत्थति सुई वा
जाव अलभमाणे कौतीं देवीं सदावेति २ एवं वयासी-गच्छह गां तुमं
देवाणुप्पिया ! बारवतिं गायरिं कराहस्स वासुदेवस्स एयमट्ठं शिवेदेहि,
कराहे गां परं वासुदेवे दोवतीए मग्गागवेसगां करेजा, अन्नहा न नज्जइ
दोवतीए देवीए सुतीं वा खुतीं वा पवतीं वा उवलभेजा ३ । तते गां सा
कौती देवी पंडुराणा एवं बुत्ता समाणी जाव पड्डिसुगोइ २ राहाया कयव-
लिकम्मा हत्थिखंधवरगया हत्थिणाउरं मज्झमज्जेगां शिग्गच्छइ २ कुरुजण-
वयं मज्झमज्जेगां जेगोव सुरट्टजणावए जेगोव बारवती गायरी जेगोव अग्गु-
जाणे तेगोव उवागच्छति २ हत्थिखंधाओ पच्चोरुहति २ कोडुंबियपुरिसे सदावेइ
२ एवं वयासी-गच्छह गां तुब्भे देवाणुप्पिया ! जेगोव बारवई गायरिं
बारवतिं गायरिं अणुपविसह २ कराहं वासुदेवं करयल जाव एवं वयह-एवं खलु
सामी ! तुब्भं पिउच्छा कौती देवी हत्थिणाउराओ नयराओ इह हव्वमागया
तुब्भं दंसगां कंसति, तते गां ते कोडुंबियपुरिसा जाव कहेंति ४ । तते गां
कराहे वासुदेवे कोडुंबियपुरिसागां अंतिए सोच्चा शिसम्म हत्थिखंधवरगए
हयगय बारवतीए य मज्झमज्जेगां जेगोव कौती देवी तेगोव उवागच्छति २
हत्थिखंधातो पच्चोरुहति २ कौतीए देवीए पायग्गहगां करेति २ कौतीए
देवीए सद्धिं हत्थिखंधं दुरुहति २ बारवतीए गायरीए मज्झमज्जेगां जेगोव
सए गिहे तेगोव उवागच्छति २ सयं गिहं अणुपविसति ५ । तते गां से
कराहे वासुदेवे कौतीं देविं राहायं कयवलिकम्मं जिमिय-भुत्तुरागयं जाव
सुहासणावरगयं एवं वयासी-संदिसउं प्पिउच्छा ! किमागमणपओयगां ?,
तते गां सा कौती देवी कराहं वासुदेवं एवं वयासी-एवं खलु पुत्ता ! हत्थि-
णाउरे गायरे जुहिट्टिलस्स आगासतले सुहपसुत्तस्स पासाओ दोवती देवी
ण णज्जति केणइ अवहिया जाव अवक्खित्ता वा, तं इच्छामि गां पुत्ता !

दोवतीए देवीए मग्गागवेसणं कयं ६ । तते णं से कराहे वासुदेवे कोतीं पिउच्छिं एवं वयासी-जं णवरं पिउच्छा । दोवतीए देवीए कच्छइ सुइं वा जाव लभामि तो णं अहं पायालाओ वा भवणाओ वा अद्धभरहाओ वा समंतओ दोवतिं साहत्थि उवगोमित्तिकट्टु कोतीं पिउत्थि(च्छिं) सकारेति सम्माणोति जाव षड्विसज्जेति, तते णं सा कोती देवी कराहेणं वासुदेवेणं षड्विसज्जिया समाणी जामेव दिसिं पाउब्भूया तामेव दिसिं षड्विगया ७ । तते णं से कराहे वासुदेवे कोडंबियपुरिसे सद्दावेइ २ एवं वयासी-गच्छह णं तुब्भे देवाणुप्पिया ! बारवति एवं जहा पंडू तथा घोसणं घोसावेति जाव पच्चप्पिणंति, पंडुस्स जहा, तते णं से कराहे वासुदेवे अन्नया अंतो अंतेउ-रगए ओरोहे जाव विहरति, इमं च णं कच्छुल्लए जाव समोवइए जाव णिसीइत्ता कराहं वासुदेवं कुसलोदंतं पुच्छइ = । तते णं से कराहे वासुदेवे कच्छुल्लं एवं वयासी-तुमं णं देवाणुप्पिया ! बद्धाणि गामा जाव अणुपवि-ससि, तं अत्थि याइं ते कहिंवि दोवतीए देवीए सुती वा जाव उवलद्धा ?, तते णं से कच्छुल्ले कराहं वासुदेवं एवं वयासी-एवं खलु देवाणुप्पिया ! अन्नया धायतीसंडे दीवे पुरत्थिमद्धं दाहिणाडु-भरहवासं अवरकंका-रायहाणि गए, तत्थ णं मए पउमनाभस्स रन्नो भवणांसि दोवती देवीं जारिसिया दिट्ठपुब्बा यावि होत्था, तते णं कराहे वासुदेवे कच्छुल्लं एवं वयासी-तुब्भं चए णं देवाणुप्पिया ! एवं पुव्वकम्मं, तते णं से कच्छुल्लनारए कराहेणं वासुदेवेणं एवं वुत्ते समाणे उप्पयणि विज्जं आवाहेति २ जामेव दिसिं पाउब्भूए तामेव दिसिं षड्विगए ६ । तते णं से कराहे वासुदेवे इयं सद्दावेइ २ एवं वयासी-गच्छह णं तुमं देवाणुप्पिया ! हत्थिणाउरं पंडुस्स रन्नो एयमट्ठं निवेदेहि-एवं खलु देवाणुप्पिया ! धायइसंडे दीवे पुरिच्छमद्धे अवरकंकाए रायहाणीए पउमणाभ-भवणांसि दोवतीए देवीए पउत्ती उवलद्धा, तं गच्छंतु पंच पंडवा चाउरंगिणीए सेणाए सद्धिं संपरिवुडा पुरत्थिमवेयालीए

मम पडिवालेमाणा चिट्ठं तु, तते गां से दूए जाव भणति, पडिवालेमाणा चिट्ठह, तेवि जाव चिट्ठंति, तते गां से कराहे वासुदेवे कोडुं वियपुरिसे सहावेइ २ ता एवं वयासी-गच्छह गां तुब्भे देवाणुप्पिया ! सन्नाहियं भेरिं ताडेह, तेवि तालेंति, तते गां तीसे सरणाहियाए भेरीए सहं सोच्चा समुद्दविजय-पामोक्खा दसदसारा जाव छप्पराणां बलवयसाहस्सीओ सन्नद्ध-वद्ध जाव गहियाउहपहरणा अप्पेगतिथा हयगपा गयगया जाव वग्गुरापरि-क्खित्ता जेणोव सभा सुधम्मा जेणोव कराहे वासुदेवे तेणोव उवागच्छति २ करयल जाव वद्धावेति १० । तते गां कराहे वासुदेवे हत्थिस्वंधवरगाए सकोरेंट-मल्लदामेणां छत्तेणां धरिज्जमाणेणां सेयवर-चामराहिं उद्धुव्वमाणीहिं हयगयरह-पवरजोह-कलियाए चाउरंगिणीए सेणाए सद्धिं संपरिबुडे महया भड-चडगर-पहकरेणां बारवती गायरी मज्झंमज्झेणां गिग्गच्छति, जेणोव पुरत्थिमवेयाली तेणोव उवागच्छति २ पंचहिं पंडवेहिं सद्धिं एगयओ मिलइ २ खंधावारणिवेसं करेति २ पोसहसालं अणुपविसति २ सुट्ठियं देवं मणसि करेमाणो २ चिट्ठति, तते गां कराहस्स वासुदेवस्स अट्ठमभत्तंसि परिणममाणंसि सुट्ठियो आगतो, भण देवाणुप्पिया ! जं मए कायव्वं ११ । तते गां से कराहे वासुदेवे सुट्ठियं एवं वयासी-एवं खलु देवाणुप्पिया ! दोवती देवी जाव पउमनाभस्स भवणंसि साहरिया तराणां तुमं देवाणुप्पिया । मम पंचहिं पंडवेहिं सद्धिं अप्पच्छट्ठस्स छरहं रहाणां लवणासमुद्दे मग्गं वियरेहि, जराणां अहं अमरकंकारायहाणीं दोवतीए कूवं गच्छामि १२ । तते गां से सुट्ठिए देवे कराहं वासुदेवं एवं वयासी-कराहं देवाणुप्पिया ! जहा चेव पउमणाभस्स रत्तो पुव्वसंगतिणां देवेणां दोवती जाव संहरिया तथा चेव दोवतिं देविं धायती-संडाओ दीवाओ भारहाओ जाव हत्थिणापुरं साहरामि, उदाहु पउमणांभं रायं सपुरबलवाहणां लवणासमुद्दे पक्खिवामि ?, तते गां कराहे वासुदेवे सुट्ठियं देवं एवं वयासी-मा गां तुमं देवाणुप्पिया !

जाव साहराहि तुमं गां देवाणुप्पिया ! लवणसमुद्दे अप्पुत्तुस्स इराहं
 रहाणं मग्गं वियराहि, सयमेव गां अहं दोवतीए कूवं गच्छामि १३ । तए
 गां से सुट्टिए देवे कराहं वासुदेवं एवं वयासी-एवं होउ, पंचहिं पंडवेहिं
 सद्धिं अप्पुत्तुस्स इराहं रहाणं लवणसमुद्दे मग्गं वितरति, तते गां से
 कराहे वासुदेवे चाउरंगिणीसेणां पडिविसज्जेति २ पंचहिं पंडवेहिं सद्धिं
 अप्पुत्तुस्स इहिं रहेहिं लवणसमुद्दं मज्झंमज्जेणां वीतीवयति २ जेणोव
 अमरकंका रायहाणी जेणोव अमरकंकाए अग्गुज्जाणो तेणोव उवागच्छइ २
 रहं ठ्वेइ २ दारुयं सारहिं सहावेति एवं वयासी-गच्छह गां तुमं देवाणु-
 प्पिया ! अमरकंकारायहाणीं अणुपविसाहि २ पउमणाभस्स रराणो वामेणां
 पाएणां पायपीढं अक्कमित्ता कुंतग्गेणां लेहं पणामेहि तिवलियं भिउडिं
 णिडाले साहट्टु आसुरुत्ते रुट्टे कुट्टे कुविंए चंडिकिए एवं वयासी-हं भो
 पउमणाहा ! अपत्थियपत्थिया दुरंतपंतलक्खणा हीणपुन्नचाउइसा सिरीहि-
 रिधीपरिवज्जिया अज्ज गां भवसि किन्नं तुमं गां याणासि कराहस्स
 वासुदेवस्स भगिणिं दोवतिं देविं इहं हव्वं आणमाणे ? , तं एयमवि गए
 पच्चप्पिणाहि गां तुमं दोवतिं देविं कराहस्स वासुदेवस्स अहव गां जुद्धसज्जे
 णिग्गच्छाहि, एस गां कराहे वासुदेव पंचहिं पंडवेहिं अप्पुत्तुस्स
 दोवतीदेवीए कूवं हव्वमागए १४ । तते गां से दारुए सारही
 कराहेणां वासुदेवेणां एवं बुत्ते समाणे हट्टुत्तुट्टे जाव पडिसुणोइ २
 अमरकंकारायहाणिं अणुपविसति २ जेणोव पउमनाहे तेणोव
 उवागच्छति २ करयल जाव वद्धावेत्ता एवं वयासी-एस गां सामी ! मम
 विणायपडिवित्ती, इमा अन्ना मम सामिस्स समुहाणत्तित्तिकट्टु आसुरुत्ते
 वामपाएणां पायपीढं अणुक्कमति २ कुंतग्गेणां लेहं पणामति २ ता जाव
 कूवं हव्वमागए १५ । तते गां से पउमणाभे दारुणेणां सारहिणा एवं बुत्ते
 समाणे आसुरुत्ते तिवलिं भिउडिं निडाले साहट्टु एवं वयासी-णो अप्पि-

गामि गां अहं देवाणुप्पिया ! कराहस्स वासुदेवस्स दोवतिं, एस गां अहं सयमेव जुज्झसज्जो शिग्गच्छामित्तिकट्टु दारुयं सारहिं एवं वयासी-केवलं भो । रायसत्थेसु दूये अवज्जेत्तिकट्टु असक्कारिय असम्भाणिय अवहारेणं शिच्छुभावेति १६ । तते गां से दारुए सारही पउमणाभेणं असक्कारिय जाव शिच्छूढे समाणे जेणेव कराहे वासुदेवे तेणेव उवागच्छति २ करयल जाव कराहं जाव एवं वयासी-एवं खलु अहं सामी ! तुब्भं वयणोणं जाव शिच्छुभावेति, तते गां से पउमणाभे बलवाउयं सदावेति २ एवं वयासी-खिप्पामेव भो देवाणुप्पिया ! आभिसेक्कं हत्थिरयणं पडिकप्पेह, तथाणांतरं च गां छेयायरिय-उवदेसमइ-विकप्पणाविगप्पेहिं जाव उवणेति, तते गां से पउमनाहे सन्नद्ध-हत्थिखंधवरगये अभिसेयं० दूरूहति २ हयगय जेणेव कराहे वासुदेवे तेणेव पहोरत्थ गमणाए १७ । तते गां से कराहे वासुदेवे पउमणाभं रायाणां एज्जमाणां पासति २ ते पंच पंडवे एवं वयासी-हं भो दारगा ! किन्नं तुब्भे पउमनाभेणं सद्धिं जुज्झहिह उयाहु पेच्छिहिह ?, तते गां ते पंच पंडवा कराहं वासुदेवं एवं वयासी-अम्हे गां सामी ! जुज्झामो तुब्भे पेच्छह, तते गां पंच पंडवे सराणद्ध जाव पहरणा रहे दुरूहंति २ जेणेव पउमनाभे राया तेणेव उगच्छंति २ एवं वयासी-अम्हे पउमणाभे वा रायत्तिकट्टु पउमनाभेणं सद्धिं संपलग्गा यावि होत्था, तते गां से पउमनाभे राया ते पंच पंडवे खिप्पामेव हयमहिय-पवर-विबडिय-चिन्ध-द्धय-पडागा जाव दिमोदिसिं पडिसेहेत्ति १८ । तते गां ते पंच पंडवा पउमनाभेणं रत्ता हयमहियपवरविबडिय जाव पडिसेहिया समाणा अत्थामा जाव अधारणिज्जत्तिकट्टु जेणेव कराहे वासुदेवे तेणेव उवागच्छंति तते गां से कराहे वासुदेवे ते पंच पंडवे एवं वयासी-कहराणं तुब्भे देवाणु-प्पिया ! पउमणाभेण रत्ता सद्धिं संपलग्गा ?, तते गां ते पंच पंडवा कराहं वासुदेव एवं वयासी-एवं खलु देवाणुप्पिया ! अम्हे तुब्भेहिं अब्भणुत्ताया

समाणा सन्नद्ध जाव गहियाउहपहरणा रहे दुरूहामो २ जेगोव पउमनाभे जाव पडिसेहेति ११ । तते गां से कराहे वासुदेवे ते पंच पंडवे एवं वयासी-जति गां तुब्भे देवाणुप्पिया ! एवं वयंता अम्हे गो पउमनाभे रायत्तिकट्टु पउमनाभेगां सद्धि संपलग्गंता तो गां तुब्भे गो पउमणाहे हयमहियपवर जाव पडिसेहिया, तं पेच्छह गां तुब्भे देवाणुप्पिया ! अहं नो पउमणाभे रायत्तिकट्टु पउमनाभेगां रत्ता सद्धि जुब्भामि, रहं दुरूहति २ जेगोव पउमनाभे राया तेगोव उवागच्छति २ सेयं गोखीरहारधवलं तण-सोल्लिय-मिंदुवार-कुंदेंदु-सन्निगासं निययबलस्स हरिसजणाणं रिउसेराणा-विणासकरं पंचवराणां संखं परामुसति २ मुहवायपूरियं करेति, तते गां तस्स पउमणाहस्म तेगां संखसद्देगां बलतिभाए हते जाव पडिसेहिए, तते गां से कराहे वासुदेवे धणां परामुसति वेदो, धणां पूरेति २ धणासद्देगां करेति, तते गां तस्स पउमनाभस्स दोच्चे बलतिभाए तेगां धणासद्देगां हयमहिय जाव पडिसेहिए २० । तते गां से पउमणाभे राया तिभाग-बलावसेसे अत्थामे अबले अवीरिए अपुरिसकार-परकम्मि अधारणिज्जत्तिकट्टु सिग्घं तुरियं जेगोव अमरकंका तेगोव उवागच्छति २ अमरकंकां रायहाणिं अणुपवि-सति २ दारातिं पिहेति २ रोहसज्जे चिट्ठति २१ । तते गां से कराहे वासुदेवे जेगोव अमरकंका तेगोव उवागच्छति २ रहं उवेति २ रहातो पच्चोरूहति २ वेउव्विय-समुग्घाणां समोहणाति, एगं महं णारसीहरूवं विउव्वति २ महया २ सद्देगां पाददहरियं करेति, तते गां से कराहेगां वासुदेवेगां महया २ सद्देगां पाददहरणां कणां समारेगां अमरकंका राय-हाणी संभग्ग-पागार-गोपुराट्टालय-चरिय-तोरणा-पव्हत्थिय-पवर-भवणा-सिरि-घरा सरस्सरस्स धरणिथले सन्निवड्या, तते गां से पउमणाभे राया अमर-कंकां रायहाणिं संभग्ग जाव पासित्ता भीए दोवतिं देविं सरणां उवेति, तते गां सा दोवई देवी पउमनाभं रायं एवं वयासी-किराणां तुमं देवाणुप्पिया !

न जाणसि कराहस्स वासुदेवस्स उत्तमपुरिसस्स विप्पियं करेमाणो ममं इह
हव्वमाणोसि, तं एवमवि गए गच्छह गां तुमं देवाणुप्पिया ! गहाय उल्ल-
पडसाडए अत्रचूलगवत्थणियत्थे अंतेउर-परियाल-संपरिवुडे अग्गाइं वराइं
रयणाइं गहाय ममं पुरतो काउं कराहं वासुदेवं करयलपायपडिए सरणां
उवेहि, पणिवइय-वच्छला गां देवाणुप्पिया ! उत्तमपुरिसा, तते गां से पउ-
मनाभे दोवतीए देवीए एयमट्टं पडिसुणोति २ गहाए जाव सरणां उवेति
२ करयल जाव एवं वयासी-दिट्ठा गां देवाणुप्पियाणां इड्डी जाव परक्कमे
तं खामेमि गां देवाणुप्पिया ! जाव खमंतु गां जाव गाहं भुज्जो २ एवंकर-
णायाएत्तिकट्टु पंजलिवुडे पायवडिए कराहस्स वासुदेवस्स दोवतिं देविं
साहत्थि उवणोति २२ । तते गां से कराहे वासुदेवे पउमणाभं एवं वयासी-
हं भो पउमणाभा ! अप्पत्थियपत्थिया ४ किराणां तुमं गा जाणसि मम भगिणि
दोवतीं देवीं इह हव्वमाणमाणो ? तं एवमवि गए गात्थि ते ममाहितो इयाणि
भयमत्थित्तिकट्टु पउमणाभं पडिविसज्जेति, दोवतिं देविं गिराहति २ रहं
दुरूहेति २ जेणोव पंच पंडवे तेणोव उवागच्छति २ पंचराहं पंडवाणां
दोवतिं देविं साहत्थि उवणोति, तते गां से कराहे पंचहिं पंडवेहिं सद्धि
अप्पच्छट्ठे द्दहिं रहेहिं लवणसमुद्धं मज्झंमज्झेणां जेणोव जंबुदीवे २ जेणोव
भारहं वासे तेणोव पहारेत्थ गमणाए २३ ॥ सूत्रं १३० ॥

ते गां काले गां २ धायतिसंडे दीवे पुरच्छिमद्धे भारहे वासे चंपा
णाभं गायरी होत्था, पुराणभद्दे चेतिए, तत्थ गां चंपाए नयरीए कविले
णाभं वासुदेवे राया होत्था, महया हिमवंत-महंत-मलय-मंदर-महिदसारे
जाव पसंतडिंब-डमरं रज्जं पसासेमाणो विहरति, वराणाओ १ । तेणां
कालेणां २ मुणिसुव्वए अरहा चंपाए पुराणभद्दे समोसडे, कपिले वासुदेवे
धम्मं सुणोति, तते गां से कविले वासुदेवे मुणिसुव्वयस्स अरहतो धम्मं
सुणोमाणो कराहस्स वासुदेवस्स संखसद्धं सुणोति २ । तते गां तस्स कविलस्स

वासुदेवस्स इमेयारूवे अम्भत्थिए समुप्पज्जित्था—किं मराणो धायइसंडे दीवे भारहे वासे दोच्चे वासुदेवे समुप्पराणो ? जस्स गां अयं संखसद्दे ममंपिव मुहवायपूरिते वियंभति, कविले वासुदेवे सद्दातिं सुणोइ, मुणिसुव्वए अरहा कविलं वासुदेवं एवं वयासी—से गाणां ते कविला वासुदेवा ! मम अंतिए धम्मं णिसामेमाणस्स संखसद्दं आकरिणात्ता इमेयारूवे अम्भत्थिए—किं मन्ने जाव वियंभइ, से गाणां कविला वासुदेवा ! अयमट्टे समट्टे ?, हंता ! अत्थि, नो खलु कविला ! एवं भूयं वा ३ जन्नं एगे खेत्ते एगे जुगे एगे समए दुवे अरहंता वा चक्कवट्टी वा बलदेवा वा वासुदेवा वा उप्पज्जिसु उप्पज्जिति उप्पज्जिस्संति वा, एवं खलु वासुदेवा ! जंबुद्धीवात्थो भारहात्थो वासात्थो हत्थिणाउरणायरात्थो पंडुस्स रराणो सुराहा पंचराहं पंडवाणां भारिया दोवती देवी तव पउमनाभस्स रराणो पुव्वसंगतिएणां देवेणां अमरकंकाणायरिं साहरिया, तते गां से कराहे वासुदेवे पंचहिं पंडवेहिं सद्धिं अप्पच्छट्टे इहिं रहेहिं अमरकंकं रायहाणि दोवतीए देवीए कूवं हव्वमागए, तते गां तस्स कराहस्स वासुदेवस्स पउमणाभेणां रराणा सद्धिं संगामं संगामेमाणस्स अयं संखसद्दे तव मुहवायपूरिते इव इट्टे कंते इहेव वियंभति २ । तए गां से कविले वासुदेवे मुणिसुव्वयं वंदति २ एवं वयासी—गच्छामि गां अहं भंते ! कराहं वासुदेवं उत्तमपुरिसं सरिसपुरिसं पासामि, तए गां मुणिसुव्वए अरहा कविलं वासुदेवं एवं वयासी—नो खलु देवाणुप्पिया ! एवं भूयं वा ३ जराणां अरहंता वा अरहंतं पासंति चक्कवट्टी वा चक्कवट्टिं पासंति बलदेवा वा बलदेवं पासंति वासुदेवा वा वासुदेवं पासंति, तहविय गां तुमं कराहस्स वासुदेवस्स लवणासमुद्दं मज्झमज्जेणां वीतिवयमाणस्स सेयापीयाइं धयग्गातिं पासिहिसि ३ । तते गां से कविले वासुदेवे मुणिसुव्वयं वंदति २ हत्थिखंधं दुरूहति २ सिग्घं २ जेणोव वेलाउले तेणोव उवागच्छति २ कराहस्स वासुदेवस्स लवणासमुद्दं मज्झमज्जेणां वीतिवयमाणस्स सेयापीयाहिं

धयग्गातिं पासति २ एवं वयइ-एस गां मम सरिसपुरिसे उत्तमपुरिसे कराहे
 वासुदेवे लवणासमुद्दं मज्झमज्झेणं वीतीवयतित्तिकट्टु पंचयन्नं संखं
 परामुसति मुहवायपूरियं करेति, तते गां से कराहे वासुदेवे कविलस्स
 वासुदेवस्स संखसद्दं आयन्नेति २ पंचयन्नं जाव पूरियं करेति, तते गां
 दोवि वासुदेवा संखसद्दं सामायारिं करेति, तते गां से कविले वासुदेवे जेणोव
 अमरकंका तेणोव उवागच्छति २ अमरकंकां रायहाणिं संभग्गतोरगां जाव
 पासति २ पउमणाभं एवं वयासी-किन्नं देवाणुप्पिया ! एसा अमरकंका
 संभग्ग जाव सन्निवइया ? तते गां से पउमणाहे कविलं वासुदेवं एवं
 वयासी-एवं खलु सामी ! जंबुद्दीवाओ दीवाओ भारहाओ वासाओ इह
 हव्वमागम्म कराहेणं वासुदेवेणं तुब्भे परिभूय अमरकंका जाव सन्निवाडिया
 ४ । तते गां से कविले वासुदेवे पउमणाहस्स अंतिए एयमट्टं सोच्चा
 पउमणाहं एवं वयासी-हं भो ! पउमणाभा ! अपत्थियपत्थिया किन्नं तुमं
 न जाणसि मम सरिसपुरिसस्स कराहस्स वासुदेवस्स विप्पियं करेमाणो ?,
 आसुरुत्ते जाव पउमणाहं णिव्विसयं आणवेति, पउमणाहस्स पुत्तं अमर-
 कंकारायहाणीए महया २ रायाभिसेएणं अभिसिंचति जाव पडिगते ५
 ॥ सूत्रं १३१ ॥ तते गां से कराहे वासुदेवे लवणासमुद्दं मज्झमज्झेणं
 वीतिवयति, ते पंच पंडवे एवं वयासी-गच्छह गां तुब्भे देवाणुप्पिया !
 गंगामहानदिं उत्तरह जाव ताव अहं सुट्टियं लवणाहिवइं पासामि ? ।
 तते गां ते पंच पंडवा कराहेणं वासुदेवेणं एवं वुत्ता समाणा जेणोव गंगामहा-
 नदी तेणोव उवागच्छति २ एगट्टियाए गावाए मग्गणागवेसणं करेति २
 एगट्टियाए नावाए गंगामहानदिं उत्तरंति २ अरणमराणं एवं वयन्ति-पहू
 गां देवाणुप्पिया ! कराहे वासुदेवे गंगामहाणादिं बाहाहिं उत्तरित्तए उदाहु
 णो पभू उत्तरित्तएत्तिकट्टु एगट्टियाओ नावाओ णुमेति २ कराहं वासुदेवं
 पडिवालेमाणा २ चिट्ठंति २ । तते गां से कराहे वासुदेवे सुट्टियं लवणाहि-

वडं पासति २ जेणोव गंगा महाणादी तेणोव उवागच्छति २ एगट्टियाए
 सब्वथो समंता मग्गणागवेसणां करेति २ एगट्टियं अपासमाणो एगाए बाहाए
 रहं सतुरगं ससारहिं गेराहइ एगाए बाहाए गंगं महाणादिं बासट्टिं जोयणातिं
 अद्धजोयणां विच्छिन्नं उत्तरिउं पयत्ते यावि होत्था, तते णं से कराहे
 वासुदेवे गंगामहाणादीए बहुमज्झदेसभागं संरत्ते समाणो संते तते परितंते
 बद्धसेए जाए यावि होत्था ३ । तते णं कराहस्स वासुदेवस्स इमे एयारूवे
 अब्भत्थिए जाव समुप्पज्जित्था—अहो णं पंच पंडवां महाबलवगा जेहिं
 गंगामहाणादी बासट्टिं जोयणाइं अद्धजोयणां च विच्छिराणा बाहाहिं
 उत्तिराणा, इच्छंतएहिं णं पंचहिं पंडवेहिं पउमणाभे राया जाव णो
 पडिसेहिए ४ । तते णं गंगादेवी कराहस्स वासुदेवस्स इमं एयारूवं अब्भ-
 त्थियं जाव जाणित्ता थाहं वितरति ४ । तते णं से कराहे वासुदेवे मुहुत्तंतरं
 समासासति २ गंगामहाणादिं बावट्टिं जाव उत्तरति जेणोव पंच पंडवा तेणोव
 उवागच्छति पंच पंडवे एवं वयासी—अहो णं तुब्भे देवाणुप्पियाया ! महाबल-
 वगा जेणं तुब्भेहिं गंगामहाणादी बासट्टिं जाव उत्तिराणा, इच्छंतएहिं
 तुब्भेहिं पउम जाव णो पडिसेहिए, तते णं ते पंच पंडवा कराहेणां वासु-
 देवेणां एवं बुत्ता समाणा कराहं वासुदेवं एवं वयासी—एवं खलु देवाणु-
 प्पियाया ! अम्हे तुब्भेहिं विसज्जिया समाणा जेणोव गंगा महाणादी तेणोव
 उवागच्छामो २ एगट्टियाए मग्गणागवेसणां तं चव जाव णामेमो तुब्भे
 पडिवालेमाणा चिट्टामो ५ । तते णं से कराहे वासुदेवे तेसिं पंचराहं पांड-
 वाणां एयमट्टं सोच्चा णिसम्म आसुरुत्ते जाव तिवलियं एवं वयासी—अहो
 णं जया मए लवणासमुद्दं दुवे जोयणासयसहस्सा विच्छिराणां वीतीवइत्ता
 पउमणाभं हयमहिय जाव पडिसेहित्ता अमरकंका संभग्गतोरणा दोवती
 साहत्थि उवणीया तथा णं तुब्भेहिं मम माहप्पं ण विराणायं इयाणि
 जाणिससहत्तिकट्टु लोहदंडं परामुसति, पंचराहं पंडवाणां रहे चूरेति २

शिविसए आणवेति २ तत्थ गां रहमद्दो गामं कोड्ढे शिविट्ठे ६ । तते गां से कराहे वासुदेवे जेणोव सए खंधावारे तेणोव उवागच्छइ २ सएगां खंधावारेणं सद्धि अभिसमन्नागए यावि होत्था, तते गां से कराहे वासुदेवे जेणोव बारवई गायरी तेणोव उवागच्छति २ अणुपविसति ७ ॥सूत्रं १३२॥ तते गां ते पंच पंडवा जेणोव हत्थिणाउरे तेणोव उवागच्छन्ति २ जेणोव पंडू तेणोव उवागच्छति २ करयल जाव एवं वयासी—एवं खलु ताओ ! अम्हे कराहेणं शिविसया आणत्ता, तते गां पंडुराया ते पंच पंडवे एवं वयासी—कराणं पुत्ता ! तुम्हे कराहेणं वासुदेवेणं शिविसया आणत्ता ?, तते गां ते पंच पंडवा पंडुरायं एवं वयासी—एवं खलु ताओ ! अम्हे अमरकंकातो पडिणियत्ता लवणासमुद्दं दोन्नि जोयणसयसहस्साइं वीतिवत्तिता- (त्था), तए गां से कराहे अम्हे एवं वयासी—गच्छह गां तुम्हे देवाणुप्पिया ! गंगामहाणादिं उत्तरह जाव चिट्ठह ताव अहं एवं तहेव ताव चिट्ठामो ? । तते गां से कराहे वासुदेवे सुट्ठियं लवणाहिवइं दट्ठूण तं चेद सव्वं नवरं कराहस्स चिंता ण जुज्ज(वुच्च)ति जाव अम्हे शिविसए आणवेति २ । तए गां से पंडुराया ते पंच पंडवे एवं वयासी—दूट्ठु गां पुत्ता ! कयं कराहस्स वासुदेवस्स विप्पियं करेमाणोहिं, तते गां से पंडू राया कौंतिं देविं सदावेति २ एवं वयासी—गच्छ गां तुमं देवाणुप्पिया ! बारवतिं कराहस्स वासुदेवस्स शिवेदेहि—एवं खलु देवाणुप्पिया ! तुम्हे पंच पंडवा शिविसया आणत्ता तुमं च गां देवाणुप्पिया ! दाहिणाड्ढभरहस्स सामी तं संदिसंतु गां देवाणुप्पिया ! ते पंच पंडवा कयरं दिसिं वा विदिसं वा गच्छंतु ?, तते गां सा कौंती पंडुणा एवं वुत्ता समाणी हत्थिखंधं दुरूहति २ जहा हेट्ठा जाव संदिसंतु गां पिउत्था ! किमागमण-पओयणं ?, तते गां सा कौंती कराहं वासुदेवं एवं वयासी—एवं खलु पुत्ता ! तुमे पंच पंडवा शिविसया आणत्ता तुमं च गां दाहिणाड्ढभरह जाव विदिसं वा गच्छंतु ?, तते गां से कराहे वासुदेवे कौंतिं

देवि एवं वयासी--अपूर्ववयणां गां पिउत्था । उत्तमपुरिसा वासुदेवा बलदेवा चक्रवट्टी, तं गच्छंतु गां देवाणुप्पिया ! पंच पंडवा दाहिणिल्लं वेयालिं तत्थ पंडुमहुरं णिवेसंतु ममं अदिट्टुसेवगा भवंतुत्तिकट्टु कौंति देविं सक्कारेति सम्माणोति जाव पडिविसज्जेति ३ । तते गां सा कौंती देवी जाव पंडुस्स एयमट्टं णिवेदेति, तते गां पंडू पंच पंडवे सदावेति २ एवं वयासी--गच्छह गां तुब्भे पुत्ता ! दाहिणिल्लं वेयालिं तत्थ गां तुब्भे पंडुमहुरं णिवेसेह, तते गां पंच पंडवा पंडुस्स रराणो जाव तहत्ति पडिसुणोति सबलवाहणा हयगय-रह-पवरजोहकलियाए चाउरंगिणीए सेणाए सद्धिं संपरिबुडा हत्थिणाउराओ पडिणिक्खमंति २ जेणोव दक्खिणिल्ले वेयाली तेणोव उवागच्छंति २ पंडुमहुरं नगरिं निवेसेति २ तत्थ गां ते विपुलभोगसमितिसमराणागया यावि होत्था ४ ॥ सूत्रं १३३ ॥ तते गां सा दोवई देवी अन्नया कयाइं आवराणासत्ता जाया यावि होत्था, तते गां सा दोवती देवी णवरहं मासारां जाव सुख्वं दारगं पयाया सूमालं णिवत्तवारसाहस्स इमं एयारुवं जम्हा गां अम्हं एस दारए पंचराहं पंडवारां पुत्ते दोवतीए अत्तए तं होउ अम्हं इमस्स दारगस्स णामधेज्जं पंडुसेणो, तते गां तस्स दारगस्स अम्मापियरो णामधेज्जं करेन्ति पंडुसेणात्ति, बावत्तरिं कलाओ जाव भोगसमत्थे जाए जुवराया जाव विहरति १ । थेरा समोसटा परिसा निग्गया पंडवा निग्गया धम्मं सोच्चा एवं वयासी-- जं णवरं देवाणुप्पिया ! दोवतिं देविं आपुच्छामो पंडुसेणां च कुमारं रज्जे ठवेमो ततो पच्छा देवाणुप्पियाण अंतिए मुंडे भवित्ता जाव पव्वयामो, अहासुहं देवाणुप्पिया !, तते गां ते पंच पंडवा जेणोव सए गिहे तेणोव उवागच्छंति २ दोवतिं देविं सदावेति २ एवं वयासी--एवं खलु देवाणुप्पिया ! अम्हेहिं थेराणां अंतिए धम्मे णिसंते जाव पव्वयामो, तुमं देवाणुप्पिए । किं करेसि ?, तते गां सा दोवती देवी ते पंच पंडवे एवं वयासी--जति गां तुब्भे देवाणुप्पिया ! संसारभउव्विग्गा पव्वयह

ममं के अरण्ये आलंबे वा जाव भविस्सति ? अहंपि यं संसारभउव्विग्गा
 देवाणुप्पिण्हिं सद्धिं पव्वतिस्सामि, तते णं ते पंच पंडवा पंडुसेणस्स अभिसेओ
 जाव राया जाण जाव रज्जं पसाहेमाणो विहरति २ । तते णं ते पंच पंडवा
 दोवती य देवी अन्नया कयाइं पंडुसेणं रायाणं आपुच्छंति, तते णं से पंडुसेणे
 राया कोडुं वियपुरिसे सहावेति २ एवं वयासी--खिप्पामेव भो ! देवाणुप्पिया !
 निक्खमणाभिसेयं जाव उवट्टवेह पुरिस-सहस्स-वाहणीओ सिवियाओ
 उवट्टवेह जाव पच्चोरुहंति जेणेव थेरा तेणेव उवागच्छंति २ जाव आलित्ते णं
 जाव समणा जाया चोहस्स पुव्वाइं अहिज्जंति २ बहूणि वासाणि
 छट्ट-ट्टम-दसम-दुवालसेहिं मासद्धमासखमणेहिं अप्पाणं भावेमाणा विहरंति ३ ।
 ॥ सूत्रं १३४ ॥ तते णं सा दोवती देवी सीयातो पच्चोरुहति जाव
 पव्वतिया सुव्वयाए अजाए सिस्सिणीयत्ताए दलयति, इकारस अंगाइं
 अहिज्जइ बहूणि वासाणि छट्टट्टम-दसम-दुवालसेहिं जाव विहरति
 ॥ सूत्रं १३५ ॥

तते णं थेरा भगवंतो अन्नया कयाइं पंडुमहुरातो णयरीतो सहसंब-
 वणाओ उज्जाणाओ पडिणिक्खमंति २ बहिया जणवयविहारं विहरंति १ ।
 तेणं कालेणं २ अरिहा अरिट्टनेमी जेणेव सुरट्टाजणवए तेणेव उवागच्छति
 २ सुरट्टाजणवयंसि संजमेणं तवसा अप्पाणां भावेमाणो विहरति, तते णं
 बहुजणो अन्नमन्नस्स एवमात्तिक्खइ एवं खलु देवाणुप्पिया ! अरिहा अरि-
 ट्टनेमी सुरट्टाजणवए जाव विहरति २ । तते णं से जुहिट्टिल्लपामोक्खा पंच
 अणगारा बहुजणस्स अंतिए एयमट्टं सोच्चा अन्नमन्नं सहावेति २ एवं
 वयासी--एवं खलु देवाणुप्पिया ! अरहा अरिट्टनेमी पुव्वाणुपुव्वीए जाव
 विहरइ ३ । तं सेयं खलु अहं थेरा आपुच्छित्ता अरहं
 अरिट्टनेमिं वंदणाए गमित्तए, अन्नमन्नस्स एयमट्टं पडिसुणोति २ जेणेव
 थेरा भगवंतो तेणेव उवागच्छंति २ थेरे भगवंते वंदंति णमंसंति २

ता एवं वयासी--इच्छामो णं तुम्हेहिं अब्भणुन्नाया समाणा अरहं अरिट्ट-
 नेमे जाव गमित्तए, अहासुहं देवाणुप्पिया । ४ । तते णं ते जुहिट्टिल्ल-
 पाभोक्खा पंच अणगारा थरेहिं अब्भणुन्नाया समाणा थरे भगवंते वंदंति
 णमंसंति २ थेराणं अंतियाथो पडिण्णिकस्वमंति मासंमासेणं अण्णिक्खित्तेरां
 तवोक्कमेणं गामाणुगामं दूईज्जमाणा जाव जेणोव हत्थकप्पे नयरे तेणोव
 उवागच्छंति हत्थकप्पस्स बाहिया सहसंबवणे उज्जाणे जाव विहरंति ५ ।
 तते णं ते जुहिट्टिल्लवज्जा चत्तारि अणगारा मासस्वमाण-पारणए पढमाए
 पोरसीए सज्झायं करेति वीयाए एवं जहा गोयमसामी णवरं जुहिट्टिल्लं
 आपुव्वंति जाव अडमाणा बहुजणसहं णिसामेति--एवं खलु देवाणुप्पिया !
 अरहा अरिट्टनेमी उज्जितसेलसिहरे मासिएणं भत्तेणं अपाणएणं पंचहिं
 छंतीसेहिं अणगारसएहिं सद्धि कालगए जाव पहीणे ६ । तते णं ते
 जुहिट्टिल्लवज्जा चत्तारि अणगारा बहुजणस्स अंतिए एयमट्टं सोचा हत्थक-
 प्पाथो पडिण्णिकस्वमंति २ जेणोव सहसंबवणे उज्जाणे जेणोव जुहिट्टिल्ले
 अणगारे तेणोव उवागच्छंति २ भत्तपाणं पच्चुवेक्खंति २ गमणागमणस्स
 पडिक्कंति २ एसणमणोसणं आलोएंति २ भत्तपाणं पडिदसेंति २ एवं
 वयासी--एवं खलु देवाणुप्पिया ! जाव कालगए तं सेयं खलु अमहं
 देवाणुप्पिया ! इमं पुव्वगहियं भत्तपाणं परिट्टवेत्ता सेत्तुज्जं पव्वयं सणियं
 सणियं दुरूहत्तए संलेहणाए भूसणाभूसियाणं कालं अणवकंखमाणाणं
 विहरित्तएत्तिकट्टु अणमणरास्स एयमट्टं पडिसुणंति २ तं पुव्वगहियं
 भत्तपाणं एगंते परिट्टवेत्ति २ जेणोव सेत्तुज्जे पव्वए तेणोव उवागच्छंति २
 ता सेत्तुज्जं पव्वयं दुरूहंति २ जाव कालं अणवकंखमाणा विहरंति ७ ।
 तते णं ते जुहिट्टिल्लपाभोक्खा पंच अणगारा सामाइय-मातियातिं चोइस
 पुव्वाइं बहूणि वासाणि दोमासियाए संलेहणाए अत्ताणं भोसित्ता जस्सट्टाए
 कीरति णग्गभावे जाव तमट्टमाराहेति २ अणंते जाव कवलवरणाणदंसणे

समुष्पन्ने जाव सिद्धा ८ ॥ सूत्रं १३६ ॥ तते णं सा दोवती अज्जा सुवयाणं अज्जियाणं अंतिए सामाइयमाइयाइं एकारस अंगतिं अहिज्जति २ बहूणि वासाणि सामगाणपरियागं पालयित्ता मासियाए संलेहणाए अप्पाणं भोसेत्ता सट्ठि भत्ताइं अणमणाए छेदेत्ता आलोइयपडिक्कंता कालमासे कालं किच्चा बंभलोए उववन्ना, तत्थ णं अत्थेगतियाणं देवाणं दस सागरोवमाइं ठिती पन्नत्ता, तत्थ णं दुवतिस्स देवस्स दस सागरोवमाइं ठिती पन्नत्ता, से णं भंते ! दुवए देवे ततो जाव महाविदेहे वासे जाव अंतं काहिति । एवं खलु जंबू ! समगोणं भगवया महावीरेणं आइगरेणं तित्थगरेण जाव संपत्तेणं सोलमस नायज्भयणास्स अयमट्टे पराणत्तेत्तिवेमि ॥ सूत्रं १३७ ॥ सोलसमं नायज्भयणं समत्तं ॥

॥ इति षोडशमध्ययनम् ॥ १६ ॥

॥ १७ ॥ अथ श्री अश्वारूयं सप्तदशमध्ययनम् ॥

जति णं भंते ! समगोणं भगवया महावीरेणं जाव संपत्तेणं सोलसमस्स णायज्भयणास्स अयमट्टे पराणत्ते सत्तरसमस्स णं भंते णायज्भयणास्स समगोणं जाव संपत्तेणं के अट्टे पन्नत्ते ?, एवं खलु जंबू ! तेणं कालेणं २ हत्थिसीसे नयरे होत्था, वराणओ, तत्थ णं कणागकेऊ णामं रया होत्था, वराणओ ? । तत्थ णं हत्थिसीसे णयरे बहवे संजुत्ताणावावाणियगा परिवसंति अट्टा जाव बहुजणास्स अपरिभूया यावि होत्था, तते णं तेसिं संजुत्ताणावावाणियगाणं अन्नया एगयओ जहा अरहराणओ जाव लवणासमुद्दं अगोगाइं जोयणासयाइं ओगाढा यावि होत्था, तते णं तेसिं जाव बहूणि उप्पातियसयाति जहा मागंदियदारणाणं जाव कालियवाए य तत्थ समुत्थिए, तते णं सा णावा तेणं कालियवाएणं आघोलिज्जमाणी २ संचालिज्जमाणी २ संखोहिज्जमाणी २ तत्थेव परिभमति २ । तते णं से

शिज्जामए णट्टमतीते णट्टसुतीते णट्टसराणे मूढदिसाभाए जाए यावि होत्था, ण
जाणइ कयरं देसं वा दिसं वा विदिसं वा पोयवहणे अवहितत्तिकट्टु ओह-
यमणसंकप्पे जाव भियायति, तते णं ते बहवे कुच्छिधारा य कराणधारा य
गम्भिल्ला य संजुत्ताणावावाणियगा य जेणेव से शिज्जामए तेणेव उवाग-
च्छंति २ एवं वयासी-किन्नं तुमं देवाणुप्पिया ! ओहयमणसंकप्पा जाव
भियायह ?, तते णं से शिज्जामए ते बहवे कुच्छिधारा य ४ एवं वयासी-
एवं खलु देवाणुप्पिया ! णट्टमतीते जाव अवहिएत्तिकट्टु ततो ओहयमण-
संकप्पे जाव भियामि, तते णं ते कराणधारा तस्स शिज्जामयस्स अंतिए
एयमट्टं सोच्चा णिसम्म भीया ५ राहाया कयवलिकम्मा करयल जाव
बहूणं इंदाण य खंधाण य जहा मल्लिनाए जाव उवायमाणा २ चिट्ठंति
३ । तते णं से शिज्जामए ततो मुहुत्तंतरस्स लद्धमतीते ३ अमूढदिसाभाए
जाए यावि होत्था, तते णं से शिज्जामए ते बहवे कुच्छिधारा य ४ एवं
वयासी-एवं खलु अहं देवाणुप्पिया ! लद्धमतीए जाव अमूढदिसाभाए जाए,
अम्हे णं देवाणुप्पिया ! कालियदीवतेरां संवूढा, एस णं कालियदीवे
आलोकति, तते णं ते कुच्छिधारा य ४ तस्स शिज्जागमस्स अंतिए सोच्चा
हट्टुट्टा पयक्खिणाणुकूलेरां वाएरां जेणेव कालीयदीवे तेणेव उवागच्छंति
२ पोयवहरां लंबेति २ एगट्टियाहि कालियदीवं उत्तरंति ४ । तत्थ णं बहवे
हिररणागरे य सुवराणागरे य रयणागरे य वइरागरे य बहवे तत्थ आसे पासंति,
किं ते ?, हरिरेणुसोणिसुत्तगा आईणावेदो, तते णं ते आसा ते वाणियए
पासंति तेसि गंधं अग्घायंति २ भीया तत्था उव्विग्गा उव्विग्गमणा ततो
अणोगाइं जोइणाति उव्वमंति, ते णं तत्थ पउरगोयरा पउरतण-पाणिया
निव्वया निरुव्विग्गा सुहंसुहेणो विहरंति ५ । तए णं संजुत्तानावा-वाणियगा
अराणमराणां एवं वयासी-किराहं अम्हे देवाणुप्पिया ! आसेहिं ?, इमे णं
बहवे हिररणागरा य सुवराणागरा य रयणागरा य वइरागरा य तं सेयं

खलु अहं हिरण्यस्य य सुवराण्यस्य य रयण्यस्य य वडरस्य य पोयवहरां
भरित्तएत्तिकट्टु अन्नमन्नस्य एयमट्टुं पडिसुणोति २ हिरण्यस्य य सुवराण्यस्य
य रयण्यस्य य वडरस्य य तण्यस्य य अरण्यस्य य कट्टुस्य य पाणियस्य य
पोयवहरां भरेति २ पयक्खिणाणुकूलेरां वाएरां जेणोव गंभीर-पोयवहरा-
पट्टणे तेणोव उवागच्छंति २ पोयवहरां लंबेति २ सगडीसागडं सज्जेति
२ तं हिरण्यं जाव वडरं च एगट्टियाहिं पोयवहराण्यो संचारेति २ सगडी-
सागडं संजोइंति २ जेणोव हत्थिसीसए नयरे तेणोव उवागच्छंति २ हत्थि-
सीसयस्स नयरस्स बहिया अग्गुज्जाणे सत्थणिवेसं करेति २ सगडीसागडं
मोएंति २ महत्थं जाव पाहुडं गेराहंति २ हत्थिसीसं च नगरं अणुपविसंति
२ जेणोव कणगकेऊ तेणोव उवागच्छंति २ जाव उवरोति, तते रां से
कणगकेऊ तेसिं संजुत्ताणावा-वाणियगारां तं महत्थं जाव पडिच्छति ६
॥ सूत्रं १३८ ॥ ते संजुत्ताणावा-वाणियगा एवं वयासी-तुब्भे रां देवाणु-
प्पिया ! गामागर जाव आहिंडह लवणसमुहं च अभिक्खरां २ पोयवहरोरां
ओगाहह तं अत्थि याइं केइ भे कहिंचि अच्छेरए दिट्टुपुब्बे ? तते रां ते
संजुत्ताणावा-वाणियगा कणगकेऊं एवं वयासी-एवं खलु अहं देवाणुप्पिया !
इहेव हत्थिसीसे नयरे परिवसामो तं चेव जाव कालियदीवतेरां संबूढा ? ।
तत्थ रां बहवे हिरण्यगारा य जाव बहवे तत्थ आसे, किं ते हरिरेणु जाव
अणोगाइं जोयणाइं उच्चमंति, तते रां सामी ! अहंहेहि कालियदीवे ते आसा
अच्छेरए दिट्टुपुब्बे २ । तते रां से कणगकेऊ तेसिं संजत्तगारां अतिए एयमट्टुं
सोच्चा ते संजुत्तए एवं वयासी-गच्छह रां तुब्भे देवाणुप्पिया ! मम कोडुं-
वियपुरिसेहिं सद्धि कालियदीवाओ ते आसे आणेह, तते रां से संजुत्ता
नावा-वाणियगा कणगकेऊं एवं वयासी-एवं सामित्तिकट्टु आणाए विणएणां
वयणां पडिसुणोति ३ । तते रां कणगकेऊ कोडुं वियपुरिसे सहावेति २
एवं वयासी-गच्छह रां तुब्भे देवाणुप्पिया ! संजुत्तएहिं सद्धि कालियदी-

वात्रो मम आसे आणेह, तेवि पडिसुणेंति, तते णं ते कोडुंबियपुरिसा
 सगडीसागडं सज्जेति २ तत्थ णं बहूणं वीणाण य वल्लकीण य भामरीण
 य कच्छभीण य भंभाण य छ्भामरीण य विचित्तवीणाण य अन्नेसिं च
 बहूणं सोत्तिदिय-पाउग्गाणं दव्वाणं सगडीसागडं भरेति २ बहूणं किणहाण
 य जाव सुक्किलाण य कट्टकम्माण य ४ गंधिमाण य ४ जाव संघाइमाण
 य अन्नेसिं च बहूणं च्चिखदिय-पाउग्गाणं दव्वाणं सगडीसागडं भरेति २
 बहूणं कोट्टुपुडाण य केयइपुडाण य जाव अन्नेसिं च बहूणं घाण्णिदिय-
 पाउग्गाणं दव्वाणं सगडीसागडं भरेति २ बहुस्स खंडस्स य गुलस्स य
 सक्कराए य मच्छंडियाए य पुप्फुत्तरपउमुत्तर० अन्नेसिं च जिब्भिदियपाउ-
 ग्गाणं दव्वाणं भरेति २ बहूणं कोयवयाण य कंबलाण य पावरणाण य
 नवतयाण य मलया(सगा)ण य मसूराण य सिलावट्टाण जाव हंसगम्भाण
 य अन्नेसिं च फासिंदिय-पाउग्गाणं दव्वाणं जाव भरेति २ सगडीसागडं
 जोएति २ जेणेव गंभीरए पोयट्टाणे तेणेव य उवागच्छंति २ सगडीसागडं
 मोएति २ पोयवहणं सज्जेति २ तेसिं उक्किट्टाणं सहफरिस-रसरूवगंधाणं
 कट्टस्स य तणस्स य पाणियस्स य तंदुलाण य समियस्स य गोरसस्स य
 जाव अन्नेसिं च बहूणं पोयवहण-पाउग्गाणं पोयवहणं भरेति २ दक्खि-
 णाणुकूलेणं वाएणं जेणेव कालियदीवे तेणेव उवागच्छंति २ पोयवहणं
 लंबेति २ ताइं उक्किट्टाइं सहफरिस-रसरूवगंधाइं एगट्टियाहिं कालियदीवं
 उत्तारेंति २ जहिं २ च णं ते आसा आसयंति वा सयंति वा चिट्ठंति
 वा तुयट्ठंति वा तहिं २ च णं ते कोडुंबियपुरिसा तात्रो वीणात्रो य
 जाव विचित्तवीणातो य अन्नाणि बहूणि सोइदिय-पाउग्गाणि य दव्वाणि
 समुद्दीरेमाणा चिट्ठंति, तेसिं परिपेरंतेणं पासए ठ्वेंति २ णिच्चला णिष्फंदा
 तुसिणीया चिट्ठंति ४ । जत्थ २ ते आसा आसयंति वा जाव तुयट्ठंति
 वा तत्थ तत्थ णं ते कोडुंबियपुरिसा बहूणि किणहाणि य ५ कट्टकम्माणि

य जाव संवाइमाणि य अन्नाणि य बहूणि चक्खिदिय-पाउग्गाणि
य दब्बाणि ठ्वेति तेसिं परिपेरतेणां पासए ठ्वेति २ णिच्चला णिप्फंदा०
चिट्ठंति, जत्थ २ ते आसा आसयंति ४ तत्थ २ णां तेसिं बहूणां कोट्ट-
पुडाणा य अन्नेसिं च वाणिदिय-पाउग्गाणां दब्बाणां पुंजे य णियरे य
करेति २ तेसिं परिपेरते जाव चिट्ठंति, जत्थ २ णां ते आसा आसयंति ४
तत्थ २ गुलस्स जाव अन्नेसिं च बहूणां जिब्भदिय-पाउग्गाणां दब्बाणां
पुंजे य निकरे य करेति २ वियरे खणंति २ गुलपाणागस्स खंडपाणा-
गस्स पा(पो)रपाणागस्स अन्नेसिं च बहूणि पाणागाणां वियरे भरेति २
तेसिं परिपेरतेणां पासए ठ्वेति जाव चिट्ठंति ५ । जहिं २ च णां ते आसा
आसयंति ४ तहिं २ च ते बहवे कोयवया य जाव सिलावट्टया अण्णाणि
य फासिंदिया-पाउगाइं अत्थुयपच्चत्थुयाइं ठ्वेति २ तेसिं परिपेरतेणां जाव
चिट्ठंति, तते णां ते आसा जेणेव एते उक्किट्टा सहफरिस-रसरूवगंधा तेणेव उवा-
गच्छंति २ तत्थ णां अत्थेगतिया आसा अपुब्बा णां इमे सहफरिस-रसरूवगंधा
इतिकट्टु तेसु उक्किट्टेसु सहफरिस-रसरूवगंधेसु अमुच्छिया ४ तेसिं
उक्किट्टाणां सह जाव गंधाणां दूरंदूरेणां अवक्कमंति, ते णां तत्थ पउरगोयरा
पउरतण-पाणिया णिच्चया णिरुच्चिग्गा सुहंसुहेणां विहरंति, एवामेव
समणाउसो ! जो अम्हं णिग्गंधो वा २ सहफरिस-रसरूवगंधा णो सज्जति
से णां इहलोए चैव बहूणां समणाणां ४ अच्चणिज्जे जाव वीतिवयति ६
॥ सूत्रं १३६ ॥ तत्थ णां अत्थेगतिया आसा जेणेव उक्किट्ट-सहफरिस-रसरू-
वगंधा तेणेव उवागच्छंति २ तेसु उक्किट्टेसु सहफरिस ५ मुच्छिया जाव
अज्झोववण्णा आसेविउं पयत्ते यावि होत्था, तते णां ते आसा एए उक्किट्टे
सह ५ आसेवमाणा तेहिं बहूहिं कूडेहि य पासेहि य गलएसु य पाएसु य
वज्जमंति १ । तते णां ते कोडुंविया एए आसे गिरहंति २ एगट्टियाहिं
पोयवहणे संचारेति २ तणस्स कट्टस्स जाव भरेति, तते णां ते संजुत्ता

दक्षिण्णाणुकूलेणं वाएणं जेणोव गंभीर-पोयपट्टणो तेणोव उवागच्छंति २
 पोयवहणं लंबंति २ ते आसे उत्तारंति २ जेणोव हत्थिसीसे णायरे जेणोव
 कण्णकेऊ राया तेणोव उवागच्छंति २ ता करयल जाव वद्धावेंति २ ते
 आसे उवणेंति २ । तते णं से कण्णकेऊ तेसिं संजुत्तानावावाणियगाणं
 उस्सुक्कं वितरति २ सक्कारेति संमाणोति २ ता पडिविसज्जेति, तते णं से
 कण्णकेऊ कोडुं वियपुरिसे सदावेइ २ सक्कारेति संमाणोति २ ता पडिविस-
 ज्जेति ३ । तते णं से कण्णकेऊ आसमइए सदावेति २ एवं वयासी-
 तुब्भे णं देवाणुप्पिया । मम आसे विणएह, तते णं ते आसमइगा तहत्ति
 पडिसुरांति २ ते आसे बहूहिं मुहबंधेहि य कण्णबंधेहि य णासाबंधेहि य
 वालबंधेहि य खुरबंधेहि य कडगबंधेहि य खलिणबंधेहि य उ(क)वीलणोहि
 (अहिलाणोहि) य पडियाणोहि य अंक्रणाहि य वेलप्पहारेहि य चि(वि)त्तप्प-
 हारेहि य लयप्पहारेहि य कसप्पहारेहि य छिवप्पहारेहि य विणयंति २
 कण्णकेऊस्स रन्नो उवणेंति २ तते णं से कण्णकेऊ ते आसमइए सक्कारेति
 २ पडिविसज्जेति ४ । तते णं ते आसा बहूहिं मुहबंधेहि य जाव छिव-प-
 हारेहि य बहूणि सारीर-माणसाणि दुक्खाति पावेंति, एवामेव समणाउसो !
 जो अम्हं णिगंगथो वा २ पव्वइए समाणो इट्ठेसु सइफरिस जाव गंधेसु
 य सज्जति रज्जति गिज्भति मुज्भति अज्भोववज्जति से णं इहलोए
 चेव बहूरां समणाण य जाव सावियाण य हीलणिज्जे जाव अणुपरिय-
 ट्ठिस्सति ५ ॥ सूत्रं १४० ॥

कल-रिभिय-महुर-तंती-तल-ताल-वंस-कउहाभिरामेसु । सइसु रज्ज-
 माणा रमंती सोइंदियवसट्टा ॥ १ ॥ सोइंदिय-दुइन्तत्तणस्स अह एत्तिओ
 हवति दोसो । दीविगरुय-मसहंतो वहबंधं तित्तिरो पत्तो ॥ २ ॥ थण-जहण-
 वयण-कर-चरण-णायण-गव्विय-विलासिय-गतीसु । रूवेसु रज्जमाणा. रमंति
 चक्खिंदियवसट्टा ॥ ३ ॥ चक्खिंदिय-दुइंत्तणस्स अह एत्तिओ भवति

दोसो । जं जलणामि जलंते पडति पयंगो अबुद्धीथो ॥ ४ ॥ अगुरु-वर-
 पवर-ध्रुवण-उउय-मलाणुलेवण-विहीसु । गंधेसु रजमाणा रमंति घाणिदिय-
 वसट्टा ॥ ५ ॥ घाणिदिय-दुहं तत्तणस्स अह एत्तिथो हवइ दोसो । जं
 ओसहिगंधेणं बिलाथो निद्धावती उरगो ॥ ६ ॥ तित्तकडुयं कसायंब-महुरं
 बहुखज्ज-पेज्जलेज्जेसु । आसायंमि उ गिद्धा रमंति जिब्भिदियवसट्टा
 ॥ ७ ॥ जिब्भिदिय-दुहं तत्तणस्स अह एत्तिथो हवइ दोसो । जं गललगु-
 विखत्ता फुरइ थलविरल्लिओ मच्छो ॥ ८ ॥ उउ-भयमाण-सुहेहि य सविभव-
 हियय-गमाण-निव्वुड्ढकरेसु । फासेसु रजमाणा रमंति फासिंदिय-वसट्टा ॥ ९ ॥
 फासिंदिय-दुहं तत्तणस्स अह एत्तिथो हवइ दोसो । जं खणइ मत्थयं कुंजरस्स
 लोहं कुसो तिक्खो ॥ १० ॥ कल-रिभिय-महुर-तंती-तल-ताल-वंस-कउहाभि-
 रामेसु । सहेसु जे न गिद्धा वसट्टमरणं न ते मरण ॥ ११ ॥ थण-जहण-
 वयण-कर-चरण-नयण-गव्विय-विलासिय-गतीसु । रूवेसु जे न रत्ता वसट्ट-
 मरणं न ते मरण ॥ १२ ॥ अगुरु-वर-पवर-ध्रुवण-उउय-मलाणुलेवण-विहीसु ।
 गंधेसु जे न गिद्धा वसट्टमरणं न ते मरण ॥ १३ ॥ तित्तकडुयं कसायंब-
 महुरं बहुखज्ज-पेज्जलेज्जेसु । आसाये जे न गिद्धा वसट्टमरणं न ते मरण
 ॥ १४ ॥ उउ-भयमाण-सुहेसु य सविभव-हियय-माणिव्वुड्ढकरेसु । फासेसु
 जे न गिद्धा वसट्टमरणं न ते मरण ॥ १५ ॥ सहेसु य भइयपावएसु
 सोयविसयं उवगएसु । तुट्टेण व रुट्टेण व समणेण सया ण
 होयवं ॥ १६ ॥ रूवेसु य भइग-पावएसु वक्खुविसयं उवगएसु । तुट्टेण
 व रुट्टेण व समणेण सया ण होयवं ॥ १७ ॥ गंधेसु य भइयपावएसु
 घाणविसयं उवगएसु । तुट्टेण व रुट्टेण व समणेण सया ण होयवं
 ॥ १८ ॥ रसेसु य भइयपावएसु जिब्भिविसयं उवगएसु । तुट्टेण व रुट्टेण
 व समणेण सया ण होयवं ॥ १९ ॥ फासेसु य भइयपावएसु कायविसयं
 उवगएसु । तुट्टेण व रुट्टेण व समणेण सया ण होयवं ॥ २० ॥ एवं

खलु जंबू ! समणोरां भगवया महावीरेणं जाव संपत्तेरां सत्तरसमस्स णायज्झयणास्स
अयमट्ठे पन्नत्तेत्तिवेमि ॥ सूत्रं १४१ ॥ सत्तरसमं नायज्झयणां समत्तं ॥

॥ इति सप्तदशमध्ययनम् ॥ १७ ॥

॥१८॥ अथ श्रीसुसुमारुख्यं अष्टादशमध्ययनम् ॥

जति रां भंते ! समणोरां जाव संपत्तेरां सत्तरसमस्स नायज्झयणास्स
अयमट्ठे पराणत्ते अट्ठारसमस्स णं भंते ! नायज्झयणास्स समणोरां जाव
संपत्तेरां के अट्ठे पन्नत्ते ? , एवं खलु जंबू ! तेरां कालेणं २ रायगिहे
णामं नयरे होत्था वराणओ १ । तत्थ णं धराणो सत्थवाहे भद्दा भारिया,
तस्स णं धराणस्स सत्थवाहस्स पुत्ता भद्दाए अत्तया पंच सत्थवाहदारगा
होत्था, तंजहा—धरो धराणपाले धरादेवे धरागोवे धराणक्खिए, तस्स णं धराणस्स
सत्थवाहस्स धूया भद्दाए अत्तया पंचराहं पुत्ताणं अणुमग्गजातीया सुंसुमा-
णामं दारिया होत्था सुमालपाणिपाया २ । तस्स णं धराणस्स सत्थवाहस्स
चिलाए नामं दासचेडे होत्था अहीण-पंचिदियसरीरे मंसोवचिए बाल-कीला-
वण-कुसले यावि होत्था, तते णं से दासचेडे सुंसुमाए दारियाए बालग्गाहे
जाए यावि होत्था, सुंसुमं दारियं कडीए गिराहति २ बहूहिं दारएहि य
दारियाहि य डिंभएहि य डिंभियाहिं य कुमारएहि य कुमारियाहि य
सद्धिं अभिरममाणो २ विहरति ३ । तते णं से चिलाए दासचेडे तेसिं
बहू णं दारियाण य ६ अप्पेगतियाणं खल्लए अवहरति, एवं वट्टए आडो-
लियातो तेंदुसए पोत्तुल्लए साडोल्लए अप्पेगतियाणं आभरणमल्लालंकारं
अवहरति अप्पेगतिया आउस्सति एवं अवहसइ निच्छोडेति निब्भच्छेति
तज्जेति अप्पेगतिया तालेति, तते णं ते बहवे दारगा य ६ रोयमाणा य ५
साणं २ अम्मापिऊणं णिवेदेति तते णं तेसिं बहू णं दारगाण य ६
अम्मापियरो जेणोव धराणो सत्थवाहे तेणोव उवागच्छंति धराणं सत्थवाहं

बहूहिं खेज्जणाहि य रुंटाणाहि य उवलंभणाहि य खेज्जमाणा य रुंटाणा
य उवलंभमाणा य धराणस्स एयमट्टं णिवेदेति ४ । तते गां धराणे
सत्थवाहे चिलायं दासचेडं एयमट्टं भुज्जो २ णिवारेति, गो चेव गां चिलाए
दासचेडे उवरमति, तते गां से चिलाए दासचेडे तेसिं बहूणां दारगाण य
६ अप्पेगतियाणां खुल्लए अवहरति जाव तालेति, तते गां ते बहवे दारगा
य ६ रोयमाणा य जाव अम्मापिऊणां णिवेदेति, तते गां ते आसुरुत्ता ५
जेणेव धराणे सत्थवाहे तेणेव उवागच्छंति २ चा बहूहिं खिज्ज जाव एयमट्टं
णिवेदेति, ५ । तते गां से धराणे सत्थवाहे बहूणां दारगाणां ६ अम्मापिऊणां
अंतिए एयमट्टं सोच्चा आसुरुत्ते चिलायं दासचेडं उच्चावयाहिं आउसणाहिं
आउसति उद्धंसति णिब्भच्छेति निच्छोडेति तज्जेति उच्चावयाहिं तालणाहिं
तालेति सातो गिहातो णिच्छुभति ६ ॥ सूत्रं १४२ ॥ तते गां से चिलाए
दासचेडे सातो गिहातो निच्छूढे समाणे रायगिहे नयरे सिंघाडए जाव
पहेसु देवकुलेसु य सभासु य पवासु य जयखलएसु य वेसाधरेसु य
पाणाधरएसु य सुहंसुहेणां परिवहति १ । तते गां से चिलाए दासचेडे
अणोहट्टिए अणिवारिए सच्छंदमई सइरप्पयारी मज्जपसंगी चोज्जपसंगी
मंसपसंगी जूयप्पसंगी वेसापसंगी परदारप्पसंगी जाए यावि होत्था २ ।
तते गां रायगिहस्स नगरस्स अदूरसामंते दाहिणपुरत्थिमे दिसिभाए सीहगुहा
नामं चोरपल्ली होत्था विसम-गिरि-कडग-कोडंब-संनिविट्ठा वंसी-कलंक(कड)
पागार-परिक्खत्ता छिराण-सेल-विसम-प्पवाय-फरिहोवगूढा एगदुवारा अणोग-
खंडी विदित-जणाणिग्गमपवेसा अग्भितर-पाणिया सुदुल्लभ-जलपेरंता (जत्थ
चउरंगबलनिउत्तावि कूवियबला-हयमहियपवर-वीर-घाइय-निवडिय-चिन्धधय-
वडया कीरंति) सुबहुस्सवि कूवियबलस्स आगयस्स दुप्पहंसा यावि होत्था
३ । तत्थ गां सीहगुहाए चोरपल्लीए विजए गामं चोरसेणावती परिवसति
अहम्मिए जाव अधम्मे केऊ समुट्टिए बहुणागर-णिग्गयजसे सूरे ददप्पहारी

साहसीए सद्देही, से गां तत्थ सीहगुहाए चोरपल्लीए पंचराहं चोरसयाणां
 आहेवच्चं जाव विहरति ४ । तते गां से विजए तकरे चोरसेणावती बहूणां
 चोराणा य पारदारियाणा य गंडिभेयगाणा य संधिच्छेयगाणा य स्वत्तखणाणा
 य रायावगारीणा य अण्णधारगाणा य बाल-घायगाणा य वीसंभ-घायगाणा य
 जूयकाराणा य खंडस्वखाणा य अन्नेसि च बहूणां छिन्नभिन्न-बहिराहयाणां
 कुडंगे यावि होत्था ५ । तते गां से विजए तकरे चोरसेणावती रायगिहस्स
 दाहिणापुरच्छिमं जणावयं बहूहिं गामघाएहि य नगरघाएहि य गोग्गहगोहि य
 बंदिग्गहगोहि य पंथकुट्टगोहि य स्वत्तखणागोहि य उवीलेमाणे २ विद्धंसेमाणे
 २ णित्थाणां णिद्धाणां करेमाणे विहरति ६ । तते गां से चिलाए दासचेडे
 रायगिहे बहूहिं अत्थाभिसंकीहि य चोज्जाभिसंकीहि य दारभिसंकीहि य धाणा-
 एहि य जूइकरेहि य परम्भवमाणे २ रायगिहाओ नगरीओ णिग्गच्छति २
 जेणेव सीहगुफा चोरपल्ली तेणेव उवागच्छति २ विजयं चोरसेणावति
 उवसंपज्जित्ताणां विहरति ७ । तते गां से चिलाए दासचेडे विजयस्स चोरसे-
 णावइस्स अग्गे असिलट्टग्गाहे जाए यावि होत्था, जाहेविय गां से विजए
 चोरसेणावती गामघायं वा जाव पंथकोट्टिं वा काउं वच्चति ताहेविय गां
 से चिलाए दासचेडे सुबहुँपि हू कूवियबलं हयविमहिय जाव पडिसेहति
 पुणारवि लद्धट्टे कयकज्जे अण्णहसमग्गे सीहगुहं चोरपल्लिं हव्वमागच्छति,
 तते गां से विजए चोरसेणावती चिलायं तकरं बहुइँओ चोरविज्जाओ य
 चोरमंते य चोरमायाओ य चोरनिगडीओ य सिक्खावेड ८ । तते गां से
 विजए चोरसेणावई अन्नया कयाई कालधम्मणा संजुत्ते यावि होत्था,
 तते गां ताइं पंचचोरसयातिं विजयस्स चोरसेणावइस्स महया २
 इड्डीसक्कारसमुदएणां णीहरणां करेति २ बहूइं लोइयातिं मयकिच्चाइं करेइ २
 जाव विगयसोया जाथा यावि होत्था ९ । तते गां ताइं पंच चोरसयातिं
 अन्नमन्नं सदावेति २ एवं वयासी-एवं खलु अहं देवाणुप्पिया ! विजए

चोरसेणावई कालधम्मुणा संजुत्ते अयं च गां चिलाए तकरे विजएणां
 चोरसेणावइणा बहूईओ चोरविज्जाओ य जाव सिक्खाविएतं सेयं खलु अम्हं
 देवाणुप्पिया ! चिलायं तकरं सीहगुहाए चोरपल्लीए चोरसेणावइत्ताए अभिसिं-
 चित्तएतिकट्टु अन्नमन्नस्स एयमट्टं पडिसुणोति २ चिलायं तीए सीहगुहाए
 चोरसेणावइत्ताए अभिसिंचति, तते गां से चिलाए चोरसेणावती जाए अहम्मिए
 जाव विहरति १० । तए गां से चिलाए चोरसेणावती चोरणायगे जाव
 कुडंगे यावि होत्था, से गां तत्थ सीहगुहाए चोरपल्लीए पंचराहं चोरसयाण
 य एवं जहा विजओ तहेव सव्वं जाव रायगिहस्स दाहिणापुरच्छिमिल्लं
 जणावयं जाव गित्थाणां निद्धणां करेमाणो विहरति ११ ॥ सूत्रं १४३ ॥
 तते गां से चिलाए चोरसेणावती अन्नया कयाई विपुलं असणां ४ उवक्ख-
 डावेत्ता पंच चोरसए आमंतेइ तओ पच्छा राहाए कयवलिकम्मे भोयणा-
 मंडवंसि तेहिं पंचहिं चोरसएहिं सद्धिं विपुलं असणां ४ सुरं च जाव
 पसराणां च आसाएमाणो ४ विहरति १ । जिमिय-भुत्ततरागए ते पंच
 चोरसए विपुलेणां धूवपुप्फ-गंधमलालंकारेणां सकारेति सम्माणेति २ एवं
 वयासी-एवं खलु देवाणुप्पिया ! रायगिहे णयरे धराणो णामं सत्यवाहे
 अड्ढे जाव अयरिभूए, तस्स गां धूया भद्दाए अत्तया पंचराहं पुत्ताणां
 अणुमग्गजातिया सुंसुमाणां दारिया यावि होत्था अहीणा जाव
 सुरूवा, तं गच्छामो गां देवाणुप्पिया ! धराणस्स सत्यवाहस्स गिहं विलुं-
 पामो तुब्भं विपुले धणाकणाग जाव सिलप्पवाले ममं सुंसुमा दारिया २ ।
 तते गां ते पंच चोरसया चिलायस्स वयणां पडिसुणोति, तते गां से चिलाए
 चोरसेणावती तेहिं पंचहिं चोरसएहिं सद्धिं अल्लचम्मं दुरूहति २ पुब्बा-
 (पच्चा)वरराहकाल-समयंसि पंचहिं चोरसएहिं सद्धिं सराणद्ध जाव गहिया-
 उह-पहरणा माइयगोमुहिएहिं फलएहिं णिकट्टाहिं असिलट्टीहिं असगएहिं
 तोणोहिं सजीवेहिं धणाहिं समुक्खित्तेहिं सरेहिं समुल्लालियाहिं दी(दा)हाहिं

ओसारियाहिं उरुघंटियाहिं छिपतूरेहिं वज्जमाणोहिं महया २ उक्किट्ट-
 सीहणाय-चोर-कलकलरवं जाव समुहरवभूयं करेमाणा सीहगुहातो चोर-
 पल्लीओ पडिनिक्खमति २ जेणोव रायगिहे नगरे तेणोव उवागच्छंति २
 रायगिहस्स अदूरसामंते एगं महं गहणं अणुपविसंति २ दिवसं खवेमाणा
 चिट्ठंति ३ । तते णं से चिलाए चोरसेणावइं अद्धरत्तकाल-समयंसि निसंत-
 पडिनिंसंतंसि पंचहिं चोरसएहिं सद्धि माइयगोमुहितेहिं फलएहिं जाव
 मूइआहिं उरुघंटियाहिं जेणोव रायगिहे पुरत्थिमिल्ले दुवारे तेणोव उवागच्छति
 २ उदगवत्थि परामुसति आयंते ३ तालुग्याडणिविज्जं आवाहेइ २ रायगिहस्स
 दुवारकवाडे उदएणं अच्छोडेति कवाडं विहाडेति २ रायगिहं अणुपविसति २
 महया २ सइं णं उग्घोसेमाणो २ एवं वयासी-एवं खलु अहं देवाणुप्पिया !
 चिलाए णामं चोरसेणावइं पंचहिं चोरसएहिं सद्धि सीहगुहातो चोरपल्लीओ इह
 हव्वमाणं धराणस्स सत्थवाहस्स गिहं घाउकामे तं जो णं णवियाए माउयाए दुद्धं
 पाउकामे से णं निग्गच्छउत्तिकट्टु जेणोव धराणस्स सत्थवाहस्स-गिहे तेणोव
 उवागच्छति २ धराणस्स गिहं विहाडेति ४ । तते णं से धराणो चिलाएणं
 चोरसेणावतिणा पंचहिं चोरसएहिं सद्धि गिहं घाइज्जमाणं पासति २ भीत्ते
 तत्थे ४ पंचहिं पुत्तेहिं सद्धि एगंतं अवक्कमति, तते णं से चिलाए चोरसे-
 णावती धराणस्स सत्थवाहस्स गिहं घाएति २ सुबहुं धणकणग जाव
 सावएज्जं सुंसुमं च दारियं गेणहति २ ता रायगिहाओ पडिणि-
 क्खमति २ जेणोव सीहगुहा तेणोव पहारेत्थ गमणाए ५ ॥ सूत्रं १४४ ॥
 तते णं से धराणो सत्थवाहे जेणोव सए गिहे तेणोव उवागच्छति २
 सुबहुं धणकणग जाव सावएज्जं सुंसुमं च दारियं अबहरियं जाणित्ता
 महत्थं ३ पाहुडं गहाय जेणोव णगरगुत्तिया तेणोव उवागच्छति २ तं
 महत्थं पाहुडं जाव उवणोति २ एवं वयासी-एवं खलु देवाणुप्पिया !
 चिलाए चोरसेणावती सीहगुहातो चोरपल्लीओ इहं हव्वमाणं पंचहि

चोरसएहिं सद्धिं मम गिहं धाएत्ता सुबहुँ धणकणग जाव सावएज्जं सुंसुमं
 च दारियं गहाय जाव पडिगए, तं इच्छामो रां देवाणुप्पिया ! सुंसुमादारियाए
 कूवं गमित्तए, तुब्भे रां देवाणुप्पिया ! से विपुले धणकणगे ममं सुंसुमा
 दारिया०, तते रां ते णयरगुत्तिया धणणस्स एयमट्टं पडिसुणोति २ सन्नद्ध
 जाव गहियाउहपहरणा महया २ उक्किट्टसीहणाय-चोर-कलकलरवं जाव
 समुद्दरवभूयंपिव करेमाणा रायगिहाओ णिग्गच्छंति २ जेणोव चिलाए
 चोरे तेणोव उवागच्छंति २ चिलाएणां चोरसेणावतिणा सद्धिं संपलग्गा
 यावि होत्था १ । तते रां णयरगुत्तिया चिलायं चोरसेणावतिं हयमहिया
 जाव पडिसेहेति, तते रां ते पंच चोरसया णयरगोत्तिएहिं हयमहिय जाव
 पडिसेहिया समाणा तं विपुलं धणकणगं विच्छड्डेमाणा य विप्पकिरेमाणा
 य सव्वतो समंता विप्पलाइत्था २ । तते रां ते णयरगुत्तिया तं विपुलं धणकणगं
 गेराहंति २ जेणोव रायगिहे तेणोव उवागच्छंति, तते रां से चिलाए तं चोरसेरां
 तेहिं णयरगुत्तिएहिं हयमहिय जाव भीते तत्थे सुंसुमं दारियं गहाय एगं
 महं अगामियं दीहमद्धं अडविं अणुपविट्टे ३ । तते रां धरणो सत्थवाहे
 सुंसुमं दारियं चिलाएणां अडवीमुहिं अदहीरमाणिं पासित्तरां पंचहिं पुत्तेहिं
 सद्धिं अप्पच्छट्टे सन्नद्धबद्ध जाव गहियाउह-पहरणा चिलायस्स पदमग्गविहिं
 अभिगच्छति, अणुगज्जेमाणो हकारेमाणो पुकारेमाणो अभितज्जेमाणो
 अभितासेमाणो पिट्टओ अणुगच्छति ४ । तते रां से चिलाए तं धराणां सत्थ-
 वाहं पंचहिं पुत्तेहिं अप्पच्छट्टं सन्नद्धबद्धं समणुगच्छमाणं पासति २ अत्थामे
 ४ जाहे णो संचाएति सुंसुमं दारियं णिव्वाहित्तए ताहे संते तंते परिसंते
 नीलुप्पलं असिं परामुसति २ सुंसुमाए दारियाए उत्तमंगं छिंदति २ तं
 गहाय तं अगामियं अडविं अणुपविट्टे, तते रां चिलाए तीसे अगामियाए
 अडवीए तरहाते अभिभूते समाणो पम्हुट्टदिसाभाए सीहगुहं चोरपडिं
 असंपत्ते अंतरा चैव कालगए ५ । एवामेव समाणाउसो ! जाव पव्वतिए

समाणो इमस्स ओरालिय-सरीरस्स वंतासवस्स जाव विद्धंसण-धम्मस्स वराणहेउं जाव आहारं आहरेति से णं इहलोए चेव बहूणं समणाणं ४ हीलणिज्जे जाव अणुपरियट्टिस्सति जहा व से चिलाए तकरे ६ । तते णं से धरणो सत्थवाहे पंचहिं पुत्तेहिं अप्पच्छट्ठे चिलायं परिधाडेमाणो २ तरहाए छुहाए य संते तंते परितंते नो संचाए चिलातं चोरसेणावति साहत्थि गिणिहत्तए, से णं तत्रो पडिनियत्तइ २ जेणोव सा सुंसुमा दारिया चिलाएणं जीवियाओ ववरोविल्लिया तेणंतेणोव उवागच्छति २ सुंसुमं दारियं चिलाएणं जीवियाओ ववरोवियं पासइ २ परसुनियंतेव चंपगपायवे, तते णं से धरणो सत्थवाहे अप्पच्छट्ठे आसत्थे कूवमाणो कंदमाणो विलवमाणो महया २ सहेणं कुह २ सुपरुन्ने सुचिरं कालं वाहमोक्खं करेति ७ । तते णं से धरणो पंचहिं पुत्तेहिं अप्पच्छट्ठे चिलायं तीसे अगामियाए अडवीए सव्वतो समंता परिधाडेमाणा तरहाए छुहाए य परिब्भं(रुद्धं)ते समाणो तीसे आगामियाए अडवीए मव्वत्तो समंता उदगस्स मग्गणागवेसणं करेति २ संते तंते परितंते णिव्विन्ने तीसे आगामियाए अडवीए उदगरस्स मग्गणागवेसणं करेमाणो नो चेव णं उदगं आसादेति = । तते णं उदगं अणासाए-माणो जेणोव सुंसुमा जीवियातो ववरोएल्लिया तेणोव उवागच्छंति २ जेट्ठं पुत्तं धरणो सहावेइ २ एवं वयासी-एवं खलु पुत्ता ! सुंसुमाए दारियाए अट्टाए चिलायं तकरं सव्वतो समंता परिधाडेमाणा तरहाए छुहाए य अभिभूया समाणा इमीसे आगामियाए अडवीए उदगस्स मग्गणागवेसणं करेमाणा णो चेव णं उदगं आसादेमो १ । तते णं उदगं अणासाएमाणा णो संचाएमो रायगिहं संपावित्तए, तराणं तुब्भे ममं देवाणुप्पिया ! जीवियाओ ववरोवेह मंसं च सोणियं च आहारेह २ तेणं आहारेणं अवहिट्ठा समाणा ततो पच्छा इमं आगामियं अडविं णित्थरिहिह रायगिहं च संपाविहिह मित्तणाइय० अभिसमागच्छिहिह अत्थस्स य धम्मस्स य पुराणस्स य आभागी भविस्सह

१० । तते गां से जेट्टुपुत्ते धराणेणां एवं वुत्ते समाणे धराणां सत्थवाहं एवं वयासी-तुब्भे गां ताओ ! अहं पिया गुरुजणाया देवयभूया ठवका पति-ट्ठावका संरक्खगा संगोवगा तं कहराणं अह्हे तातो ! तुब्भे जीवियाओ ववरोवेमो तुब्भं गां मंसं च सोणियं च आहारेमो ? तं तुब्भे गां तातो ! ममं जीवियाओ ववरोवेह मंसं च सोणियं च आहारेह आगामियं अडवि णित्थरह तं चेव सब्बं भणइ जाव अत्थस्स जाव पुगणास्स आभागी भविस्सह, तते गां धराणां सत्थवाहं दोच्चे पुत्ते एवं वयासी-मा गां ताओ ! अह्हे जेट्टुं भायरं गुरुं देवयं जीवियाओ ववरोवेमो तुब्भे गां ताओ ! मम जीवियाओ ववरोवेह जाव आभागी भविस्सह, एवं जाव पंचमे पुत्ते ११ । तते गां से धराणे सत्थवाहे पंच पुत्तारां हियइच्छियं जाणित्ता ते पंच पुत्ते एवं वयासी-मा गां अह्हे पुत्ता ! एगमवि जीवियाओ ववरोवेमो एस गां सुंसुमाए दारियाए सरीरए णिष्पाणे जाव जीवविष्पज्जे तं सेयं खलु पुत्ता ! अहं सुंसुमाए दारियाए मंसं च सोणियं च आहारेत्ते, तते गां अह्हे तेरां आहारेणां अवत्थद्धा समाणा रायगिहं संपाउण्णिस्सामो, तते गां ते पंच पुत्ता धराणेणां सत्थवाहेणां एवं वुत्ता समाणा एयमट्टं पडिसुण्णेति १२ । तते गां धराणे सत्थवारे पंचहिं पुत्तेहिं सद्धिं अरणिं करेति २ सरगं च करेति २ सरणां अरणिं महेति २ अग्गि पाडेति २ अग्गि संधुक्खेति २ दारुयातिं परिक्खेवेति २ अग्गि पज्जालेति २ सुंसुमाए दारियाए मंसं च सोणियं च आहारेति, तेरां आहारेणां अवत्थद्धा समाणा रायगिहं नयरिं संपत्ता मित्तणाईअभिसमराणागया तस्स य विउलस्स धणाकणागरयण जाव आभागी जायावि होत्था, तते गां से धराणे सत्थवाहे सुंसुमाए दारियाए बहूइ लोइयातिं जाव विगयसोए जाए यावि होत्था १३ ॥ सूत्रं १४५ ॥

तेरां कालेरां २ समणे भगवं महावीरे गुणासिलए चेइए समोसडे १ । से गां धराणे सत्थवाहे संपत्ते धम्मं सोच्चा पव्वतिए एकारसंगवी मासियाए

संलेहणाए सोहंमे उववराणो महाविदेहे वासे सिञ्जिहिति २ । जहाविय
 गां जंबू ! धराणोरां सत्यवाहेरां णो वराणहेउं वा नो रूवहेउं वा णो बलहेउं
 वा नो विसयहेउं वा सुसुमाए दारियाए मंससोणिए आहारिए नन्नत्थ
 एगाए रायगिहं संपावणाट्टयाए, एवामेव समणाउसो ! जो अहं निगंथो
 वा २ इमस्स थोरालियसरीरस्स वंतासवस्स पित्तासवस्स सुकासवस्स
 सोणियासवस्स जाव अवस्सं विप्पजहियव्वस्स वा नो वराणहेउं वा नो
 रूवहेउं वा नो बलहेउं वा नो विसयहेउं वा आहारं आहारेति नन्नत्थ
 एगाए सिद्धिगमण-संपावणाट्टयाए ३ । से गां इहभवे चेव बहूणां समणाणां २
 बहूणां सावयाणां बहूणां साविगाणां अन्नणिज्जे जाव वीतीवतीस्सति, एवं
 खलु जंबू ! समणोरां भगवया महावीरेरां जाव संपत्तेरां अट्टारसमस्स नाय-
 ज्झयणास्स अयमट्टे पणत्तेत्तिवोम ४ ॥ सूत्रं १४६ ॥ अट्टारसमं णाय-
 ज्झयणां समत्तं ॥

॥ इति अष्टादशममध्ययनम् ॥ १८ ॥

॥१६॥ अथ श्रीपुण्डरीकाख्यं एकोनविंशतितममध्ययनम् ॥

जति गां भंते ! समणोरां भगवया महावीरेरां जाव संपत्तेरां
 अट्टारसमस्स नायज्झयणास्स अयमट्टे पन्नत्ते एणूणावीसइमस्स नाय-
 ज्झयणास्स के अट्टे पन्नत्ते ? , एवं खलु जंबू ! तेरां कालेरां
 २ इहेव जंबुदीवे दीवे पुव्वविदेहे सीयाए महाणादीए उत्तरिल्ले
 कूले नीलवंतस्स दाहिरोगां उत्तरिल्लस्स सीतामुहवणासंडस्स पच्छिमेगां
 एगसेलगस्स वक्खारपव्वयस्स पुरत्थिमेगां एत्थ गां पुक्खलावई णामं विजए
 पन्नत्ते, तत्थ गां पुण्डरीगिणी णामं रायहाणी पन्नत्ता णवजोयणा-विच्छिणाणा
 दुवालस-जोयणायामा जाव पक्खं देवलोयभूया पासातीया ४, १ । तीसे
 गां पुण्डरीगिणीए णायरीए उत्तरपुरच्छिमे दिसिभाए णालिणिवणो

गामं उज्जाणो, तत्थ गां पुंडरीगिणीए रायहाणीए महापउमे गामं राया
 होत्था, तस्स गां पउमावती गामं देवी होत्था, तस्स गां महापउमस्स रत्तो
 पुत्ता पउमावतीए देवीए अत्तया दुवे कुमारा होत्था, तंजहा-पुंडरीए
 य कंडरीए य सुकुमाल-पाणिपाया०, पुंडरीयए जुवराया २ । तेगां कालेगां
 २ थेरागमगां महापउमे राया णिग्गए धम्मं सोच्चा पोंडरीयं रज्जे ठ्वेत्ता
 पव्वतिए, पोंडरीए राया जाए, कंडरीए जुवराया, महापउमे अण्णगारे
 चोद्दसपुव्वाइं अहिज्जइ, तते गां थेरा बहिया जणवयविहारं विहरंति, तते
 गां से महापउमे बहूणि वासाणि जाव सिद्धे ३ ॥ सूत्रं १४७ ॥ तते गां
 थेरा अन्नया कयाई पुण्णरवि पुंडरीगिणीए रायहाणीए णालिणवणो उज्जाणो
 समोसदा, पोंडरीए राया णिग्गए, कंडरीए महाजणसहं सोच्चा जहा
 महव्वलो जाव पज्जुवासति, थेरा धम्मं परिकहेति, पुंडरीए समणोवासए
 जाए जाव पडिगते १ । तते गां कंडरीए उट्टाए उट्टेति उट्टाए उट्टेत्ता जाव
 से जहेयं तुब्भे वदह जं णवरं पुंडरीयं रायं आपुच्छामि तए गां जाव
 पव्वयामि, अहासुहं देवाणुप्पिया ! मा पडिबंधं करेह, २ । तए गां से
 कंडरीए जाव थेरे वंदइ नमंसइ २ थेरोणां अंतियाओ पडिनिक्खमइ तमेव
 चाउघटं आसरहं दुरूहति जाव पचोरुहइ जेणेव पुण्डरीए राया तेणेव
 उवागच्छति करयल जाव पुंडरीयं एवं वयासी-एवं खलु देवाणुप्पिया !
 मए थेराणां अंतिए जाव धम्मे निसंते से धम्मे अभिरुहए, तए गां देवाणु-
 प्पिया ! जाव पव्वइत्तए, तए गां से पुंडरीए कंडरीयं एवं वयासी-मा गां तुमं
 देवाणुप्पिया ! इदाणि मुंडे जाव पव्वयाहि, अहं गां तुमं महया २ रायाभिसेणां
 अभिसिञ्चयामि, तए गां से कंडरीए पुंडरीयस्स रण्णो एयमट्टं णो आटाति
 जाव तुसिणीए संचिट्ठति ३ । तते गां पुंडरीए राया कंडरीयं दोच्चंपि
 तच्चंपि एवं वयासी-जाव तुसिणीए संचिट्ठति, तते गां पुंडरीए कंडरीयं
 कुमारं जाहे नो संचाएति बहूहि आधवणाहिं पण्णवणाहिं य ४ ताहे

अकामए चैव एयमट्टं अणुमन्नित्था जाव णिक्खमणाभिसेएणं अभिसिंचति
जाव थेराणां सीसभिक्ष्वं दलयति, पव्वतिए अणुगारे जाए एकारसंगविऊ,
तते णं थेरा भगवंतो अन्नया कयाई पुंडरीगिणीओ नयरीओ णलिणी-
वणाओ उज्जाणाओ पडिणिक्खमंति बहिया जणवयविहारं विहरंति ४
॥ सूत्रं १४८ ॥ तते णं तस्स कंडरीयस्स अणुगारस्स तेहिं अंतेहि य
पंतैहि य जहा सेलगस्स जाव दाहवक्कंतीए यावि विहरति, तते णं
थेरा अन्नया कयाई जेणोव पोंडरीगिणी तेणोव उवागच्छंति २ णलिणिवणो
समोसदा १ । पोंडरीए णिग्गए धम्मं सुणोति, तए णं पोंडरीए राया धम्मं
सोच्चा जेणोव कंडरीए अणुगारे तेणोव उवागच्छति कंडरीयं वंदति णमंसति
२ कंडरीयस्स अणुगारस्स सरीरगं सव्वावाहं सरोयं पासति २ जेणोव थेरा
भगवंतो तेणोव उवागच्छति २ थेरे भगवंते वंदति णमंसइ २ चा एवं
वयासी-अहरणां भंते ! कंडरीयस्स अणुगारस्स सरीरगं सव्वावाहं सरोगं
अहापवत्तेहिं ओसहभेसज्जेहिं जाव तेइच्छं आउट्टामि तं तुब्भे णं भंते !
मम जाणसालासु समोसरह, तते णं थेरा भगवंतो पुंडरीयस्स वयाणां
पडिसुणोति २ जाव उवसंपज्जित्ताणां विहरंति २ । तते णं पुंडरीए
राया जहा मंडुए सेलगस्स जाव बलियसरीरे जाए, तते णं थेरा
भगवंतो पोंडरीयं रायं पुच्छंति २ बहिया जणवयविहारं विहरंति
३ । तते णं से कंडरीए ताओ रोयायंकाओ विष्णुक्के समाणे तंसि
मणुसाणांसि असण-पाण-खाइम-साइमंसि मुच्छिए गिद्धे गट्टिए अज्भोववणो
णो संचाएइ पोंडरीयं आपुच्छित्ता बहिया अब्भुज्जएणां जणवयविहारं
विहरित्तए, तत्थेव ओसराणे जाए ४ । तते णं से पोंडरीए इमीसे कहाए
लद्धट्टे समाणे गहाए अंतेउर-परियाल-संपरीवुडे जेणोव कंडरीए अणुगारे
तेणोव उवागच्छति २ कंडरीयं तिक्खुत्तो आयाहिणां पयाहिणां करेइ २
२ एवं वयासी-धन्नेसि णं तुमं देवाणुप्पिया ! कयत्थे

कयपुन्ने कयलवस्वणो सुलद्धे णं देवाणुप्पिया । तव माणुस्सए जम्मजीवि-
यफले जे णं तुमं रज्जं च जाव अंतेउरं च छड्डइत्ता विगोवइत्ता जाव
पव्वतिए, अहं णं अहराणो अकयपुन्ने रज्जे जाव अंतेउरे य माणुस्सएसु
य कामभोगेसु मुच्छिए जाव अज्ज्भोववन्ने नो संचाएमि जाव पव्वतित्तए,
तं धन्नेऽसि णं तुमं देवाणुप्पिया ! जाव जीवियफले, तते णं से कंडरीए
अण्णगारे पुंडरीयस्स एयमट्टं णो आढाति जाव संचिट्ठति, तते णं कंडरीए
पोंडरीएणं दोच्चंपि तच्चंपि एवं बुत्ते समाणो अकामए अवस्सवसे लजाए
गारवेण य पोंडरीयं रायं आपुच्छति २ थेरेहिं सद्धि बहिया जणवयविहारं
विहरति ५ । तते णं से कंडरीए थेरेहिं सद्धि किंचि कालं उगंगउग्गेणं
विहरति, ततो पच्छा समात्तण-परितंते समात्तण-णिब्बिराणो समात्तण-
णिब्बमत्थिए समात्तण-मुक्कजोगी थेराणं अंतियाओ सणियं २ पच्चोसकत्ति
२ जेणोव पुंडरीगिणी णयरी जेणोव पुंडरीयस्स भवणो तेणोव उवागच्छति
असोगवणियाए असोगवरपायवस्स अहे पुढवीसिलापट्टगंसि णिसीयति २
ओहयमाणसंकप्पे जाव भियायमाणो संचिट्ठति ६ । तते णं तस्स पोंडरीयस्स
अम्मधाती जेणोव असोगवणिया तेणोव उवागच्छति २ कंडरीयं अण्णगारं
असोगवरपायवस्स अहे पढवीसिलावट्टयंसि ओहय-माण-संकप्पं जाव
भियायमाणं पासति २ जेणोव पोंडरीए राया तेणोव उवागच्छति २
पोंडरीयं रायं एवं वयासी—एवं खलु देवाणुप्पिया ! तव पिउभाउए कंडरीए
अण्णगारे असोगवणियाए असोगवरपायवस्स अहे पुढवीसिलावट्टे ओहय-
माणसंकप्पे जाव भियायति, तते णं पोंडरीए अम्मधाईए एयमट्टं सोच्चा
णिसम्म तहेव संभंते समाणो उट्ठाए उट्ठेति २ अंतेउर-परियाल-संपरिवुडे
जेणोव असोगवणिया जाव कंडरीयं तिक्खुत्तो आयाहिणं पयाहिणं करेइ २
एवं वयासी—धराणोसि णं तुमं देवाणुप्पिया ! जाव पव्वतिए, अहराणो
अधराणो ३ जाव पव्वइत्तए, तं धन्नेऽसि णं तुमं देवाणुप्पिया ! जाव जीवि-

यफले, तते गां कंडरीए पुंडरीएणां एवं वुत्ते समाणे तुसिणीए संचिट्टति दोच्चंपि तच्चंति जाव चिट्टति ७ । तते गां पुंडरीए कंडरीयं एवं वयासी-अट्टो भंते ! भोगेहिं ? हंता ! अट्टो, तते गां से पोंडरीए राया कोडुं चिय पुरिसे सदावेइ २ एवं वयासी-खिप्पामेव भो देवाणुप्पिया ! कंडरीयस्स महत्थं जाव रायाभिसेअं उवट्टवेह जाव रायाभिसेएणां अभिसिंचति ८ ॥ सूत्रं १४६ ॥ तते गां पुंडरीए सयमेव पंचमुट्टियं लोयं करेति २ सयमेव चाउज्जामं धम्मं पडिवज्जति २ कंडरीयस्स संतिथं आयारभंडयं गेराहति २ इमं एयारूवं अभिग्गहं अभिग्गहइ-कप्पति मे थेरे वंदित्ता णमंसित्ता थेराणां अंतिए चाउज्जामं धम्मं उवसंपज्जित्ता गां ततो पच्छा आहारं आहारित्तएत्तिकट्टु, इमं च एयारूवं अभिग्गहं अभिग्गिगेहेत्ता गां पोंडरीगिणीए पडिनिक्खमति २ पुव्वाणुपुव्वि चरमाणे गामाणुगामं दूइज्जमाणे जेणोव थेरा भगवंतो तेणोव पहारेत्थ गमणाए ॥ सूत्रं १५० ॥

तते गां तस्स कंडरीयस्स रणणे तं पणीयं पाणभोयणां आहारियस्स समाणस्स अतिजागरिएणा य अइभोयणुप्पसंगेणा य से आहारे णो सम्मं परिणमइ, तते गां तस्स कंडरीयस्स रणणे तंसि आहारंसि अपरिणममाणंसि पुव्वरत्तावरत्त-कालसमयंसि सरीरंसि वेयणा पाउब्भूया उज्जला विउला पगाढा जाव दुरहियासा पित्तजर-परिणय-सरीरे दाहवक्कंतीए यावि विहरति १ । तते गां कंडरीए राया रज्जे य रट्टे य अंतउरे य जाव अज्जोववन्ने अट्टुदुहट्टुवसट्टे अकामते अवस्सवसे कालमासे कालं किच्चा अहे सत्तमाए पुट्टवीए उक्कोस-काल-ट्टिइयंसि नरयंसि नेरइयत्ताए उववराणे । एवामेव समाणाउसो ! जाव पव्वतिए समाणे पुणारवि माणुस्सए कामभोगे आसाणइ जाव अणुपरियट्टिस्सति जहा व से कंडरीए राया २ ॥ सूत्रं १५१ ॥ तते गां पोंडरीए अणुगारे जेणोव थेरा भगवंतो तेणोव उवागच्छति २ थेरे भगवंते वंदति नमंसति २ थेराणां अंतिए दोच्चंपि चाउज्जामं धम्मं पडि-

वज्जति, छट्टुखमण-पारणागंसि पढ्माए पोरिसीए सज्ज्मायं करेति २ जाव
 अड्माणे सीयलुक्खं पाणाभोयणां पडिगाहेति २ अहापज्जत्तमितिकट्टु
 पडिणियत्तति, जेणेव थेरा भगवंतो तेणेव उवागच्छति २ भत्तपाणां
 पडिदंसेति २ थेरेहिं भगवंतेहिं अब्भणुन्नाए समाणे अमुच्छित्ते ४ विलमिव
 पराणगभूणां अप्पाणाणां तं फासुएसणिज्जं असरां ४ सरीरकोट्टुगंसि
 पक्खिवति १ । तते णां तस्स पुंडरीयस्स अण्णारस्स तं कालाइवकलं
 अरसं विरसं सीयलुक्खं पाणाभोयणां आहारियस्स समाणास्स पुव्वरत्तावरत्त-
 कालसमयंसि धम्मजागरियं जागरमाणास्स से आहारे णो सम्मं परिणमति,
 तते णां तस्स पुंडरीयस्स अण्णारस्स सरीरगंसि वेयणा पाउब्भूया उज्जला
 जाव दुरहियासा पित्तजर-परिणय-सरीरे दाहवक्कंतीए विहरति २ । तते
 णां से पुंडरीए अण्णारे अत्थामे अब्बले अवीरिए अपुरिसक्कार-परकमे
 करयल जाव एवं वयासी-णमोऽथु णां अरिहंताणां जाव संपत्ताणां णमोऽथु
 णां थेराणां भगवंताणां मम धम्मायरियाणां धम्मोवएसयाणां पुव्विपि य णां
 मए थेराणां अंतिए सब्बे पाणातिवाए पच्चक्खाए जाव मिच्छादंसणासल्ले णां
 पच्चक्खाए जाव आलोइयपडिक्कंते कालमासे कालं किच्चा सब्बट्टुसिद्धे
 उववन्ने ३ । ततो अण्णंतरं उव्वट्टित्ता महाविदेहे वासे सिज्जिभहिति जाव
 सब्बदुक्खाणमंतं काहिति ४ । एवामेव समणाउसो ! जाव पव्वतिए समाणे
 माणास्सएहिं कामभोगेहिं णो सज्जति नो रज्जति जाव नो विप्पडीघायमा-
 वज्जति से णां इहभवे चेव बहूणां समाणाणां बहूणां समणीणां बहूणां सावयाणां
 बहूणां साविगाणां अन्नणिज्जे वंदणिज्जे पूयणिज्जे सक्कारणिज्जे सम्माणा-
 णिज्जे कल्लाणां मंगलं देवयं चेइयं पज्जुवासणिज्जेत्तिकट्टु परलोएऽविय
 णां णो आगच्छति बहूणि दंडणाणि य मुंडणाणि य तज्जणाणि य ताड-
 णाणि य जाव चाउरंतं संसारकंतरं जाव वीतीवइस्सति जहा व से
 पोंडरीए अण्णारे ५ । एवं खलु जंबू ! समाणाणां भगवया महावीरेणां

आदिगरेणं तित्थगरेणं जाव सिद्धिगइ-णामधेज्जं ठणं संपत्तेणं एणूणावीस-
इमस्स नायज्भयणास्स अयमट्ठे पन्नत्ते ६ ॥ इति पौंडरीयज्भयणं ॥

एवं खलु जंबू ! समणोणं भगवया महावीरेणं जाव सिद्धिगइणामधेज्जं
ठणं संपत्तेणं छट्ठस्स अंगस्स पढमस्स सुयक्खंधस्स अयमट्ठे पराणत्तेत्तिबेमि ७
॥ सूत्रं १५२ ॥ तस्स णं सुयक्खंधस्स एणूणावीसं अज्भयणाणि एकसरगाणि
एणूणावीसाए दिवसेसु सम्पंपंति ॥ सूत्रं १५३ ॥ पढमो सुयक्खंधो समत्तो ॥

॥ इति एकोनविंशतितममध्ययनम् १२ ॥

॥ इति प्रथमः श्रुतस्कंधः समाप्त ॥

॥ अथ द्वितीय श्रुतस्कंधः ॥

॥१॥ अथ प्रथमो वर्गः ॥

तेणं कालेणं २ रायगिहे नामं नयरे होत्था, वराणत्थो, तस्स णं
रायगिहस्स बहिया उत्तरपुरच्छिमे दिसिभाए तत्थ णं गुणासीलए णामं
चेइए होत्था वराणत्थो १ । तेणं कालेणं २ समणस्स भगवत्थो महावी-
रस्स अंतेवासी अज्जसुहम्मा णामं थेरा भगवंतो जातिसंपन्ना कुलसंपन्ना
जाव चउइसपुब्बी चउणाणोवगया पंचहिं अणगारसएहिं सिद्धिं संपरिवुडा
पुव्वाणुपुब्बि चरमाणा गामाणुगामं दूइज्जमाणा सुहंसुहेणं विहरमाणा जेणोव
रायगिहे णयरे जेणोव गुणासीलए चेइए जाव संजमेणं तवसा अप्पाणं
भावेमाणा विहरंति, परिसा निग्गया, धम्मो कहित्थो, परिसा जामेव दिसिं
पाउब्भूया तामेव दिसिं पडिगया २ । तेणं कालेणं २ अज्जसुहम्मस्स
अणगारस्स अंतेवासी अज्जजंबू णामं अणगारे जाव पज्जुवासमाणो एवं
वयासी—जति णं भंते ! समणोणं जाव संपत्तेणं छट्ठस्स अंगस्स पढमसुय-
क्खंधस्स णायसुयाणं अयमट्ठे पन्नत्ते दोच्चस्स णं भंते ! सुयक्खंधस्स
धम्मकहाणं समणोणं जाव संपत्तेणं के अट्ठे पन्नत्ते ? , एवं खलु

जंबू ! समणोणां जाव संपत्तेणां धम्मप्रवहाणां दस वग्गा पन्नत्ता, तंजहा—चमरस्स अग्गमहिशीणां पढमे वग्गे १, बलिस्स वइरोयणांदस्स वइरोयणारत्तो अग्गमहिशीणां बीए वग्गे २, असुरिंदवज्जाणां दाहिल्लिणां इंदाणां अग्गमहिशीणां तइए वग्गे ३, उत्तरिल्लिणां असुरिंदवज्जियाणां भवणवासिइंदाणां अग्गमहिशीणां चउत्थे वग्गे ४, दाहिल्लिणां वाणमंतराणां इंदाणां अग्गमहिशीणां पंचमे वग्गे ५, उत्तरिल्लिणां वाणमंतराणां इंदाणां अग्गमहिशीणां छट्ठे वग्गे ६, चंदस्स अग्गमहिशीणां, सत्तमे वग्गे ७, सूरस्स अग्गमहिशीणां अट्टमे वग्गे ८, सक्कस्स अग्गमहिशीणां, णवमे वग्गे ९, ईसाणास्स अग्गमहिशीणां दसमे वग्गे १०, ३ । जति णां भंते ! समणोणां जाव संपत्तेणां धम्मकहाणां दस वग्गा पन्नत्ता, पढमस्स णां भंते ! वग्गस्स समणोणां जाव संपत्तेणां के अट्टे पन्नत्ते ?, एवं खलु जंबू ! समणोणां जाव संपत्तेणां पढमस्स वग्गस्स पंच अज्झयणा पन्नत्ता—तंजहा—काली राई रयणी विज्जू मेहा, जइ णां भंते ! समणोणां जाव संपत्तेणां पढमस्स वग्गस्स पंच अज्झयणा पन्नत्ता पढमस्स णां भंते ! अज्झयणास्स समणोणां जाव संपत्तेणां के अट्टे पन्नत्ते ?, एवं खलु जंबू ! तेणां कालेणां २ रायगिहे णायरे गुणसिलए चेइए सेणिए राया चेलणा देवी सामी समोसरिए परिसा णिग्गया जाव परिसा पज्जुवासति ४ । तेणां कालेणां २ काली नामं देवी चमरचंचाए रायहाणीए कालवडिसगभवणे कालंसि सीहासणांसि चउहिं सामाणिय-साहस्सीहिं चउहिं मयहरियाहिं सपरिवाराहिं तीहिं परिसाहिं सत्तहिं अणीएहिं सत्तहिं अणियाहिवतीहिं सोलसहिं आयरक्ख-देवसाहस्सीहिं अराणेहिं बहुएहि य कालवडिसयभवणावासीहिं असुरकुमारेहिं देवीहिं देवेहि य सद्धिं संपरिवुडा महयाइय जाव विहरइ, इमं च णां केवलकप्पं जंबुदीवं २ विउलेणां ओहिया आभोएमाणी २ पासइ ५ । तत्थ समणां भगवं महावीरं जंबुदीवे २ भारहे वासे रायगिहे नगरे गुणसिलए चेइए अहापडिरुवं उग्गहं उग्गिण्हत्ता संजमेणां तवसा

अप्पाणां भावेमाणां पासति २ ता हट्टुट्टुचित्तमाणांदिया पीतिमणा जाव ह्य-
हियया सीहासणाओ अब्भुट्टेति २ पायपीढाओ पञ्चोरुहति २ पाउयाओ
ओमुयति २ तित्थगराभिमुही सत्तट्टु पयाइं अणुगच्छति २ वामं जाणुं
अंचेति २ दाहिणं जाणुं धरणियलंसि निहट्टु तिक्खुत्तो मुद्धाणं धरणिय-
लंसि निवेसेति २ ईसिं पच्चुराणमइ २ कडयतुडियथंभियातो भुयातो
साहरति २ करयल जाव कट्टु एवं वयासी-णामोऽथु णं अरहंताणं जाव
संपत्ताणं, णामोऽथु णं समणस्स भगवओ महावीरस्स जाव संपाविउका-
मस्स, वंदामि णं भगवंतं तत्थगयं इह गए पासउ मे समणे भगवं महावीरे
तत्थ गए इह गयंतिकट्टु वंदति २ नमंसति २ सीहासणावरंसि पुरत्थाभि-
मुहा निसराणा ५ । तते णं तीसे कालीए देवीए इमेयारूवे जाव समुप्प-
ज्जित्था-सेयं खलु मे समणं भगवं महावीरं वंदित्ता जाव पज्जुवासित्तए-
त्तिकट्टु एवं संपेहेति २ आभिओगिए देवे सहावेति २ एवं वयासी-एवं
खलु देवाणुप्पिया ! समणे भगवं महावीरे एवं जहा सूरियाभो तहेव
आणत्तियं देइ जाव दिव्वं सुखराभिगमणजोगं करेह २ जाव पच्चप्पिणाह,
तेवि तहेव करेत्ता जाव पच्चप्पिणांति, णवरं जोयण-सहस्स-विच्छिराणां जारां
सेसं तहेव तहेव णामगोयं साहेइ तहेव नट्टुविहिं उवदंसेइ जाव पडिगया
६ । भंतेत्ति भगवं गोयमे समणां भगवं महावीरं वंदति णमंसति २ एवं
वयासी-कालीए णं भंते ! देवीए सा दिव्वा देविड्डी ३ कहिं गया कहिं
अणुपविट्ठा ? कूडागार-सालादिट्टुतो, अहो णं भंते ! काली देवी महि-
ड्डिया, कालीए णं भंते ! देवीए सा दिव्वा देविड्डी ३ किराणा लद्धा
किराणा पत्ता किराणा अभिसमराणागया ? एवं जहा सूरियाभस्स जाव
एवं खलु गोयमां ! तेरां कालेणं २ इहेव जंबुद्वीवे २ भारहे वासे आमल-
कप्पा णाम णायरी होत्था वराणओ अंबसालवणे चेइए जियसत्तू-राया,
तत्थ णं आमलकप्पाए नयरीए काले नामं गाहावती होत्था अइं जाव

अपरिभूए, तस्स रां कालस्स गाहावइस्स कालसिरी णामं भारिया होत्था, सुकुमाल जाव सुख्वा, तस्स रां कालगस्स गाहावतिस्स धूया कालसिरीए भारीयाए अत्तया काली णामं दारिया होत्था, वड्ढा वड्ढुकुमारी जुगणा जुगणाकुमारी पडियपुयत्थणी णिव्वन्नवरा वरपरिवज्जिया यावि होत्था ७ । तेणं कालेणं २ पासे अरहा पुरिसादाणीए आइगरे जहा वद्धमाणसाभी णवरं णवहत्थुस्सेहे सोलसहिं समणसाहस्सीहिं अट्टत्तीसाए अज्जियासाहस्सीहिं सद्धिं संपरिवुडे जाव अंबसालवणे समोसढे परिसा णिग्गया जाव पज्जुवासति, तते रां सा काली दारिया इमीसे कहाए लद्धट्टा समाणी हट्ट जाव हियया जेणेव अम्मापियरो तेणेव उवागच्छति २ करयल जाय एवं वयासी—एवं खलु अम्मयाओ ! पासे अरहा पुरिसादाणीए आइगरे जाव विहरति, तं इच्छामि रां अम्मयाओ ! तुब्भेहिं अम्भणुन्नाया समाणी पासस्स अरओ पुरिसादाणीयस्स पायवंदिया गमित्तए ? अहासुहं देवाणुप्पिया ! मा पडिवंधं करेहि, तते रां सा कालिया दारिया अम्मापिईहिं अम्भणुन्नाया समाणी हट्ट जाव हियया राहाया कयबलिकम्मा कयकोउय-मंगल-पायच्छित्ता सुद्धप्पावेसाइं मंगलातिं वत्थातिं पवर परिहिया अप्प-महग्घाभरणालंकिय-सरीरा चेडिया-चकवाल-परिकिरणा सातो गिहातो पडिणिक्खमति २ जेणेव बाहिरिया उवट्टाणसाला जेणेव धम्मिए जाणपवरे तेणेव उवागच्छति २ धम्मियं जाणपवरं दुरूदा, तते रां सा काली दारिया धम्मियं जाणपवरं एवं जहा दोवती जाव पज्जुवासति ८ । तते रां पासे अरहा पुरिसादाणीए कालीए दारियाए तीसे य महति-महालयाए परिसाए धम्मं कहेइ, तते रां सा काली दारिया पासस्स अरहओ पुरिसादाणीयस्स अंतिए धम्मं सोचा णिसम्म हट्ट जाव हियया पासं अरहं पुरिसादाणीयं तिक्खुत्तो वंदति नमंसति २ एवं वयासी—सह्वामि रां भंते ! णिग्गंथं पावयणं जाव से जहेयं तुब्भे वयह, जं णवरं देवाणुप्पिया ! अम्मापियरो

आपुच्छामि, तते गां अहं देवाणुप्पियाणां अंतिए जाव पव्वयामि, अहासुहं
 देवाणुप्पिया ! मा पडिबद्धं करेहि ६ । तते गां सा काली दारिया पासणां
 अरहया पुरिसादाणीएणां एवं बुत्ता समाणी हट्ट जाव हियया पासं अरहं
 वंदति नमंसति २ तमेव धम्मियं जाणप्पवरं दुरुहति २ पासस्स अरहओ
 पुरिसादाणीयस्स अंतियातो अंबसालावणाओ चेइयाओ पडिणिक्खमति २
 जेणोव आमलकप्पा नयरी तेणोव उवागच्छति २ आमलकप्पं गायरिं
 मज्झंमज्जेणां जेणोव बाहिरिया उवट्टाणसाला तेणोव उवागच्छति २ धम्मियं
 जाणप्पवरं ठ्वेति २ धम्मियाओ जाणप्पवराओ पचोरुहति २ जेणोव
 अम्मापियरा तेणोव उवागच्छति २ करयल जाव एवं वयासी—एवं खलु अम्म-
 याओ ! मए पासस्स अरहतो अंतिए धम्मे णिसंते सेउविय धम्मे इच्छिए
 पडिच्छिए अभिरुतिए, तए गां अहं अम्मयाओ ! संसारभउव्विग्गा भीया जम्म
 णमरणाणां इच्छामिणां तुब्भेहि अब्भणुन्नाया समाणी पासस्स अरहतो अंतिए
 मुंडा भवित्ता आगारातो अणगारियं पव्वतित्तए, अहासुहं देवाणुप्पिया ! मा
 पडिवंधं करेहि १० । तते गां से काले गाहावई विपुलं असणां ४ उवक्ख-
 डावेति २ मित्तणाइ-णियग-सयण-संबंधिपरियणां आमंतेति २ ततो पच्छा
 राहाए जाव विपुलेणां पुण्फवत्थ-गंध-मल्लालंकारेणां सक्कारेत्ता सम्माणोत्ता
 तस्सेव मित्तणाति-णियग-सयण-संबंधि-परियणास्स पुरतो कालियं दारियं
 सेयापीएहिं कलसेहिं राहावेति २ सव्वालंकारविभूसियं करेति २ पुरिस-
 सहस्स-बाहिणीयं सीयं दुरुहेति २ मित्तणाइ-णियग-सयण-संबंधि-परियणोणां
 सद्धिं संपरिवुडे सव्विड्डीए जाव रवेणां आमलकप्पं नयरिं मज्झंमज्जेणां
 णिग्गच्छति २ जेणोव अंबसालवणो चेइए तेणोव उवागच्छति २ हत्ताइए
 तित्थगराइसए पासति २ सीयं ठ्वेइ २ कालियं दारियं सीयातो पचोरुहति
 २ कालियं दारियं अम्मापियरो पुरओ काउं जेणोव पासे अरहा
 पुरिसादाणीए तेणोव उवागच्छति २ वंदइ नमंसइ २ ता एवं वयासी—एवं

खलु देवाणुष्पिया ! काली दारिया अहं धूया इट्टा कंता जाव किमंग पुण
पासण्याए ? , एस गां देवाणुष्पिया ! संसारभउव्विगा इच्छइ देवाणुष्पियाणां
अंतिए मुंडा भवित्ताणां जाव पव्वइत्तए, तं एयं गां देवाणुष्पियाणां सिस्सि-
ण्णिभिक्खं दलयामो पडिच्छंतु गां देवाणुष्पिया ! सिस्सिण्णिभिक्खं, अहासुहं
देवाणुष्पिया ! मा पडिबंधं करेहि ११ । तते गां काली कुमारी पासं अरहं
वंदति २ उत्तरपुरच्छिमं दिसिभागं अवक्कमति २ सयमेव आभरण-मल्लालं-
कारं ओमुयति २ सयमेव लोयं करेति २ जेणेव पासे अरहा पुरिसादाणीए
तेणेव उवागच्छति २ पासं अरहं तिक्खुत्तो वंदति २ एवं वयासी--आलित्ते
गां भंते ! लोए एवं जहा देवाणांदा जाव सयमेव पव्वाविउं १२ । तते गां
पासे अरहा पुरिसादाणीए कालिं सयमेव पुण्फचूलाए अज्जाए सिस्सि-
ण्णियत्ताए दलयति, तते गां सा पुण्फचूला अज्जा कालिं कुमारीं सयमेव
पव्वावेति जाव उवसंपज्जित्ताणां विहरति, तते गां सा काली अज्जा जाया
ईरियासमिया जाव गुत्तवंभयारिणी, तते गां सा काली अज्जा पुण्फचूला-
अज्जाए अंतिए सामाइय-माइयातिं एकारस अंगाइं अहिज्जइ बहूहिं चउत्थ
जाव विहरति १३ । तते गां सा काली अज्जा अन्नया कयातिं सरीर-
बाउसिया जाया यावि होत्था, अभिक्खणां २ हत्थे धोवइ पाए धोवइ सीसं
धोवइ मुहं धोवइ थणांतराइं धोवइ कक्खंतराणि धोवति गुज्जभंतराइं धोवइ
जत्थ २ विय गां ठाणां वा सेज्जं वा णिसीहियं वा चेतइ तं पुव्वामेव
अब्भुक्खेत्ता ततो पच्छा आसयति वा सयइ वा, तते गां सा पुण्फचूला
अज्जा कालिं अज्जं एवं वयासी--नो खलु कप्पति देवाणुष्पिया ! समणीणां
णिग्गंथीणां सरीर-बाउसियाणां होत्तए, तुमं च गां देवाणुष्पिया ! सरीर-
बाउसिया जाया अभिक्खणां २ हत्थे धोवसि जाव आसयाहि(यसि) वा
सयाहि(यसि) वा, तं तुमं देवाणुष्पिए ! एयस्स ठाणस्स आलोएहि जाव
पायच्छित्तं पडिवज्जाहि, तते गां सा काली अज्जा पुण्फचूलाए अज्जाए

एयमट्टं नो आदाति जाव तुसिणीया संचिट्टति १४ । तते णं ताओ
 पुप्फचूलाइओ अजाओ कालि अज्जं अभिक्खणं २ हीलेति णिंदति
 खिसंति गरिहंति अवमरणांति अभिक्खणं २ एयमट्टं निवारेंति, तते णं
 तीसे कालीए अजाए समणीहिं णिग्गंथीहिं अभिक्खणं २ हीलिज्जमाणीए
 जाव वारिज्जमाणीए इमेयारूवे अब्भत्थिए जाव समुप्पज्जित्था-जया णं अहं
 आगारवासं मज्जे वसित्था तथा णं अहं सयंवसा जप्पिभिइं च णं अहं
 मुंडे भवित्ता आगाराओ अण्णारियं पव्वतिया तप्पभिइं च णं अहं
 परवसा जाया, तं सेयं खलु मम कल्लं पाउप्पभायाए रयणीए जाव जलंते
 पाडिकियं उवस्सयं उवसंपज्जित्ता णं विहरित्तएत्तिकट्टु एवं संपेहेति २
 कल्लं जाव जलंते पाडिएक्कं उवस्सयं गिरहति १५ । तत्थ णं अण्णिवारिया
 अण्णोहट्टिया सच्छंदमती अभिक्खणं २ हत्थं धोवेति जाव आसयइ वा
 सयइ वा, तए णं सा काली अजा पास्त्या पास्त्यविहारी ओसरणा
 ओसरणाविहारी कुसीला २ अहाळंदा २ संसत्ता २ बहूणि वामाणि
 सामन्नपरियागं पाउणइ २ अद्धमासियाए संलेहणाए अत्ताणं भूसेति २
 तीसं भत्ताइं अण्णसणाए छेएइ २ तस्स अण्णस्स अण्णालोइयअपडिक्कंता
 कालमासे कालं किच्चा चमरच्चार रायहाणीए कालवडिसए भवरो उववा-
 यसभाए देवसयणिज्जंसि देवदूसंतरिया अंगुलस्स असंखेज्जाइ-भागमेत्ताए
 ओगाहणाए कालीदेवीत्ताए उववराणा १६ । तते णं सा काली देवी
 अहुणोववराणा समाणी पंचविहाए पज्जत्तीए जहा सूरियाभो जाव भासा-
 मणापज्जत्तीए, तते णं सा काली देवी चउराहं सामाणिय-साहस्सीणं जाव
 अराणोसिं च बहूणं काल(ली)वडेंसग-भवणावासीणं असुरकुमाराणं देवाण य
 देवीण य आहेवच्चं जाव विहरति १७ । एवं खलु गोयमा ! कालीए
 देवीए सा दिव्वा देविडी ३ लच्छा पत्ता अभिसमराणागया, कालीए णं
 भंते ! देवीए केवत्तियं कालं ठिती पन्नत्ता ?, गोयमा ! अट्टाइज्जाइं पलि-

ओवमाइं डिई पन्नत्ता, काली गां भंते ! देवी ताओ देवलोगाओ अणंतरं उववट्टित्ता कहिं गच्छिहिति कंहं उववज्जिहिति ?, गोयमा ! महाविदेहे वासे सिज्जिभहिति, एवं खलु जंबू ! समणोणं जाव संपत्तेणं पढमवग्गस्स पढमज्ज्भयणास्स अयमट्टे पराणत्तेत्तिवेमि १८ ॥ सूत्रं १५४ ॥ धम्मकहाणं पढमज्ज्भयणां समत्तं ॥ १-१ ॥ जति गां भंते ! समणोणं जाव संपत्तेणं धम्मकहाणं पढमस्स वग्गस्स पढमज्ज्भयणास्स अयमट्टे पन्नत्ते वित्थियस्स गां भंते ! अज्ज्भयणास्स समणोणं भगवया महावीरेणं जाव संपत्तेणं के अट्टे पराणत्ते ?, एवं खलु जंबू ! तेणं कालेणं २ रायगिहे नगरे गुणासीले चेट्ठे सामी समोसडे परिमा णिभगया जाव पज्जुवासति १ । तेणं कालेणं २ राई देवी चमर-चंचाए रायहाणीए एवं जहा काली तहेव आगया णट्टविहिं उवदंसेत्ता पडिगया, भंतेत्ति भगवं गोयमा ! पुव्वभवपुच्छा, एवं खलु गोयमा ! तेणं कालेणं २ आमलकप्पा णायरी अंबसालवणे चेट्ठे जियसत्तू राया राई गाहावती राईसिरी भारिया राई दारिया पासस्स समो-सराणं, राई दारिया जहेव काली तहेव निक्खंता तहेव सरीरबाउसिया तं चेव सव्वं जाव अंतं काहिति । एवं खलु जंबू ! विइयज्ज्भयणास्स निक्खेवओ ॥ १-२ ॥ जति गां भंते ! तइयज्ज्भयणास्स उवखेवतो, एवं खलु जंबू । रायगिहे णायरे गुणासिले चेट्ठे एवं जहेव राती तहेव रयणीवि, णवरं आमलकप्पा नयरी रयणी गाहावती रयणासिरी भारिया रयणी दारिया सेसं तहेव जाव अंतं काहिति ॥ १-३ ॥ एवं विज्जूवि आमलकप्पा नयरी विज्जूगा-हावती विज्जुसिरिभारिया विज्जुदारिया सेसं तहेव ॥ १-४ ॥ एवं मेहावि आमलकप्पाए नयरीए मेहे गाहावती मेहसिरि भारिया मेहा दारिया सेसं तहेव ॥ १-५ ॥ एवं खलु जंबू ! समणोणं जाव संपत्तेणं धम्मकहाणं पढमस्स वग्गस्स अयमट्टे पराणत्ते ॥ सूत्रं १५५ ॥

॥ इति प्रथमो वर्गः ॥ २-१ ॥

॥२॥ अथ द्वितीयो वर्गः ॥

जति णं भंते ! समणोणं जाव संपत्तेणं दोच्चस्स वग्गस्स उक्खेवओ,
 एवं खलु जंबू ! समणोणं जाव संपत्तेणं दोच्चस्स वग्गस्स पंच अज्झयणा
 पन्नत्ता, तंजहा—सुंभा निसुंभा रंभा निरुंभा मदणा १ । जति णं भंते !
 समणोणं जाव संपत्तेणं धम्मकहाणं दोच्चस्स वग्गस्स पंच अज्झयणा पन्नत्ता,
 दोच्चस्स णं भंते ! वग्गस्स पढमज्झयणास्स के अट्ठे पन्नत्ते ?, एवं खलु
 जंबू ! तेणं कालेणं २ रायगिहे णयरे गुणसीलए चेइए सामी समोसढो
 परिसा णिग्गया जाव पज्जुवासति २ । तेणं कालेणं २ सुंभा देवी
 बलिवंचाए रायहाणीए सुंभवडेंसए भवणं सुभंसि सीहासणंसि कालीगमएणं
 जाव णट्ठविहिं उवदंसेत्ता जाव पडिगया ३ । पुब्बभवपुच्छा, सावत्थी
 णयरी कोट्टए चेइए जियसत्तू राया सुंभे गाहावती सुंभसिरीं भारिया
 सुंभा दारिया सेसं जहा कालिया णवरं अद्धुट्ठाति पल्लिओवमाइं ठिती ४ ।
 एवं खलु जंबू ! निक्खेवओ अज्झयणास्स एवं सेसावि चत्तारि अज्झयणा,
 सावत्थीए नवरं माया पिया सरिसनामया ५ । एवं खलु जंबू ! निक्खेवओ
 वितीयवग्गस्स २, ६ ॥ सूत्रं १५६ ॥

॥ इति द्वितीयो वर्गः ॥ २-२ ॥

॥३॥ अथ तृतीयो वर्गः ॥

उक्खेवओ तइयवग्गस्स एवं खलु जंबू ! समसेणं भगवया महावीरेणं
 जाव संपत्तेणं तइयस्स वग्गस्स चउपराणं अज्झयणा पन्नत्ता, तंजहा—पढमे
 अज्झयणो जाव चउपराणतिमे अज्झयणो १ । जति णं भंते ! समणोणं जाव
 संपत्तेणं धम्मकहाणं तइयस्स वग्गस्स चउप्पन्नज्झयणा पन्नत्ता पढमस्स णं भंते !
 अज्झयणास्स समणोणं जाव संपत्तेणं के अट्ठे पराणत्ते ?, एवं खलु जंबू !
 तेणं कालेणं २ रायगिहे णयरे गुणसीलए चेइए सामी समोसढे परिसा

शिग्गया जाव पञ्जुवासति, तेणं कालेणं २ इला देवी धरणीए रायहाणीए
इलावडंसए भवणे इलंसि सीहासणंसि एवं कालीगमणं जाव णट्टविहिं
उवदंसेत्ता पडिगया, पुव्वभवपुच्छा, वाणारसीए णायरीए काममहावणे
चेइए इले गाहावती इलासिरी भारिया इला दारिया सेसं जहा कालीए
णवरं धरणास्स अग्गमहिसित्ताए उववाओ, सातिरेग-अद्धपलित्थोवम-ठिती
सेसं तहेव, एवं खलु णिवखेवओ पढमज्झयणास्स १ । एवं कमा(मका)
सतेरा सोयामणी इंदा घणा विज्जुयावि, सव्वाओ एयाओ धरणास्स
अग्गमहिसीओ एव, एते छ अज्झयणा वेणुदेवस्सवि अविसेसिया भाणि-
यव्वा २ । एवं जाव घोसस्सवि एए चेव छ अज्झयणा ३ । एवमेते
दाहिल्लाराणं इंदाराणं चउप्पाराणं अज्झयणा भवंति ४ । सव्वाओवि
वाणारसीए काममहावणे चेइए, तइयवग्गस्स णिवखेवओ ५ ॥ सूत्रं १५७ ॥

॥ इति तृतीयो वर्गः ॥ २-३ ॥

॥४॥ अथ चतुर्थो वर्गः ॥

चउत्थस्स उवखेवओ, एवं खलु जंबू ! समणेणं जाव
संपत्तेणं धम्मकहाणं चउत्थवग्गस्स चउप्पाराणं अज्झयणा पन्नत्ता
तंजहा-पढमे अज्झयणे जाव चउप्पाराणइमे अज्झयणे १ । पढमस्स
अज्झयणास्स उवखेवओ एवं खलु जंबू ! तेणं कालेणं २ रायगिहे
समोसरणां जाव परिसा पञ्जुवासति, तेणं कालेणं २ रूया देवी रूयाणंदा
रायहाणी रूयगवडिंसए भवणे रूयगंसि सीहासणंसि जहा कालीए तहा
नवरं पुव्वभवे चंपाए पुराणभदे चेतिए रूयग-गाहावई रूयगसिरी भारिया
रूया दारिया सेसं तहेव, णवरं भूयाराणं-अग्गमहिसित्ताए उववाओ, देसूरां
पलित्थोवमं ठिई, णिवखेवओ २ । एवं खलु सुरूयावि रूयंसावि रूयगावतीवि
रूयकंतावि रूयप्पभावि ३ । एयाओ चेव उत्तरिल्लाराणं इंदाराणं भाणियव्वाओ
जाव महाघोसस्स ४ । णिवखेवओ चउत्थवग्गस्स ॥ सूत्रं १५८ ॥

॥ इति चतुर्थो वर्गः ॥ २-४ ॥

॥५॥ अथ पञ्चमो वर्गः ॥

पंचमवर्गस्स उक्खेवत्थो, एवं खलु जंबू ! जाव वत्तीसं अज्झयणा पन्नत्ता, तंजहा-कमला कमलप्पभा चेव, उप्पला य सुदंसणा । रुववती बहुरूवा, सुरूवा सुभगाविय ॥ १ ॥ पुग्गा बहुपुत्तिया चेव, उत्तमा भारियाविय । पउमा वसुमती चेव, कणागा कणागप्पभा ॥ २ ॥ वडेंसा केउमती चेव, बइरसेणा रयिप्पिया । रोहिणी नमिया चेव, हिरी पुप्फवतीतिय ॥ ३ ॥ भुयगा भुयगवती चेव, महाकच्छाऽपराइया । सुघोसा विमला चेव, सुस्सरा य सरस्सती ॥ ४ ॥ १ । उक्खेवत्थो पट्टमज्झयणास्स, एवं खलु जंबू ! तेषां कालेणां २ रायगिहे समोसरणां जाव परिसा पज्जुवासति, तेषां कालेणां २ कमला देवी कमलाए रायहाणीए कमलवडेंसए भवणो कमलंसि सीहासणांसि सेसं जहा कालीए तहेव णवरं पुव्वभवे नागपुरे नयरे सहसंबवणो उज्जाणो कमलस्स गाहावतिस्स कमलसिरीए भारियाए कमला दारिया पासस्स पुरिसादाणीयस्स अंतिए निक्खंता कालस्स पिसाय-कुमारिंदस्स अग्गमहिस्ती अद्धपलित्थोवमं ठिती २ । एवं सेसावि अज्झयणा दाहिणिल्लाणां वाणामंतरिंदाणां ३ । भाणियव्वात्थो सव्वात्थो णागपुरे सहसंबवणो उज्जाणो माया पिया धूया सरिसनामया, ठिती अद्धपलित्थोवमं ४ ॥ सूत्रं १५९ ॥ पंचमो वर्गो समत्तो ॥

॥ इति पञ्चमो वर्गः ॥ १-५ ॥

॥६॥ अथ षष्ठो वर्गः ॥

छट्ठोवि वर्गो पंचमवर्गसरिसो, णवरं महाकालिंदाणां उत्तरिल्लाणां इंदाणां अग्गमहिस्तीत्थो पुव्वभवे सागेयनयरे उत्तरकुरुउज्जाणे माया पिया धूया सरिसणांमया सेसं तं चेव ॥ सूत्रं १६० ॥ छट्ठो वर्गो समत्तो ।

॥ इति षष्ठो वर्गः ॥ २-६ ॥

॥७॥ अथ सप्तमो वर्गः ॥

सत्तमस्स वग्गस्स उक्खेवत्थो, एवं खलु जंबू ! जाव चत्तारि अज्झयणा पन्नत्ता, तंजहा-सूरप्पभा आयवा अच्चिमाली पभंकरा १ । पढमज्झयणास्स उक्खेवत्थो, एवं खलु जंबू ! तेरां कालेरां २ रायगिहे समोसररां जाव परिसा पज्जुवासइ, तेरां कालेरां २ सूरप्पभा देवी सूरसि विमारांसि सूरप्पभंसि सीहासरांसि सेसं जहा कालीए तहा णवरं पुव्वभवे अरक्खुरीए नयरीए सूरप्पभस्स गाहावइस्स सूरसिरीए भारियाए सूरप्पभाए दारिया सूरस्स अग्गमहिस्सी ठिती अद्धपलित्थोवमं पंचहिं वासस-एहिं अब्भहियं सेसं जहा कालीए २ । एवं सेसात्थोवि सव्वात्थो अरक्खुरीए णयरीए ३ ॥ सूत्रं १६१ ॥ सत्तमो वर्गो समत्तो ।

॥ इति सप्तमो वर्गः ॥ २-७ ॥

॥८॥ अथ अष्टमो वर्गः ॥

अट्टमस्स उक्खेवत्थो, एवं खलु जंबू ! जाव चत्तारि अज्झयणा पन्नत्ता तंजहा-चंदप्पभा दोसिणाभा अच्चिमाली पभंकरा-१ । पढमस्स अज्झयणास्स उक्खेवत्थो, एवं खलु जंबू ! तेरां कालेरां २ रायगिहे समोसररां जाव परिसा पज्जुवासती, तेरां कालेरां २ चंदप्पभा देवी चंदप्पभंसि विमारांसि चंदप्पभंसि सीहासरांसि सेसं जहा कालीए, णवरं पुव्वभवे महुराए णयरीए भंडिवडेंसए उज्जाणे चंदप्पभे गाहावती चंदसिरी भारिया चंदप्पभा दारिया चंदस्स अग्गमहिस्सी ठिती अद्धपलित्थोवमं पराणासाए वाससहस्सेहिं अब्भहियं सेसं जहा कालीए २ । एवं सेसात्थोवि महुराए णयरीए मायापियरोवि धूयासरिसणांमा ३ ॥ सूत्रं १६२ ॥ अट्टमो वर्गो समत्तो ।

॥ इति अष्टमो वर्गः ॥ २-८ ॥

॥६॥ अथ नवमो वर्गः ॥

णवमस्स उक्खेवओ, एवं खलु जंबू ! जाव अट्ट अज्झयणा पन्नत्ता, तंजहा—पउमा सिवा सती अंजू रोहिणी णवमिया(याइया) अचला अ(म)-च्छरा १ । पढमज्झयणास्स उक्खेवओ, एवं खलु जंबू ! तेणां कालेणां रायगिहे समोसरणां जाव परिसा पज्जुवासइ, तेणां कालेणां २ पउमावई देवी सोहम्मे कप्पे पउमवडेंसए विमाणे सभाए सुहम्माए पउमंसि सीहासणांसि जहा कालीए एवं अट्टवि अज्झयणा कालीगमणां नायव्वा २ । णवरं सावत्थीए दो जणीओ हत्थिणाउरे दो जणीओ, कंपिल्लपुरे दो जणीओ सागेयनयरे दो जणीओ, पउभे पियरो विजया मायराओ, सव्वाओऽवि पासस्स अंतिए पुव्वतियाओ सकस्स अग्गमहिसीओ ठिई सत्त पल्लिओवमाइं महाविदेहे वासे अंतं काहिति ३ ॥ सूत्रं १६३ ॥ णवमो वर्गो समत्तो ॥

॥ इति नवमो वर्गः ॥ २-९ ॥

॥१०॥ अथ दशमो वर्गः ॥

दसमस्स उक्खेवओ, एवं खलु जंबू ! जाव अट्ट अज्झयणा पन्नत्ता, तंजहा—कराहा य कराहराती रामा तह रामरक्खिया वसू या । वसुगुत्ता वसुमित्ता वसुंधरा चेव ईसाणे ॥ १ ॥ १ । पढमज्झयणास्स उक्खेवओ, एवं खलु जंबू ! तेणां कालेणां तेणां समेणां रायगिहे समोसरणां जाव परिसा पज्जुवासति, तेणां कालेणां २ कराहा देवी ईसाणे कप्पे कराहवडेंसए विमाणे सभाए सुहम्माए कराहंसि सीहासणांसि सेसं जहा कालीए, एवं अट्टवि अज्झयणा कालीगमणां णोयव्वा २ । णवरं पुव्वभवे वाणारसीए नयरीए दो जणीओ रायगिहे नयरे दो जणीओ सात्रत्थीए नयरीए दो जणीओ कोसंबीए नयरीए दो जणीओ ३ । रामे पिया,

धम्मा माया, सव्वाओऽवि पासस्स अरहओ अंतिए पव्वइयाओ पुप्फचूलाए
अज्जाए सिस्सिणीयत्ताए ईसाणस्स अग्गमहिंसीओ ठिती णव पलिओवमाईं
महाविदेहे वासे सिज्झिंहिति बुज्झिंहिति मुच्चिंहिति सव्वदुक्खाणं अंतं
कांहिति ४ । एवं खलु जंबू ! णिक्खेवओ दसमवग्गस्स ५ ॥सूत्रं १६४॥
दसमो वर्गो समत्तो ॥

॥ इति दशमो वर्गः ॥ २-१० ॥

एवं खलु जंबू ! समणेणं भगवया महावीरेणं आदिगरेणं तित्थगरेणं
सयंसंबुद्धेणं पुरिसोत्तमेणं जाव संपत्तेणं छट्ठस्स अगस्स दोच्चस्स णं
सुयक्खंधस्स णायसुयाणं अयमट्ठे पन्नत्ते । धम्मकहा सुयक्खंधो समत्तो
दसहिं वर्गेहिं नायाधम्मकहाओ समत्ताओ ॥ सूत्रं १६५ ॥

॥ इति द्वितीयः श्रुतस्कन्धः समाप्तः ॥ २ ॥

॥ इति श्री ज्ञाताधर्मकथाङ्ग-सूत्रम् ॥६॥

(ग्रन्थाग्रं ५४६४)

॥ इति
श्रीज्ञाताधर्मकथाङ्ग-सूत्रं
॥ समाप्तम् ॥

॥ अहम् ॥

॥ पञ्चमगणभृत्श्रीमत्सुधर्मस्वामिप्रणीतं ॥

॥ श्रीमदुपासकदशाङ्गसूत्रम् ॥

॥१॥ अथ श्री आनन्दाख्यं प्रथममध्ययनम् ॥

॥ ऐं ॥ ते गां काले गां ते गां समए गां चम्पा नामं नयरी होत्था, वराण्यो, पुणभदे चेइए, वराण्यो ॥ सूत्रं १ ॥ ते गां काले गां ते गां समए गां अज्जसुहम्मे समोसरिए जाव जम्बू पज्जुवासमारो एयं वयासी-जइ गां भन्ते ! समणोणं भगवया महावीरेणं जाव सम्पत्तेणं छट्ठस्स अङ्गस्स नायाधम्मकहाणं अयमट्ठे पराणत्ते सत्तमस्स गां भन्ते ! अङ्गस्स उवास-गदसाणं समणोणं जाव संपत्तेणं के अट्ठे पराणत्ते ? एवं खलु जम्बू ! समणोणं जाव संपत्तेणं सत्तमस्स अङ्गस्स उवासगदसाणं दस अज्जयणा पराणत्ता, तंजहा-आणन्दे १ कामदेवे य २, गाहावइ चुलणीपिया ३ । सुरादेवे ४ चुल्लसयए ५, गाहावइ कुराडकोलिए ६ ॥ १ ॥ सहालपुत्ते ७ महासयए ८, नन्दिणीपिया ९ सालिहीपिया १०, १ । जइ गां भन्ते ! समणोणं जाव संपत्तेणं सत्तमस्स अङ्गस्स उवासगदसाणं दस अज्जयणा पराणत्ता, पढमस्स गां भन्ते ! समणोणं जाव संपत्तेणं के अट्ठे पराणत्ते ? २ ॥ सू० २ ॥

एवं खलु जम्बू ! तेणं कालेणं तेणं समएणं वाणियगामे नामं नयरे होत्था, वराण्यो, तस्स गां वाणियगामस्स नयरस्स बहिया उत्तर-पुरच्छि(त्थि)मे दिसीभाए इइपलासए नामं चेइए, तत्थ गां वाणियगामे नयरे जियसत्तू राया होत्था वराण्यो, तत्थ गां वाणियगामे आणन्दे नामं

गाहावई परिवसइ, अड्डे जाव अपरिभूए १ । तस्स गां आणंदस्स गाहा-
वइस्स चत्तारि हिरण्णकोडीओ निहाणपउत्ताओ चत्तारि हिरण्णकोडीओ
बुद्धिपउत्ताओ चत्तारि हिरण्णकोडिओ पवित्थरपउत्ताओ चत्तारि वया
दसगोसाहस्सिएणं वएणं होत्था २ । से गां आणन्दे गाहावई बहूणं
राईसर जाव सत्थवाहाणं बहूसु कज्जेसु य कारगोसु य मन्तेसु य कुडुम्बेसु
य गुज्जेसु य रहस्सेसु य निच्छएसु य ववहारेसु य आपुच्छणिज्जे पडि-
पुच्छणिज्जे, सयस्सवि य गां कुडुम्बस्स मेढी पमाणं आहारे आलम्बणं चक्खु
मेढीभूए जाव सव्वकज्जवट्टावए थावि होत्था ३ । तस्स गां आणन्दस्स
गाहावइस्स सिवानन्दा नामं भारिया होत्था, अहीण जाव सुरूवा,
आनन्दस्स गाहावइस्स इट्ठा आणन्देणं गाहावइणा सद्धि अणुरत्ता
अविरत्ता इट्ठा सह जाव पञ्चविहे माणुस्सए कामभोए पञ्चणुभवमाणी
विहरइ ४ । तस्स गां वाणियगामस्स बहिया उत्तरपुरच्छिमे दिसीभाए
एत्थ गां कोलाए नामं सन्निवेसे होत्था, रिद्धत्थिमिय जाव पासादीए, तत्थ
गां कोलाए सन्निवेसे आणन्दस्स गाहावइस्स बहुए मित्तनाइ-नियगसयणा-
सम्बन्धिपरिजणो परिवसइ, अड्डे जाव अपरिभूए ५ । तेणं कालेणं तेणं
समएणं समणे भगवं महावीरे जाव समोसरिए, परिसा निग्गया, कोणिए
राया जहा तथा जियसत्तु निग्गच्छइ २ ता जाव पज्जुवासइ ६ । तए गां
से आणन्दे गाहावई इमीसे कहाए लद्धट्ठे समाणे, एवं खलु समणे जाव
विहरइ, तं महाफलं जाव गच्छामि गां जाव पज्जुवासामि, एवं सम्पेहेइ २
त्ता गहाए सुद्धप्पावेसाइं जाव अप्पमहग्घाभरणाालङ्कित्थिसरीरे सयाओ
गिहाओ पडिणिक्खमइ २ ता सकोरगट-मल्लदामेणं छत्तेणं धरिज्जमाणेणं
माणुस्सवग्गुरापरिक्खिते पायविहारचारेणं वाणियगामं नयरं मज्झमज्जेणं
निग्गच्छइ २ ता जेणामेव दूइपलासे चेइए जेणेव समणे भगवं महावीरे
तेणेव उवागच्छइ २ ता तिक्खुत्तो आयाहिणं पयाहिणं करेइ २ ता वंदइ

नममइ जाव पञ्जुवासइ ७ ॥ सू० ३ ॥ तए णं समणे भगवं महावीरे
 आणन्दस्स गाहावइस्स तीसे य महइमहालियाए जाव धम्मकहा, परिसा
 पडिगया, राया य गए ॥ सू० ४ ॥ तए णं से आणन्दे गाहावई
 समणस्स भगवओ महावीरस्स अन्तिए धम्मं सोच्चा निसम्म हट्टुट्टु जाव
 एवं वयासी-सद्दहामि णं भन्ते ! निग्गंथं पावयणां, पत्तियामि णं भन्ते !
 निग्गन्थं पावयणां, रोएमिं णं भन्ते ! निग्गंथं पावयणां, एवमेयं भन्ते !
 तहमेयं भन्ते ! अवितहमेयं भन्ते ! इच्छियमेयं भन्ते ! पडिच्छियमेयं भन्ते !
 इच्छियपडिच्छियमेयं भन्ते ! से जहेयं तुब्भे वयहत्तिकट्टु, जहा णं देवाणु-
 प्पियाणां अन्तिए बहवे राईसर-तलवर-माडम्बिय-कोडुम्बिय-सेट्टिसेणावइ-
 सत्थवाहप्पभिइ(आ)ओ मु(राडा)राडे भवित्ता अगाराओ अणगारियं
 पव्वइया नो खलु अहं तथा संचाणमि मुराडे जाव पव्वइत्तए, अहं णं
 देवाणुप्पियाणां अन्तिए पञ्चाणुव्वइयं सत्तसिक्खाइयं दुवालसविहं गिहि-
 धम्मं पडिवज्जिस्सामि, अहासुहं देवाणुप्पिया ! मा पडिवन्धं करेह ॥सू०५॥

तए णं से आणन्दे गाहावई समणस्स भगवओ महावीरस्स अन्तिए
 तप्पट्टमयाए थूलगं पाणाइयायं पच्चक्खाइ जावजीवाए दुविहं तिविहेणां
 न करेमि न कारवेमि मणसा वयसा कायसा १ । तयाणन्तरं च णं थूलगं
 मुसावायं पच्चक्खाइ जावजीवाए दुविहं तिविहेणां न करेमि न कारवेमि
 मणसा वयसा कायसा २ । तयाणन्तरं च णं थूलगं अदिरणादाणां
 पच्चक्खाइ जावजीवाए दुविहं तिविहेणां न करेमि न कारवेमि मणसा
 वयसा कायसा ३ । तयाणन्तरं च णं सदारसन्तोसिए परिमाणं करेइ, नन्नत्थ
 एक्काए सिवा(व)नन्दाए भारियाए अवसेसं सव्वं मेहुणविहिं पच्चक्खामि
 मणसा (३), ४ । तयाणन्तरं च णं इच्छाविहिपरिमाणं करेमाणे हिरण्ण-
 सुवराणविहि-परिमाणं करेइ, नन्नत्थ चउहिं हिरण्णकोडीहिं निहाणपउत्ताहि
 चउहिं बुद्धिपउत्ताहिं चउहिं पवित्थरपउत्ताहिं, अवसेसं सव्वं हिरण्णसुव-

राणाविहिं पञ्चक्खामि (३), ५ । तयाणान्तरं च गां चउप्पयविहि-परिमाणं
 करेइ, नन्नत्थ चउहिं वएहिं दसगोसाहस्सिएणां वएणां, अवसेसं सव्वं
 चउप्पयविहिं पञ्चक्खामि (३), ६ । तयाणान्तरं च गां खेत्तवत्थुविहि-परिमाणं
 करेइ, नन्नत्थ पञ्चहिं हलसएहिं नियत्तणसइएणां हलेणां, अवसेसं सव्वं
 खेत्तवत्थुविहिं पञ्चक्खामि (३), ७ । तयाणान्तरं च गां सगडविहिपरिमाणं
 करेइ, नन्नत्थ पञ्चहिं सगडसएहिं दिसायत्तिएहिं पञ्चहिं सगडसएहिं
 संवाहणिएहिं, अवसेसं सव्वं सगडविहि पञ्चक्खामि (३), ८ । तयाणान्तरं च गां
 वाहणविहि-परिमाणं करेइ, नन्नत्थ चउहिं वाहणेहिं दिसायत्तिएहिं चउहिं
 वाहणेहिं संवाहणिएहिं, अवसेसं सव्वं वाहणविहिं पञ्चक्खामि (३), ९ ।
 तयाणान्तरं च गां उवभोग-परिभोगविहिं पञ्चक्खाएमाणो उल्लणिया-विहि-
 परिमाणं करेइ, नन्नत्थ एगाए गन्धकासाइए, अवसेसं सव्वं उल्लणियाविहिं
 पञ्चक्खामि (३), १० । तयाणान्तरं च गां दन्तवणा-विहिपरिमाणं करेइ,
 नन्नत्थ एगेणां अल्ललट्ठी-महुएणां, अवसेसं दन्तवणाविहिं पञ्चक्खामि (३),
 ११ । तयाणान्तरं च फलविहिपरिमाणं करेइ, नन्नत्थ एगेणां खीरामलएणां,
 अवसेसं फलविहिं पञ्चक्खामि (३), १२ । तयाणान्तरं च गां अब्भङ्गा-
 विहिपरिमाणं करेइ, नन्नत्थ सयपाग-सहस्सपागेहिं तेल्लेहिं, अवसेसं
 अब्भङ्गाविहिं पञ्चक्खामि (३), १३ । तयाणान्तरं च गां उव्वट्टणा-विहि-
 परिमाणं करेइ, नन्नत्थ एगेणां सुरहिणा गग्धट्टएणां, अवसेसं उव्वट्टणाविहिं
 पञ्चक्खामि (३), १४ । तयाणान्तरं च गां मज्जणा-विहिपरिमाणं करेइ,
 नन्नत्थ अट्टहिं उट्टिएहिं उदगस्स घडएहिं, अवसेसं मज्जणाविहिं पञ्चक्खामि
 (३), १५ । तयाणान्तरं च गां वत्थविहिपरिमाणं करेइ, नन्नत्थ एगेणां
 खोमजुयलेणां, अवसेसं वत्थविहिं पञ्चक्खामि (३), १६ । तयाणान्तरं च गां
 विलेवणाविहिपरिमाणं करेइ, नन्नत्थ अगरुकुड्कुम-चन्दणमादिएहिं, अवसेसं
 विलेवणाविहिं पञ्चक्खामि (३), १७ । तयाणान्तरं च गां पुप्फविहिपरिमाणं

करेइ, नन्नत्थ एगेरां सुद्धपउमेरां मालइकुसुमदामेरां वा, अवसेसं पुण्फविहिं पच्चक्खामि (३), १८ । तयाणन्तरं च रां आभरणविहिपरिमाणां करेइ, नन्नत्थ मट्टकराणोज्जएहिं नाममुद्दाए य, अवसेसं आभरणविहिं पच्चक्खामि (३), १९ । तयाणन्तरं च रां धूवणविहिपरिमाणं करेइ, नन्नत्थ अगरुत्तुरुक्कधूवमादिएहिं, अवसेसं धूवणविहिं पच्चक्खामि (३), २० । तयाणन्तरं च रां भोयणविहिपरिमाणं करेमाणे पेज्जविहिपरिमाणं करेइ, नन्नत्थ एगाए कट्टपेज्जाए, अवसेसं पेज्जविहिं पच्चक्खामि (३), २१ । तयाणन्तरं च रां भक्खविहिपरिमाणं करेइ, नन्नत्थ एगेहिं घयपुराणेहिं खगडखज्जएहिं वा, अवसेसं भक्खविहिं पच्चक्खामि (३), २२ । तयाणन्तरं च रां ओदणविहिपरिमाणं करेइ, नन्नत्थ कलमसालिओदणोणं, अवसेसं ओदणविहिं पच्चक्खामि (३), २३ । तयाणन्तरं च रां सूवविहिपरिमाणं करेइ, नन्नत्थ कलायसूवेण वा मुग्गमाससूवेण वा, अवसेसं सूवविहिं पच्चक्खामि (३) २४ । तयाणन्तरं च रां घयविहिपरिमाणां करेइ, नन्नत्थ सारइएरां गोघयमराडेरां अवसेसं घयविहिं पच्चक्खामि (३), २५ । तयाणन्तरं च रां सागविहिपरिमाणां करेइ, नन्नत्थ वत्थुसाएण वा (चुच्चुसाएरां वा तुंबसाएण वा) सुत्थियसाएण वा मराडुक्कियसाएण वा, अवसेसं सागविहिं पच्चक्खामि (३), २६ । तयाणन्तरं च रां माहुरयविहिपरिमाणां करेइ, नन्नत्थ एगेरां पालङ्गामाहुरएरां, अवसेसं माहुरयविहिं पच्चक्खामि (३), २७ । तयाणन्तरं च रां जेमणविहिपरिमाणां करेइ, नन्नत्थ सेहंबदालियवेहिं, अवसेसं जेमणविहिं पच्चक्खामि (३), २८ । तयाणन्तरं च रां पाणियविहिपरिमाणं करेइ, नन्नत्थ एगेणं अन्तलिकखोदएणां, अवसेसं पाणियविहिं पच्चक्खामि (३), २९ । तयाणन्तरं च रां मुहवासविहिपरिमाणं करेइ, नन्नत्थ पच्चसोगन्धिएणं तम्बोलेणं, अवसेसं मुहवासविहिं पच्चक्खामि (३), ३० । तयाणन्तरं च रां चउन्विहं अणट्टादराडं पच्चक्खाइ, तंजहा-अवज्जाणायरियं पमाया-

यारियं हिंसय्याणं पावकम्भोवएसे (३), ३१ ॥ सू० ६ ॥

इह खलु आणान्दाइ ! समणो भगवं महावीरे आणान्दं समणोवासणं एवं वयासी-एवं खलु आणान्दा ! समणोवासणं अभिगयजीवाजीवेणं जाव अणइकमणिज्जेणं सम्मत्तस्स पञ्च अइयारा पेयाला जाणियव्वा न समायरियव्वा, तंजहा-सङ्का कङ्का विइगिच्छा परपासराडपसंसा परपासराड-संथवे । तयाणान्तरं च णं थूलगस्स पाणाइवायवेरमणस्स समणोवासणं पञ्च अइयारा पेयाला जाणियव्वा न समायरियव्वा, तंजहा-बन्धे वहे छविच्छेए अइभारे भत्तयाणवोच्छेए १ । तयाणान्तरं च णं थूलगस्स मुसा-वायवेरमणस्स पञ्च अइयारा जाणियव्वा न समायरियव्वा, तंजहा-सहसा-अब्भक्खाणो रहसाअब्भक्खाणो सदारमन्तभेए मोसोवएसे कूडलेहकरणे (कन्नालियं गन्नालियं भूमालियं नासावहारे कूडसक्खिज्जं संधिकरणे) २ । तयाणान्तरं च णं थूलगस्स अदिगणादाण-वेरमणस्स पञ्च अइयारा जाणियव्वा न समायरियव्वा, तंजहा-तेणाहडे तकरप्पओगे विरुद्धरजाइकमे कूडतुलकूडमाणो तप्पडिरूवगववहारे ३ । तयाणान्तरं च णं सदारसन्तोसिए पञ्च अइयारा जाणियव्वा न समायरियव्वा, तंजहा-इत्तरिय-परिग्गहियागमणो अपरिग्गहियागमणो अणङ्गकीडा परविवाहकरणे कामभोगतिव्वाभित्तासे ४ । तयाणान्तरं च इच्छापरिमाणस्स समणोवासणं पञ्च अइयारा जाणियव्वा न समायरियव्वा, तंजहा-खेत्तवत्थु-पमाणाइकमे हिराणासुवराण-पमाणाइकमे दुपयचउपय-पमाणाइकमे धराधन्न-पमाणाइकमे कुविय-पमाणाइकमे ५ । तयाणान्तरं च णं दिसिवयस्स पञ्च अइयारा जाणियव्वा न समायरियव्वा, तंजहा-उड्ढदिसि-पमाणाइकमे अहोदिसि-पमाणाइकमे तिरियदिसि-पमाणाइकमे खेत्तवुड्ढी अइअन्तरद्धा ६ । तयाणान्तरं च णं उवभोगपरिभोगे दुविहे पराणत्ते, तंजहा-भोयणओ य कम्मओ य, तत्थ णं भोयणओ समणोवासणं पञ्च अइयारा जाणियव्वा न समायरियव्वा, तंजहा-सचि-

त्ताहारे सचित्तपडिबद्धाहारे अप्पउल्लिओसहिभक्खणाया दुप्पउल्लिओसहि-
 भक्खणाया तुच्छोसहिभक्खणाया, कम्मओ णं समणोवासएणं पणरस कम्मा-
 दाणाइं जाणियव्वाइं न समायरिपव्वाइं, तंजहा-इङ्गालकम्मे वणाकम्मे
 साडीकम्मे भाडीकम्मे फोडीकम्मे, दन्तवाणिज्जे लक्खवाणिज्जे रसवा-
 णिज्जे विसवाणिज्जे केसवाणिज्जे, जन्तपीलणाकम्मे निल्लुच्छणाकम्मे दवग्गि-
 दावणाया सरदहतलाव(गपरि)-सोसणाया असईजणपोसणाया ७ । तयाणन्तरं
 च णं अणट्ठादगडवेरमणास्स समणोवासएणं पञ्च अइयारा जाणियव्वा न
 समायरियव्वा, तंजहा-कन्दप्पे कुक्कुइए मोहरिए सउजुत्ताहिगरणे उवभोग-
 परिभोगाइरित्ते = । तयाणन्तरं च णं सामाइयस्स समणोवासएणं पञ्च अइयारा
 जाणियव्वा न समायरियव्वा, तंजहा-मणादुप्पणिहाणे वयदुप्पणिहाणे कायदुप्प-
 णिहाणे सामाइयस्स सइअकरणाया सामाइयस्स अणावट्ठियस्स करणाया
 १ । तयाणन्तरं च णं देसावगासियस्स समणोवासएणं पञ्च अइयारा जाणि-
 यव्वा न समायरियव्वा, तंजहा-आणावणाप्पओगे पेसवणाप्पओगे सहाणुवाए
 रूवाणुवाए बहिया पोग्गलपक्खेवे १० । तयाणन्तरं च णं पोसहोववासस्स
 समणोवासएणं पञ्च अइयारा जाणियव्वा, न समायरियव्वा, तंजहा-अप्प-
 डिलेहिय-दुप्पडिलेहिय-सिज्जासंथारे अप्पमज्जिय-दुप्पमज्जिय-सिज्जासंथारे अप्प-
 डिलेहिय-दुप्पडिलेहिय-उच्चारपासवणाभूमी अप्पमज्जिय-दुप्पमज्जिय-उच्चारपास-
 वणाभूमी पोसहोववासस्स सम्मं अणाणुपालणाया ११ । तयाणन्तरं च णं
 अहा(अतिहि)संविभागस्स समणोवासएणं पञ्च अइयारा जाणियव्वा न
 समायरियव्वा, तंजहा-सचित्तनिक्खेवणाया सचित्तपिहणाया कालाइकमे परवव-
 देसे मच्छरिया १२ । तयाणन्तरं च णं अप्पच्छिममारणान्तिय-संलेहणा-
 भूसणाराहणाए पञ्च अइयारा जाणियव्वा, न समायरियव्वा तंजहा-इह-
 लोगासंसप्पओगे परलोगासंसप्पओगे जीवियासंसप्पओगे मरणासंसप्पओगे
 कामभोगासंसप्पओगे १३ ॥ सू० ७ ॥

तए गां से आणान्दे गाहावई समणस्स भगवओ महावीरस्स अन्तिए पञ्चाणुव्वइयं सत्तसिक्खावइयं दुवालसविहं सावयधम्मं पडिवज्जइ २ समणां भगवं महावीरं वन्दइ नमंसइ २ एवं वयासी—“नो खलु मे भन्ते ! कप्पइ अज्जप्पभिइं अन्नउत्थिए वा अन्नउत्थियदेवयाणि वा अन्नउत्थियपरिग्गहियाणि अरिहंतचेइयाणि वा वन्दित्तए वा नमंसित्तए वा, पुब्बि अणालत्तेणां आलवित्तए वा संलवित्तए वा, तेसिं असणां वा पाणां वा खाइमं वा साइमं वा दाउं वा अणुप्पदाउं वा, नन्नत्थ रायाभियोगेणां गणाभियोगेणां बलाभियोगेणां देवयाभियोगेणां गुरुनिग्गहेणां वित्तिकन्तारेणां कप्पइ मे समणो निग्गन्थे फासुएणां एसणिज्जेणां असणपाण-खाइमसाइमेणां वत्थपडिग्गह-कम्बलपायपु-ञ्छणोणां पीढफल-सिज्जासंथारणां ओसहभेसज्जेणा य पडिलाभेमाणस्स विहरित्तएत्तिकट्टु इमं एयारूवं अभिग्गहं अभिगिगहइ २ ता पसिणाइं पुच्छइ २ ता अट्टाइं आदियइ २ ता समणां भगवं महावीरं त्तिक्खुत्तो वन्दइ २ ता समणस्स भगवओ महावीरस्स अन्तियाओ दूइपलासाओ चेइयाओ पडिणिक्खमइ २ ता जेणोव वाणियगामे नयरे जेणोव सए गिहे तेणोव उवागच्छइ २ ता सिवानन्दं भारियं एवं वयासी—एवं खलु देवाणुप्पिए ! मए समणस्स भगवओ महावीरस्स अन्तिए धम्मे निसन्ते, सेऽवि य धम्भे मे इच्छिए पडिच्छिए अरिइए, तं गच्छ गां तुमं देवाणुप्पिए ! समणां भगवं महावीरं वन्दाहि जाव पज्जुवासाहि, समणस्स भगवओ महावीरस्स अन्तिए पञ्चाणुव्वइयं सत्तसिक्खावइयं दुवालसविहं गिहिधम्मं पडिवज्जाहि ॥ सू० ८ ॥

तए गां सा सिवानन्दा भारिया आणान्देणां समणोवासएणां एवं वुत्ता समाणा हट्टुट्टा कोडुम्बियपुरिसे सहावेइ २ एवं वयासी—स्वप्पामेव लहुकरण जाव पज्जुवासइ, तए गां समणो भगवं महावीरे सिवानन्दाए तीसे य महइ जाव धम्मं करेइ, धम्मकहा, तए गां सा सिवानन्दा समणस्स

भगवत्रो महावीरस्स अन्तिए धम्मं सोच्चा निसम्म हट्ट जाव गिहिधम्मं पडिवज्जइ २ तमेव धम्मियं जाणप्पवरं दुरूहइ २ जामेव दिसिं पाउब्भूया तामेव दिसिं पडिगया ॥ सू० ९ ॥

भन्ते त्ति भगवं गोयमे समणं भगवं महावीरं वन्दइ नमंसइ २ एवं वयाणी-पहू णं भन्ते ! आणन्दे समणोवासए देवाणुप्पियाणं अन्तिए मुण्डे जाव पव्वइत्तए ? नो तिण्णट्ठे समट्ठे, गोयमा ! आणन्दे णं समणोवासए बहूइं वासाइं समणोवासगपरियागं पाउणिहिइ २ जाव सोहम्मे कप्पे अरुणो विमाणो देवत्ताए उववज्जिहिइ । तत्थ णं अत्थेगइयाणं देवाणं चत्तारि पल्लिओवमाइं ठिई पराणत्ता । तत्थ णं आणन्दस्सवि समणोवासगस्स चत्तारि पल्लिओवमाइं ठिई पराणत्ता । तए णं समणो भगवं ! महावीरे अन्नया कयाइ बहिया जाव विहरइ ॥ सू० १० ॥ तए णं से आणन्दे समणोवासए जाए अभिगयजीवाजीवे जाव पडिलाभेमाणो विहरइ । तए णं सा सिवानन्दा भारिया समणोवासिया जाया जाव पडिलाभेमाणी विहरइ ॥ सू० ११ ॥ तए णं तस्स आणन्दस्स समणोवासगस्स उच्चावएहिं सीलव्वय-गुणवेरमाण-पच्चक्खाण-पोसहोववासेहिं अप्पाणं भावेमाणस्स चोदस संवच्छराइं वइक्कन्ताई, पराणरसमस्स संवच्छरस्स अन्तरा वट्टमाणस्स अन्नया कयाई पुव्वरत्तावरत्तकालसमयंमि धम्मजागरियं जागरमाणस्स इमेयारूवे अज्भत्थिए चिन्तिए पत्थिए मणोगए सङ्कप्पे समुप्पज्जित्था-एवं खलु अहं वाणियगामे नयरे बहूणं राईसर जाव सयस्सवि य णं कुडुम्बस्स जाव आधारे, तं एएणं विक्खेवेणं अहं नो संचाएमि समणस्स भगवत्रो महावीरस्स अन्तियं धम्मपराणत्तिं उवसम्पज्जित्ता णं विहरित्तए ? । तं सेयं खलु ममं कल्लं जाव जलन्ते विउलं असणं जहा पूरणो जाव जेट्टपुत्तं कुडुम्बे ठ्वेत्ता तं मित्तं जाव जेट्टपुत्तं च आपुच्छित्ता कोल्लाए सन्निवेसे नायकुलंसि पोसहसालं पडिलेहित्ता समणस्स भगवत्रो महावीरस्स अन्तियं धम्मपराणत्तिं उवसम्पज्जित्ता णं

विहरित्तए । एवं सम्पेहेइ २ कल्लं जाव जलंते विउलं तहेव जिमियमुत्तुत्त-
 रागए तं मित्त जाव विउलेणं पुप्फ ५ सक्कारेइ सम्माणोइ २ तस्सेव मित्त
 जाव पुरओ जेट्टपुत्तं सहावेइ २ एवं वयासी—एवं खलु पुत्ता ! अहं वाणियगामे
 बहूणं राईसर जहा चिन्तियं जाव विहरित्तए, तं सेयं खलु मम इदाणिं
 तुमं सयस्स कुडुम्बस्स आलम्बणं ४ ठ्वेत्ता जाव विहरित्तए २ । तए णं
 जेट्टपुत्ते आणन्दे समणोवासगस्स तहत्ति एयमट्टं विणएणं पडिसुणोइ,
 तए णं से आणन्दे समणोवासए तस्सेव मित्त जाव पुरओ जेट्टपुत्तं कुडुम्बे
 ठ्वेइ २ एवं वयासी—मा णं देवाणुप्पिया ! तुम्भे अज्जप्पभिई केई मम बहूसु
 कज्जेसु जाव आपुच्छउ वा पडिपुच्छउ वा ममं अट्टाए असणं वा ४
 उवक्खडेउ वा उवकरेउ वा ३ । तए णं से आणन्दे समणोवासए जेट्टपुत्तं
 मित्तनाइ आपुच्छइ २ सयाओ गिहाओ पडिणिक्खमइ २ वाणियगामं
 नयरं मज्झमज्जेणं निग्गच्छइ २ जेणोव कोल्लाए सन्निवेसे जेणोव नायकुल्ले
 जेणोव पोसहसाला तेणोव उवागच्छइ २ पोसहसालं पमज्जइ २ उच्चार-
 पासवणाभूमिं पडिलेहेइ २ दब्भसंथारयं संथरइ, दब्भसंथारयं दुरूहइ
 २ पोसहसालाए पोसहिए दब्भसंथारोवगए समणस्स भगवओ महावीरस्स
 अन्तियं धम्मपराणत्तिं उवसम्पज्जित्ता णं विहरइ ४ ॥ सू० १२ ॥

तए णं से आणन्दे समणोवासए उवासगपडिमाओ उवसम्पज्जिता णं
 विहरइ, पढमं उवासगपडिमं अहासुत्तं अहाकप्पं अहामग्गं अहातच्चं सम्मं
 काएणं फासेइ, पालेइ सोहेइ तीरेइ कित्ते(ट्टे)इ आराहेइ १ । तए णं से
 आणन्दे समणोवासए दोच्चं उवासगपडिमं एवं तच्चं चउत्थं पञ्चमं छट्ठं
 सत्तमं अट्टमं नवमं दसमं एकारसमं जाव आराहेइ २ ॥ सू० १३ ॥

तए णं से आणन्दे समणोवासए इमेणं एयारूवेणं उरालेणं विउलेणं
 पयत्तेणं पग्गहियेणं तवोकम्मेणं सुक्के जाव किसे धमणिसन्तए जाए १ ।
 तए णं तस्स आणन्दस्स समणोवासगस्स अन्नया कयाई पुव्वरत्ता जाव

धम्मजागरियं जागरमाणस्स अयं अज्झत्थिए ५—एवं खलु अहं इमेणं जाव धमणिसन्तए जाए, तं अत्थि ता मे उट्ठाणे कम्मे बले वीरिए पुरिसकारपर-कमे सद्धाधिइसंवेगे, तं जाव ता मे अत्थि उट्ठाणे सद्धाधिइसंवेगे जाव य मे धम्मायरिए धम्मोवएसए समणे भगवं महावीरे जिणे सुहत्थी विहरइ ताव ता मे सेयं कल्लं जाव जलन्ते अपच्छिममारणान्तिय-संलेहणा-भूसणाभूसि-यस्स भत्तपाणापडियाइक्खियस्स कालं अणवकङ्कमाणस्स विहरित्तए, एवं सम्पेहेइ २ ता कल्लं पाउ जाव अपच्छिममारणान्तिय जाव कालं अणव-कङ्कमाणे विहरइ २ । तए णं तस्स आणन्दस्स समणोवासगस्स अन्नया कयाई सुभेणं अज्झवसारोणं सुभेणं (सोहणोण) परिणामेणं लेसाहिं विस्सु-ज्झमाणीहिं तंदावरणिज्जाणं कम्माणं खओवसमेणं ओहिनाणे समुपन्ने, पुरत्थिमेणं लवणसमुहे पञ्चजोयणसइयं खेत्तं जाणइ पासइ, एवं दक्खिणोणं पञ्चत्थिमेणं य, उत्तरेणं जाव चुल्लहिमवन्तं वासधरपव्वयं जाणइ पासइ, उड्ढं जाव सोहम्मं कप्पं जाणइ पासइ, अहे जाव इमीसे रयणप्पभाए पुढ्वीए लोलुयच्चुयं नरयं चउरासीइ-वाससहस्सट्ठिइयं जाणइ पासइ ३ ॥ सू० १४ ॥

ते णं काले णं ते णं समए णं समणे भगवं महावीरे समोसरिए, परिसा निग्गया, जाव पडिगया, ते णं काले णं ते णं समए णं समणस्स भगवओ महावीरस्स जेट्ठे अन्तेवासी इन्दभूई नामं अणगारे गोयमगोत्तेणं सत्तुस्सेहे समचउरंस-संठाणसंठिए वज्जरिह-नारायसङ्खयणे कणग-पुलग-निघस-पम्हगोरे उग्गतवे दित्ततवे तत्ततवे घोरतवे महातवे उराले घोरगुणे घोरतवस्सी घोरबम्भचेरवासी उच्चूढसरीरे सद्धित्त-विउल-तेउलेसे छट्ठं छट्ठेणं अणिक्खित्तेणं तवोकम्मेणं संजमेणं तवसा अप्पाणं भावेमाणे विहरइ १ । तए णं से भगवं गोयमे छट्ठक्खमणपारणागंसि पढमाए पोरिसीए सज्झायं करेइ विइयाए पोरिसीए भाणं भायइ, तइयाए पोरिसीए अतुरियं अचवलं

असम्भन्ते मुहपत्तिं पडिलेहेइ २ ता भायणवत्थाइं पडिलेहेइ २ ता भायणवत्थाइं पमज्जइ २ ता भायणाइं उग्गाहेइ २ ता जेगोव समणो भगवं महावीरे तेगोव उवागच्छइ २ ता समणं भगवं महावीरं वन्दइ नमंसइ २ ता एवं वयासी-इच्छामि णं भन्ते ! तुब्भेहिं अब्भणुराणाए छट्ठक्खमणा-पारणांसि वाणियगामे नयरे उच्चनीयमज्झिमाइं कुलाइं घरसमुदाणास्स भिक्खायरियाए अडित्तए, 'अहासुहं देवाणुप्पिया ! मा पडिबन्धं करेह' २ । तए णं भगवं गोयमे समणोणं भगवया महावीरेण अब्भणुराणाए समाणो समणास्स भगवओ महावीरस्स अन्तियाओ दूडपलासाओ चेइयाओ पडिणि-क्खमइ २ अतुरियमचलवमसम्भन्ते जुगन्तरपरिलोयणाए दिट्ठीए पुरओ ईरियं सोहेमाणो जेगोव वाणियगामे नयरे तेगोव उवागच्छइ २ वाणियगामे-नयरे उच्चनीयमज्झिमाइं कुलाइं घरसमुदाणास्स भिक्खायरियाए अडइ ३ । तए णं से भगवं गोयमे वाणियगामे नयरे जहा पराणत्तीए तहा जाव भिक्खायरियाए अडमाणो अहापज्जत्तं भत्तपाणं सम्मं पडिग्गाहेइ २ वाणियगामाओ पडिणि-गच्छइ २ ता कोल्लायस्स सिन्नवेसस्स अदूरसामन्तेणं वीईवयमाणो बहुजणा-सइं निसामेइ, बहुजणो अन्नमन्नस्स एवमाइक्खइ ४-एवं खलु देवाणुप्पिया ! समणास्स भगवओ महावीरस्स अन्तेवासी आणन्दे नामं समणोवासए पोसहसालाए अपच्छिम जाव अणवकङ्कमाणो विहरइ ४ । तए णं तस्स गोयमस्स बहुजणास्स अन्तिए एयमट्ठं सोच्चा निसम्म अयमेयारूवे अज्झत्थिए ४-तं गच्छामि णं आणन्दं समणोवासयं पासामि, एवं सम्पेहेइ २ जेगोव कोल्लाए सिन्नवेसे जेगोव आणन्दे समणोवासए जेगोव पोसहसाला तेगोव उवागच्छइ, तए णं से आणन्दे समणोवासए भगवं गोयमं एज्जमाणं पासइ २ ता हट्ठ जाव हियए, भगवं गोयमं वन्दइ नमंसइ २ ता एवं वयासी-एवं खलु भन्ते ! अहं इमेणं उरालेणं जाव धमणिसन्तए जाए, न संचाएमि देवाणुप्पियस्स अन्तियं पाउब्भवित्ता णं तिव्खुत्तो मुद्धाणोरां पाए

अभिवन्दित्तए, तुब्भे रां भव्ते ! इच्छाकारेणं अणभिओगेणं इओ चेव एह,
जा णं देवाणुप्पियाणं तिक्खुत्तो मुद्धाणेणं पाएसु वन्दामि नमंसामि ५ ।
तए णं से भगवं गोयमे जेणेव आणन्दे समणोवासए तेणेव उवागच्छइ ६
॥ सू० १५ ॥

तए रां से आणन्दे समणोवासए भगवओ गोयमस्स तिक्खुत्तो
मुद्धाणेरां पाएसु वन्दइ नमंसइ २ त्ता एवं वयासी-अत्थि रां भन्ते !
गिहिणो गिहिमज्झावसन्तस्स ओहिनाणे समुप्पज्जइ ?, हन्ता अत्थि, जइ
रां भन्ते ! गिहिणो जाव समुप्पज्जइ, एवं खलु भन्ते ! ममवि गिहिणो
गिहिमज्झावसन्तस्स ओहिनाणे समुप्पन्ने-पुरत्थिमेरां लवणासमुद्दे पञ्च
जोयणासयाइं जाव लोलुयच्चुयं नरयं जाणामि पासामि १ । तए रां से
भगवं गोयमे आणंदं समणोवासयं एवं वयासी-अत्थि रां आणन्दा !
गिहिणो जाव समुप्पज्जइ, नो चेव णं ए(अ)महालए, तं णं तुमं आणन्दा !
एयस्स ठाणस्स आलोएहि जाव तवोकम्मं पडिवज्जाहि २ । तए णं से
आणन्दे समणोवाणए भगवं गोयमं एयं वयासी-अत्थि णं भन्ते !
जिणवयणे सन्ताणं तच्चाणं तहियाणं सच्चूयाणं भावाणं आलोइज्जइ जाव
पडिवज्जिज्जइ ?, नो इणट्ठे समट्ठे, जइणं भन्ते ! जिणवयणे सन्ताणं
जाव भावाणं नो आलोइज्जइ जाव तवोकम्मं नो पडिवज्जिज्जइ, तं णं भन्ते !
तुब्भे चेव एयस्स ठाणस्स आलोएह जाव पडिवज्जह ३ । तए णं से भगवं
गोयमे आणन्देण समणोवासएरां एवं वुत्ते समाणे सङ्घिए कङ्घिए विइगिच्छा-
समावन्ने आणन्दस्स अन्तियाओ पडिणिक्खमइ २ जेणेव दूइपलासे
चेइए जेणेव ससणे भगवं महावीरे तेणेव उवागच्छइ २ समणस्स भगवओ
महावीरस्स अदूरसामन्ते गमणागमणाए पडिकमइ २ एसणमणेसरां
आलोएइ २ भत्तपारां पडिदंसेइ २ त्ता समणं भगवं महावीरं वन्दइ
नमंसइ २ त्ता एवं वयासी-एवं खलु भन्ते ! अहं तुब्भेहिं अब्भणुराणाए

तं चेव सव्वं कहेइ जाव तए गां अहं सङ्गिए ३ आणन्दस्स समणोवासगस्स
अन्तियाओ पडिणिक्वमामि २ जेणोव इहं तेणोव हव्वमागए, तं गां भन्ते !
किं आणन्देणां समणोवासणां तस्स ठाणास्स आलोएयव्वं जाव पडिवज्जे-
यव्वं उदाहु मए ?, गोयमा इ समणो भगवं महावीरे भगवं गोयमं एवं
वयासी-गोयमा ! तुमं चेव गां तस्स ठाणास्स आलोएहि जाव पडिवज्जाहि,
आणन्दं च समणोवासयं एयमट्टं खामेहि ४ । तए गां से भगवं गोयमे
समणास्स भगवओ महावीरस्स तहत्ति एयमट्टं विणाएणां पडिसुणेइ २ ता
तस्स ठाणास्स आलोएइ जाव पडिवज्जइ, आणन्दं च समणोवासयं एयमट्टं
खामेइ ५ । तए गां समणो भगवं महावीरे अन्नया कयाई बहिया जणावय-
विहारं विहरइ ६ ॥ सू० १६ ॥

तए गां से आणन्दे समणोवासए बहूहिं सीलव्वएहिं जाव अप्पाणां
भावेत्ता वीसं वासाइं समणोवासगपरियागं पाउणित्ता एकारस य उवासग-
पडिमाओ सम्मं काएणां फासित्ता मासियाए संलेहणाए अत्ताणां भूसित्ता
सट्ठिं भत्ताइं अणसणाए छेदेत्ता आलोइयपडिकन्ते समाहिपत्ते कालमासे
कालं किच्चा सोहम्मे कप्पे सोहम्मवडिसगस्स महाविमाणस्स उत्तरपुरच्छिमेणां
अरुणे विमाणे देवत्ताए उववन्ने १ । तत्थ गां अत्थेगइयाणां देवाणां
चत्तारि पल्लिओवमाइं ठिई पराणात्ता, तत्थ गां आणन्दस्सवि देवस्स चत्तारि
पल्लिओवमाइं ठिई पराणात्ता २ । आणन्दे भन्ते ! देवे ताओ देवलोगाओ
आउक्खएणां ३ अणान्तरं चयं चइत्ता कहिं गच्छिहिइ कहिं उववज्जिहिइ ?,
गोयमा ! महाविदेहे वासे सिज्जिभिहिइ ३ । निक्खेवो ॥ सू० १७ ॥
सत्तमस्स अङ्गस्स उवासगदसाणां पढमं अज्जभयणां समत्तं ॥

॥ इति प्रथमध्ययनम् ॥ १ ॥

॥२॥ अथ श्रीकामदेवाख्यं द्वितीयमध्ययनम् ॥

जइ गां भन्ते । समणोणां भगवया महावीरेणां जाव सम्पत्तेणां सत्तमस्स
अङ्गस्स उवासगदसाणां पढमस्स अज्जभयणास्स अयमत्थे पराणात्ते, दोच्चस्स गां
भन्ते ! अज्जभयणास्स के अत्थे पराणात्ते ?, एवं खलु जम्बू ! तेणां कालेणां
तेणां समणां चम्पा नामं नयरी होत्था, पुराणाभदे चेइए, जियसत्तू राया,
कामदेवे गाहावई, भद्दा भारिया, छ हिराणाकोडीअो निहाणापउत्ताअो, छ
वुड्ढिपउत्ताअो, छ पवित्थरपउत्ताअो, छ वया दसगोसाहस्सिएणां वणां ? ।
समोसराणां, जहा आणन्दो तहा निग्गअो, तहेव सावयधम्मं पडिवज्जइ, सा
चेव वत्तव्वया जाव जेट्टपुत्तं मित्तनाइं आपुच्छित्ता जेणोव पोसहसाला
तेणोव उवगच्छइ २ जहा आणन्दो जाव समास्स भगवअो महावीरस्स
अन्तियं धम्मपराणात्तिं उवसम्पजित्ता गां विहरइ २ ॥ सू० १८ ॥

तए गां तस्स कामदेवस्स समणोवासगस्स पुव्वरत्तावरत्तकालसमयंसि
एगे देवे मायी मिच्छद्दिट्ठी अन्तियं पाउव्वभूए, तए गां से देवे एगं महं पिसायरूवं
विउव्वइ, तस्स गां देवस्स पिसायरूवस्स इमे एयारूवे वराणावासे पराणात्ते—
सीसं से गोकिलज्ज-संठाणासंठियं (विगय-कप्पयनिभं वियड-कोप्परनिभं)
सालिभ-सेल्लसरिसा से केसा कविलतेणां दिप्पमाणा महल्ल-उट्टियाकभल्ल-
संठाणासंठियं (महल्ल-उट्टियाकभल्ल-सरिसोवमं) निडालं मुगुंसपुंछं व तस्स
भुमगाअो फुग्गफुग्गाअो (जडिलकुजडिलाअो) विगयवीभच्छदंसणाअो
सीसघडि-विणिग्गयाइं अच्छीणि विगय-वीभच्छदंसणाइं कराणा जह सुप्प-
कत्तरं चेव विगय-वीभच्छदंसणिज्जा, उरव्वभपुड-सन्निभा (हुरव्वभपुड-संठाणा-
संठिया) से नासा, भुसिरा जमल-चुल्ली-संठाणासंठिया दोवि तस्स नासा
पुडया (महल्ल-कुव्वसंठिया दोवि से कपोला) घोडयपुंछं व तस्स मंसूइं
कविलकविलाइं विगय-वीभच्छदंसणाइं, (घोडयपुंछं व तस्स कविलफरुसाअो
उद्धलोमाअो दाढियाअो) उट्टा उट्टस्स चेव लम्बा (उट्टा से घोडगस्स जहा

दोऽवि लंबमाणा) फालसरिसा से दन्ता (हिङ्गुलुय-धाउकन्दरबिलं व तस्स वयणां), जिब्भा जहा सुपाकत्तरं चैव विगय-बीभच्छ-दंसणिज्जा, हलकुहाल-संठिया से हणुया, गल्लकडिल्लं व तस्स खड्डं फुट्टं कविलं फरुसं महल्लं, मुइङ्गा-कारोवमे से खन्धे, पुरवरकवाडोवमे से वच्छे, कोट्टियासंठाणसंठिया दोऽवि तस्स बाहा, निसायाहाण-संठाणसंठिया दोऽवि तस्स अग्गहत्था, निसा-लोढ-संठाणसंठियाओ हत्थेसु अड्गुलीओ सिप्पिपुडगसंठिया से नक्खा (अडया-लग-संठियो उरो तस्स रोमगुविलो) राहावियपसेवओ व उरंसि लम्बन्ति दोऽवि तस्स थणया, पोट्टं अयकोट्टओ व वट्टं, पाणकलन्दसरिसा से नाही, (भग्गकडी विगयवंकपट्टी असरिसा देवि तस्स फिसगा), सिक्कग-संठाणसंठिया से नेत्ते, किराणपुड-संठाणसंठिया दोऽवि तस्स वसणा, जमलकोट्टिया संठाण-संठिया दोवि तस्स उरू, अज्जुणगुट्टं व तस्स जाणुइं कुडिलकुडिलाइं विगयबीभच्छ-दंसणाइं, जडघाओ कक्खडीओ लोभेहिं उवचियाओ, अहरीलोढ-संठाणसंठिया दोऽवि तस्स पाया, अहरीलोढ-संठाणसंठियाओ पाएसु अड्गुलीओ, सिप्पि-पुडसंठिया से नक्खा लडहमडहजाणुए विगयभग्ग-भुग्गभुमए (मसि-मुसग-महिसकालए भरिय मेहराणे लम्बोट्टे निग्गयदन्ते) अवदालिय-वयणाविवर-निल्लालियग्गजाहे सरडकय-मालियाए उन्दुरमाला-परिणाद्ध-सुकयचिधे नउल-कयकणापूरे सप्पकय-वेगच्छे (मूसगकय-भुंभलए विच्छुय-कय-वेगच्छे सप्पकय-जाणोवइए, अभिन्न-मुहनयणा-नक्ख-वरवग्ग-चित्तकत्ति-नियंसणे सरस-रुहिर-मंसावलित्तगत्ते) अफ्फोडन्ते अभिगजन्ते भीम-मुक्कट्टट्ट-हासे नाणाविह-पञ्चवणेहिं लोभेहिं उवचिए एगं महं नीलुप्पल-गवलगु-लिय-अयसि-कुसुमप्पगासं असिं खुरधारं गहाय जेणेव पोसहसाला जेणेव कामदेवे समणोवासए तेणेव उवागच्छइ २ आसुरत्ते रुट्टे कुविए चरिड-क्किए मिसिमिसीयमाणे कामदेवं समणोवासयं एवं वयासी-हं भो कामदेवा

समणोवासया अप्पत्थियपत्थिया दुरन्तपन्त-लक्खणा हीणपुराण-चाउइसिया
सिरिहिरि-सिरिधिइ-कित्तिपरिवज्जिया ! धम्मकामया पुराणकामया सग्ग-
कामया मोक्खकामया धम्मकङ्किया पुराणकङ्किया सग्गकङ्किया मोक्खकङ्किया
धम्मपिवासिया पुराणपिवासिया सग्गपिवासिया मोक्खपिवासिया ! नो खलु
कप्पइ तव देवाणुप्पिया ! जं सीलाइं वयाइं वेरमणाइं पच्चक्खाणाइं पोसहो-
ववासाइं चालित्तए वा खोभित्तए वा खरिडत्तए वा भज्जित्तए वा उज्जित्तए
वा परिचइत्तए, वा, तं जइ णं तुमं अज्ज सीलाइं जाव पोसहोववासाइं न छडडेसि
न भंजेसि तो ते अहं अज्ज इमेणं नीलुप्पल जाव असिणा खराडाखरिंड
करेमि, जहा णं तुमं देवाणुप्पिया ! अट्टुहट्टुवसट्टे अकाले चैव जीवियाओ
ववरोविज्जसि, तए णं से कामदेवे समणोवासए तेणं देवेणं पिसायरूवेणं
एवं वुत्ते समाणे अभीए अतत्थे अणुव्विग्गे अक्खुभिए अचलिए असम्भन्ते
तुसिणीए धम्मज्झाणोवगए विहरइ ॥ सूत्रं १६ ॥

तए णं से देवे पिसायरूवे कामदेवं समणोवासयं अभीयं जाव धम्म-
भाणोवगयं विहरमाणं पासइ २ दोच्चंपि तच्चंपि कामदेवं एवं वयासी-
हं भो कामदेवा ! समणोवासया अप्पत्थियपत्थिया, जइ णं तुमं अज्ज जाव
ववरोविज्जसि, तए णं से कामदेवे समणोवासए तेणं देवेणं दोच्चंपि तच्चंपि
एवं वुत्ते समाणे अभीए जाव धम्मज्झाणोवगए विहरइ, तए णं से देवे
पिसायरूवे कामदेवं समणोवासयं अभीयं जाव विहरमाणं पासइ २ आसुरुत्ते
रूट्टे कुविए चरिडक्किए मिसिमिसियमाणो तिवलियं भिउहिं निडाले साहट्टु
कामदेवं समणोवासयं नीलुप्पल जाव असिणा खराडाखरिंड करेइ, तए णं
से कामदेवे समणोवासए तं उज्जलं जाव दुरहियासं वेयणं सम्मं सहइ
जाव अहियासेइ ॥ सूत्रं २० ॥

तए णं से देवे पिसायरूवे कामदेवं समणोवासयं अभीयं जाव विह-
रमाणं पासइ २ जाहे नो संचाएइ कामदेवं समणोवासयं निग्गन्थाओ पाव-

यणाथो चालित्तए वा खोभित्तए वा विपरिणामित्तए वा ताहे सन्ते तन्ते
 परितन्ते सणियं सणियं पच्चोसकइ २ ता पोसहसालाआ पडिणिवस्वमइ २
 दिव्वं पिसायरूवं विप्पजहइ २ एगं महं दिव्वं हत्थिरूवं विउव्वइ १ ।
 सत्तङ्गपइट्टियं सम्मं संठियं सुजायं पुरथो उदग्गं पिट्ठथो वराहं अयाकुच्छिं
 अलम्बकुच्छिं पलम्ब-लम्बोदराधर-करं अब्भुग्गय-मउल-मल्लियाविमल-धवल-
 दन्तं कञ्जणाकोसी-पविट्टदन्तं आणामिय-चावललिय-संविळ्ळियग्गसोराडं कुम्म-
 पडिपुराणचलणं वीसइनक्खं अलीणपमाणजुत्तपुच्छं मत्तं मेहमिव गुलगु-
 लेन्तं मणपवणजइणवेगं दिव्वं हत्थिरूवं विउव्वइ २ जेणोव पोसहसाला
 जेणोव कामदेवे समणोवासए तेणोव उवागच्छइ २ कामदेवं समणोवासयं
 एवं वयासी-हं भो कामदेवा ! समणोवासया तहेव भाणइ जाव न भंजेसि
 तो ते अज्ज अहं सोराडाए गिराहामि २ पोसहसालाथो नीणेमि २ उडहं
 वेहासं उव्विहामि २ तिक्खेहिं दन्तमुसलेहिं पडिच्छामि २ अहे धरणि-
 तलंसि तिक्खुत्तो पाएसु लोलेमि जहा णं तुमं अट्टदुहट्टवसट्ठे अकाले
 चेव जीवियाथो ववरोविज्जसि, तए णं से कामदेवे समणोवासए तेणं देवेणं
 हत्थिरूवेणं एवं बुत्ते समाणो अभीए जाव विहरइ २ । तए णं से देवे
 हत्थिरूवे कामदेवं समणोवासयं अभीयं जाव विहरमाणं पासइ २ दोच्चंपि
 तच्चंपि कामदेवं समणोवासयं एवं वयासी-हं भो कामदेवा ! तहेव जाव
 सोऽवि विहरइ, तए णं से देवे हत्थिरूवे कामदेवं समणोवासयं अभीयं
 जाव विहरमाणं पासइ २ आसुरुत्ते ४ कामदेवं समणोवासयं सोराडाए
 गिराहेइ २ उडं वेहासं उव्विहइ २ तिक्खेहिं दन्तमुसलेहिं पडिच्छइ २
 अहे धरणितलंसि तिक्खुत्तो पाएसु लोलेइ, तए णं से कामदेवे समणो-
 वासए तं उज्जलं जाव अहियासेइ ३ ॥ सूत्रं २१ ॥

तए णं से देवे हत्थिरूवे कामदेवं समणोवासयं जाहे नो संचाएइ जाव
 सणियं सणियं पच्चोसकइ २ पोसहसालाथो पडिणिवस्वमइ २ दिव्वं हत्थिरूवं

विष्पजहइ २ एगं महं दिव्वं सप्परूवं विउव्वइ उग्गविसं चराडविसं घोरविसं महाकायं मसी-मूसाकालगं नयणाविस-रोसपुराणं अंजणापुंज-निगर-
 प्पगासं रत्तच्छं लोहियलोयणां जमल-जुयल-वञ्चलजीहं धरणीयल-वेणिभूयं
 उक्कड-फुडकुडिल--जडिल-कक्कसवियड-फडाडोव-करणादच्छं लोहागर-
 धम्ममाणा-धमधमेन्तघोसं अणागलिय-तिव्वचराडरोसं सप्परूवं विउव्वइ २
 जेणोव पोसहसाला जेणोव कामदेवे समणोवासए तेणोव उवागच्छइ २ कामदेवं
 समणोवासयं एवं वयासी-हं भो कामदेवा ! समणोवासया जाव न भंजेसि
 तो ते अज्जेव अहं सरसरस्स कायं दुरुहामि २ पच्छिमेणां भाएणां तिक्खुत्तो
 गीवं वेढेमि २ तिक्खाहिं विसपरिगयाहिं दाढाहिं उरंसि चेव निकुट्टेमि
 जहा गां तुमं अट्टुदुहट्टु-वसट्टे अकाले चेव जीवियाओ ववरोविज्जसि १ ।
 तए गां से कामदेवे समणोवासए तेणां देवेणां सप्परूवेणां एवं वुत्ते समाणे
 अभीए जाव विहरइ, सोऽवि दोच्चंपि तच्चंपि भणइ, कामदेवोऽवि जाव
 विहरइ २ । तए गां से देवे सप्परूवे कामदेवं समणोवासयं अभीयं जाव
 पासइ २ आसुरुत्ते ४ कामदेवस्स समणोवासयस्स सरसरस्स कायं दुरुहइ २
 पच्छिमभायेणां तिक्खुत्तो गीवं वेढेइ २ तिक्खाहिं विसपरिगयाहिं दाढाहिं
 उरंसि चेव निकुट्टेइ, तए गां से कामदेवे समणोवासए तं उज्जलं जाव
 अहियासेइ ३ ॥ सूत्रं २२ ॥

तए गां से देवे सप्परूवे कामदेवं समणोवासयं अभीयं जाव पासइ २
 जाहे नो संचाएइ कामदेवं समणोवासयं निग्गन्थाओ पावयणाओ चालित्तए
 वा खोभित्तए वा विपरिणामित्तए वा ताहे सन्ते ३ सणियं सणियं पच्चोसकइ
 पोसहसालाओ पडिणिकखमइ २ तादिव्वं सप्परूवं विष्पजहइ २ एगं महं दिव्वं
 देवरूवं विउव्वइ १ । हारविराइयवच्छं जाव दस दिसाओ उज्जोवेमाणं पभासेमाणं
 पासाईयं दरिसणिज्जं अभिरूवं पडिरूवं दिव्वं देवरूवं विउव्वइ २ कामदेवस्स
 समणोवासयस्स पोसहसालं अणुप्पविसइ २ अन्तलिकखपडिव्वन्ने सखिद्धि-

णियाइं पञ्चवराणाइं वत्याइं पवरपरिहिए कामदेवं समणोवासयं एवं वयासी—
 “हं भो कामदेवा समणोवासया ! धन्ने सि गां तुमं देवाणुप्पिया ! सपुगणे
 कयत्थे कयलक्खणे सुलद्धे गां तव देवाणुप्पिया ! माणुस्सए जम्मजीवियफले,
 जस्स गां तव निग्गन्थे पावयणे इमेयारूवा पडिवत्ती लद्धा पत्ता अभिसम-
 न्नागया २ । एवं खलु देवाणुप्पिया ! सक्के देविन्दे देवराया जाव सक्कंसि
 सीहासणांसि चउरासीईए सामाणियसाहस्सीणां जाव अन्नेसिं च बहूणां
 देवाणा य देवीणा य मज्झगए एवमाइक्खइ ४—एवं खलु देवाणुप्पिया !
 जम्बुद्वीवे दीवे भारहे वासे चम्पाए नयरीए कामदेवे समणोवासये पोसह-
 सालाए पोसहिय(ए)वम्भचारी जाव दम्भसंथारोवगए समणस्स भगवओ
 महावीरस्स अन्तियं धम्मपराणातिं उवसम्पज्जित्ता गां विहरइ ३ । नो खलु
 से सक्को केणाई देवेणा वा दाणावेणा वा जाव गन्धव्वेणा वा निग्गन्थाओ
 पावयणाओ चालित्तए वो खोभित्तए वा विपरिणामित्तए वा, तए गां अहं
 सक्कस्स देविन्दस्स देवरणो एयमट्ठं असदहमाणो ३ इहं हव्वमाणए, तं
 अहो गां देवाणुप्पिया ! इड्डी ६ लद्धा ३, तं दिट्ठा गां देवाणुप्पिया ! इड्डी
 जाव अभिसमन्नागया, तं खामेमि गां देवाणुप्पिया ! खमन्तु मज्झ देवाणु-
 प्पिया ! खमन्तुमरहन्ति गां देवाणुप्पिया नाइं भुज्जो करणायांएत्ति कट्ठ
 पायवडिए पञ्जलिउडे एयमट्ठं भुज्जो भुज्जो खामेइ २ जामेव दिसं पाउब्भूए
 तामेव दिसं पडिगए, तए गां से कामदेवे समणोवासए निरुवसग्गं तिकट्ठ
 पडिमं पारेइ ४ ॥ सू० २३ ॥

ते गां काले गां ते गांसमए गां समणे भगवं महावीरे जाव विहरइ १ ।
 तए गां से कामदेवे समणोवासए इमीसे कहाए जाव लद्धट्ठे समाणे एवं
 खलु समणे भगवं महावीरे जाव विहरइ, तं सेयं खलु मम समाणं भगवं
 महावीरं वन्दित्ता नमंसित्ता तओ पडिणियत्तस्स पोसहं पारित्तएत्तिकट्ठ
 एवं सम्पेहेइ २ सुद्धप्पावेसाइं वत्याइं जाव अप्पमहग्घ जाव माणुस्सवग्गुरा-

परिक्लिप्ते सयात्रो गिहात्रो पडिणिक्खमइ २ चम्पं नगरिं मज्झमज्जेणां
निग्गच्छइ २ जेणोव पुराणभद्दे चेइए जहा सद्धो जाव पज्जुवासइ २ ।
तए णां समणे भगवं महावीरे कामदेवस्स समणोवासयस्स तीसे य जाव
धम्मकहा समत्ता ३ ॥ सू० २४ ॥

कामदेवाइ ! समणे भगवं महावीरे कामदेवं समणोवासयं एवं
वयासी-से नूणां कामदेवा तुब्भं पुव्वरत्तावरत्तकालसमयंसि एगे देवे
अन्तिए पाउब्भूए, तए णां से देवे एगं महं दिव्वं पिसायरूवं विउव्वइ २
आसुरुत्ते ४ एगं महं नीलुप्पल जाव असिं गहाय तुमं एवं वयासी-हं भो
कामदेवा ! जाव जीवियात्रो ववरोविज्जसि, तं तुमं तेणां देवेणां एवं दुत्ते
समाणो अभीए जाव विहरसि, एवं वराणागरहिया तिगिणावि उवसग्गा
तहेव पडिउच्चारयेव्वा जाव देवो पडिगत्रो, से नूणां कामदेवा ! अट्ठे
समट्ठे ? हन्ता, अत्थि, अज्जो इ, १ । समणे भगवं महावीरे बहवे समणे
निग्गन्थे य निग्गन्थीत्रो य आमन्तेत्ता एवं वयासी-जइ ताव अज्जो !
समाणोवासगा गिहिणो गिहमज्झावसन्ता दिव्वमाणुसतिरिक्खजोगिणए
उवसग्गे सम्मं सहन्ति जाव अहियासेन्ति, सका पुराणाइं अज्जो ! समणेहिं
निग्गन्थेहिं दुवालसङ्गं गणिपिडगं अहिज्जमाणोहिं दिव्वमाणुस्सतिरिक्ख-
जोगिणए सम्मं सहित्तए जाव अहियासित्तए, तत्रो ते बहवे समणा
निग्गन्था य निग्गन्थीत्रो य समणास्स भगवत्रो महावीरस्स तहत्ति एयमट्ठं
विणएणां पडिसुणन्ति २ । तए णां से कामदेवे समणोवासए हट्टु जाव
समणां भगवं महावीरं पसिणाइं पुच्छइ अट्टमादियइ, समणां महावीरं
तिक्खुत्तो वन्दइ नमंसइ २ जामेव दिसिं पाउब्भूए तामेव दिसिं पडिगए ३ ।
तए णां समणे भगवं महावीरे अन्नया कयाइ चम्पात्रो पडिणिक्खमइ २
बहिया जणावयविहारं विहरइ ४ ॥ सू० २५ ॥

तए णां से कामदेवे समणोवासए पढमं उवासगपडिमं उवसम्पजित्ताणां

विहरइ १ । तए गां से कामदेवे समणोवासए बहूहिं जाव भावेत्ता वीसं
 वासाइं समणोवासगपरियागं पाउणित्ता एकारस उवासगपडिमात्रो सम्मं
 काएणां फासेत्ता मासियाए संलेहणाए अण्णाणां भूसित्ता सट्ठिं भत्ताइं अण्णास-
 णाए छेदेत्ता आलोइय-पडिक्कन्ते समाहिपत्ते कालमासे कालं किच्चा सोहम्मे
 कप्पे सोहम्मवडिसयस्स महाविमाणस्स उत्तरपुरच्छि(त्थि)मेणां अरुणाभे
 विमाणो देवत्ताए उववन्ने २ । तत्थ गां अत्थेगइयाणां देवाणां चत्तारि
 पलिअोवमाइं ठिई पराणात्ता कामदेवस्स वि देवस्स चत्तारि पलिअोवमाइं
 ठिई पराणात्ता, से गां भन्ते ! कामदेवे ताओ देवलोगाओ आउक्खएणां
 भवक्खएणां ठिइक्खएणां अणान्तरं चयं चइत्ता कहिं गमिहिइ कहिं उवव-
 जिहिइ ? गोयमा ! महाहिदेहे वासे सिज्झिहिइ ३ । निक्खेवो ॥ सू० २६ ॥
 ॥ सत्तमस्स अज्जस्स उवासगदसाणां वीयं अज्जयणां समत्तं ॥

॥ इति द्वितीयमध्ययनम् ॥ २ ॥

॥३॥ अथ श्री चुलनीपितृनामकं तृतीयमध्ययनम् ॥

उक्खेवो तइयस्स अज्जयणास्स—एवं खलु जम्बू ! तेणां कालेणां तेणां
 समएणां वाणारसी नामं नयरी, कोट्टए (महा-कामवणो) चेइए जियसत्तू राया
 १ । तत्थ गां वाणारसीए नगरीए चुलणीपिया नामं गाहावई परिवसइ,
 अड्ढे जाव अपरिभूए, सामा भारिया २ । अट्ट हिरण्णकोडीओ निहाणा-
 पउत्ताओ अट्ट बुद्धिपउत्ताओ अट्ट पवित्थरपउत्ताओ अट्ट वथा दसगोसाह-
 स्सिएणां वएणां जहा आणन्दो राईसर जाव सब्बकज्जवट्टावए यावि होत्था,
 ३ । सामी समोसढे, परिसा निग्गया, चुलणीपियावि जहा आणन्दो तथा
 निग्गओ, तहेव गिहिधम्मं पडिवज्जइ, गोथमपुच्छा तहेव सेसं जहा काम-
 देवस्स जाव पोसहसालाए पोसहिए बम्भचारी समणस्स भगवओ महावीरस्स
 अन्तियं धम्मपराणात्तिं उवसम्पज्जित्ता गां विहरइ ४ ॥ सू० २७ ॥

तए गां तस्स चुलणीपियस्स समणोवासयस्स पुव्वरत्तावरत्तकालसमयंसि एगे देवे अन्तियं पाउब्भूए १ । तए गां से देवे एगं नीलुप्पल जाव अस्सिं गहाय चुलणीपियं समणोवासयं एवं वयासी-हं भो चुलणीपिया ! समणो-वासया जहा कामदेवो जाव न भंजेसि तो ते अहं अज्ज जेट्टं पुत्तं साओ गिहाओ नीणेमि २ तव अग्गओ घाएमि २ तओ मंससोल्ले(ल्लए) करेमि २ आदाणभरियंसि कडाहयंसि अहहेमि २ तव गायं मंसेण य सोणिएण य आयञ्चामि, जहा गां तुमं अट्टदुहट्टवसट्टे अकाले चेव जीवियाओ ववरोविज्जसि २ । तए गां से चुलणीपिया समणोवसाए तेगां देवेगां एवं वुत्ते समाणे अभीए जाव विहरइ ३ । तए गां से देवे चुलणीपियं समणोवासयं अभीयं जाव पासइ २ दोच्चंपि तच्चंपि चुलणीपियं समणोवासयं एवं वयासी-हं भो चुलणीपिया समणोवासया ! तं चेव भणइ, सो जाव विहरइ ४ । तए गां से देवे चुलणीपियं समणोवासयं अभीयं जाव पासित्ता आसुरुत्ते ४ चुलणी-पियस्स समणोवासयस्स जेट्टं पुत्तं गिहाओ नीणेइ २ ता अग्गओ घाएइ २ तओ मंससोल्लए करेइ २ आदाणभरियंसि कडाहयंसि अहहेइ २ चुलणी-पियस्स समणोवासयस्स गायं मंसेण य सोणियेण य आयइइ ५ । तए गां से चुलणीपिया समणोवासए तं उज्जलं जाव अहियासेइ, तए गां से देवे चुलणीपियं समणोवासयं अभीयं जाव पासइ २ दोच्चंपि तच्चंपि चुलणीपियं समणोवासयं एवं वयासी-हं भो चुलणीपिया समणोवासया ! अपत्थियपत्थया जाव न भंजेसि तो ते अहं अज्ज मज्झिमं पुत्तं साओ गिहाओ नीणेमि २ तव अग्गओ घाएमि जहा जेट्टं पुत्तं तहेव भणइ तहेव करेइ, एवं तच्चंपि कणीयसं जाव अहियासेइ ६ । तए गां से देवे चुलणीपियं समणोवासयं अभीयं जाव पासइ २ चउत्थंपि चुलणीपियं समणोवासयं एवं वयासी-“हं भो चुलणीपिया ! समणोवासया ! अपत्थि-यपत्थया ! ४ जइ गां तुमं जाव न भज्जेसि तओ अहं अज्ज जा इमा तव

माया भद्रा सत्यवाही देवयगुरुजगणी दुक्करदुक्करकारिया तं ते सात्रो
गिहात्रो नीणोमि २ तव अग्गत्रो घाणमि २ तत्रो मंससोल्लए करेमि २
आदा(अद्दह)णभरियंसि कडाहयंसि अद्दहेमि २ तव गायं मंसेण य सोणि-
एण य आयञ्चामि जहा णं तुमं अट्टुदुहट्टुवसट्टे अकाले चैव जीवियात्रो
ववरोविज्जसि, तए णं से चुलणीपिया समणोवासए तेणं देवेणं एवं वुत्ते
समाणो अभीए जाव विहरइ ७ । तए णं से देवे चुलणीपियं समणोवासयं
अभीयं जाव विहरमाणं पासइ २ चुलणीपियं समणोवासयं दोच्चंपि
तच्चंपि वयासी-हं भो चुलणीपिया समणोवासया ! तहेव जाव ववरोवि-
ज्जसि ८ । तए णं तस्स चुलणीपियस्स समणोवासयस्स तेणं देवेणं दोच्चंपि
तच्चंपि एवं वुत्तस्स समाणस्स इमेयारूवे अज्भत्थिए ५-अहो णं इमे
पुरिसे अणारिए अणारियबुद्धी अणारियाइं पावाइं कम्माइं समायरइ, जेणं
ममं जेट्टं पुत्तं सात्रो गिहात्रो नीणोइ २ मम अग्गत्रो घाणइ २ जहा कयं
तहा चिन्तेइ जाव गायं आयञ्चइ, जेणं ममं मज्झिमं पुत्तं सात्रो गिहात्रो
जाव सोणिएण य आयञ्चइ, जेणं ममं कणीयसं पुत्तं सात्रो गिहात्रो तहेव
जाव आयञ्चइ, जाऽवि य णं इमा मम माया भद्रा सत्यवाही देवयगुरुजगणी
दुक्करदुक्करकारिया तपि य णं इच्छइ सात्रो गिहात्रो नीणोत्ता मम अग्गत्रो
घाणत्तए, तं सेयं खलु ममं एयं पुरिसं गिगिहत्तएत्ति कट्टु उद्धाइए ९ ।
सेऽवि य आगासे उप्पइए, तेणं च खम्भे आसाइए, महया महया सद्देणं
कोलाहले कए, तए णं सा भद्रा सत्यवाही तं कोलाहलसद्दं सोच्चा
निसम्भ जेणोव चुलणीपिया समणोवासए तेणोव उवागच्छइ २ चुलणीपियं
समणोवासयं एवं वयासी-किरणं पुत्ता ! तुमं महया महया सद्देणं कोला-
हले कए ?, १० । तए णं से चुलणीपिया समणोवासए अम्मयं भद्दं सत्य-
वाहिं एवं वयासी-एवं खलु अम्मो ! न जाणामि केवि पुरिसे आसुरुत्ते
५ एगे महं नीलुप्पल जाव असिं गहाय ममं एवं वयासी-हं भो चुलणी-

पिया समणोवासया ! अपत्थियपत्थया ४ जइ णं तुमं जाव ववरोविज्जसि, तए णं अहं तेणं पुरिसेणं एवं बुत्ते समाणे अभीए जाव विहरामि, तए णं से पुरिसे ममं अभीयं जाव विहरमाणं पासइ २ ममं दोच्चंपि तच्चंपि एवं वयासी-हं भो चुलणीपिया समणोवासया ! तहेव जाव गायं आयञ्चइ, तए णं अहं तं उज्जलं जाव अहियासेमि, एवं तहेव उच्चारयेव्वं सब्बं जाव कणीयसं जाव आयञ्चइ, अहं तं उज्जलं जाव अहियासेमि, तए णं से पुरिसे ममं अभीयं जाव पासइ २ मम चउत्थंपि एवं वयासी-हं भो चुलणीपिया समणोवासया ! अपत्थियपत्थया जाव न भञ्जसि तो ते अज्ज जा इमा माया गुरु जाव ववरोविज्जसि, तए णं अहं तेणं पुरिसेणं एवं बुत्ते समाणे अभीए जाव विहरामि, तए णं से पुरिसे दोच्चंपि तच्चंपि ममं एवं वयासी-हं भो चुलणीपिया समणोवासया ! अज्ज जाव ववरोविज्जसि, तए णं तेणं पुरिसेणं दोच्चंपि तच्चंपि ममं एवं बुत्तस्स समाणस्स इमेयारूवे अज्झत्थिए ५ अहो णं इमे पुरिसे अणारिए जाव समायरइ, जेणं ममं जेट्ठं पुत्तं सात्थो गिहात्थो तहेव जाव कणीयसं जाव आयञ्चइ, तुब्भेऽवि य णं इच्छइ सात्थो गिहात्थो नीणोता मम अग्गत्थो घाएत्तए, तं सेयं खलु ममं एयं पुरिसं गिरिहत्तएत्तिकट्ठु उद्धाइए, सेऽवि य आगासे उप्पइए, मएऽवि य खम्भे आसाइए महया महया सहैणं कोलाहले कए ११ । तए णं सा भद्दा सत्थवाही चुलणीपियं समणोवासयं एवं वयासी-नो खलु केइ पुरिसे तव जाव कणीयसं पुत्तं सात्थो गिहात्थो निणोइ २ तव अग्गत्थो घाएइ एस णं केइ पुरिसे तव उवसग्गं करेइ, एस णं तुमे विदरिसणे, दिट्ठे, तं णं तुमं इयाणिं भग्गव्वए भग्गनियमे भग्गपोसहे विहरसि, तं णं तुमं पुत्ता ! एयस्स ठाणस्स आलोएहि जाव पडिवज्जाहि, तए णं से चुलणीपिया समणोवासए अम्मगाए भद्दाए सत्थवाहीए तहत्ति एयमट्ठं विणएणं पडि-सुणोइ २ ता तस्स ठाणस्स आलोएइ जाव पडिवज्जइ १२ ॥ सू० २८ ॥

तए गां से चुलणीपिया समणोवासए पढमं उवासगपडिमं उवसम्प-
ज्जित्ता गां विहरइ, पढमं उवासगपडिमं अहांसुत्तं जहा आणन्दो जाव
एकारसवि, तए गां से चुलणीपिया समणोवासए तेगां उरालेगां जहा
कामदेवो जाव सोहम्मे कप्पे सोहम्मवडिसगस्स महाविमाणस्स उत्तरपुर-
च्छिमेगां अरुणाप्पभे विमाणो देवत्ताए उववन्ने । चत्तारि पल्लिओवमाइं ठिई
पराणत्ता । महाविदेहे वासे सिज्झिहिइ ५ ॥ निक्खेवो ॥ सू० २९ ॥
॥ सत्तमस्स अङ्गस्स उवासगदसाणां तइयं अज्झयणां समत्तं ॥

॥ इति तृतीयमध्ययनम् ॥ ३ ॥

॥४॥ अथ श्री सुरादेवाख्यं चतुर्थमध्ययनम् ॥

उक्खेवओ चउत्थस्स अज्झयणास्स, एवं खलु जम्बू ! ते गां काले
गां ते गां समए गां वाणारसी नामं नयरी, कोट्टए (महाकामववाणे) चेइए,
जियसत्तू राया, सुरादेवे गाहावई अड्ढे छ हिरणाकोडीओ जाव छ वया
दसगोसाहस्सिएणां वएणां धन्ना भारिया, सामी समोसडे, जहा आणन्दो
तहेव पडिवज्जइ गिहिधम्मं, जहा कामदेवो जाव समणास्स भगवओ महा-
वीरस्स अंतिअं धम्मपराणात्ति उवसम्पज्जित्ताणां विहरइ ॥ सू० ३० ॥

तए गां तस्स सुरादेवस्स समणोवासयस्य पुव्वरत्तावरत्तकालसमयंसि
एगे देवे अन्तियं पाउज्झवित्था, से देवे एगं महं नीलुप्पल जाव असिं
गहाय सुरादेवं समणोवासयं एवं वयामी—हं भो सुरादेवा समणोवासया !
अपत्थियपत्थिया ४ जइ गां तुमं सीलाइं जाव न भज्जसि तो ते जेट्टं पुत्तं
साओ गिहाओ नीरोमि २ तव अग्गओ धाएमि २ पञ्च पञ्च सोल्लए
करेमि २ आदाणाभरियंसि कडाहयंसि अद्देमि २ तव गायं मंसेण यं
सोणिएणा यं आयञ्चामि जहा गां तुमं अकाले चेव जीवियाओ ववरो-
विज्जसि, एवं मज्झिमयं, कणीयसं, एक्केक्के पञ्च सोल्लया, तहेवं करेइ,

जहा चुलणीपियस्स, नवरं एक्केक्के पञ्च सोल्लया १ । तए गां से देवे सुरादेवं समणोवासयं चउत्थंपि एवं वयासी-हं भो सुरादेवा ! समणोवासया अपत्थियपत्थिया ४ जाव न परिच्चयसि तो ते अज्ज सरीरंसि जमगसमगमेव सोलस रोगायड्के पक्खिवामि, तंजहा-सासे कासे जाव कोढे, जहा गां तुमं अट्टुदुहट्टु जाव ववरोविज्जसि, तए गां से सुरादेवे समणोवासए जाव विहरइ, एवं देवो दोच्चंपि तच्चंपि भणइ जाव ववरोविज्जसि २ । तए गां तस्स सुरादेवस्स समणोवासयस्स तेगां देवेणां दोच्चंपि तच्चंपि एवं वुत्तस्स समाणास्स इमेयारूवे अज्झत्थिए ४ अहो गां इमे पुरिसे अणारिए जाव समायरइ, जेणां ममं जेट्टुं पुत्तं जाव कणीयसं जाव आयच्चइ, जेऽवि य इमे सोलस रोगायङ्का तेऽवि य इच्चइ मम सरीरगंसि पक्खिवित्तए, तं सेयं खलु ममं एयं पुरिसं गिगिहत्तएत्ति कट्टु उद्धाइए, सेऽवि य आगासे उप्पइए तेगा य खम्भे आसाइए महया महया सद्देणां कोलाहले कए ३ । तए गां सा धन्ना भारिया कोलाहलं सोच्चा निसम्म जेणोव सुरादेवे समणोवासए तेणोव उवागच्छइ २ एवं वयासी-किराणां देवाणुप्पिया ! तुब्भेहिं महया महया सद्देणां कोलाहले कए ?, तए गां से सुरादेवे समणोवासए धन्नं भारियं एवं वयासी-एवं खलु देवाणुप्पिए ! केऽवि पुरिसे तहेव कहेइ जहा चुलणीपिया, धन्नाऽवि पडिभणइ जाव कणीयसं, नो खलु देवाणुप्पिया ! तुब्भं के वि पुरिसे सरीरंसि जमगसमगं सोलस रोगायड्के पक्खिवइ, एस गां केवि पुरिसे तुब्भं उवसग्गं करेइ, सेसं जहा चुलणीपियस्स तहा भणइ, एवं निरवसेसं जाव सोहम्मे कप्पे अरूयाकन्ते विमाणो उववन्ने ४ । चत्तारि पल्लिओवमाइं ठिई, महाविदेहे वासे सिञ्जिहिइ ५, निक्खेवो ५ ॥ सू० ३१ ॥ सत्तमस्स अज्जस्स उवासगदसाणां चउत्थं अज्झयणां समत्तं ॥

॥५॥ अथ चुल्लशतकाख्यं पञ्चममध्ययनम् ॥

उक्तेवो पञ्चमस्स, एवं खलु जम्बू ! ते गां काले गां ते गां समए गां
आलभिया नामं नयरी, सङ्खवणो उजाणो जियसत्तू राया चुल्लसयए गाहा-
वई अड्ढे जाव छ हिरण्णकोडीओ जाव छ वया दसगोसाहस्सिएणं
वएगां बहुला भारिया, सामी समोसडे, जहा आणन्दो तहा गिहिधम्मं
पडिवज्जइ, सेसं जहा कामदेवो जाव धम्मपराणत्ति उवसम्पज्जित्तागां विहरइ
॥ सू० ३२ ॥

तए गां तस्स चुल्लसयगस्स समणोवासयस्स पुव्वरत्तावरत्तकालसम-
यंसि एगे देवे अन्तियं जाव असिं गहाय एवं वयासी-हं भो चुल्लसयगा
समणोवासया ! जाव न भञ्जसि तो ते अज्ज जेट्ठं पुत्तं साओ गिहाओ
नीणोमि एवं जहा चुल्लणीपियं नवरं एक्केक्के सत्त मंससोल्लया जाव
कणीयसं जाव आयञ्चामि, तए गां से चुल्लसयए समणोवासए जाव
विहरइ १ । तए गां से देवे चुल्लसयगं समणोवासयं चउत्थंपि एवं
वयासी-हं भो चुल्लसयगा ! समणोवासया जाव न भञ्जसि तो
ते अज्ज जाओ इमाओ छ हिरण्णकोडिओ निहाणपउत्ताओ
छ बुद्धिपउत्ताओ छ पवित्थरपउत्ताओ ताओ साओ गिहाओ नीणोमि २
आलभियाए नयरीए सिङ्खाडग जाव पहेसु सव्वओ समन्ता विप्पइरामि,
जहा गां तुमं अट्टदुहट्टवसट्टे अकाले चेव जीवियाओ ववरोविज्जसि, तए
गां से चुल्लसयए समणोवासए तेगां देवेगां एवं बुत्ते समाणो अभीए जाव
विहरइ २ । तए गां से देवे चुल्लसयगं समणोवासयं अभीयं जाव पासित्ता
दोच्चंपि तच्चंपि तहेव भाणइ जाव ववरोविज्जसि, तए गां तस्स चुल्लसयगस्स
समणोवासयस्स तेगां देवेगां दोच्चंपि तच्चंपि एवं बुत्तस्स समाणस्स अयमेया-
रूवे अज्जभत्थिए ४-अहो गां इमे पुरिसे अणारिए जहा चुल्लणीपिया तहा
चिन्तेइ जाव कणीयसं जावं आयञ्चइ, जाओऽवि य गां इमाओ ममं छ

हिरण्यकोडीत्रो छ निहाणपउत्तात्रो छ बुद्धिपउत्तात्रो छ पवित्थरपउत्तात्रो
तात्रोऽवि य णं इच्छइ ममं सात्रो गिहात्रो नीणोत्ता आलभीथाए नयरीए
सिङ्गाडग जाव विपइरित्तए तं सेयं खलु ममं एयं पुरिसं गिहिहत्तएत्ति-
कट्टु उद्धाइए जहा सुरादेवो तहेव भारिया पुच्छइ तहेव कहेइ ५, ३
॥ सू० ३३ ॥

सेसं जहा चुलणीपियस्स जाव सोहम्मं कप्पे अरुणसिट्ठे विमाणे
उववन्ने, चत्तारि पलित्तोवमाइं ठिई । सेसं तहेव जाव महाविदेहे वासे
सिज्झिह्महिइ ५ ॥ निक्खेवो ॥ सू० ३४ ॥ इइ सत्तमस्स अङ्गस्स उवासग
दसाणं पञ्चमं अज्झयणं समत्तं ॥

॥ इति पञ्चममध्ययनम् ॥ ५ ॥

॥६॥ अथ कुण्डकोलिकारुयं षष्ठमध्ययनम् ॥

छट्ठस्स उक्खेवत्रो-एवं खलु जम्बू ! ते णं काले णं ते णं समए
णं कम्पिल्लपुरे नयरे सहसम्बवणो उज्जाणो पुढवीसिलापट्टए चेइए जियसत्तू राया
कुण्डकोलिए गाहावई पूसा भारिया छ हिरण्यकोडीत्रो निहाणपउत्तात्रो
छ बुद्धिपउत्तात्रो छ पवित्थरपउत्तात्रो छ वया दसगोसाहस्सिएणं वएणं ।
सामी समोसटे, जहा कामदेवो तहा सावयधम्मं पडिवज्जइ । सव्वेव वत्तव्वया
जाव पडिलाभेमाणे विहरइ ॥ सू० ३५ ॥

तए णं से कुण्डकोलिए समणोवासए अन्नया कयाइ पुन्नावरराह-
कालसमयंसि जेणोव असोगवणिया जेणोव पुढविसिलापट्टए तेणोव उवागच्छइ
२ नाममुद्दं च उत्तरज्जिगं च पुढविसिलापट्टए ठ्वेइ २ समणस्स भगवत्रो
महावीरस्स अन्तियं धम्मपराणत्ति उवसम्पजित्ता णं विहरइ १ । तए णं
तस्स कुण्डकोलियस्स समणोवासयस्स एगे देवे अन्तियं पाउब्भवित्था,
तए णं से देवे नाममुद्दं च उत्तरिज्जं च पुढविसिलापट्टयात्रो गेरहइ २

सखिङ्घिणि अन्तलिक्खपडिवन्ने कुण्डकोलियं समणोवासयं एवं वयासी—
 हं भो कुण्डकोलिया ! समणोवासया सुन्दरी गां देवाणुप्पिया गोसालस्स
 मङ्गलिपुत्तस्स धम्मपराणात्ती—नत्थि उट्टाणे इ वा कम्मे इ वा बले इ वा वारिए इ
 वा पुरिसकारपरकमे इ वा नियया सब्बभावा, मङ्गुली गां समणस्स भगवओ
 महावीरस्स धम्मपराणात्ती अत्थि उट्टाणे इ वा जाव परकमे इ वा अणियया
 सब्बभावा २ । तए गां से कुण्डकोलिए समणोवासए तं देवं एवं वयासी—
 जइ गां देवा ! सुन्दरी गोसालस्स मङ्गलिपुत्तस्स धम्मपराणात्ती नत्थि
 उट्टाणे इ वा जाव नियया सब्बभावा, मङ्गुली गां समणस्स भगवओ
 महावीरस्स धम्मपराणात्ती अत्थि उट्टाणे इ वा जाव अणियया सब्बभावा,
 तुमे गां देवाणुप्पिया ! इमा एयारूवा दिव्वा देविट्ठी दिव्वा देवज्जुइ दिव्वे
 देवाणुभावे किणा लद्धे किणा पत्ते किणा अभिसमन्नागए किं उट्टाणेणं
 जाव पुरिसकारपरकमेणं उदाहु अणुट्टाणेणं अकम्मेणं जाव अपुरिसकार-
 परकमेणं ? तए गां से देवे कुण्डकोलियं समणोवासयं एवं वयासी—एवं खलु
 देवाणुप्पिया ! मए इमेयारूवा दिव्वा देविट्ठी ३ अणुट्टाणेणं जाव अपुरिस-
 कारपरकमेणं लद्धा पत्ता अभिसमन्नागया ३ । तए गां से कुण्डकोलिए
 समणोवासए तं देवं एवं वयासी—जइ गां देवा ! तुमे इमा एयारूवा दिव्वा
 देविट्ठी ३ अणुट्टाणेणं जाव अपुरिसकारपरकमेणं लद्धा पत्ता अभिसमन्नागया,
 जेसिं गां जीवाणं नत्थि उट्टाणेइ वा जाव परकमेइ वा पते किं न देवा ?,
 अह गां देवा ! तुमे इमा एयारूवा दिव्वा देविट्ठी ३ उट्टाणेणं जाव
 परकमेणं लद्धा पत्ता अभिसमन्नागया तो जं वदसि—सुन्दरी गां गोसालस्स
 मङ्गलिपुत्तस्स धम्मपराणात्ती—नत्थि उट्टाणे इ वा जाव नियया सब्बभावा,
 मङ्गुली गां समणस्स भगवओ महावीरस्स धम्मपराणात्ती—अत्थि उट्टाणे
 इ वा जाव अणियया सब्बभावा, तं ते मिच्छा ४ । तए गां से देवे कुण्ड-
 कोलिएणं समणोवासएणं एवं वुत्ते समाणे सङ्घिए जाव कलुससमावन्ने नो

संचाएइ कुण्डकोलियस्स समणोवासयस्स किंचि पामोक्खमाइक्खित्तए
नाममुद्दयं च उत्तरिज्जयं च पुढविसिलापट्टए ठ्वेइ २ जामेव दिसिं पाउब्भूए
तामेव दिसिं पडिगए ५ । तेणं कालेणं तेणं समएणं सामी समोसठे तए णं
से कुण्डकोलिए समणोवासए इमीसे कहाए लद्धट्टे हट्ट जहा कामदेवो तहा
निग्गच्छइ जाव पज्जुवासइ, धम्मकहा ६ ॥ सू० ३६ ॥

कुण्डकोलिया इ समणो भगवं महावीरे कुण्डकोलियं समणोवासयं
एवं वयासी—से नूणं कुण्डकोलिया ! कल्लं तुब्भे पुब्बा(पच्चा)वरराहकाल-
समयंसि असोगवणियाए एगे देवे अन्तियं पाउब्भवित्था, तए णं से देवे
नाममुद्दं च तहेव जाव पडिगए । से नूणं कुण्डकोलिया (आमन्तेति २)
अट्ठे समट्ठे ? इन्ता अत्थि, धन्ने सि णं तुमं कुण्डकोलिया ! जहा
कामदेवो अज्जो इ समणो भगवं महावीरे समणो निग्गन्थे य निग्गन्थीओ
य आमन्तित्ता एवं वयासी—जइ ताव अज्जो गिहिणो गिहिमज्झा(ज्झि)
वसन्ता णं अन्नउत्थिए अट्ठेहि य हेऊहि य पसिणोहि य कारणोहि य
वागरणोहि य निप्पट्टपसिणावागरणे करेन्ति, सका पुणाइं अज्जो समणोहिं
निग्गन्थेहिं दुवालसड्ढं गणिपिड्ढं अहिज्जमाणोहिं अन्नउत्थिया अट्ठेहि
य जाव निप्पट्टपसिणावागरणा करित्तए १ । तए णं समणा निग्गन्था य
निग्गन्थीओ य समणस्स भगवओ महावीरस्स तहत्ति एयमट्टं विणएणं
पडिसुणोन्ति २ । तए णं से कुण्डकोलिए समणोवासए समणं भगवं
महावीरं वन्दइ नमंसइ २ पसिणाइं पुच्छइ २ अट्टमादियइ २ जामेव दिसं
पाउब्भूए तामेव दिसं पडिगए, सामी बहिया जणवयविहारं विहरइ ३
॥ सू० ३७ ॥

तए णं तस्स कुण्डकोलियस्स समणोवासयस्स बहूहिं सील जाव
भावेमाणस्स चोइस्स संवच्छराइं वइक्कन्ताइं पराणरसमस्स संवच्छरस्स
अन्तरा वट्टमाणस्स अन्नया क्याइ जहा कामदेवो तहा जेट्टपुत्तं ठ्वेत्ता तहा

पोसहसालाए जाव धम्मपराणत्ति उवसम्पज्जित्ता णं विहरइ, एवं एकारस उवासम्पडिमाओ तहेव जाव सोहम्मे कप्पे अरूणज्झए विमाणो जाव अन्तं काहिइ ॥ निक्खेवो ॥ सू० ३८ ॥ सत्तमस्स अङ्गस्स उवासगदसाणं छट्ठं अङ्गयणं समत्तं ॥

॥ इति षष्ठमध्ययनम् ॥ ६ ॥

॥७॥ अथ श्री सद्दालपुत्राख्यं सप्तममध्ययनम् ॥

सत्तमस्स उक्खेवो ॥ पोलासपुरे नामं नयरे सहस्सम्बवणो उज्जाणो, जियसत्तू राया, तत्थ णं पोलासपुरे नयरे सद्दालपुत्ते नामं कुम्भकारे आजीविओवासए परिवसइ, आजीवियसमयंसि लद्धट्ठे गहियट्ठे पुच्छियट्ठे विण्णिच्छियट्ठे अभिगयट्ठे अट्ठिमिज-पेमाणुरागरत्ते य अयमाउसो ! आजीवियसमए अट्ठे अयं परमट्ठे सेसे अण्णत्तेत्ति आजीवियसमएणं अण्णणं भावेमाणो विहरइ ? । तस्स णं सद्दालपुत्तस्स आजीवीओवासगस्स एका हिरण्णकोडी निहाणपउत्ता एका बुद्धिपउत्ता एका पवित्थरपउत्ता एके वए दसगोसाहस्सिएणं वएणं, तस्स णं सद्दालपुत्तस्स आजीविओवासगस्स अग्गिमित्ता नामं भारिया होत्था, तस्स णं सद्दालपुत्तस्स आजीविओवा-सगस्स पोलासपुरस्स नगरस्स बहिया पञ्च कुम्भकारावणसया होत्था २ । तत्थ णं बहवे पुरिसा दिराणभइभत्तवेयणा कल्लकल्लि बहवे करए य वारए य पिहडए य घडए य उद्धघडए य कलसए य अलिञ्जरए य जम्बूलए य उट्टियाओ य करेन्ति, अन्ने य से बहवे पुरिसा दिन्नभइभत्तवेयणा कल्ल-कल्लि तेहिं बहूहिं करएहि य जाव उट्टियाहि य रायमगंसि वित्ति कप्पे-माणा विहरन्ति ३ ॥ सू० ३९ ॥

तए णं से सद्दालपुत्ते आजीविओवासए अन्नया क्याइ पुंवावरणह-कालसमयंसि जेणोव असोगवणिया तेणोव उवामच्छइ २ गोसालस्स

मङ्गलिपुत्तस्म अन्तियं धम्मपराणात्ति उवसम्पज्जित्ता णं विहरइ १ । तए णं तस्स सद्दालपुत्तस्स आजीविओवासगस्स एगे देवे अन्तियं पाउब्भावत्था, तए णं से देवे अन्तलिक्खपडिवन्ने सखिद्धिणियाइं जाव परिहिए सद्दालपुत्तं आजीविओवासयं एवं वयासी-एहिइ णं देवाणुप्पिया ! कल्लं इहं महामाहणे उप्पन्नणाणदंसणाधरे तीयपडुपन्नमणागयजाणाए अरहा जिणे केवली सव्वणा सव्वदरिसी तेलोक-वहिय-महियपूइए सदेवमणुयासुरस्स लोगस्स अच्चणिज्जे वन्दणिज्जे पूयणिज्जे सक्कारणिज्जे संमाणाणिज्जे कल्लाणं मङ्गलं देवयं चेइयं जाव पज्जुवासणिज्जे तच्चकम्मसम्पउत्ते, तं णं तुमं वन्देजाहि जाव पज्जुवासेजाहि, पाडिहारिएणं पीढफलग-सिज्जासंथार-एणं उवनिमन्तेजाहि, दोच्चंपि तच्चंपि एवं वयइ २ जामेव दिसं पाउब्भूए तामेव दिसं पडिगए २ । तए णं तस्स सद्दालपुत्तस्स आजीविओवासगस्स तेणं देवेणं एवं बुत्तस्स समाणास्स इमेयारूवे अज्झत्थिए ४ समुप्पन्ने-एवं खलु ममं धम्मायरिए धम्मोवएसए गोसाले मङ्गलिपुत्ते से णं महामाहणे उप्पन्न-णाणदंसणा-धरे जाव तच्चकम्म-सम्पयासम्पउत्ते से णं कल्लं इहं हव्वमागच्छिस्सइ, तए णं तं अहं वन्दिस्सामि जाव पज्जुवासिस्सामि पाडि-हारिएणं जाव उवनिमन्तिस्सामि ३ ॥ सू० ४० ॥

तए णं कल्लं जाव जलन्ते समणे भगवं महावीरे जाव समोसरिए, परिसा निग्गया जाव पज्जुवासइ १ । तए णं से सद्दालपुत्ते आजीविओवा-सए इतीसे कहाए लद्धट्टे समाणे-एवं खलु समणे भगवं महावीरे जाव विहरइ, तं गच्छामि णं समणं भगवं महावीरं वन्दामि जाव पज्जुवासामि, एवं सम्भेहेइ २ राहाए जाव पायच्छित्ते सुद्धप्पावेसाइं जाव अप्पमहग्घाभर-णाज्झियसरीरे मणुस्सवग्गुरापरिगए साओ गिहाओ पडिणिकखमइ २ पोलासपुरं नयरं मज्झंमज्जेणं निग्गच्छइ २ जेणेव सहस्सम्भवणे उज्जाणे जेणेव समणे भगवं महावीरे तेणेव उवागच्छइ २ तिक्खुत्तो आयाहियां

पयाहिणं करेइ २ वन्दइ नमंसइ २ जाव पञ्जुवासइ २ । तए णं समणे भगवं महावीरे सद्दालपुत्तस्स आजीविओवासगस्स तीसे य महइ जाव धम्मकहा समत्ता, सद्दालपुत्ता इ ! समणे भगवं महावीरे सद्दालपुत्तं आजीविओवासयं एवं वयासी—से नूणं सद्दालपुत्ता ! कल्लं तुमं पुब्बावराहकालसमयंसि जेणेव असोगवणिया जाव विहरसि, तए णं तुब्भं एगे देवे अन्तियं पाउब्भवित्था, तए णं से देवे अन्तलिक्खपडिवन्ने एवं वयासी—हं भो सद्दालपुत्ता ! तं चेव सब्वं जाव पञ्जुवासिस्सामि, से नूणं सद्दालपुत्ता ! अट्टे समट्टे ? हंता अत्थि, नो खलु सद्दालपुत्ता ! तेणं देवेणं गोमालं मङ्गलिपुत्तं पण्णिहाय एवं वुत्ते ३ । तए णं तस्स सद्दालपुत्तस्स आजीविओवासयस्स समणेणं भगवया महावीरेणं एवं वुत्तस्स समाणस्स इमेयारूवे अज्झत्थिए ४—एस णं समणे भगवं महावीरे महामाहणे उप्पन्नणाणदंसणधरे जाव तच्चकम्म-सम्पयासम्पउत्ते, तं सेयं खलु ममं समाणं भगवं महावीरं वन्दित्ता नमंसित्ता पाडिहारिएणं पीढफलग जाव उवनिमन्तित्तए, एवं सम्पेहेइ २ उट्टाए उट्टेइ २ समाणं भगवं महावीरं वन्दइ नमंसइ २ एवं वयासी—एवं खलु भन्ते ! ममं पोलासपुरस्स नयरस्स बहिया पञ्च कुम्भकारावणासया, तत्थ णं तुब्भं पाडिहारियं पीढ जाव संथारयं ओगिरिहत्ता णं विहरइ ४ । तए णं समणे भगवं महावीरे सद्दालपुत्तस्स आजीविओवासगस्स एयमट्टं पडिसुगोइ २ सद्दालपुत्तस्स आजीविओवासगस्स पञ्चकुम्भकारावणासएसु फासुएसणिज्जं पाडिहारियं पीढफलग जाव संथारयं ओगिरिहत्ता णं विहरइ ५ ॥ सू० ४१ ॥

तए णं से सद्दालपुत्ते आजीविओवासए अन्नया कयाई वायाहययं कोलालभराडं अन्तो सालाडित्तो बहिया नीणेइ २ आयवंसि दलयइ १ । तए णं समणे भगवं महावीरे सद्दालपुत्तं आजीविओवासयं एवं वयासी—सद्दालपुत्ता ! एस णं कोलालभराडे कओ ? २ । तए णं से सद्दालपुत्ते

आजीवित्रोवासए समणं भगवं महावीरं एवं वयासी-एस णं भन्ते ! पुंवि मट्टिया आसी, तत्रो पच्छा उदएणं निगिज्जइ २ छारेण य करिसेण य एगयत्रो मीसिज्जइ २ चक्के आरोहिज्जइ, तत्रो बहवे करगा य जाव उट्टि(ट्टि)यात्रो य कज्जति ३ । तए णं समणे भगवं महावीरे सहालपुत्तं आजीवित्रोवासयं एवं वयासी-सहालपुत्ता एस णं कोलालभराडे किं उट्टाणेणं जाव पुरिसकारपरकमेणं कज्जति उदाहु अणुट्टाणेणं जाव अपुरिसकारपरकमेणं कज्जति ? तए णं से सहालपुत्ते आजीवित्रोवासए समणं भगवं महावीरं एवं वयासी-भन्ते ! अणुट्टाणेणं जाव अपुरिसकारपरकमेणं, नत्थि उट्टाणे इ वा जाव परकमे इ वा, नियया सब्बभावा ४ । तए णं समणे भगवं महावीरे सहालपुत्तं आजीवित्रोवासयं एवं वयासी-सहालपुत्ता ! जइ णं तुब्भं केई पुरिसे वायाहयं वा पक्केलयं वा कोलालभराडं अवहरेज्जा वा विक्खिखरेज्जा वा भिन्देज्जा वा अविच्छिन्देज्जा वा परिट्टवेज्जा वा अग्गिमित्ताए वा भारियाए वा सद्धिं विउलाइं भोगभोगाइं भुञ्जमाणे विहरेज्जा, तस्स णं तुमं पुरिसस्स किं दराडं वत्तेज्जासि ? भन्ते ! अहं णं तं पुरिसं आत्रोसेज्जा वा हणोज्जा वा बन्धेज्जा वा महेज्जा वा तज्जेज्जा वा तालेज्जा वा निच्छोडेज्जा वा निब्भच्छेज्जा वा अकाले चैव जीवियात्रो ववरोवेज्जा ५ । सहालपुत्ता ! नो खलु तुब्भं केई पुरिसे वायाहयं वा पक्केलयं वा कोलालभराडं अवहरइ वा जाव परिट्टवेइ वा अग्गिमित्ताए वा भारियाए सद्धिं विउलाइं भोगभोगाइं भुञ्जमाणे विहरइ, नो वा तुमं तं पुरिसं आत्रोसेज्जसि वा हणोज्जसि वा जाव अकाले चैव जीवियात्रो ववरोवेज्जसि, जइ नत्थि उट्टाणे इ वा जाव परकमे इ वा नियया सब्बभावा, अहं णं तुब्भं केई पुरिसे वायाहयं जाव परिट्टवेइ वा अग्गिमित्ताए वा जाव विहरइ, तुमं ता(वा) तं पुरिसं आत्रोसेसि वा जाव ववरोवेसि तो जं वदसि नत्थि उट्टाणे इ वा जाव नियया सब्बभावा, तं ते मिच्छा ६ । एत्थ

शां से सद्दालपुत्ते आजीवित्रोवासए सम्बुद्धे, तए शां से सद्दालपुत्ते आजी-
वित्रोवासए समणां भगवं महावीरं वन्दइ नमंसइ २ एवं वयासी-इच्छामि
शां भन्ते ! तुब्भं अन्तिए धम्मं निमामेत्तए, तए शां समणो भगवं महावीरे
सद्दालपुत्तस्स आजीवित्रोवासगस्स तीसे य जाव धम्मं परिकहेइ ७
॥ सू० ४२ ॥

तए शां से सद्दालपुत्ते आजीवित्रोवासए समणास्स भगवत्रो महावीरस्स
अन्तिए धम्मं सोच्चा निमम्म हट्टुतुट्टु जाव हियए जहा आणन्दो तहा
गिहिधम्मं पडिवज्जइ, नवरं एगा हिरराणकोडी निहाणपउत्ता एगा हिरराण-
कोडी बुद्धिपउत्ता, एगा हिरराणकोडी पवित्थरपउत्ता एगे वए दसगोसाह-
स्सिएणां वएणां जाव समणां भगवं महावीरं वन्दइ नमंसइ २ जेणोव
पोलासपुरे नयरे तेणोव उवागच्छइ २ पोलासपुरं नयरं मज्झमंज्जेणां
जेणोव सए गिहे जेणोव अग्गिमित्ता भारिया तेणोव उवागच्छइ २ अग्गि-
मित्तं भारियं एवं वयासी-एवं खलु देवाणुप्पिए ! समणो भगवं महावीरे
जाव समोसदे, तं गच्छाहि शां तुमं समणां भगवं महावीरं वन्दाहि जाव
पज्जुवासाहि, समणास्स भगवत्रो महावीरस्स अन्तिए पंचाणुव्वइयं सत्त-
सिक्खावइयं दुवालसविहं गिहिधम्मं पडिवज्जाहि, तए शां सा अग्गिमित्ता
भारिया सद्दालपुत्तस्स समणोवासगस्स तहत्ति एयमट्टं विणएणा पडिसुणोइ
१ । तए शां से सद्दालपुत्ते समणोवासए कोडुम्बियपुरिसे सद्दावेइ २ एवं
वयासी-खिप्पामेव भो देवाणुप्पिया ! लह्हुकराणुत्तजोइयं समखुर-वाल्लिहाणा-
समलिहिय-सिङ्गएहिं जम्बूणायामय-कलाव-जोत्तपइविसिट्टएहिं रययामयघराटसुत्त-
रज्जुग वरकंचाणसइय-नत्थापग्गहोग्गहियएहिं नीलुप्पल-कयामेलएहिं पवर
गोणजुवाणएहिं नाणामणिकराग-घरिठयाजालपरिगयं सुजायजुगजुत्त-
उज्जुगपसत्थ-सुविरइयनिम्मियं पवरलक्खणोबवेयं जुत्तामेव धम्मियं ज्ञाणपवरं
उवट्टवेह २ मम एयमाणत्तियं पच्चप्पिणह, तए शां ते कोडुम्बियपुरिसा जाव

पञ्चपिणान्ति २ । तए गां सा अग्गिमित्ता भारिया रहाया जाव पायच्छित्ता सुद्धप्यावेसाइं जाव अप्पमहग्घाभरणाालङ्कियसरीरा चेडिया-चक्कवाल-परि-किगणा धम्मियं जाणप्परं दुरुहइ २ पोलासपुरं नगरं मज्झमंज्जेयां निग्गच्छइ २ जेणोव सहस्सम्भवणो उज्जाणो जेणोव समणो भगवं महावीरे तेणोव उवागच्छइ २ धम्मियाओ जाणाओ पचोरुहइ २ चेडियाचक्कवाल-परिवुडा जेणोव समणो भगवं महावीरे तेणोव उवागच्छइ २ तिक्खुत्तो जाव वन्दइ नमंसइ १ नच्चासन्ने नाइदूरे जाव पञ्जलिउडा ठिडिया चेव पज्जुवासइ ३ । तए गां समणो भगवं महावीरे अग्गिमित्ताए तीसे य जाव धम्मं कहेइ, तए गां सा अग्गिमित्ता भारिया समणस्स भगवओ महावीरस्स अन्तिए धम्मं सोच्चा निसम्म हट्टुट्टा समणां भगवं महावीरं वन्दइ नमंसइ २ ता एवं वयासी-सहहामि गां भन्ते ! निग्गन्थं पावयणां जाव से जहेयं तुब्भे वयह, जहा गां देवाणुप्पियाणां अन्तिए बहवे उग्गा भोगा जाव पव्वइया नो खलु अहं तथा संचाएमि देवाणुप्पियाणां अन्तिए मुराडा भवित्ता जाव अहं गां देवाणुप्पियाणां अन्तिए पंचाणुव्वइयं सत्तसिक्खावइयं दुवालसविहं गिहिधम्मं पडिवज्जिस्सामि, अहासुहं देवाणुप्पिया ! मा पडिवन्थं करेह ४ । तए गां सा अग्गिमित्ता भारिया समणस्स भगवओ महावीरस्स अन्तिए पंचाणुव्वइयं सत्तसिक्खावइयं दुवालसविहं सावगधम्मं पडिवज्जइ २ समणां भगवं महावीरं वन्दइ नमंसइ २ तमेव धम्मियं जाणप्परं दुरुहइ २ जामेव दिसं पाउब्भुया तामेव दिसं पडिगया ५ । तए गां समणो भगवं महावीरे अन्नया कयाइ पोलासपुराओ नयराओ सहस्सम्भवणाओ पडिनिग्गच्छ- (निक्ख)इ २ बहिया जणवयविहारं विहरइ ६ ॥ सू० ४३ ॥

तए गां से सहलपुत्ते समणोवासए जाए अभिगयजीवाजीवे जाव विहरइ १ । तए गां से गोसाले मङ्गलिपुत्ते इमीसे कहाए लद्धट्टे समाणो- एवं खलु सहलपुत्ते आजीवियसमयं वमित्ता समणाणां निग्गन्थाणां दिट्ठि

पड्विन्ने, तं गच्छामि गां सद्दालपुत्तं आजीविओवासयं समणाणं निग्ग-
 न्थाणं दिट्ठिं वामेत्ता पुणरविं आजीवियदिट्ठिं गेरहावित्तए त्ति कट्टु एवं
 सम्पेहेइ २ आजीविय-सङ्घ-सम्परिवुडे जेणोव पोलासपुरे नयरे जेणोव आजी-
 वियसभा तेणोव उवागच्छइ २ आजीवियसभाए भगडगनिक्खेवं करेइ २
 कइवएहिं आजीविंएहिं सद्धिं जेणोव सद्दालपुत्ते समणोवासए तेणोव उवा-
 गच्छइ २ । तए गां से सद्दालपुत्ते समणोवासए गोसालं मङ्गलिपुत्तं एज्जमाणां
 पासइ २ नो आढाइ नो परिजाणाइ अणाढायमाणो अपरिजाणमाणो
 तुसिणीए संचिट्ठइ ३ । तए गां से गोसाले मङ्गलिपुत्तं सद्दालपुत्तेणां
 समणोवासएणां अणाढाइज्जमाणो अपरिजाणिज्जमाणो पीढकलग-सिज्जा-
 संथारट्टयाए समणास्स भगवओ महावीरस्स गुणकित्तणां करेमाणो
 सद्दालपुत्तं समणोवासयं एवं वयासी-आगए गां देवाणुप्पिया ! इहं
 महामाहणो ? तए गां से सद्दालपुत्ते समणोवासए गोसालं मङ्गलिपुत्तं
 एवं वयासी-के गां देवाणुप्पिया ! महामाहणो ? तए गां से गोसाले मङ्ग-
 लिपुत्ते सद्दालपुत्तं समणोवासयं एवं वयासी-समणो भगवं महावीरे महा-
 माहणो, से केणट्ठेणां देवाणुप्पिया ! एवं बुच्चइ-समणो भगवं महावीरे
 महामाहणो ? एवं खलु सद्दालपुत्ता ! समणो भगवं महावीरे महामाहणो
 उप्पन्नणाणदंसणाधरे जाव महियपूइए जाव तच्चकम्मसम्पया-सम्पउत्ते, से
 तेणट्ठेणां देवाणुप्पिया ! एवं बुच्चइ-समणो भगवं महावीरे महामाहणो ४ ।
 आगए गां देवाणुप्पिया ! इहं महागोवे ? के गां देवाणुप्पिया ! महागोवे ?
 सद्दालपुत्ता ! समणो भगवं महावीरे महागोवे, से केणट्ठेणां देवाणुप्पिया !
 जाव महागोवे ? एवं खलु देवाणुप्पिया ! समणो भगवं महावीरे संसाराडवीए
 बहवे जीवे नस्समाणो विणस्समाणो खज्जमाणो छिज्जमाणो भिज्जमाणो लुप्पमाणो
 विलुप्पमाणो धम्ममएणां दराडेणां सारक्खमाणो संगोवेमाणो निव्वाणमहावाडं
 साहत्थिं सम्पाक्के, से तेणट्ठेणां सद्दालपुत्ता ! एवं बुच्चइ-समणो भगवं महा-

वीरे महागोवे ५ । आगए गां देवाणुप्पिया ! इहं महासत्थवाहे ? के गां देवाणुप्पिया ! महासत्थवाहे ? सद्दालपुत्ता ! समगो भगवं महावीरे महासत्थवाहे, से केणट्ठे गां देवाणुप्पिया महासत्थवाहे ? एवं खलु देवाणुप्पिया ! समगो भगवं महावीरे संसाराडवीए बहवे जीवे नस्समागो विणस्समागो जाव विलुप्पमागो उम्मग्गपडिवन्ने धम्ममएणां पन्थेणां सारक्खमागो संगोवेमागो निव्वाणमहापट्टणाभिमुहे साहत्थि सम्पावेइ, से तेणट्ठेगां सद्दालपुत्ता एवं बुच्चइ—समगो भगवं महावीरे महासत्थवाहे ६ । आगए गां देवाणुप्पिया ! इहं महाधम्मकही ?, के गां देवाणुप्पिया महाधम्मकही ? समगो भगवं महावीरे महाधम्मकही, से केणट्ठेगां समगो भगवं महावीरे महाधम्मकही ?, एवं खलु देवाणुप्पिया ! समगो भगवं महावीरे महइमहालयंसि संसारंसि बहवे जीवे नस्समागो विणस्समागो खज्जमागो छिज्जमागो भिज्जमागो लुप्पमागो विलुप्पमागो उम्मग्गपडिवन्ने सप्पहविप्पणट्ठे मिच्छत्तबलाभिभूए अट्टविहकम्म-तमपडल-पडोच्छन्ने बहूहिं अट्ठेहि य जाव वागरगोहि य चाउरन्ताओ संसारकन्ताराओ साहत्थि नित्थारेइ, से तेणट्ठेगां देवाणुप्पिया ! एवं बुच्चइ—समगो भगवं महावीरे महाधम्मकही ७ । आगए गां देवाणुप्पिया ! इहं महानिज्जामए ?, के गां देवाणुप्पिया ! महानिज्जामए ?, समगो भगवं महावीरे महानिज्जामए, से केणट्ठेगां समगो भगवं महावीरे महानिज्जामए ?, एवं खलु देवाणुप्पिया ! समगो भगवं महावीरे संसारमहासमुहे बहवे जीवे नस्समागो विणस्समागो जाव विलुप्पमागो बुडुमागो निबुडुमागो उप्पियमागो धम्ममईए नावाए निव्वाणातीराभिमुहे साहत्थि सम्पावेइ, से तेणट्ठेगां देवाणुप्पिया ! एवं बुच्चइ—समगो भगवं महावीरे महानिज्जामए ८ । तए गां से सद्दालपुत्ते समगोवासए गोसालं मङ्गलिपुत्तं एवं वयासी—तुब्भे गां देवाणुप्पिया ! इयच्छेया जाव इयनिउणा इयनयवादी इयउवएसलद्धा इयविराणाणपत्ता (इयमेहाविणो), पभू गां तुब्भे मम धम्मायरिणां धम्मोवएसणां भगवया महावीरेणां सद्धि

विवादं करेत्तए ? नो तिगाट्ठे समट्ठे, से केगाट्ठेगां देवाणुप्पिया ! एवं बुच्चइ—नो खलु पभू तुब्भे मम धम्मायरिएणां जाव महावीरेणां सद्धि विवादं करेत्तए ? सद्दालपुत्ता ! से जहानामए केई पुरिसे तरुणे जुगवं जाव निउण-सिण्णोवगए एगं महं अयं वा एलयं वा सूयरं वा कुक्कुडं वा तित्तिरं वा वट्टयं वा लावयं वा कवोयं वा कविञ्जलं वा वायसं वा सेणयं वा हत्थंसि वा पायंसि वा खुरंसि वा पुच्छंसि वा पिच्छंसि वा सिङ्गंसि वा विसाणांसि वा रोमंसि वा जहिं जहिं गिरहइ तहिं तहिं निच्चलं निप्फन्दं धरेइ एवामेव समणे भगवं महावीरे ममं बहूहिं अट्ठेहिं य हेऊहिं य जाव वागरणेहिं य जहिं जहिं गिरहइ तहिं तहिं निप्पट्टपसिएवागरणां करेइ, से तेगाट्ठेगां सद्दालपुत्ता ! एवं बुच्चइ—नो खलु पभू अहं तव धम्मायरिएणां जाव महावीरेणां सद्धि विवादं करेत्तए ? । तए गां से सद्दालपुत्ते समणोवासए गोसालं मङ्गलिपुत्तं एवं क्यासी—जम्हा गां देवाणुप्पिया ! तुब्भं मम धम्मायरियस्स जाव महावीरस्स संतेहिं तच्चेहिं तहिएहिं सच्चूएहिं भावेहिं गुणकित्तणां करेह तम्हा गां अहं तुब्भे पाडिहारिएणां पीढ जाव संथाएणां उवनिमन्तेमि, नो चेव गां धम्मोत्ति वा तवोत्ति वा, तं गच्छह गां तुब्भे मम कुम्भारावणोसु पाडिहारियं पीढफलग जाव ओगिरिहत्ताणां विहरइ १० । तए गां से गोसाले मङ्गलिपुत्ते सद्दालपुत्तस्स समणोवासयस्स एयमट्टं पडिसुणेइ २ कुम्भारावणोसु पाडिहारियं पीढ जाव ओगिरिहत्ता गां विहरइ, तए गां से गोसाले मङ्गलिपुत्ते सद्दालपुत्तं समणोवासयं जाहे नो संचाएइ बहूहिं आघवणाहिं य पराणावणाहिं य सराणावणाहिं य विराणावणाहिं य निग्गन्थाओ पावयणाओ चालित्तए वा खोभित्तए वा विपरिणामित्तए वा ताहे सन्ते तन्ते परितन्ते पोलासपुराओ नगराओ पडिणिक्खमइ २ बहिया जणावयविहारं विहरइ ११ ॥ सू० ४४ ॥

तए गां तस्स सद्दालपुत्तस्स समणोवासयस्स बहूहिं सील जाव भावे-

माणास्स चोदस संवच्छरा वड्ककन्ता, पराणरसमस्स संवच्छरस्स अन्तरा
वट्टमाणास्स पुव्वरत्तावरत्तकाले जाव पोसहमालाए समाणास्स भगवत्थो महा-
चीरस्स अन्तियं धम्मपराणात्ति उवसम्पज्जित्ता गां विहरइ १ । तए गां तस्स
सद्दालपुत्तस्स समाणोवासयस्स पुव्वरत्तावरत्तकाले एगे देवे अन्तियं पाउब्भ-
वित्था, तए गां से देवे एगं महं नीलुप्पल जाव अस्सि गहाय सद्दालपुत्तं
समाणोवासयं एवं वयासी, जहा चुलणीपियस्स तहेव देवो उवसग्गं करेइ,
नवरं एककेक्के पुत्ते नव मंससोल्लए करेइ जाव कणीयसं घाएइ २ ता
जाव आयंचइ, तए गां से सद्दालपुत्ते समाणोवासए अभीए जाव विहरइ २ ।
तए गां से देवे सद्दालपुत्तं समाणोवासयं अभीयं जाव पासित्ता चउत्थंपि
सद्दालपुत्तं समाणोवासयं एवं वयासी—हं भो सद्दालपुत्ता ! समाणोवासया
अपत्थियपत्थिया जाव न भञ्जसि तत्थो ते जा इमा अग्गिमित्ता भारिया
धम्मसहाइया धम्मविइज्जिया धम्माणुरागरत्ता समसुहदुक्खसहाइया तं ते
सात्थो गिहात्थो नीणेमि २ तव अग्गत्थो घाएमि २ नव मंससोल्लए करेमि
२ आदाणभरियंसि कडाहयंसि अद्देहमि २ तव गायं मंसेण य सोणिएण
य आयंचामि, जहा गां तुमं अद्दुइद्द जाव ववरोविज्जसि, तए गां से
सद्दालपुत्ते समाणोवासए तेगां देवेणं एवं बुणे समाणे अभीए जाव विहरइ
३ । तए गां से देवे सद्दालपुत्तं समाणोवासयं दोच्चंपि तच्चंपि एवं वयासी—
हं भो सद्दालपुत्ता समाणोवासया ! तं चेव भणइ, तए गां तस्स सद्दालपुत्तस्स
समाणोवासयस्स तेगां देवेणां दोच्चंपि तच्चंपि एवं बुत्तस्स समाणास्स अयं
अज्झत्थिए ४ समुप्पन्ने, एवं जहा चुलणीपिया तहेव चिन्तेइ जेगां ममं
जेट्टं पुत्तं जेगां ममं मज्झिमयं पुत्तं जेगां ममं कणीयसं पुत्तं जाव
आयंचइ जावि य गां ममं इमा अग्गिमित्ता भारिया समसुहदुक्खसहाइया
तंपिय इच्छइ सात्थो गिहात्थो नीणेत्ता ममं अग्गत्थो घाएत्तए, तं सेयं खलु
ममं एयं पुरिसं गिगिहत्तएत्ति कट्टु उद्धाइए जहा चुलणीपिया तहेव सर्व्वं

भाणियव्वं, नवरं अग्गिमित्ता भारिया कोलाहलं सुणित्ता भणइ सेसं
जहा चुलणीपियावत्तव्वया नवरं अरुणभू(च्चु)ए विमाणो उववन्ने जाव
महाविदेहे वासे सिज्झिहिइ, निक्खेवओ ४ ॥ सू० ४५ ॥ सत्तमस्स
अङ्गस्स उवासगदसाणं सत्तमं अज्जयणं समत्तं ॥

॥ इति सप्तममध्ययनम् ॥ ७ ॥

॥८॥ अथ श्री महाशतकारुय-मष्टममध्ययनम् ॥

अट्टमस्स उक्खेवओ, एवं खलु जम्बू ! तेणं कालेणं तेणं समएणं
रायगिहे नयरे गुणसिले चेइए सेणिए राया, तत्थ णं रायगिहे महासयए
नामं गाहावई परिवसइ, अट्टे जहा आणन्दो, नवरं अट्ट हिरण्णकोडिओ
सकंसाओ निहाणपउत्ताओ अट्ट हिरण्णकोडिओ सकंसाओ बुद्धिपउत्ताओ
अट्ट हिरण्णकोडिओ सकंसाओ पवित्थरपउत्ताओ अट्ट वया दसगोसा-
हस्सिएणं वएणं, तस्स णं महासयगस्स रेवईपामोक्खाओ तेरस भारियाओ
होत्था, अहीण जाव सुरूवाओ, तस्स णं महासयगस्स रेवईए भारियाए
कोलघरियाओ अट्ट हिरण्णकोडिओ अट्ट वया दसगोसाहस्सिएणं
वएणं होत्था, अवसेसाणं दुवालसरहं भारियाणं कोलघरिया एगमेगा
हिरण्णकोडी एगमेगे य वए दसगोसाहस्सिएणं वएणं होत्था ॥सू० ४६॥

ते णं काले णं ते णं समए णं सामी समोसटे, परिसा निग्गया,
जहा आणन्दो तथा निग्गच्छइ तहेव सावयधम्मं पडिवज्जइ, नवरं अट्ट
हिरण्णकोडिओ सकंसाओ निहाणपउत्ताओ उच्चारेइ, अट्ट वया, रेवईपा-
मोक्खाहिं तेरसहिं भारियाहिं अवसेसं मेहुणविहिं पच्चक्खाइ, सेसं सव्वं
तहेव, इमं च णं एयारूवं अभिग्गहं अभिगिराहइ कल्लाकल्लिं च णं कप्पइ
मे बेदोणियाए कंसपाईए हिरण्णभरियाए संववहरित्तए, तए णं से
महासयए समणोवासए जाए अभिगयजीवाजीवे जाव विहरइ, तए णं
समणो भगवं महावीरे वहिया जणवयविहारं विहरइ ३ ॥ सू० ४७ ॥

तए णं तीसे रेवईए गाहावइणीए अन्नया कयाई पुव्वरत्तावरत्तकाल-
समयंसि कुडुम्ब जाव इमेयारूवे अज्झत्थिए ४, एवं खलु अहं इमांसि
दुवालसरहं सवत्तीणं विघाएणं नो संचाएमि महासयएणं समणोवासएणं
सद्धि उरालाईं माणुस्सयाईं भोगभोगाईं भुञ्जमाणी विहरित्ते, तं सेयं खलु
ममं एयाओ दुवालसवि सवत्तियाओ अग्गिप्पओगेणं वा सत्थप्पओगेणं
वा विसप्पओगेणं वा जीवियाओ ववरोवित्ता एयांसि एगमेगं हिरण्णकोडिं
एगमेगं वयं च सयमेव उवसम्पज्जित्ता णं महासयएणं समणोवासएणं सद्धि
उरालाईं जाव विहरित्ते, एवं सम्पेहेइ २ तांसिं दुवालसरहं सवत्तीणं
अन्तराणि य छिद्दाणि य विवराणि (विरहाणि) य पडिजागरमाणी विहरइ
१ । तए णं सा रेवई गाहावइणी अन्नया कयाई तांसिं दुवालसरहं
सवत्तीणां अन्तरं जाणित्ता छ सवत्तीओ सत्थप्पओगेणं उद्वेइ २ छ
सवत्तीओ विसप्पओगेणं उद्वेइ २ तांसिं दुवालसरहं सवत्तीणं कोलघरियं
एगमेगं हिरण्णकोडिं एगमेगं वयं सयमेव पडिवज्जइ २ महासयएणं
समणोवासएणं सद्धि उरालाईं भोगभोगाईं भुञ्जमाणी विहरइ २ । तए णं
सा रेवई गाहावइणी मंसलोलुया मंसेसु मुच्छिया जाव अज्झोववन्ना
बहुविहेहिं मंसेहि य सोल्लेहि य तल्लिएहि य भज्जिएहि य सुरं च महं च
मेरगं च मज्जं च सीधुं च पसन्नं च आसाएमाणी ४ विहरइ २ ॥ सू० ४८ ॥

तए णं रायगिहे नयरे अन्नया कयाई अमाघाए घुट्ठे यावि होत्था,
तए णं सा रेवई गाहावइणी मंसलोलुया मंसेसु मुच्छिया ४ कोलघरिए
पुरिसे सद्दावेइ २ एवं वयासी-तुब्भे देवाणुप्पिया ! मम कोलघरिएहितो
वएहितो कल्लाकल्लिं दुवे दुवे गोणपोयए उद्वेह २ ममं उवणोह १ । तए
णं ते कोलघरिया पुरिसा रेवईए गाहावइणीए तहत्ति एयमट्ठं विणएणं
पडिसुणन्ति २ रेवईए गाहावइणीए कोलघरिएहितो वएहितो कल्लाकल्लिं
दुवे दुवे गोणपोयए वहेन्ति २ रेवईए गाहावइणीए उवणोन्ति तए णं सा

रेवई गाहावइणी तेहिं गोणमंसेहिं सोल्लेहि य ४ सुरं च ६ आसाएमाणी
४ विहरइ २ ॥ सू० ४९ ॥

तए णं तस्स महासयगस्स समणोवासगस्स बहूहिं सील जाव
भावेमाणस्स चाइस संबच्छरा वइक्कन्ता, एवं तहेव जेट्ठं पुत्तं ठवेइ जाव
पोसहसालाए धम्मपराणत्ति उवसम्पजित्ता णं विहरइ १ । तए णं सा रेवई
गाहावइणी मत्ता लुलिया विइराणकेसी उत्तरिजयं विकइं माणी २ जेणोव
पोसहसाला जेणोव महासयए समणोवासए तेणोव उवागच्छइ २ मोहुम्माय-
जणाणां सिङ्गारियां इत्थिभावां उवदंसेमाणी २ महासययं समणोवासयं एवं
वयासी-हं भो महासयया ! समणोवासया ! धम्मकामया पुराणकामया सग्गकामया
मोक्खकामया धम्मकड्डिया ४ धम्मपिवासिया ४ किराणं तुब्भं देवाणुप्पिया !
धम्मेण वा पुराणेण वा सग्गेण वा मोक्खेण वा ? जराणं तुमं मए सद्धि
उरालां जाव भुञ्जमाणे नो विहरसि ? तए णं से महासयए समणोवासए
रेवईए गाहावइणीए एयमट्ठं नो आढाइ नो परियाणाइ अणाढाइज्जमाणे
अपरियाणमाणे तुसिणीए धम्मज्जाणोवगए विहरइ २ । तए णं सा रेवई
गाहावइणी महासययं समणोवासयं दोच्चंपि तच्चंपि एवं वयासी-हं भो
तं चेव भाणइ, सो वि तहेव जाव अणाढाइज्जमाणे अपरियाणमाणे विहरइ
३ । तए णं सा रेवई गाहावइणी महासयएणं समणोवासएणं अणाढाइज्जमाणी
अपरियाणज्जमाणी जामेव दिसं पाउब्भूया तामेव दिसं पडिगया ४
॥ सू० ५० ॥

तए णं से महासयए समणोवासए पढमं उवासगपडिमं उवसम्पजित्ता
णं विहरइ, पढमं अहासुत्तं जाव एकारसज्जि, तए णं से महासयए समणो-
वासए तेणं उरालेणं जाव किसे धमणिसन्तए जाए १ । तए णं तस्स
महासययस्स समणोवासयस्स अन्नया कथाई पुव्वरत्तावरत्तकाले धम्मजागरियं
जागरमाणस्स अयं अज्जत्थिए ४-एवं खलु अहं इमेणं उरालेणं जहा

आणन्दो तहेव अपच्छिम-मारणन्तिय-संलेहणाभूसियसरीरे भत्तपाणपडि-
याइभिवए कालं अणवकङ्कमाणो विहरइ २ । तए णं तस्स महासयगस्स
समाणोवासगस्स सुभेणं अज्भवसाणेणं जाव खत्रोवसमेणं ओहिणाणे
समुप्पन्ने पुरत्थिमेणं लवणासमुद्दे जोयणमाहस्सियं खेत्तं जाणइ पासइ, एवं
दक्खिणेणं पच्चत्थिमेणं उत्तरेणं जाव चुल्लहिमवन्तं वासहरपव्वयं जाणइ
पासइ, अहे इमीसे रयणप्पभाए पुढवीए लोलुयच्चुयं नरयं चउरासीइवास-
सहस्सट्ठिइयं जाणइ पासइ ३ ॥ सू० ५१ ॥

तए णं सा रेवई गाहावइणी अन्नया कयाई मत्ता जाव उत्तरिज्जयं
विकङ्केमाणी २ जेणेव महासयए समाणोवासए जेणेव पोसहसाला तेणेव
उवागच्छइ २ महासययं तहेव भाणइ जाव दोच्चंपि तच्चंपि एवं वयासी-
हं भो तहेव तए णं से महासयए समाणोवासए रेवईए गाहावइणीए दोच्चंपि
तच्चंपि एवं बुत्ते समाणे आसुरुत्ते ४ ओहिं पउञ्जइ २ ओहिणा आभोएइ
२ रेवइं गाहावइणिं एवं वयासी-हं भो रेवई ! अपत्थियपत्थिए ४ एवं
खलु तुमं अन्तो सत्तरत्तस्स अलसएणं वाहिणा अभिभूया समाणी अट्टु-
हट्टवसट्टा असमाहिपत्ता कालमासे कालं किच्चा अहे इमीसे रयणप्पभाए
पुढवीए लोलुयच्चुए नरए चउरासीइवाससहस्सट्ठिइएसु नेरइएसु नेरइयत्ताए
उववज्जिहिसि १ । तए णं सा रेवई गाहावइणी महासयएणं समाणोवासएणं
एवं बुत्ता समाणी एवं वयासी-रुट्टे णं ममं महासयए समाणोवासए, हीणे
णं ममं महासयए समाणोवासए, अज्जभाया णं अहं महासयएणं समाणो-
वासएणं, न नज्जइ णं अहं केणवि कुमारेणं मारिज्जिस्सामित्तिक्कट्टु भीया
त्तथा तसिया उर्विग्गा सञ्जायभया सणियं २ पच्चोसकइ २ जेणेव सए
गिहे तेणेव उवागच्छइ २ ओहय जाव भियायइ २ । तए णं सा रेवई
गाहावइणी अन्ते सत्तरत्तस्स अलसएणं वाहिणा अभिभूया अट्टुहट्टवसट्टा
कालमासे कालं किच्चा इमीसे रयणप्पभाए पुढवीए लोलुयच्चुए नरए

चउरासीइवाससहस्सट्टिइएसु नेरइएसु नेरइयत्ताए उववन्ना ३ ॥ सू० ५२ ॥
 ते गां काले गां ते गां समए गां समणो भगवं महावीरे समोसरगां
 जाव परिसा पडिगया, गोयमाइ समणो भगवं महावीरे एवं वयासी-एवं
 खलु गोयमा ! इहेव रायगिहे नयरे मं अन्तेवासी महासयए नामं समणो-
 वासए पोसहसालाए अपच्छिम-मारणान्तिय-संलेहणाए भूसियसरीरे
 (संलेहणा-भूसणा-भूसियसरीरे) भत्तपाण-पडियाइक्खिए कालं अणवकङ्क-
 माणो विहरइ १ । तए गां तस्स महासयगस्स रेवई गाहावइणी मत्ता जाव
 विकट्टेमाणी २ जेणोव पोसहसाला जेणोव महासयए तेणोव उवागच्छइ २
 मोहुम्माय जाव एवं वयासी-तहेव जाव दोच्चंपि तच्चंपि एवं वयासी
 २ । तए गां से महासयए समणोवासए रेवइए गाहावइणीए दोच्चंपि तच्चंपि
 एवं वुत्ते समाणो आसुरुत्ते ४ ओहिं पउंजइ २ ओहिंणा आभोएइ २
 रेवइं गाहावइणी एवं वयासी-जाव उववज्जिहिसि, नो णलु कप्पइ गोयमा !
 समणोवासगस्स अपच्छिम जाव भूसियसरीरस्स भत्तपाणपडियाइक्खियस्स
 परो सन्तेहिं तच्चेहिं तदिएहिं सञ्भूएहिं अणिट्टेहिं अकन्तेहिं अप्पिएहिं
 अमणुणोहिं अमणामेहिं वागरणोहिं वागररित्तए, तं गच्छ गां देवाणु-
 प्पिया ! तुमं महासययं समणोवासयं एवं वयाहि-नो खलु देवाणुप्पिया !
 कप्पइ समणोवासगस्स अपच्छिम जाव भत्तपाणपडियाइक्खियस्स परो
 सन्तेहिं जाव वागररित्तए, तुमे य गां देवाणुप्पिया ! रेवई गाहावइणी
 सन्तेहिं ४ अणिट्टेहिं ६ वागरणोहिं वागरिया, तं गां तुमं एयस्स ठाणस्स
 आलोएहि जाव जहारिहं च पायच्छित्तं पडिक्खाहि ३ । तए गां से भगवं
 गोयमे समणस्स भगवओ महावीरस्स तहत्ति एयमट्ठं विण्णएणां पडिसुणोइ २
 तओ पडिण्णक्खमइ २ रायगिहं नयरं मज्झमज्झेणां अणुप्पविसइ २ जेणोव
 महासयगस्स समणोवासयस्स गिहे जेणोव महासयए समणोवासए तेणोव
 उवागच्छइ, तए गां से महासयए समणोवासए भगवं गोयमं एज्जमाणां पासइ

२ हट्टु जाव हियए भगवं गोयमं वन्दइ नमंसइ, तए णं से भगवं गोयमे महासययं समणोवासयं एवं वयासी-एवं खलु देवाणुप्पिया । समणो भगवं महावीरे एवामाइक्खइ भासइ पणणवेइ परूवेइ-नो खलु कप्पइ देवाणु-प्पिया ! समणोवासगस्स अयच्छिम जाव वागरित्तए, तुमे णं देवाणुप्पिया ! रेवई गाहावइणी सन्तेहिं जाव वागरिया, तं णं तुमं देवाणुप्पिया ! एयस्स ठणस्स आलोएहि जाव पडिवज्जाहि ४ । तए णं से महासयए समणोवासए भगवओ गोयमस्स तहत्ति एयमट्टं विणएणं पडिसुणोइ २ तस्स ठणस्स आलोएइ जाव अहारिहं च पायच्छित्तं पडिवज्जइ, तए णं से भगवं गोयमे महासयगस्स समणोवासयस्स अन्तियाओ पडिणिक्खमइ २ रायगिहं नगरं मज्झमज्जेणं निग्गच्छइ २ जेणोव समणो भगवं महावीरे तेणोव उवागच्छइ २ समणं भगवं महावीरं वन्दइ नमंसइ २ संजमेणं तवसा अप्पाणं भावेमाणो विहरइ ५ । तए णं समणो भगवं महावीरे अत्रया कयाई रायगिहाओ नयराओ पडिनिक्खमइ २ बहिया जणवयविहारं विहरइ ६ ॥ सू० ५३ ॥

तए णं से महासयए समणोवासए बहूहिं सील जाव भावेत्ता वीसं वासाइं समणोवासग-परियायं पाउणित्ता एकारस उवासगपडिमाओ सम्मं काएणं फासित्ता मासियाए संलेहणाए अप्पाणं भूसित्ता सट्ठिं भत्ताइं अणसणाए छेदेत्ता आलोइयपडिक्कन्ते समाहिपत्ते कालमासे कालं किच्चा सोहम्मे कप्पे अरुहवडिसए विमाणो देवत्ताए उववन्ने । चत्तारि पलिओवमाइं ठिईं । महाविदेहे वासे सिज्झिहिइ ॥ निक्खेवो ॥ सू० ५४ ॥ सत्तमस्स अङ्गस्स उवासगदसाणं अट्टमं अज्झयणं समत्तं ॥

॥ इति अष्टममध्ययनम् ॥ ८ ॥

॥६॥ अथ श्री नन्दिनीपितृनामकं नवममध्ययनम् ॥

नवमस्स उक्खेवो, एवं खलु जम्बू ! ते णं काले णं ते णं समए णं सावत्थी नयरी कोट्टए चेइए जियसत्तू राया, तत्थ णं सावत्थीए नयरीए नन्दिणीपिया नामं गाहावई परिवसइ अड्ढे जहा आणंदो नवरं चत्तारि हिरराणकोडीओ निहाणपउत्ताओ चत्तारि हिरराणकोडिओ बुद्धिपउत्ताओ चत्तारि हिरराणकोडीओ पवित्थरपउत्ताओ चत्तारि वया दसगोसाहस्सिएणं वएणं अस्सिणी भारिया १ । सामी समोसढे जहा आनन्दो तहेव गिहिधम्मं पड्विज्जइ, सामी बहिया विहरइ, तए णं से नन्दिणीपिया समणोवासए जाए जाव विहरइ २ । तए णं तस्स नन्दिणीपियस्स समणोवासयस्स बहूहिं सीलव्वयगुण जाव भावेमाणस्स चोदस संवच्छराइं वइहन्ताइं तहेव जेट्टं पुत्तं उवेइ धम्मपराणत्तिं उवसंपज्जिता णं विहरइ, वीसं वासाइं परिदागं नाणत्त (पाउणित्ता जाव) अरुणगवे विमाणे उववाओ । महाविदेहे वासे सिज्जिभहिइ ३ ॥ निक्खेवो ॥ सूत्रं ५५ ॥ उवासगदसाणं नवमं अज्जमयणं समत्तं ॥

॥ इति नवममध्ययनम् ॥ ९ ॥

॥१०॥ अथ श्री सालिहीपितृनामकं दशममध्ययनम् ॥

दसमस्स उक्खेवो, एवं खलु जम्बू ! तेणं कालेणं तेणं समएणं सावत्थी नयरी कोट्टए चेइए जियसत्तू राया, तत्थ णं सावत्थीए नयरीए सालिहीपिया नामं गाहावई परिवसइ अड्ढे दित्ते जहा आणंदो, नवरं चत्तारि हिरराणकोडीओ निहाणपउत्ताओ चत्तारि हिरराणकोडिओ बुद्धिपउत्ताओ चत्तारि हिरराणकोडीओ पवित्थरपउत्ताओ चत्तारि वया दसगोसाहस्सिएणं वएणं फग्गुणी भारिया १ । सामी समोसढे जहा आणन्दो तहेव गिहिधम्मं पड्विज्जइ, जहा कामदेवो तहा जेट्टं पुत्तं उवेत्ता पोसहसालाए समणस्स भगवओ महावीरस्स धम्मपराणत्तिं उवसम्पज्जित्ता

गां विहरइ २ । नवरं निरुवसग्गाओ एकारसवि उवासगपडिमाओ तहेव
भाणियव्वाओ, एवं कामदेवगमेणं नेयव्वं जाव सोहम्मे कप्पे अरुणाकीले
विमाणो देवत्ताए उववन्ने चत्तारि पल्लिओवमाइं ठिई महाविदेहे
वासे सिज्झिहिइ ३ ॥ सू० ५६ ॥

दसराहवि पणारसमे संवच्छरे वट्टमाणाणं चिन्ता । दसराहवि वीसं
वासाइं समणोवासयपरियाओ ॥ एवं खलु जम्बू ! समणोणं जाव सम्पत्तेणं
सत्तमस्स अङ्गस्स उवासगदसाणं दसमस्स अज्झयणास्स अयमट्टे पराणत्ते
॥ सू० ५७ ॥

वाणियगामे चम्पा हुवे य वाणारसीए नयरीए । आलभिया य
पुरवरी कम्पिहपुरं च बोद्धव्वं ॥ १ ॥ पोलासं रायगिहं सावत्थीए पुरीए
दोन्नि भवे । एए उवासगाणं नयरा खलु होन्ति बोद्धव्वा ॥ २ ॥
सिवनन्द भइ सामा धन्न बहुल पूम अग्गिमित्ता य । रेवइ अस्सिणि तह
फग्गुणी य भज्जाण नामाइं ॥ ३ ॥ औहिरणाण पिसाए माया वाहिधण-
उत्तरिज्जे य । भज्जा य सुव्वया दुव्वया निरुवसग्गया दोन्नि ॥ ४ ॥
अरुणो अरुणाभे खलु अरुणाप्पहअरुणाकन्तसिट्टे य । अरुणाज्भए य छट्टे
भू(चू)यवडिसे गवे कीले ॥ ५ ॥ चाली सट्ठि असीई सट्ठी सट्ठी य सट्ठि
दस सहस्सा । असिई चत्ता चत्ता एए वइयाण य सहस्साणं ॥ ६ ॥ बारस
अट्टारस चउवीसं तिविहं अट्टरसाइ नेयं । धन्नेण तिचोविसं बारस बारस
य कोडीओ ॥ ७ ॥ उल्लादन्तवणाफले अम्भिङ्गाव्वट्टणो सिणारो य । वत्थ
विलेवणा पुप्फे आभरणं धूवपेजाइ ॥ ८ ॥ भक्खोयणा सूय घए सागे
माहुरेजेमणाऽन्नपारो य । तम्बोले इगवीसं आणन्दाईणा अभिग्गहा ॥ ९ ॥
उट्टं सोहम्मपुरे लोलूए अहे उत्तरे हिमवन्ते । पंचसए तह तिदिसिं
ओहिरणाणं तु दसगणास्स ॥ १० ॥ दंसणा-वय-सामाइय पोसह-पडिमा-
अवम्भ-सच्चित्ते । आरम्भ-पेस-उहिट्ट-वज्जए समाणभूए य ॥ ११ ॥ इकारस

पडिमात्रो वीसं परियात्रो अणुसणं मासे । सोहम्मे चउपलिया महावि-
देहम्मि सिज्झिहिइ ॥ सू० ५८ ॥ उवासगदसाणं दसमं अज्झयणं समत्तं ॥

॥ इति दशममध्ययनम् ॥ १० ॥

उवासगदसात्रो समत्तात्रो ॥ उवासगदसाणं सत्तमस्स अज्झस्स एगो
सुयखन्धो दस अज्झयणा, एकसरगा दससु चेव दिवसेसु उद्दिस्सिज्जंति
(उद्दिस्संति) तत्रो सुयखन्धो समुद्दिस्सिज्जइ (समुद्दिस्सइ) अणुराणविज्जइ
दोसु दिवसेसु, अज्झं तहेव ॥ सू० ५९ ॥

॥ इति श्रीमदुपासकदशाङ्ग-सूत्रं समाप्तम् ॥

(ग्रन्थाग्रं ८१२)

॥ अर्हम् ॥

पंचमगणभृत्श्रीमत्सुधर्मस्वामि-प्रणीतं

॥ श्रीमदन्तकृद्दशाङ्गसूत्रम् ॥

—:०:—

॥१॥ अथ प्रथमो वर्गः ॥

ते णं काले णं ते णं समए णं चंपानामं नगरी होत्या पुत्रभहे
चेतिए वणसंडे उजाणे वन्नथो, ते णं काले णं ते णं समए णं अज-
सुहम्मे समोसरिए परिसा निग्गया जाव पडिग्गया, तेणं कालेणं २
अजसुहम्मस्स अंतेवासी अज्जजंबू जाव पज्जुवासति, एवं वदासि—जति णं
भंते ! समणेणं भगवया महावीरेणं आदिकरेणं जाव संपत्तेणं सत्तमस्स
अंगस्स उवासगदसाणं अयमट्टे पन्नत्ते, अट्टमस्स णं भंते ! अंगस्स अंतगड-
दसाणं समणेणं भगवया महावीरेणं जाव संपत्तेणं के अट्टे पराणत्ते ? एवं
खलु जंबू ! समणेणं भगवया महावीरेणं जाव संपत्तेणं अट्टमस्स अंगस्स
अंतगडदसाणं अट्ट वग्गा पन्नत्ता ? । जति णं भंते ! समणेणं जाव
संपत्तेणं अट्टमस्स अंगस्स अंतगडदसाणं अट्ट वग्गा पन्नत्ता, पट्टमस्स णं
भंते ! वग्गस्स अंतगडदसाणं समणेणं जाव संपत्तेणं कइ अज्जभयणा
पन्नत्ता ? , एवं खलु जंबू ! समणेणं जाव संपत्तेणं अट्टमस्स अंगस्स
अंतगडदसाणं पट्टमस्स वग्गस्स दस अज्जभयणा पन्नत्ता, तंजहा—गोयम
समुह सागर गंभीरे चेव होइ धिमिते य । अयले कंफिल्ले खलु अक्खोभ
पसेणती विरहू ॥ १ ॥ २ । जति णं भंते ! समणेणं जाव संपत्तेणं
अट्टमस अंगस्स अंतगडदसाणं पट्टमस्स वग्गस्स दस अज्जभयणा पन्नत्ता,

पदमस्स णं भंते ! अञ्जयणस्स अंतगडदसाणं समणोणं जाव संपत्तेणं के अट्ठे पन्नत्ते ?, एवं खलु जंबू ! ते णं काले णं २ बारव-
तोणामं नगरी होत्था, दुवालसजोयणायामा न्वजोअणवित्थिरणा
घणवइमतिनिम्माया चामीकरपागारा नाणामणिपंचवन्नकविशीसगमंडिया
सुरम्मा अजकापुरिसंकासा पमुदितपक्कीलिया पच्चक्खं देवलोगभूया
पासादीया ४, तीसे णं बारवतीनयरीए बहिया उत्तरपुरच्छिमे दिसीभागे एत्थ
णं रेवतते नामं पव्वते होत्था, वराणतो, तत्थ णं रेवतते पव्वते नंदणवणो नामं
उज्जाणो होत्था वन्नओ, सुरप्पिए नामं जक्खायतणो होत्था पोराणो, से णं एगेणं
वणसंडेणं, असोगवरपायवे ३ । तत्थ णं बारवतीनयरीए कण्हे णामं वासुदेवे
राया परिवसति महता हिमवंतमहंत-मलय-मंदरमहिंदसारे, रायवन्नतो, से णं तत्थ
समुद्विजगपामोक्खाणं दसरहं दसाराणं बलदेवपामोक्खाणं पंचराहं महावीराणं
पज्जुन्नपामोक्खाणं अट्ठुट्ठाणं कुमारकोडीरां संबपामोक्खाणं सट्ठीए दुइंतसाह-
स्सीरां महसेणपामोक्खाणं छप्पराणाए बलवगसाहस्सीणं वीरसेणपामोक्खाणं
एगवीजाते वीरसाहस्सीणं उग्गसेणपामोक्खाणं सोलसराहं रायसाहस्सीरां
रुप्पिणियापामोक्खाणं सोलसराहं देविसाहस्सीरां अणंगसेणपामोक्खाणं
अणोगारां गणियासाहस्सीणं अन्नेसिं च बहूणं ईसर जाव सत्थवाहाणं
बारवतीए नयरीए अद्धभरहस्स य समत्थस्स आहेवच्चं जाव विहरति ४ ।
तत्थ णं बारवतीए नयरीए अंधगवराही णामं राया परिवसति, महता
हिमवंत महंत-मलय-मंदर-महिंदसारे जाव पसंतडिबडमरं रज्जं पसासेमाणे
विहरति, तस्स णं अंधकवणिहस्स रन्नो धारिणी नामं देवी होत्था
वन्नओ, तते णं सा धारिणी देवी अन्नदा कदाइं तंसि तारिसगंसि
सयणिज्जंसि एवं जहा महब्बले, सुमिण्हंसणकहणा जम्मं बालत्तरां कलातो
य । जोव्वणपाणिग्गहरां कंता(णा) पासायभोगा य ॥ १ ॥ नवरं गोयमो
नामेरां अट्ठराहं रायवरकन्नारां एगदिवसेरां पाणिं गेराहावेति अट्ठुट्ठो

दात्रो ५ । ते णं काले णं २ अरहा अरिट्टनेमी आदिकरे जाव विहरति चउव्विहा देवा आगया कराहेवि णिग्गए, तते णं तस्स गोयमस्स कुमारस्स जहा मेहे तहा णिग्गते धम्मं सोच्चा जं नवरं देवाणुप्पिया ! अम्मापियरो आपुच्छामि देवाणुप्पियाणां तत्रो पच्छा मुंडे भवित्ताणां पव्वइस्सामि, अहासुहं देवाणुप्पिया ! एवं जहा मेहे जाव अणगारे जाते जाव इणमेव णिग्गंथं पावयणां पुरत्रो काउं विहरति ६ । तते णं से गोयमे अन्नदा कयाइ अरहतो अरिट्टनेमिस्स तहारूवाणां थेराणां अंतिए सामाइयमाइयाइं एकारस अंगाइं अहिज्जति २ बहूहिं चउत्थ जाव भावेमाणे विहरति, ते अरिहा अरिट्टनेमी अन्नदा कदाइ वारवतीतो नंदणावणातो पडिनिक्खमति वहिया जणावयविहारं विहरति ७ । तते णं से गोयमे अणगारे अन्नदा कदाई जेणोव अरहा अरिट्टनेमी तेणोव उवागच्छति २ अरहं अरिट्टनेमिं तिकखुत्तो आदाहिण पदाहिणां तिकखुत्तो कट्टु एवं वयासी-इच्छामि णं भंते ! तुब्भेहिं अब्भणुण्णाते समाणे मासियं भिक्खुपडिमं उवसंपजित्ताणां विहरेत्तए, एवं जहा खंदतो तहा वारम भिक्खुपडिमातो फासेति २ गुणर-याणांपि तवोकम्मं तहेव फासेति निरवसेसं जहा खंदतो तहा चित्तेति तहा आपुच्छति तहा थेरेहिं सद्धिं सेत्तुञ्जं दुरूहति मासियाए संलेहणाए वारस वरिसाइं परिताते जाव सिद्धे ५, ८ ॥ सूत्रं १ ॥ एवं खलु जंबू ! समणोणां जाव संयत्तेणां अट्टमस्स अंगस्स अंतगडदसाणां पढमवग्गपढमअज्झयणास्स अयमट्टे पन्नत्ते त्तिवमि ॥ पढमं अज्झयणां सम्मत्तं ॥ एवं जहा गोयमो तहा सेसा अंधयवशिह पिया धारिणी माता समुहे सागरे गंभीरे थिमिए अयले कंपिल्ले अक्खोभे पसेणाती विगहुए एए एगगमा, पढमो वग्गो दस अज्झयणा पन्नत्ता ॥ सू० २ ॥ पढमो वग्गो समत्तो ॥ १ ॥

॥२॥ अथ द्वितीयो वर्गः ॥

जति दोच्चस्स वग्गस्स उक्खेवतो, तेणां कालेणां २ वारवतीते
 रागरीए वरिह पिया धारिणी माता-अक्खोभसागरे खलु समुद्दहिमवंत
 अचलनामे य । धरणो य पूरणोवि य अभिचंदे वेव अट्टमते ॥ १ ॥ जहा
 पढमो वग्गो तहा सव्वे अट्ट अज्जयणा गुणारयणातवोकम्मं, सोलस वासाइं
 परियाओ सेत्तुञ्जे मासियाए संलेहणाए सिद्धी ॥ सू० ३ ॥ बीओ वग्गो
 सम्मत्तो ॥ २ ॥

॥३॥ अथ तृतीयो वर्गः ॥

जति तच्चस्स उक्खेवतो, एवं खलु जंबू ! तच्चस्स वग्गस्स अंतगडदसाणां
 तेरस अज्जयणा पन्नत्ता, तंजहा-अणीयसे १ अणंतसेणो २ अणिहय ३
 वि(रि)ऊ ४ देवजसे(सेणो) ५ सत्तुसेणो ६ सारणो ७ गए ८ सुमुहे ९
 दुम्मुहे १० कूवए ११ दारुए १२ अणादिट्ठी १३, १ । जति णां भंते !
 समणोणां जाव संपत्तेणां अट्टमस्स अंगस्स अंतगडदसाणां तच्चस्स वग्गस्स
 तेरस अज्जयणा पन्नत्ता, तच्चस्स णां भंते ! वग्गस्स पढमअज्जयणास
 अंतगडदसाणां के अट्टे पन्नत्ते ? एवं खलु जंबू ! तेणां कालेणां २ भदिलपुरे
 नामं नगरे होत्था, वन्नओ २ । तस्म णां भदिलपुरस्स उत्तरपुरच्छिमे
 दिसीभाए सिखिणो नामं उज्जाणो होत्था वन्नओ, जितसत्तु राया, तथ णां
 भदिलपुरे नयरे नागे नामं गाहावती होत्था अट्टे जाव अपरिभूए
 परिवसइ, तस्स णां नागस्स गाहावतिस्स सुलसा नामं भारिया होत्था
 सूमाला (सोमाला) जाव सुखा, तस्स णां नागस्स नाहावतिस्स पुत्ते
 सुलसाए भारियाए अत्तए अणीय(ज)से नामं कुमारे होत्था सूमाले
 (सुकुमाले) जाव सुखा पंचभातिपरिखित्ते, तंजहा-खीरधाती मज्जाधाई-
 मंडणाधाई-कीलावणाधाती अंकधाई जहा दट्ठपइन्ने जाव गिरि-कंदरमल्लीणोव्व

चंपगवरपायवे सुहंसुहेणं परिवड्ढति ३ । तते णं तं अणियसं कुमारं सातिरेगअट्टवासजायं अम्मापियरो कलायरिय जाव भोगसमथे जाते यावि होत्था, तते णं तं अणियसं कुमारं उम्मुक्कवालभावं जाणेत्ता अम्मापियरो सरिसियाणं जाव बत्तीसाए इभवरकन्नगाणं एगदिवसे पाणिं गेराहावेति, तते णं से नागे गाहावती अणीयसस्स कुमारस्स इमं एयारूवं पीतिदाणं दलयति, तंजहा-बत्तीसं हिरन्नकोडीओ जहा महब्बलस्स जाव उप्पिं पासायवरणए फुट्टमाणेहिं मुङ्गयत्यण्हिं भोगभोगाइं भुंजमाणे विहरति ४ । ते णं काले णं २ अरहा अरिट्ट जाव समोसढे सिरिवणे उज्जाणे जहा जाव विहरति परिसाणिग्गया, तते णं तस्स अणीयसस्स तं महा जहा गोयमे तहा नवरं सामाइयमातियाइं चोदस पुव्वाइं अहिज्जति वीसं वासातिं परिताओ सेसं तहेव जाव सेत्तुञ्जे पव्वते मासियाए संलेहणाए जाव सिद्धे ५ । एवं खलु जंबू ! समणेणं जाव संपत्तेरां अट्टमस्स अंगस्स अंतगडदसाणं तच्चस्स वग्गस्स पढमअज्झयणास्स अयमट्टे पन्नत्ते, एवं जहा अणीयसे एवं सेसावि अणांतसेणे जाव सत्तुसेणे छअज्झयणा एकगमा बत्तीसदो दाओ वीसं वासा परियातो चोदस सेत्तुञ्जे सिद्धा ५ ॥ सू० ४ ॥ छट्टमज्झयणं समत्तं ॥ ते णं काले णं २ बारवतीए नयरीए जहा पढमे नवरं वसुदेवे राया धारिणी देवी सीहो सुमिणे सारणे कुमारे पन्नासतो दातो चोदस पुव्वा वीसं वासा परिताओ सेसं जहा गोयमस्स जाव सेत्तुञ्जे सिद्धे ॥ सू० ५ ॥ जति उक्खेओ अट्टमस्स एवं खलु जंबू ! ते णं काले णं २ बारवतीए नगरीए जहा पढमे जाव अरहा अरिट्टनेमी सामी समोसढे १ । ते णं काले णं २ अरहतो अरिट्टनेमिस्स अंतेवासी छ अणागारा भायरो सहोदरा होत्था सरिसया सरित्तया सरिव्वया नीलुप्पल-गवलगुलिय-अयसिकुसुमप्पगासा सिरिवच्छं कियवच्छा कुसुमकुंडलभइलया नलकुब्बरसमाणा, तते णं ते छ अणागारा जं चेव दिवसं मुंडा भवेत्ता अगाराओ अणागारियं पव्वतिया

तं चैव दिवसं अरहं अरिट्टुनेमी वंदति गामंसति २ एवं वयासी-इच्छामो गां भंते ! तुब्भेहिं अब्भणुन्नाया समाणा जावजीवाए छट्टं छट्टे गां अणिविखत्तेरां तवकम्म(तवोकम्भेरा)संजमेणां तवसा अप्पाणां भावेमाणो विहरित्ते, अहासुहं देवाणुप्पिया ! मा पडिबंध करेह, तते गां छ अणगारा अरहया अरिट्टुनेमिणा अब्भणुण्णाया समाणा जावजीवाए छट्टं छट्टे गां जाव विहरति, तते गां छ अणगारा अन्नया कयाइं छट्टुक्खमणुपारणयंसि पढ्माए पोरिसीए सज्झायं करेति जह गोयमो जाव इच्छामो गां छट्टुक्खमणुस्स पारणए तुब्भेहिं अब्भणुन्नाया समाणा तिहिं संघाडएहिं बारवतीए नगरीए जाव अडित्ते, अहासुहं, देवाणुप्पिया ! तते गां ते छ अणगारा अरहया अरिट्टुनेमिणा अब्भणुण्णाया समाणा अरहं अरिट्टुनेमिं वंदति गामंसति २ अरहतो अरिट्टुनेमिस्स अंतियातो सहसंबवणातो पडिनिक्खमंति २ तिहिं संघाडएहिं अतुरियं जाव अडंति, तत्थ गां एगे संघाडए बारवतीए नगरीए उच्चनीयमज्झिमाइं कुलाइं घरसमुदाणास्स भिक्खायरियाते अडमाणो २ वसुदेवस्स रत्तो देवतीए देवीते गेह अणुपविट्टे, तते गां सा देवती देवी ते अणगारे एज्जमाणो पासति पासेत्ता हट्ट जाव हियया आसणातो अब्भुट्टेति २ सत्तट्ट पयाइं तिक्खुत्तो आयाहिणपयाहिणां करेति २ वंदति गामंसति २ जेगेव भत्तघरते तेगेव उवागच्छति २ (उवागया) सीहकेसराणां मोयगाणां थालं भरेति ते अणगारे पडिलाभेति वंदति गामंसति २ पडिविसज्जेति, तदाणांतरं च गां दोच्चे संघाडते बारवतीते उच्च जाव विसज्जेति ३ । तदाणांतरं च गां तच्चे संघाडते बारवतीए नगरीए उच्चनीए जाव पडिलाभेति २ एवं वदासि-किणां देवाणुप्पिया ! कगहस्स वासुदेवस्स इमीसे बारवतीए नगरीते नवजोयणा ० पच्चक्खदेवलोमभूताए समणां निग्गंथा उच्चणीय जाव अडमाणा भत्तपाणां गां लभंति जन्नं ताइं चैव कुलाइं भत्तपाणाए भुज्जो २ अणुप्पिसंति ? तते गां ते अणगारा देवति देवीं एवं वयासि-नो सत्तु देवाणु-

पिया ! कणहस्स वासुदेवस्स इमीसे बारवतीते नगरीते जाव देवलोग-
भूयाते समणा निग्गंथा उच्चनीय जाव अडमाणा भत्तपाणां णो लभंति नो
(जं) चेव णं ताइं ताइं कुजाइं दोच्चंपि तच्चंपि भत्तपाणाए अणुपविसंति,
एवं खलु देवाणुपिया ! अम्हे भदिलपुरे नगरे नागस्स गाहावतिस्स पुत्ता
सुलसाते भारियाए अत्तया छ भायरो सहोदरा सरिसया जाव नलकुब्बर-
समाणा अरहत्तो अरिट्टनेमिस्स अंतिए धम्मं सोच्चा संसारभउव्विग्गा भीया
जम्भणमरणाणं मुंडा जाव पव्वइया, तते णं अम्हे जं चेव दिवसं पव्वतिता
तं चेव दिवसं अरहं अरिट्टनेमिं वंदामो नमंसामो २ इमं एयारूवं अभिग्गहं
अभिगेराहामो—इच्छामो णं भंते ! तुब्भेहिं अब्भणुराणाया समाणा जाव
अहासुहं देवाणुपिया ! मा पडिबंथं करेह, तते णं अम्हे अरहतो अब्भ-
णुराणाया समाणा जावजीवाए छट्टं छट्टेणं जाव विहरामो, तं अम्हे अज
छट्टस्सखण्णपारणयंसि पढमाए पोरिसिए जाव अडमाणा तव गेहं अणुप्प-
विट्टा, तं नो खलु देवाणुपिए ! ते चेव णं अम्हे, अम्हे णां अन्ने, देवतिं
देविं एवं वदंति २ जामेव दिसं पाउब्भूया तामेव दिसं पडिगता ४ । तीसे
देवतीते देवीए अयमेयारूवे अउभत्थिए ४ समुप्पन्ने, एवं खलु अहं पोला-
सपुरे नगरे अतिमुत्तेणं कुमारसमणोरां बालत्तणे वागरिता तुमराणां देवाणु-
पिया ! अट्ट पुत्ते पयातिस्ससि सरिसए जाव नलकुब्बरसमाणो नो चेव णां
भरहे वासे अन्नातो अम्मयातो तारिसए पुत्ते पयातिस्संति तं णां मिच्छा,
इमं णां पच्चक्खमेव दिस्सति भरहे वासे अन्नातोवि अम्मताओ खलु
एरिसए जाव पुत्ते पयायाओ, तं गच्छामि णां अरहं अरिट्टनेमिं वंदामि २
इमं च णां एयारूवं वागराणां पुच्छिस्सामीतिकट्टु एवं संपेहेति २ कोडुं-
वियपुरिसा सहवेति २ एवं वयासी—लहुकरणाप्पवरं (तुब्भे य लहुकरणा-
जाणाप्पवरं) जाव उवट्ठवेंति, जहा देवारांदा जाव पज्जुवासति, तए णां ते
अरहा अरिट्टनेमी देवतिं देवं एवं वयासी—से नूरां तव देवती ! इमे छ

अणगारे पासेत्ता अयमेयाख्वे अब्भत्थिए ४-एवं खलु अहं पोलासपुरे नगरे अइमुत्तेरां तं चेव जाव णिग्गच्छसि २ जेणोव ममं अंतियं हव्वमा- गया से नूरां देवती अत्थे समट्टे ? , हंता अत्थिए, एवं खलु देवाणु- प्पिया ! ५ । ते णं काले णं २ भद्विलपुरे नगरे नागे नामं गाहावती परिवसति अट्टे ० तस्स णं नागस्स गाहावइस्स सुलसानामं भारिया होत्था, सा सुलसा गाहावइणी बालत्तणे चेव निमित्तएणां वागरिता-एस णं दारिया णिदू भविस्सति, तते णं सा सुलसा बालप्पभित्तं चेव हारिणेगमेसी- भत्तया यावि होत्था, तते णं सा हरिणेगमेसिस्स पडिमं करेति २ कल्लाकल्लि राहाता जाव पायच्छित्ता उल्लपडसाडया महरिहं पुप्फच्चणं करेति २ जंनुपायपडिया पणामं करेति ततो पच्छा आहारेति वा नीहारेति वा वरति वा, तते णं तीसे सुलसाए गाहावइणीए भत्तिवहुमाणसुस्सूसाए हरिणेगमेसीदेवे आराहिते यावि होत्था ६ । तते णं से हरिणेगमेसी देवे सुलसाए गाहा- वइणीए अणुकंपणट्टयाए सुलसं गाहावतिणिं तुमं च दोवि समउउयाओ करेति, तते णं तुब्भे दोवि सममेव गब्भे गिरहह सममेव गब्भे परिवहह सममेव दारए पयायह, तए णं सा सुलसा गाहावतिणी विणिहायमावन्ने दारए पयाइति, तते णं से हरिणेगमेसी देवे सुलसाए अणुकंपणट्टाते विणिहायमावराणए दारए करयलसंपुडेणं गेरहति २ तव अंतियं साहरति २ तं समयं च णं तुमंपि णवराहं मासाणं ० सुकुमालदारए पसवसि, जेवि अ णं देवाणुप्पिए ! तव पुत्ता तेवि य तव अंतिताओ करय- लसंपुडेणं गेरहति २ सुलसाए गाहावइणीए अंतिए साहरति, तं तव चेव णं देवइ ! एए पुत्ता णो चेव सुलसाते गाहावइणीए तते णं सा देवती देवी अरहओ अरिट्टनेमिस्स अंतिए एयमट्टं सोच्चा निसम्म हट्टुट्टु जाव हियया अरहं अरिट्टनेमिं वंदति नमंसति २ जेणोव ते छ अणगारा तेणोव उवागच्छति ते छप्पि अणगारा वंदति णमंसति २ आगतपराहुत्ता

पफुतलोयणा कंचुयपडिक्खित्तया दरियवलयवाहा धाराहयकलंबपुप्फगंपिव
समूमसियरोमकूवा ते छप्पि अणगारे अणिमिसाते दिट्ठीए पेहमाणी २
सुचिरं निक्खित्ति २ वंदति णमंसति २ जेणोव अरिहा अरिट्टुनेमी तेणोव
उवागच्छति अरहं अरिट्टुनेमीं तिक्खुत्तो आयाहिणपयाहिणं करेति २
वंदति णमंसति २ तेणोव धम्मियं जाणं दुरूहति २ जेणोव बारवतीणगरी
तेणोव उवागच्छति २ बारवतिं नगरिं अणुप्पविसति २ जेणोव सते गिहे
जेणोव बाहिरिया उवट्ठाणसाला तेणोव उवागच्छति २ ता धम्मियातो
जाणुप्पवरातो पचोरुहति २ जेणोव सते वासघरे जेणोव सए सयणिज्जे
तेणोव उवागच्छति २ ता सयंसि सयणिज्जंसि निसीयति ७ । तते णं
तोसे देवतीते देवीए अयं अम्भत्थिते ४ समुप्पराणे—एवं खलु अहं सरिसते
जाव नलकुब्बरसमाणे सत्त पुत्ते पयाता, नो चैव णं मए एगस्सवि बाल-
त्ताते समुब्भूते, एसविय णं कराहे वासुदेवे छराहं छराहं मासाणं ममं
अंतियं पायवंदते हव्वमागच्छति, तं धन्नातो णं ताओ अम्माओ जासिं
मराणे णियगकुच्छिसंभूतयाइं थणहुद्धलुद्धयाइं महुरसमुल्लावयाइं मंमाणपजं-
पियाइं थणमूलककखदेसभागं अभिसरमाणाति मुद्धयाइं पुणो य कोमल-
कमलोवमेहिं हत्थेहिं गिरिहऊण उच्छंगि णिवेसियाइं देति समुल्लावते
सुमहुरे पुणो २ मंजुलप्पभणिते, अहं णं अधन्ना अपुन्ना अकयपुन्ना एत्तो
एकतरमपि न पत्ता, ओहयमाणसंकप्पा जाव म्भियायति ८ । इमं च णं
कराहे वासुदेवे राहाते जाव विभूसिते देवतीए देवीए पायवंदते हव्वमा-
गच्छति, तते णं से कराहे वासुदेवे देवइं देविं जाव पासति २ ता देवतीए
देवीए पायभगहणं करेति २ देवतीं देवीं एत्रं वदासि—अन्नदा णं अम्मो !
तुब्भे ममं एज्जमाणां पासेत्ता हट्ट जाव भवह, किराणं अम्मो ! अज्ज तुब्भे
ओहय जाव म्भियायह ?, तए णं सा देवती देवी कस्सहं वासुदेवं एवं
वयासि—एवं खलु अहं पुत्ता ! सरिसए जाव समाणे सत्त पुत्ते पयाया

नो चैव गां मए एगस्सवि बालत्तणे अणुब्भूते तुमंपिय गां पुत्ता ! ममं
छराहं २ मासाणां ममं अंतियं पादवंदते हव्वमागच्छसि तं धन्नात्थो गां
तात्थो अम्मयातो जाव भियायामि, तए गां से कराहे वासुदेवे देवतिं देविं
एवं वयासि—मा गां तुब्भे अम्मो ! ओइय जाय भियायह अहराणां तहा
घत्तिस्सामि जहा गां ममं सहोदरे कणीयसे भाउए भविस्सतीतिकट्टु देवतिं
देविं ताहिं इट्ठाहिं वग्गूहिं समासासेति २ ततो पडिनिक्खमति २ जेणोव
पोसहसाला तेणोव उवागच्छइ २ जहा अभत्थो नवरं हरिणोगमेस्सिस्स
अट्टमभत्तं पगेराहति जाव अंजलिं कट्टु एवं वदासि—इच्छामि गां देवाणु-
प्पिया ! सहोदरं कणीयसं भाउयं विदिरेणां, तते गां से हरिणोगमेसी कराहं
वासुदेवं एवं वदाभी—होहिति गां देवाणुप्पिया ! तव देवलोयचुते सहोदरे
कणीयसे भाउए से गां उम्मुक्क जाव अणुप्पत्ते अरहतो अरिट्टुनेमिस्स
अंतियं मुंडे जाव पव्वतिस्सति, कराहं वासुदेवं दोच्चंपि तच्चंपि एवं
वदति २ जामेव दिसं पाउब्भूए तामेव दिसं पडिगते १ । तते गां से कराहे
वासुदेवे पोसहसालात्थो पडिनिक्खमति २ जेणोव देवती देवी तेणोव
उवागच्छति २ देवताए देवीए पायग्गहणां करेति २ एवं वयासि—होहिति
गां अम्मो ! मम सहोदरे कणीयसे भाउएत्तिकट्टु देवतिं देविं ताहिं इट्ठाहिं
जाव आसासेति २ जामेव दिसं पाउब्भूते तामेव दिसं पडिगते १० ।
तए गां सा देवती देवी अन्नदा कदाइं तंसि तारिसगंसि जाव सीहं सुमिणे
पासेत्ता पडिबुद्धा जाव पाढया हट्टहियया परिवहति, तते गां सा
देवती देवी नवराहं मासाणां जासुमिणारत्त-बंधुजीवत-लक्खारससरसपारिजा-
तक-तरुणादिवाकर-समप्पभं सव्वनयाणकंतं सुकुमालं जाव सुरूवं गजतालु-
यसमाणां दारयं पयाया जम्मणां जहा मेहकुमारे जाव जम्हा गां अम्हं इमे
दारते गजतालुसमाणे तं होउ गां अम्ह एतस्स दारगस्स नामधेज्जे गयसु-
कुमाले २, तते गां तस्स दारगस्स अम्मापियरे नामं करेति गयसुकुमालोत्ति

सेसं जहा मेहे जाव अलं भोगसमत्थे जाते यावि होत्था ११ । तत्थ णं बारवतीए नगरीए सोमिले नामं माहणे परिवसति, अट्ठे रिउव्वेद जाव सुपरिनिट्ठिते यावि होत्था, तस्स णं सोमिलस्स माहणास्स सोमसिरी नामं माहणी होत्था सूमाला जाव सुरूवा, तस्स णं सोमिलस्स धूता सोमसिरीए माहणीए अत्तया सोमानामं दारिया होत्था, सोमाला जाव सुरूवा, रूवेणं जाव लावराणेणं उक्किट्ठा उक्कीट्ठसरीरा यावि होत्था, तते णं सा सोमा दारिया अत्तया कदाइ राहाता जाव विभूसिया बहूहिं खुज्जाहिं जाव परिविस्वत्ता सतातो गिहातो पडिनिक्खमति २ जेणेव रायमग्गे तेणेव उवागच्छति २ रायमग्गंसि कणागतिदूसणां कीलमाणी चिट्ठति १२ । ते णं काले णं २ अरहा अरिट्ठनेमी समोसडे परिसा निग्गया, तते णं से कराहे वासुदेवे इमीसे कहाए लद्धट्ठे समाणे राहाते जाव विभूसिए गयसुकुमालेणं कुमारेणं सद्धिं हत्थिखंधवरगते सकोरंट-मल्लदामेणं छत्तेणं धरेज्जमाणेणं सेअवरचामराहिं उद्धुव्वमाणीहिं बारवईए नयरीए मज्झमज्जेणं अरहतो अरिट्ठनेमिस्स पायवंदते शिग्गच्छमाणे सोमं दारियं पासति २ सोमाए दारियाए रूवेण य जोव्वराणेण य लावराणेण य जाव विम्हिए, तए णं कराहे वासुदेवे कोडुं वियपुरिसे सहावेइ २ एवं वदासि-गच्छह णं तुब्भे देवाणुप्पिया सोमिलं माहणं जायित्ता सोमं दारियं गेराहह २ कन्ततेउरंसि पक्खिवह, तते णं एसा गयसुकुमालस्स कुमारस्स भारिया भविस्सति, तते णं कोडुं विय जाव पक्खिवंति १३ । तते णं से कराहे वासुदेवे बारवतीए नगरीए मज्झमज्जेणं निग्गच्छति शिग्गच्छित्ता जेणेव सहसंभवणे उज्जाणे जाव पज्जुवासति, तते णं अरहा अरिट्ठनेमी कराहस्स वासुदेवस्स गयसुकुमालस्स कुमारस्स तीसे य धम्मकहाए कराहे पडिगते १४ । तते णं से गयसुकुमाले अरहतो अरिट्ठनेमिस्स अंतियं धम्मं सोच्चा जं नवरं अम्मापियरं आपुच्छामि, जहा मेहो महेलियावज्जं जाव

वड्डियकुले, तते णं से कराहे वासुदेवे इमीसे कहाए लद्धट्टे समाणे जेणेव गयसुकुमाले तेणेव उवागज्झति २ गयसुकुमालं आलिङ्गति २ उच्छङ्गे निवेसेति २ एवं वदासि—तुमं णं ममं सहोदरे कणीयसे भाया तं मा णं तुमं देवाणुप्पिया इयाणि अरहतो मुंडे जाव पव्वयाहि, अहराणं बारवतीए नयरीए महया २ रायाभिसेएणं अभिसिचिस्सामि, तते णं से गयसुकुमाले कराहेणं वासुदेवेणं एवं वुत्ते समाणे तुसिणीए संचिट्ठति १५ । तए णं से गयसुकुमाले कराहं वासुदेवं अम्मापियरो य दोच्चंपि तच्चंपि एवं वदासि—एवं खलु देवाणुप्पिया ! माणुस्सया कामा खेलासवा जाव विप्पजहियव्वा भविस्संति, तं इच्छामि णं देवाणुप्पिया ! तुब्भेहिं अब्भणुन्नाये अरहतो अरिट्टनेमिस्स अंतिए जाव पव्वइत्तए, तते णं तं गयसुकुमालं कराहे वासुदेवे अम्मापियरो य जाहे नो संचाएति बहुयाहिं अणुलोमाहिं जाव आघवित्तते वा ताहे अकामाइं चेव एवं वदासी—तं इच्छामो णं ते जाया ! एगदिवसमवि रज्जसिरिं पासित्तए, निक्खमणं जहा महाबलस्स जाव तमाणाते तहा तहा जाव संजमित्तते, से गयसुकुमाले अणुगारे जाते ईरियासमिए जाव गुत्तवंभयारी १६ । तते णं से गयसुकुमाले जं चेव दिवसं पव्वतिते तस्सेव दिवसस्स पुव्वावरराहकालसमयंसि जेणेव अरहा अरिट्टनेमी तेणेव उवागज्झति २ अरहं अरिट्टनेमीं तिक्खुत्तो आयाहिणपयाहिणं जाव वंदति णमंसति २ एवं वदासि—इच्छामि णं भंते ! तुब्भेहिं अब्भणुगणाते समाणे महाकालंसि सुसाणंसि एगराइयं महापडिमं उवसंपज्जित्ता णं विहरेत्तते, अहासुहं देवाणुप्पिया !, तते णं से गयसुकुमाले अणुगारे अरहता अरिट्टनेमिणा अब्भणुन्नाए समाणे अरहं अरिट्टनेमीं वंदति णमंसति २ अरहतो अरिट्टनेमिस्स अंतियाओ सहसंबवणाओ उज्जाणाओ पडिणि-वखमति २ जेणेव महाकाले सुसाणे तेणेव उवागते २ थंडिल्लं पडिलेहेति २ उचारपासवणभूमिं पडिलेहेति २ ईसिपब्भारगएणं काएणं जाव दोवि

पाए साहट्टु एगराई महापडिमं उवसंपज्जित्ताणां विहरति १७ । इमं च णां सोमिले माहणे सामिधेयस्स अट्टाते बारवतीओ नगरीओ बहिया पुव्व-
 णिग्गते समिहातो य दब्भे य कुसे य पत्तामोडं च गेराहति २ ततो पडि-
 नियत्तति २ महाकालस्स सुसाणास्स अदूरसामंतेणां वीईवयमाणो २ संभा-
 कालसमयंसि पविरत्तमणुस्संसि गयसुकुमालं अणगारं पासति २ तं वेरं
 सरति २ आसुरुत्ते ५ एवं वदासि—एस णां भो ! से गयसूमाले कुमारे
 अप्पत्थिय जाव परिवज्जिते, जे णां मम धूयं सोमसिरीए भारियाए अत्तयं
 सोमं दारियं अदिट्टुदोसपइयं कालवत्तिणिं विप्पजहेत्ता मुंडे जाव पव्वतिते,
 तं सेयं खलु ममं गयसुकुमालस्स कुमारस्स वेरनिजायणां करेत्तते, एवं
 संपहेति २ दिसापडिलेहणां करेति २ सरसं मट्टियं गेराहति २ जेगोव गयसूमाले
 अणगारे तेगोव उवागच्छति २ गयसूमालस्स कुमारस्स (गयसुकुमालस्स
 अणगारस्स) मत्थए मट्टियाए पालिं बंधइ २ जलंतीओ चिययाओ फुल्लियकिं-
 सुयसमाणो खयरंगारे कहल्लेणां गेराहइ २ गयसूमालस्स अणगारस्स मत्थए
 पक्खिवति २ भीए ५ तओ खिप्पामेव अवक्कमइ २ जामेव दिसं पाउब्भूते
 तामेव दिसं पडिगते १८ । तते णां तस्स गयसूमालस्स अणगारस्स
 सरीरयंसि वेयणा पाउब्भूता, उज्जला जाव दुरहियासा, तते णां से
 गयसुकुमाले अणगारे सोमिलस्स माहाणास्स मणासावि अप्पदुस्समाणो तं
 उज्जलं जाव अहियासेति, तए णां तस्स गयसुकुमालस्स अणगारस्स तं
 उज्जलं जाव अहियासेमाणस्स सुभेणां परिणामेणां पसत्थज्जभवसाणेणां
 तदावरणिज्जाणां कम्माणां खएणां कम्मरयविकिरणाकरं अपुव्वकरणं अणुप-
 विट्टुस्स अणांते अणुत्तरे जाव केवलवरणाणादंसणे समुप्पराणे, ततो पच्छा
 सिद्धे जावप्पहीणे, तत्थ णां अहासंनिहितेहिं देवेहिं सम्मं आराहितंतिकट्टु
 दिव्वे सुरभिगंधोदए वुट्ठे दसद्धवन्ने कुसुमे निवाडिते चेलुक्खेवे कए दिव्वे
 य गीयगंधव्वनिनाये कए यावि होत्था १९ । तते णां से कगाहे वासुदेवे कल्लं

पाउप्पभायाते जाव जलंते राहाते जाव विभूसिए हत्थिखंधवरगते सकोरेंट-
मल्लदामेणं द्दत्तेणं धरेज्जमाणोहिं सेयवरत्तामराहिं उद्धुव्वमाणीहिं महया
भड-चडगर-पडकर वंदपरिक्खित्ते बारवतिं रागरिं मज्झमज्जेणं जेणोव अरहा
अरिट्टनेमी तेणोव पहारेत्थ गमणाए, तते णं से कराहे वासुदेवे बारवतीए
नयरीए मज्झमज्जेणं निग्गच्छमाणो एवकं पुरिसं पासति जुन्नं जराज्जरियदेहं
जाव किलंतं महतिमहालयाओ इट्टगरासीओ एगमेगं इट्टगं गहाय
बहियारत्थापहातो अंतोगिहं अणुप्पविसमाणं पासति २ तए णं से कराहे
वासुदेवे तस्स पुरिसस्स अणुकंपणाट्टाए हत्थिखंधवरगते चैव एगं इट्टगं
गेराहति २ बहिया रत्थापहाओ अंतोगिहं अणुप्पवेसेति, तते णं कराहेणं
वासुदेवेणं एगाते इट्टगाते गहिताते समाणीते अणोगेहिं पुरिससतेहिं से
महालए इट्टगस्स रासी बहिया रत्थापहातो अंतोवरंसि अणुप्पवेसिए २० ।
तते णं से कराहे वासुदेवे बारवतीए नगरीए मज्झमज्जेणं णिग्गच्छति २
जेणोव अरहा अरिट्टनेमी तेणोव उवागते २ जाव वंदति णमंसति २ गयसु-
कुमालं अणुगारं अपासमाणो अरहं अरिट्टनेमिं वंदति णमंसति २ एवं
वयासि--कहि(हं) णं भंते ! से ममं सहोदरे कणीयसे भाया गयसुकुमाले अणुगारे
जाणं अहं वंदामि नमंसामि, तते णं अरहा अरिट्टनेमी कराहं वासुदेवं एवं
वदांसि--साहिए णं कराहा ! गयसुकुमालेणं अणुगारेणं अप्पणो अट्ठे, तते
णं से कराहे वासुदेवे अरहं अरिट्टनेमिं एवं वदांसि--कहणं भंते ! गयसु-
मालेणं अणुगारेणं साहिते अप्पणो अट्ठे ?, तते णं अरहा अरिट्टनेमी
कराहं वासुदेवं एवं वयासि--एवं खलु कराहा ! गयसुकुमालेणं अणुगारे णं
ममं कल्लं पुब्बावरराहकालसमयंसि वंदइ णमंसति २ एवं वयासि--इच्छामि
णं जाव उवसंपज्जित्ताणं विहरति, तए णं तं गयसुकुमालं अणुगारं एगे
पुरिसे पासति २ आसुरुत्ते ५ जाव सिद्धे, तं एवं खलु कराहा ! गयसुकुमालेणं
अणुगारेणं साहिते अप्पणो अट्ठे २, २१ । तते णं से कराहे वासुदेवे अरहं

अरिद्वनेमि एवं वयासि-केस गां भंते ! से पुरिसे अप्पत्थियपत्थिए जाव परिवज्जिते, जे गां ममं सहोदरं कणीयसं भायरं गयसुकुमालं अण्णगारं अकाले चेव जीवियातो ववरोविते, तए गां अरहा अरिद्वनेमी कराहं वासुदेवं एवं वयासि-मा गां कराहा ! तुमं तस्स पुरिसस्स पदोसमावज्जाहि, एवं खलु कराहा ! तेगां पुरिसेगां गयसुकुमालस्स अण्णगारस्स साहिज्जे दिन्ने, कराहा गां भंते ! तेगां पुरिसेगां गयसुकुमालस्स गां साहेज्जे दिन्ने ?, तए गां अरहा अरिद्वनेमी कराहं वासुदेवं एवं वयासि-से नूणां कराहा ! ममं तुमं पायवंदए हंन्वमागच्छमाणो बारवतीए नयरीए पुरिसं पाससि जाव अण्णपविसिते, जहा गां कराहा ! तुमं तस्स पुरिसस्स साहिज्जे दिन्ने एवमेव कराहा ! तेगां पुरिसेगां गयसुकुमालस्स अण्णगारस्स अण्णो-भवसय-सहस्ससंचितं कम्मं उदीरेमाणोणां बहुं कम्मं उदीरेमाणोणां बहुकम्म-णिज्जरत्थ-साहिज्जे दिन्ने, तते गां से कराहे वासुदेवे अरहं अरिद्वनेमि एवं वयासि-से गां भंते ! पुरिसे मते कहां जाणियवे ?, तए गां अरहा अरिद्वनेमी कराहं वासुदेवं एवं वयासि-जे गां कराहा ! तुमं बारवतीए नयरीए अण्णपविसमारां पासत्ता ठितए चेव ठितिभेएणां कालं करिस्सति तराणां तुमं जाणेज्जासि एस गां से पुरिसे २२ । तते गां से कराहे वासुदेवे अरहं अरिद्वनेमि वंदति नमंसति २ जेणेव आभिसेयं हत्थि-रयणां तेणेव उवागच्छति २ हत्थि दुरूहति २ जेणेव बारवती णगरी जेणेव सते गिहे तेणेव पहारेत्थ गमणाए, तस्स सोमिलमाहाणास्स कल्लं जाव जलंते अयमेयारूवे अम्भत्थिए ४ समुप्पन्ने-एवं खलु कराहे वासुदेवे अरहं अरिद्वनेमि पायवंदए निग्गते तं नायमेयं अरहता विन्नायमेयं अरहता सुतमेयं अरहता सिट्ठमेयं अरहया भविस्सइ कराहस्स वासुदेवस्स, तं न नज्जति गां कराहे वासुदेवे ममं केणावि कुमारेणां मारिस्सतित्ति-कट्ठु भीते ४ सयातो गिहातो पडिनिक्खमति, कराहस्स वासुदेवस्स

बारवतिं नगरिं अणुपविसमाणास्स पुरतो सपक्खिं सपडिदिसिं हव्वमागते, तते
 गां से सोमिले माहणे कगहं वासुदेवं सहसा पासेत्ता भीते ४ ठिते य चेव
 ठितिभेयं कालं करेति धरणिंतलंसि सव्वंगेहिं धसत्ति संनिवडिते २३ ।
 तते गां से कगहे वासुदेवे सोमिलं माहणां पासति २ एवं वयासि—एस गां
 देवाणुप्पिया ! से सोमिले माहणे अण्पत्थियपत्थिए जाव परिवज्जिते जेणा
 ममं सहोयरे कनीयसे भायरे गयसुकुमाले अणागारे अकाले चेव जीवियाओ
 ववरोविण्णिकट्टु सोमिलं माहणां पाणेहिं कड्ढवेति २ तं भूमिं पाणिएणां
 अब्भोक्खावेति २ जेणेव सते गिहे तेणेव उवागते सयं गिहं अणुपविट्ठे,
 एवं खलु जंबू ! समणेण जाव संपत्तेण अट्टमस्स अंगस्स अंतगडदसाणां
 तच्चस्स वग्गस्स अट्टमज्झयणास्स अयमट्ठे पन्नत्ते २३ ॥ सू० ६ ॥ नवमस्स उ
 उक्खेवओ, एवं खलु जंबू ! ते गां काले गां २ बारवतीए नयरीए जहा पटमए
 जाव विहरति, तत्थ गां बारवतीए बलदेवे नामं राया होत्था वन्नओ, तस्स गां
 बलदेवस्स रत्तो धारिणीनामं देवी होत्था वन्नओ, तते गां सा धारिणी सीहं
 सुमिणे जहा गोयमे नवरं सुमुहे नामं कुमारे पन्नासं कन्नाओ पन्नासदाओ
 चोहसपुव्वाइं अहिज्जति वीसं वासाइं परियातो, सेसं तं चेव, सेत्तुञ्जे सिद्धे,
 निक्खेवओ । एवं दुम्मुहेवि कूवदारएवि, तिन्नि वि बलदेवधारिणीसुया,
 दारुएवि एवं चेव, नवरं वसुदेवधारिणिसुते । एवं अणादिट्ठीवि वसुदेवधारि-
 णीसुते, एवं खलु जंबू ! समणेण जाव संपत्तेण अट्टमस्स अंगस्स अंतगडदसाणां
 तच्चस्स वग्गस्स तेरसमस्स अज्झयणास्स अयमट्ठे पन्नत्ते ३, ॥ सू० ७ ॥
 ततिओ वग्गो समत्तो तेरसहिं अज्झयणेहिं ३ ॥

॥४॥ अथ चतुर्थो वर्गः ॥

जति गां भंते ! समणेण जाव संपत्तेण अट्टमस्स अंगस्स अंतगड-
 दसाणां तच्चस्स वग्गस्स अयमट्ठे पन्नत्ते चउत्थस्स वग्गस्स के अट्ठे पन्नत्ते ?,
 एवं खलु जंबू ! समणेण जाव संपत्तेण चउत्थस्स वग्गस्स दस अज्झयणा

पन्नत्ता, तं जहा—जालि १ मयालि २ उवयाली ३ पुरिससेणो य ४ वारिसेणो य ५ । पञ्जुन्न ६ संब ७ अनिरुद्धे = सच्चनेमी य ८ दढनेमी १० ॥ १ ॥ जति णं भंते ! समणेणं जाव संपत्तेणं चउत्थस्स वग्गस्स दस अज्झयणा पन्नत्ता, पढमस्स णं अज्झयणास्स के अट्टे पन्नत्ते ? एवं खलु जंबू ! ते णं काले णं ते णं समए णं बारवती णगरी तीसे जहा पढमे कराहे वासुदेवे आहवच्चं जाव विहरति, तत्थ णं बारवतीए णगरीए वसुदेवे राया धारिणी वन्नतो, जहा गोयमो, नवरं जालिकुमारे पन्नासतो दातो बारसंगी, सोलस वासा परिताथो सेसं जहां गोयमस्स जाव सेत्तुञ्जे मिद्धे १ । एवं मयाली उवयाली पुरिससेणो य वारिसेणो य २ । एवं पञ्जुन्नेवित्ति, नवरं कराहे वासुदेवे पिया रूपिणी से माता । एवं संबेवि, नवरं जंबवती माता । एवं अनिरुद्धेवि नवरं पञ्जुन्ने पिया वेदभी माया एवं सच्चनेमो, नवरं समुहविजये पिता सिवा माता, दढनेमीवि, सब्बे एगमगा, चउत्थस्स वग्गस्स निक्खेवथो ३ ॥ सू० = ॥ चउत्थो वग्गो समत्तो ४ ॥

॥५॥ अथ पंचमो वर्गः ॥

जति णं भंते ! समणेणं जाव संपत्तेणं चउत्थस्स वग्गस्स अयमट्टे पन्नत्ते पंचमस्स वग्गस्स अंतगड्ढसाणं समणेणं जाव संपत्तेणं के अट्टे पन्नत्ते ? एवं खलु जंबू ! समणेणं जाव संपत्तेणं पंचमस्स वग्गस्स दस अज्झयणा पन्नत्ता, तंजहा—पउमावती १ य गोरी २ गंधारी ३ लक्खणा ४ सुमीमा ५ य । जंबवइ ६ सच्चभामा ७ रूपिणि = मूलसिरि ८ मूलदत्तावि १० ॥ १ ॥ १ । जति णं भंते ! पंचमस्स वग्गस्स दस अज्झयणा पन्नत्ता, पढमस्स णं भंते ! अज्झयणास्स के अट्टे पन्नत्ते ? एवं जंबू ! तेणं कालेणं २ बारवती नगरी जहा पढमे जाव कराहे वासुदेवे आहे जाव विहरति, तस्स णं कराहस्स वासुदेवस्स पउमावती नाम

देवी होत्या वन्नयो, तेषां कालेशां २ अरहा अरिट्टनेमी समोसडे जाव विहरती, कराहे वासुदेवे शिगगते जाव पञ्जुवासति, तते गां सा पउमावती देवी इमीसे कहाए लछट्टा हट्टुट्टा जहा देवती जाव पञ्जुवासति, तए गां अरिहा अरिट्टनेमी कराहस्स वासुदेवस्स पउमावतीए य धम्मकहा परिसा पडिगता २ । तते गां कराहे वासुदेवे अरहं अरिट्टनेमिं वंदति णमंसति २ एवं वदासि-इमीसे गां भंते ! बारवतीए नगरीए नवजोयण जाव देवलोगभूताए किंमूलाते विणासे भविस्सति ?, कराहाति ! अरहं अरिट्टनेमी कराहं वासुदेवं एवं वदासि-एवं खलु कराहा ! इमीसे बारवतीए नयरीए नवजोयण जाव भूयाए सुरग्गिदीवायणमूलाए विणासे भविस्सति, ता गां कराहस्स वासुदेवस्स अरहतो अरिट्टनेमिस्स अंतिए एयं सोच्चा निसम्म एयं अब्भत्थिए ४ सम्मुण्णजित्था-धन्ना गां ते जालिमयालि--पुरिससेण--वारिसेण-पञ्जुन्नसंब--अनिरुद्ध--ददनेमिसच्चनेमिप्पभियतो कुमारा जे गां चइत्ता हिरन्नं जाव परिभाएत्ता अरहतो अरिट्टनेमिस्स अंतियं मुंडा जाव पव्वतिया, अहराणां अधन्ने अकयपुन्ने रज्जे य जाव अंतेउरे य माणुस्सएसु य कामभोगेसु मुच्चित्ते ४ नो संचाएमि अरहतो अरिट्ट जाव पव्वतित्तए, कराहाइ ! अरहा अरिट्टनेमी कराहं वासुदेवं एवं वयासि-से नूणां कराहा ! तव अयमब्भत्थिए ४-धन्ना गां ते जाव पव्वतित्तते, से नूणां कराहा ! अट्टे समट्टे ?, हंता अत्थि, तं नो खलु कराहा ! तं एवं भूतं वा भव्वं वा भविस्सति वा जन्नं वासुदेवा चइत्ता हिरन्नं जाव पव्वइस्संति, से केणट्टे गां भंते ! एवं बुच्चइ-न एयं भूयं वा जाव पव्वतिस्संति ?, कराहाति ! अरहा अरिट्टनेमी कराहं वासुदेवं एवं वयासि-एवं खलु कराहा ! सव्वेवि य गां वासुदेवा पुव्वभवे निदाणकडा, से एतेणट्टे गां कराहा ! एवं बुच्चति-न एयं भूयं जाव पव्वइस्संति ३ । तते गां से कराहे वासुदेवे अरहं अरिट्टनेमिं एवं वयासि-अहं गां भंते ! इतो कालमासे

कालं किञ्चा कर्हि गमिस्सामि ? कर्हि उववज्जिस्सामि ?, तते णं अरिहा
 अरिट्टनेमी कगहं वासुदेवं एवं वयासि—एवं खलु कगहा ! बारवतीए
 नयरीए सुरदीवायणाकोवनिइङ्गाए अम्मापिडिनियगविप्पहूणे रामेण
 बलदेवेण सद्धिं दाहिणवेयालिं अभिमुहे जोहिट्टिल्लपामोक्खाणां पंचगहं
 पंडवाणां पंडुरायपुत्ताणां पासं पंडुमहुर संपत्थिते कोसंबवणाकाणणे
 (कासंबकाणणे) नग्गोहवरपायवस्स अहे पुढविसिलापट्टए पीतवत्थपच्छा-
 इयसरीरे जर(रा)कुमारेणां तिक्खेणां कोदंडविप्पमुक्केणां इसुणा वामे पादे
 विद्धे समाणे कालभासे कालं किञ्चा तच्चाए वालुयप्पभाए पुढवीए उज्जलिए
 नरए नेरइयत्ताए उववज्जिहिसि ४ । तते णं कगहे वासुदेवे अरहतो
 अरिट्टनेमिस्स अंतिए एयमट्टं सोच्चा निसम्म ओहय जाव भियाति,
 कगहाति ! अरहा अरिट्टनेमी कगहं वासुदेवं एवं वदासि—मा णं तुमं
 देवाणुप्पिया ! ओहय जाव भियाहि, एवं खलु तुमं देवाणुप्पिया !
 तच्चातो पुढवीओ उज्जलियाओ अणंतरं उव्वट्टित्ता इहेव जंबुहीवे भारहे
 वासे आगमेसाए उस्सप्पिणीए पुंडेसु जणवतेसु सयदुवारे नगरे बारसमे
 अममे नामं अरहा भविस्ससि, तत्थ तुमं बहूइं वासाइं केवलपरियागं
 पाउणेत्ता सिज्जिहिसि ५, ५ । तते णं से कगहे वासुदेवे अरहतो अरिट्ट-
 नेमिस्स अंतिए एयमट्टं सोच्चा निसम्म हट्टुत्तुट्ट जाव अफोडेति २ वग्गति
 २ तिवतिं त्तिदतिं २ सीहनायं करेति २ अरहं अरिट्टनेमिं वंदति
 णमंसति २ तमेव अभिसेक्कं हत्थिं दुरूहति २ जेणोव बारवती णगरी
 जेणोव सते गिहे तेणोव उवागच्छति २ (उवागते) अभिसेयहत्थिरयणातो
 पचोरुहति जेणोव बाहिरिया उवट्टाणसाला जेणोव सते सीहासणे तेणोव
 उवागच्छति २ सीहासणवरंसि पुरत्थाभिमुहे निसीयति २ कोडुंबियपुरिसे
 सहावेति २ एवं वयासि—गच्छह णं तुम्भे देवाणुप्पिया ! बारवतीए
 नयरीए सिंघाडग जाव उवघोसेमाणा एवं वयह—एवं खलु देवाणुप्पिया !

बारवतीए नयरीए नवजोयण जाव भूयाए सुरग्गिदीवायणामूलाते विणासे
 भविस्सति, तं जो णं देवाणुप्पिया ! इच्छति बारवतीए नयरीए राया वा
 जुवराया वा ईसरे तलवरे माडंबियकोडुंबिय इब्भसेट्टी वा देवी वा कुमारे
 वा कुमारी वा अरहतो अरिट्टुनेमिस्स अंतिए मुंडे जाव पव्वइत्तए तं णं
 कराहे वासुदेवे विसज्जेति, पच्छातुरस्सवि य से अहापवित्तं वित्तिं अणुजा-
 णति महता इड्डीसक्कारसमुदएण य से निक्खमणं करेति दोच्चंपि तच्चंपि
 घोसणयं घोसेह २ मम एयं पच्चप्पिणह ६ । तए णं ते कोडुंबिय जाव
 पच्चप्पिणंति, तते णं सा पउमवती देवी अरहतो अरिट्टुनेमिस्स अंतिए
 धम्मं सोच्चा निसम्म हट्टुत्तुट्ट जाव हियया अरहं अरिट्टुनेमी वंदति णमंसति
 २ एवं वयासी—सद्दहामि णं भंते ! णिग्गंथं पायवणं से जहेतं तुब्भे वदह
 जं नवरं देवाणुप्पिया ! कराहं वासुदेवं आपुच्छामि, तते णं अहं देवाणु-
 प्पियस्स अंतिए मुंडा जाव पव्वयामि, अहासुहं देवाणुप्पिया ! मा पडिबंघं
 करेह, तते णं सा पउमावती देवी धम्मियं जाणप्पवरं दुरुहति २ जेणोव
 बारवती नगरी जेणोव सते गिहे तेणोव उवागच्छति २ धम्मियातो जाणातो
 पव्वोहभति २ जेणोव कराहे वासुदेवे तेणोव उवागच्छति करयल जाव
 कट्टु एवं वयासि—इच्छामि णं देवाणुप्पिया ! तुब्भेहिं अब्भणुणणाता
 समाणी अरहतो अरिट्टुनेमिस्स अंतिए मुंडा जाव पव्वयामि अहासुहं ७ ।
 तए णं से कराहे वासुदेवे कोडुंबिते सदावेति २ एवं वयासि—खिप्पामेव
 पउमावतीते महत्थं निक्खमणाभिसेयं उवट्टवेह २ एयमाणत्तियं पच्चप्पिणह,
 तते णं ते जाव पच्चप्पिणंति, तए णं से कराहे वासुदेवे पउमावती देवी
 पट्टयं डुहेति (पट्टयंसिं दुरुहेति २) अट्टसतेणं सोवन्नकलस जाव महानिक्ख-
 मणाभिसेएणं अभिसिंचति २ सव्वालंकारविभूसियं करेति २ पुरिससहस्स-
 वाहिणिं सिबियं रदावेति (दुरुहावेति) बारवतीणगरीमज्झंमज्झेणं निग्गच्छति
 २ जेणोव रेवतते पव्वए जेणोव सहसंबवणे उज्जाणे तेणोव उवागच्छइ २

सीयं त्वेति पउमावती देवी सीतातो पञ्चोरुभति २ जेणोव अरहा अरिट्टुनेमी तेणोव उवागच्छति २ अरहं अरिट्टुनेमीं तिक्खुत्तो आयाहीणं पयाहीणं करेइ २ वंदइ नमंसइ २ एवं वयासि-एस गां भंते ! मम अग्गमहिसी पउमावती-नामं देवी इट्ठा कंता पिया मणुन्ना मणामा अभिरामा जाव किमंग पुण पासणयाए ? तन्नं अहं देवाणुप्पिया ! सिस्सिणिभिक्षं दलयामि, पडिच्छंतु गां देवाणुप्पिया ! सिस्सिणिभिक्षं, अहासुहं देवाणुप्पिया ! मा पडिवंधं करेह, तते गां सा पउमावती उत्तरपउच्छिमं दिसीभागं अवकमति २ सयमेव आभरणालंकारं ओमुयति २ सयमेव पंचमुट्टियं लोयं करेति २ जेणोव अरहा अरिट्टुनेमी तेणोव उवागच्छति २ अरहं अरिट्टुनेमिं वंदति गामंसति २ एवं वयासी-आलित्ते जाव धम्ममाइक्खितं, तते गां अरहा अरिट्टुनेमी पउमावतीं देवीं सयमेव पव्वावेति २ सयमेव मुंडावेइ २ सयमेव जक्खिणीते अज्जाते सिस्सिणिं दलयति, तते गां सा जक्खिणी अज्जा पउमावइं देवीं सयं पव्वावियव्वं जाव संजमियव्वं, तते गां सा पउमावती जाव संजमइ, तते गां सा पउमावती अज्जा जाता ईरियासमिया जाव गुत्तवंभयारिणी ८ । तते गां सा पउमावती अज्जा जक्खिणीते अज्जाते अंतिए सामाइयमाइयाइं एकारस अंगाइं अहिज्जति, बहूहि चउत्थच्चट्टुमदसमदुवालसेहिं मासद्धमास-खमणेहिं विविहेहिं तवोकम्मेहिं अण्णाणं भावेमणा विहरति, तते गां सा पउमावती अज्जा बहुपडिपुन्नाइं वीसं वासाइं सामन्नपरियागं पाउणित्ता मासियाए संलेहणाए अण्णाणं भोसेति २ सट्ठि भत्ताइं अण्णसणाए छेदेति २ जस्सट्ठाते कीरइ नग्गभावे जाव तमट्ठं आराहेति चरिमुस्सासेहिं सिद्धा ५, ६ ॥ सू० ६ ॥ इति पंचमस्स वर्गस्स पढमं अज्जभयणां समत्तं ।

ते गां काले गां २ बारवईनयरीए रेवतए पव्वए नंदणावणो उज्जाणो, तत्थ गां बारवईनयरीए कराहे वासुदेवे तस्स गां कराहवासुदेवस्स गोरी देवी वन्नतो, अरहा समोसढे कराहे शिग्गते, गोरी जहा पउमावती तथा शिग्गया,

धम्मकहा परिसा पडिगता, कराहेवि, तए गां सा गोरी जहा पउमावती
 तथा णिक्खंता जाव सिद्धा ५ । एवं गंधारी । लक्खणा । सुसीमा ।
 जंबवई । सच्चभामा । रूपिणी । अट्टवि पउमावतीसरिसाओ अट्ट अज्झयणा
 ॥ सू० १० ॥ ते गां काले गां २ बारवतीनगरीए रेवतते नंदणावणो कराहे
 वासुदेवे, तथ गां बारवतीए नयरीए कराहस्स वासुदेवस्स पुत्ते जंबवतीए
 देवीए अत्तते संबे नामं कुमारे होत्था, अहीणा जाव सुखे, तस्स गां संबस्म
 कुमारस्स मूलसिरीनामं भारिया होत्था वन्नओ, अरहा समोसठे कराहे
 णिग्गते मूलसिरीवि णिग्गया जहा पउमावती देवी नवरं देवाणुप्पिया ! कराहं
 वासुदेवं आपुच्छामि जाव सिद्धा । एवं मूलदत्तावि ॥ सू० ११ ॥ पंचमो
 वग्गो समत्तो ५ ॥

॥६॥ अथ षष्ठो वर्गः ॥

जति छट्ठस्स उक्खेवओ, नवरं सोलस अज्झयणा पन्नत्ता, तंजहा—
 'मंकाती (मकायी) किंकरे चेव, मोगगरपाणी य कासवे । खेमते धित्तिधरे
 चेव, केलासे हरिचंदणो ॥ १ ॥ वारत्तसुदंसणापुन्नभइ सुमणभइ सुपइट्ठे
 मेहे । अइमुत्ते अ अलक्खे अज्झयणाणां तु सोलसयं ॥ २ ॥' १ । जइ
 सोलस अज्झयणा पन्नत्ता, पढमस्स अज्झयणास्स के अट्टे पन्नत्ते ?, एवं
 खलु जंबू ! ते गां काले गां २ रायगिहे नगरे गुणसिलए चेतिते सेणिए
 राया, मंकातीनामं गाहावती परिवसति अट्टे जाव परिभूते, ते गां काले गां २
 समणो भगवं महावीरे आदिकरे गुणसिलए जाव विहरति, परिसा निग्गया,
 तते गां से मंकाती गाहावती इमीसे कहाए लद्धट्टे (ट्ट्याए) समाणो जहा
 पन्नत्तीए गंगदत्ते तहेव इमोऽवि जेट्टपुत्तं कुडुंवे उवेत्ता पुरिससहस्सवाहिणीए
 सीताते णिक्खंते जाव अणागारे जाते, ईरियासमिते जाव गुत्तबंभयारी २ ।
 तते गां से मंकाती अणागारे समणस्स भगवतो महावीरस्स तहारूवाणां
 थेराणां अंतिए सामाइयमाइयाइं एकारस अंगाइं अहिज्जति सेसं जहा

खंदगस्स, गुणारयणां तवोकम्मं सोलसवासाइं परियात्रो तहेव विपुले सिद्धे ।
किंकमेवि एवं चेव जाव विपुले सिद्धे ३ ॥ सू० १२ ॥ दोच्चस्स निक्खेवो
तच्चस्स उक्खेवो, ते णां काले णां २ रायगिहे गुणसिलते चेतिते सेणिए
राया चेत्थणादेवी, तत्थ णां रायगिहे अज्जुणाए नामं मालागारे परिवसति,
अड्ढे जाव परिभूते, तस्स णां अज्जुणायस्स मालायारस्स बंधुमतीणां
भारिया होत्था सूमाला, तस्स णां अज्जुणायस्स मालायारस्स रायगिहस्स
नगरस्स बहिया एत्थ णां महं एगे पुष्कारामे होत्था कराहे जाव निउरंबभूते
दसद्धवन्नकुसुमकुसुमिते पासातीए ४, तस्स णां पुष्कारामस्स अदूरसामंते
तत्थ णां अज्जुणायस्स मालायारस्स अज्जतपज्जत-पितिपज्जयागए अरोगकुल-
पुरिसपरंपरागते मोग्गरपाणिस्स जक्खस्स जक्खाययणे होत्था, पोराणे
दिव्वे सच्चे जहा पुराणभदे, तत्थ णां मोग्गरपाणिस्स पडिमा एगं महं
पलसहस्सणिप्फणां अयोमयं मोग्गरं गहाय चिट्ठति, तते णां से अज्जुणाते
मालागारे बाल्पभितिं चेव मोग्गरपाणिजक्खभत्ते यावि होत्था, कल्लाकल्लिं
पच्छियपिडगाइं गेराहति २ रायगिहातो नगरातो पडिनिक्खमति २
जेणेव पुष्कारामे तेणेव उवागच्छति २ महरिहं पुष्फुच्चयं करेति २ अग्गाइं
वराइं पुष्फाइं गहाइ २ जेणेव मोग्गरपाणिस्स जक्खाययणे तेणेव उवाग-
च्छति मुग्गरपाणिस्स जक्खस्स महरिहं पुष्फुच्चयं करेति २ जंनुपायवडिए
पणामं करेति, ततो पच्छा रायमग्गंसि वित्तिं कप्पेमाणे विहरति १ । तत्थ
णां रायगिहे नगरे ललिया नामं गोट्टी परिवसति अड्ढा जाव परिभूता,
जंकयसुकया यावि होत्था, तते णां रायगिहे णागरे अन्नदो कदाइ पमोदे घुट्ठे
यावि होत्था, तते णां से अज्जुणाते मालागारे कल्लं पभूयतराएहिं पुष्फेहिं
कज्जमितिकट्टु पच्चूसकालसमयंसि बंधुमतीते भारियाते सद्धिं पच्छिय-
पिडयाति गेराहति २ सयातो गिहातो पडिनिक्खमति २ रायगिहं नगरं
मज्झमज्झेणां णिग्गच्छति २ जेणेव पुष्कारामे तेणेव उवागच्छति २

बंधुमतीते भारियाए सद्धिं पुष्कृच्चयं करेति, तते गां तीसे ललियाते गोट्टीते
 छ गोट्टीला पुरिसा जेणेव मोग्गरपाणिस्स जवखरस्स जवखाययणे तेणेव
 उवागता अभिरममाणा चिट्ठंति, तते गां से अज्जुणते मालागारे बंधुमतीए
 भारियाए सद्धिं पुष्कृच्चयं करेति पच्छियं भरेति । अग्गातिं वरातिं, पुष्फातिं
 गहाय जेणेव मोग्गरपाणिस्स जवखस्स जवखाययणे तेणेव उवागच्छति,
 तते गां छ गोट्टीला पुरिसा अज्जुणयं मालागारं बंधुमतीए भारियाए
 सद्धिं एज्जमाणां पासंति २ अन्नमन्नं एवं वयासि-एस गां देवाणुप्पिया !
 अज्जुणते मालागारे बंधुमतीते भारियाते सद्धिं इहं हव्वमागच्छति, तं
 सेयं खलु देवाणुप्पिया ! अहं अज्जुणयं मालागारं अवओडयबंधणयं
 करेत्ता बंधुमतीते भारियाए सद्धिं विपुलाइं भोगभोगाइं भुंजमाणाणं
 विहरित्तएत्तिकट्टु एयमट्टुं अन्नमन्नस्स पडिसुणोति २ कवाडंतरेसु
 निलुक्कंति निचला निष्कंदा तुसिणीया पच्छराणा चिट्ठंति २ । तते गां
 से अज्जुणते मालागारे बंधुमतिभारियाते सद्धिं जेणेव मोग्गरजवखाययणे
 तेणेव उवागच्छति २ आलोए पणामं करेति महरिहं पुष्कृच्चणं करेति
 जंनुपायपडिए पणामं करेति, तते गां छ गोट्टीला पुरिसा दवदवस्स
 कवाडंतरेहिंतो णिग्गच्छंति २ अज्जुणयं मालागारं गेराहंति २ अवओड-
 गबंधणं करेति, बंधुमतीए मालागारीए सद्धिं विपुलाइं भोगभोगाइं
 भुंजमाणा विहरंति ३ । तते गां तस्स अज्जुणयस्स मालागारस्स अयम-
 ज्ज्मत्थिए ४, एवं खलु अहं बालप्पभितिं चेव मोग्गरपाणिस्स भगवओ
 कल्लाक्कल्लिं जाव कप्पेमाणे विहरामि, तं जति गां मोग्गरपाणिजक्खे इह
 संनिहिते होंते से गां किं ममं एयारूवं आवइं पावेज्जमाणां पासंते ? तं
 नत्थि गां मोग्गरपाणी जक्खे इह संनिहिते, सुव्वत्तं गां (सुव्वत्ताणं) एस
 कट्टे, तते गां से मोग्गरपाणी जक्खे अज्जुणयस्स मालागारस्स
 अयमेयारूवं अज्ज्मत्थियं जाव वियाणेत्ता अज्जुणयस्स मालागारस्सं सरीरयं

अणुपविसति २ तडतडतडस्स बंधाईं छिंदति, तं पलसहस्सणिप्फराणां
 अयोमयं मोग्गरं गेरहति २ ते इत्थिसत्तमे पुरिसे घातेति, तते णं से
 अज्जुण्णते मालागारे मोग्गरपाणिणा जक्खेणां अरणाइट्ठे समाणे राय-
 गिहस्स नगरस्स परिपेरंतेणां कल्लाकल्लिं छ इत्थिसत्तमे पुरिसे घातेमाणे
 विहरति ४ । रायगिहे णगरे सिंघाडग जाव महापहपहेसु बहुजणो
 अन्नमन्नस्स एवमाइक्खति ४—एवं खलु देवाणुप्पिया ! अज्जुण्णते मालागारे
 मोग्गरपाणिणा अरणाइट्ठे समाणे रायगिहे णगरे बहिया छ इत्थिसत्तमे
 पुरिसे घायेमाणे विहरति, तते णं से सेणिए राया इमीसे कहाए लद्धट्ठे
 समाणे कोडुंबियपुरिसे सदावेति २ एवं वयासी—एवं खलु देवा !
 अज्जुण्णते मालागारे जाव घातेमाणे जाव विहरति, तं मा णं तुब्भे केती
 कट्टस्स वा तणस्स वा पाणियस्स वा पुप्फफलाणां वा अट्टाते सइरं
 निग्गच्छतु, मा णं तस्स सरीरस्स वावत्ती भविस्सत्तित्तिक्कट्टु दोच्चंपि
 तच्चंपि घोसणयं घोसेह २ खिप्पामेव ममेयं पच्चप्पिणाह, तते णं ते
 कोडुंबिय जाव पच्चपिणोइ, तत्थ णं रायगिहे नगरे सुदंसणे नामं सेट्ठी
 परिवसति, अट्ठे ०, तते णं से सुदंसणे समणोवासते यावि होत्था अभिगय-
 जीवाजीवे जाव विहरति ५ । तेणां कालेणां २ समणे भगवं जाव समोसडे
 जाव विहरति, तते णं रायगिहे नगरे सिंघाडग-तिय-चउक्क-चच्चर-महापह-पहेसु
 बहुजणो अन्नमन्नस्स एवमाइक्खति जाव किमंग पुण विपुलस्स अट्टस्स
 गहणायाए एवं तस्स सुदंसणास्स बहुजणास्स अंतिए एयं सोच्चा निसम्म अयं
 अन्नमत्थिते ४—एवं खलु समणे जाव विहरति, तं गच्छामि णं वंदामि
 नमंसामि, एवं संपेहेति २ जेणेव अम्मापियरो तेणेव उवागच्छति २
 करयल जाव एवं वयासी—एवं खलु अम्मताओ ! समणे जाव विहरति, तं
 गच्छामि णं समणां भगवं महावीरं वंदामि नमंसामि जाव पज्जुवासामि,
 तते णं सुदंसणां सेट्ठिं अम्मापियरो एवं वदासि—एवं खलु पुत्ता ! अज्जुणे

मालागारे जाव घातेमाणो विहरति, तं मा णं तुमं पुत्ता ! समणं भगवं महावीरं वंदए णिग्गच्छाहि, मा णं तव सरीरयस्स वावत्ती भविस्सति, तुमराणं इहगते चेव समणं भगवं महावीरं वंदाहि णमंसाहि, तते णं सुदंसणे सेट्ठी अम्मापियरं एवं वयासी-किराणं अहं अम्मयातो ! समणं भगवं महावीरं इहमागयं इहपत्तं इह समोसढं इहगते चेव वंदिस्सामि ? (कहं वंदिज्जामि ?) तं गच्छामि णं अहं अम्मताओ ! तुब्भेहिं अब्भणु-न्नाते समाणे भगवं महावीरे वंदते, तते णं सुदंसणं सेट्ठी अम्मापियरो जाहे नो संचायंति बहूहिं आववणाहिं ४ जाव परूवेत्तते ताहे एवं वदासि-अहासुहं, तते णं से सुदंसणे अम्मापितीहिं अब्भणुराणाते समाणे राहाते सुद्धप्पावेसाइं जाव सरीरे सयातो गिहातो पडिनिक्खमति २ पायविहार-चारेणं रायगिहं णगरं मज्झमज्जेणं णिग्गच्छति २ मोग्गरपाणिस्स जक्खस्स जक्खाययास्स अदूरसामंतेणं जेणोव गुणसिलते चेतिते जेणोव समाणे भगवं महावीरे तेणोव पहारेत्थ गमणाए ६ । तते णं से मोग्गरपाणी जक्खे सुदंसणं समाणोवासतं अदूरसामंतेणं वीतीवयमाणं २ पासइ २ आसुरुत्ते ५, तं पलसहस्सनिष्फन्नं अयोमयं मोग्गरं उल्लालेमाणो २ जेणोव सुदंसणे समाणोवासते तेणोव पहारेत्थ गमणाते, तते णं से सुदंसणे समाणो-वासते मोग्गरपाणिं जक्खं एज्जमाणं पासति २ अभीते अतत्थे अणु-व्विग्गे अक्खुभिते अत्रल्लिए असंभंते वत्थंतेणं भूमीं पमज्जति २ करतल जाव एवं वदासी-नमोऽत्थु णं अरहंताणं जाव संपत्ताणं, नमोऽत्थु णं समाणस्स जाव संपाविउक्कामस्स, पुव्विं च णं मते समाणस्स भगवतो महावीरस्स अंतिए थूलते पाणातिवाते पच्चक्खाते जावज्जीवाते थूलते मुसावाते थूलते अदिन्नादाणे सदारसंतोसे कते जावज्जीवाते इच्छापारिमाणो कते जावज्जीवाते तं इदाणिं पि णं तस्सेव अंतियं सब्बं पाणातिवातं पच्चक्खामि जावज्जीवाए मुसावायं अदत्तादाणं मेहुणं परिग्गहं पच्चक्खामि जावज्जीवाए सब्बं कोहं जाव

मिच्छादंसणसल्लं पच्चक्खामि जावज्जीवाए सव्वं असणां पाणां खाइमं साइमं
चउव्विहंपि आहारं पच्चक्खामि जावज्जीवाए, जति णां एत्तो उवसग्गातो
मुच्चिस्सामि तो मे कप्पेति पारेत्तते अह णो एत्तो उवसग्गातो मुच्चिस्सामि
ततो मे तहा पच्चक्खाते चेव त्तिक्कट्टु सागारं पडिमं पडिवज्जति ७ । तते
णां से मोग्गरपाणिजक्खे तं पलसहस्सनिप्फन्नं अयोमयं मोग्गरं उल्लालेमाणो
२ जेणोव सुदंसणो समणोवासते तेणोव उवागच्छति २ नो चेव णां
संचाएति सुदंसणां समणोवासयं तेयसा समभिपडित्तते, तते णां से मोग्गर-
पाणीजक्खे सुदंसणां समणोवासतं सव्वथो समंताथो परिघोलेमाणो २
जाहे नो चेव णां संचाएति सुदंसणां समणोवासयं तेयसा समभिपडित्तते ताहे
सुदंसणास्स समणोवासयस्स पुरतो सपक्खिस्व सपडिदिसिं ठिच्चा सुदंसणां
समणोवासयं अणिभिसाते दिट्ठीए सुचिरं निरिक्खति २ अज्जुणायस्स
मालागारस्स सरीरं विप्पजहति २ तं पलसहस्सनिप्फन्नं अयोमयं मोग्गरं
गहाय जामेव दिसं पाउब्भूते तामेव दिसं पडिगते, तते णां से अज्जुणते
मालागारे मोग्गरपाणिणा जक्खेणां विप्पमुक्के समाणो धमत्ति धरणियलंसि
सव्वंगेहिं निवडिते = । तते णां से सुदंसणो समणोवासते निरुवसग्गामिति-
क्कट्टु पडिमं पारेति, तते णां से अज्जुणते मालागारे तत्तो मुहुत्तंतरेणां
आसत्थे समाणो उट्ठेति २ सुदंसणां समणोवासयं एवं वयासी-तुब्भे णां
देवाणुप्पिया ! के केहिं वा संपत्थिया ? तते णां से सुदंसणो समणोवासते
अज्जुणायं मालागारं एवं वयासी-एवं खलु देवाणुप्पिया ! अहं सुदंसणो
नामं समणोवासते अभिगयजीवाजीवे गुणसिलते चेतिते समाणां भगवं
महावीरं वंदते संपत्थिते, तते णां से अज्जुणते मालागारे सुदंसणां समणो-
वासयं एवं वयासी-तं इच्छामि णां देवाणुप्पिया ! अहमवि तुमए सद्धि
समाणां भगवं महावीरं वंदेत्तए जाव पज्जुवासेत्तए, अहासुहं देवाणुप्पिया !
१ । तते णां से सुदंसणो समणोवासते अज्जुणएणां मालागारेणां सद्धि जेणोव

गुणसिलए चेतिते जेणेव समणे भगवं महावीरे तेणेव उवागच्छति २
अञ्जुणएणां मालागारेणां सद्धिं समणां भगवं महावीरं त्तिक्खुत्तो जाव
पञ्जुवासति, तते णां समणे भगवं महावीरे सुदंसणास्स समणोपासगस्स
अञ्जुणायस्स मालागारस्स तीसे य धम्मकहा, सुदंसणे पडिगते १० ।
तए णां से अञ्जुणते समणास्स भगवओ महावीरस्स अंतिए धम्मं सोचा
हट्टुट्टु जाव हियया करयल-परिग्गहियं दसनहं सिरसावत्तं मत्थए अंजलि
कट्टु एवं वयासि—सहहामि णां भंते ! णिग्गंथं पावयणां जाव अब्भुट्ठेमि,
अहासुहं देवाणुप्पिया ! मा पडिबंधं करेह, तते णां से अञ्जुणते मालागारे
उत्तरपुरत्थिमं दिसीभागं अवक्कमति २ सयमेव पंचमुट्ठियं लोयं करेति जाव
अणागारे जाते जाव विहरति ११ । तते णां से अञ्जुणते अणागारे जं
चेव दिवसं मुंडे जाव पव्वइते तं चेव दिवसं समणां भगवं महावीरं वंदति
२ इमं एयारूवं अभिग्गहं उग्गिरहति—कप्पइ मे जावजीवाते छट्ठंछट्ठेणां
अनिकखत्तेणां तवोकम्भेणां अप्पाणां भावेमाणस्स विहरित्तएत्तिकट्टु, अयमे-
यारूवं अभिग्गहं ओगेरहति २ जावजीवाए जाव विहरति, तते णां से
अञ्जुणते अणागारे छट्ठक्खमणापारणयंसि पढमपोरिसीए सज्झायं करेति
जहा गोयमसामी जाव अडति, तते णां तं अञ्जुणयं अणागारं रायगिहे
नगरे उच्च जाव अडमाणं बहवे इत्थीओ य पुरिसा य डहरा य महल्ला य
जुवाणा य एवं वदासी—इमे णां मे पितामारते इमे णां मे मातामारते भायामारते
भगिणीमारते भज्जामारते पुत्तमारते धूयामारते सुरहामारते, इमेण मे अन्नतरे
सयणासंबंधिपरियणे मारिएत्तिकट्टु अप्पेगतिया अक्कोसंति अप्पेगतिया
हीलंति निंदंति खिसंति गरिहंति तज्जेति तालेंति १२ । तते णां से
अञ्जुणते अणागारे तेहिं बहूहिं इत्थीहि य पुरिसेहि य डहरेहि य महल्लेहि य
जुवाणाएहि य आतो(को)सेज्जमाणे जाव तालेज्जमाणे तेसिं मणासावि अपउस्स-
माणे सम्भं सहति सम्भं खमति तित्तिक्खति अहियासेति सम्भं सहमाणे खममाणे

तितिक्रमणो अहियासेमाणो रायगिहे नगरे उच्चणीयमज्जिमकुलाइं अडमाणो जति भत्तं लहति तो पाणं ण लभति, जइ पाणं लभति तो भत्तं न लभति, तते णं से अज्जुणते अदीणो अविमणो अकलुसे अणाइले अविसादी अपरितं-तजोगी अडति २ रायगिहातो नगरातो पडिनिक्खमति २ जेणोव गुणसिलए चेतिते जेणोव समणो भगवं महावीरे जहा गोयमसामी जाव पडिदंसेति २ समणोणं भगवया महावीरेणं अब्भणुराणाते अमुच्छित्ते ४ बिलमिव पराण-गभूतेणं अप्पाणेणं तमाहारं आहारेति, तते णं समणो भगवं महावीरे अन्नदा रायगिहातो नगरातो पडिनिक्खमति २ बहिं जणवयविहार विहरति, तते णं से अज्जुणते अणगारे तेणं ओरालेणं पयत्तेणं पग्गहिणं महाणु-भाणेणं तवोकम्भेणं अप्पाणं भावेमाणो बहुपुराणे छम्मासे सामणणपरियाणं पाउणति, अद्धमासियाए संलेहणाए अप्पाणं भूसेति तीसं भत्ताइं अणसणाते छेदंति २ जस्सट्ठते कीरति जाव सिद्धे ३, १३ ॥ सू० १३ ॥ ते णं काले णं २ रायगिहे नगरे गुणसिलए चेतिते तत्थ णं सेणिए राया कासवे णामं गाहावती परिवसति जहा मंकाती, सोलस वासा परियाओ विपुले सिद्धे ४ । एवं खेमतेऽपि गाहावती, नवरं काकंदी नगरी सोलस परिताओ विपुले पव्वए सिद्धे ५ । एवं धितिहरेवि गाहावती नवरं काकंदीए नगरीए सोलस वासा परियाओ जाव विपुले सिद्धे ६ । एवं केलासेवि गाहावती नवरं साणेए नगरे बारस वासाइं परियाओ विपुले सिद्धे ७ । एवं हरिचंदणेवि गाहावती साएए बारस वासा परियाओ विपुले सिद्धे ८ । एवं बारत्ततेवि गाहावती नवरं रायगिहे नगरे बारस वासा परियाओ विपुले सिद्धे ९ । एवं सुदंसणेवि गाहावती नवरं वाणियगामे नगरे दूतिपलासते चेइते पंच वासा परियाओ विपुले सिद्धे १० । एवं पुन्नभदे वि गाहावती वाणियगामे नगरे पंच वासा विपुले सिद्धे ११ । एवं सुमण-भदे वि सावत्थीए नगरीए बहुवासपरियाए विपुले सिद्धे १२ । एवं

सुपइट्टेवि गाहावती सावथीए नगरीए सत्तावीसं वासा परियाओ विपुले सिद्धे १३ । मेहे रायगिहे नगरे बहूइं वासातिं परिताओ विपुले सिद्धे १४ ॥ सू० १४ ॥ ते णं काले णं २ पोलासपुरे नगरे सिरिवणे उज्जाणे, तत्थ णं पोलासपुरे नगरे विजये नामं राया होत्था, तस्स णं विजयस्स रन्नो सिरी नामं देवी होत्था वन्नतो, तस्स णं विजयस्स रन्नो पुत्ते सिरीए देवीते अत्तते अतिमुत्ते नामं कुमारे होत्था सूमाले (सुकुमाले जाव सुरूवे), ते णं काले णं २ समणे भगवं महावीरे जाव सिरिवणे विहरति २ । ते णं काले णं २ समणस्स भगवओ महावीरस्स जेट्ठे अंतेवासी इंदभूती जहा पन्नत्तीए जाव पोलासपुरे नगरे उच्च जाव अडइ, इमं च णं अइमुत्ते कुमारे राहाते जाव विभूसिते बहूहिं दारएहि य दारियाहि य डिंभएहि य डिंभियाहि य कुमारएहि य कुमारियाहि य सद्धिं संपरिवुडे सतो गिहातो पडिनिक्खमति २ जेणेव इंदट्ठाणे तेणेव उवागते तेहिं बहूहिं दारएहि य ६ संपरिवुडे अभिरममाणे २ विहरति, तते णं भगवं गोयमे पोलासपुरे नगरे उच्चनीय जाव अडमाणे इंदट्ठाणस्स अदूरसामंतेणं वीतीवयति ३ । तते णं से अइमुत्ते कुमारे भगवं गोयमं अदूरसामंतेणं वीतीवयमाणं पासति २ जेणेव भगवं गोयमे तेणेव उवागते २ भगवं गोयमं एवं वदासी—के णं भंते ! तुब्भे ? किं वा अडह ?, तते णं भगवं गोयमे अइमुत्तं कुमारं एवं वयासी—अम्हे णं देवाणुप्पिया ! समणा णिग्गंथा ईरियासमिया जाव बंभयारी, उच्चनीय जाव अडामो, तते णं अतिमुत्ते कुमारे भगवं गोयमं एवं वयासी—एह णं भंते ! तुब्भे जा णं अहं तुब्भं भिक्खं दवावेमीतिकट्टु भगवं गोयमं अंगुलीए गेराहति २ जेणेव सते गिहे तेणेव उवागते तते णं सा सिरीदेवी भगवं गोयमं एज्जमाणां पासति पासेत्ता हट्टुत्तुट्ठा आसणातो अब्भुट्ठेति २ जेणेव भगवं गोयमे तेणेव उवागया भगवं गोयमं तिक्खुत्तो आयाहिणपयाहिसां वंदति २ विउलेसां असण-पाणखाइमसाइमेसां पंडिलाभेइ

२, पड्विसज्जेति ४ । तते गां से अतिमुत्ते कुमारे भगवं गोयमं एवं वयासी—कहि गां भंते ! तुब्भे परिवसह ? तते गां भगवं गोयमं अइमुत्तं कुमारं एवं वयासी—एवं खलु देवाणुप्पिया ! मम धम्मायरिए धम्मोवतेसते धम्मनेतारे भगवं महावीरे आदिकरे जाव संपाविउकामे इहेव पोलासपुरस्स नगरस्स वहिया सिरिवणो उज्जाणो अहापडिरूवं उग्गहं उग्गिराहइ २ संजमेगां जाव भावेमाणो विहरति, तत्थ गां अम्हे परिवसाभो, तते गां से अइमुत्ते कुमारे भगवं गोयमं एवं वयासी—ग(इ)च्छामि गां भंते ! अहं तुब्भेहिं सद्धिं समगां भगवं महावीरं पायवंदते, अहासुहं, तते गां से अतिमुत्ते कुमारे भगवं गोतमेगां सद्धिं जेणोव समणो भगवं महावीरे तेणोव उवागच्छति २ समगां भगवं महावीरं तिक्खुत्तो आयाहिणापयाहिगां करेति २ वंदति जाव पज्जुवासति, तते गां भगवं गोयमे जेणोव समणो भगवं महावीरे तेणोव उवागते जाव पडिदंसेति २ संजमेण तवसा य अप्पारां भावेमाणो विहरति, तते गां समणो ३ अतिमुत्तस्स कुमारस्स तीसे य धम्मकहा, तते गां से अतिमुत्ते समणस्स भगवओ महावीरस्स अंतीए धम्मं सोच्चा निसम्म हट्टुट्टे, जं नवरं देवाणुप्पिया ! अम्मापियरो आपुच्छामि, तते गां अहं देवाणुप्पिया ! अंतिए जाव पव्वयामि, अहासुहं देवाणुप्पिया मा पडिबंधं करेह, ५ । तते गां से अतिमुत्ते जेणोव अम्मापियरो तेणोव उवागते जाव पव्वत्तिए, अतिमुत्तं कुमारं अम्मापितरो एवं वयासी—बालेसि ताव तुमं पुत्ता । असंइद्धेसि०, किं नं तुमं जाणसि धम्मं ? तते गां से अतिमुत्ते कुमारे अम्मापियरो एवं वयासी—एवं खलु अम्मयातो ! जं चेव जाणामि तं चेव न याणामि, जं चेव न याणामि तं चेव जाणामि, तते गां तं अइमुत्तं कुमारं अम्मापियरो एवं वयासी—कहं गां तुमं पुत्ता ! जं चेव जाणसि जाव तं चेव जाणसि ? तते गां से अतिमुत्ते कुमारे अम्मापितरो एवं वयासी—जाणामि अहं अम्मतातो ! जहा जाणं अवस्स मरियव्वं, न जाणामि अहं

अम्मतातो ! काहे वा कहिं वा कहं वा केचिरेण वा ?, न जाणामि
 अम्मयातो ! केहिं कम्माय(व)यणेहिं जीवा नेरइयतिरिक्खजोणिमणुरस-
 देवेषु उववज्जंति, जाणामि णं अम्मयातो ! जहा सतेहिं कम्मायाणेहिं
 जीवा नेरइय जाव उववज्जंति, एवं खलु अहं अम्मतातो ! जं चेव जाणामि
 तं चेव न याणामि, जं चेव न याणामि तं चेव जाणामि, तते णं इच्छामि णं
 अम्मतातो ! तुब्भेहिं अम्मणुराणाते जाव पव्वइत्तते, तते णं तं अइमुत्तं कुमारं
 अम्मापियरो जाहे नो संच्छंति बहूहिं आघवणाहिं ४ जाव वयासी—तं इच्छामो
 ते जाता ! एगदिअसमवि रायसिरिं पासेत्तते ६ । तते णं से अतिमुत्ते कुमारे
 अम्मापिउवयण-मणुयत्तमारो तुसिणीए संचिट्ठति, अभिसेओ जहा महाबलस्स,
 निक्खमणं जाव सामाइयमाइयाइं अहिज्जति, बहूइं वासाइं सामणापरियाणं
 गुणरयणं जाव विपुले सिद्धे १५, ७ । ते णं काले णं २ वाणारसीए
 नयरीए काममहावरो चेतिते, तत्थ णं वाणारसीइ अलक्खे णामं राया
 होत्था, ते णं काले णं २ समणे जाव विहरति, परिसा निग्गया, तते णं
 अलक्खे राया इमीसे कहाते लद्धट्ठे हट्ठ जहा छूणिए जाव पज्जुवासति,
 धम्मकहा, तते णं से अलक्खे राया समणास्स भगवओ महावीरस्स जहा
 उदायणे तथा णिक्खंते णवरं जेट्ठपुत्तं रज्जे अहिसिंचति, एकारस अंगा,
 बहू वासा परियाओ जाव विपुले सिद्धे १६ । एवं जंबू ! समणोरां जाव
 छट्ठस्स वग्गस्स अयमट्ठे पन्नत्ते ॥ सू० १५ ॥ छट्ठो वग्गो समत्तो ६ ॥

॥७॥ अथ सप्तमो वर्गः ॥

जति णं भंते ! सत्तमस्स वग्गस्स उक्खेवओ जाव तेरस अज्झयणा
 पराणात्ता—नंदा १ तह नंदमती २ नंदोत्तर ३ नंदसेणिया ४ चेव । महया
 ५ सुमरुत ६ महमरुय ७ मरुहेवा ँ य अट्ठमा ॥१॥ भदा ९ य सुभदा
 १० य, सुजाता ११ सुमणातिया १२ । भूयदित्ता १३ य ब्रोद्धव्वा,
 सेणियभज्जाण नामइं ॥२॥ जइ णं भंते ! तेरस अज्झयणा पन्नत्ता, पढमस्स

गां भंते ! अज्भयणास्स समणोरां जाव संपत्तेरां के अट्टे पन्नत्ते ?, एवं खलु जंबू ! ते गां काले गां २ रायगिहे नगरे गुणसिलते चेतिते सेणिते राया वन्नतो, तस्स गां सेणियस्स रराणो नंदा नामं देवी होत्था वन्नत्तो, सामी समोसठे परिसा निग्गता, तते गां सा नंदादेवी इमीसे कहाते लद्धट्ठा कोडुं वियपुरिसे सहावेति २ जागां जहा पउमावती जाव एकारस अंगाइं अहिज्जिता वीसं वासाइं परियातो जाव सिद्धा । एवं तेरसवि देवीत्तो गांदागमेण सोयव्वातो ॥ सू० १६ ॥ सप्तमो वर्गो समत्तो-७ ॥

॥८॥ अथ अष्टमो वर्गः ॥

जति गां भंते ! अट्टमस्स वर्गस्स उक्खेवत्तो जाव दस अज्भयणा पराणत्ता, तं जहा-काली १ सुकाली २ महाकाली ३ कराहा ४ सुकराहा ५ महाकराहा ६ । वीरकराहा ७ य बोद्धव्वा रामकराहा ८ तहेव य ॥१॥ पिउसेणकराहा ९ नवमी दसमी महासेणकराहा १० य ॥ १ । जति गां भंते ! अट्टमस्स वर्गस्स दस अज्भयणा, पढमस्स अज्भयणास्स के अट्टे पन्नत्ते ?, एवं खलु जंबू ! ते गां काले गां २ चंपा नाम नगरी होत्था, पुन्नभट्टे चेतिते, तत्थ गां चंपाए नयरीए कोणिए राया वराणतो, तत्थ गां चंपाए नयरीए सेणियस्स रत्तो भजा कोणियस्स रराणो चुल्लमाउया काली नामदेवी होत्था, वराणतो, जहा नंदा जाव सामातियमातियातिं एकारस अंगाइं अहिज्जति, बहूहिं चउत्थ-छट्टट्टम-दसमदुवालसेहिं जाव अप्पाणं भावेमाणी विहरति, तते गां सा काली अराणया कदाइ जेणोव अज्जचंदणा अज्जा तेणोव उवागच्छति २ एवं वयासी-इच्छामि गां अज्जात्तो ! तुब्भेहिं अज्भणुराणाता समाणा रयणावलिं तवं उवसंपज्जेत्ताणं विहरेत्तते, अहासुहं, देवाणुप्पिया, २ । तते गां सा काली अज्जा अज्जचंदणाए अज्भणुराणाया समाणा रयणावलिं उवसंपज्जित्ताणं विहरति, तंजहा-चउत्थं करेति चउत्थं करेत्ता सब्बकामगुणियं पारेति, सब्बकामगुणियं पारेत्ता छट्टं करेति २

छट्टुं करेति २ सव्वकामगुणियं पारेति २ चउत्थं करेति २ सव्वकाम-
गुणियं पारेति, एवं खलु एसा रयणावलीए तवोकम्मस्स पढमा परिवाडी
एगेणं संवच्छरेणं तिहिं मासेहिं बावीसाए य अहोरत्तेहिं
अहासुत्ता जाव आराहिया भवति, तदाणंतरं च णं दोच्चाए परिवाडीए
चउत्थं करेति विगतिवज्जं पारेति २ छट्टुं करेति २ विगतिवज्जं पारेति
एवं जहा पढमाएवि नवरं सव्वपारणते विगतिवज्जं पारेति जाव आराहिया
भवति, तयाणंतरं च णं तच्चाए परिवाडीए चउत्थं करेति चउत्थं करेत्ता
अलेवाडं पारेति सेसं तहेव, एवं चउत्था परिवाडी नवरं सव्वपारणते
आयंक्लिं पारेति सेसं तं चेव,—पढमंमि सव्वकामं पारणयं वितियते विगति-
वज्जं । ततियंमि अलेवाडं आयंक्लिमो चउत्थंमि ॥ १ ॥ तते णं सा
काली अज्जा रयणावलीतवोकम्मं पंचहिं संवच्छरेहिं दोहि य मासेहिं
अट्टावीसाए य दिवसेहिं अहासुत्तं जाव आराहेत्ता जेणेव अज्जचंदणा अज्जा
तेणेव उवागच्छति २ अज्जचंदणां अज्जं वंदति णमंसति २ बहूहिं चउत्थ
जाव अण्णाणं भावेमाणी विहरति ३ । तते णं सा काली अज्जा तेणं
ओरालेणं जाव धमणिसंतया जाया यावि होत्था, से जहा इंगाल सगडिगाइ
जाव सुहुयहुयासणे इव भासरासिपलि च्छराणा तवेणं तेणं तवतेयसिरीए अतीव
२ उवसोभेमाणी २ चिट्ठति, तते णं तीसे कालीए अज्जाए अन्नदा कदाइ
पुव्वरत्तावरत्तकाले अयं अवभत्थिते ४—जहा खंदयस्स चिंता जहा जाव
अत्थि उट्टाणे, कम्मे बले वीरिए पुरिसकारपरकमे, ताव ताव मे सेयं कल्लं
पाउण्णभायाए रयणीए जाव तेयसा जलन्ते सूरे अज्जचंदणां अज्जं आपु-
च्छित्ता अज्जचंदणाए अज्जाए अब्भणुन्नायाए समाणीए संलेहणाभूसणा
भूसिया भत्तपाणपडियाइविस्वया पओवगया कालं अणावकंखमाणो विहरेत्तए-
त्तिकट्टु एवं संपेहेति २ कल्लं जेणेव अज्जचंदणा अज्जा तेणेव
उवागच्छति २ अज्जचंदणां वंदति णमंसति २ एवं वयासी—इच्छामि णं

अजो ! तुभेहिं अब्भणुराणाता समाणी संलेहणाभूसणा-भूसिया जाव विहरेत्ते, अहासुहं देवाणुप्पिया ! ४ । तए णं काली अज्जा अज्जचंदणाते अब्भणुराणाता समाणी संलेहणाभूसिया जाव विहरति, तए णं सा काली अज्जा अज्जचंदणाए अंतिते सामाइयभाइयाइं एकारस अंगाइं अहिज्जित्ता (ज्जति २) बहुपडिपुन्नाइं अट्ट संवच्छराइं सामराणपरियागं पाउणित्ता मासियाए संलेहणाए अत्ताणं भूसेत्ता सट्ठिं भत्तातिं अणसणाते छेदेत्ता जस्सट्टाए कीरति जाव चरिमुस्सासनीसासेहिं सिद्धा ५, ५ ॥ सू० १७ ॥

णिकखेवो पढमं अज्जभयणां ॥ ते णं काले णं २ चंपा नाम नगरी पुन्नभ्दे चेतिते कोणिए राया, तत्थ णं सेणियस्स रत्तो भज्जा कोणियस्स रराणो चुल्लमाउया सुकालीनाम देवी होत्था, जहा काली तहा सुकालीवि णिकखंता जाव बहूहिं चउत्थ जाव भावेमाणी विहरति, तते णं सा सुकाली अज्जा अन्नया कयाइ जेणेव अज्जचंदणा अज्जा जाव इच्छामि णं अजो ! तुभेहिं अब्भणुन्नाता समाणी कणागावलीतवोकम्मं उवसंपज्जित्ताणं विहरेत्ते, एवं जहा रयणावली तहा कणागावलीवि, नवरं तिसु ठाणेसु अट्टमाइं करेति जहा रयणावलीए छट्टाइं एक्काए परिवाडीए संवच्छरो पंच मासा बारस य अहोरत्ता चउराहं पंच वरिसा नव मासा अट्टारस दिवसा सेसं तेहेव, नव वासा परियातो जाव सिद्धा ॥ सू० १८ ॥ एवं महाकालीवि, नवरं खुट्ठागं सीहनिक्कीलियं तवोकम्मं उवसंपज्जित्ताणं विहरति, तं जहा-चउत्थं करेति २ सब्बकामगुणियं पारेति पारेत्ता छट्टं करेति २ सब्बकामगुणियं पारेति २ चउत्थं करेति २ सब्बकामगुणियं पारेति २ अट्टमं करेति २ सब्बकामगुणियं पारेति २ छट्टं करेति २ सब्बकामगुणियं पारेति २ दसमं करेति २ सब्बकामगुणियं पारेति २ अट्टमं करेति २ सब्बकामगुणियं पारेति २ दुवालसं करेति २ सब्बकामगुणियं पारेति २ दसमं करेति २ सब्बकामगुणियं पारेति २ चोदसं करेति २ सब्बकामगुणियं

पारेति २ बारसमं करेति २ सव्वकामगुणियं पारेति २ सोलसमं करेति २ सव्वकामगुणियं पारेति २ चोदसमं करेति २ सव्वकामगुणियं पारेति २ अट्टारसं करेति २ सव्वकामगुणियं पारेति २ सोलसमं करेति २ सव्वकामगुणियं पारेति २ वीसइमं करेति २ सव्वकामगुणियं पारेति २ अट्टारसमं करेति २ सव्वकामगुणियं पारेति २ वीसइमं करेति २ सव्वकामगुणियं पारेति २ सोलसमं करेति २ सव्वकामगुणियं पारेति २ अट्टारसमं करेति २ सव्वकामगुणियं पारेति २ चोदसमं करेति २ सव्वकामगुणियं पारेति २ सोलसमं करेति २ सव्वकामगुणियं पारेति २ बारसमं करेति २ सव्वकामगुणियं पारेति २ चोदसमं करेति २ सव्वकामगुणियं पारेति २ दसमं करेति २ सव्वकामगुणियं पारेति २ बारसमं करेति २ सव्वकामगुणियं पारेति २ अट्टमं करेति २ सव्वकामगुणियं पारेति २ दसमं करेति २ सव्वकामगुणियं पारेति २ छट्टं करेति २ सव्वकामगुणियं पारेति २ अट्टमं करेति २ सव्वकामगुणियं पारेति २ चउत्थं करेति २ सव्वकामगुणियं पारेति २ छट्टं करेति २ सव्वकामगुणियं पारेति २ चउत्थं करेति २ सव्वकामगुणियं पारेति २, तहेव चत्तारि परिवाडीओ, एकाए परिवाडीए छम्मासा सत्त य दिवसा, चउराहं दो वरिसा अट्टावीसा य दिवसा जाव सिद्धा ॥ सू० १९ ॥ एवं कराहावि नवरं महालयं सीहणिकीलियं तवोकम्मं जहेव खुड्ढागं नवरं चोत्तीसइमं जाव गोयव्वं तहेव ऊसारेयव्वं, एकाए वरिसं छम्मासा अट्टारस य दिवसा, चउराहं छव्वरिसा दो मासा बारस य अहोरत्ता, सेसं जहा कालीए जाव सिद्धा ॥ सू० २० ॥ एवं सुकराहावि गावरं सत्तसत्तमियं भिक्खुपडिभं उवसंपज्जित्ताणं विहरति, पढमे सत्तए एक्केक्कं भोयणस्स दत्तिं पडिगाहेति एक्केक्कं पाणयस्स, दोच्चे सत्तए दो दो भोयणस्स दो दो पाणयस्स पडिगाहेति, तच्चे सत्तते तिन्नि भोयणस्स तिन्नि पाणयस्स, चउत्थे पंचमे छट्टे सत्तमे सत्तते सत्त दत्तीतो

भोयणस्स पडिग्गाहेत्ति सत्त पाणयस्स, एवं खलु एयं सत्तसत्तमियं भिक्खु-
 पडिमं एणूणपन्नाते रातिंदिएहिं एगेण य छन्नउएणं भिक्खासतेणं अहासुत्तं
 जाव आराहेत्ता जेणेव अज्ज चंदणा अज्जा तेणेव उवागया अज्जचंदणां
 अज्जं वंदति नमंसति २ एवं वयासी-इच्छामि णं अज्जातो ! तुब्भेहिं
 अज्जणाराणाता समाणी अट्टट्टमियं भिक्खुपडिमं उवसंपज्जित्ताणं विहरत्ते,
 अहासुहं देवाणुप्पिया ! १ । तते णं सा सुकराहा अज्जा अज्जचंदणाए
 अज्जणाराणाया समाणी अट्टट्टमियं भिक्खुपडिमं उवसंपज्जित्ताणं विहरति,
 पढमे अट्टए एक्केक्कं भोयणस्स दत्तिं पडिग्गाहेत्ति एक्केक्कं पाणयस्स जाव
 अट्टमे अट्टए अट्टट्ट भोयणस्स पडिग्गाहेत्ति अट्ट पाणयस्स, एवं खलु एयं
 अट्टट्टमियं भिक्खुपडिमं चउसट्ठीए रातिंदिएहिं दोहि य अट्टासीतेहिं
 भिक्खासतेहिं अहा जाव नवनवमियं भिक्खुपडिमं उवसंपज्जित्ता णं विहरति,
 पढमे नवए एक्केक्कं भोयणस्स दत्तिं पडिग्गाहेत्ति एक्केक्कं पाणयस्स जाव
 नवमे नवए नव नव दत्तिओ भोयणस्स पडिग्गाहेत्ति नव २ पाणयस्स,
 एवं खलु नवनवमियं भिक्खुपडिमं एकासीतीराइंदिएहिं चउहिं पंचोत्तरेहिं
 भिक्खासतेहिं अहासुत्तं जाव आराहेत्ता, दसदसमियं भिक्खुपडिमं उवसंप-
 ज्जित्ताणं विहरति, पढमे दसते एक्केक्कं भोयणस्स पडिग्गाहेत्ति एक्केक्कं
 पाणयस्स जाव दसमे दसए दस २ भोयणस्स दत्ती पडिग्गाहेत्ति दस २
 पाणयस्स, एवं खलु एयं दसदसमियं भिक्खुपडिमं एक्केणं राइंदियसतेणं
 अद्धद्धट्टे हिं भिक्खासतेहिं अहासुत्तं जाव आराहेत्ति २ बहूहिं चउत्थ जाव
 मासद्धमास-विविहतवोकम्भेहिं अप्पाणं भावेमाणी विहरति, तए णं सा
 सुकराहा अज्जा तेणं ओरालेणं जाव सिद्धा, निक्खेवो अज्जभयणा २
 ॥ सू० २१ ॥ एवं महाकराहावि णवरं खुड्ढागं सब्बओभदं पडिमं उवसंप-
 ज्जित्ताणं विहरति, चउत्थं करेत्ति २ सब्बकामगुणियं पारेत्ति सब्बकामगुणियं
 पारेत्ता छट्ठं करेत्ति छट्ठं करेत्ता सब्ब० २ अट्टमं करेत्ति २ सब्ब० २ दसमं

करेति २ सव्व० २ दुवालसमं करेति २ सव्व० २ अट्टमं करेति २ सव्व०
 २ दसमं करेति २ सव्व० २ दुवालसमं करेति २ सव्व० २ चउत्थं करेति
 २ सव्व० २ छट्ठं करेति २ सव्व० २ दुवालसं करेति २ सव्व० २ चउत्थं करेति
 २ सव्व० २ छट्ठं करेति २ सव्व० २ अट्टमं करेति २ सव्व० २ दसमं करेति
 २ सव्व० २ छट्ठं करेति २ सव्व० २ अट्टमं करेति २ सव्व० २ दसमं करेति
 २ सव्व० २ दुवालसमं करेति २ सव्व० २ चउत्थं करेति २ सव्व० २ दसमं
 करेति २ सव्व० २ दुवालसमं करेति २ सव्व० २ चउत्थं करेति २ सव्व० २
 छट्ठं करेति २ सव्व० २ अट्टमं करेति २ सव्व० २, एवं खलु एवं खुड्ढागसव्वतो-
 भइस्स तवोकम्मस्स पढमं परिवाडिं तिहिं मासेहिं दसहिं दिवसेहिं अहासुत्तं
 जाव आराहेता दोच्चाए परिवाडोए चउत्थं करेति २ विगतिवज्जं पारेति २
 जहा रयणाअलीए तहा एत्थवि चत्तारि परिवाडीतो पारणा तहेव, चउराहं
 कालो संवच्छरो मासो दस य दिवसा सेसं तहेव जाव सिद्धा, निक्खेवो
 अज्झयणां ॥ सू० २२ ॥ एवं बीरकगहावि नवरं महालयं सव्वतोभइं
 तवोकम्मं उवसंपजित्ताणं विहरति, तं जहा—चउत्थं करेति २ सव्वकामगुणियं
 पारेति २ छट्ठं करेति २ सव्वकामगुणियं पारेति २ अट्टमं करेति २
 सव्वकामगुणियं पारेति २ दसमं करेति २ सव्वकामगुणियं पारेति २
 दुवालसमं करेति २ सव्व० २ चोइसमं करेति २ सव्व० २ सोलसमं
 करेति २ (एका लया-१), सव्व० २ दसमं करेति २ सव्व० २
 दुवालसमं करेति २ सव्व० २ चउदसमं करेति २ सव्व० २ सोलसमं
 करेति २ सव्व० २ चउत्थं करेति २ सव्व० २ छट्ठं करेति २ सव्व० २
 अट्टमं करेति २ (बीया लया २), सव्व० २ सोलसमं करेति २ सव्व० २
 चउत्थं करेति २ सव्व० २ छट्ठं करेति २ सव्व० २ अट्टमं करेति २
 सव्व० २ दसमं करेति २ सव्व० २ दुवालसमं करेति २ सव्व० २ चोइसमं
 करेति २ (तईया लया-३), सव्व० २ अट्टमं करेति २ सव्व० २ दसमं

करेइ २ सव्व० २ दुवालसमं करेति २ सव्व० २ चोइसमं करेति २
 सव्व० २ सोलसमं करेति २ सव्व० २ चउत्थं करेति २ सव्व० २ छट्टं
 करेति २ (चउत्थी लया) सव्व० २ चोइसमं (दसमं) करेति २
 सव्व० २ सोलसमं करेति २ सव्व० २ चउत्थं करेति २ सव्व० २ छट्टं
 करेति २ सव्व० २ अट्टमं करेति २ सव्व० २ दसमं करेति २ सव्व० २
 दुवालसमं करेति २ (पंचमी लया-५), सव्व० २ छट्टं करेति २ सव्व० २
 अट्टमं करेति २ सव्व० २ दसमं करेति २ सव्व० २ दुवालसमं करेति २
 सव्व० २ चोइसमं करेति २ सव्व० २ सोलसमं करेति २ सव्व० २ चउत्थं
 करेति २ (छट्टी लया-६), सव्व० २ दुवालसमं करेति २ सव्व० २ चोइसमं
 करेति २ सव्व० २ सोलसमं करेति २ सव्व० २ चउत्थं करेति २ सव्व० २
 छट्टं करेति २ सव्व० २ अट्टमं करेति २ सव्व० २ दसमं करेति २
 (सत्तमी लया-७), एककेकाए लयाए अट्ट मासा पंच य दिवसा चउराहं दो
 वासा अट्ट मासा वीसं दिवसा सेसं तहेव जाव सिद्धा ॥ सू० २३ ॥ एवं
 रामकराहावि नवरं भदोत्तरपडिमं उवसंपज्जित्ताणं विहरति, तंजहा-दुवालसमं
 करेति २ सव्वकामगुणियं पारेति २ चोइसमं करेति २ सव्व० २ अट्टार-
 समं करेति २ सव्व० २ वीसइमं करेति २ सव्व० २ सोलसमं करेति २
 सव्व० २ अट्टारसमं करेति २ सव्व० २ वीसइमं करेति २ सव्व० २ दुवाल-
 समं करेति २ सव्व० २ चोइसमं करेति २ सव्व० २ वीसतिमं करेति २
 सव्व० २ दुवालसमं करेति २ सव्व० २ चोइसमं करेति २ सव्व० २
 सोलसमं करेति २ सव्व० २ अट्टारसं करेति २ सव्व० २ चोइसमं
 करेति २ सव्व० २ सोलसमं करेति २ सव्व० २ अट्टारसमं करेति २
 सव्व० २ वीसइमं करेति २ सव्व० २ दुवालसमं करेति २ सव्व० २
 अट्टारसमं करेति २ सव्व० २ वीसतिमं करेति २ सव्व० २ दुवालसमं
 करेति २ सव्व० २ चोइसमं करेति २ सव्व० २ सोलसमं करेति, एकाये

कालो छम्मासा वीस य दिवसा, चउराहं कालो दो वरिसा दो मासा वीस य दिवसा, सेसं तहेव जहा काली जाव सिद्धा ॥ सू० २४ ॥ एवं पितुसेणकगहावि नवरं मुत्तावलीतवोकम्मं उवसंपज्जित्ताणं विहरति, तंजहा—चउत्थं करेति २ सब्बकामगुणियं पारेति २ छट्ठं करेति २ सब्ब० २ चउत्थं करेति २ सब्ब० २ अट्ठमं करेति २ सब्ब० २ चउत्थं करेति २ सब्ब० २ दसमं करेति २ सब्ब० २ चउत्थं करेति २ सब्ब० २ दुवालसमं करेति २ सब्ब० २ चउत्थं करेति २ सब्ब० २ चोद्दसमं करेति २ सब्ब० २ चउत्थं करेति २ सब्ब० २ सोलसमं करेति २ सब्ब० २ चउत्थं करेति २ सब्ब० २ अट्ठारसं करेति २ सब्ब० २ चउत्थं करेति २ सब्ब० २ वीसतिमं करेति २ सब्ब० २ चउत्थं करेति २ सब्ब० २ बावीसइमं करेति २ सब्ब० २ चउवीसतिमं करेति २ सब्ब० २ चउत्थं करेति २ सब्ब० २ छव्वीसइमं करेति २ सब्ब० २ चउत्थं करेति २ सब्ब० २ अट्ठावीसं करेति २ सब्ब० २ चउत्थं करेति २ सब्ब० २ तीसइमं करेति २ सब्ब० २ चउत्थं करेति २ सब्ब० २ बत्तीसइमं करेति २ सब्ब० २ चउत्थं करेति २ सब्ब० २ चोत्तीसइमं करेति, एवं तहेव ओसारेति जाव चउत्थं करेति चउत्थं करेत्ता सब्बकामगुणियं पारेति, एक्काए कालो एक्कारस मासा पनरस य दिवसा चउराहं तिगिण वरिसा दस य मासा सेसं जाव सिद्धा ॥ सू० २५ ॥ एवं महासेणकगहावि, नवरं आयंबिलवड्डमाणं तवोकम्मं उवसंपज्जित्ताणं विहरति, तंजहा—आयंबिलं करेति २ चउत्थं करेति २ वे आयंबिलाइं करेति २ चउत्थं करेति २ तिन्नि आयंबिलाइं करेति २ चउत्थं करेति २ चत्तारि आयंबिलाइं करेति २ चउत्थं करेति २ पंच आयंबिलाइं करेति २ चउत्थं करेति २ छ आयंबिलाइं करेति २ चउत्थं करेति २ एवं एकोत्तरियाए वड्डीए आयंबिलाइं वड्ढंति चउत्थंतरियाइं जाव आयंबिलसयं करेति २ चउत्थं करेति, तते णं सा महासेणकगहा

अज्जा आयंबिलवड्डमाणं तवोकम्मं चोदसहिं वासेहिं तिहि य मासेहिं वीसहि य अहोरत्तेहिं अहासुत्तं जाव सम्मं काएणं फासेति जाव आराहेत्ता जेणोव अज्जचंदणा अज्जा तेणोव उवागच्छति वंदति नमंसति वंदित्ता नमंसित्ता बहूहिं चउत्थेहिं जाव भावेमाणी विहरति, तते णं सा महासेण- कराहा अज्जा तेणं ओरालेणं जाव उवसोभेमाणी चिट्ठइ, तए णं तीसे महसेणकराहाए अज्जाए अन्नया कयातिं पुंवरत्तावरत्तकाले चिंता जहा खंदयस्स जाव अज्जचंदणं पुच्छइ जाव संलेहणा, कालं अणवकंखमाणी विहरति, तते णं सा महसेणकराहा अज्जा अज्जचंदणाए अज्जाए अंतिए सामाइयातिं एकारस अंगाइं अहिज्जित्ता बहुपडिपुन्नातिं सत्तरस वासातिं परियायं पालइत्ता मासियाए संलेहणाए अप्पाणं भूसेत्ता सट्ठिं भत्ताइं अणसणाए छेदेत्ता जस्सट्टाए कीरइ जाव तमट्टं आराहेति चरिमउस्सास- णीसासेहिं सिद्धा बुद्धा । अट्ट य वासा आदी एकोत्तरियाए जाव सत्तरस । एसो खलु परिताओ सेणियभज्जाण णायव्वो ॥ १ ॥ एवं खलु जंबू ! समणेणं भगवता महावीरेणं आदिगरेणं जाव संपत्तेणं अट्टमस्स अंगस्स अंतगडदसाणं अयमट्टे पन्नत्ते ति बेमि । अट्टमो वग्गो समत्तो ८ ॥ अट्टमं अंगं समत्तं ॥ सू० २६ ॥ अंतगडदसाणं अंगस्स एगो सुयखंधो अट्ट वग्गा णट्टसु चेव दिवसेसु उदिसिज्जंति, तत्थ पढमवितियवग्गे दस २ उहेसगा, तईयवग्गे तेरस उहेसगा, चउत्थपंचमवग्गे दस २ उहेसया, छट्टवग्गे सोलस उहेसगा, सत्तमवग्गे तेरस उहेसगा, अट्टमवग्गे दस उहेसगा, सेसं जहा नायाधम्मकहाणं ॥ सू० २७ ॥

॥ इति श्रीअन्तकृद्दशाङ्ग-सूत्रं समाप्तम् ।

(ग्रन्थाग्रं ७९०)

॥ अर्हम् ॥

पञ्चमगणभृश्रीमत्सुधर्मस्वामि-प्रणीतं

॥ श्रीमदनुत्तरोपपातिकदशांग-सूत्रम् ॥

—:०:—

॥१॥ अथ प्रथमो वर्गः ॥

ते णं काले णं ते णं समए णं रायगिहे नगरे अज्जसुहम्मस्स
समोसरणं परिसा णिग्गया जाव जंबू पज्जुवासति, २ एवं वयासी-जति
णं भंते ! समणेणं जाव संपत्तेणं अट्टमस्स अंगस्स अंतगडदसाणं अयमट्टे
पराणत्ते, नवमस्स णं भंते ! अंगस्स अणुत्तरोववाइयदसाणं समणेणं जाव
संपत्तेणं के अट्टे पराणत्ते ? ते णं काले णं ते णं समए णं से सुधम्मे
अणगारे जंबु अणगारं एवं वयासी-एवं खलु जम्बू ! समणेणं जाव
संपत्तेणं नवमस्स अंगस्स अणुत्तरोववाइयदसाणं तिरिण वग्गा पन्नत्ता १ ।
जति णं भंते ! समणेणं जाव संपत्तेणं नवमस्स अंगस्स अणुत्तरोववाइय-
दसाणं ततो वग्गा पन्नता, पढमस्स णं भंते ! वग्गस्स अणुत्तरोववाइय-
दसाणं समणेणं जाव संपत्तेणं कइ अज्झयणा पन्नत्ता ?, एवं खलु जंबू !
समणेणं जाव संपत्तेणं अणुत्तरोववाइयदसाणं पढमस्स वग्गस्स दस
अज्झयणा पराणत्ता, तंजहा-जाली १ मयात्ति २ उवयाली ३ पुरिससेणे
४ य वारिसेणे ५ य दीहदंते ६ य लट्टदंते ७ य वेहल्ले ८ वेहासे
(विहायसे) ९ अभये १० ति य कुमारे ॥ २ । जइ णं भंते ! समणेणं
जाव संपत्तेणं अणुत्तरोववाइयदसाणं पढमस्स वग्गस्स दस अज्झयणा
पराणत्ता, पढमस्स णं भंते ! अज्झयणास्स अणुत्तरोववाइयदसाणं समणेणं

जाव संपत्तेणं के अट्टे पराणत्ते ? एवं खलु जंबू ! ते णं काले णं ते णं समए णं रायगिहे णगरे रिद्धत्थिमियसमिद्धे गुणसिलए चेतिते, सेणिए राया धारिणीदेवी सीहो सुमिणे, जालीकुमारो जहा मेहो अट्टट्टयो दाओ जाव उप्पि पासातवरगते फुट्टमाणोहिं मुङ्गमत्थएहिं भोगभोगाई भुंजमाणो विहरति, सामी समोसठे, सेणियो णिग्गओ, जहा मेहो तहा जालीवि णिग्गतो, तहेव णिक्खंतो जहा मेहो, एकारस अंग्गाइं अहिज्जति, गुणारयणं तवोकम्मं, एवं जा चेव खंदगवत्तवया सा चेव चित्तणा आपुच्छणा, थेरेहिं सद्धिं विपुलं तहेव दुरूहति, नवरं सोलस वासाइं सामन्नपरियागं पाउणित्ता कालमासे कालं किच्चा उट्टं चंदिम० सोहम्मीसाण जाव आरण्णच्चुए कणे नव य गेवेज्जे विमाणपत्थडे उट्टं दूरं वीतीवत्तित्ता विजयविमाणो देवत्ताए उववराणो ३ । तते णं ते थेरां भगवं जालिं अण्णगारं कालगयं जाणोत्ता परिनिव्वाणवत्तियं काउस्सगं करेति २ पत्तचीवराइं गेरहंति तहेव ओयरंति जाव इमे से आयारभंडए, भंते ! त्ति भगवं गोयमे जाव एवं वयासी— एवं खलु देवाणुप्पियाणं अंतेवासी जालीनामं अण्णगारे पगतिभइए से णं जाली अण्णगारे कालगते कहिं गते ? कहिं उववन्ने ? एवं खलु गोयमा ! ममं अंतेवासी तहेव जघा खंदयस्स जाव कालगयस्स उट्टं चंदिम जाव विजए विमाणो देवत्ताए उववराणो ४ । जालिस्स णं भंते ! देवस्स केवत्तियं कालं ठिती पराणत्ता ? गोयमा ! वत्तीसं सागरोवमाइं ठिती पराणत्ता ५ । से णं भंते ! ताओ देवलोयाओ आउक्खएणं ३ कहिं गच्छिहिति २ ? गोयमा ! महाविदेहे वासे सिज्झिहिति, ता एवं जंबू ! समणोणं जाव संपत्तेणं अणुत्तरोववाइयदसाणं पढमवग्गस्स पढमज्झयणस्स अयमट्टे पराणत्ते ६ । एवं सेसाणवि अट्टराहं भाणियव्वं, नवरं सत्त धारिणिसुआ वेहल्लवेहासा चेल्लणाए, अभए णंदाते. आइल्लाणं पंचराहं सोलस वासातिं सामन्नपरियातो, तिराहं बारस वासातिं, दोराहं पंच वासातिं, आइल्लाणं

पंचगहं आणुपुर्वीए उववायो विजये वेजयंते जयंते अपराजिते सब्वट्टसिद्धे,
दीहदंते सब्वट्टसिद्धे, उक्कमेणं सेसा, अभयो विजए, सेसं जहा पढमे ७ ।
अभयस्स णाणत्तं, रायगिहे नगरे सेणिए राया नंदा देवी माया सेसं तहेव,
एवं खलु जंबू ! समणोणं जाव संपत्तेणं अणुत्तरोववाइयदसाणं पढमस्स
वग्गस्स अयमट्टे पन्नत्ते = ॥ सूत्रं १ ॥

॥२॥ अथ द्वितीयो वर्गः ॥

जति णं भंते ! समणोणं जाव संपत्तेणं अणुत्तरोववाइयदसाणं
पढमस्स वग्गस्स अयमट्टे पन्नत्ते, दोच्चस्स णं भंते ! वग्गस्स
अणुत्तरोववाइयदसाणं समणोणं जाव संपत्तेणं के अट्टे पन्नत्ते ?, एवं खलु
जंबू ! समणोणं जाव संपत्तेणं दोच्चस्स वग्गस्स अणुत्तरोववाइयदसाणं
तेरस अज्झयणा पन्नत्ता, तंजहा-दीहसेणो १ महासेणो २ लट्टदंते य ३
गूढदंते य ४ सुद्धदंते ५ हल्ले ६ दुमे ७ दुमसेणो = महादुमसेणो य ८
आहिते सीहे य ९ सीहसेणो य ११ महासीहसेणो य आहिते १२
पुन्नसेणो य १३ बोद्धव्वे तेरसमे होति अज्झयणो १ । जति णं भंते !
समणोणं जाव संपत्तेणं अणुत्तरोववाइयदसाणं दोच्चस्स वग्गस्स तेरस
अज्झयणा पन्नत्ता, दोच्चस्स भंते ! वग्गस्स पढमज्झयणास्स समणोणं ३ जाव
संपत्तेणं के अट्टे पन्नत्ते ? एवं खलु जंबू ! ते ण काले णं ते णं समए णं
रायगिहे नगरे गुणसिलते चेतिते सेणिए राया धारिणी देवी, सीहो सुमिणे
जहा जाली तहा जम्मं, बालत्तणं कलातो नवरं दीहसेणो कुमारे सच्चेव
वत्तव्वया जहा जालिस्स जाव अंतं काहिति, एवं तेरसवि रायगिहे सेणियो
पिता धारिणी माता, तेरसराहवि सोलसवासा परियातो, आणुपुर्वीए विजए
दोन्नि वेजयंते दोन्नि जयंते दोन्नि अपराजिते दोन्नि, सेसा महादुमसेणामाती
पंच सब्वट्टसिद्धे २ । एवं खलु जंबू ! समणोणं जाव संपत्तेणं अणुत्तरोववा-

इयदसाणं दोच्चस्स वग्गस्स अयमट्ठे पन्नत्ते, मासियाए संलेहणाए दोसुवि वग्गेषु ३ ॥ सूत्रं २ ॥

॥३॥ अथ तृतीयो वर्गः ॥

जति णं भंते । समरोणं जाव संपत्तेणं अणुत्तरोववाइयदसाणं दोच्चस्स वग्गस्स अयमट्ठे पन्नत्ते तच्चस्स णं भंते । वग्गस्स अणुत्तरोववाइयदसाणं समरोणं जाव संपत्तेणं के अट्ठे पन्नत्ते ?, एवं खलु जंबू ! समरोणं अणुत्तरोववाइयदसाणं तच्चस्स वग्गस्स दस अज्झयणा पन्नत्ता, तंजहा-धरणो य सुणक्खत्ते, इसिदासे अ आहिते । पेलए रामपुत्ते य, चदिमा पिट्ठिमाइया ॥ १ ॥ पेढालपुत्ते अणुगारे, नवमे पुट्टिले इ य । वेहल्ले दसमे वुत्ते, इमेते दस आहिते ॥ २ ॥ १ । जति णं भंते ! समरोणं जाव संपत्तेणं अणुत्तरोववाइयदसाणं तच्चस्स वग्गस्स दस अज्झयणा पन्नत्ता, पढमस्स णं भंते ! अज्झयणास्स समरोणं जाव संपत्तेणं के अट्ठे पन्नत्ते ?, एवं खलु जंबू ! ते णं काले णं २ कागंदी णाम णगरी होत्था रिद्धत्थिमियसमिद्धा सहसंबवणे उज्जाणे सब्बोदुए जियसत्तू राया, तत्थ णं कागदीए नगरीए भद्दा णामं सत्थवाही परिवसइ अद्दा जाव अपरिभूत्ता २ । तीसे णं भद्दाए सत्थवाहीए पुत्ते धन्ने नामं दारए होत्था, अहीणं जाव सुरूवे, पंचधातीपरिग्गहिते तं जहा-खीरघाती जहा महब्बले जाव वावत्तिरिं कलातो अहीए जाव अलंभोगसमत्थे जाते यावि होत्था, तते णं सा भद्दा सत्थवाही धन्नं दारयं उम्मुक्कवालभावं जाव भोगसमत्थं वावि जाणोत्ता (च वियाणित्ता) बत्तीसं पासायवडिसते कारेति अब्भुग्गतमूसिते जाव तेसि मज्जे भवणां अणोगखंभसयसन्निविट्ठं जाव बत्तीसाए इब्भवरकन्नगाणां एगदियसेणं पाणिं गेसहावेति २ बत्तीसत्थो दात्थो जाव उप्पि पासायवरगते फुट्ठेतेहिं जाव विहरति २ । ते णं काले णं २ समरो भगवं महावीरे समोसठे परिसा निग्गया, राया जहा कोणितो तहा जियसत्तू णिग्गतो, तते णं तस्स

धन्नस्स तं महता जहा जमाली तथा णिग्गतो नवरं पायचारेणं जाव जं नवरं अम्मयं भद्दं सत्यवाहिं आपुच्छामि, तते णं अहं देवाणुप्पियाणं अंतिते जाव पव्वयामि जाव जहा जमाली तथा आपुच्छइ, मुच्छिया वुत्तपडिडुत्तया जहा महब्बले जाव जाहे णो संचाएति जहा थावच्चापुत्तो जियसत्तुं आपुच्छति छत्तचामरातो सयमेव जियसत्तू णिवस्वमणं करेति जहा थावच्चापुत्तस्स कराहो जाव पव्वतिते, तते णं से धन्ने अणगारे जाते, ईरियासमिते जाव गुत्तवंभयारी ३ । तते णं से धन्ने अणगारे जं चेव दिवसं मुंडे भवित्ता जाव पव्वतिते तं चेव दिवसं समणं भगवं महावीरं वंदति णमंसति २ एवं वयासी-इच्छामि णं भंते ! तुब्भेणं अब्भणुराणाते समाणे जावजीवाए छट्टंछट्टेणं अणिव्वित्तेणं आयंबिलपरिग्गहिणं तवोकम्भेणं अप्पाणं भावेमाणो विहरेत्तत्ते छट्टस्सविय णं पारणयंसि कप्पति से आयंबिलं पडिग्गहित्ते नो चेव णं अणायंबिलं तंपि य संसट्टं णो चेव णं असंसट्टं तंपिय णं उब्भियधम्मियं नो चेव णं अणुज्जियधम्मियं तंपि य जं अन्ने बहवे समणमाहण-अतिहिकिवण-वणीमगा णावकंखंति, अहासुहं देवाणुप्पिया ! मा पडिबंधं करेह, तते णं से धन्ने अणगारे समाणेणं भगवता महावीरेण अब्भणुन्नाते समाणे हट्टुं जावजीवाए छट्टंछट्टेणं अणिव्वित्तेणं तवोकम्भेणं अप्पाणं भावेमाणो विहरति ४ । तते णं से धरणो अणगारे पढमछट्टुक्खमण-पारणयंसि पढमाए पोरसीए सज्झायं करेति जहा गोतमसामी तहेव आपुच्छति जाव जेणेव कायंदी णगरी तेणेव उवागच्छति २ कायंदीणगरीए उच्च जाव अडमाणो आयंबिलं जाव णावकंखंति, तते णं से धन्ने अणगारे ताए अब्भुज्जताए पयययाए पयत्ताए पग्गहियाए एसणाए एसमाणो जति णं भत्तं लभति तो पाणं ण लभति अह पाणं लभति तो भत्तं न लभति, तते णं से धन्ने अणगारे अदीणे अविमणे अकलुसे अविसादी अपरितंतजोगी

जयणघडणजोगचरित्ते अहापज्जत्तं समुदाणं पडिगाहेति २ काकंदीओ
 णगरीतो पडिणिक्खमति जहा गोतमे तथा जाव पडिदंसेति, तते णं से धन्ने
 अणगारे समणोरां भगवया महावीरेणं अब्भणुत्ताते समाणे अमुच्छित्ते जाव अण-
 ज्ज्मोववन्ने बिलमिव परणगभूतेणं अप्पाणेणं आहारं आहारेति २ संजमेणं
 तवसा अप्पाणं भावेमाणे विहरति, समणे भगवं महावीरे अणया कयाइ
 काकंदीए णगरीतो सहसंबवणातो उज्जाणातो पडिणिक्खमति २ बहिया
 जणवयविहारं विहरति ५ । तते णं से धन्ने अणगारे समणस्स भगवओ
 महावीरस्स तहारूवाणं थेराणं अंतिते सामाइयमाइयाइं एकारस अंगाइं
 अहिज्जति, संजमेणं तवसा अप्पाणं भावेमाणे विहरति, तते णं से धन्ने
 अणगारे तेणं ओरालेणं जहा खंदतो जाव सुहुय-हुयासणे इव भासरासि-
 पलिच्छराणा तवेण तेएणं तवतेयसिरीए अतीव २ उवसोभेमाणे २ चिट्ठति
 ६ । धन्नस्स णं अणगारस्स पादाणं अयमेयारूवे तवरूवलावन्ने होत्था, से
 जहाणामते सुक्कच्छीति वा कट्टपाउयाति वा जरग्गओवाहणाति वा,
 एवामेव धन्नस्स अणगारस्स पाया सुक्का णिम्मंसा अट्टिच्चम्मडिरत्ताए
 पराणायंति णो चेव णं मंससोणियत्ताए, धन्नस्स णं अणगारस्स पायंगु-
 लियाणं अयमेयारूवे तवरूवलावराणे होत्था से जहाणामते कलसंगलियाति
 वा मुग्गसंगलियाति वा माससंगलियाति वा तरुणिया छिन्ना उराहे दिन्ना
 सुक्का समाणी मिलायमाणी २ चिट्ठति, एवामेव धन्नस्स पायंगुलियातो
 सुक्कातो जाव सोणियत्ताते, धन्नस्स जंघाणं अयमेयारूवे तवरूवलावराणे
 होत्था से जहानामते काकजंघाति वा कंकजंघाति वा देणियालियाजंघाति
 वा जाव णो सोणियत्ताए, धन्नस्स जाणूणं अयमेयारूवे तवरूवलावराणे
 होत्था से जहानामते कालिपोरेति वा मयूरपोरेति वा देणियालियपोरेति
 वा, एवं जाव सोणियत्ताए, धराणस्स उरुस्स जहानामते सामकरेल्लेति वा बोरीक-
 रील्लेति वा सल्लतिकरील्लेति वा सामलि(सामा) करील्लेति वा तरुणिते तरस णं

तेच्छिणो उराहे जाव चिट्टति एवामेव धन्नस्स उरू जाव सोणियत्ताए,
 धन्नस्स कडिपत्त(ट्ट)स्स इमेयारूवे तवरूवलावराणो होत्था से जहानामते
 उट्टपादेति वा जरग्गपादेति वा महिसपादेति वा जाव सोणियत्ताए, धन्नस्स
 उदरभायणास्स इमेयारूवे तवरूवलावराणो होत्था से जहानामते सुक्कदिएति
 वा भज्जणायकभल्लेति वा कट्टकोलंबएति वा, एवामेव उदरं सुक्कं, धन्नस्स
 पांसुलियकडयाणं इमेयारूवे तवरूवलावराणो होत्था से जहानामते थासया-
 वलीति वा पाणावलीति वा मुंडावलीति वा, धन्नस्स पिट्टकरंडयाणं
 अयमेयारूवे तवरूवलावराणो होत्था से जहानामते कन्नावलीति वा गोला-
 वलीति वा वट्टयावलीति वा, एवामेव०, धन्नस्स उरकडयस्स अयमेयारूवे
 तवरूवलावराणो होत्था से जहानामते चित्तकट्टरेति वा वियणपत्तेत्ति वा तालि-
 यंटपत्तेत्ति वा एवामेव०, धन्नस्स बाहाणां अयमेयारूवे तवरूवलावराणो होत्था
 से जहानामते समिसंगलियाति वा बाहायासंगलियाति वा अगत्थियसंग-
 लियाति वा एवामेव०, धन्नस्स हत्थाणां अयमेयारूवे तवरूवलावराणो होत्था
 से जहानामते सुक्कङ्गणियाति वा वडपत्तेति वा पलासपत्तेति वा, एवामेव०,
 धन्नस्स हत्थंगुलियाणां अयमेयारूवे तवरूवलावराणो होत्था से जहानामते
 कलायसंगलियाति (कलसंगुलिया) वा मुग्गसंगलियाति वा माससंगलियाति
 वा तरूणिया छिन्ना आयवे दिन्ना सुक्का समाणी एवामेव०, धन्नस्स
 गीवाए अयमेयारूवे तवरूवलावराणो होत्था से जहानामते करगगीवाति
 वा कुंडियागीवाति वा उच्चट्टवण्णतेति वा एवामेव०, धन्नस्स णं हणुआए
 अयमेयारूवे तवरूवलावराणो होत्था से जहानामते लाउयफलेति वा
 हक्कवफलेति वा अंबगट्टियाति वा एवामेव०, धन्नस्स उट्टाणां अयमेयारूवे
 तवरूवलावराणो होत्था से जहानामते सुक्कजलोयाति वा सिलेसगुलियाति
 वा अलत्तगगुलियाति वा एवामेव०, धराणास्स जिब्भाए अयमेयारूवे तवरूव-
 लावराणो होत्था से जहानामते वडपत्तेइ वा पलासपत्तेइ वा सागपत्तेति वा

एवामेव०, धन्नस्स नासाए अयमेयारूवे तवरूवलावराणे होत्था से जहानामते
 अंबगपेसियाति वा अंबाडगपेसियाति वा मातुलुंगपेसियाति वा तरुणिया
 एवामेव०, धन्नस्स अच्छीणां अयमेयारूवे तवरूवलावराणे होत्था से जहा-
 नामते वीणाच्छिड्ढेति वा वद्धीसगच्छिड्ढेति वा पासाइयतारिगा(पाभातिय-
 तारिगा)इ वा एवामेव०, धन्नस्स करणाणां अयमेयारूवे तवरूवलावराणे होत्था
 से जहा नामते मूलाच्छ्लियाति वा वालुंकच्छ्लियाति वा कारेल्लयच्छ्लियाति
 वा एवामेव०, धन्नस्स सीसस्स अयमेयारूवे तवरूवलावराणे होत्था से जहा-
 नामते तरुणागलाउएति वा तरुणागएलालुयत्ति वा सिरहालएति का तरुणाए
 जाव चिट्ठति एवामेव०, धन्नस्स अणागारस्स सीसं सुक्कं लुक्खं शिम्मंसं
 अट्टिचम्मच्छिरत्ताए पन्नायति नो चेव गां मंससोणियत्ताए, एवं सब्वत्थ,
 गावरं उदरभायणाक्कन्नजीहा उट्टा एएसिं अट्टी गा भन्नति चम्मच्छिरत्ताए
 पराणायइत्ति भन्नति ७ । धन्ने गां अणागारे गां सुक्केगां भुक्खेगां पातजं-
 घोरुणा विगततडिकरालेगां कडिकडाहेगां पिट्टमवस्सिणां उदरभायणोणां
 जोइज्जमाणोहिं (जातिद्धमाणोणां, जातिजमाणोहिं) पांसुलिकडएहिं अक्खसुत्त-
 मालाति वा गणिज्जमालाति वा गणोज्जमाणोहिं पिट्टिकरंडगसंधीहिं गंगात-
 रंगभूएणां उरकडगदेसभाएणां सुक्कसप्पसमाणाहिं बाहाहिं सिदिलकडालीविव
 चलंतेहि य अग्गहत्थेहिं कंणवातिओविव वेवमाणीए सीसघडीए पव्वादव-
 दणाकमले उब्भडघडामुहे उब्बुडुणायणाकोसे जीवं जीवेणां गच्छति जीवं
 जीवेणां चिट्ठति भासं भासिस्सामीति गिलाति ३ से जहा णामते इंगाल-
 सगडियाति वा जहा खंदथो तथा जाव हुयासणे इव भासरासिपलिच्छन्ने
 तवेणां तवतेयसिरीए उवसोभेमाणो २ चिट्ठति ८ ॥ सूत्रं ३ ॥ ते गां काले
 गां २ रायगिहे गागरे गुणासिलए चेतिते सेणिए राया, ते गां काले गां २
 समणे भगवं महावीरे समोसडे, परिसा शिग्गया सेणिते निग्गते धम्मकहा
 परिसा पडिगया १ । तते गां से सेणिए राया समणास्स ३ अंतिए धम्म

सोच्चा निसम्म समणं भगवं महावीरं वंदति णमंसति २ एवं वयासी-
इमासि णं भंते ! इंदभूतिपामोक्खाणं चोदसराहं समणसाहस्सीणं कतिरे
अणगारे महादुकरकारेण चेव महाणिज्जरतराए चेव !, एवं खलु सेणिया !
इमासि इंदभूतिपामोक्खाणं चोदसराहं समणसाहस्सीणं धन्ने अणगारे
महादुकरकारेण चेव महाणिज्जरतराए चेव, से केणट्ठेणं भंते ! एवं बुच्चति
इमासि जाव साहस्सीणं धन्ने अणगारे महादुकरकारेण चेव महाणिज्जर-
तराए ?, एवं खलु सेणिया ! ते णं काले णं ते णं समए णं काकंदी नामं
नगरी होत्था उप्पि पासायवडिसए विहरति, तते णं अहं अन्नया कदाति
पुव्वाणुपुव्वीए चरमाणे गामाणुगामं दूतिज्जमाणे जेणेव काकंदी णगरी
जेणेव सहसंबरणे उज्जाणे तेणेव उवागते अहापडिरूवं उग्गहं उग्गिराहामि २
संजमे जाव विहरामि, परिसा निग्गता, तहेव जाव पव्वइते जाव विलमिव
जाव आहारेति, धरणस्स णं अणगारस्स पादाणं सरीखन्नओ सव्वो जाव
उवसोभमाणे २ चिट्ठति, से तेणट्ठेणं सेणिया ! एवं बुच्चति-इमासि
चउदसराहं साहस्सीणं धरणे अणगारे महादुकरकारेण महानिज्जरतराए
चेव २ । तते णं से सेणिए राया समणस्स भगवतो महावीरस्स अंतिए
एयमट्ठं सोच्चा णिसम्म हट्टुट्टु जाव समणं भगवं महावीरं तिक्खुत्तो आया-
हिणपयाहिणं करेति २ वंदति नमंसति २ जेणेव धन्ने अणगारे तेणेव
उवागच्छति २ धन्नं अणगारं तिक्खुत्तो आयाहिणपयाहिणं करेति २
वंदति णमंसति २ एवं वयासी-धरणोऽसि णं तुमं देवाणुप्पिया ! सुपरणो
सुकयत्थे कयलक्खणो सुलद्धे णं देवाणुप्पिया ! तव माणुस्सए जम्मजीवी-
यफलेत्तिकट्टु वंदति णमंसति २ जेणेव समणे भगवं महावीरे तेणेव
उवागच्छति २ समणं भगवं महावीरं तिक्खुत्तो वंदति णमंसति २ जामेव
दिसं पाउब्भूते तामेव दिसिं पडिगए ३ ॥ सूत्रं ४ ॥ तए णं तस्स धरणस्स
अणगारस्स अन्नया कयाति पुव्वरत्तावरत्तकाले-(लसमयंसि) धम्मजागरियं

जागरमाणस्स इमेयारूवे अब्भत्थिते ५—एवं खलु अहं इमेणां ओरालेणां जहा खंदयो तहेव चिंता आपुच्छणां थेरेहिं सद्धिं विउलं दुरूहंति मासिया(ए) संलेहणा(ए) नवमास परियातो जाव कालमासे कालं किच्चा उड्डं चंदिम जाव णव य गोविज्जविमाणपत्थडे उड्डं दूरं वीतीवतित्ता सव्वट्टसिद्धे विमाणो देवत्ताए उववन्ने १ । थेरा तहेव उयरंति जाव इमे से आयारभंडए, भंतेत्ति भगवं गोतमे तहेव पुच्छति जहा खंदयस्स भगवं वागरेति जाव सव्वट्टसिद्धे विमाणो उववरणो २ । धराणास्स णं भंते ! देवस्स केवतियं कालं ठिती पराणात्ता १, गोतमा ! तेत्तीसं सागरोवमाइं ठिती पन्नत्ता । से णं भंते ! ततो देवलोगाओ कहिं गच्छिहिति कहिं उववज्जिहिति १, गोयमा ! महाविदेहे वासे सिज्जिहिति ५, ३ । तं एवं खलु जंबू ! समणोणां जाव संपत्तेणां पढमस्स अज्जयणास्स अयमट्ठे पन्नत्ते ४ ॥ सूत्रं ५ ॥ पढमं अज्जयणां समत्तं ॥ जति णं भंते ! उक्खेवओ, एवं खलु जंबू ! ते णं काले णं ते णं समए णं कागंदीए णगरीए (काकंदी नगरी) जियसत्तू राया तत्थ णं भद्दाणमं सत्थवाही परिवसति अड्ढा जाव अपरिभूओ १ । तीसे णं भद्दाए सत्थवाहीए पुत्ते सुणक्खत्ते णामं दारए होत्था, अहीण जाव सुरूवे, पंचधातिपरिक्खत्ते जहा धराणो तहा वत्तीस दाओ जाव उण्णि पासायवडेंसए विहरति २ । ते णं काले णं २ सामी समोसडे समोसरणां जहा धन्नो तहा सुणक्खत्तेऽवि णिग्गते जहा थावच्चा-पुत्तस्स तहा णिक्खमणां जाव अणगारे जाते ईरियासमिते जाव बंभयारी ३ । तते णं से सुणक्खत्ते अणगारे जं चेव दिवसं समास्स भगवतो महावीरस्स अंतिते मुंडे जाव पव्वतिते तं चेवं दिवसं अभिग्गहं तहेव जाव बिलमिव आहारेति, संजमेणां (संजमिणां) जाव विहरति, बहिया जणावयविहारं विहरति एकारस अंगाइं अहिज्जति संजमेणां तदसा अप्पाणां भावेमाणो विहरति ४ । तते णं से सुणक्खत्ते ओरालेणां जहा खंदतो, तेणां कालेणां २ रायगिहे

रागरे गुणसिलए चेतिए सेणिए राया सामी समोसठे परिसा णिग्गता राया
 णिग्गतो धम्मकहा राया पडिगत्रो परिसा पडिगता, तते णं तस्स सुणक्ख-
 त्तस्स अन्नया कयाति पुञ्चरत्तावरत्तकालसमयंसि धम्मजागरियं जागरमाणस्स
 जहा खंदयस्स, बहू वासा परियातो गोतमपुच्छा तहेव कहेति जाव सव्वट्ट-
 सिद्धे विमाणो देवे उववराणो, तेत्तीसं सागरोवमाइं ठिती पराणत्ता, से णं
 भंते ! ततो देवलोगात्रो कहिं गच्छिहिति ? कहिं उववज्जिहिति ?
 गोयमा ! महाविदेहे सिज्झिहिति ५ । बीयज्झयणां समत्तं ! एवं सुणक्खत्त-
 ममेणां सेसावि अट्ट भाणियव्वा, णवरं आणुपुव्वीए दोन्नि रायगिहे
 दोन्नि साएए दोन्नि वाणियग्गामे नवमो हत्थिणपुरे दसमो रायगिहे १ ।
 नवरहं भद्दात्रो जणणीत्रो, नवरहवि बत्तीसत्रो दात्रो, नवरहं निक्खमणं
 थावच्चापुत्तस्स सरिसं वेहल्लस्स पिया करेति, छम्मासा वेहल्लते, नव धराणो,
 सेसाणां बहू वासा, मासं संलेहणा सव्वट्टसिद्धे, महाविदेहे सिज्झणा २ । एवं
 खलु जंबू ! समणेणां भगवता महावीरेणां आइगरेणां तित्थगरेणां सयंसंबुद्धेणां
 लोगनाहेणां लोगप्पदीवेणां लोगपज्जोयगरेणां अभयदएणां सराएदएणां चक्खु-
 दएणां मग्गदएणां धम्मदएणां धम्मदेसएणां धम्मवरचाउरंतचकवट्टिणा अण्णडिह-
 यवरनाएदंसण्णधरेणां जिणेणां जाणएणां बुद्धेणां बोहएणां मोक्केणां मोयएणां
 तिन्नेणां तारयेणां सिव-मयल-मरुय-मणांत-मक्खय-मव्वावाह-मपुण्णरावत्तयं सिद्धि-
 गतिनामधेयं ठाणां संपत्तेणां अणुत्तरोववाइयदसाणां तच्चस्स वग्गस्स अयमट्ठे
 पन्नत्ते ३ ॥ सूत्रं ६ ॥ अणुत्तरोववाइयदसातो समत्तातो ॥ अणुत्तरोववाइयद-
 साणामं सुत्तं नवममंगं समत्तं ॥ अणुत्तरोववाइयदसाणां एगो सुयखंधो,
 तिरिण वग्गा, तिसु चेव दिवसेसु उद्दिसिज्जंति, तत्थ पढ्ढमे वग्गे दस
 उद्देसगा, बीए वग्गे तेरस उद्देसगा, सेसं जहा धम्मकहा णोयव्वा ॥

॥ इति श्री अनुत्तरोपपातिकदशाङ्ग-सूत्रं समाप्तम् ॥

॥ इति
श्री अनुत्तरोपपातिकदशाङ्ग-
सूत्रं समाप्तम् ॥

॥ अर्हम् ॥

पञ्चमगाणभृत्श्रीमत्सुधर्मस्वामि-प्ररूपितं

॥ श्रीमत्प्रश्नव्याकरण-दशांग-सूत्रम् ॥

—:०:—

॥१॥ अथ हिंसाकर्माश्रवाख्यं प्रथममध्ययनम् ॥

नमो अरिहंताणां ॥ (तेषां कालेणां तेषां समेषां चंपानाम नगरी होत्या, पुराणभदे चेइए वणासंडे असोगवरपायवे पुढविसिलापट्टए, तत्थ णां चंपाए नयरीए कोणिए नामं राया होत्या, धारिणी देवी । तेषां कालेणां २ समणस्स भगवओ महावीरस्स अंतेवासी अज्जसुहम्मे नामं थरे जाइसंपन्ने कुलसंपन्ने बलसंपन्ने रूवसंपन्ने विणयसंपन्ने नाणासंपन्ने दंसणासंपन्ने चरित्तसंपन्ने लज्जासंपन्ने लाघवसंपन्ने ओयंसी तेयंसी वच्चंसी जसंसी जियकोहे जियमाणे जियमाए जियलोभे जियनिहे जियइंदिए जियपरीसहे जीवियास-मरणाभय विष्पमुक्के तवप्पहाणे गुणप्पहाणे मुत्तिप्पहाणे विजा-प्पहाणे मंतप्पहाणे बंभप्पहाणे वयप्पहाणे नयप्पहाणे नियमप्पहाणे सच्चप्पहाणे सोयप्पहाणे नाणाप्पहाणे दंसणाप्पहाणे चरित्तप्पहाणे चोहसपुब्बी चउनाणो-वगए पंचहिं अणागारसएहिं सद्धिं संपरिवुडे पुब्बाणापुब्बिं चरमाणे गामाणु-गामं दूइज्जमाणे जेणेव चंपा नयरी तेषोव उवागच्छइ जाव अहापडिख्वं उग्गहं उग्गिगिहत्ता संजमेणां तवसा अप्पाणां भावेमाणे विहरति । तेषां कालेणां तेषां समेषां अज्जसुहम्मस्स अंतेवासी अज्जजंबू नामं अणागारे कासवगोत्तेणां सत्तुस्सेहे जाव संखित्त-विपुल-तेयलेस्से अज्जसुहम्मस्स थेरस्स अदूरसामन्ते उइं जाणू जाव संजमेणां तवसा अप्पाणां भावेमाणे विहरइ । तए णां

से अज्जजंबू जायसद्धे जायसंसए जायकोउहल्ले उप्पन्नसद्धे ३ संजायसद्धे ३ समु-
 प्पन्नसद्धे ३ उट्टाए उट्टेइ २ जेणोव अज्जसुहम्मे थेरे तेणोव उवागच्छइ २ अज्ज-
 सुहम्मे थेरे तिकखुत्तो आयाहिणपयाहिणं करेइ २ वंदइ नमंसइ नच्चासन्ने
 नाइदूरे विणएणां पंजलिपुडे पज्जुवासमाणे एवं वयासी—जइ णं भंते ! समणोणां
 भगवया महावीरेणां जाव संपत्तेणां णवमस्स अंगस्स अणुत्तरोववाइयदसाणां
 अयमट्ठे पन्नत्ते, दसमस्स णं अंगस्स पराहावागरणाणां समणोणां जाव संपत्तेणां
 के अट्ठे पन्नत्ते ? जंबू ! दसमस्स अंगस्स समणोणां जाव संपत्तेणां दो
 सुयक्खंधा पराणत्ता—आसवदारा य संवरदारा य, पढमस्स णं भंते !
 सुयक्खंधस्स समणोणां जाव संपत्तेणां कइ अज्जयणा पराणत्ता ?, जंबू !
 पढमस्स णं सुयक्खंधस्स समणोणां जाव संपत्तेणां पंच अज्जयणा पराणत्ता,
 दोच्चस्स णं भंते ! ? एवं चेव, एणसि णं भंते ! अराहयसंवराणां समणोणां
 जाव संपत्तेणां के अट्ठे पराणत्ते ?, तते णं अज्जसुहम्मे थेरे जंबूनामेणां
 अणगारेणां एवं वुत्ते समाणे जंबू अणगारं एवं वयासी—)

जंबू ! इणमो । अराहय-संवर-विणिच्छियं पवयणस्स निस्संदं । वोच्छामि
 णिच्छयत्थं सुहासियत्थं महेसीहिं ॥ १ ॥ पंचविहो पराणत्तो जिणोहिं इह
 अराहओ अणादीओ । हिंसा मोसमदत्तं अबंभ-परिग्गहं चेव ॥ २ ॥ जारिसओ
 जं नामा जह य कओ जारिसं फलं देति । जेवि य करेति पावा पाणवहं तं
 निसामेह ॥ ३ ॥ पाणवहो नाम एस णिच्चं जिणोहिं भणिओ—पावो १ चराडो
 २ रुदो ३ खुदो ४ साहसिओ ५ अणारिओ ६ णिग्घिणो ७ णिस्संसो ८
 महब्भओ ९ पइभओ १० अतिभओ ११ बीहणओ १२ तासणओ १३
 अणज्जो १४ उव्वेयणओ य १५ णिरवयक्खो १६ णिद्धम्मो १७
 णिप्पिवासो १८ णिक्कलुणो १९ निरयवासगमणनिधणो २० मोहमहब्भय-
 पयट्ट(ड)ओ २१ मरणावेमणस्सो २२, पढमं अहम्मदारं ॥ सूत्रं १ ॥ तस्स य
 नामाणि इमाणि गोरणाणि होंति तीसं, तंजहा—पाणवहं १ उम्मूलणा

सरीरात्रो २ अवीसंभो ३ हिंसविहिंसा ४ तहा अकिच्चं च ५ घायणा ६
 मारणा य ७ वहणा ८ उद्वहणा ९ निवायणा य १० आरंभसमारंभो ११
 आउय-कम्मस्सुवहवो भेयणिट्टवणा-गालणा य संवट्टगसंखेवो १२ मच्चू १३
 असंजमो १४ कडगमहणां १५ वोरमाणं १६ परभवसंकामकारत्रो १७
 दुग्गतिप्पवात्रो १८ पावकोवो य १९ पावलोभो २० छविच्छेत्रो(य-करो)
 २१ जीवियंतकरणो २२ भयंकरो २३ अण्णकरो य २४ वज्जो(सावज्जो)
 २५ परित्तावणाअग्रहत्रो २६ विणासो २७ निज्जवणा २८ लुंप्पणा २९
 गुणाणां विराहणत्ति ३० विय तस्स एवमादीणि णामधेजाणि होंति तीसं
 पाणावहस्स कडुयफलदेसगाइं ॥ सू० २ ॥ तं च पुण्ण करेति केई पावा
 असंजया अवरिया अण्हिय-परिणाम-दुप्पयोगी पाणावहं भयंकरं बहुविहं
 बहुप्पगारं परदुक्खुप्पायणाप्पसत्ता इमेहिं तसथावरेहिं जीवेहिं पडिणिविट्ठा,
 किं ते ? पाठीन-तिमितिमिगिल-अण्णोगभस-विविहजातिमंडुक्क-दुविहकच्छभ-
 ण्णक्क(चक्क)-मगरदुविह(मुसंढ-विविह)गाह-दिलिवेढय-मंडुयसीमागार--पुलक--
 सुंसुमार-बहुप्पगारा जलयरविहाणा कए य एवमादी १ । कुरंग-रुसरह-
 चमर-संवर-उरब्भ-ससय-पसय-गोण-रोहिय-हय-गय-खर-करभ-खग्गी-वानर-
 गवय-विग-सियाल-कोल-मज्जार-कोलसुण्णक-सिरियंदलगा-वत्त-कोकंतिय-
 गोकन्न-मिय-महिस-वियग्घ-छगल-दीविय-साण-तरच्छ-अच्छभल्ल-सदूल-
 सीह-चिल्ल-त्रउप्पयविहाणाकए य एवमादी २ । अयगर-गोणस-वराहि-मउलि-
 काकोदर-दब्भपुप्फ-आसालिय-महोरगौरगविहाणाकए य एवमादी ३ । छीरल-
 सरंब-सेह सेल्लग-गोधा-उंदर-णउल-सरड-जाहग-मुगुंस-खाडहिला--चाउप्पाइया-
 धिरोलिया-सिरीसिव-गणे य एवमादी ४ । कादंबक-बक-बलाका-सारस-
 आडा-सेतीय-कुलल-वंजुल-पारिप्पव-कीरव-सउण-दीविय-पीपीलिय-हंस-धत्त-
 रिट्टग-भास-कुलीकोस-कोंच-दगतुंढ-ढेणियालग-सुचीमुह-कविल-पिंगल-क्खग-
 कारंडग-चक्काग-उक्कोस-गरुल-पिंगुल-सुय-वरहिण-मयणसाल-नंदीमुह-नंदमा-

णग-कोरंग-भिगारग-कोणालग-जीवजीवक-तित्तिर-वट्टग-लावग-कर्पिजलक-
 कवोतक-पारेवग-चटग(चिडिग)--दिक--कुक्कुड--रमसर--मयूरग-चउरग-
 हयपोंडरीय(सालग)करल(करक)-वीरल्ल-सेण-वायस-विहंग-भेणासिअ-चास-
 वग्गुलि-चम्मट्टिल-विततपक्खी (समुग्गपक्खी)-खहयर-विहाणाकए य एवमादी
 ५ । जलथलखगचारिणो उ पंचिदिए पसुगणे वियतिपचउरिदिए विविहे
 जीवे पियजीविए मरणादुक्खपडिकूले वराए हयांति बहुसंकिलिट्टकम्मा ६ ।
 इमेहिं विविहेहिं कारणोहिं, किं ते ? चम्म-वसा-मंस-मेय-सोणिय-जग-फिफिस-
 मत्थुलुंग-हिययंतपित्त-फोफस-दंतट्टा अट्टिमिज-नह-नयण-कराणाराहारुणि-नक-
 धमणि-सिंग दाहि-पिच्छ-विस-विसाणवालहेउं हिंसंति य भमरमधुकरिगणे
 रसेसु गिद्धां तहेव, तेइदिए सरीरोवकरणाट्टयाए किवणे बेइदिए बहवे वत्थो-
 हरपरिमंडणाट्टा, अरणोहि य एवमाइएहिं बहूहिं कारणसएहिं अबुहा इह
 हिंसंति ७ । तसे पाणे इमे य एगिदिए बहवे वराए तसे य अरणो तद-
 स्सिए चेव तणुसरीरे समारंभंति । अत्ताणे, असरणो अणाहे, अवंधवे,
 कम्मनिगडबद्धे, अकुसलपरिणाम-मंदबुद्धिजणादुब्बि-जाणए पुढविमये पुढवि-
 संसिए, जलमए, जलगए, अणालाणिल-तणावणास्सइ-गणानिस्सिए य तम्मयत-
 जिए चेव तदाहारे तप्परिणय-वराणगंध-रसफास(फरिस)बोंदिरूवे अचक्खुसे
 य चक्खुसे य तसकाइए असंखे थावरकाइए य सुहुम-वायर-पत्तेय-
 सरीरनामसाधारणे अणांते हयांति अविजाणाओ य परिजाणाओ य जीवे
 इमेहिं विविहेहिं कारणोहिं, किं ते ? ८ । करिसण पोक्खरणी-वावि-वप्पिणि-
 कूव-सर-तलाग-चित्ति-चेतिय-खाइय-आराम-विहार-थूम-पागार-दार-गोउर-अट्टा-
 लग-चरिया-सेउ-संकम-पासाय-विकप्प-भवणा-घर-सरणा-लयणा-आवणा-चेइय-
 देवकुल-चित्तसमा-पवा-आयतणा-वसह-भूमिघर-मंडवाण य कए भायणा-भंडोव-
 गणास्स य विविहस्स य अट्टाए पुढविं हिंसंति मंदबुद्धिया ९ । जलं च
 मज्जाणय-पाण-भोयण-वत्थधोवण-सोयमादिएहिं १० । पयण-पयावण-जलावण-

विदंसरोहिं अगणिं ११ । सुप्-वियण तालयंट-(परिथुनक)-हुणमुह-करयल-
सागपत्त-वत्यएवमादिएहिं अणिलं १२ । अगार-परिया[डिया]र-भक्ख-भोयण-
सयणासण-फलक-मुसल-उखल-तत-विततातोञ्ज-वहणवाहणमंडव-विविहभवण-
तोरण-विटंग-देवकुल-जालय-द्धचंद-निज्जुहग-चंदसालिय-वेतिय-णिस्सेणि-
दोणि-चंगेरी-खील-मेढक-सभा-पवा-वसह-गंध-मल्लाणुलेवणांवर-जुय-नंगल-
मेइय-कुलिय-संइण-सीया-रह-सगड-जाणजोग्ग-अट्टालग-चरिअ-दार-गोपुर-
फलिहा-जंत-सूलिया-लउड-मुसुंढि-सयग्घि-बहुपहरणा-वरणुवक्खराण-कए,
अगणोहि य एवमाइएहिं बहुहिं कारणासएहिं हिंसन्ति ते तरुगणा भणिता
भणिए य एवमादी १३ । सत्ते सत्तपरिवज्जिया उवहणान्ति दढमूढा दारुणमती कोहा
माणा माया लोभा हासा रती अरती सोय वेदत्थ-जीयधम्मत्थकामहेउ सवसा
अवसा अट्टा अणट्टा एय तसपाणे थावरे य हिंसन्ति १४ । मंदबुद्धीया
सवसा हणांति, अवसा हणांति, सवसा अवसा दुहत्थो हणांति, अट्टा हणांति
अणट्टा हणांति, अट्टा अणट्टा दुहत्थो हणांति, हस्सा हणांति, वेरा हणांति,
रती य हणांति, हस्सावेरारती य हणांति, कुद्धा हणांति, लुद्धा हणांति, मुद्धा
हणांति, कुद्धा लुद्धा मुद्धा हणांति, अत्था हणांति, धम्मा हणांति, कामा
हणांति अत्था धम्मा कामा हणांति १५ ॥ सू० ३ ॥ कयरे ते ?, जे ते
सोयरिया मच्छबंधा साउणिया वाहा कूरकम्मा(वाउरिया) दीवित-बंधणप्पओग-
त्पगलजाल-वीरल्लगायसीदम्भ-वग्गुरा-कूडल्लियाहत्था(दीविया) हरिएसा
कुणिया (साउणिया) य वीदंसगपासहत्था वणचरगा लुद्धगामहुघाया पोतघाया
एणीयारा पणियायारा सर-दह-दीहिअ-तलाग-पल्ल-परिगालण-मलण-सोत्तबंध-
ण-सलिलासयसोसगा विसगरस्स य दायगा उत्ताणवल्लर-दवग्गिणिइय-पलीव-
का कूरकम्मकारी इमे य बहवे मिलक्खुया. के ते ?, १ । सक-जवण-सवर-बब्बर-
काय-मुरुं डोदभडग-तित्थिय-पक्कणिय-कुलक्ख-गोड-सींहल-पारस-कोचंध-दविल-
विल्ल-पुल्लिंद-अरोस-डोंब-पोक्कण-गंधहारग-बहलीय-जल्ल-रोम-मास-बउस-

मलया चुं चुया य चूलिया य कोंकणागा-(कणाग-सेय)-मेत-पराहव-मालव-महुर-
 आभासिय-अणक्ख-चीण-लासिय-खस-खासिया नेट्टुर-मरहट्ट(मुट्ट)-मुट्टिय-
 आरव-डोबिलग-कुहण-केकय-हूण-रोमग-रू-मरुया चिलायविसयवासी य
 पावमतिणो, जलयर-थलयर-सणफ्तोरग-खहचर-संडासतोड-जीवोवग्घाय-
 जीवी सराणी य असणिणो पज्जत्ता असुभलेस्सपरिणामे एते अरणो य
 एवमादी करेति पाणाइवायकरणां, पावा पावाभिगमा पावरुई (पावमइ)
 पाणवहकयरती पाणवहरूवाणुट्टाणा पाणवहकहासु अभिरमंता तुट्टा
 पावं करेत्तु होति य बहुप्पगारं २ । तस्स य पावस्स फलविवागं
 अयाणमाणा वडदंति महब्भयं अविस्सामवेयणां दीहकाल-बहुदुक्खसंकडं
 नरयतिरिक्खजोणिं, इयो आउक्खए चुया असुभकम्मबहुला उववज्जंति
 नरएसु हूलियं महालएसु ३ । वयरामय-कुडु-रू-निस्संधि-दारविरहिय-
 निम्महव-भूमितल-खरामरिस-विसम-णिरयघरचारएसुं महोसिण-सयापतत्त-
 दुग्गंध-विस्स-उव्वेयजाण्णेषु बीभच्छदरिसणिज्जेसु य निच्चं हिमपडलसीयलेसु
 कालोभासेसु य भीमगंभीरलोमहरिसणोसु णिरभिरामेसु निप्पडियार-वाहिरो-
 गजरापीलिएसु अतीव निच्चंधयार-तिमिस्सेसु पतिभएसु ववगयगह-वंद-सूर-
 णक्खत्त-जोइसेसु मेय-वसा-मंसपडल-पोच्चड-पूय-रुहिरुक्किराण-विलीण-चिक्का-
 रसियावावराण-कुहिय-चिक्खल्लकइमेसु कुकूलानल-पलित्तजालमुम्मुर-असिक्खुर-
 करवत्तधारासु निसियविच्छुय-डंकनिवातोवम-फरिसअतिदुस्सहेसु य अत्ताणा
 असरणा कडुयदुक्ख-परितावणोसु अणुवद्ध-निरंतरवेयणोसु जमपुरिससंकुलेसु
 ४ । तत्थ य अन्तोमुहुत्तलद्धि-भवपच्चणां निव्वत्तेति उ ते सरीरं हुंडं बीभच्छ-
 दरिसणिज्जं बीहणगं अट्टिराहारुणाह-रोमवज्जियं असुभगन्ध-दुक्खविसहं
 (असुभगं दुक्खविसहं), तत्तो य पज्जत्तिमुवगया इंदिएहिं पंचहिं वेदेति वेदणां
 असुहाए वेयणाए उज्जल-बलवि(ति)उल-उक्कड(कक्खड)-खरफरुसपर्यंड-घोर-
 बीहणगदारुणाए, किं ते? ५ । कंदुमहाकुंभिए-पयण-पउलण-तवग-तलण-भट्टभ-

जगणाणि य लोहकडाहुकडदगाणि य कोट्ट(ट्टा)बलिकरण-कोट्टणाणि य
सामलि-तिक्खग्ग-लोहकंटक-अभिसरणा-पसारणाणि फालणा-विदारणाणि य
अवकोडक-बंधणाणि लट्टिसयतालणाणि य गलगवलुल्लंबणाणि सूलग्ग-
भेयणाणि य आएसपवंचणाणि खिसणाविमाणणाणि विद्युट्टपणिज्जणाणि
वज्जभसयमातिकाति य ६ । एवं ते पुब्बकम्मकय-संचओवतत्ता निरयग्गिमहग्गि-
संपलित्ता गाढदुक्खं महब्भयं कक्कसं असायं सारीरं मानसं च तिब्बं
दुविहं वेदेंति वेयसां पावकम्मकारी । बहूणि पलिओवमसागरोवमाणि कलुरां
पालेन्ति ते अहाउयं जमकातियतासिया य सहं करेंति भीया, किं ते ? ७ ।
अविभाय सामि भाय बप्प ताय जितवं मुय मे मरामि दुब्बलो वाहिपीलि-
ओऽहं किं दाणिऽसि ? एवं दास्साओ णिहओ य मा देहि मे पहारे उस्सासेतं
(एयं) मुहुत्तगं मे देहि, पसायं करेह, मा रूस, वीसमामि गेविज्जं मुयह मे,
मरामि, गाढं तराहाइओ अहं, देहि पाणीयं ८ । हंता तं पि य इमं जलं विमलं
सीयलंति धेत्तूण य नरयपाला तवियं तउयं से दिंति कलसेण अंजलीसु
दट्टूण य तं पवेवियंगोवंगा अंसुपगलंतपप्पुतच्छा छिराणा तराहाइयम्ह
कलुणाणि जंपमाणा विप्पेक्खन्ता दिसोदिसिं अत्ताणा असरणा अणाहा
अबंधवा बंधुविप्पहीणा विपलायंति य मियविव वेगेण भओव्विग्गा, धेत्तूण
बला पलायमाणां निरणुकंपा मुहं विहाडेत्तुं लोहदंडेहिं कलकलं राहं
वयसांसि छुभंति केइ जमकाइया हसंता ९ । तेण दट्टा संतो रसंति य
भीमाइं विस्सराइं रुवंति य कलुणागाइं पारेवयगा इव एवं पलवित-विलाव-कलु-
णाकंदिय-बहुरुन्नरुदियसहो परिदेवि(वेपि)य-रुद्धबद्धय-नारकारवसंकुलो णीसिट्टो
१० । रसिय-भणिय-कुविय-उक्कूइय-निरयपालतज्जियं गेराह क्कम पहर
छिंद भिंद उप्पाडेहुक्खणाहि कत्ताहि विकत्ताहि य भुज्जो हण विहण
विच्छुभोच्छुब्भ आकड्ड विकड्ड किं ण जंपसि ? सराहि पावकम्माइं दुक्कयाइं, एवं
वयणमहप्पगब्भो पडिसुयासहसंकुलो तासओ (वीहणओ तासणओ पइभओ

अइभयो) सया निरयगोयराण महाणगर-डज्भमाणसरिसो निग्घोसो सुच्चण,
अणिद्धो तहियं नेरइयारां जाइज्जंतारां जायणाहिं ११ । किं ते ?
असिवण-दब्भवाण-जंतपत्थर-सूइतल-क्खारवावि-कलकलंतवेयरणि-कलंबवा-
लुया-जलिय-गुहनिहंभाणं उमिणोसिण-कंटइल्ल-दुग्गमरहजोयण-तत्तलोह
पह(मग्ग)गमण-वाहणाणि इमेहिं विविहेहिं आयुहेहिं १२ । किं ते ? मुग्गर-
मुसुंढि-करकय-सत्ति-हल-गय-मुसल-चक्क-कुंत-तोमर-सूल-लउल-भिडिमाल-
ससद्धल-पट्टिस-चम्मेट्ट-दुहण-मुट्टिय-असिखेडग-खग्ग-चाव-नाराय-कणाक-
कप्पणि-वासि-परसु-टंकतिक्व-निम्मल-अराणोहि य एवमादिएहिं असुभेहिं
वेउब्बिण्हिं पहरणसतेहिं अणुबद्धतिव्वेरा परोप्परं वेयणं उदीरंति
अभिहणांता १३ । तत्थ य मोग्गर-पहारचुरिणाय-मुसुंढिसंभग्गमहितदेहा
जंतोवपीलण-फुरंतकप्पिया के इत्थ सचम्मका विगत्ता णिम्मूलुल्लूणाय-कराणो-
ट्टणासिका छिण्हत्थपादा, असि-करकय-तिक्वकोंत-परसुप्पहार-फालियवासी-
संतच्छित्तंगमंगा कलकलमाण-खारपरिसित्त-गाढडज्भंतगत्ता कुंतग्ग-भिराण-
जज्जरियसव्वदेहा विलोलंति महीतले विसूणियंगमंगा(निग्गयग्गजीहा)
१४ । तत्थ य विग-सुण्ण-सियाल-काक-मजार-सरभ-दीविय-वियग्घ-सदूल-
सीहदप्पिय-खुहाभिभूतेहिं णिच्चकालमाणसिएहिं घोरा रसमाणभीमरूवेहिं
अकमित्ता दढदाढा-गाढडक्क-कड्डिय-सुतिक्व-नह-फालियउद्धदेहा विच्छिप्पंते
समंतओ विमुक्कसंधिवंधणावियंगमंगा कंक-कुरर-गिद्ध-घोरकट्टवायसगणोहि य
पुणो खरथिर-ददणक्ख-लोहतुं डेहिं ओववित्ता पक्खा-हय-तिक्व-णवखविकिन्न-
जिब्भंझिय नयणानिह आलुग्ग-विगतवयणा(गत्ता), उक्कोसंता य उप्पयंता निप-
तंता भमंता, पुव्वकम्मादयोवगता पच्छाणुसएण डज्भमाणा णिदंता १५ ।
पुरेकडाइं कम्माइं पवगाइं तहिं तहिं तारिसाणि ओसएण-चिक्कणाइं
दुक्खातिं अनुभवित्ता ततो य आउक्खएणां उव्वट्टिया ममाणा बहवे
गच्छंति, तिरियवसहिं दुक्खुत्तारं सुदारुणां जम्माणरण-जरावाहि-परियट्ट-

णारहृङ्, जल-थल-खहचर-परोप्पर-विहिंसणपवंचं, इमं च जगपागडं वरागा
दुम्बं पावेन्ति दीहकालं, किं ते ? १६ । सीउरह-तरहा-खुह-वेयण-अप्पई-
कार-अडविजम्मण-णिव्वभउविग्गवास-जग्गण-वह-बंधण-ताडणंकण-
निवाण-अट्टिभंजण-नासाभेय-प्पहारदूमण-अविच्छेयण-अभियोगपावण-
कसंकुसारनिवाय-दमणाणि वाहणाणि य १७ । मायापितिविप्पयोग-सोयपरि-
पीलणाणि य, सत्थग्गिविसाभिघाय-गलगवलावलण-मारणाणि य, गलजालु-
च्छिप्पणाणि य, पउलण-विकप्पणाणि य, जावज्जीविगबंधणाणि य, पंजर-
निरोहणाणि य, सयूहनिद्धाडणाणि य, धमणाणि य, दोहणाणि य, कुदंड-
गलबंधणाणि य, वाडगपरिवारणाणि य, पंकजलनिमज्जणाणि य, वारिप्प-
वेसणाणि य-ओवाय-णिभंगविसम-णिवडण-दवग्गिजालदहणाइं याइं य, १८ ।
एवं ते दुक्खसयसंपलित्ता नरगाओ आगया इहं सावसेसकम्मा तिरिक्ख-
पंचेंदिएसु पाविति पावकारी कम्माणि, पमाय-राग-दोस-बहुसंचियाइं अतीव
अस्सायककसाइं १९ । तहेव चउरिंदिएसु भमर-मसग-मच्छिमाइएसु य जाइकुल-
कोडिसयसहस्सेहिं नवहिं चउरिंदियाण तहिं तहिं चेव जम्मणामरणाणि
अणुहवंता कालं संखिज्जं भमंति नेरइयसमाण-तिव्वदुक्खा फरिस-रसणघाण-
चक्खुसहिया २० । तहेव तेइंदिएसु कूथु-पिप्पीलिया-अवधिकादिकेसु य
जातिकुलकोडिसयसहस्सेहिं अट्टहिं अणुणगेहिं तेइंदियाण तहिं तहिं चेव
जम्ममरणाणि अणुहवंता कालं संखेज्जं भमंति नेरइयसमाणतिव्वदुक्खा
फरिसरसणघाणसंपउत्ता २१ । तहेव बेइंदिएसु गंडूलय-जलूय-किमिय-चंदणग-
मादिएसु य जातीकुलकोडिसयसहस्सेहिं सत्तहिं अणुणएहिं बेइंदियाण तहिं
तहिं चेव जम्मणामरणाणि अणुहवंता कालं संखिज्जं भमंति नेरइयसमाण-
तिव्वदुक्खा फरिसरसणसंपउत्ता २२ । पत्ता एगिंदियत्तांपि य पुढवि-जल-
जलण-मारुय-वणफति सुहुमवायरं च पज्जत्तमपज्जतं पत्तेयसरीर-णामसाहारणं
च पत्तेयसरीरजीविएसु य तत्थवि कालमसंखेज्जं भमंति अणंतकालं च

अण्तांकाए, फासिंदियभावसंपउत्ता दुक्खसमुदयं इभं अणिट्टं पावंति पुणो
 पुणो तहिं तहिं चैव परभव-तरुगणागहणो २३ । कोदाल-कुलिय-दालणा-
 सलिल-मलणा-खुंभणा-रुंभणा-अणालाणिल-विविहसत्थघट्टणा-परोप्पराभिहणाणा-
 मारणा-विराहणाणि य अकामकाइ परप्पओगोदीरणाहि य कज्जपओयणोहि
 य पेसपसुनिमित्त-ओसहाहारमाइएहिं उक्खणाणा-उक्कथणा-पयणा-कोट्टणा-पीसणा-
 पिट्टणा-भज्जणा-गालणा-आमोडणा-सडणा-फुडणा-भंजणा-छेयणा-तच्छणा-विलुंचणा-
 पत्तज्जोडणा-अग्गिदहणाइ याति, २४ । एवं ते भवपरंपरा-दुक्ख-समणुवद्धा अडंति
 संसारवीहणाकरे जीवा पाणाइवायनिरया अण्तांकालं जे विय इह माणुसत्तणां
 आगया कहिं वि नरणा उव्वट्टिया अधन्ना तेवि य दीसंति पायसो विकय-
 विगलरूवा खुज्जा वडभा य वामणा य बहिरा काणा कुंटा पंगुला विगला य
 मूका य मंमणा य अंधिल्लगा एगचक्खु विणिहयसच्चिल्लया(सपिसल्लया) वाहि-
 रोगपीलिय-अप्पाउय-सत्थवज्ज्जवाला कुलक्खणाकिन्नदेहा दुव्वल-कुसंधयणा-
 कुप्पमाणा-कुसंठिया कुरूवा किविणा य हीणा हीणासत्ता निच्चंसोक्खपरि-
 वज्जिया असुहदुक्खभागी णारणाओ इहं सावसेसकम्मा उवट्टा समाणा २५ ।
 एवं णारणं तिरिक्खजोणिं कुमाणासत्तं च हिंडमाणा पावंति अण्तांताइं दुक्खाइं
 पावकारी एसो सो पाणावहस्स फलविवागो इहलोइओ पारलोइओ अप्पसुहो
 बहुदुक्खो महब्भयो बहुरयप्पगाढो दारुणो कक्कसो असाओ वाससहस्सेहिं
 मुच्चती, न य अवेदयित्ता अत्थि हु मोक्खोत्ति २६ । एवमाहंसु, नायकुल-
 नंदणा महप्पा जिणा उ वीरवरनामधेज्जो कहइ पाणावहणास्स फलविवागं,
 एसो सो पाणावहो चंडो रुदो खुदो अणारिओ निग्घिणो निसंसो महब्भओ
 वीहणाओ तासओ अणज्जो उव्वेयणाओ य णिरवयक्खो निद्धम्मो निप्पिवासो
 निकलुणो निरयवास-गमणानिधणो मोहमहब्भय-पवड्डओ मरणवेमणासो, पढमं
 अहम्मदारं समत्तं ति वेमि २७ ॥ १ ॥ सू० ४ ॥

॥२॥ अथ मृषावादकर्म्मश्रवाख्यं द्वितीयमध्ययनम् ॥

इह खलु जंबू ! वितियं च अलियवयणं लहुसग-लहुचवलभणियं, भयकरं, दुहकरं, अयसकरं, वेरकरं, अरति-रति-राग-दोस-मणसंकिलेसवियरणं अलियं नियडिसातिजोयबहुलं, नीयजणनिसेवियं निस्संसं, अप्पच्चयकारकं, परमसाहु-गरहणिज्जं, परपीलाकारं परमकिाहलेस्ससहियं, दुग्गइविणिवायविवड्डणं, भयपुण्णभवकरं चिरपरिवियमणुगतं, दुरन्तं, कित्तियं, वितियं अधम्मदारं ॥ सू० ५ ॥ तस्स य णामाणि गोराणाणि होति तीसं, तंजहा-अलियं १ सटं २ अणज्जं ३ मायामोसो ४ असंतकं ५ कूडकवडमवत्थुगं च ६ निरत्थयवमत्थयं च ७ विद्देसगरहणिज्जं ८ अणुज्जुकं ९ कक्कणा य १० वंचणा य ११ मिच्छापच्छाकडं च १२ साती उ १३ उच्छन्नं [उच्छूत्तं] १४ उक्कूलं च १५ अट्टं १६ अब्भक्खाणं च १७ किब्बिसं १८ वलयं १९ गहणं च २० मम्मणं च २१ नूमं २२ निययी २३ अप्पच्चओ २४ असमओ २५ असच्चसंधत्तणं २६ विवक्खो २७ अवहीयं (आणाइयं) २८ उवहिअसुद्धं २९ अवलोवोत्ति ३०, विइयस्स इमाणि एवमाइयाणि एयाणि नामधेजाणि होति तीसं सावज्जस्स अलियस्स वयजोगस्स अणोगाइं ॥ सू० ६ ॥ तं च पुण वदंति केइ अलियं पावा असंजया, अविरया, कवड-कुडिल कडुयचडुलभावा, कुद्धा, लुद्धा, भयाय हस्सट्टिया(हासट्टा) य, सक्खी, चोरा, चारभडा, खंडरक्खा, जियजूइकरा य गहियगहणा, कक्कुरगकारगा, कुलिगी, उवहिया वाणियगा य, कूडतुलकूडमाणी, कुडकाहावणोवजीविया, पडगारका कलाया कारुइजा वंचणपरा, चारियचाट्टयार-नगरगोत्तिय-परियारगा दुट्टवायि-सूयक-अणवल-भणिया य पुव्वकालिय-वयणदच्छा, साहसिका, लहुस्सगा, असच्चा, गारविया, असच्चट्टावणाहिचित्ता, उच्चच्छंदा, अणिग्गहा, अणियता, छंदेण मुक्खाया भवंति, अलियाहिं जे अविरया, १ । अवरं नत्थिक्खाइणो वामलोकवादी भणंति [सुणंति] नत्थि जीवो न जाइ इह

परे वा लोए न य किंचिवि फुसति पुन्नपावं, नत्थि फलं सुकयदुक्कयाणां, पंचमहाभूतियं सरीरं भासंति हे ! वातजोगजुतं २ । पंच य खंधे भाणंति केई, मणां च मणजीविका वदंति, वाउजीवोत्ति एवमाहंसु, सरीरं सादियं सनिधणां इह भवे एगे भवे तस्स विप्पणासंमि सब्वनासोत्ति, एवं जंपंति मुसावादी, तम्हा दाणावयपोसहाणां तवसंजम-बंधे-कल्लाणमाइयाणां नत्थि फलं, नवि य पाणावहे अलियवयणां न चेव चोरिककरणा-परदारसेवणां वा सपरिग्गहपावकरणांपि नत्थि किंचि न नेरइयतिरियमणुयाणा जोणी, न देवलोको वा अत्थि, न य अत्थि सिद्धिगमणां, अम्मापियरो नत्थि, नवि अत्थि पुरिसकारो, पच्चक्खाणामवि नत्थि, नवि अत्थि कालमच्चु य ३ । अरिहंता चक्कवट्टी बलदेवा वासुदेवा नत्थि, नेवत्थि केइ रिसत्थो, धम्माधम्म-फलं च नवि अत्थि किंचि बहुयं च थोवगं वा, तम्हा एवं विजाणिऊणा जहा सुबहु इंदियाणुकूलेसु सब्वविसएसु वट्टह, णत्थि काइ किरिया वा अकिरिया वा एवं भाणंति नत्थिकवादिणो वामलोगवादी, ४ । इमंपि वितीयं कुदंसणां असब्भाववाइणो पराणवेति मूढा-संभूतो अंडकात्थो लोगो सयंभुणा सयं च निम्मित्थो, ५ । एवं एयं अलियं पर्यंपंति पयावइणा इस्सरेण य कयंति केति, एवं विगहुकयं भूयाणा सपंचनिमिणो कसिणामेव य जगं केई, एवमेके वदंति मोसं, एगो आया अकारको अवेदको य सुक-यस्स य दुक्कयस्स य करणाणि कारणाणि सब्वहा सब्वहिं च निच्चो य निक्कित्थो निग्गुणो य, अणुव(अन्नो अ)लेवत्थो त्ति विय एवमाहंसु असब्भावं, जंपि इहं किंचि जीवलोके दीसइ सुकयं वा दुकयं वा एवं जदिच्छाए वा सहावेण वावि दइवतप्पभावत्थो वावि भवति, नत्थेत्थं(नत्थि) किंचि कयकं(कयं) तत्तं लक्खणाविहाणनियतीए कारियं, एवं केइ जंपंति ६ । इट्ठिरससायगारवपरा, बहवे धम्मकरणात्तसा परूवेति धम्मवीमंसएण मोसं ७ । अवरं अहम्मत्थो रायदुट्टं अब्भक्खाणां भाणंति-अलियं चोरोत्ति

अचोरयं करेतं डामरिउत्तिवि य एमेव उदासीणं दुस्सीलोत्ति य परदारं गच्छतित्ति मइलित्ति सीलकलियं अयंपि गुरुत्पत्त्रो, अरणो एमेव भणंति उवाहणंता मित्तकलत्ताइं सेवंति अयंपि लुत्तधम्मो, इमोवि विस्संभवाइत्त्रो पावकम्मकारी अगम्मगामी अयं दुरप्पा बहुएसु य पापगेसु जुत्तोत्ति एवं जंपंति मच्छरी, महके वा गुणकित्ति-नेहपरलोग-निप्पिवासा = । एवं ते अलियवयणादच्छा परदोसुप्पायणाप्पसत्ता वेढेन्ति, अस्वातियवीएणा अप्पाणं कम्मबंधणोण, मुहरी असमिक्खियप्पलावा निक्खेवे अवहरंति, परस्स अत्थंमि गढियगिद्धा अभिजुंजंति य परं असंतएहिं लुद्धा य करेति कूडस-क्खित्तणं, असत्ता अत्थालियं च कन्नालियं च भोमालियं च तह गवालियं च गल्यं भणंति अहरगतिगमाणं, ६ । अन्नंपि य जातिरूक्कलसीलपच्चयं मायाणिगुणं, चवलपिसुणं, परमट्टुभेदकमसकं, विद्देसमणात्थकारकं, पावकम्म-मूलं, दुदिट्ठं, दुस्सुयं, अमुणियं, निल्लज्जं, लोकगरहणिज्जं, वहबंधपरि-किलेसवहुलं, जरामरणदुक्खसोयनिम्मं, असुद्धपरिणामसंकिलिट्ठं भणंति, अलिया हिंसंति संनिविट्ठा असंतगुणुदीरका य संतगुणनासका य हिंसाभू-तोवघातितं अलियसंपउत्ता वयणं सावज्जमकुसलं साहुगरहणिज्जं अधम्म-जणाणं भणंति अणाभिगयपुन्नपावा, पुणोवि अधिकरणाकिरियापवत्तका बहुविहं अणात्थं अवमहं अप्पाणो परस्स य करेति, एमेव जंपमाणा १० । महिससूकरे य साहिति घायगाणं, ससयपसयरोहिए य साहिति वागुराणं, तित्तिरवट्ट-कलावके व कविंजल-कवोयके य साहिति साउणीणं, भसमगर-कच्छभे य साहिति मच्छियाणं, संखंके खुल्लए य साहिति मगराणं- (मग्गिणं), अयगर-गोणासमंडलिदब्बीकरे मउली य साहिति बालवीणं, गोहा सेहग सल्लगसरडके य साहिति लुद्धगाणं, गयकुलवानरकुले य साहिति पासियाणं, सुक-बरहिया-मयणा-सालकोइल-हंसकुले सारसे य साहिति पोसगाणं, वधबंधजायणं च साहिति गोम्मियाणं धणाधन्नवेलए य

साहिति तकराणां, गामागरनगरपट्टणे य साहिति चारियाणां, पारघाइय-
 पंथयातियाओ साहंति य गंठिभेयाणां, कयं च चोरियं नगरगोत्तियाणां ११ ।
 लंछणा-निलंछणा-धमणा-दुहणा-पोसणा-वणाणा-दवणा-वाहणादियाइं साहिति
 बहूणि गोमियाणां धातुमणिसिल-प्पवाल-रयणागरे य साहिति आगरीणां
 पुप्फविहिं फलविहिं च साहिति मालियाणां, अग्गमहुकोसए य साहिति
 वणाचराणां १२ । जंताइं विसाइं मूलकम्मं ओहेव(हिब्ब)णा(आविंधणा)
 आभिओग-मंतोसहिप्पओगे चोरियपरदारगमणा-बहुपावकम्मकरणां उक्खंधे
 गामघातियाओ वणादहणा-तलागभेयणाणि बुद्धिविसविणासणाणि वसीकरणा-
 मादियाइं भयमरणा-किलेसदोस-जणाणाणि भावबहुसंकिलिट्ट-मलिणाणि
 भूतघातोवघातियाइं सच्चाइंपि ताइं हिंसकाइं वयणाइं उदाहरंति,
 पुट्टा वा अपुट्टा वा परतत्तियवावडा य असमिक्खियभासिणो १३ ।
 उवदिसंति सहसा उट्टा, गोणा, गवया दमंतु परिणायवया, अस्सा
 हत्थी गवेलगकुक्कुडा य किज्जंतु, किणावेध य विक्केह पयह य सयणास्स
 देह पियय(खादत पिबत दत्त य) दासिदासभयकभाइलका, य सिस्सा य,
 पेसकजणो, कम्मकरा य, किंकरा य, एए सयणापरिजणो य कीस अच्छंति,
 भारिया भे करित्तु कम्मं गहणाइं वणाइं खेत्तखिलभूमिवल्लराइं (छिन्दा-
 खिलभूमिवल्लराणि) उत्तणघणासंकडाइं डज्जंतु सुडिज्जंतु य स्वखा
 भिज्जंतु जंतभंडाइयस्स उवहिस्स कारणाए बहुविहस्स य अट्टाए उच्छु
 दुज्जंतु पीलिज्जंतु य तिला, पयावेह य इट्टकाउ, मम घरट्टयाए खेत्ताइं
 कसह कसावेह य, लहुं गाम-आगर-नगर-खेडकब्बडे निवेसेह अडवीदेसेसु
 विपुलसीमे, पुप्फाणि य फलाणि य कंदमूलाइं कालपत्ताइं गेराहेह, करेह
 संचयं परिजणाट्टयाए, साली कीही जवा य लुच्चंतु मलिज्जंतु उप्पणिज्जंतु
 य लहुं च पविसंतु य कोट्टागारं, अप्पमहउक्कोसगा य हंमंतु, पोयसत्था
 सेणा णिज्जाउ, जाउ डमरं, घोरा वट्टंतु च संगामा, पवहंतु य सगडवाहणाइं,

उवणायणं चोलगं विवाहो जत्रो अमुगम्मि उ होउ दिवसेसु करणोसु
 मुहत्तेसु नक्खत्तेसु तिहिसु य १४ । अज्ज होउ रहवणं मुदितं बहुखज्जपिज्ज-
 कलियं कोतुकं विण्णवणकं, संतिकम्माणि कुण्ह, ससिरवि-गहोवराग-विसमेसु
 सज्जापरियणस्स य नियक्खस्स य जीवियस्स परिरक्खणट्ठयाए पडिसीसकाइं
 च देह दह य सीसोवहारे विविहोसहि-मज्जमंस-भक्खन्नपाण-मल्लाणुलेवण-पईव-
 जलिउज्जल-सुगंधिधूवावकार-पुप्फफलसमिद्धे पायच्छित्ते करेह, पाणाइवाय-
 करणोणं बहुविहेरां विवरीउप्पाय-दुस्सुमिण-पावसउण-असोमग्गहचरिय-
 अमंगलनिमित्तपडीघायहेउं वित्तिच्छेयं करेह, मा देह किंचि दाणं, सुट्ठु हत्थो
 (सुट्ठु हत्थो) सुट्ठु छिन्नो भिन्नति उवदिसंता एवंविहं करेति, अलियं मणोण
 वायाए कम्मणा य १५ । अकुसला अणज्जा अलियाणा अलीयधम्मणिरया,
 अलियासु कहासु अभिरमंता, तुट्ठा अलियं करेत्तु होति य बहुप्पयारं
 १६ ॥ सू० ७ ॥ तस्स य अलियस्स फलविवागं, अयाणमाणा वड्ढेति,
 महब्भयं अविस्सामवेयणं दीहकालं बहुदुक्खसंकडं नरयतिरियजोणिं, तेण य
 अलिण्ण समणुवद्धा आइद्धा पुण्णव्वंधकारे भमंति भीमे दुग्गतिवसहि-
 सुवगया, ते य दीसंतिह दुग्गया, दुरंता, परवस्सा अत्थभोगपरिवज्जिया,
 असुहिता, फुडियच्छवि-वीभच्छविवन्ना, खर-फरुस-विरत्तज्जमाज्जुसिरा,
 निच्छाया, लल्लविफलवाया, असकतमसकया, अगंधा, अचेयणा, दुभगा,
 अकंता, काकस्सरा, हीणभिन्नघोसा, विहिंसा, जडबहिरन्धया (जडबहिर-
 मूया) य मम्मणा, अकंत(अकय)विकयकरणा, णीया णीयजणनिसेविणो
 लोगगरहणिज्जा, भिच्चा असरिसज्जास्स पेस्सा, दुम्मेहा, लोकवेदअज्जम्प-
 समयसुतिवज्जिया, नरा धम्मबुद्धिवियला १ । अलिण्ण य तेणं
 पडज्जमाणा य असंतण्ण अवमाण्ण-पिट्ठिमंसाहिवखेव-पिसुण-भेयण-
 गुरुबंधव-सयण-मित्तवक्खारणादियाइं अब्भक्खाणाइं बहुविहाइं पावेति,
 अणुपमाणि (अमणोरमाइं) हियय-मणदूमकाइं जावज्जीवं दुरुद्धराइं अणिट्ठुखर-

फरुसवयणा-तज्जणनिम्बच्छणा-दीणावदणाविमणा कुभोयणा, कुवाससा, कुवस-
हीसु किलिस्संता नेव सुहं नेव निव्वुइं उवलभंति अच्चंतविपुल-दुक्खसयसंप-
लि(उ)त्ता २ । एसो सो अलियवयणास्स फलविवाओ इहलोइओ, परलोइओ,
अप्पसुहो, बहुदुक्खो, महब्भओ, बहुरयप्पगाढो, दारुणो, ककसो, असाओ
वाससहस्सेहिं मुच्चइ, न य अवेदयित्ता अत्थि हु मोक्खोत्ति, एवमाहंसु
नायकुलनंदणो महप्पा जिणो उ वीरवरनामधेज्जो कहेसी य अलियवयणास्स
फलविवागं, एयं तं त्रितीयंपि अलियवयणां लहुसग-लहुववलभणियं,
भयंकरं, दुहकरं, अयसकरं, वेरकरं, अरतिरति-रागदोस-माणसंकलेसवियरणां,
अलिय-णियडिसादि-जोगवहुलं नीयजणनिसेवियं, निसे(स्स)सं, अपच्चयकारकं,
परमसाहुगरहणिज्जं परपीलाकारकं परमकरहलेससहियं, दुग्गतिविनिवाय-
वड्डणां, पुणाब्भवकरं, चिरपरिचियमणागयं, दुरुत्तं त्तिवेमि, ३ । त्रितियं
अधम्मदारं समत्तं ॥ २ ॥ सू० ८ ॥

॥ इति द्वितीयमध्ययनम् ॥ २ ॥

॥३॥ अथ अदत्तादानाश्रवकर्मार्थं तृतीयमध्ययनम् ॥

जंबू ! तइयं च अदत्तादाणां हर-दह-मरण-भय-कलुसतासणा परसंतिग-
ऽभेज्जलोभमूलं, कालविसमसंसियं, अहोऽच्छिन्न-तराहपत्थाणा-पत्थोइमइयं,
अकित्तिकरणां, अणाज्जं, छिद्दमंतर-विधुर-वसणा-मग्गणा-उस्सव-मत्तप्पमत्त-
पसुत्तवंचना-क्खिवणा-धायणा-परा-णिहुयपरिणाम-तकरजणाबहुमयं १ । अकलुणा-
रायपुरिस-रक्खियं, सया साहु-गरहणिज्जं, पियजणा-मित्तजणा-भेदविप्पीतिकारकं,
रागदोसवहुलं पुणो य उप्पूर-(थुर)समर-संगाम-डमर-कलि-कलह-वे(व)हकरणां,
दुग्गइ-विणिवाय-वड्डणां, भव-पुणाब्भव-करं, चिर-परिचित मणागयं दुरंतं
तइयं अधम्मदारं २ ॥ सू० ९ ॥ तस्स य णामाणि गोत्राणि होति तीसं,
तंजहा—चोरिककं १ परहडं २ अदत्तं ३ कूरिकडं (कुसदुयकयं) ४ परलाभो

५ असंजमो ६ परधणामि मेही ७ लोलिककं = तकरत्तणंति य ८ अवहारे
 १० हत्यलद्रुत्तणं ११ पात्रकम्मकरणां १२ तेणिककं १३ हरणविष्णणासो
 १४ आदियणा १५ लुपणा धणाणं १६ अपच्चओ १७ अ(ओ)वीलो १८
 अक्खेवो १९ खेवो २० विक्खेवो २१ कूडया २२ कुलमसी य २३
 कंखा २४ लालप्पणपत्थणा य (आसायणा य) २५ आससणा य वसणां
 २६ इच्छामुच्छा य २७ तराहागेहि २८ नियडिकम्मं २९ अपरच्छंतिवि य
 ३० तस्स एयाणि एवमादीणि नामधेजाणि हांति तीसं अदिनादाणास्स
 पात्र-कलि-कलुसकम्म-बहुलस्स अणोगाइं ॥ सू० १० ॥ तं पुण करेति
 चोरियं तकरा परदव्वहरा, छेया कयकरणा-लद्धलक्खा, साहसिया, लहुस्सगा
 अतिमहित्या, लोभगच्छा, दहरओवीलका य, गेहिया, अहिमरा, अणभंजका
 भग्गसंधिया, रायदुट्टुकारी य विसय-निच्छूढ-लोकवज्झा, उहोहक-गामघायक-
 पुरघायग-पंथघायग-आलीवग-तित्थभेया, लहुहत्थ-संपउत्ता, जुइकरा, खंडरवख-
 त्थीचोर-पुरिसचोर-संधिच्छेया य, गंथिभेदग-परधणाहरण-लोमावहारा अवस्सेवी
 (परधणालोमावहार-अक्खेव-) हडकारका, निम्मइग-गूढचोरक-गोचोरग-अससचो-
 रग-दामिचोराय, एकचोरा, ओकडुक-संपदायक-उच्छिपक-सत्थघायक-बिलचोरी-
 (कोली)-कारका य, निग्गाह-विष्णुलुपणा, बहुविह-तेणिक(तहव)हरणबुद्धी,
 एते अन्ने य एवमादी परस्स दव्वाहि जे अविरया १ । विपुल-बलपरिग्गहा
 य बहवे रायाणो परधणामि गिद्धा, सए व दव्वे असंतुट्टा परविसए
 अहिहणांति ते लुद्धा, परधणास्स कज्जे चउरंग-विभत्त(समत्त)बलसमग्गा,
 निच्छिय-वरजोइ-जुद्ध-सद्धिय-अहमहमिति-दप्पिएहिं सेन्नेहिं संपरिवुडा,
 पउम-सगड-सूइ-वक-सागर-गरुल-वूहातिएहिं अणिएहिं उत्थरंता, अभिभूय
 हरंति परधणाइं २ । अवरे रणासीस-लद्धलक्खा संगाममि अतिवयंति,
 सन्नद्ध-वद्ध-परियर-उपीलिय-चिय-पट्ट-गहियाउह-पहरणा, मादि(गूड)-वर-
 वम्म गुंडिया, आविद्ध-जातिका, कवय-कंक-डइया ३ । उर-सिर-मुहवद्ध-

कंठ-तोणामाइट-वरफलह-रचित-पहकर-सरहस-खरचावकर-करंछिय-सुनिसित-
 सरवरिस-चडकरक-मुयंत(मत्त)-घणचंड-वेगधारा-निवायमग्गे(मंते) ३ ।
 श्रयोग-धनुमंडलग्ग-संधिताउच्छलिय-सत्ति-सूल-कण्ण-वामकर-गहिय-खेडग-
 निम्मल-निकिट्ट-खग्ग-पहरंत-कोत-तोमर-चक-गया-परसु-मुसल-लंगल-सूल-
 लउल-भिडिमाला-सब्बल-पट्टिस-चम्मेट्ट-दुघण-मोट्टिय-मोग्गर-वरफलह-जंत-
 पत्थर-दुहण-तोण-कुवेणी-पीढकलिय-ईलीपहरण-मिलिमिलिमिलंत-खिप्पंत-
 विज्जुज्जल-विरचित-सम्पहण-भूतले, फुडपहरणो, महारण-संख-भेरि-दुं दुभि-
 वरतूर-पउर-पडुपहडाहय-णियाय-गंभीर-णादित्तं पक्खुभिय-विपुलघोसे, ४ । हय-
 गय-रह-जोह-तुरित-पसरित-उद्धत-तमंधकार-बहुले, कातरनर-णायण-हियय-
 वाउलकरे ॥ विलुलिय-उकड-वरमउड-तिरीड-कुंडलोडुदामाडोविया
 पागड-पडाग-उसिय-ज्जभय-वेजयंति-वामर-चलंतच्छत्तंधकार-गम्भीरे, हयहेसिय-
 हत्थिगुलुगुलाइय-रहघणघणाइय-पाइकहरहराइय-अप्पाडियसीहनाया, छेलिय-
 विघुट्टुक्कुट्ट-कंठगय-सह-भीम-गज्जिण, सयराह-हसंत-रुसंत-कलकलरवे, ५ ।
 आसूणिय-वयणरुहे, भीम-दसणाधरोट्ट-गाढदट्टे, सम्पहार-णुज्जयकरे, अमरिस-
 वस-तिव्व-रत्त-निहारितच्छे, वेरदिट्टि-कुद्ध-चिट्टिय-तिवली-कुडिल-भिउडि-
 कयनिलाडे, वह-परिणय-नरसहस्स-विक्रम-वियंभिय-बले ६ । वग्गंत-
 तुरग-रह-पहाविय-समरभडा, आवडिय-छेय-लाघव-पहारसाधिता, समुस्सिय-
 वाहुजुयलं मुक्कट्टहास-पुक्कंत-बोलबहुले, फुरफलगावराण-गहिय-गयवर-
 पत्थित-दरिय-भडखल-परोप्पर-पलग्ग-जुद्ध-गव्वित-विउसित-वरासि-
 रोस-तुरिय-अभिमुह-पहरित-छिन्न-करिकर-वियंगियकरे, अइद्ध-निसुद्ध-भिन्न-
 फालिय-पगलिय-रुहिर-कंत-भूमिकहम-चिलिचिल्लपहे, कुच्छि-दालिय-गलित-
 रुलित-निभेलंतंत-फुरफुरंत-विगल-मम्माहय-विकय-गाढ-दिन्नपहार-समुच्छित्त-
 रुलंत-वैभल-विलाव-कलुणो, ७ । हय-जोह-भमंत-तुरग-उद्दाम-मत्त-कुंजर-
 परिसंकित्त-जण-निब्बुकच्छिन्नधय-भग्ग-रहवर-नट्ट-सिर-करि-कलेवराकिन्न-पति-

त-पहरण-विक्रिन्नाभरण-भूमिभागे, नञ्चैतकबंध-पउरभयंकरवायस-परिलितः
 गिद्ध-मंडल-भमंत-च्छायंधकार-गंभीरे, वसु-वसुह-विकंपितत्व पिच्चवस्व-पउवणं
 परम-रुद्र-बीहणगं दुप्पवेसतरगं अभिवयंति संगाम-संकडं परधणं महता, ८ ।
 अवरं पाइक-चोरसंघा सेणावति-चोरवंद-पागडिडका य अडवीदेस-दुग्गवासी
 काल-हरित-रत्त-पीत-सुक्किल्ल-अणोग-सयचिध-पट्टबद्धा परविसए अभिहणंति
 ९ । लुद्धा धणस्स कज्जे रयणागर-सागरं उम्मी-सहस्स मालाउलाकुल-वितो-
 यपोत-कलकल्लेत-कलियं, पायाल-सहस्स-वायवस-वेग-सलिल-उद्धम्ममाण-
 दगरय-रयंधकारं, वरफेण-पउर-धवल-पुलंपुल-समुट्टियट्टहासं, मारुय-विच्छु-
 भमाण-पाणियं, जलमालुप्पील-हुलियं, अविय समंतथो, १० । खुभिय-
 लुलिय-सोखुअभमाण पक्खलिय-चलिय-विपुल-जलचक्कवाल-महानई-वेग-तुरि-
 य-आपूरमाण-गंभीर-विपुल-आवत्त-चवल-भममाण-गुप्पमाणुच्छलंत-पच्चोणि-
 यत्त-पाणिय-पञ्चाविय-स्वर-फरुस पयंड-वाउलिय-सलिल-फुट्टंत-वीति-कल्लोल-
 संकुलं, महामगर-मच्छ-कच्छ-भोहार-गाह-तिमि-सुंसुमार-सावय-समाहय-समु-
 द्धायमाण कपूर-घोरपउरं, कायरजण-हिययकंपणं, घोरमारसंतं, महअभयं,
 भयंकरं, ११ । पतिभयं, उत्तासणगं, अणोरपारं, आगासं चैव निरवलंबं,
 उपाइय-पवण-धणित-नोल्लिय-उवरुवरि-तरंग-दरिय-अतिवेग-वेग-चवखुपह-
 मुच्छरंतं, कच्छइ-गंभीर-विपुल-गज्जिय-गुंजिय-निग्घाय-गरुय-निवतित-सुदीह-
 नीहारि-दूरसुव्वंत-गंभीर-धुगधुगंत-सहं, पडिपह-रुंभंत-जवस्व-रवस्वस-
 कुहंड-पिसाय-पगज्जिय(रुसिय-तज्जाय)-उवसग्ग-सहस्स-संकुलं, बहुप्पाइय-
 (उवइव)भूयं, विरचित-बलि-होम-धूव-उवचार-दिन्न-रुधिरच्चणा करण-पयत-
 जोगययचरियं, परियन्त-जुगंत-काल-कप्पोवमं, दुरंतं महानई-नई-वई-महा-
 भीम-दरिसणिज्जं, दुरणुच्चरं, विसमप्पेवसं, दुक्खुत्तारं, दुरासयं, लवण-
 सलिल-पुणणं, असिय-सिय-समूसिय-गेहिं दच्छतरकेहिं वाहणोहिं अइवइत्ता
 समुहमज्जे हणंति, गंतूण जणस्स पोते १२ । परदव्वहरा नरा निरणुक्खा

निरावयक्त्वा गामागर-नगर-खेड-कब्बड-मडंब-दोणामुह-पट्टणा-सम-
 णिगम-जणवय ते य धणसमिद्धे इणांति, थिरहिया य छिन्न-लजा
 बंदिग्गाह-गोग्गहे य गेगहंति, १३ । दारुणमती णिक्किवा णियं इणांति.
 छिंदंति गेहसंधिं, निक्खित्ताणि य हरंति, धण-धन्न-दव्वजायाणि जणवय-
 कुलाणं णिग्घिणमती परस्स दव्वाहिं जे अविरया १४ । तहेव केइ
 अदिन्नादाणं गवेसमाणा कालाकालेसु संचरंता चियका-पज्जलिय-सरस-दर-
 दड्ढकड्डिय-कलेवरे रुहिर-लित्त-वयणा-अस्वत(अदर)खातिय-पीत-डाइणि भमंत-
 भयकरं-जंबुयक्खिक्खियंते, घुय कय-घोरसद्दे, वेयालुट्टिय-निसुद्ध-कहकहित-
 पहसित-बीहणाक-निरभिरामे, अति-बीभञ्ज-दुब्बि-गंधं, (दुरभिगंधं)बीभञ्ज-दरस-
 णिज्जे सुसाणा-वणा-सुन्नघर-लेणा-अंतरावणा गिरिकंदर-विसम-सावय-समाकुलासु
 वसहीसु किलिस्संता, सीतातव-सोसिय-सरीरा-दड्ढच्छवी निरय-तिरिय-भव-
 संकड-दुक्ख-संभार-वेयणिजाणि पावकम्माणि संचिणांता, १५ । दुल्लह-
 भक्खन्न-पाणभोयणा, पिवासिया, भुंभिया, किलंता, मंस कुष्मि-कंदमूल-
 जंकिचि-क्याहारा, उव्विगा, उप्पुया, असरणा, अडवी वासं उव्वेति १६ ।
 वाल-सत-संक्खिज्जं अयसकरा तकरा भयंकरा कस्स हरामोत्ति अज्ज दव्वं
 इति सामत्थं करेति, गुज्भं बहुयस्स जणस्स कज्जकरणेसु विग्घकरा मत्त-
 पमत्त-पसत्त-वीसत्थ-छिद्दघाती वसणाब्भुदएसु हरणाबुद्धि विगव्व-रुहिर-महिया
 परेति नरवति-मज्जाय-मतिककंता सजणा-जणा-दुगंछिआ सकम्मेहिं पाव-
 कम्मकारी असुभ-परिणया य दुक्खभागी निच्चाउल-दुहमनिव्वुडमणा इहलोके
 चेव किलिस्संता परदव्वहरा नरा वसणासय-समावराणा १७ ॥ सू० ११ ॥
 तहेव केइ परस्स दव्वं गवेसमाणा गहिता य हया य बद्धरुद्धा य तुरियं
 अतिधाडिगा पुरवरं समप्पिया चोरग्गह-चार-भड-चाडुकराणा तेहि य
 कप्पडप्पहार-निहयआरक्खिय-स्वर-फरुसवयणा-तज्जणा-गलच्छल्लुच्छल्लणाहिं
 विमणा चारगवसहिं पवेसिया निरय-वसहि-सरिसं तत्थवि १ । गोमिय-

ष्वहार-दूमण-निम्बच्छण-कडुय-वद(य)ण-भेसणग(गा)भयाभिभूया, अक्खित्त-
 नियंसणा, मलिण-दंडि-खंड-वसणा, उक्कोडा-लंच-पासमग्गण-परायणोहिं
 [दुक्खसमुदीरणोहिं] गोम्मियभडेहिं विविहेहिं बंधणोहिं, किं ते ? २ ।
 हडि निगड-वालरज्जुय-कुदंडग-वरत्त-लोहसंकल-हत्थुं दुय-वज्जपट्ट-दामक-
 णिकोडणोहिं अन्नेहि य एवमादिणहिं गोम्मिक-भंडोवकरणोहिं दुक्खससुय-
 समुदीरणोहिं संकोड-मोडणाहिं वज्जंति मंदपुन्ना, संपुड कवाड-लोहपंजर-
 भूमिधर निरोह-कूव-चारग-कीलग-जूय-वक्क-विततबंधण-खंभालण-उद्ध-चलण-
 बंधण-विहम्मणाहिं य विहेडयन्ता, ३ । अवकोडक-गाढ-उर-सिर-वद्ध-उद्ध-पू-
 रित(पुरीय)-अशुभ-परिणया य फुरंत-उर-कडग-मोडणामेडणाहिं वद्धा य
 नीससंता, सीसावेढ-उरुयाल(यावल)चण्णडग-संधिवंधण-तत्त-सलाग-सूइयाकोड-
 णाणि तच्छण-विमाणणाणि य स्वार-कडुयत्त-नावण-जायणा-कारणसयाणि
 बहुयाणि पावियंता, उरक्खोडीका-दिन्न-गाढपेळण-अट्टिक-संभग्ग-सुपांसुलिगा
 गल-कालक-लोहदंड-उर-उदर-बत्थि परिपीलिता, मच्छंत-हियय-संचुणिण-
 यंगमंगा, आणत्ती-किंकरेहिं, केति अविराहिय-वेरिणहिं जमपुरिस-सन्निहेहिं
 पहया, ४ । ते तत्थ मंदपुराणा चडवेला-वज्जपट्ट-पाराइं-छिव-कस-लत्ता-वरत्त-
 नेत्तप्पहार-सय-तालियंगमंगा, किवणा, लंबंत चम्मवण-वेयण-विमुहिय-मणा,
 घण-कोट्टिम-नियल-जुयल-संकोडिय-मोडिया य किरंति, निरुच्चारं असंचरणा
 एया अन्ना य एवमादीओ वेयणाओ पावा पावेति ५ । अदंतिदिया वसट्ट
 बहुमोहमोहिया, परधणंमि लुद्धा, फासिंदिय-विसय-तिव्वगिद्धा, इत्थि-गय-
 रूव-सह-रस-गंध-इट्टरति-महित-भोग-तरहाइया य धणतोसगा, गहिया य जे
 नरगणा ६ । पुणरवि ते कम्म-दुव्वियद्धा उवणीया रायकिंकराण तेसि
 वह-सत्थग-पाढयाणं, विलउली-कारकाणं, लंचसय-गेराहगाणं, कूड-कवड-
 माया-नियडि-आयरण-पण्णिहि-बंधण-विसारयाणं, बहुविह-अलिय-सत-
 जंपकाणं, परलोक-परम्मुहाणं. निरयगति-गामियाणं तेहि य आणत्त-

जीयदंडा लुरियं उग्वाडिया पुरवरे सिंघाडग-तिय-चउक-चच्चर-चउम्मुह-महापह-
 पेसु वेत्तदंड-लउड-कट्ट-लेट्टु-पत्थर-पणालि-पणोल्लि-मुट्टिलया-पादपरिह-
 जाणु-कोपर-पहार-संभग्ग माहियगत्ता, ७ । अट्टारस-कम्मकारणा, जाइयंगमंगा,
 कलुणा, सुकोट्ट-कंठ-गलक-तालु-जीहा, जायंता, पाणीयं विगय-जीवियासा,
 त्तराहादिया, वरागा तंपि य ण लभंति वज्झपुरिसेहि निधाडियंता, ८ ।
 तत्थ यं खर-फरुम-पडह-घट्टित-कूडग्गह-गाढ-रुट्ट-निसट्ट-परामुट्टा, वज्झ-करकुडि-
 जुय-नियत्था, सुरत्त-कणवीर-गहिय-विमुक्कल-कंठेगुण-वज्झदूत-आविद्ध-मल्ल-
 द्दामा, मरणभयुप्पणा-सेद-आयतणोद्दुत्तुपिय-किलिन्नगत्ता, चुसणागुं डियसरीर-
 रयरेणुभरियकेसा, कुंसुंभ-गोकिन्न-मुद्धया (कुसुमगोरवन्न-मुद्धया) छिन्नजी-
 वियासा, धुन्नंत्ता, वज्झप्पाणापीया-(याणाभीया) तिलं तिलं चैव छिज्ज-
 माणा, सरीर-विकिन्त-लोहि-ओलित्त-कंगणिमंसाणि खावियंता, पावा
 खरफरुमएहिं तालिज्जमाणादेहा, वातिकर-नरनारि-संपरिवुडा, पेच्छिज्जंता
 य नागरजणोणं वज्झनेवत्थिया पणोज्जंति नयरमज्जेण किवणाकलुणा,
 अत्ताणा, असरणा, अणाहा, अबंधवा, बंधुविप्पहीणा, विपिक्खिता,
 दिसोदिसिं मरणभयुव्विग्गा, आघायणा-पडिदुवार-संपाविया, अधन्ना,
 सुलंग्ग-विलग्ग-भिन्नदेहा, ते य तत्थ कीरंति परिकप्पियंगमंगा उल्लंवि-
 ज्जंति रुक्खमालासु, केइ कलुणाइं विलवमाणा, ९ । अवरे चउरंग-धणिय-
 बद्धा-पव्वय-कडगा पमुच्चंते दूरपात बहुविसम-पत्थर-सहा, अन्ने य गय-
 चत्तण-मलणाय-निम्महिया कीरंति, पावकारी अट्टारस-खंडिया य कीरंति
 मुंड-परसूहिं, केइ उक्कत्त-कन्नोट्ट-नासा, उप्पाडिय-नयणा-दसणा-वसणा,
 जिब्भदिय-छिया, छिन्नकन्नसिरा पणिज्जंते छिज्जन्ते य, असिणा,
 निव्विसया छिन्नइत्थपाया पमुच्चंते, जावजीवबंधणा य कीरंति, केइ
 परदव्व-हरणा-लुद्धा, कारग्गल-नियल-जुयल-रुद्धा, चारगावहतसारा, १० ।
 सयणा-विप्पमुक्का मित्तजणा-निरक्खि(रक्कि)या, निरासा, बहुजणा-धिकार-सद-

लजायिता [अलजाविया] अलजा, अणुबद्धखुहा, पारद्धा, सी-उराह-तराह-
वेयण-दुग्घट्ट-घट्टिया, विवन्न-मुह-विच्छ्रविया, विहल-मलिन-दुब्बला, किलंता,
कासता, वाहिया य आमाभिभूय-गत्ता परूढ-नह-केस-मंसु-रोमा छगमुत्तमि
णियमंमि खुत्ता तत्थेव मया अकामका ११ । बंधिऊण पादेसु कड्डिया
खाइयाए छूटा, तत्थ य विग-सुण्णग-सियाल-कोल-मजार-वंड-संदंसग-तुंड-
पक्खिगण-विविह-मुह-सय-विलुत्तगत्ता, केइ विहंगा, केइ किमिणा य
कुहियदेहा, अणिट्ठवयणोहिं सप्पमाणा, सुट्ठु कयं जं मउत्ति पावो तुड्ठेणं
जणोण हम्ममाणा, लजावणका च होति सयणस्सवि य दीहकालं १२ ।
मया संता, पुणो परलोग-समावन्ना नरण गच्छंति निरभिसमे अंगार-
पलित्तक-कप्प-अच्चत्थ-सीतवेदण-अस्साउदिन्न-सय-तद् दुक्ख-सय-समभिद् दुते
१३ । ततोवि उव्वट्टिया समाणा पुणोवि पवज्जंति तिरियजोणिं, तहिवि
निरयोवमं अणुहवंति वेयणं, ते अणंतकालेण जति नाम कहिवि मणुयभावं
लभति गोगेहिं णिरयगतिगमण-तिरियभव-सयसहस्स-परियट्टे हिं १४ ।
तत्थवि य भमंतज्जारिया नीचकुल-समुप्पराणा आरियजणोवि लोगवज्जभा
तिरिक्खभूता य अकुसला कामभोगतिसिया जहिं निबंधंति निरयवत्तणि-
भवप्पवंच-करण-परणोल्लि(या) पुणोवि संसार(रावत्त)णोममूले धम्मसुति-
विवज्जिया अणजा कूरा मिच्छत्तसुति-पवन्ना य होति एगंत-दंड-रूणो
वेदंता कोसिकार-कीडोव्व अप्पगं अट्टकम्म-तंतु-घणवंधणोणं १५ ।
एवं नरग-तिरिय-नर-अमर-गमण-पेरंत-चक्कवालं, जम्म-जरा-मरण-
करण-गम्भीर-दुक्ख-पक्खुभिय-पउरसलिलं, संजोग-वियोग-वीची-
चिंता-पसंग-पसरिय-वह-बंध-महल्ल-विपुल-कल्लोल-कलुण-विलवित-
लोभ-कलक-लित-बोलवहुलं, अवमाणण-फेणं, तिच्च-स्सिसण-पुलंपुल-
प्पभूय-रोग-वेयण-पराभव-विण्णिवत्त-फरुस-धरिसण-समावडिय-कठिण-
कम्म-पत्थर-तरंग-रंगंत-निच्च-मच्चुभय-तोयपट्टं, कसाय-पायाल-कलस-

संकुलं, भव-सयसहस्र-जलसंचयं, अगांतं, उव्वेवणयं, अणोरपारं, महभयं
 भयंकरं, पइभयं, अपरिमिय-महिच्छ-कलुसमति-वाउ-वेग-उद्धम्ममाण-
 आसा-पिवास-पायाल-काम-रति-राग-दोस-बंधण--बहुविह-संकष्य-
 विपुल-दगरय-रयंधकारं, मोह-महावत्त-भोग-भममाण-गुण्यमाणच्छलंत-
 बहु-गम्भवाम-पञ्चोणियत्त-पाणियं, पधावित(वाहिय)-वसण-समावन्न-
 रुन्न-चंड-मारुत-समाहया-माणन्न-वीची-वाकुलित-भंग--फुट्ट-त-णिट्ट-
 कल्लोल-संकुलजलं, पमाय-बहुचंड-दुट्ट-सावय-समाहय-उद्धायमाणग-पूर-
 घोरविद्धंसणत्थ-बहुलं, अराणाण-भमंत-मच्छपरिहत्थं अनिहुतिंदिय-
 महामगर-तुरिय-चरिय-खोखुभमाण-संताव-निच्चय-चलंत-चवल-चंचल-
 अत्ताणसरण-पूवकय-कम्म-संचयोदिन्न-वज्ज-वेइज्जमाण-दुहसय-विपाक-
 घुन्नंत-जलसमूहं, इड्डि-रस-सोय-गारवोहार-गहिय-कम्मपडिबद्ध-सत्त-
 कडिज्जमाण-निरयतल-हुत्तसन्न-विसन्न-बहुलं, अरइ-रइ-भय-विसाय-
 सोग-मिच्छत्त-सेलसंकडं, अणाति-संताण-कम्मबंधण-किलेस-चिविस्सल-
 सुदुत्तारं, अमर-नर-तिरिय-निरय-गतिगमण-कुडिल-परियत्त-विपुलवेलं,
 हिंसालिय--अदत्तादाण-मेहुण-परिग्गहारंभ--करण-कारावणाणुमोदया-
 अट्टविह-अणिट्टकम्म-पिंडित-गुरुभारवकंत-दुग्ग-जलोघ-दूरनिबो(पणो)-
 लिज्जमाण-उम्मग्गनिमग्ग-दुल्लभ-तलं, सारीर-मणोमयाणि दुक्खाणि
 उप्पियंता सातस्स य परित्तावणमयं उव्वुडुनिबुडुयं करंता, चउरंत-महंत-
 मणवयग्गं, रुहं, संसारसागरं, अट्टियं, अणालंबण-मपत्तिट्टाण-मण्णमेयं,
 चुलसीति-जोणि-सयसहस्र-गुविलं अनालोक-मंधकारं अणांतकालं
 निच्चं उत्तथ-सुराण-भयसराणसंपउत्ता वसंति १६ । उव्विगा वासवसहिं
 जहि आउयं निबंधंति पावकम्मकारी बंधवज्जण-सयण-मित्त-परिवज्जिया,
 अणिट्टा भवंति, अणादेज्ज-दुव्विणीया कुआणासण-कुसेज्ज-कुभोयणा,
 असुइणो, कुसंधयण-कुप्पमाण-कुसंडिया, कुरूवा, बहु-कोह-माण-माया-

लोभा, बहुमोहा, धम्म-पन्न-सम्मत्त-परिभट्टा, दारिद्र्योवहवाभिभूया,
 निच्चं परकम्मकारिणो जीवणत्थरहिया, किविणा, परपिंडतकका, दुक्खल-
 द्दाहारा, अरस-विरस-तुच्छ-कयकुच्छिपूरा, परस्स पेच्छंता, रिद्धि-
 सक्कार-भोगण-विसेस-समुदयविहिं निदंता, अप्पकं कयंतं च परिवयंता, इह
 य पुरेकडाइं कम्माइं पावगाइं विमससो सोएण डब्भमाणा, परिभूता होंति ।
 सत्तपरिवज्जिया य छोभा-सिप्पकला-समयसत्थपरिवज्जिया, जहाजायपसुभूया,
 अवियत्ता, णिच्च-नीयकम्भोवजीविणो, लोयकुच्छणिज्जा मोघमणोरहा, निरास-
 बहुला, आसापास-पडिबद्धपाणा, अत्थोपायाण-कामसोक्खे य लोयसारे होंति
 १७ । अप्पफलवंतका य सुट्ठुविय उज्जमंता, तद्विवसेसुज्जुत्त-कम्म-कयदुक्ख-संठविय-
 सित्थपिंड-संचया पक्खीण-दब्बसारा, निच्चं अधुव-धणा-धराण-कोस-परिभोग-
 विवज्जिया, रहिय-काम-भोग-परिभोग-सब्बसोवखा, परासिरि-भोगोवभोग-
 निस्साण-मग्गण-परायणा, वरागा, अकामिकाए विणोंति १८ । दुक्खं गोव
 सुहं गोव निव्वुत्ति उवलभंति, अच्चंत-विपुल-दुक्ख-सय-संपलित्ता परस्स
 दब्बेहिं जे अविरया एसो सो अदिग्गणादाणस्स फलविवागो इहलोइत्थो,
 पारलोइत्थो, अप्पसुहो, बहुदुक्खो, महब्भत्थो बहुरयप्पगादो, दारुणो,
 कक्कसो, असात्थो, वाससहस्सेहिं मुच्चति, न य अवेयइत्ता अत्थि उ
 मोक्खोत्ति, एवमाहंसु णायकुलनंदणो महप्पा जिणो उ वीरवरनामधेज्जो
 कहेसी य अदिग्गणादाणस्स फलविवागं एयं तं ततियंपि अदिग्गणादाणं हर-दह-
 मरणा-भय-कलुस-तासणा-परसंतिकभेज्ज-लोभमूलं एवं जाव चिरपरिगत-
 मणुगतं दुरंतं तिवेमि १९ ॥ ३ ॥ सू० १२ ॥ ततियं अहम्मदारं समत्तं ॥

॥ इति तृतीयमध्ययनम् ॥ ३ ॥

॥४॥ अथ अब्रह्माश्रवाख्यं चतुर्थमध्ययनम् ॥

जंबू ! अब्रंभं च चउत्थं सदेवमणुयासुरस्स लोयस्स पत्थणिज्जं, पंक-पणय-पास-जालभूयं, थी-पुरिस-नपुंस-वेद-चिंधं, तव-संजम-बंभचेर-विग्घं, भेदायतण-बहुपमाद-मूलं, कायर-कापुरिस-सेवियं, सुयणजसा-वज्जणिज्जं, उह-नरय-तिरिय-तिलोक-पइट्टाणं, जरा-मरणारोग-सोग-बहुलं, वध-बंध-विघात-दुब्बिघायं, दंसण-चरित्त-मोहस्स हेउभूयं, चिरपरिगयम्मागयं दुरंतं चउत्थं अधम्मदारं ॥ सूत्रं १३ ॥ तस्स य णामाणि गोत्राणि इमाणि होंति तीसं, तंजहा-अब्रंभं १ मेहुणं २ चरंतं ३ संसग्गि ४ सेवणाधिकारो ५ संकण्णो ६ बाहणा पदाणं ७ दण्णो ८ मोहो ९ मणसंखोभो १० अणिग्गहो ११ बुग्गहो १२ विघात्रो १३ विभंगो १४ विब्भमो १५ अधम्मो १६ असीलया १७ गामधम्मतित्ती १८ रती १९ रागचिंता २० कामभोगमारो २१ वेरं २२ रहस्सं २३ गुज्जं २४ बहुमाणो २५ बंभचेर-विग्घो २६ वावत्ति २७ विराहणा २८ पसंगो २९ कामगुणो ३० त्ति विय तस्स एयाणि एवमादीणि नामधेज्जाणि होंति तीसं ॥ सूत्रं १४ ॥ तं च पुण निसेवंति सुरगणा सअच्छरा मोहमोहियमती, असुर-भुयग-गरुल-विज्जु-जलण-दीव-उदहि-दिसि-पवण-थणिया, अणवंनि-पण-वंनिय-इसिवादिय-भूयवादिय-कंदिय-महाकंदिय-कूहंड-पयंगदेवा, पिसाय-भूय-जम्ब-रक्खस-किंनर-किंपुरिस-महोरग-गंधवा, तिरिय-जोइस-विमाणवासि-मणुयगणा, जलयर-थलयर-खहयरा य, मोहपडिबद्धचित्ता, अवितराहा, कामभोगतिसिया, तराहाए बलवईए महइए समभिभूया गदिया य अतिमुच्छिया य, अब्रंभे उस्सराणा तामसेण भावेण अणुम्मुक्का, दंसण-चरित्तमोहस्स पंजरं पिव करेति १ । अन्नोज्जं सेवमाणा, भुज्जो असुर-सुर-तिरिय-मणुअ-भोगरति-विहार-संपउत्ता य चक्कवट्टी सुरनरवतिसकया, सुरवरुव्व देवलोए भरह-णग-णगर-णियम-जणवय-पुरवर-दोणमुह-

खेड-कञ्चड-मडंब-संवाह-पट्टणमहस्समंडियं थिमियमेयणियं एगच्छत्तं
ससागरं भुंजिऊण वसुहं, नरसीहा, नरवई, नरिंदा, नरवसभा, मरुयवसभ-
कप्पा, अम्भहियं रायतेयजञ्चीए दिप्पमाणा, सोमा, रायवंसतिलगा २ ।
रवि-ससि-संख-वरचक्र-सोत्थिय-पडाग-जव-मच्छ-कुम्म-रहवर-भग-
भवण-विमाण-तुरय-तोरण-गोपुर-प्रणि-रयण-नंदियावत्त मुसल-गांगर-
सुरइयवरकप्परुक्ख-मिगपति-भद्दासणा-सुरुचि-थूम-वरमउड-सरिय-कुंडल-
कुंजर-वरवसभ-दीव-मंदर-गरुल-ज्मय-इंदकेउ-दप्पण-अट्टावय-चाव-
बाण-नक्खत्त-मेह-मेहल-वीणा-जुग-उत्त-दाम-दामिणि-कमंडलु-कमल
घंटा-वरपोत-सूइ-सागर-कुमुदागर-मगर-हार-गागर-नेउर-गाग-गागर-
वइर-किन्नर-मयूर-वररायहंस-सारस-चक्रोर-चक्रवाग-मिहुण-चामर-
खेडग-पब्बीसग-विपंचि-वरतालियंट-सिरियाभिसेय-मेइणि-खग्गं-कुस-
विमलकलस-भिगार-वद्धमाणग-पसत्थ-उत्तम-विभत्त-वरपुरिस-लक्ख-णाधरा,
३ । वत्तीसं वरराय-सहस्साणुजायमग्गा, चउसट्टि-सहस्स-पवर-जुवतीण
णयणकंता, रत्ताभा, पउम-पम्ह-कोरंटग-दामचंपक-सुतयवर-कणक निह-सवन्ना,
सुवराणा, सुजाय-सव्वंग-सुदरंगा, महग्घ-वर-पट्टणुग्गय-विचित्त-राग-एणिमे-
(पे)णिणिम्मिय-दुगुल-वर-चीणपट्ट-कोसेज्ज-सोणीसुत्तक(जा-खोमिय)-
विभूसियंगा, वरसुरभि-गंधवर-चुराणावास-वरकुसुम-भरियसिरया, कप्पिय-
छेयारिय-सुकय-रइत-मालकडग-कुंडलंगय-तुडिय-पवर-भूसणा-पिणाद्धदेहा
एकावलि-कंठ-सुरइय-वच्छा पालंब-पलंबमाण-सुकय-पडउत्तरिज्ज-मुहियापिंग-
लंगुलिया, उज्जल-नेवत्थ-रइय-चेल्लग-विरायमाणा, तेएण दिवाकरोव्व दित्ता
सारय-नवत्थणिय-महुर-गंभीर-निद्धघोसा, ४ । उप्पन्न-समत्तरयण-चक्रयण-
प्पहाणा, नवनिहिवइणो, समिद्धकोसा, चाउरंता, चाउराहिं सेणाहिं समणु-
जातिज्जमाणमग्गा, तुरगती गयवती रहवती नरवती विपुल-कुल-
वीसुयजसा, सारय-ससि-सकल-सोमवयणा, सूरा, तेलोक-निग्गय-पभाव-

लद्धसहा समत्त-भरहाहिवा, नरिदा, ससेल-वण-काणाणं च हिमवंत-सागरंतं
धीरा भूत्तुण भरहवासं जियसत्तु, पवर-रायसीहा, पुव्व-कड-तवप्पभावा,
निविट्टु-संविद्यसुहा, अणोग-वाससयमायुवंतो भज्जाहि य जणावयप्पहाणाहिं
लालियंता अतुल-सह-फरिस-रस-रुवगंधे य अणुभवेत्ता(न्ता) तेवि उवणांमंति
मरणाधम्मं अवितत्ता कामाणां ५ । भुज्जो भुज्जो बलदेववासुदेवा य
पवरपुरिसा, महाबल-परक्कमा, महाधणु-वियट्टका, महासत्त-सागरा, दुद्धरा,
धणुद्धरा, नरवसभा, रामकेसवा, सभायरो सपरिसा, वसुदेव-समुहविजय-
मादिय-दसाराणां पज्जुन्न-पतिव-संब-अनिरुद्ध-निसह-उम्भुय-सारणा-गय-
सुमुह-दुम्मुहादीणां जायवाणां अद्धुट्टाणांवि कुमारकोडीणां हिययदयिया,
देवीए रोहिणीए देवीए देवकीए य आणांद-हियय-भावनंदणाकरा, सोलस-
रायवर-सहस्साणुजातमग्गा, सोलस-देवीसहस्स-वर-णायणा-हिययदइया, णाणा-
मणि-कणाग-रयणामोत्तिय-पवाल-धणा-धन्न-संचय-रिद्धि-समिद्धकोसा, हय-
गय-रह-सहस्ससामी, ६ । गामागर-नगर-खेड-कब्बड-मडंब-दोणासुह-
पट्टणासम-संबाह-सहस्स-थिमिय-णिब्बुयपमुदितजणा-विविह-सास-निष्फ-
ज्जमाण-मेइणि-सर-सरिय-तलाग-सेल-काणाणा-आरामुज्जाणा-मणाभिराम-
परिमंडियस्स दाहिणाड-वेयड-गिरिविभत्तस्स लवणा-जलहि-परिगयस्स छ्विह-
काल-गुणाकामजुत्तस्स अद्धभरहस्म सामिका ७ । धीरकत्तिपुरिसा, थोह-
बला, अइवला, अनिहया, अपराजिय-सत्तुमहाण-रिपु-सहस्समाणमहणा,
साणाकोसा, अमच्छरी, अचवला, अचंडा, मित-मंजुल-पलावा, हसिय-गंभीर-
महुरभणिया, (महुपरिपुराण-सच्चवयणा), अब्भुवगय-वच्छला, सराणा,
लक्खणा-वंजणा-गुणोववेया, माणांमाण-पमाण-पडिपुन्न-सुजाय-सव्वंगसु-दरंगा
८ । ससिसोमागार-कंतपियदंसणा, अमरिसणा, पयंड-डंडप्पयार-गंभीर-दरिस-
णिज्जा, तालद्ध-उव्विद्ध-गरुलकेऊ, बलव-गज्जंत-दरित-दप्पित-मुट्टिय-
चाणूरमूरगा, रिट्ट-वसभ-धातिणो, केसरिमुह-विष्फाडगा, दरितनाग-

दृपमद्द्या जमलज्जुल्लभंजगा, महासउणि-पूतणा-रिवू, कंस-मउड-तोडगा,
जरासिंघ-माणमहणा, तेहि य (अभपडल-पिंगल-उज्जलेहिं) अविरेल-
समसहिय-चंदमंडल-समप्पभेहिं सूर-मिरीय-कवयविणिम्मयंतेहिं सपति-
दंडेहिं आयवत्तेहिं धरिज्जंतेहिं विरायंता, ९ । ताहि य पवर-गिरिकुहर-
विहरण-समुट्टियाहिं, निरुवहय-चमर-पच्छिम-सरीरसंजाताहिं अमइल-
सेय-कमल-विमुकुलुज्जलित-रयण-गिरिसिहर-विमल-ससिकिरण-सरिस-
कलहोयनिम्मलाहिं पवणाहय-चवल-चलिय-सललिय-पणाच्चिय-वीइ-
पसरिय-खीरोदग-पवर-सागरुप्पूर-चंचलाहिं माणस-सर-पसर-परिचिया-
वास-विसदवेसाहिं कणागगिरि-सिहर-संसिताहिं उवाय-उप्पात-चवल-
जयिण-सिग्घवेगाहिं हंसवधूयाहिं चेव कलिया, १० । नाणामणि-कणाग-
महरिह-तवणिज्जुज्जल-विचित्तडंडाहिं सललियाहिं नरवति-सिरिसमुदय-
प्पगासणकरीहिं वरपट्टणुग्गयाहिं समिद्ध-रायकुल-सेवियाहिं कालागुरु-
पवरकुंडुरुक-तुरुक-धूव-वास-विसद-गंधुद्धूयाभिरामाहिं चिल्लिकाहिं उभयो-
पासपि चामराहिं उक्खिप्पमाणाहिं सुह-सीतल-वातवीतियंगा, अजिता,
अजितरहा, हल-मुसल-कणागपाणी, संख-चक-गय-सत्ति-णंदगधरा,
पवरुज्जलसुकत-विमल-कोथूभ-तिरीडधारी, ११ । कुंडल-उज्जोविया-
णाणा, पुंडरीय-णायणा, एगावली-कंठ-रतियवच्छा, सिरिवच्छ-सुलंछणा,
वरजसा, सब्बोउय-सुरभि-कुसुम-सुरइय-पलंब-सोहंत-वियसंत-चिल्ल(त्त)
वण-माल-रतियवच्छा, अट्टसय-विभत्त-लक्खण-पसत्थ-सुंदर-विराइयं-
गमंगा, मत्त-गयवरिंद-ललिय-विक्कम-विलसियगती, कडिसुत्तग-नील-
पीत-कोसिज्जवाससा, पवरदित्तेया, सारय-नवथणिय-महुर-गंभीर-
निद्धघोसा, नरसीहा, सीहविक्कमगई, अत्थमिय-पवर-रायसीहा, सोमा,
बारवइपुन्नचंदा, पुव्वकय-तवणभावा, निविट्ट-संचियसुहा, अणोग-वाससयमा-
उवंता भज्जाहिं य जणवयप्पहाणाहिं लालियंता, अतुल-सह-फरिस-रस-

रूवगंधे अणुभवेन्ता(त्ता) तेवि उवणमंति मरणधम्मं अवितत्ता कामाणं १२ ।
 भुज्जो मंडलिय-नरवरेंदा, सबला, सअंतेउरा, सपरिमा, सपुरोहियामच्च-
 दंडनायक-सेणावति-मंति-नीतिकुसला, नाणामणिरयण-विपुलधण-धन्न-
 संचय-निही-समिद्धकोसा, रज्जसिरिं विपुल-मणुभविन्ता(त्ता) विकोसंता,
 बलेण मत्ता तेवि उवणमंति मरणधम्मं अवितत्ता कामाणं १३ । भुज्जो
 उत्तरकुरु-देवकुरु-वणाविवर-पादचारिणो नरगणा भोगुत्तमा भोग-लक्खणधरा,
 भोग-सस्सिरीया, पसत्थ-सोम-पडिपुराण-रूव-दरसणिज्जा, सुजात-सव्वंग-
 सुंदरंगा, रत्तुप्पल-पत्त-कंत-करचरण-कोमलतला, सुपइट्टिय-कुम्म-चारुचलणा,
 अणुपुव्व-सुसंहयं(जायपवरं)गुलीया, उन्नय-तणुतंब-निद्धनखा, संठित-सुसि-
 लिट्ट-गूढगोफा, एणी-कुरुविंद-वत्त-वट्टाणुपुव्विजंघा, समुग्ग-निसग्ग-गूढजाणु,
 गथगयण-सुजाय-संनिभोरु च वरवारण-मत्त-तुल्लविकम-विलासितगती, वरतुरग-
 सुजाय-गुज्जभदेसा, आइन्न-हयव्व निरुवलेवा, पमुइय-वरतुरग-सीह-अतिरेग-
 वट्टियकडी, गंगावत्त-दाहिणावत्त-तरंगभंगुर-रविकिरण-बोहिय-विकोसायंत-
 पम्ह-गंभीर-विगडनाभी, साहत-सोणंद-सुसल-दप्पण-निगरिय-वरकण्ण-गच्छरु-
 सरिस-वर-वइर-वलियमज्झा, उज्जुग-सम-सहिय-जच्चतणु-कसिया-णिद्ध-आदेज्ज-
 लडह-सूमाल-मउय-रोमराई, भस-विहग-सुजात-पीणकुच्छी, भसोदरा, पम्ह-
 विगडनाभा संनत-पासा संतत-पासा, सुंदरपासा, सुजातपासा, मित-माइय-
 पीण-रइयपासा, अकरंडुय-कण्णग-रुयग-निम्मल-सुजाय-निरुवहयदेहधारी, १४ ।
 कण्णग-सिलातल-पसत्थ-समतल-उवइय-विच्छिन्न-पिट्ठुलवच्छा, जुय-संनिभ-
 पीण-रइयपीवर पउट्ट-संठिय-सुसिलिट्ट-विसिट्ट-लट्ट-सुनिचित-वण्णथिर सुबद्ध-
 संधी, पुरवर-वर-फलिह-वट्टियभुया, भुय-ईसर-विपुल भोग-आयाण-फलि-
 उच्छूढ-दीहवाहू, रत्त-तलोवतिय-मउय-मंसल-सुजाय-लक्खण-पसत्थ-अच्छिह-
 जालपाणी पीवर-सुजाय-कोमल-वरंगुली, तंब-तलिण-सुइ-रइल-निद्धनखा,
 निद्ध-पाणिलेहा, चंदपाणिलेहा, सूरपाणिलेहा, संखपाणिलेहा, चक्कपाणिलेहा,

दिसा-सोवत्थिय-पाणिलेहा, रवि-ससि-संख-वरचक्र-दिसासोवत्थिय-विभक्त-
सुविरइयपाणिलेहा, वर-महिस-वराह-सीह-सद्दूल-रिसह-नाग-वरपडिपुन्न-
विउलखंधा, चउरंगुल-सुप्पमाण-कंबु-वर-सरिसग्गीवा, अवट्टिय-सुवि-
भक्त-चित्तमंसू, उवचिय-मंसल-पसत्थ-सद्दूल-विपुलहणुया, ओयविय-सिल-
प्पवाल-बिंबफल-संनिभाधरोट्टा, पंडुर-ससिकल-विमल-संख-गोखीर-फेण कुंद-
दगरय-मुणालिया धवलदंतसेठी, अखंडदंता, अप्फुडियदंता, अविरलदंता,
सुणिद्धदंता, सुजायदंता, एतदंतसेठिव्व अयोगदंता, हुयवह-निद्धत-धोय-तत्त-
तवणिज्ज-रत्ततला, तालुजीहा, गरुलायत-उज्जु-तुंगनासा, अवदालिय-
पोंडरीय-नयणा, कोकासिय-धवलपत्तलच्छा, आणामिय-चावरुइल-किराहम्भ-
राजि-संठिय-संगयायय-सुजाय-भुमगा, अल्लीण-पमाण-जुत्तसवणा, सुसवणा
पीण-मंसल-कवोल-देसभागा, अचिरुग्गय-बालचंद-संठिय-महानिलाडा, उडुव-
तिरिव पडिपुन्नसोमवयणा, छत्तागारुत्तमंगदेसा, घणनिचिय-सुबद्ध-लवखणुन्नय-
कूडागार-निभ-पिंडियग्गसिरा, हुयवह-निद्धंत-धोयतत्त-तवणिज्ज-रत्तकेसंत-
केसभूमी, सामली-पोंड-घण-निचिय-छोडिय-मिउ-विसत-पसत्थ-सुहुम-लवखण-
सुगंधि-सुंदर-भुयमोयग-भिग-नीलकज्जल-पहट्टभमरगण-निद्धनिगुरुंब, निचिय-
कुंविय-पयाहिणावत्त-मुद्धसिरया १५ । सुजात-सुविभक्त-संगयंगा, लवखण-
वंजण-गुणोववेया, पसत्थ-वत्तीस-लक्खणधरा, हंसस्सरा, कुंवस्सरा, दुंदुभि-
स्सरा, सीहस्सरा, उज्ज(ओव)सरा, मेघसरा, सुस्सरा, सुसरनिग्घोसा, वज्जरिसह-
नाराय-संघयणा, समचउरंस-संठाण-संठिया, छायाउज्जोवियंगमंगा पसत्थच्छवी
निरातंका, कंकग्गहणी, कवोत-पविस-परिणामा, सउणि-पोस-पिट्टंतरोरु-
परिणया, पउमुप्पल-सरिस-गंधुस्सास-सुरभिवयणा, अणुलोम-चाउवेगा,
अवदाय-निद्धकाला, विग्गहिय-उन्नय-कुच्छी, अमयरस-फलाहारा, तिगाउय-
समूसिया, तिपलिओवमट्टितीका, तिन्नि य पलिओवमाइं परमाउं पालयित्ता
तेवि उवणमंति मरणधम्मं अवितित्ता कामाणं १६ । पमयावि य तेसिं हांति

सोम्या सुजाय-सवंग-सुंदरीश्री पहाण-महिलागुणोहिं जुता, अतिकंत-विस-
 पमाण-मउदय-सुकुमाल-कुम्भसंठिय-विसिट्ट-चलणा, उज्जु-मउय-पीवर-सुसाहतं-
 गुनीश्री, अब्भुन्नत-रतित-तलिण-तंब-सुइ-निद्धनखा. रोमरहिय-वट्टसंठिय-
 अजहन्न-पसत्य-लक्खण-अकोप्प-जंघजुयला, सुणिम्मित-सुनिगूढजाण-
 मंसल-पसत्य-सुबद्धसंधी, कयली-खंभातिरेक-संठिय-निव्वण-सुकुमाल-
 मउय-कोमल-अविरल-समसहित-सुजाय-वट्टमाण-पीवर-निरन्तरोरु
 अट्टावय-वीइ-पट्ट-संठिय-पसत्य-विच्छिन्न-पिड्डुलसोणी, वयणायाम-
 पमाण-दुगुणिय-विसाल-मंसल-सुबद्ध-जहण-वर-धारिणीश्री, वज्ज-
 विराइय-पसत्य-लक्खण-निरोदरीश्री १७ । तिवलि-वलिय-तण्णनमिय-
 मज्झियाश्री, उज्जुय-समसहिय-जब्-तण्ण-कसिण-निद्ध-आदेज्ज-लडह-
 सुकुमाल-मउय-सुविभत्त-रोमराजीश्री गंगावत्तग-पदाहिणावत्त-तरंगभंग-
 रविकिरण-तरुण-बोधित-आकोसायंत-पउम-गंभीर-विगड-नाभा, अण्णुब्भ-
 पसत्य-सुजात-पीणकुच्छी, सन्नतपासा, सुजातपासा, संगतपासा, मिय-मायिय-
 पीण-रतितपासा, अकरंडुय-कण्ण-रुयग-निम्मल-सुजाय-निरुवहय-गाय-
 लट्टी, कंचण-कलस-पमाण-समसहिय-लट्टुचुचूय-आमेलग-जमल-जुयल-
 वट्टिय-पश्रोहराश्री भुयंग-अण्णुपुव्व-तण्णय-गोपुच्छ-वट्ट-समसहिय-
 नमियआदेज्ज-लडहवाहा, १८ । तंबनहा, मंसलग्गहत्या कोमल-पीवर-
 वरंगुलीया, निद्ध-पाणिलेहा, ससि-सूर-संख-चक-वर-सोत्थिय-विभत्त-सुविरइय-
 पाणिलेहा, पीण्णुगणय-कक्ख-वत्थिप्पदेस-पडिपुन्न-गल-कवोला, चउरंगुल-
 सुप्पमाण-कंबु-वर-सरिसगीवा, मंसल-संठिय-पसत्य-हण्णया, दालिम-पुप्फ-
 प्पगास-पीवर-पलंब-कुंचित-वराधरा, सुंदरोत्तरोत्तरोट्टा, दधि-दगरय-कुंद-
 चंद-वासंति-मउल-अच्छिह-विमलदसणा, रत्तुप्पल-पउमपत्त-सुकुमाल-तालुजीहा,
 कण्णवीर-मुउल-कुडिल-अब्भुन्नय-उज्जु-तुंगनासा, सारद-नवकमल-कुमुत-कुवलय-
 दल-निगर-सरिस-लक्खण-पसत्य-अजिग्गह(निम्मल)कंतनयणा, १९ । आना-

मिय-चाव-रुइल-किराहम्भराइ-संगय-सुजाय-तणु-कसिण-निद्धभुमगा, अल्लीण-
 पमाण-जुत्तसवणा, सुस्सवणा, पीण-मट्ट-गंडलेहा, चउरंगुल-विसाल-सम-
 निलाडा, कोमुदि-रयणिकर-विमल-पडिपुन्न-सोमवदणा, छत्तुन्नय-उत्तमंगा,
 अकविल-सुसिणिद्ध-दीहसिरया, छत्तज्जय-जूव-थूभ-दामिणि कमंडलु-कलस-
 वावि-सोत्थिय-पडाग-जव-मच्छ-कुम्म-रथ-वर-मकरज्जय-अंक-थाल-अंकुस-अट्टा-
 वय-सुपइट्ट-अमर-मयूर-सिरियाभिसेय-तोरण-मेइणि-उदधिवर-पवरभवण-गिरि-
 वर-वरायंस-सललियगय-उत्तम-सीह-चामर-पसत्थ-वत्तीस-लक्खणाधरीओ,
 हंस-सरित्थ-गतीओ, कोइल-महुर-गिराओ, कंता, सव्वस्स अणुमयाओ,
 ववगयवलि-पलित-वंग-दुव्वन्नवाधि-दोहग्ग-सोयमुकाओ, उव्वत्तेण य नराण
 थोवूण-मूसियाओ, सिंगारागार-चारुवेसाओ, सुंदरथण-जहण-वयण-कर-चरण-
 णयणा, लावन्न-रूव-जोव्वण-गुणोववेया, नंदण-वण-विवर-चारिणीओ व्व
 अच्छेराओ उत्तरकुरु-माणसच्छेराओ अच्छेराग-पेच्छणिजियाओ तिन्नि य
 पलिओवमाइं परमाउं पालयित्ता ताओऽवि उव्वणमंति मरणधम्मं अविचित्ता
 कामाणं २० ॥ सू० १५ ॥ मेहुणसन्ना-संपगिद्धा य मोहभरिया सत्थेहिं हणंति
 एकमेक्कं विसयविस-उदीरणसु, अवरं परदारेहिं (उदारपरदारेहिं) हम्मंति
 विसुणिया धणानासं सयण-विप्पणासं च पाउणंति, परस्स दाराओ जे अवि-
 रया मेहुणसन्न-संपगिद्धा य मोहभरिया अस्सा हत्थी गवा य महिसा मिगा य
 मारंति एकमेक्कं, मणुयगणा वानरा य पक्खी य विरुज्जंति, मित्ताणि
 खिप्पं भवंति सत्तू, समये धम्मे गणे य भिंदंति पारदारी, धम्मगुणरया य
 बंभयारी खणेण उल्लोट्टेण चरित्ताओ जसमंतो सुव्वया य पावंति अयसकिच्चिं
 रोगत्ता वाहिया पवड्ढित्ति रोयवाही, दुवे य लोया दुआराहगा भवंति-इहलोए
 चेव परलोए परस्स दाराओ जे अविरया, तहेव केइ परस्स दारं गवेसमाणा
 महिया य हया अ वद्धरुद्धा य एवं जाव गच्छंति विपुल-मोहाभिभूय-सन्ना
 १ । मेहुणमूलं च सुव्वए तत्थ तत्थ वत्तपुव्वा संगामा जणक्खयकरा सीयाए

दोवईए कए रुपिणीए पउमावईए ताराए कंचणाए रत्तसुभदाए अहिनिदाए
 सुवन्नगुलियाए किन्नरीए सुरूवविज्जुमतीए य २ । अन्नेसु य एवमादिएसु
 बहवो महिलाकएसु सुव्वंति अइक्कंता संगामा गामधम्ममूला अबंभसेविणो
 इहलोए वि ताव नट्टा (नट्टकीत्ति) परलोएवि य णट्टा महया मोह तिमि-
 संवकारे घोरे तस-थावर-सुहुम-बादरेसु पज्जत्त-मपज्जत्त-साहारणा-सरीर-पत्तेय-
 सरीरेसु य अंडज-पोतज-जराउय-रसज-संसेइम-संमुच्चिम-उब्भिय-उववादिएसु
 य नरग-तिरिय-देव-माणुसेसु जरा-मरण-रोग-सोगबहुले पत्तिओवम-
 सागरोवमाइं अणादियं अणावदग्गं दीहमद्धं चाउरंतं संसारकंतरं अणुपरि-
 यट्टंति जीवा मोहवसं निविट्टा ३ । एसो सो अबंभस्स फलविवागो इह-
 लोइओ परलोइओ य अप्पसुहो बहुदुक्खो महब्भओ बहुरयप्पगाढो दास्सो
 ककसो असाओ वाससहस्सेहिं न मुच्चति, न य अवेदइत्ता अत्थि हु
 मोक्खोत्ति, एवमाहंसु नायकुलनंदणो महप्पा जिणो उ वीरवरनामधेज्जो
 कहेसी य अबंभस्स फलविवागो एयं तं अबंभंपि चउत्थं सदेवमणुयासुरस्स
 लोगस्स पत्थण्णिज्जं एवं चिर-परिचिय-मणुगयं दुरंतं चउत्थं अधम्मदारं
 समत्तं तिबेमि ४ ॥ ४ ॥ सू० १६ ॥

॥ इति चतुर्थमध्ययनम् ॥

॥ अथ पञ्चम-परिग्रहाश्रवारूयं पञ्चममध्ययनम् ॥

जंबू ! इत्तो परिग्रहो पंचमो उ नियमा, णाणाभणि-कणाग-रयणा-
 महरिद्ध-परिमल्ल-सपुत्तदार-परिजणा-दासी-दास-भयग-पेस-हयागय-गो-महिस-उट्ट-
 खर-अय-गवेलग-सीया-सगड-रह-जाणा-जुग्ग संदणा-सयणासणा-वाहणा-कुविय-
 धणा-धन्न-पाणा-भोयणाच्छायणा-गंध-मल्ल-भायणा-भवणाविहिं चेव बहुविहीयं
 भरहं णग-णागर-णियम-जाणवय-पुरवर-दोणमुह-खेड-कब्बड-मडंब-संवाह-
 पट्टणा-सहस्सपरिमंडियं थिमिय-मेइणीयं एगच्छत्तं ससागरं भुंजिज्जा वसुहं

अपरिमिय-मगांत-तरह—मणुगय-महिच्छ-सार—निरयमूलो १ । लोभ-कलि-
 कसाय-महस्वंधो, चिंतासय-निचिय-विपुल-सालो, गारव-पविरल्लियग्ग-विड्वो,
 नियडि-तया-पत्त-पल्लव-धरो, पुष्फफलं जस्स कामभोगा आयास-विसूरणा-
 कलह-पकंपियग्ग-सिहरो, नरवति-संपूजितो, बहुजणस्स हिययदइओ, इमस्स
 मोक्ख-वर-मोत्ति-मग्गस्स फलिहभूओ चरिमं अहम्मदारं २ ॥ सू० १७ ॥
 तस्स य नामाणि इमाणि गोराणाणि होंति तीसं, तंजहा—परिग्गहो १
 संचयो २ चयो ३ उवचओ ४ निहाणं ५ संभारो ६ संकरो ७ आयरो ८
 पिंडो ९ दव्वसारो १० तहा महिच्छा ११ पडिबंधो १२ लोहप्पा १३
 महिडि-हदी (महपरिव्वया)(महइ) १४ उवकरणां १५ संरक्खणा य १६
 भारो १७ संपाय-उप्पायको १८ कलि-करंडो १९ पवित्थरो २० अणत्थो
 २१ संथवो २२ अगुत्ती (अकीत्ति) २३ आयासो २४ अविओगो २५
 अमुत्ती २६ तरहा २७ अणत्थको २८ आसत्ती २९ असंतोसोत्तिविय ३०,
 तस्स एयाणि एयाणि एवमादीणि नामधेज्जाणि होंति तीसं ॥ सू० १८ ॥
 तं च पुण परिग्गहं ममायंति लोभयत्था भवण-वर-विमाण-वासिणो परिग्ग-
 हरुती परिग्गहे विविह-करणाबुद्धी देवनिकाया य, असुर-भुयग-सुवराणो(गरुल)-
 विज्जु-जलण-दीव-उदहि-दिसि-पवण-थणिय—अणवंनिय-पणवंनिय-इसिवातिय-
 भूतवाइय-कंदिय-महाकंदिय-कुहंड-पतंगदेवा पिसाय-भूय-जक्ख-रक्खस-क्किर-
 किंपुरिस-महोरग गंधच्चा य १ । तिरियवासी पंचविहा जोइसिया य देवा
 बहस्सती-चंद-सूर-सुक-सनिच्छरा राहु-धूमकेउ-बुधा य अंगारका य तत्त-
 तवणिज्ज—कणयवराणा जे य गहा जोइसम्मि चारं चरंति केऊ य, गतिरतीया
 अट्टावीसति-विहा य नक्खत्त-देवगणा, नाणासंठाण-संठियाओ य तारगाओ,
 ठियलेस्सा चारिणो य अविस्साम-मंडलगती २ । उवरिचरा उड्डलोगवासी
 दुविहा वेमाणिया य देवा, सोहम्मीसाण-सणकुमार-माहिंद-बंधलोग-
 लंतक-महासुक-सहस्सार-आणय-पाणय-आरण-अच्चुया, कप्पवरविमाण-

वासिणो सुरगणा, गेवेजा अणुत्तरा दुविहा कष्पातीया, विमाणवासी महिष्ठिका उत्तमा सुरवरा ३ । एवं च ते चउव्विहा सपरिसावि देवा ममार्यन्ति, भवण-वाहण-जाण विमाण-सयणासणाणि य नाणाविह-वत्थ-भूसणा पवर-पहरणाणि य नाणामणि-पंचवन्न-दिव्वं च भायणाविहि नाणाविह-कामरूवे वेउव्वित-अच्छरगण-संघाते ४ । दीवसमुद्दे दिसात्रो विदिसात्रो चेतियाणि वणसंडे पव्वते य, गामनगराणि य, आराभुज्जाण-काणाणाणि य, कूव-सर-तलाग-वावि-दीहिय-देवकुल-सभ-पव-वसहिमाइयाइं बहुकाइं कित्तणाणि य परिगेरिहत्ता परिग्गहं विपुलदव्वसारं देवावि सइंदगा न तित्तिं न तुट्ठिं उवलभन्ति, ५ । अच्चंत-विपुल-लोभामिभूत-सन्ना वासहर-इक्खुगार-वट्टपव्वय-कुंडल-रुचग-वरमाणुसोत्तर-कालोदधि-लवणा-सलिल-दहपति-रतिकर-अंजणाकसेल-दहिमुह-वपातुप्पाय-कंचणक-चित्तविचित्त-जमक-वरसिहर-कूडवासी वक्खार-अकम्मभूमिसु सुविभत्त-भाग-देसासु कम्मभूमिसु, जेऽवि य नरा चाउरंतवक्खटी वासुदेवा बलदेवा मंडलीया इस्सरा तलवरा सेणावती इब्भा सेट्ठी रट्ठिया पुरोहिया कुमाग दंडणायगा गणनायगा माडंबिया सत्थवाहा कोडुंबिया अमच्चा एए अन्ने य एवमाती परिग्गहं संचिण्ति, अण्णंतं, असरणां, दुरंतं, अधुवमणिच्चं, असासयं, पावकम्मनेम्मं, अवकिरियव्वं, विणासमूलं, वहवंध-परिकिलेस-बहुलं, अण्णंत-संकिलेस-कारणां ६ । ते तं घण-कण्णग-रयण-निचयं पिंडिता चैव लोभकथा संसारं अतिवयन्ति सव्वदुवख(भय)संनिलयणां, परिग्गहस्स य अट्टाए सिप्पसयं सिक्खए बहुजणो कलात्रो य बावत्तरिं सुनिपुणात्रो लेहाइयात्रो, सउणरुयावसाणात्रो गणियप्पहाणात्रो चउसट्ठिं च महिलागुणो रतिजणाणो, सिप्पसेवं असि-मसि-किसि-वाणिज्जं, ववहारं अत्थ-सत्थ-इसत्थ-च्छरुपवा(ग)यं विविहात्रो य जोगजुंजणात्रो अन्नेसु एवमादिएसु बहूसु कारणासएसु जावजीवं नडिज्जे, संचिण्ति मंदबुद्धी परिग्गहरसेव

य अट्टाए करंति पाणाण वहकरणां ७ । अलिय-नियडि-साइसंपथोगे परदवे अभिजा सपरदार-अभिगमण-सेवणाए आयास-विसूराणं कलह-भंडाण-वेराणि य अवमाणण-विमाणणाथो इच्छा-महिच्छ-प्पिवास-सतत-तिसिया तरहगेहि लोभवत्था अत्ताणा अणिग्गहिया करंति कोह-माण-माया-लोभे, अकित्तिणिज्जे परिग्गहे चेव होंति नियमा सत्ता दंडा य गारवा य कसाया सन्ना य कामगुण-अराहगा य इंदियलेसाथो सयणसंपथोगा सचित्ताचित्तमीसगाइं दब्बाइं अणांतकाइं इच्छंति परिघेत्तुं सदेवमणुयासुरम्मि लोए लोभपरिग्गहो जिणवरेहिं भणिथो = । नत्थि एरिसो पासो पडि-बंधो अत्थि सब्बजीवाणं सब्बलोए १ ॥ सू० ११ ॥ परलोगम्मि य नट्टा तमं पविट्टा महया-मोह-मोहियमती तिमिसंघकारे तस-थावर-सुहुम-बादरेसु पज्जत्त-मपज्जत्तग एवं जाव परियट्टंति दीहमडं जीवा लोभवस-संनिविट्टा । एसो सो परिग्गहस्स फलविवाथो इहलोइथो, परलोइथो, अप्पसुहो, बहुदुक्खो, महब्भथो, बहुरयप्पगाढो, दारुणो, ककसो, असाथो वाससह-स्सेहिं मुच्चइ, न अवेत्तिता अत्थि हु मोक्खोत्ति १ । एवमाहंसु नायकुल-नंदणो महप्पा जिणो उ वीरवर-नामधेज्जो कहेसी य परिग्गहस्स फल-विवागं २ । एसो सो परिग्गहो पंचमो उ नियमा नाणामणि-कणाग-रयण-महरिह एवं जाव इमस्स मोक्ख-वर-मोत्तिमग्गस्स फलिहभूयो, चरिमं अधम्मदारं समत्तं ॥ सू० २० ॥ एएहिं पंचहिं आसवेहिं रयमादिणि तु अणुसभयं । चउविहगइ दुह (जीव) पेरंत अणुपरियट्टंति संसारं ॥ १ ॥ सब्बगई पक्खंदे काहंति अणांतए अकयपुराणा । जे य न सुणांति धम्मं सोऊण य जे पमायंति ॥ २ ॥ अणुसिट्ठं पि बहुविहं मिच्छदिट्ठीथो जे नरा । अहमा बद्ध-निकाइय-कम्मा सुणांति धम्मं न य करंति ॥ ३ ॥ किं सका काउं जे जं नेच्छह ओसहं मुहा पाथो । जिणवयणां गुणमहुवरं विरेयणां सब्बदुक्खाणां ॥ ४ ॥ पंचेव य ऊज्झिऊण पंचेव य रक्खिउण भावेण । कम्मरय-विप्पमुक्का सिद्धि-वर-मणुज्जरं जंति ॥ ५ ॥

॥ अथ प्रथमसंवरा अहिंसाख्यं षष्ठमध्ययनम् ॥

जंबू ।—एतो संवरदाराइं पंच वोच्छामि आणुपुव्वीए । जह भणियाणि भगवया सब्वदुह-विमोक्खणाट्टाए ॥ १ ॥ पढमं होइ अहिंसा बितियं सच्चवयणांति पन्नत्तं । दत्तमणुन्नाय संवरो य बंभवेरमपरिग्गहत्तं च ॥ २ ॥ तत्थ पढमं अहिंसा तसथावर-सब्वभूय-खेमकरी । तीसे सभावणाओ किंची वोच्छं गुणुइसं ॥ ३ ॥ ताणि उ इमाणि सुव्वय ! महव्वयाइं लोकहिय-सव्वयाइं सुयसागर-देसियाइं तवसंजम-महव्वयाइं सीलगुण-वरव्वयाइं सच्चज्जवव्वयाइं नरग-तिरिय-मणुय-देवगति-विवज्जकाइं सब्वजिण-सासणागाइं कम्मरय-विदारगाइं भवसय-विणासणाकाइं दुहसय-विमोयणाकाइं सुहसय-पवत्तणाकाइं कापुरिस-दुरुत्तराइं सप्पुरिस-निसेवि(तीरि)याइं निव्व्याण-गमणामग्ग-सग्गप्पयाणागाइं(णायकाइं) संवरदाराइं पंच कहियाणि उ भगवया १ । तत्थ पढमं अहिंसा जा सा सदेव-मणुयासुरस्स लोगस्स भवति दीवो ताणां सरणां गती पइट्टा, निव्व्याणां १ निव्वुइ २ समाही ३ सत्ती ४ कित्ती ५ कंती ६ रती ७ विरती ८ सुयंगतित्ती ९-१० दया ११ विमुत्ती १२ खन्ती १३ सम्मत्ताराहणा १४ महंती १५ बोही १६ बुद्धी १७ धिती १८ समिद्धी १९ रिद्धि २० विद्धी २१ उिती २२ पुट्टी २३ नंदा २४ भदा २५ विसुद्धी २६ लद्धी २७ विसिट्ठदिट्ठी २८ कल्लाणां २९ मंगलं ३० पमोओ ३१ विभूती ३२ रक्खा ३३ सिद्धवासो ३४ अणासवो ३५ केवलीणा ठाणां ३६ सिवं ३७ समिई ३८ सील ३९ संजमो ४० त्ति य सीलपरिघरो ४१ संवरो ४२ य गुत्ती ४३ ववसाओ ४४ उस्सओ ४५ जन्नो ४६ आयतणां ४७ जतणा ४७ मप्पमातो ४९ अस्सासो ५० वीसासो ५१ अभओ ५२ सब्वस्सवि अमाघाओ ५३ चोक्ख ५४ पवित्ता ५५ सूती ५६ पूया ५७ विमल ५८ पभासा ५९ य निम्मलतर ६० त्ति एवमादीणि निययगुणानिम्भियाइं पज्जवनामाणि होंति अहिंसाए भगवतीए

२ ॥ सूत्रं २१ ॥ एसा सा भगवती अहिंसा जा सा भीयाण विव सरणां,
 प्रक्खीणां पिव गमणां, तिसियाणां पिव सलिलं, खुहियाणां पिव असणां,
 समुद्दमज्जे व पोतवहणां, चउप्पयाणां व आसमपयं, दुहट्टि(दुहदुट्टि)हियाणां च
 ओसहिबलं, अडवीमज्जे विसत्थगमणां १ । एत्तो विमिट्टतरिका अहिंसा
 जा सा पुढवि-जल-अगणि-मारुय-वणास्सइ-बीज-हरित-जलचर-थलचर-खहचर-
 तस-थावर-सव्वभूय-खेमकरी एसा भगवती अहिंसा जा सा २ । अपरिमिय-
 नाणा-दंसणाधरेहिं सीलगुणा-विणाय-तव-संयम-नायकंहिं तित्थंकरेहिं
 सव्वजगजीव वच्छलेहिं तिलोग-महिएहिं जिणचंदेहिं सुट्ठु दिट्ठा (उवलद्धा),
 ओहिजिणोहिं विराणाया, उज्जुमतीहिं विदिट्ठा, विपुलमतीहिं विदिता,
 पुव्वधरेहिं अधीता, वेउव्वीहिं पतिन्ना ३ । आभिणिवोहियनाणीहिं, सुय-
 नाणीहिं, मणापज्वनाणीहिं, केवलनाणीहिं, आमोसहिपत्तेहिं, खेलोसहि-
 पत्तेहिं, विण्पोसहिपत्तेहिं, जल्लोसहिपत्तेहिं, सव्वोसहिपत्तेहिं, बीजबुद्धीहिं,
 कुट्टुबुद्धीहिं, पदाणुसारीहिं, संभिन्नसोत्तेहिं, सुयधरेहिं, मणाबलिएहिं, वय-
 बलिएहिं, कायबलिएहिं नाणबलिएहिं, दंसणाबलिएहिं, चरित्तबलिएहिं,
 खीरासवेहिं, मधुआसवेहिं, सप्पियासवेहिं, अक्खीणमहाणसिएहिं चारणोहिं,
 विज्जाहरेहिं, (जंघाचारणोहिं विज्जाचारणोहिं) चउत्थभत्तिएहिं ४ । एवं जाव
 छम्मासभत्तिएहिं, उक्खित्तचरणेहिं, निक्खित्तचरणेहिं, अंतचरणेहिं, पंतचरणेहिं,
 लूहचरणेहिं, अन्नइलाएहिं, समुदाणाचरणेहिं, मोणचरणेहिं, संसट्टकप्पिएहिं,
 तज्जायसंसट्टकप्पिएहिं, उवनिहिएहिं, सुद्धेसणिएहिं, संखादत्तिएहिं, दिट्ठ-
 लाभिएहिं, अदिट्ठलाभिएहिं, पुट्टलाभिएहिं, आयंबलिएहिं, पुरिमड्डिएहिं,
 एक्कासणिएहिं, निव्वित्तिएहिं, भिन्नपिंडवाइएहिं, परिमियपिंडवाइएहिं, अंता-
 हारेहिं, पंताहारेहिं, अरसाहारेहिं, विरसाहारेहिं, लूहाहारेहिं, तुच्छाहारेहिं,
 अंतजीविहिं, पंतजीविहिं, लूहजीविहिं, तुच्छजीविहिं, उवसंतजीविहिं,
 पसंतजीविहिं, विवित्तजीविहिं, अखीरमड्डसप्पिएहिं, अमज्जमंसासिएहिं,

अणाइएहिं, पडिमंठाईहिं, ठाणुक्डिएहिं, वीरासणिएहिं, गोसजिएहिं,
 डंडाइएहिं, लगंडसाईहिं, एगपास(सप्पि)गेहिं, आयावएहिं, अप्पावएहिं,
 अणिट्टुभएहिं, अकंडुयएहिं, धुत-केस-मंसु-लोम-नखेहिं, सब्बगाय-पडिकम्म-
 विप्पमुक्केहिं, समणुचिन्ना ५ । सुयधर-विदित्तथकाय-बुद्धिहिं धीर-मति-
 बुद्धिणो, य जे ते आसीविस-उग्गतेयकप्पा, निच्छय-ववसाय(विणीय)
 पज्जत्त-कयमतीया, णिच्चं सज्जाय-ज्जाण-अणुबद्ध-धम्मज्जाणा, पंचमहव्वय-
 चरित्तजुत्ता, समिता समितिसु, समितपावा, छ्विह-जग-वच्छला,
 निच्चमप्पमत्ता ६ । एएहिं अन्नेहि य जा सा अणुपालिया भगवती इमं च पुट्टवि-
 द्द-अगणि-मारुय-तरुगण-तस-थावर-सव्वभूय-संयम-दयट्टयाते सुद्धं उज्जं
 गवेसियव्वं अकत्त-मकारि-मणाहूय-मणुद्धिट्टं, अकीयकडं, नवहि य कोडिहिं
 सुपरिसुद्धं, दसहि य दोसेहिं विप्पमुक्कं, उग्गम-उप्पायणोसणासुद्धं,
 ववगय-चुय-चाविय-वत्तदेहं च फासुयं च न निसज्ज-कहा-पत्थोयणाक्खासु-
 ओवणीयंति न तिगिच्छा मंत-मूल-भेसज्ज-कज्जहेउं, न लक्खणाप्पाय-सुमिणा-
 जोइस-निमित्त-कहकप्पउत्तं ७ । नवि डंभणाए, नवि रक्खणाते, नवि
 सासणाते, नवि दंभणा-रक्खणा-सासणाते भिक्खं गवेसियव्वं, नवि वंदणाते,
 नवि माणाणाते, नवि पूयणाते नवि वंदणा-माणाण-पूयणाते भिक्खं गवे-
 सियव्वं, नवि हीलणाते नवि निंदणाते नवि गरहणाते नवि हीलणा-
 निंदणा-गरहणाते भिक्खं गवेसियव्वं, नवि भेसणाते नवि तज्जणाते नवि
 तालणाते नवि भेसणा-तज्जणा-तालनाते भिक्खं गवेसियव्वं, नवि गारवेणां
 नवि कुह(प्प)णायाते नवि वणीमयाते नवि गारव-कुहणा-वणीमगयाए भिक्खं
 गवेसियव्वं, नवि मित्तयाए नवि पत्थणाए नवि सेवणाए नवि मित्त-
 पत्थणा-सेवणाते भिक्खं गवेसियव्वं ८ । अन्नाए, अगट्टिए (अगिट्टे),
 अदुट्टे, अदीणो अविमणो, अकलुणो, अविसाती, अपरितंतजोगी, जयणा-
 घडणा-करणा-चरिय-विणाय-गुणा-जोग-संपउत्ते, भिक्खु भिक्खेसणाते

निरते १ । इमं च णं सव्वजग-जीव-रक्खण-दयट्ठते पावयणं भगवया सुकहियं अत्तहियं पेच्चाभावियं आगमेसिभहं सुद्धं नेयाउयं अकुडिलं अणुत्तरं सव्वदुखपावाण विउसमणं १० ॥ सू० २२ ॥ तस्स इमा पंच भावणातो पढमस्स वयस्स होंति, पाणात्तिवाय-वेरमण-परिरक्खणट्ठयाए पढमं ठाणागमण-गुणजोग-जुंजण-जुगंतर-निवातियाए दिट्ठिए ईरियव्वं, कीड-पयंग-तस-थावर-दयावरेण निच्चं पुप्फ-फल-तय-पवाल-कंदमूल-दग्गमट्ठिय-बीज-हरिय-परिवज्जिएण संमं, एवं खलु सव्वपाणा न हीलियव्वा, न निंदियव्वा, न गरहियव्वा, न हिंसियव्वा, न छिंदियव्वा, न भिंदियव्वा, न वेहेयव्वा, न भयं दुक्खं च किंचि लब्भा पावेउं एवं ईरियासमितिजोगेण भावितो भवति अंतरप्पा असबल-मसंकिलिट्ठ-निव्वण-चरित्त-भावणाए अहिंसथो सुसंजथो सुसाहू त्तितीयं च मणेण पावएणं पावकं अहम्मियं दारुणं निस्संसं वहबंध-परिकिलेस-बहुलं मरणभय-परिकिलेस-संकिलिट्ठं न कयावि मणेण पावतेणं पावगं किंचिवि भायव्वं १ । एवं मणसमितिजोगेण भावितो ण भवति अंतरप्पा असबल-मसंकिलिट्ठ-निव्वण-चरित्त-भावणाए अहिंसथो संजथो सुसाहू २ । ततियं च वतीते पावियाते पावकं अहम्मियं दारुणं निस्संसं वहबंध-परिकिलेस-बहुलं जरमरण-परिकिलेस-संकिलिट्ठं न कयावि (वईए) तीए पावियाते पावकं न किंचिवि भासियव्वं एवं वयसमितिजोगेण भावितो भवति अंतरप्पा असबल-मसंकिलिट्ठ-निव्वण-चरित्त-भावणाए अहिंसथो संजथो सुसाहू ३ । चउत्थं आहार-एसणाए सुद्धं उउद्धं गवेसियव्वं अन्नाए अकहिए, (अगट्ठिते अदुट्ठे) अहीणे, अकलुणे, अविसादी, अपरितंतजोगी, जयण-घडण-करण-चरिय-विणिय-गुण-जोग-संपथोग-जुत्तो, भिक्खू, भिक्खेसणाते जुत्ते, समुदाणेऊण भिक्खाचरियं उंद्धं वेत्तूण आगतो गुरुजणस्स पासं गमणागमणातिचारे पडिकमेपडिक्कंते, अलोथणदायणं च दाऊण गुरुजणस्स गुरुसंदिट्ठस्स वा जहोवएसं निरइयारं

च अर्पमत्तो, पुणरवि अणोसणाते पयतो, पडिकमिता पसंते आसीण-
 सुहनिसन्ने मुहुत्तमेत्तं च भाणसुहजोग-नारा-सज्भाय-गोवियमाणो, धम्ममणो,
 अविमणो, सुहमणो, अविग्गहमणो, समाहियमणो, सद्धा-संवेग-निज्जरमणो,
 पवतण-वच्छल-भावियमणो उट्टेऊण य पहट्टुट्टे जहारायणियं निमंतइत्ता
 य साहवे भावओ य विइराणो य गुरुजणोणं उपविट्टे संपमज्जिऊण ससीसं
 कायं तहा करतलं अमुच्छित्ते, अगिद्धे, अगट्टिए, अगरहिते, अणज्भोववराणो
 अणाइले, अलुद्धे, अणुतट्टिते, असुरसरं अचवचवं अदुत्तमविलंबियं
 अपरिसाडिं आलोयभायणो जयं पय(जयमप्पम)त्तेण (जयमप्पमत्तेण) ववगय-
 संजोग-मणिगालं च विगयधूमं अक्खोवंजण-वणाणुलेवण-भूयं संजम-जाया-
 माया-निमित्तं संजम-भार-वहणाट्टयाए भुंजेज्जा (भोत्तवं) पाण-धाराणट्टयाए
 संजएण समियं एवं आहार-समिति-जोगेण भाविओ भवति अंतरप्पा
 असबल-मसंकिलिट्ट-निव्वण-चरित्त-भावणाए अहिंसए संजए सुसाहू, ४ ।
 पंचमं आदान-निक्खेवणा-समिई पीढ-फलग-सिज्जा-संधारग-वत्थ-पत्त-कंबल-
 दंडग-रयहरण-चोलपट्टग-मुहपोत्तिग-पायपुञ्जणादी वा एयंपि संजमस्स
 उववूहाणट्टयाए, वातातव-दंस-मसग-सीय-परिरक्खणाट्टयाए, उवगराणं रागदोस-
 रइत्तं परिहरितव्वं, संजयेण निच्चं पडिलेहण-पप्फोडण-पमज्जणाए अहो
 य राओ य अर्पमत्तेण होइ सययं, निक्खियव्वं, च गिणिहयव्वं च भायण-
 भंडोवहि-उवगराणं, एवं आयाण-भंडनिक्खेवणा-समितिजोगेण भाविओ
 भवति अंतरप्पा असबल-मसंकिलिट्ट-निव्वण-चरित्त-भावणाए अहिंसए
 संजते सुसाहू ५ । एवमिणं संवरस्स दारं सम्मं संवरियं होति सुप्पणिहियं
 इमेहि पंचहिं वि कारणोहिं मण-वयण-काय-परिरक्खिणहिं, णिच्चं आमराणंतं
 च एस जोगो णेयव्वो, धित्तिमया मत्तिमया अणासवो अक्खुसो अच्छिहो
 अपरिस्सावी असंकिलिट्टो सुद्धो सव्वजिणमणुत्तातो, एवं पढमं संवरदारं
 फासियं पालियं सोहियं तिरियं किट्टियं आराहियं आणाते अणुपालियं

भवति, एयं नायमुणिणा भगवया पन्नवियं परुवियं पसिद्धं सिद्धं, सिद्धवरसासणमिणां, आघवितं, सुदेसितं, पसत्थं, पढमं संवरदारं समत्तं ति वेमि १, ६ ॥ सूत्रं २३ ॥

॥ इति षष्ठं अध्ययनम् ॥ ६ ॥

॥ अथ द्वितीयसंवर-सत्याख्यं सप्तमध्ययनम् ॥

जंबू । वितियं च सच्चवयणं सुद्धं, सुचियं, सिवं, सुजायं, सुभासियं, सुव्वयं, सुकहियं, सुदिट्टं, सुपतिट्टियं, सुपइट्टियजसं, सुसंजमियवयणाबुइयं, सुरवर--नरवसभ--पवरबलवग--सुविहियजणाबहुमयं, परम--साहुधम्म--चरणां, तवनियम-परिग्गहियं, सुगतिपहदेसकं, च लोगुत्तमं वयमिणां १ । विजाहर-गगण-गमण-विजाण-साहकं सग्गमग्ग-सिद्धिपह-देसकं, अवितहं तं सच्चं २ । उज्जुयं, अकुडिलं, भूयत्थं अत्यतो, विसुद्धं, उज्जोयकरं, पभासकं भवति सच्चभावाण जीवलोगे ३ । अविसंवादि, जहत्थमधुरं पच्चक्खं दयिवयंवं जं तं अच्चेरकारकं अवत्थंतरेसु बहुएसु मणुसाणां ४ । सच्चेण महासमुद्दमज्जेवि मूढाणियावि पोया सच्चेण य उदगसंभमंमिवि न बुज्झंति, न य मरंति थाहं ते लभंति ५ । सच्चेण य अगणिसंभमंमिवि न डज्झंति उज्जुगा मणुसा ६ । सच्चेण य तत्ततेल्ल-तउ-लोह-सीसकाइं छिंति धरेति न य डज्झंति मणुसा ७ । पव्वय-कडकाहिं मुच्चंते न य मरंति सच्चेण य परिग्गहिया ८ । असिपंजरगया समराओवि णिइंति अण्णाहा य सच्चवादी ९ । वड्ढ-बंधभियोग-वेरघोरेहिं पमुच्चंति य अमित्तमज्झाहिं निइंति अण्णाहा य सच्चवादी १० । सादेव्वाणि (सरिणज्झाणिवि) य देवयाओ करेति सच्चवयणो रताणां ११ । तं सच्चं भगवं तित्थकर-सुभासियं दमविहं, चोदसपुव्वीहिं पाहुडत्थविदितं, महरिसीण य समयप्पइन्नं (महरिसि-समय-पइन्नचिन्नं), देविद-नरिद भासियत्थं, वेमाणिय-साहियं, महत्थं,

मंतोसहि-विज्ञा-साहण्यं, चारण-गण-समण-सिद्धविज्जं, मणुयगणाणं
 वंदणिज्जं, अमरगणाणं अञ्चणिज्जं, असुरगणाणं च पूयणिज्जं, अरोग-
 पाखंडि-परिग्गहितं, जं तं लोकंमि सारभूयं, गंभीरतरं महासमुदाओ,
 थिरतरगं मेरुपव्वयाओ, सोमतरगं चंदमंडलाओ, दित्तरं सूरमंडलाओ,
 विमलतरं सरयनहयलाओ, सुरभितरं गंधमादणाओ, जेविय लोगम्मि अपरि-
 सेसा मंतजोगा जवा य विज्ञा य जंभका य अत्थाणि य सत्थाणि य सिक्खाओ
 य आगमा य सच्चाणिवि ताइं सच्चं पइट्ठियाइं, सच्चं पिय संजमस्स उवरोह-
 कारकं किंचि न वत्तव्वं, हिंसासावज्जसंपउत्तं, भेयंदिक्कहकारकं, अणत्थवाय-
 कलहकारकं, अणज्जं, अव(आ)वायविवायसपउत्तं, वेलंवं, ओजधेज्जबहुलं,
 निल्लज्जं, लोयगरहणिज्जं, दुद्धिट्ठं, दुस्सुयं, अमुणियं । अप्पणो थवणा
 परेसु निंदा-न तंसि मेहावी, ण तंसि धन्नो, न तंसि पियधम्मो, न तंसि
 कुलीणो, न तंसि दाणपती, न तंसि सूर्ये, न तंसि पडिख्वो, न तंसि
 लट्ठो, न पंडिओ, न बहुस्सुओ, नवि य तंसि तवस्सी, ण यावि परलोग-
 णिच्छिय-मतीप्पसि, सब्बकालं जाति-कुल-ख्व-वाहि-रोगेण वावि जं होइ
 वज्जणिज्जं दुहितं (दुहओ) उवयार-मतिवकंतं एवंविहं सच्चं पि न वत्तव्वं
 १२ । अह केरिसकं पुणाइ सच्चं तु भासियव्वं १, जं तं दव्वेहिं पज्जवेहि
 य गुणेहिं कम्मेहिं बहुविहेहिं सिप्पेहिं आगमेहि य नाम-क्खाय-निवाउवसग्ग-
 तद्धिय-समास-संधि-पद-हेउ-जोगिय-उणादि-किरियाविहाण-धातु-सर(रस्)-
 विभत्ति-वन्नञ्जत्तं तिकल्लं १३ । दसविहंपि सच्चं जह भणियं तह यं कम्मणा होइ
 दुवालसविहा होइ भासा १४ । वयणंपिय होइ सोलसविहं १५ । एवं
 अरहंतमणुनायं समिक्खियं संजणा-कालंमि य वत्तव्वं १७ ॥ सू०२४ ॥
 इमं च अलियं पिसुणं फरुस-कडुय-चवल-वयण-परिरक्खणाट्टयाए पावयणं
 भगवया सुकहियं, अत्तहियं, पेच्चाभाविकं, आगमेसिभइं, सुद्धं, नेयाउयं,
 अक्कुडिलं, अणुत्तरं, सब्बदुक्खपावाणं विओसमणं, तस्स इमा पंच

भावणाश्चो १ । वितियस्स वयस्स अलियवयणास्स वेरमण-परिरक्खणाट्टयाए पढमं सोऊणा संवरट्टं परमट्टं सुद्धं जाणित्ता न वेगियं, न तुरियं, न चवलं, न कडुर्यं, न फरुसं, न साहसं, न य परस्स पीलाकरं सावज्जं, सच्चं च हियं च मिथं च गाहगं च सुद्धं संगयमकाहलं च समिक्खितं संजतेण कालंमि य वत्तव्वं २ । एवं अणुवीति-समिति-जोगेण भाविश्चो भवति अंतरप्पा संजय-कर-चरण-नयण-वयणो सूरुो सच्चज्जव-संपुत्तो ३ । वितियं कोहो ण सेवियव्वो, कुद्धो चंडिकिणो मणुसो अलियं भणोज्ज, पिसुणां भणोज्ज, फरुसं भणोज्ज, अलियं पिसुणां फरुसं भणोज्ज, कलहं करेज्जा, वेरं करेज्जा, विकहं करेज्जा, कलहं वेरं विकहं करेज्जा, सच्चं हणोज्ज, सीलं हणोज्ज, विणायं हणोज्ज, सच्चं सीलं विणायं हणोज्ज, वेसो हवेज्ज, वत्थुं भवेज्ज, गम्मो भवेज्ज, वेसो वत्थुं गम्मो भवेज्ज, एयं अन्नं च एवमादियं भणोज्ज कोहग्गिसंपलित्तो तम्हा कोहो न सेवियव्वो ४ । एवं खंतीइ भाविश्चो भवति अंतरप्पा संजयकरचरणनयणवयणो सूरुो सच्चज्जवसंपुत्तो ५ । ततियं लोभो न सेवियव्वो लुद्धो लोलो भणोज्ज अलियं, खेत्तस्स व वत्थुस्स व कतेण १ लुद्धो लोलो भणोज्ज अलियं, कित्तीए लोभस्स व कएण २ लुद्धो लोलो भणोज्ज अलियं, रिद्धीय व सोक्खस्स व कएण ३ लुद्धो लोलो भणोज्ज अलियं, भत्तस्स व पाणस्स व कएण ४ लुद्धो लोलो भणोज्ज अलियं, पीढस्स व फलगस्स व कएण ५ लुद्धो लोलो भणोज्ज अलियं, सेज्जाए व संथारकस्स व कएण ६ लुद्धो लोलो भणोज्ज अलियं, वत्थस्स व पत्तस्स व कएण ७ लुद्धो लोलो भणोज्ज अलियं, कंवलस्स व पायपुंछणास्स व कएण ८ लुद्धो लोलो भणोज्ज अलियं, सीसस्स व सिस्सीणीए व कएण ९ लुद्धो लोलो भणोज्ज अलियं, अन्नेसु य एवमादिसु बहुसु कारणासतेसु लुद्धो लोलो भणोज्ज अलियं ६ । तम्हा लोभो न सेवियव्वो, एवं मुत्तीय भाविश्चो भवति अंतरप्पा संजय-कर-चरण-

नयणवयणो सूरु सञ्जवसंपन्नो ७ । चउत्थं न भाइयव्वं भीतं खु भया
 अइंति लहुयं भीतो अबितज्जयो मणुतो भीतो भूतेहि विप्पइ भीतो
 अन्नं पिहु भेसेजा, भीतो तवसजमंपिहु सुएजा, भीती य भरं न नित्थरेजा,
 सप्पुरिसनिसेवियं च मग्गं भीतो न समत्थो अणुचरिउं, तम्हा न भातियव्वं,
 भयस्स वा वाहिस्स वा रोगस्स वा जराए वा मच्चुस्स वा एगस्स वा
 (अन्नस्स वा) एवमादियस्स एवं धेज्जेण भाविओ भवति अंतरप्पा संजय-
 कर-चरण-नयण-वयणो सूरु सञ्जवसंपन्नो ८ । पंचमकं हासं न सेवियव्वं
 अलियाइं असंतकाइं जंपंति हासइत्ता परपरिभवकारणं च हासं, परपरिवाय-
 पियं च हासं, परपीलाकारणं च हासं, भेदविमुत्तिकारकं च हासं,
 अन्नोन्नजणियं च होज्ज हासं, अन्नोन्नगमणं च होज्ज मम्मं अन्नोन्नगमणं च
 होज्ज कम्मं कंदप्पाभियोगगमणं च होज्ज हासं, आसुरियं किव्विसत्तणं च
 जगोज्ज हासं, तम्हा हासं न सेवियव्वं, एवं मोगेण भाविओ भवइ अंतरप्पा
 संजय-करचरण-नयणवयणो सूरु सञ्जवसंपन्नो ९ । एवमिणं संवरस्स
 दारं मम्मं संचरियं होइ सुप्पण्हियं इमेहि पंचहिवि कारणेहि मणवयण-
 काय-परिखिण्हि निच्चं आमरणंतं च एस जोगो गेयव्वो धितिमया
 मतिमया अणासवो अकलुसो अच्चिद्धो अपरिस्सावी असंकिलिट्ठो
 सव्वजिणमणुन्नाओ १० । एवं चितियं संवरदारं फासियं पालियं सोहियं
 तीरियं किट्टियं अणुपालियं आणाए आराहियं भवति, एवं नायमुणिणा
 भगवया पन्नवियं परुवियं पसिद्धं सिद्धवरसासणमिणं आघवितं सुदेसियं
 पसत्थं चितियं संवरदारं समत्तं तिबेमि २, ११ ॥ सू० २५ ॥

॥ इति सप्तममध्ययनम् ॥ ७ ॥

॥ अथ तृतीयसंवरादत्तादानविरमणाख्यं अष्टममध्यनम् ॥

जंबू ! दत्त-मराणुराणाय-संवरो नाम होति ततियं सुव्वता ! महव्वतं गुणव्वतं परदव्वहरण-पडिविरइ-करणाजुत्तं अपरिमिय-माणंत-तरहाणुगय-महिच्छ-मण-वयण-कलुस-आयाण-सुनिग्गहियं, सुसंजमिय-माणहत्थ-पागनिहुयं निग्गंथं, णोट्टिकं, निरुत्तं, निरासवं, निब्भयं, विमुत्तं, उत्तमनरवसभ-पवरबलवग-सुविहित-जणसंमतं, परमसाहु-धम्मचरणां १ । जत्थ य गामागर-नगर-निगम-खेड-कव्वड मडंब-दोणमुह-संवाह-पट्टणासमगयं च किंचि दव्वं मणि-मुत्त-सिलप्पवाल-कंस-दूस-रयय-वरकणग-रयणमादि पडियं पम्हुट्टं विप्पणट्टं न कप्पति कस्सति कहेउं वा गेरिहउं वा अहिरन्न-सुवन्निकेण सम-लेट्टु-कंचणेण अपरिग्गह-संबुडेणं लोगंमि विहरियव्वं २ । जंपिय होज्जाहि दव्वजातं खलगतं खेत्तगतं रन्न(जलथलगयं खेत्त)मंतरगतं वा किंचि पुप्फ-फल-तयप्पवाल कंद-मूल तण-कट्टसकरादि अप्पं च बट्टं च अणुं च थूलगं वा न कप्पती उग्गहंमि अदिगांमि गिरिहउं जे, हणि हणि उग्गहं अणुन्नविय गेरिहयव्वं ३ । वज्जेयव्वो सब्बकालं अचियत्त-घरपवेसो, अचियत्त-भत्तपाणां अचियत्त-पीढ-फलग-सेज्जा-संधारग-वत्थ-पत्त-कंबल-दंडग-रयहरण-निसेज्ज-चोलपट्टग-मुहपोत्तिय-पायपुंछणाइ भायण-भंडोवहि-उवकरणां, परपरिवाओ, परस्स दोसो परववएसेणं जं च गेरहइ, परस्स नासेइ जं च सुक्यं, दाणस्स य अंतरातियं दाणविप्पणासो, पेसुन्नं चैव मच्छरित्तं च, जेविय पीढ-फलग-सेज्जा-संधारग-वत्थ-पाय-कंबल-दंडग-रयहरण-निसिज्ज-चोलपट्टय-मुहपोत्तिय-पायपुंछणादि-भायण भंडोवहि-उवकरणां असंविभागी ४ । असंगहरुती, तवतेणो य, वइतेणो य ख्वतेणो य, आयारे चैव भावतेणो य, सइकरे, भज्भकरे, कलहकरे, वेरकरे, विकहकरे, अत्तमाहिकरे, सया अप्पमाणभोती सततं अणुवद्धवेरे य, तिब्बरोसी, से तारिसए नाराहए वयमिणां ५ । अह केरिसए पुणाइं आराहए वयमिणां १, जे से उवहि-भत्त-

पाण-संगहण-दाण-कुसले, अचं त-बाल-दुब्बल-गिलाण-बुद्ध-खवग-
 पवत्तिआयरिय-उवज्भाए, सेहे, साहम्मिके, तवस्सी-कुल-गण-संघ-चेइयट्टे
 य निज्जरट्टी वेयावच्चं अण्णिस्सियं बहुविहं दसविहं करेति, न य अचियत्तस्स
 गिहं पविसइ, न य अचियत्तस्स गेराहइ भत्तपाणं, न य अचियत्तस्स
 सेवइ, पीढ-फलग-सेज्जा-संथारग-वत्थ-पाय-कंबल-डंडग-रयहरण-
 निसेज्ज-चोलपट्टय-मुहपोत्तिय-पायपुं छणाइ-भायण-भंडोवहिउवगरणं न
 य परिवायं परस्स जंपति, ण यावि दोसे परस्स गेराहति, परववएसेणवि
 न किंचि गेराहति, न य विपरिणामेति किंचि जणं न यावि णासेति,
 दिन्नसुकयं दाऊण य न होइ पच्छताविए संविभागसीले संग्गहोवग्गह-कुसले
 से तारिसे आराहते वयमिणं ६ । इमं च परदव्व-हरण-वेरमण-परिस्खणट्टयाए
 पावयणं भगवया सुकहितं, अत्तहितं, पेच्चाभावितं, आगमेसिभदं, सुद्धं,
 नेयाउयं, अकुडिलं, अणुत्तरं, सब्बदुक्खपावाण विओवसमणं ७ । तस्स
 इमा पंच भावणातो ततियस्स होंति परदव्व-हरण-वेरमण-परिस्खणट्टयाए,
 पढमं देवकुल-सभा-प्पवा-वसह-रुक्खमूल-आराम-कंदरागर-गिरिगुहा-
 कम्मउज्जाण-जाणसाला कुवितसाला मंडव-सुन्नघर-सुसाणलेणआवणे अन्नंमि य
 एवमादियंमि दग-मट्टिय-बीज-हरित-तसपाण-असंसत्ते अहाकडे फासुए विवित्ते
 पसत्थे उवस्सए होइ विहरियव्वं, आहाकम्मवहुले य जे से आसित-संमज्जि-
 ओवलित्त-सोहिय-छायण-(छगण)इमणल्लिपण-अणुलिपण-जलण-भंडचालण
 अंतो बहिं च असंजमो जत्थ वड्ढती संजयाण अट्टा वज्जेयव्वो इ उवस्सओ
 से तारिए सुत्तपडिकुट्टे । एवं विवित्तवास-वसहि-समिति-जोगेण भावितो
 भवति अंतरप्पा निच्चं अहिकरण-करण-कारावण-पावकम्मविरतो दत्तमणुन्नाय-
 ओग्गहरुती ८ । वितीयं आरामुज्जाण-काणण-वणप्पदेस-भागे जं किंचि
 इक्कडं वा कट्ठिणं च जंतुगं [जवगं] च परा-मेर-कुच्च-कुस-डब्भ-पलाल-
 मूयग-पव्वय-पुष्फ-फल-तय-प्पवाल-कंद-मूल-तण-कट्ट-सकरादी गेराहइ

सेजोवहिस्स अट्टा न कप्पए उग्गहे अदिन्नंमि गिराहेउं जे हणि हणि उग्गहं अणुन्नविय गेरिहयव्वं एवं उग्गह-समिति-जोगेण भावितो भवति अंतरप्पा निच्चं अहिकरण-करण-कारावण-पावकम्म-विरते दत्त-मणुन्नाय-ओग्गहरुती ९ । ततीयं पीढ-फल-ग-सेज्जा-संधारगट्टयाए ख्वखो न छिंदियव्वो न छेदोण भेयणोण सेज्जा कारेयव्वा जस्सेव उवस्सते वसेज्ज सेज्जं तत्थेव गवेसेज्जा, न य विसमं समं करेज्जा, न निवाय-पवाय-उस्सुगत्तं न डंममसगेषु खुभियव्वं अग्गी धूमो न कायव्वो, एवं संजमबहुले संवरबहुले संबुडबहुले समाहिबहुले धीरे काएण फासयंतो सययं अज्झप्पज्झाणजुत्ते समिए एगे चरेज्ज धम्मं, एवं सेज्जासमितिजोगेण भावितो भवति अंतरप्पा निच्चं अहिकरण-करण-कारावण-पावकम्मविरते दत्त-मणुन्नाय-उग्गहरुती १० । चउत्थं साहारण-पिंडपात-लाभे सतिं भोत्तव्वं संजएण समियं न सायसूपाहिकं, न खद्धं, ण वेगितं, न लुरियं, न चवलं, न साहसं, न यपरस्स पीलाकरसावज्जं तह भोत्तव्वं जह से ततियवयं न सीदति, साहारण-पिंडपायलाभे सुहुमं अदिन्नादाण-विरमणवय-नियमणं (वय-निप्रमवेरमणं) एवं साहारण-पिंडवायलाभे समितिजोगेण भावितो भवति अंतरप्पा निच्चं अहिकरण-करण-कारावण-पावकम्मविरते दत्त-मणुन्नाय-उग्गहरुती ११ । पंचमं साहम्मिए विण्णत्थो पउंजियव्वो, उवकरणपारणासु विण्णत्थो पउंजियव्वो, वायण-परियट्टणासु विण्णत्थो पउंजियव्वो, दाणगहण-पुच्छणासु विण्णत्थो पउंजियव्वो, निक्खमण-पवेसणासु विण्णत्थो पउंजियव्वो, अन्नेसु य एवमादिसु बहुसु कारणसएसु विण्णत्थो पउंजियव्वो, विण्णत्थोवि तवो तवोवि धम्मो तम्हा विण्णत्थो पउंजियव्वो, गुरुसु साहूसु तवरसीसु य, विण्णत्थो पउंजियव्वो एवं विण्णत्तेण भावित्थो भवइ अंतरप्पा णिच्चं अधिकरण-करण-कारावण-पावकम्मविरते दत्त-मणुन्नाय-उग्गहरुइ १२ । एवमिणं संवरस्स दारं सम्मं संचरियं होइ सुपणिहियं एवं जाव आधवियं सुदेसितं पसत्थं १३ ॥ सू० २६ ॥ ततियं संवरदारं समत्तं तिवेमि ॥ ३ ॥

॥ अथ चतुर्थसंवर-ब्रह्मचर्याख्यं नवममध्ययनम् ॥

जंबू ! एतो य बंभचेरं उत्तम-तव-नियम-गुण-दंसण-चरित्त-सम्मत्त-
 विणायमूलं, संयम-नियम-गुणप्पहाणजुत्तं, हिमवंत-महंत-तेयमंतं, पसत्थ-गंभीर-
 थिमितमज्झं (-मज्झत्थ-) अज्जव-साहुजणाचरितं (-त-) मोक्खमग्गं विसुद्ध-
 सिद्धिगति-निलयं, सामय(-मव्वावाह-) मपुण्णभवं, पसत्थं, सोमं, सुभं,
 सिव(मयल)मक्खयकरं, जतिवर-सारक्खितं सुचरियं, सुसाहियं, नवरि
 मुणिवरेहिं महापुरिस-धीर-सूर-धम्मिय-धितिमंताण य सया विसुद्धं सब्ब-
 भव्व-जणाणुचिन्नं, निस्संकियं, निब्भयं, नित्तुसं, निरायासं, निरुवलेवं,
 निव्वुत्तिवरं, नियमनिप्पकंपं, तव-संजम-मूल-दलियणोम्मं, पंचमहव्वय-
 सुरक्खियं, समितिगुत्तिगुत्तं, भाण वर-कवाड-सुकय-रक्खण-मज्झप्प-
 दिन्नफलिहं, सन्नद्ध-वद्धोच्छइय-दुग्गइपहं, सुगतिपहदेसगं च लोगुत्तमं, च
 वयवयविणं पउमसर-तलाग-पालिभूयं, महासगड-अरग-तुंबभूयं, महाविडिम-
 रुक्ख-क्खंधभूयं, महानगर-पागार-कवाड-फलिहभूयं रज्जुपिण्णिद्धो व इंदकेतू
 विसुद्ध-योग गुण-संपिण्णद्धं १ । जंमि य भग्गंमि होइ सहसा सब्बं संभग्ग-
 महिय-मथिय-चुन्निय-कुसल्लिय-पव्वयपडिय-खंडिय-परिसडिय-विणासियं
 विणाय-सील-तव-नियम-गुणसमूहं २ । तं बंभं भगवंतं गहगण-नक्खत्त-
 तारगाणं वा जहा उडुपत्ती १, मणि-मुत्त-सिलप्पवाल-रत्तरयणागराणं च
 जहा समुद्धो २, वेरुलिओ चैव जहा मणीणं ३, जहा मउडो चैव भूसणाणं
 ४, वत्थाणं चैव खोमजुयलं ५, अरविंदं चैव पुप्फजेट्टं ६, गोसीमं चैव
 चंदणाणं ७, हिमवंतो चैव ओसहीणं ८, सीतोदा चैव निन्नगाणं ९,
 उदहीसु जहा सपंभुरमाणो १०, रुयगवर चैव मंडलिकपव्वयाणं ११,
 पवरो एरावण इव कुंजराणं १२, सीहोव्व जहा मिगाणं १३, पवरो
 पवकाणं चैव वेणुदेवे १४, धरणो जह पराणगइंदराया १५, कप्पाणं चैव
 बंभलोए १६, सभासु य जहा भवे सुहम्मा १७, ठितिसु लवसत्तमव्व पवरा

१८, दाणाणां चैव अभयदाणां १९, किमिराउ चैव कंवलाणां २१, संघयणो चैव वज्जरिसभे २१, संठाणो चैव समचउरंसे २२, भाणोसु य परमसुकजभाणां २३, णाणोसु य परमकेवलं तु सिद्धं २४, लेसासु य परमसुकलेस्मा २५, तित्थंकरे जहा चैव मुणीणां २६, वासेसु जहा महाविदेहे २७, गिरिसु गिरिराया चैव मंदरवरे २८, वणोसु जह नंदणावणां २९, पवरं दुमेषु जहा जंबू ३०, सुदंसणा वीसुयजसा जीए नामेण य अयं दीवो ३१, ३ । तुरगवती, गयवती रहवती, नरवती, जह वीसुए चैव, राया रहिए चैव जहा महारहगते, एवमणोगा गुणा अहीणा भवंति एवकंमि बंभचरे जंमि य आराहियंमि आराहियं वयमिणां सव्वं, सीलं तवो य विणाओ य, संजमो य, खंती गुत्ती मुत्ती तहेव इहलोइय-पारलोइयजसे य, किन्ती य, पच्चओ य, तम्हा निहुएणा बंभचरं चरियव्वं, सव्वओ विसुद्धं, जावजीवाए जाव सेयट्टिसंजउत्ति ४ । एवं भणियं वयं भगवया, तं च इमं—पंचमहव्वय-सुव्वयमूलं, समण-मणाइल-साहुसुचिन्नं । वेरविरमणा-पज्जवसाणां, सव्वसमुह-महोदधितित्थं ॥१॥ तित्थकरेहि सुदेसियमग्गं, निरयतिरिच्छ-विवज्जियमग्गं । सव्वपवित्त-सुनिम्मियसारं, सिद्धिविमाणा-अवंगुयदारं ॥२॥ देवनरिंद-नमंसियपूयं, सव्वजगुत्तम-मंगलमग्गं । दुद्धरिसं गुणनायकमेक्कं, मोक्खपहस्सस्वड्डिसगभूयं ॥३॥ जेण सुद्धचरिएणा भवइ सुबंभणो सुसमणो सुसाहु सुइसी सुमुणी ससंजए (स इसी समुणी स संजए) स एव भिक्खू जो सुद्धं चरति बंभचरं ५ । इमं च रति-राग-दोस-मोह-पवड्डणाकरं किमज्झ-पमाय-दोसपासत्थ-सीलकरणां अब्भंगणाणि य तेल्लमज्जणाणि य अभिक्खणां कवख-सीस-कर-चरण-वट्टण-धोवण-संबाहण-गायकम्म-परिमहणाणुलेवणा-चुन्नवास-धूवण-सरीरपरिमंडणा-बाउसिकं नह-केस-वत्थु-समारचणादिकं हसिय-भणिय-नट्ट-गीय-वाइय-नड-नट्टक-जल्ल-मल्ल-पेच्छणाबेलंबक जाणिय य सिंगारागाराणि (रकारणाणि) य अन्नाणि

य एवमादियाणि तव-संजम-बंधे-घातोवघातियाइं अणुचरमाणेणं
बंधे वज्जेयव्वाइं सव्वकालं ६ । भावेयव्वो भवइ य अंतरप्पा
इमेहिं तव-नियम-सीलजोगेहिं निच्चकालं, किं ते ?-अराहाणक-
अदंतधावणसे पमल-जल्लधारणं मूणावय-केसलोए य स्वम-दम-अचेलग-
खुप्पिवास-लाधव सीतोसिण-कट्टसेजा-भूमिनिसेजा-परघरपवेस-लद्धावलद्ध-
मांणावमाणा निंदण-दंसमसग-फास-नियम-तव-गुण-विणयमादिएहिं जहा से
थिरतरकं होइ बंधे ७ । इमं च अबंधे-विरमण-परिरक्खणट्टयाए
पावयणं भगवया सुकहियं, पेच्चाभाविकं, आगमेसिभदं, सुद्धं, नेयाउयं,
अकुडिलं, अणुत्तरं सव्वदुक्खपावाण विउसवणं ८ । तस्स इमा पंच
भावणाओ चउत्थयस्स होति अबंधे-वेरमण-परिरक्खणट्टयाए, पढमं
सयणासण-घर-दुवार-अंगण-आगास-गवक्ख-साल-अभिलोयण-पच्छवत्थुक-
पसाहणक-राहाणिकावकासा अवकासा जे य वेसियाणं अच्छंति य जत्थ
इत्थिकाओ अभिक्खणं मोहदोस-रतिराग-वड्डणीओ कहिति य कहाओ
बहुविहाओ तेऽवि हु वज्जणिज्जा, इत्थिसंसत्त-संकिलिट्ठा अन्नेवि य एवमादी
अवकासा ते हु वज्जणिज्जा । जत्थ मणोविब्भमो वा भंगो वा भंसणा वा
अट्टं रुद्धं च हुज्ज भाणं तं तं वज्जेज्जव्वज्जभीरू अणायतणं अंतपंतवासी
एवम-संसत्तवासवसही-समित्तिजोगेण भावितो भवति, अंतरप्पा आरतमण-
विरयगामधम्मे, जित्तेदिए, बंधे-रगुते १, २ । वितियं नारीजणस्स मज्जे न
कहेयव्वा कहा विचित्ता विब्बोय-विलाससंपउत्ता, हास-सिंगार-लोइयकहव्व
मोहजणणी न आवाह-विवाह-वरकहाविव इत्थीणं वा सुभग-दुभगकहा
चउसट्ठिं च महिलागुणा न वन्न-देस-जाति-कुल-रूव-नाम-नेवत्थ-परिजणकहावि
इत्थियाणं कन्नावि य एवमादियाओ कहाओ सिंगारकलुणाओ तव-संजम-
बंधे-घातोवघातियाओ अणुचरमाणेणं बंधे न कहेयव्वा, न सुणेयव्वा,
न चित्तेयव्वा, एवं इत्थीकह-विरति-समित्तिजोगेणं भावितो भवति अंतरप्पा

आरत-मण-विरय-गामधम्मे जिह्दिण् बंभचेरगुत्ते २, १० । ततीयं नारीण
हसित-भणितं चेद्विय-विष्पेक्खित-गइ-विलासकीलियं विब्बोतिय-नट्ट-गीत-
वातिय-सरीरसंठाण-वन्न-करचरण-नयणालावन्न-रूव-जोव्वण-पयोहराधर-वत्थालं.
कारभूसणाणि य गुज्भोवकासियाइं अन्नाणि य एवमादियाइं तवसंजम-
बंभचेर-घातोवघातियाइं अणुचरमाणेणं बंभचेरं न चक्खुसा न मणसा न
वयसा पत्थेयव्वाइं पावकम्माइं । एवं इत्थीरूव-विरति-समितिजोगेण भावितो
भवति अंतरप्पा आरतमण-विरयगामधम्मे जिह्दिण् बंभचेरगुत्ते ३, ११ ।
चउत्थं पुव्वरय-पुव्वकीलिय-पुव्वसंगंथ-गंथसंथुया जे ते आवाह-विवाहचो-
ल्लकेसु य तिथिसु जन्नेसु उस्सवेसु व सिंगारागार-चारुवेसाहिं हावभाव-
पललिय-विक्खेव-विलास-(गति)सालिणीहिं अणुकूल-पेम्मिकाहिं सद्धि
अणुभूया सयणसंपत्थोगा उदुसुह-वरकुसुम-सुरभिचंदण-सुगंधिवरवास-धूव-
सुहफरिस-वत्थ-भूसणगुणोववेया रमणिजाउज्जगेय-पउरनड-नट्टक-जल्ल-मल्ल-
मुट्टिक-वेलंग-कहग-पवग-लासग-आइक्खग-लंख-मंस-तूणइल्ल-तुं बवीणि-
य-तालायर-पकरणाणि य बहूणि महुर-सर-गीत-सुस्सराइं अन्नाणि य
एवमादियाणि तवसंजम-बंभचेर-घातोवघातियाइं अणुचरमाणेणं बंभचेरं न
तातिं समणेण लब्भा दट्टुं न कहेउं नवि सुमरिउं जे, एवं पुव्वरय-
पुव्वकीलिय-विरति-समितिजोगेण भावितो भवति अंतरप्पा आरयमणविरतगा-
मधम्मे जिह्दिण् बंभचेरगुत्ते ४, १२ । पंचमगं आहार-पणीय-निद्ध-भोयण-
विवज्जते संजते सुसाहु, ववगयखीर-दहि-सप्पि-नवनीय-तेल्ल-गुल्ल-खंड-मच्छंडिक-
महु-मज्ज-मंस-खज्जक-विगति-परिचत्तकयाहारे णं दप्पणं, न बहुसो, न
नितिकं, न सायसूपाहिकं, न खद्धं, तथा भोत्तव्वं जह से जायामाता य
भवति, न य भवति विब्भमो, न भंसणा य धम्मस्स, एवं पणीयाहार-
विरति-समितिजोगेण भावितो भवति अंतरप्पा आरतमण-विरतगामधम्मे
जिह्दिण् बंभचेरगुत्ते ५, १३ । एवमिणं संवरस्स दारं सम्मं संवरियं होइ

सुपण्हितं इमेहिं पञ्चहिंवि कारणेहिं मणवयण-काय-परिरक्खिएहिं णिच्चं
 आमरणंतं च एसो जोगो णेयव्वो धितिमया मतिमया अणासवो अकलुसो
 अच्चिद्धो अपरिस्सावी असंकिलिट्ठो सुद्धो सब्वजिणमणुत्तातो, एवं चउत्थं
 संवरदारं फासियं पालितं सोहितं तिरितं किट्टितं आणाए अणुपालियं भवति,
 एवं नायमुण्णिणा भगवया परूवियं पसिद्धं सिद्धवरसासणमिणं आघवियं
 सुदेसितं पसत्थं १४ ॥ सू० २७ ॥ चउत्थं संवरदारं समत्तं तिवेमि ॥ ४ ॥

॥ इति नवममध्ययनम् ॥ ६ ॥

॥ अथ पञ्चमसंवर-परिग्रहविरमणाख्यं दशममध्ययनम् ॥

जंबू ! अपरिग्रह-संबुडे य समणे आरंभ-परिग्रहातो विरते विरते
 कोह-माण-माया-लोभा एगे असंजमे १ दो चैव रागदोसा २ तिन्नि य
 दंडगारवा य गुत्तीओ तिन्नि तिन्नि य विराहणाओ ३ चत्तारि कसाया
 भाण-सन्ना-विकहा तथा य हुंति चउरो ४ पंच य किरियाओ समितिइंदिय-
 महव्वयाइं च ५ इज्जीवनिकाया इच्च लेसाओ ६ सत्त भया ७ अट्ट य
 मया ८ नव चैव य बंभचेरवयगुत्ती ९ दसप्पकारे य समाधम्ममे १०
 एकारस य उवासकाणं ११ बारस य भिक्खुपडिमा १२ किरियठाणा य
 १३ भूयगामा १४ परमाधम्मिया १५ गाहासोलसया १६ असंजम १७
 अवंभ १८ णाय १९ असमाहिठाणा २० सबला २१ परिसहा २२
 सूयगड्जभयण २३ देव २४ भावण २५ उद्देस २६ गुण २७ पक्कप
 २८ पावसुत २९ मोहणिज्जे ३० सिद्धातिगुणा य ३१ जोगसंगहे ३२
 तित्तीसा आसातणा सुरिंदा आदिं एकातियं करेत्ता एककुत्तरियाए वट्टिए
 तीसातो जाव उ भवे एकाहिका विरतीपण्णिहीसु, अविरतीसु य एवमादिसु
 बहूसु ठाणेसु, जिणपसाहिएसु, अवितहेसु, सासयभावेसु, अवट्टिएसु संकं
 कंखं निराकरेत्ता सदहते सासयां भगवतो अणियाणो, अगारवे, अलुद्धे,

अमूढ-मण-वयण-कायगुत्ते ॥ सू० २८ ॥ जो सो वीर-वर-वयण-विरति-
 पवित्थर-बहुविहृष्कारो, सम्पत्त-विमुद्धमूलो, धितिकंदो, विणयवेतितो,
 निग्गत-तिलोक्क-विपुल-जस-निविड-(निचिन)-पीण-पवर-सुजातखंधो, पंचमहव्वय-
 विसालसालो, भावणातय(यंत)ज्झाण-सुभ-जोग-नाण पल्लव-वरंकरधरो, बहुगुण-
 कुसुमममिद्धो, सीलसुगंधो, अणणहवफलो, पुणो य मोक्खवर-बीजसारो,
 मंदरगिरि-सिहरचूलिका इव इमस्स मोक्खवर-मुत्तिमग्गस्स सिहरभूओ,
 संवरवरपादपो चरिमं संवरदारं १ । जत्थ न कप्पइ गामागर-नगर-खेड-
 कब्बड-मडंब-दोणमुह-पट्टणासमगयं च किंचि अप्पं व बहुं व अणुं व
 थूलं व तस-थावर-कायदव्वजायं मणसावि परिघेतुं ण हिरन्न-सुवन्न-
 खेत्तवत्थु, न दासीदास-भयक-पेस-हय-गय-गवेलगं च, न जाण-जुग्ग-सयणाइ,
 ण छत्तकं, न कुंडिया, न उवाणहा, न पेहुण-वीयण-तालियंठका, ण यावि
 अय-तउय-तंब-सीसक-कंस-रयत-जातरूव-मणि-मुत्ताधारपुडक-संख-दंतमणि-
 सिंग-सेल(लेस)-काय-वरचेल-वम्मपत्ताइं महरिहाइं परस्स अज्झोववाय-
 लोभजणाणाइं परियड्ढे(ट्टि)उं गुणावओ न यावि पुप्फफल-कंदमूलादियाइं
 सण-सत्तरसाइं सब्बधन्नाइं तिहिवि जोगेहिं परिघेतुं ओसह-भेसज्ज-
 भोयणाट्टयाए संजएणं २ । किं कारणं ?, अपरिमित-णाण-दंसणधरेहिं,
 सीलगुण-विणय-तव-संजमनायकेहिं, तित्थयरेहिं, सब्ब-जगज्जीव-वच्छलेहिं,
 तिलोयमहिणहिं, जिणवरिंदेहिं एस जोणी जंगमाणां दिट्ठा न कप्पइ ३ ।
 जोणिसमुच्छेदोत्ति तेण वज्जंति समणसीहा, जंपिय ओदण-कुम्मास-गंज-
 तप्पण-मंथु-भुज्जिय-पलल-सूप-सक्कुलि-वेढिम-वरस(सा)रक-बुन्नकोसग-पिंड-
 सिहरिणि-वट्टमोयग-खीर-दहि-सप्पि-नवनीत-तेल्ला-गुल-खंड-मच्छंडिय-मधु-मज्ज-
 मंस-खज्जक-वंजण-विधिमादिकं पणीयं उवस्सए परधरे व रन्ने न कप्पती
 तंपि सन्निहिं काउं सुविहियाणं ४ । जंपिय उद्धिट्ठ-ठविय-रचियग-पज्जवजातं
 पकिराण-पाउकराण-पामिच्चं, मीसकजायं, कीय-कडपाहुडं च दाणाट्ट-

पुत्रपगडं समण-वणीमगट्टयाए वा कयं, पच्छाकम्मं, पुरेकम्मं, नितिकम्मं, मक्खियं, अतिरित्तं, मोहरं चैव सयग्गहमाहडं, मट्टिउवलित्तं, अच्चेज्जं चैव अणीसट्टं जं तं तिहीसु जन्नेसु ऊसवेसु य अंतो वा बहिं व होज्ज समणट्टयाए उवियं हिंसासावज्ज-संपउत्तं न कप्पती तंपिय परिषेत्तुं ५ । अह केरिसयं पुणाइ कप्पति ?, जं तं एकारस-पिंडवायसुद्धं, किण्ण-हण्ण-पयण-कयकारियाणुमोयण-तदकोडीहिं सुपरिसुद्धं, दसहिं य दोसेहिं विप्पमुक्कं, उग्गम-उप्पायणोसणाए सुद्धं, ववगय-चुय-चविय-चत्तेदेहं च फासुयं ववगय-संजोग-मणिगालं, विगयधूमं, छट्टाणनिमित्तं, छकाय-परिरक्खणाट्टा हणिं हणिं फासुकेण भिक्खेण वट्टियव्वं ६ । जंपिय समणस्स सुविहियस्स उ रोगायंके बहुप्पकारंमि सम्मुप्पन्न वाताहिक-पित्त-सिंभाइरित्त-कुविय तह सन्निवातजाते, व उदयपत्ते, उज्जल-वल-विउल-कक्खड-पगाढदुक्खे, असुभ-कडुय फरुसे, चंड-फलविवागे, महब्भए जीवियंत-करणे, सब्ब-सरीर-परितावणकरे ७ । न कप्पती तारिसेवि तह अप्पणो परस्स वा ओसहभेसज्जं भत्तपाणं च तंपि संनिहिकयं, जंपिय समणस्स सुविहियस्स तु पडिग्गहधारिस्स भवति भायण-भंडोवहिउवकरणां पडिग्गहो पादबंधणां पादकेसरिया पादउवरां च पडलाइं तिन्नेव रयत्तारां च गोच्छओ तिन्नेव य पञ्च वा रयोहरण-चोलपट्टक-मुहरांतकमादीयं, एयंपि य संजमस्स उववूहणट्टयाए वायायवदंस-मसग-सीय-परिरक्खणाट्टयाए उवगरणां रागदोस-रहियं परिहरियव्वं संजएण णिच्चं पडिलेहण-पप्फोडण-पमज्जणाए अहो य राओ य अप्पमत्तेण होइ सततं निक्खिवियव्वं च गिरिहयव्वं च भायण-भंडोवहि उवकरणां ८ । एवं से संजते, विमुत्ते, निस्संगे, निप्परिग्गहरुई, निम्ममे, निन्नेहबंधणे, सब्बपावविरते, वासीचंदणसमाणकप्पे, सम-तिण-मणि-मुत्ता-लेट्टु-कंचणे, समे य माणावमाणणाए समियरते, समितरागदोसे, समिए, समितीसु सम्महिट्ठी समे य जे सब्बपाणभूतेसु से इ समणे, सुयधारते,

उजु(ज्जु)ते, संजए, सुसाहू, सरणां सव्वभूयाणां, सव्वजगवच्छले, सच्चभासके, य संसारंत-ट्टिते, य संसार-समुच्छिन्ने, सततं मरणाणुपारते, पारगे य सव्वेसिं संसयाणां, पवयणायाहिं अट्टहिं अट्टकम्म-गंठी-विमोयके, अट्टमयमहणे, ससमयकुसले य भवति १ । सुहदुक्ख-निव्विसेसे, अट्टिभतर-वाहिरंमि सया तवोवहाणांमि य सुट्टुज्जुते, खंते, दंते य हिय(धिइ)निरते, ईरियासमिते, भासासमिते एसणांसमिते, आयाण-भंड-मत्त-निक्खेवणासमिते, उच्चार-पासवण-खेल-सिंघाण-जल्ल-पारिट्ठावणियासमिते, मणागुत्ते वयगुत्ते, कायगुत्ते, गुत्तिंदिए, गुत्तवंभयारी, चाई, सज्जू, धन्ने, तवस्सी, खंतिखमे, जिर्तिंदिए, सोधिए अणियाणे, अबहिल्लेसे, अममे, अकिंचणे, छिन्नगंग्थे (छिन्नसोये, छिन्नसोए) निरुवलेवे, सुविमल-वरकंस-भायणां व मुक्कतोए, संखेविव निरंजणे, विगय-राग-दोस-मोहे, कुम्मो इव इंदिएसु गुत्ते, जच्चकंचणागंव जायरूवे, पोक्खरपत्तं व निरुवलेवे, चंदो इव सोमयाए(सोमभावयाए) सूरुो व्व दित्तेए, अचले जह मंदरे गिरिवरे, अक्खोभे सागरो व्व थिमिए, पुढवी व सव्वफाससहे, तवसा चिय भासरासिद्धन्निव्व जाततेए, जलियहुयासणो विव तेयसा जलंते, गोसीस-चंदणांपिव सीयले, सुगंधे य, हरयो विव समियभावे, उग्घोसिय-सुनिम्मलं व आयंसमंडलतलं व पागडभावेण सुद्धभावे, सोंठीरे कुंजरोव्व, वसभेव्व जायथामे, सीहे वा जहा मिगाहिवे होति दुप्पधरिसे, सारयसलिलं व सुद्धहियये, भारंडे चेव अप्पमत्ते, खग्गिविसाणां व एगजाते, खाणां चेव उड्डकाए, सुन्नागारेव्व अप्पडिकम्मे, सुन्नागारावणस्संतो निवाय-सरण-प्पदीय-ज्झाणामिव निप्पकंपे, जहा खुरो चेव एगधारे, जहा अही चेव एगदिट्ठी, आगासं चेव निरालंबे, विहगे विव सव्वथो विप्पमुक्के, कयपरनिलए जहा चेव उरए, अप्पडिबद्धे अनिलोव्व, जीवोव्व अप्पडिहयगती, गामे गामे एकरायं नगरे नगरे य पंचरायं दूइज्जंते य जिर्तिंदिए, जितपरीसहे, निब्भथो विऊ(विसुद्धे)

सच्चित्ताचित्त-मीसकेहिं दव्वेहिं विरायं गते, संचयातो विरण, मुत्ते, लहुके,
 निरवकंखे, जीविय-मरणास-विप्पमुवके निस्संधं निव्वणं चरित्तं धीरे काएणा
 फासयंते, अज्झप्पज्झाणजुत्ते, निहुण, एगे चरेज्ज धम्मं १० । इमं च
 अपरिग्गह-वेरमण-परिरवखणट्टयाए पावयणं भगवया सुकहियं, अत्तहियं,
 पेच्चाभाविकं, आगमेसिभद्दं, सुद्धं, नेयाउयं, अकुडिलं, अणुत्तरं, सब्बदुवख-
 पावाण विओसमणं ११ । तस्स इमा पंच भावणाओ चरिमस्स वयस्स
 होंति परिग्गह-वेरमण-रक्खणट्टयाए-पढमं सोइंदिएण सोच्चा सद्दाइं मणुन्न-
 भद्दगाइं, किं ते ?, वरमुरय-मुइंग-पणव-दददुर-कच्छभि-वीणा-विपंची-
 वल्लयि-वद्धीसक-सुघोस-नांद-सूसरपरिवादिणि-वंस-तूणक-पव्वक-तंती-
 तल-ताल-तुडिय-निग्घोसगीयवाइयाइं । नड-नट्टक-जल्ल-मल्ल-मुट्टिक-
 वेलंबक-कहक-पवक-लासग-आइवखक-लंख-मंख-तूणइल्ल-तुंबवीणिय-
 तालायर-पकरणाणि य बहूणि महुरसरगीतसुस्सराति १२ । कंची-
 मेहला-कलाव-पत्तरक-पहेरक-पायजालग-घंटिय-खिंखिणि-रयणोरुजा-
 लिय-छुड्डिय-नेउर-चलणमालिय-कणगनियलजाल-भूसणसद्दाणि ।
 लीलचंक्रममाणणादीरियाइं तरुणीजण-हसियभणिय-कल-रिभितमंजुलाइं
 गुणवयणाणि व बहूणि महुरजणभासियाइं अन्नेसु य एवमादिएसु सद्देसु
 मणुन्नभद्दएसु ण तेसु समणेण सज्जियव्वं, न रज्जियव्वं, न गिज्झियव्वं, न
 हसियव्वं, न मुज्झियव्वं, न विनिग्घायं, आवज्जियव्वं, न लुभियव्वं, न
 तुसियव्वं, न सइं च मइं च तत्थ कुज्जा, पुणारवि सोइंदिएण सोच्चा सद्दाइं
 अमणुन्न-पावकाइं, किं ते ?, अक्कोस-फरुस-खिसण-अवमाणण-तज्जण-
 निव्वभंछण-दित्तवयण-तासण-उक्कूजिय-रुन्न-रडिय-कंदिय-निग्घुट्टर-
 सिय-कलुण-विलवियाइं अन्नेसु य एवमादिएसु सद्देसु अमणुण-पावएसु
 न तेसु समणेण रूसियव्वं, न हीलियव्वं, न निर्दयव्वं, न खिसियव्वं, न
 छिंदियव्वं, न भिंदियव्वं, न वहेयव्वं, न दुगुंछावत्तियाए लब्भा उप्पाएउं, एवं

सोतिंदियभावणाभावितो भवति अंतरप्पा मणुन्नाऽमणुन्न-सुब्भिदुब्भि-रागदोस-
 प्पण्हियप्पा साहू मणवयण-कायगुत्ते संबुडे पण्हिहिंतिंदिए चरेज्ज धम्मं १, १३ ।
 वितियं चक्खिंदिएण पासिय रूवाणि मणुन्नाइं भइकाइं सच्चित्ताचित्तमीसकाइं
 वट्टे, पोत्थे य, चित्तकम्मे लेप्पकम्मे, सेले य, दंतकम्मे य, पंचहिं वराणेहिं
 अण्ण-संठाण-संठियाइं, गंठिम-वेढिम-पूरिम-संघातिमाणि, य मल्लाइं बहुविहाणि
 य अहियं नयण-मण-सुहकराइं, वणसंडे पव्वते य गामागरनगराणि य
 खुहिय-पुक्खरिणि-वावी-दीहिय-गुंजालिय-सरसरपंतिय-सागर-बिलपंतिय-
 खादिय-नदी-सर-तलाग-वप्पिणी-कुल्लुप्पल-पउम-परिमंडियाभिरामे, अण्ण-
 सउण-गण-मिहुणविचरिए, वरमंडव-विविहभवण-तोरण-चेतिय-देवकुल-सभ-
 प्पवावसह-सुकयसयणासण-सीय-रह-सयड-जाण-जुग्ग-संदण-नरनारिगणे य,
 सोम-पडिरूव-दरिसण्णिज्जे, अलंकित-विभूसिते, पुव्वकय-तवप्पभाव-सोहग्ग-
 संपउत्ते, नड-नट्टुग-जल्ल-मल्ल-मुट्टिय-वेलंबग-कहग-पवग-त्तासग-आइक्खग-लंख-
 मंख-तूणइल्ल-तुंबवीणिय-तालायरकरणाणि य बहूणि सुकरणाणि अन्नेसु य
 एवमादिएसु रूवेसु मणुन्नभइएसु न तेसु समणेण सज्जियव्वं, न रज्जियव्वं,
 जाव न सइं च मइं च तत्था कुज्जा, पुणारवि चक्खिंदिएण पासिय रूवाइं
 अमणुन्नपावकाइं, किं ते ?, गंडि-कोटि-ककुणि-उदरि-कच्छुल्ल-पइल्ल-कुज्ज-पंगुल-
 वामण-अंधिल्लग-एगचक्खु-विणिहय-सप्पिसल्लग-वाहिरोगपीलियं विगयाणि
 य मयक-कलेवराणि सकिमिण-कुहियं च दव्वरासिं अन्नेसु य एवमादिएसु
 अमणुन्न-पावकेसु न तेसु समणेण रूसियव्वं जाव न दुगुंछावत्तियावि
 लब्भा उप्पातेउं, एवं चक्खिंदिय-भावणाभावितो भवति अंतरप्पा जाव
 चरेज्ज धम्मं २, १४ । ततियं घाणिंदिएण अग्घाइय गंधातिं मणुन्नभइगाइं,
 किं ते ?, जलयर-थलयर-सरस-पुफ्फल-पाण-भोयण-कट्ट-तगर-पत्त-चोद-
 दमणक-मरुय-एलारस-पक्कमंति-गोसीस-सरसचंदण-कप्पूर-लवंग-अगर-कुंकुम-
 ककोल-उसीर-सेयचंदण-सुगन्ध-सारंग-जुत्ति-वरधूववासे उउय-पिंडिम-णिहारिम-

गंधिएसु अन्नेसु य एवमादिसु गंधेसु मणुन्नभइएसु न तेसु समगोण सज्जियव्वं जाव न सति च मई च तत्थ कुजा, पुणारवि घाणिदिएण अग्घातिय गंधाणि अमणुन्न-पावकाइं, किं ते ?, अहिमड-अस्समड-हत्थिमड-गोमड-विग-सुण्ण-सियाल-मणुय-मजार-सीह-दीविय-मयकुहिय-विणट्टुकिविण-बहुदुर-भिगंधेसु अन्नेसु य एवमादिसु गंधेसु अमणुन्नपावएसु न तेसु समगोण रूसियव्वं न हीलियव्वं जाव पिहिय-घाणिदिय चरेज्ज धम्मं ३, १५ । चउत्थं जिब्भिदिएण साइय रसाणि उ मणुन्नभइकाइं, किं ते ?, उग्गाहिम-विविहपाण-भोयण-गुलकय खंडकय तेल-घयकयभव्वेसु बहुविहेसु लवण-रससंजुत्तेसु महु-मंस बहुप्पगार-मज्जिय-निट्टाण-दालियव-सेहंबदुद्ध-दाहे-सरयमज्ज-वरवारुणी-सीहु-काविसायण-सायट्टारस-बहुप्पगारेसु भोयणेसु य मणुन्न-वन्न-गंध-रस-फास-बहुदव्वसंभितेसु अन्नेसु य एवमादिएसु रसेसु मणुन्नभइएसु न तेसु समगोण सज्जियव्वं जाव न सइं च मतिं च तत्थ कुजा, पुणारवि जिब्भिदिएण सायिय रसाति अमणुन्नपावगाइं, किं ते ?, अरस-विरस-सीय-लुक्ख-णिज्जप्पि-पाणभोयणाइं दोसीण-वावन्न-कुहिय-पूइय-अमणुन्न-विणट्टुपसूय-बहुदुब्भिगंधियाइं तित्त-कडुय-कसाय-अंबिलरस-लिंड-नीरसाइं अन्नेसु य एमातिएसु रसेसु अमणुन्नपावएसु न तेसु समगोण रूसियव्वं जाव चरेज्ज धम्मं ४, १६ । पंचमगं पुण फासिदिएण फासिय फासाइं मणुन्नभइकाइं, किं ते ?, दग-मंडव-हीर-सेयचंदण-सीयल-विमलजल-विविह-कुसुमसत्थर-ओसीरमुत्तिय-मुणालदोसिणा-पेहुण-उक्खेवग-तालियंठवीयण-जणिय-सुहसीयले य पवणे गिम्हकाले सुहफासाणि य बहूणि सयणाणि आसणाणि य पाउरणागुणे य सिसिरकाले अंगारपतावणा य आवय-निद्ध-मउय-सीय-उसिणलहुया य जे उउसुहफासा अंगसुह-निव्वुइकरा ते अन्नेसु य एवमादितेसु फासेसु मणुन्नभइएसु न तेसु समगोण सज्जियव्वं न रज्जियव्वं, न गिज्जियव्वं, न मुज्जियव्वं, न विणिग्घायं

आवज्जियव्वं, न लुभियव्वं, न अज्भोववज्जियव्वं, न तूसियव्वं, न हसियव्वं,
 न सतिं च मतिं च तत्थ कुज्जा, पुण्णरवि फासिदिण्ण फासिय फासाति
 अमणुन्नपावकाइं, किं ते ?, अणोगवध-बंध-तालगांकरा-अतिभारारोवणाए
 अंगभंजणा-सूतीनखण्वेस-गायपच्छणा-लक्खारस-खार-तेल्ल कलकलंत-तउअ-
 सीसक--काललोह--सिंचणा-हडिबंधणा रज्जुनिगल--संकलहत्थंडुय--
 कुंभिपाकदहणा-सीहपुच्छणा-उब्बंधणा-सूलभेय-गय-चलणमलणा-कर-
 चरणा-कन्न-नासोट्ट-सीसछेयणा-जिब्भछेयणा-वसणा-नयणा-हियय-दंत-
 भंजणा-जोत्तलय-कसप्पहार-पादपरिह-जाणुपत्थर--निवाय-पीलणा-
 कविकच्छुअगाणि विच्छुय-डक-वायातव-दंस-मसकनिवाते दुट्टणिसज्ज-
 दुन्निहिया-दुब्भिकक्खड-गुरुसीयउसिणालुक्खेसु बहुविहेसु अन्नेसु य
 एवमाइएसु फासेसु अमणुन्नपावकेसु न तेसु समणेण रूसियव्वं, न
 हीलियव्वं, न निदियव्वं, न गरहियव्वं, न खिसियव्वं, न छिदियव्वं, न
 भिदियव्वं, न वहेयव्वं, न दुगुंछावत्तियव्वं च लब्भा उप्पाएउं, एवं
 फासिदिय-भावणाभावितो भवति अंतरप्पा । मणुन्नामणुन्न-सुब्भदुब्भ-
 रागदोस-पणिहियप्पा साहू मण-त्रयणा-कायगुत्ते संबुडेणां पणिहित्तिदिए
 चरेज्ज धम्मं ५, १७ । एवमिणां संवरस्स दारं सम्मं संवरियं होइ
 सुप्पणिहियं इमेहिं पंचहिंवि कारणेहिं, मणावयकाय-परिरक्खिएहिं निच्चं
 आमरणांतं च एस जोगो नेयव्वो धितिमया मतिमया । अणासवो,
 अकल्लुसो, अच्छिद्धो, अपरिस्सावी, असंकट्टोलि, सुद्धो, सब्वजिणमणुन्नातो,
 एवं पंचमं संवरदारं फासियं पालियं सोहियं तीरियं किट्टियं अणुपालियं
 आणाए आराहियं भवति १८ । एवं नायमुणिणा भगवया महावीरेण
 पन्नवियं, परूवियं, पसिद्धं, सिद्धं, सिद्धवर-सासणमिणां आघवियं, सुदेसियं,
 पसत्थं, पंचमं संवरदारं सम्मत्तं ति वेमि ॥ एयातिं वयाइं पंचवि सुब्बय !
 महव्वयाइं हेउसय-विचित्तपुक्खलाइं कहियाइं अरिहंतसासणो पंच समासेण

संवरा वित्यरेण उ पण्वीसति-समिय-सहियसंवुडे सया जयण-घडण-
 सुविसुद्धदंसणे एण अणुचरिय संजते चरमसरीरधरे भविस्सतीति १९ ।
 वायगांतरे पुण एयाणि पंचावि सुव्वय ! महव्वयाणि लोकधिइकराणि,
 सुयसागर-देसियाणि संयम-सीलव्वय-सच्चज्जवमयाणि, नरय-तिरिय-देव-मणुय-
 मइविवज्जयाणि, सब्वजिण-सासणाणि, कम्मरयवियारकाणि, भवसय-
 विमोयगाणि, दुःखसय-विणासकाणि, सुक्खसय-पवत्तयाणि कापुरुषमुदुरु-
 त्तराणि सप्पुरिस-जणतीरियाणि, निव्वाण गमणजाणाणि कहियाणि सग्ग-
 पवायकाणि पंचावि महव्वयाणि कहियाणि २० ॥सूत्रं २९॥ पराहावागरणे
 णं एगो सुयक्खंधो दस अज्भयणा एकसरगा दससु च्चैव दिवसेसु
 उद्दिसिज्जंति एगंतरेसु आर्यबिलेसु निरुद्धेसु आउत्तभत्त पाएणं अंगं जहा
 आयांरस्स ॥ सूत्रं ३० ॥

॥ इति दशममध्ययनम् ॥

॥ इति प्रश्न-व्याकरण-सूत्रं दशमाङ्गं समाप्तम् ॥

[ग्रन्थाग्रं १३००]

॥ अर्हम् ॥

पञ्चमगणभृत्श्रीमत्सुधर्मस्वामिप्रणीतं

॥ श्रीमद्-विपाकसूत्रम् ॥

—१०—

॥ अथ दुःखविपाकाख्यः प्रथमः श्रुतस्कन्धः ॥

॥१॥ अथ श्री मृगापुत्रीयं प्रथममध्ययनम् ॥

ते णं काले णं ते णं समए णं चंपा णामं णयरी होत्था वराणश्चो,
पुन्नभहे चेइए १ । ते णं काले णं ते णं समएणं समएणस्स भगवश्चो
महावीरस्स अंतेवासी अज्जसुहम्मे णामं अणगारे जाइसंपन्ने वराणश्चो
त्रउहसपुव्वी चउनाणोवगए पंचहिं अणगारसएहि सद्धिं संपरिबुडे पुव्वानु-
पुव्वि जाव जेणोव पुणणभहे चेइए अहापडिरूवं जाव विहरइ, परिसा
निग्गया धम्मं सोब्बा निसम्म जामेव दिसं पाउब्भूया तामेव दिसं पडिगया
२ । ते णं काले णं ते णं समए णं अज्जसुहम्मअंतेवासी अज्जजंबूनामं
अणगारे सत्तुस्सेहे जहा गोयमसामी तहा जाव भाणकोट्टोवगए जाव
विहरति ३ । तए णं अज्जजंबूनामे अणगारे जायसड्ढे जाव जेणोव
अज्जसुहम्मे अणगारे तेणोव उवागए तिकखुत्तो आयाहिणपयाहिणं करेति २
त्ता वंदति २ ता नमंसति २ ता जाव पज्जुवासति, एवं वयासी ४ ।
॥ सूत्रं १ ॥ जइ णं भंते ! समणोणं भगवया महावीरेणं जाव संपत्तेणं
दसमस्स अंगस्स पराहावागरणाणं अयमट्टे पन्नत्ते, एकारसमस्स णं भंते !
अंगस्स विवागसुयस्स समणोणं जाव संपत्तेणं के अट्टे पन्नत्ते ?, तते णं
अज्जसुहम्मे अणगारे जंबुं अणगारं एवं वयासी—एवं खलु जंबु ।

समणोणं जाव संपत्तेणं एकारसमस्स अंगस्स विवागसुयस्स दो सुयक्खंधा पन्नत्ता, तंजहा—दुहविवागा य १ सुहविवागा य २, जइ णं भंते ! समणोणं जाव संपत्तेणं एकारसमस्स अंगस्स विवागसुयस्स दो सुयक्खंधा पन्नत्ता, तंजहा—दुहविवागा य १ सुहविवागा य २, १ । पढमस्स णं भंते ! सुयक्खंधस्स दुहविवागाणं समणोणं जाव संपत्तेणं कइ अज्झयणा पन्नत्ता ?, तते णं अज्झसुहम्मि अण्णगारे जंबूअण्णगारं एवं वयासी—एवं खलु जंबू ! समणोणं भगवया महावीरेणं आइगरेणं तित्थगरेणं जाव संपत्तेणं दुहविवागाणं दस अज्झयणा पन्नत्ता, तंजहा—मियउत्ते १ य उज्झिअए २ अभग्ग ३ सगडे ४ वहस्सई ५ नंदी ६ । उंबर ७ सोरियदत्ते ८ य देवदत्ता य ९ अंजू य १० ॥१॥ २ । जइ णं भंते ! समणोणं भगवया महावीरेणं आइगरेणं तित्थगरेणं जाव संपत्तेणं दुहविवागाणं दस अज्झयणा पन्नत्ता, तंजहा—मियउत्ते य १ जाव अंजू य १०, पढमस्स णं भंते ! अज्झयणास्स दुहविवागाणं समणोणं जाव संपत्तेणं के अट्टे पन्नत्ते ?, तते णं से सुहम्मि अण्णगारे जंबू अण्णगारं एवं वयासी—एवं खलु जंबू ! ते णं काले णं ते णं समएणं मियगामे नामे ण्णगरे होत्था वराण्णओ, तस्स णं मियगामस्स ण्णयरस्स बहिया उत्तरपुरिच्छमे दिसीभाए चंदणपायवे नामं उज्जाणो होत्था, सब्बोउयवराण्णओ, तत्थ णं सुहम्मस्स जक्खस्स जक्खाययणो होत्था चिरातीए जहा पुन्नभइ, तत्थ णं मियगामे ण्णगरे विजएनामं खत्तिए राया परिवसइ वन्नओ, तस्स णं विजयस्स खत्तियस्स मिया नामं देवी होत्था अहीण-वन्नओ, तस्स णं विजयस्स खत्तियस्स पुत्ते मियाए देवीए अत्तए मियापुत्ते नामं दारए होत्था, जातिअंधे जाइमूए जातिवहिरे जातिपंगुले य हुंडे य वायव्वे य, नत्थि णं तस्स दारगस्स हत्था वा पाया वा कन्ना वा अच्छी वा नासा वा, केवलं से तेसिं अंगोवंगाणं आगिई आगितिमित्ते ३ । तते णं सा मियादेवी तं मियापुत्तं दारगं रहस्सियंसि भूमिघरंसि रहस्सिएणं

भक्तपाशेषां पडिजागरमाणी २ विहरइ ४ ॥ सू० २ ॥ तत्थ णं मियग्गामे
 णगरे एगे जातिअंधे पुरिसे परिवसइ, से णं एगेणं सवक्खुतेणं पुरिसेणं
 पुरओ दंडएणं पगदिज्जमाणो २ फुट्टहडाहडसीसे मच्चिद्वया-चडगर-पहकरेणं
 अरिणज्जमाणमग्गे मियग्गामे नयरे गेहे २ यालुणवडियाए वित्ति कप्पेमाणो
 विहरइ १ । ते णं काले णं ते णं समए णं समणे भगवं महावीरे जाव
 समोसरिए जाव परिसा निग्गया २ । तए णं से विजए खत्तिए इमीसे
 कहाए लद्धे समाणे जहा कोणिए तहा निग्गते जाव पज्जुवासइ ३ ।
 तते णं से जातिअंधे पुरिसे तं महया जणसइ जाव सुणेत्ता तं पुरिसं एवं
 वयासी-किन्नं देवाणुप्पिया । अज्ज मियग्गामे णगरे इंदमहेइ वा जाव
 निग्गच्छइ ? तते णं से पुरिसे तं जाति(य)अंधपुरिसं एवं वयासी-
 नो खलु देवाणुप्पिया । अज्ज मियग्गामे नयरे इंदमहे वा जाव जत्ताइ वा
 जन्नं एए उग्गा जाव एगदिमिं एगाभिमुहा णिग्गच्छंति, एवं खलु देवाणु-
 प्पिया । समणे भगवं महावीरे जाव इह समागते इह संपत्ते इहेव मियग्गामे
 णगरे मिगवणुज्जाणे अहापडिरूवं उग्गहं उग्गिगिहत्ता संजमेसां तवसा अप्पारां
 भावेमाणो विहरति (इंदमहेइ वा जाव णिग्गच्छंति, एवं खलु देवाणुप्पिया ।
 समणे जाव विहरति,) तते णं एते जाव निग्गच्छंति ४ । तते णं से
 अंधपुरिसे तं पुरिसं एवं वयासी-गच्छामो णं देवाणुप्पिया । अग्गेवि
 समरां भगवं जाव पज्जुवासामो, तते णं से जातिअंधे पुरिसे पुरतो दंडएणां
 पगदिज्जमाणो २ जेणेव समणे भगवं महावीरे तेणेव उवागए २ ता तिवखुत्तो
 आयाहिणपयाहिणं करेइ २ ता वंदति नमंसति २ ता जाव पज्जुवासति
 ५ । तते णं समणे भगवं महावीरे विजयस्स रत्तो तीसे य महइमहालियाते
 परिसाए विवित्तं धम्ममाइक्खति जहा जीवा वज्झंति, परिसा जाव पडिगया,
 विजएवि गते ६ ॥ सू० ३ ॥ ते णं काले णं ते णं समएणां समणस्स
 भगवओ महावीरस्स जेट्ठे अंतेवासी इंदभूतिनामं अणगारे जाव विहरइ १ ।

तते णं से भगवं २ गोयमे तं जातिअंधपुरिसं पासइ २ ता जायसइ जाव
 एवं वयासी-अत्थि णं भंते ! केई पुरिसे जातिअंधे जाय(ति)अंधारूवे ?,
 हुंता अत्थि, कहराणां भंते ! से पुरिसे जातिअंधे जातिअंधारूवे ?, एवं खलु
 गोयमा ! इहेव मियग्गामे नगरे विजयस्स खत्तियस्स पुत्ते मियादेवीए
 अत्तए मियापुत्ते नामं दारए जातिअंधे जातिअंधारूवे, नत्थि णं तरस
 दारगस्स जाव आगतिमित्ते २ । तते णं सा मियादेवी जाव पडिजागरमाणी २
 विहरति, तते णं से भगवं गोयमे समणं भगवं महावीरं वंदइ नमंसति २
 ता एवं वयासी-इच्छामि णं भंते ! अहं तुव्भेहिं अब्भणुत्ताए समाणे
 मियापुत्तं दारगं पासित्तए, अहासुहं देवाणुप्पिया !, ३ । तते णं से भगवं
 गोयमे समणेणं भगवया महावीरेण अब्भणुत्ताए समाणे हट्टे तुट्टे समणस्स
 भगवओ महावीरस्स अंतियाओ पडिनिवस्समइ २ ता अत्तुरियं जाव
 सोहेमाणे २ जेणेव मियग्गामे णगरे तेणेव उवागच्छति २ ता मियग्गामं
 नगरं मज्झमज्झेणं अणुपविसइ २ जेणेव मियादेवीए गेहे तेणेव उवागए,
 ४ । तते णं सा मियादेवी भगवं गोयमं एजमाणं पासइ २ ता हट्टतुट्ट
 जाव एवं वयासी-संदिसंतु णं देवाणुप्पिया ! किमागमण-पयोयणं ?, तते
 णं भगवं गोयमे मियं देविं एवं वयासी-अहराणं देवाणुप्पिए ! तव पुत्तं
 पासितुं हव्वमागए ५ । तते णं सा मियादेवी मियापुत्तस्स दारगस्स
 अणुमग्गजायते चत्तारि पुत्ते सव्वालंकारविभूसिए करेति २ ता भगवतो
 गोयमस्स पादेसु पाडेति २ ता एवं वयासी-एए णं भंते ! मम पुत्ते पासह,
 तते णं से भगवं गोयमे मियादेवीं एवं वयासी-नो खलु देवाणुप्पिया !
 अहं एए तव पुत्ते पासिउं हव्वमागते, तत्थि णं जे से तव जेट्टे पुत्ते मियापुत्ते
 दारए जाइअंधे जातिअंधारूवे जं णं लुमं रहस्सियंसि भूमिधरंसि रहस्सिएणां
 भत्तपाणेणां पडिजागरमाणी २ विहरसि तं णं अहं पासिउं हव्वमागए ६ ।
 तते णं सा मियादेवी भगवं गोयमं एवं वयासी-से के णं गोयमा ! से

तदारूवे णाणी वा तवस्सी वा जेणं तव एसमट्टे मम ताव रहस्सिकए तुब्भं
हव्वमक्खाए जअो णं तुब्भे जाणह १, तते णं भगवं गोयमे मियादेवीं एवं
वयासि-एवं खलु देवाणुप्पिया ! मम धम्मायरिए जाव समाणे भगवं महावीरे
जाव ज(त)तो णं अहं जाणामि, जावं च णं मियादेवी भगवया गोयमेण
सद्धिं एयमट्टं संलवति तावं च णं मियापुत्तस्स दारगस्स भत्तवेला जाया
यावि होत्था ७ । तते णं सा मियादेवी भगवं गोयमं एवं वयासी-तुब्भे
णं भंते ! इहं चेव चिट्ठह जा णं अहं तुब्भं मियापुत्तं दारगं उवदंसेमित्ति-
कट्टु जेणोव भत्तपाणघरे तेणोव उवागच्छति उवागच्छित्ता वत्थपरियट्टं
करेति वत्थपरियट्टं करित्ता कट्टुसगडियं गिरहति कट्टुसगडियं गिरिहत्ता
विपुलस्स असणपाणखाइमसाइमस्स भरेति विपुलस्स असणपाणखाइम-
साइमस्स भरित्ता तं कट्टुसगडियं अणुकट्टेमाणी २ जेणामेव भगवं गोयमे
तेणोव उवागच्छति उवागच्छित्ता भगवं गोयमं एवं वयासी-एह णं तुब्भे
भंते ! मम (मए सद्धिं) अणुगच्छह जा णं अहं तुब्भं मियापुत्तं दारगं
उवदंसेमि, तते णं से भगवं गोयमे मियं देविं पिट्ठयो समाणुगच्छति ८ ।
तते णं सा मियादेवी तं कट्टुसगडियं अणुकट्टेमाणी २ जेणोव भूमिघरे
तेणोव उवागच्छइ २ ता चउप्पुडेणं वत्थेणं मुहं बंधेति मुहं बंधमाणि
भगवं गोयमं एवं वयासी-तुब्भेऽवि य णं भंते ! मुहपोत्तियाए मुहं बंधह ९ ।
तते णं से भगवं गोयमे मियादेवीए एवं बुत्ते समाणे मुहपोत्तियाए मुहं बंधेति,
तते णं सा मियादेवी परम्मुही भूमिघरस्स दुवारं विहाडेति, तते णं गंधे
निग्गच्छति से जहानामए अहिमडेति वा सप्पकडेवरे इ वा जाव
ततोऽवि णं अणिट्ठतराए चेव जाव गंधे पन्नत्ते १० । तते णं से
मियापुत्ते दारए तस्स विपुलस्स असणपाणखाइमसाइमस्स गंधेणं अभिभूते
समाणे तंसि विपुलंसि असणपाणखाइमसाइमंसि मुच्छित्ते (गदित्ते गिद्धे
अज्जभोववन्ने) ३ तं विपुलं असणं ४ आसएणं आहारेति आहारित्ता

खिप्पामेव विद्धंसेति विद्धंसेत्ता ततो पच्छा पूयत्ताए य सोणियत्ताए य परिणामेति, तंपि य णं पूयं च सोणियं च आहारेति ११ । तते णं भगवत्त्रो गोयमस्स तं मियापुत्तं दारयं पासित्ता अयमेयारूवे अज्भत्थिए (चित्थिए कप्थिए पत्थिए मणोगए संकप्पे) ममुप्पज्जित्था—अहो णं इमे दारए पुरापोराणाणं दुच्चिराणाणं दुप्पडिक्कंताणं असुभाणं पावाणं कडाणं कम्माणं पावगं फलवित्तिविसेसं पच्चणुब्भवमाणो विहरति, ण मे दिट्ठा णरगा वा गोरइया वा पच्चक्खं खलु अयं पुरिसे नरयपडिरूवियं वेयणं वेयत्तित्तिक्कट्टु मियं देविं आपुच्छति २ ता मियाए देवीए गिहात्त्रो पडिनिक्खमति गिहा २ ता मियग्गामं णगरं मज्झंमज्जेणं निग्गच्छति २ ता जेणोव समणे भगवं महावीरे तेणोव उडागच्छति २ ता समणं भगवं महावीरं तिक्खुत्तो आयाहिणपयाहिणं करेइ २ ता वंदति नमंसति २ ता एवं वयासी—एवं खलु अहं तुब्भेहिं अब्भणुराणाए समाणे मियग्गामं नगरं मज्झंमज्जेण अणुप्पवि- सामि जेणोव मियाए देवीए गेहे तेणोव उवागते, तते णं सा मियादेवी ममं एज्जमाणं पासइ २ ता हट्ठा तं चेव सव्वं जाव पूयं च सोणियं च आहारेति, तते णं मम इमे अज्भत्थिए ५ ममुप्पज्जित्था—अहो णं इमे दारए पुरा जाव विहरइ १२ ॥ सू० ४ ॥ से णं भंते ! पुरिसे पुव्वभवे के आसि किंनामए वा किंगोत्तए वा कयरंसि गामंसि वा नगरंसि वा किं वा दच्चा किं वा भोच्चा किं वा समायरित्ता केसिं वा पुरा पोराणाणं दुच्चिन्नाणं दुप्पडिक्कं- ताणं असुहाणं पावाणं कम्माणं पावगं फलवित्तिविसेसं पच्चणुब्भवमाणो विहरति ? गोयमाइ ! समणे भगवं महावीरे भगवं गोयमं एवं वयासी— एवं खलु गोयमा ! तेणं कालेणं तेणं समएणं इहेव जंबुद्वीवे २ भारहे वासे सयदुवारे नामं नगरे होत्था रिद्धत्थिमिए वन्नत्त्रो, तत्थ णं सयदुवारे नगरे धणावई नामं रात्ता हुत्था, वराणत्त्रो, तस्स णं सयदुवारस्स, नगरस्स अदूरसामंते दाहिणपुरच्छिमे दिसीभाए विजयवद्धमाणो णामं खेडे होत्था

रिद्धत्थिमिय-समिद्धे, तस्स णां विजयवद्धमाणस्स खेडस्स पंच गामसयाइं
 आभोए यावि हुत्था, तत्थ णां विजयवद्धमाणो खेडे इकाई णामं रट्टकूडे
 होत्था अहम्मिण जाव दुप्पडियाणादे, से णां इकाई रट्टकूडे विजयवद्धमाणस्स
 खेडस्स पंचराहं गामसयाणां आहेवच्चं जाव पालेमाणो विहरइ, तए णां से
 इकाई विजयवद्धमाणस्स खेडस्स पंच गामसयाइं बहूहिं करेहि य भरेहि य
 विद्धीहि य उक्कोडाहि य पराभवेहि य दिज्जेहि य भेज्जेहि य कुंतेहि य लंछपोसेहि
 य आलीवणेहि य पंथकोट्टेहि य उथीलेमाणो २ विहम्ममाणो २ तज्जेमाणो
 २ तालेमाणो २ निद्धणो करेमाणो २ विहरति १ । तते णां से इकाई रट्टकूडे
 विजयवद्धमाणस्स खेडस्स बहूणां राईसर-तलवर-माडंभिय-कोडुंभिय-सेट्टि-
 सत्थवाहाणां अन्नेसिं च बहूणां गामेल्लगपुरिसाणां बहुसु कज्जेसु य कारणेसु
 य संतेसु य गुज्भेसु य निच्छएसु य ववहारेसु य सुणामाणे भणति-न
 सुणेमि, असुणामाणे भणति-सुणेमि, एवं पस्समाणो भासमाणो गिराहमाणो
 जाणामाणे, तते णां से इकाई रट्टकूडे एयकम्मे एयप्पहाणे एयविज्जे एयस-
 मायारे सुबहुं पावकम्मं कलिकलुसं समज्जिणामाणे विहरति २ । तते णां तस्स
 इकाइयस्स रट्टकूडस्स अन्नया कयाइं सरीरगंसि जमगसमगमेव सोलस
 रोगायंका पाउब्भूया, तंजहा-सासे १ कासे २ जरे ३ दाहे ४, कुच्चिसूले
 ५ भगंदरे ६ । अरिसे ७ अजीरणे ८ दिट्ठी ९, मुद्धसूले १० अकारण ११
 ॥ १ ॥ अच्चिवेयणा १२ कन्नवेयणा १३ कंइ १४ उदरे १५ कोडे
 १६, ३ । तते णां से इकाई रट्टकूडे सोलसहिं रोगायंकेहिं अभिभूए समाणे
 कोडुंभियपुरिसे सद्दावेइ २ ता एवं वयासी-गच्छह णां तुब्भे देवाणुप्पिया !
 विजयवद्धमाणो खेडे संघाडग-तिग-चउक-चच्चर-महापहपहेसु महया २ सद्दे णां
 उग्घोसेमाणा २ एवं वदह-इहं खलु देवाणुप्पिया ! इकाईरट्टकूडस्स सरीरगंसि
 सोलस रोगायंका पाउब्भूया, तंजहा-सासे १ कासे २ जरे ३ जाव कोडे
 १६, मं जो णां इच्छति देवाणुप्पिया ! विज्जो वा विज्जपुत्तो वा जाणुओ

वा जाणुयपुत्तो वा तेगिच्छी वा तेगिच्छिपुत्तो वा इक्काई-रट्टकूडस्स तेसिं सोलसराहं रोगायंकारां एगमवि रोगायंकं उवसामित्तए तस्स णं इक्काई रट्टकूडे विपुलं अत्थसंपयाणं इलयति, दोच्चंपि तच्चंपि उग्घोसेह २ ता एयमाणत्तियं पच्चप्पिण्ह ४ । तते णं ते कोडुं वियपुरिसा जाव पच्चप्पिण्हति, तते णं से विजयवद्धमाणो खेडे इमं एयारूवं उग्घोसरां सोच्चा निसम्म बहवे विज्जा य ६ सत्थकोस-हत्थगया सएहिं २ गिहेहितो पडिनिक्खमंति २ ता विजयवद्धमाणस्स खेडस्स मज्झमज्झेणं जेणोव इक्काई-रट्टकूडस्स गिहे तेणोव उवागच्छइ २ ता इक्काई-रट्टकूडस्स सरीरगं परामुसंति २ ता तेसिं रोगाणं निदारां पुच्छंति २ ता इक्काई-रट्टकूडस्स बहूहिं अब्भंगेहि य उव्वट्टणाहि य सिणोहपाणोहि य वमणोहि य विरेयणाहि य (सेयणाहि य) अब्बहणाहि य अब्बराहाणोहि य अणुवासणाहि य वत्थिकम्मेहि य निरुहेहि य सिरोवेहेहि य तच्छणोयि य पच्छणोहि य सिरोवत्थीहि य तत्पणाहि य पुडपाणोहि य छलीहि य मूलेहि य कंदेहि य पत्तेहि य पुप्फेहि य फलेहि य बीएहि य सिलियाहि य गुलियाहि य ओसहेहि य भेसज्जेहि य इच्छंति तेसिं सोलसराहं रोगायंकारां एगमवि रोगायंकं उवसामित्तए (उवसामित्तए), नो चेव णं संचाएंति उवसामित्तए ५ । तते णं ते बहवे विज्जा य विज्जपुत्ता य जाणुआ य जाणुअपुत्ता य तेगिच्छी य तेगिच्छिपुत्ता य जाहे नो संचाएंति तेसिं सोलसराहं रोगायंकारां एगमवि रोगायंकं उवसामित्तए ताहे संता तंता परितंता जामेव दिसिं पाउब्भूया तामेव दिसिं पडिगया ६ । तते णं इक्काई-रट्टकूडे विज्जेहि य ६ पडियाइक्खिए परियारगपरिचत्ते निविराणोसहभेसज्जे सोलसरोगायंकेहिं अभिभूए समाणो रज्जे य रट्टे य जाव अंतेउरे य मुच्छिए रज्जं च रट्टं च आसाएमाणो पत्थेमाणो पीहेमाणो अभिलसमाणो अट्टदुहट्टवसट्टे अट्टाइज्जाइं वाससयाइं परमाउयं पालइज्जा काल-मासे कालं किच्चा इमीसे रयणप्पभाए पुढवीए उक्कोसेणं सागरोवमट्टितीएसु

नेरइएसु नेरइयत्ताए उववन्ने ७ । से गां ततो अशांतरं उव्वट्टित्ता इहेव मियग्गामे गागरे विजयस्स खत्तियस्स मियाए देवीए कुच्चिसि पुत्तत्ताए उववन्ने, तते गां तीसे मियाए देवीए सरारे वेयणा पाउब्भूया उज्जला जाव जलंता, जप्पभिइं च गां मियापुत्ते दारए मियाए देवीए कुच्चिसि गब्भत्ताए उववन्ने तप्पभिइं च गां मियादेवी विजयस्स खत्तियस्स अणिट्ठा अकंता अपिया अमणुत्ता अमणामा जाया यावि होत्था ६ । तते गां तीसे मियाए देवीए अन्नया कयाइं पुव्वरत्तावरत्त-कालसमयंसि कुडुंबजागरियाए जागर-माणीए इमे एयारूवे अज्भत्थिए जाव समुप्पज्जित्था—एवं खलु अहं विजयस्स खत्तियस्स पुव्वि इट्ठा ६ धेज्जा वेसासिया अणुमया आसी, जप्पभिइं च गां मम इमे गब्भे कुच्चिसि गब्भत्ताए उववन्ने तप्पभिइं च गां अहं विजयस्स खत्तियस्स अणिट्ठा जाव अमणामा जाया यावि होत्था, नेच्छति गां विजए खत्तिए मम नामं वा गोयं वा गिरिहत्तए, किमंग पुण दंसणं वा परिभोगं वा ?, तं सेयं खलु मम एयं गब्भं बहूहिं गब्भसाडणाहि य पाडणाहि य गालणाहि य मारणाहि य साडित्तए वा ४, एवं संपेहेइ संपेहित्ता बहूणि खाराणि य कडुयाणि य तूवराणि य गब्भसाडणाणि य खायमाणी य पीयमाणी य इच्छति, तं गब्भं साडित्तए वा ४ नो चेव गां से गब्भे सडइ वा ४, ८ । तते गां सा मियादेवी जाहे नो संवाएति तं गब्भं साडित्तए वा ४ ताहे संता तंता परितंता अकामिया असयंवसा (असवसा) तं गब्भं दुहंदुहेणं परिवहइ, ६ । तस्स गां दारगस्स गब्भगयस्स चेव अट्ट नालीओ अम्भितरप्पवहाओ अट्ट नालीओ बाहिरपवहाओ अट्ट पूयप्पवहाओ अट्ट सोणियप्पवहाओ दुवे दुवे करणांतरेसु दुवे दुवे अच्चित्तरेसु दुवे दुवे नक्कंतरेसु दुवे दुवे धमणिअंतरेसु अभिक्खणं अभिक्खणं पूयं च सोणियं च परिमवमाणीओ २ चेव चिट्ठंति, तस्स गां दारगस्स गब्भगयस्स चेव अग्गिए नामं वाही पाउब्भूए जे गां से दारए आहारेति से गां

खिप्पामेव विद्धंसमागच्छति पूयत्ताए सोणियत्ताए य परिणामति, तंपि
 य से पूयं च सोणियं च आहारेति, १० । तते णं सा मियादेवी अन्नया
 कयाइं नवरहं मासाणं बहुपडिपुन्नाणं दारगं पयाया, जातिअंधे जाव
 आगिइमित्ते, तते णं सा मियादेवी तं दारगं हुंडं अंधारुवं पासति २ ता
 भीया ४ अम्मधाइं सहावेति २ ता एवं वयासी-गच्छह णं देवाणुप्पिया !
 तुमं एयं दारगं एगंते उक्कुरुडियाए उज्झाहि ११ । तते णं सा अम्मधाई
 मियादेवीए तहत्ति एयमट्टं पडिसुणेति २ ता जेणेव विजए खत्तिए तेणेव
 उवागच्छइ तेणेव उवागच्छित्ता करयलपरिग्गहियं जाव एवं वयासी-एवं
 खलु सामि ! मियादेवी नवरहं मासाणं जाव आगितिमित्ते, तते णं सा
 मियादेवी तं हुंडं अंधारुवं पासति २ ता भीया तत्था उव्विग्गा संजायभया
 ममं सहावेइ २ ता एवं वयासी-गच्छह णं तुब्भे देवाणुप्पिया ! एयं दारगं
 एगंते उक्कुरुडियाए उज्झाहि, तं संदिसह णं सामी ! तं दारगं अहं एगंते
 उज्झामि उदाहु मा ?, तते णं से विजए णत्तिये तीसे अम्मधाईए अत्तिए
 एयमट्टं सोचा तहेव संभंते उट्टाए उट्ठेति उट्टाए उट्टित्ता जेणेव मियादेवी
 तेणेव उवागच्छति २ ता मियादेवी एवं वयासी-देवाणुप्पिया ! तुब्भं
 पद्दमं गब्भे तं जइ णं तुब्भे एयं एगंते उक्कुरुडियाए उज्झासि ततो णं
 तुब्भे पया नो थिरा भविस्सति, तो णं तुमं एयं दारगं रहस्सियगंसि
 भूमिघरंसि रहस्सिएणं भत्तपाणेणं पडिजागरमाणी २ विहराहि तो णं तुब्भं
 पया थिरा भविस्सति १२ । तते णं सा मियादेवी विजयस्स खत्तियस्स
 तहत्ति एयमट्टं विणएणं पडिसुणेति २ ता तं दारगं रहस्सियंसि
 भूमिघरंसि रहघरंसि भत्तपाणेणं पडिजागरमाणी विहरति, एवं खलु
 गोयमा ! मियापुत्ते दारए पुरापुराणाणं जाव पच्चणुभवमाणे विहरति १३ ।
 ॥ सू० ५ ॥ मियापुत्ते णं भंते । दारए इत्थो कालमासे कालं किञ्चा कहिं
 गमिहिति ? कहिं उव्वज्जिहिति ?, गोयमा ! मियापुत्ते दारए इत्थीसं

वासाइं परमाउयं पालइत्ता कालमासे कालं किञ्चा इहेव जंभुदीवे दीवे भारहे
 वासे वेयङ्गगिरिपायमूले सीहकुलंसि सीहत्ताए पचायाहिति, से णं तत्थ
 सीहे भविस्सति अन्नम्मिए जाव साहसिए सुबहुं पावकम्मं जाव समज्जिण्णति
 जाव समज्जिण्णत्ता कालमासे कालं किञ्चा इमीसे रयणप्पभाए पुट्ठीए उक्कोस-
 सागरोवमट्ठितीएसु जाव उववज्जिहिति १ । से णं ततो अण्णंतरं उव्वट्ठित्ता
 सरीसवेसु उववज्जिहिति, तत्थ णं कालं किञ्चा दोच्चाए पुट्ठीए उक्कोसेणं
 तिन्नि सागरोवमाइं, से णं ततो अण्णंतरं उव्वट्ठित्ता पक्खीसु उववज्जिहिति,
 तत्थवि कालं किञ्चा तच्चाए पुट्ठीए सत्त सागरोवमाइं, से णं ततो सीहेसु य,
 तयाण्णंतरं चोत्थीए, उरगो, पंचमीए, इत्थी, छट्ठीए, मणुत्थो, अहे सत्तमाए,
 ततोऽण्णंतरं उव्वट्ठित्ता से जाइं इमाइं जलयर-पंचिदिय-तिरिक्ख-जोणियाणं
 मच्छ-कच्छभ-गाह-मगर-सुसुमारादीणं अद्धतेरस जातिकुल-कोडिजोणि-
 प्पमुह-सयसहस्साइं तत्थ णं एगमेगंसि जोणीविहाणंसि अणोग-सतसहस्स-
 खुत्तो उद्दाइत्ता २ तत्थेव भुज्जो २ पचायाइस्सति २ । से णं ततो उव्वट्ठित्ता
 एवं चउपएसु उरपरिसप्पेसु भुयपरिसप्पेसु सहयरेसु चउरिंदिएसु तेइंदिएसु
 वेइंदिएसु वणप्फइएसु कडुयरुत्तवेसु कडुयदुद्धिएसु वाउकायेसु तेउकायेसु
 आउकायेसु पुट्ठीकायेसु अणोगसयसहस्सखुत्तो उद्दाइत्ता २ तत्थेव भुज्जो २
 पचायाइस्सति, से णं ततो अण्णंतरं उव्वट्ठित्ता सुपइट्ठपुरे नगरे गोणत्ताए
 पचायाहिति ३ । से णं तत्थ उम्मुक्कवालभावे अन्नया कयाइं पढमपाउंसंसि
 गंगाए महानईए खलीण(य)मट्ठियं खण्णमाणे तडीए पेळिए समाणे कालगए
 तत्थेव सुपइट्ठे पुरे नगरे सेट्ठिकुलंसि पुमत्ताए पचायाइस्सति ४ । से णं
 तत्थ उम्मुक्कवालभावे जाव जोव्वणगमणुपत्ते तहारूवाणं थेराणं अंतिए
 धम्मं सोच्चा निसम्म मुंडे भवित्ता अगारात्थो अण्णगारियं पव्वइस्सति, से
 णं तत्थ अण्णगारे भविस्सति ईरियासमिए जाव बंभयारी, से णं तत्थ बहुइं
 वासाइं सामन्नपरियागं पाउणित्ता आलोइयपडिक्कंते समाहिपत्ते कालमासे

कालं किञ्चा सोहम्मे कप्पे देवत्ताए उववज्जिहिति ५ । से णं ततो अण्णंतरं
चयं चइत्ता महाविदेहे वासे, जाइं इमाइं कुलाइं भवंति अट्ठाइं जहा
दढपइन्ने सा चैव वत्तव्वया कलात्थो जाव सिज्जिहिति ६ । एवं खलु जंबू !
समणोणं भगवया महावीरेणं जाव संपत्तेणं दुहविवागाणं पढमस्स
अज्झयणस्स अयमट्ठे पन्नत्तेत्तिवमि सेवं भंते ! २ भगवं गोयमे जाव
विहरति ७ ॥ सू० ६ ॥ १ ॥

॥ इति प्रथममध्ययनम् ॥ अ० १ अ० १ ॥

॥२॥ अथ श्री उज्जिनकारुयं द्वितीयमध्ययनम् ॥

जइ णं भंते ! समणोणं जाव संपत्तेणं दुहविवागाणं पढमस्स
अज्झयणस्स अयमट्ठे पन्नत्ते, दोच्चस्स णं भंते ! अज्झयणस्स दुहविवागाणं
समणोणं जाव संपत्तेणं के अट्ठे पराणत्ते ?, तते णं से सुहम्मे अण्णगारे
जंबू अण्णगारं एवं वयासी-एवं खलु जंबू ! ते णं काले णं ते णं समण
णं वाणियगामे नामं नयरे होत्था रिद्धित्थिमियसमिद्धे, तस्स णं वाणिय-
गामस्स उत्तरपुरच्छिमे दिसीभाए दूइपलासे नामं उज्जाणे होत्था, तत्थ णं
दूइपलासे उज्जाणे सुहम्मस्स जवस्स जक्खाययणे होत्था, तत्थ णं
वाणियगामे मित्ते नामं राया होत्था वन्नत्थो, तस्स णं मित्तस्स रत्तो
सिरीनामं देवी होत्था वरणत्थो ? । तत्थ णं वाणियगामे कामज्झया नामं
गणिया होत्था, अहीण पुराणपंविदियसरीरा लक्खण-वंजण-गुणोववेया
माणुम्माण्णमाण-पडिपुन्न-सुजाय-सव्वंगसुंदरंगी सुरूवा बावत्तरिकलापंडिया
चउसट्ठि-गणिया-गुणोववेया एग्गणीसविसेसे रममाणी एकवीस-रतिगुण-
प्पहाणा बत्तीस-पुरिमोवयार-कुसला णवंगसुत्त-पडिबोहिया अट्ठारस-देसी-
भासा-विमारया सिंगारागार-चारुवेसा गीयरतिय-गंधव्व-नट्टकुसला संगयगय-
भणिय-विहिय-विलास-सललिय-संलाव-निउण-जुत्तोवयार-कुसला सुंदरथण-

जहण-वयण-करचरण-नयण-लावण-विलास-कलिया ऊसियज्भया सहस्सलंभा
विदिगण-छत्तचामर वालवीयणीया कन्नीरहप्पयाया यावि होत्था २ । बहूणं
गणियासहस्साणं आहेवच्चं जाव विहरइ ३ ॥ सूत्रं ७ ॥ तत्थ णं
वाणियगामे विजयमित्ते नामं सत्थवाहे परिवसति अट्ठे जाव अपरिभूते,
तस्स णं विजयमित्तस्स सुभद्दा नामं भारिया होत्था अहीण-पुराणपंचिंदिय-
सरीरा लक्खणवंजण-गुणोववेया, माणुम्माणप्पमाण-पडिपुन्न-सुजाय-सव्वंग-
सुंदरंगी, तस्स णं विजयमित्तस्स पुत्ते सुभद्दाए भारियाए अत्तए उज्झियए
नामं दारए होत्था अहीण जाव सुरूवे १ । ते णं काले णं ते णं समए णं समणे
भंगवं महार्थीरे समोसठे परिसा निग्गया राया निग्गयो जहा कोणियो
तहा णिग्गयो धम्मो कहियो परिसा पडिगया, राया य गयो २ । ते णं
काले णं ते णं समए णं समणस्स भगवयो महावीरस्स जेट्ठे अंतवासी
इंदभूइनामं अणगारे जाव संखित्त-विउलतेयलेसे छट्ठं छट्ठे णं जहा पन्नत्तीए
पट्ठमाए जाव जेणोव वाणियगामे तेणोव उवागच्छति, उच्चनीयअडमाणो
जेणोव रायमग्गे तेणोव ओगाढे ३ । तत्थ णं बहवे हत्थी पासइ सन्नद्ध-
बद्धवग्मिय-गुडिये उप्पीलिय-कच्छे उद्दामियघंटे णाणामणि-रयणविविह-
गेविज्ज-उत्तरकंचुइज्जे पडिकप्पिए भयपडाग-वरपंचामेल-आरूढ-हत्थारोहे
गहियाउहप्पहरणो अन्ने य तत्थ बहवे आसे पासति सन्नद्धबद्ध-वग्मियगुडिए
आविद्ध-गुडियोसारिय-पक्खरे उत्तरकंचुइय-ओचूलमुह--(चुडामहा)चंडाधर-
चामर-थासक-परिमंडियकडिए आरूढआसारोहे गहियाउहप्पहरणो अन्ने य
तत्थ बहवे पुरिसे पासइ सराणद्ध-बद्ध-वग्मियकवए उप्पीलिय-सरासणपट्टीए
पिण्हिद्धगेवेज्जे विमलवर-बद्धचिंधपट्टे गहियाउहप्पहरणो, तेसिं च णं
पुरिसाणं मज्झगयं पुरिसं पासति अवउडगबंधणं उक्कित्तकन्ननासं नेहतुप्पि-
यगत्तं बज्झ-करकडि(कक्खडिय)जुयनियत्थं कंठेगुणरत्त-मल्लदामं चुराणगुडि-
यगत्तं चुराणयं (चुराणंतं) वज्झ(वज्झ)पाणपीयं तिलंतिलं चैव द्विज्जमाणं

काकणीमंसाइं खावियंतं पावं खक्खरगसएहिं हम्ममाणं अरोगनरनारी-
संपरिवुडं चचरे चचरे खंडपडहएणं उग्घोसिज्जमाणं, इमं तं णं एयारूवं
उग्घोसणं पडिसुणेति—नो खलु देवा ! उज्झियगस्स दारगस्स केइ राया
वा रायपुत्तो वा अवरज्झइ अप्पणो से सयाइं कम्माइं अवरज्झन्ति ४
॥ सू० ८ ॥ तते णं से भगवतो गोयमस्स तं पुरिसं पासित्ता इमे अज्झत्थिए
५ समुप्पज्जित्था—अहो णं इमे पुरिसे जाव नरयपडिरूवियं वेयणं वेदेति-
त्तिकट्टु वाणियगामे नयरे उच्चनीयमज्झिमकुले जाव अडमाणे अहापज्जत्तं
समुयाणियं गिराहति २ ता वाणियगामे नयरे मज्झमज्झेणं जाव
पडिदंसेति १ । समणं भगवं महावीरं वंदइ नमंसइ २ ता एवं वयासी—
एवं खलु अहं भंते ! तुज्जेहिं अब्भणुन्नाए समाणे वाणियगामं जाव तहेव
वेदेति, से णं भंते ! पुरिसे पुव्वभवे के आसी ? जाव पच्चणुव्वभवमाणे
विहरति ? एवं खलु गोयमा ! ते णं काले णं ते णं समए णं इहेव
जंबुदीवे २ भारहे वासे हत्थिणाउरे नामं नगरे होत्था रिद्धत्थिमियसमिद्धे०,
तत्थ णं हत्थिणाउरे नगरे सुनंदे नामं राया होत्था महया हिमवंत-मलय-
मंदर-महिंदसारे०, तत्थ णं हत्थिणाउरे णगरे बहुमज्झदेसभाए एत्थ णं
महं एगे गोमंडवए होत्था अरोगखंभ-सय-सन्निविट्ठे पासार्इए ४, तत्थ णं
बहवे णगरगोरूवाणं सणाहा य अणाहा य णगरगावित्रो य णगरवसभा
य णगरबलिवद्दा य णगरपड्डियाओ य पउरतणपाणिया निव्वभया निरुवसग्गा
(निरुविग्गा) सुहंसुहेणं परिवसंति २ । तत्थ णं हत्थिणाउरे नगरे भीमे नामं
कूडग्गाहे होत्था अहम्मिए जाव दुप्पडियाणंदे ३ । तस्स णं भीमस्स कूडग्गा-
हस्स उप्पला नामं भारिया होत्था अहीणपुराणपंचेदियसरीरा लवखण-
वंजण-गुणोववेया माणुम्माण-प्पमाणपडिपुन्न-सुजाय-सव्वंग-सुंदरंगी, तते णं
सा उप्पला कूडग्गाहिणी अन्नया कयाइं आवन्नसत्ता जाया यावि होत्था
४ । तते णं तीसे उप्पलाए कूडग्गाहिणीए तिराहं मासाणं बहुपडिपुन्नाणं

अयमेयारूवे दोहले पाउब्भूते-धन्नाओ णं ताओ अम्मयाओ ४ जाव सुलद्धे जम्मजीवियफले, जाओ णं बहूणं ग्गगरगोरूवाणं सणाहाण य जाव वसभाण य ऊहेहि य थगोहि य वसगोहि य ङ्गपाहि य ककुहेहि य वहेहि य कन्नेहि य अच्चिहि य नासाहि य जिब्भाहि य उट्ठेहि य कंबलेहि य सोल्लेहि य तलिएहि य भज्जिएहि य परिसुक्केहि य लावणेहि य सुरं च महुं च मेरुं च जातिं च सीधुं च पसराणं च आसाएमाणीओ विसाएमाणीओ परिभुंजेमाणीओ परिभाएमाणीओ दोहलं विणयंति ५ । तं जइ णं अहमवि बहूणं नगर जाव विणिज्जामित्तिक्कट्टु, तंसि दोहलंसि अविणिज्जमाणांसि सुक्का भुक्खा निम्मंसा ओलुग्गा ओलुग्गसरीरा नित्तेया दीणविमणवयणा पंडुल्लइयमुहा ओमंथिय-नयण-वयणकमला जहोइयं पुप्फवत्थ-गंध-मल्लालंकाराहारं अपरिभुञ्जमाणी करयलमलियव्व कमलमाला ओहय-मणसंकप्पा जाव भियायति ६ । इमं च णं भीमे कूडग्गाहे जेणेव उप्पला कूडग्गाहिणी तेणेव उवागच्छति २ ता ओहय जाव पासति ओहय जाव पासित्ता एवं वयासी-किं णं तुमे देवाणुप्पिए ! ओहय-मणसंकप्पा जाव भियासि ? तते णं सा उप्पला भारिया भीमं कूडग्गाहं एवं वयासी-एवं खलु देवाणुप्पिया ! ममं तिगहं मासाणं बहुपडिपुन्नाणं दोहला पाउब्भूया धन्ना णं ताओ जाओ णं बहूणं गोरूवाणं सणाहाण य जाव वसभाण य ऊहेहि य जाव लावणएहि य सुरं च ४ आसाएमाणी ३ दोहलं विणोति ७ । तते णं अहं देवाणुप्पिया ! तंसि दोहलंसि अविणिज्जमाणांसि जाव भियामि ८ । तते णं से भीमे कूडग्गाही उप्पलं भारियं एवं वयासी-मा णं तुमं देवाणुप्पिया ! ओहयमणसंकप्पा भियाहि, अहन्नं तं तहा करिस्सामि जहा णं तव दोहलस्स संपत्ती भविस्सति, ताहिं इट्ठहिं ५ जाव वग्गूहिं समासासेति, तते णं से भीमे कूडग्गाही अद्धरत्तकालसमयंसि एगे अवीए सन्नद्ध-बद्ध-वम्मिय-क्वए जाव पहरणे सयाओ गिहाओ निग्गच्छइ

सयात्रो गिहात्रो निग्गच्छिता हत्थिणाउरे नगरे मज्झमज्झेणं जेणोव गोमंडवे तेणोव उवागते बहुणां णगरगोरूवाणां जाव वसभाण य अप्पेगइयाणां ऊहे छिंदति जाव अप्पेगतियाणां कंवल्ले छिंदति अप्पेगइयाणां अण्णमण्णणां अंगोवंगाणां विर्यंगेति २ जेणोव सए गिहे तेणोव उवागच्छति २ उप्पलाए कूडग्गाहिणीए उवणेति ६ । तते णां सा उप्पला भारिया तेहिं बहूहि गोमंसेहि य सूलेहि य जाव सुरं च ४ आसाएमाणी तं दोहलं विणेति, तते णां सा उप्पला कूडग्गाही संपुन्नदोहला संमाणियदोहला विणीयदोहला वोच्छिन्नदोहला संपन्नदोहला तं गब्भं सुहंसुहेणां परिवहइ १० । तते णां सा उप्पला कूडग्गाहिणी अन्नया कयाइं नवरहं मासाणां बहुपडिपुत्राणां दारयं पयाया ११ ॥ सू० ६ ॥ तते णां तेणां दारणां जायमेत्तेणां चैव महया महया सहेणां विघुट्टे विस्सरे (चिच्चिसरे) आरसिते, तते णां तस्स दारगस्स आरसियसहं सोच्चा निसम्म हत्थिणाउरे नगरे बहवे णगरगोरूवा जाव वसभा य भीया उव्विग्गा सव्वत्रो समंता विप्पलाइत्था १ । तते णां तस्स दारगस्स अम्मापियरो अयमेयारूवं नामधेज्जं करेति, जम्हा णां अम्हे इमेणां दारणां जायमेत्तेणां चैव महया महया चिच्चिसहेणां विघुट्टे विस्सरे (चिच्चिसरे) आरसिए तते णां एयस्स दारगस्स आरसियं सहं सोच्चा निसम्म हत्थिणाउरे बहवे णगरगोरूवा जाव भीया ४ सव्वत्रो समंता विप्पलाइत्था तम्हा णां होउ अम्हं दारए गोत्तासए नामेणां, तते णां से गोत्तासे दारए उम्मुक्कवालभावे जाव जाते यावि होत्था २ । तते णां से भीमे कूडग्गाहे अन्नया कयाइं कालधम्मणा संजुत्ते, तते णां से गोत्तासे दारए बहुणां मित्तणाइ-नियग-सयण-संबंधिपरिजणोणां सद्धिं संपरिवुडे रोयमाणो कंदमाणो विलवमाणो भीमस्स कूडग्गाहिस्स नीहरणां करेति नीहरणां करित्ता बहूइं लोइयमयकजाइं करेति ३ । तते णां से सुनंदे राया गोत्तासं दारयं अन्नया कयाइ सयमेव कूडग्गाहित्ताए ठवेति, तते णां से गोत्तासे दारए कूडग्गाहे

जाए यावि होत्था अहम्मिए जाव दुण्डियारादे ४ । तते णं से गोत्तासे दारए कूडग्गाहिताए कल्लाकल्लि अद्धरत्तियकालसमयंसि एगे अवीए सन्नद्धवद्धकवए जाव गहिआउहपहरणे सयातो गिहाओ निग्गच्छति जेणेव गोमंडवे तेणेव उवागच्छति तेणेव उवागच्छिता बहूणां णगरगोरूवारां सणाहाण य जाव वियंगेति २ जेणेव सए गिहे तेणेव उवागते ५ । तते णं से गोत्तासे कूडग्गाहे तेहिं बहूहिं गोमंसेहि य सूलेहि य जाव सुरं च मज्जं च आसाएमाणे विसाएमाणे जाव विहरति, तते णं से गोत्तासे कूडग्गाहे एयकम्मे (एयपहाणे एयविज्जे एयसमायारे) सुबहुं पावकम्मं समज्जिणित्ता पंचवाससयाइं परमाउयं पालइत्ता अट्टदुहट्टोवगए कालमासे कालं किच्चा दोच्चाए पुढ्वीए उकोसं तिसागरोवमड्डिएसु नेरइएसु गोरइयत्ताए उववन्ने ६ ॥ सू० १० ॥ तते णं सा विजयमित्तस्स सत्थवाहस्स सुभदा नामं भारिया जायनिंदुया यावि होत्था, जादा जाया दारगा विणिहायमाव-ज्जंति १ । तते णं से गोत्तासे कूडग्गाहे दोच्चाओ पुढ्वीओ अरांतरं उव्वट्टित्ता इहेव धाणियगामे नगरे विजयमित्तस्स सत्थवाहस्स सुभदाए भारियाए कुच्छिसि पुत्तत्ताए उववन्ने २ । तते णं सा सुभदा सत्थवाही अराणया कयाइं नवराहं मासारां बहुपडिपुन्नाणं दारगं पयाया, तते णं सा सुभदा सत्थवाही तं दारगं जायमेतयं चेव एगंते उक्कुरुडियाए उज्ज्भावेइ उज्ज्भा-वेत्ता दोच्चंपि गिराहावेइ २ त्ता आणुपुव्वेरां सारक्खमाणी संगोवेमाणी संव इहेति ३ । तते णं तस्स दारगस्स अम्मापियरो ठिइवडियं चंदसूर-(पासणियं)-दंसरां च जागरियं च महया इडीसक्कार-समुदएणां करेति, तते णं तस्स दारगस्स अम्मापियरो इक्कारसमे दिवसे निव्वत्ते संपत्ते बारसमे दिवसे इममेयारूवं गोरारां गुणनिप्फन्नं नामधेज्जं करेति, जम्हा णं अम्हं इमे दारए जायमित्तए चेव एगंते उक्कुरुडियाए उज्ज्भते तम्हा णं होउ अम्हं दारए उज्ज्भयए नामेरां ४ । तते णं से उज्ज्भयए दारए पंचधातीपरिग्गहीए तंजहा—खीरधाईए

१ मज्जणधाईए २ मंडणधाईए ३ कीलावणधाईए ४ अंकधाईए ५ जहा ददपइन्ने जाव निब्वाघाए गिरिकंदरमल्लीणेव्व चंपयपायवे सुहंसुहेरां विहरति ५ । तते णं से विजयमित्ते सत्थवाहे अन्नया कयाइं गणिमं च १ धरिमं च २ मेज्जं च ३ पारिच्छेज्जं च ४ चउव्विहं भंडगं गहाय लवणसमुद्दं पोयवहणेरां उवागते ६ । तते णं से विजयमित्ते तत्थ लवणसमुद्दे पोयविवत्तीए निब्बुडुभंडसारे अत्ताणे असरणे कालधम्मणा संजुत्ते, तते णं तं विजयमित्तं सत्थवाहं जे जहा बहवे ईसर-तलवर-माडंबिय-कोडुंबिय-इम्भ-सेट्टि-सत्थवाहा लवणसमुद्द-पोयविवत्तियं (लवणसमुद्दे पोयविवत्तीए छूटं) निब्बुडुभंडसारं कालधम्मणा संजुत्तं सुणोति ते तहा हत्थनिक्खेवं च बाहिरभंडसारं च गहाय एगंते अवकमंति ७ । तते णं सा सुभहा सत्थवाही विजयमित्तं सत्थवाहं लवणसमुद्दे पोयविवत्तीए निब्बुडुभंडसारं कालधम्मणा संजुत्तं सुणोति २ ता महया पइसोएरां अफ्फुगणा समाणी परसुणियत्ताविव चंपगलता धसत्ति धरणीतलांसि सव्वंगेहिं सन्निवडिया = । तते णं सा सुभहा सत्थवाही मुहुत्तंतरेरां आसत्था समाणी बहूहिं मित्त जाव परिवुडा रोयमाणी कंदमाणी विलवमाणी विजयमित्तसत्थवाहस्स लोइयाइं मयकिच्चाइं करेति, तते णं सा सुभहा सत्थवाही अन्नया कयाइं लवणसमुद्दोत्तररां च लच्छिविणासं च सत्थविणासं च पोयविणासं च पत्तिमररां च अणुचितेमाणी २ कालधम्मणा संजुत्ता = ॥ सू० ११ ॥ तते णं ते णगरगुत्तिया सुभद्दं सत्थवाहं कालगयं जाणित्ता उज्झियगं दारगं सयात्थो गिहात्थो निच्छुभंति निच्छुभित्ता तं गिहं अन्नस्स दलयंति १ । तते णं से उज्झियए दारए सयात्थो गिहात्थो निच्छुडे समाणे वाणियगामे णगरे सिंघाडग जाव पहेसु जूयखलएसु वेसिताघरेसु पाणागारेसु य सुहंसुहेरां परिवड्ढति २ । तते णं से उज्झियए दारए अणोहट्टए अणिवारिए सच्छंदमती सइरप्पयारे मज्जप्पसंगी चोरप्पसंगी जूय-वेस-दारप्पसंगी जाते यावि होत्था ३ । तते णं से उज्झियते अन्नया कयाइं

कामज्भयाए गणियाए सद्धिं संपलग्गे जाते यावि होत्था, कामज्भयाए गणियाए सद्धिं विउलाइं उरालाइं माणुस्सगाइं भोगभोगाइं भुंजमाणो विहरति ४ । तते णं तस्स विजयमित्तस्स रत्तो अन्नया कयाइं सिरीए देवीए जोगिसूले पाउब्भूए यावि होत्था, नो संचाएइ विजयमित्ते राया सिरीए देवीए सद्धिं उरालाइं माणुस्सगाइं भोगभोगाइं भुंजमाणो विहरित्तए ५ । तते णं से विजयमित्ते राया अन्नया कयाइं उज्झियदारयं कामज्भयाए गणियाए गिहाओ निच्छुभावेति २ त्ता कामज्भयं गणियं अज्झितरियं अवेति २ त्ता कामज्भयाए गणियाए सद्धिं उरालाइं भोगभोगाइं भुंजमाणो विहरति ६ । तते णं से उज्झियए दारए कामज्भयाए गणियाए गिहाओ निच्छुभिए समाणो कामज्भयाए गणियाए मुच्छिइए गिद्धे गद्धिए अज्झोववन्ने अन्नत्थ कत्थइ सुइं च रइं धिइं च अविदमाणो तच्चित्ते तम्मणो तल्लेसे तदज्झवसाणो तदट्ठोवउत्ते तपपियकरणो तज्जावणाभाविए कामज्भयाए गणियाए बहूणि अंतराणि य छिद्दाणि य विवराणि य पडिजागरमाणो २ विहरति ७ । तते णं से उज्झियए दारए अन्नया कयाइं कामज्भयाए गणियाए अंतरं लब्भेति, कामज्भयाए गणियाए गिहं रहसियं (रहस्सियं) अणुप्पविसइ २ त्ता कामज्भयाए गणियाए सद्धिं उरालाइं माणुस्सगाइं भोगभोगाइं भुंजमाणो विहरति ८ । इमं च णं मित्ते राया गहाते जाव पायच्छित्ते सव्वालंकारविभूसिए माणुस्सवागुरापरिक्खित्ते जेणोव कामज्भयाए गणियाए गिहे तेणोव उवागच्छति २ त्ता तत्थ णं उज्झियए दारए कामज्भयाए गणियाए सद्धिं उरालाइं भोगभोगाइं जाव विहरमाणं पासति २ त्ता आसुरुत्ते रुद्धे कुविए चंडिकए मिसिमिसीमाणो तिवलियभिउडिं निडाले साहट्ठ उज्झिययं दारयं पुरिसेहिं गिराहावेइ २ त्ता अट्ठिमुट्ठिजाणुकोप्परपहारसंभग्गमहितगतं करेति करेत्ता अवउडगबंधणां करेति २ त्ता एएणं विहाणोणां वज्जं आणावेति, एवं खलु गोयमा ! उज्झियते दारए पुरापोराणां कम्मारां

जाव पञ्चगुणभवमाणे विहरति १ ॥ सू० १२ ॥ उज्ज्वयए णं भंते !
 दारए इत्थो कालमासे कालं किञ्चा कहिं गच्छिहिति ? कहिं उववज्जिहिति ?
 गोतमा ! उज्ज्वयते दारए पणवीसं वासाइं परमाउयं पालइत्ता अज्जेव
 तिभागावसेसे दिवसे सूलीभिन्ने कए समाणे कालमासे कालं किञ्चा इमीसे
 रयाणप्पभाए पुढवीए गोरइयत्ताए उववज्जिहिति १ । से णं ततो अगांतरं
 उव्वट्टित्ता इहेव जंबुहीवे दीवे भारहे वासे वेयड्ड-गिरि-पायमूले वानरकुलंसि
 वाणरत्ताए उववज्जिहिति २ । से णं तत्थ उम्मुक्कबालभावे तिरियभोगेसु
 मुच्छित्ते गिद्धे गदित्ते अज्जभोववन्ने जाते वानरपेळए वहेहिति तं
 एयकम्मे एयप्पहाणे एयविज्जे एयसमुदायारे कालमासे कालं किञ्चा इहेव
 जंबुहीवे दीवे भारहे वासे इंदपुरे णगरे गणियाकुलंसि पुत्तत्ताए पचायाहिति
 ३ । तते णं तं दारयं अम्मापियरो जायमित्तकं वद्धेहिति नपुंसगकम्मं
 सिक्खावेहिति, तते णं तस्स दारयस्स अम्मापियरो णिव्वत्तवारसाहस्स इमं
 एयारूवं णामधेज्जं करेहिति, तंजहा-होऊ णं पियसेणे णामं णपुंसए,
 तते णं से पियसेणे णपुंसए उम्मुक्कबालभावे जोव्वणगमणुप्पत्ते विराणाय-
 परिणयमित्ते रूवेण य जोव्वणेण य लावराणेण य उक्किट्ठे उक्किट्ठसरीरे
 भविस्सइ ४ । तते णं से पियसेणे णपुंसए इंदपुरे णगरे बहवे राईसर जाव
 पभिइत्थो बहूहि य विजापत्थोगेहि य मंतचुन्नेहि य हियउड्ढावणेहि य
 काउड्ढावणेहि य निराहवणेहि य पराहवणेहि य वसीकरणेहि य आभि-
 थोगिणहि य अभिथोगित्ता उरालाइं माणुस्सगाइं भोगभोगाइं भुंजमाणे
 विहरिस्सति ५ । तते णं से पियसेणे णपुंसए एयकम्मे एयप्पहाणे एयविज्जे
 एयसमुदायारे सुवहुं पावकम्मं समज्जिणित्ता एकवीसं वाससयं परमाउयं पालइत्ता
 कालमासे कालं किञ्चा इमीसे रयाणप्पभाए पुढवीए गोरइयत्ताए उववज्जिहिति
 ७ । ततो सिरिसिवेसु सुंसुमारं संसारो तहेव जहा पढमो जाव पुढविकायेसु
 अरोग-सय-सहस्स-खुत्तो उदाइत्ता २ तत्थेव भुज्जो २ पचायाइस्सति, से णं

तत्रो अथांतरं उव्वट्टित्ता इहेव जंबुद्दीवे दीवे भारहे वासे चंपाए नयरीए महिसत्ताए पच्चायाहिति ८ । से णं तत्थ अन्नया कयाइं गोट्टिल्लएहि जीविआत्रो वनरोविए समाणे तत्थेव चंपाए नयरीए सेट्टिकुलंसि पुत्त(म)त्ताए पच्चायाहिति, से णं तत्थ उम्मुक्कबालभावे तहारूवारां धेराणां अंतिते केवलं बोहिं अण्णारे साहम्मे कप्पे जहा पढमे जाव अंतं करेहिंति ९ । निवखेवो ॥ सू० १३ ॥ वितियं अज्झयरां सम्मत्तं ॥

॥ इति द्वितीयमध्ययनम् ॥ श्रु० १-अ० २ ॥

॥ अथ अभग्नसेनाख्यं तृतीयमध्ययनम् ॥

तच्चस्स उव्वेवो-एवं खलु जंबू ! तेणां कालेणां तेणां समएणां पुरिमताले णामं णगरे होत्था, रिद्धत्थिमियसमिद्धे, तस्स णं पुरिमतालस्स णगरस्स उत्तरपुरच्छिमे दिसीभाए एत्थ णं अमोहदंसणे उज्जाणे तत्थ णं अमोहदंसिस्स जवखस्स जवखाययणे होत्था, तत्थ णं पुरिमताले महब्बले नामं राया होत्था, तत्थ णं पुरिमतालस्स नगरस्स उत्तरपुरच्छिमे दिसीभाए देसपंपते अडवी संठिया १ । एत्थ णं सालानामं अडवी चोरपल्ली होत्था विसम-गिरिकंदर-कोलंब-सरिणविट्ठा वंसी-कलंक-पागार-परिविखत्ता छिराण-सेल-विसमप्पवाय-फरिहोवगूदा अविभतर-पाणीया सुदुल्लभ-जलपेरंता अणोग-खंडी विदित्त-जण-दिन्न-निग्गमपवेसा सुवहुयस्सवि कुवियस्स जणस्स दुप्पहंसा यावि होत्था २ । तत्थ णं सालाडवीए चोरपल्लीए विजए णामं चोरसेणावई परिवसति अहम्मिए जाव विहरति, हण-छिन्न भिन्न-वियत्तए लोहियपाणी बहु-णगर-णिग्गयजसे सूरे दट्ठपहारे साहसिए सहवेही असिलट्टि-पढमत्तले, से णं तत्थ सालाडवीए चोरपल्लीए पंचराहं चोरसतारां आहेवच्चं जाव विहरति ३ ॥ सू० १४ ॥ तते णं से विजए चोरसेणावई बहूणां चोराण य पारदारियाण य गंठिभेयाण य संधिच्छेयाण य खंडपट्टाण

य अन्नेसिं च बहूणां छिन्नभिन्न-बाहिराहियाणां कुडंगे यावि होत्था १ ।
 तते णां से विजए चोरसेणावई पुरिमतालस्स णगरस्स उत्तरपुरच्छिमिल्लं
 जणावयं बहूहिं गामघातेहि य नगरघातेहि य गोग्गहरोहि य बंदिग्गहरोहि य
 पंथकोट्टेहि य खत्तखणासोहि य उवीलेमाणे २ विहम्ममाणे (विद्धंसेमाणे)
 तज्जेमाणे तालेमाणे निच्छा(त्था)णे निद्धणे निक्कणे कप्पायं करेमाणे
 विहरति, महब्बलस्स रत्तो अभिक्खणां २ कप्पायं गेरहति, तस्स णां
 विजयस्स चोरसेणावइस्स खंदसिरिनामं भारिया होत्था अहीण-पुराणा-
 पंचेंदिय-सरीरा जाव सब्वंगसुंदरंगी २ । तस्स णां विजयचोरसेणावइस्स
 पुत्ते खंदसिरीए भारियाए अत्तए अभग्गसेणे णामं दारए होत्था अहीण-
 पुन्न-पंचेंदियसरीरे विराणाय-परिणायमित्ते जोव्वणाग-मणुपत्ते ३ । तेरां
 कालेरां तेरां समएरां समणे भगवं महावीरे पुरिमताले नयरे समोसडे
 परिसा निग्गया राया निग्गओ धम्मो कहिओ परिसा राया य पडिगओ,
 तेरां कालेरां तेरां समएरां समणस्स भगवओ महावीरस्स जेट्ठे अंतेवासी
 गोयमे जाव रायमग्गं समोगाढे, तत्थ णां बहवे हत्थी पासति बहवे आसे
 पासति, बहवे पुरिसे सन्नद्धबद्धकवए प्पसति, तेसिं णां पुरिसारां मज्झगयं
 एगं पुरिसं पासति अवउडय-बंधणावद्धं जाव उग्घोसेज्जमारां ४ । तते णां
 तं पुरिसं रायपुरिसा पढमंमि चच्चरंसि निसियावेंति निसियावेत्ता अट्ट
 चुल्लप्पिउए अग्गओ घाएति अग्गओ घाएत्ता कसप्पहारेहिं तालेमाणा २
 कलुरां काकणिमंसाइं खावेंति खावेत्ता रुहिरपाणीयं च पायंति तदारांतरं च
 णां दोच्चंसि चच्चरंसि अट्ट चुल्लमाउयाओ अग्गओ घाएति एवं तच्चे चच्चरे
 अट्ट महापिउए चउत्थे अट्ट महामाउयाओ पंचमे पुत्ते छट्ठे सुराहाओ सत्तमे
 जामाउया अट्टमे धूयाओ णवमे णत्तुया दसमे णत्तुईओ एकारसमे णत्तुयावई
 बारसमे णत्तुइणीओ तेरसमे पिउस्सियपतिया चोइसमे पिउसियाओ पराण-
 रसमे मासियापतिया सोलसमे माउस्सियाओ सत्तरसमे मामियाओ अट्ट-

रसमे अवसेसं मित्तनाइ-नियगसयण-संबंधिपरियरां अद्भ्युत्थो घातेति २ ता कसप्पहारेहिं तालेमाणो २ कलुरां काकणिमंसाइं खावेति रुहिरपाणीयं च पाएति ५ ॥ सू० १५ ॥ तते णं से भगवं गोयमे तं पुरिसं पासेइ २ ता इमे एयारूवे अज्भत्थिए पत्थिए समुप्पन्ने जाव तहेव निग्गते एवं वयासि- एवं खलु अहन्नं भंते ! तं चेव जाव से णं भंते ! पुरिसे पुव्वभवे के आसी ? जाव विहरति ? । एवं खलु गोयमा ! तेणं कालेणं तेणं समएणं इहेव जंबुदीवे दीवे भारहे वासे पुरिमताले नाम नगरे होत्था रिद्धत्थिमिय- समिद्धे०, तत्थ णं पुरिमताले नगरे उदिअोदिए नामं राया होत्था महया हिमवंत-मलय-मंदर-महिंदसारे०, तत्थ णं पुरिमताले निन्नए नामं अंडय- वाणियए होत्था अड्डे जाव अपरिभूते २ । अहम्मिए जाव दुप्पडियारांदे, तस्स णं गिराणयस्स अंडयवाणियमस्स बहवे पुरिसा दिराणभतिभत्तवेयणा कल्लाकलिं कोद्वालियाओ य पत्थियापडिए गेराहंति, पुरिमतालस्स णगरस्स परिपेरंतेसु बहवे काइअंडए य वूधूअंडए य पारेवइ-टिट्ठिभि-वगि-मयूरि- कुक्कुडिअंडए य अराणेसिं च बहूरां जलयर-थलयर-णहयरमाईरां अंडां गेराहंति गेराहेत्ता पत्थियपिडगाइं भरेति जेणेव निन्नयए अंडवाणियए तेणामेव उवागच्छइ २ निन्नयमस्स अंडवाणियस्स उवणेति, तते णं से तस्स निन्नयस्स अंडवाणियस्स बहवे पुरिसा दिराणभति-भत्तवेयणा जाव बहवे काइअंडए य जाव कुक्कुडिअंडए य अन्नेसिं च बहूरां जलयरथलयर- खहयरमाईरां अंडयएतयएसु य कवल्लीसु य कंदूएसु य भज्जणएसु य इंगालेसु य तल्लिति भज्जेति सोल्लिति तल्लेता भज्जंता सोल्लेता रायमग्गे अंतरावरांसि अंडय-पणिएरां वित्तिं कप्पेमाणा विहरंति ३ । अप्पणावि य णं से निन्नयए अंडवाणियए तेहिं बहूहिं काइय-अंडएहि य जाव कुक्कुडिअंडएहि य सोल्लेहि य तल्लिएहि य भज्जएहि य सुरं च आसाएमाणो विसाएमाणो विहरति, तते णं से निन्नए अंडवाणियए एयकम्मे ४ सुबहुं पावकम्मं समज्जिणित्ता

एगं वाससहस्सं परमाउयं पालइत्ता कालमासे कालं किच्चा तच्चाए पुढवीए उकोस-सत्त-सागरोवम-ठितीएसु गोरइएसु गोरइयत्ताए उववन्ने ४ ॥सू० १६ ॥
 से णं तत्रो अरांतरं उव्वट्टित्ता इहेव सालाडवीए चोरपल्लीए विजयस्स चोरसेणावइस्स खंदसिरीए भारियाए कुच्चिसि पुत्त(म)त्ताए उववन्ने १ ।
 तते णं तीसे खंदसिरीए भारियाए अन्नया कयाइं तिरहं मासारां बहुपडि-
 पुराणां इमे एयारूवे दोहले पाउब्भूए-धराणात्रो णं तात्रो अम्मयात्रो
 जात्रो णं बहूहिं मित्तणाइ णियग-सयण-संबंधि-परियणमहिलाहिं अराणाहि
 य चोरमहिलाहिं सद्धिं संपरिवुडा राहाया कयवलिकम्मा जाव पायच्छित्ता
 सब्वालंकारविभूसिया विपुलं असरां पारां खाइमं साइमं सुरं च आसाएमाणी
 विसाएमाणी विहरंति जिमिय-भुत्ततरागयात्रो पुरिसनेवत्थिया(जा) सन्न-
 द्धबद्धवम्मिय-कवइया जाव पहरणावरणा भरिएहि य फल्लिएहि णिकि-
 ट्ठाहिं असीहिं अंसागतेहिं तोणेहिं सजीवेहिं धराणहिं समुक्खित्तेहिं सरेहिं
 समुल्लासियाहि य दामाहिं (दाहाहिं) लंत्रियाहि य ओसारियाहिं ऊरुघंटाहिं
 छिप्पतूरेणां वज्जमाणेणां २ महया उक्किट्ट जाव समुहरवभूयंपिव करेमाणीत्रो
 सालाडवीए चोरपल्लीए सब्बत्रो समंता ओलोएमाणीत्रो २ आहिंडेमाणीत्रो
 २ दोहलं विणोति २ । तं जइ णं अहंपि जाव विणिज्जामित्तिकट्टु तंसि दोहलंसि
 अविणिज्जमाणांसि जाव भियाति ३ । तते णं से विजए चोरसेणावई
 खंदसिरिभारियं ओहय जाव पासति, ओहय जाव पासित्ता एवं वयासी-
 किराणां तुमं देवाणुप्पिया ! ओहय जाव भियासि ?, तते णं सा खंदसिरी
 विजयं एवं वयासी-एवं खलु देवाणुप्पिया ! मम तिरहं मासारा जाव
 भियामि ४ । तते णं से विजए चोरसेणावई खंदसिरीए भारियाए अंतिए
 एयमट्टं सोच्चा निसम्म जाव खंदसिरिभारियं एवं वयासी-अहासुहं देवाणुप्पियत्ति
 एयमट्टं पडिसुणोति, तते णं सा खंदसिरिभारिया विजएणां चोरसेणावतिणा
 अब्भणुराणाया समाणी हट्टुट्ट जाव बहूहिं मित्त जाव अराणाहि य बहूहिं

चोरमहिलाहिं सद्धिं संपरिवुडा गहाया जाव विभूसिया विपुलं असरां ४
सुरं च आसाएमाणा विसाएमाणा ४ विहरइ जिमियभुत्तुरागया पुरिस-
नेवत्था सन्नद्धबद्ध जाव आहिंडमाणी दोहलं विणेति, तते णं सा खंदसिरी
भारिया संपुन्नदोहला संमाणियदोहला विणीयदोहला वोच्छिन्नदोहला
संपन्नदोहला तं गब्भं सुहंसुहेरां परिवहति ५ । तते णं सा खंदसिरी
चोरसेणावतिणी णवरहं मासारां बहुपडिपुन्नारां दारगं पयाया, तते णं से
विजयए चोस्सेणावती तस्स दारगस्स महया इड्डिसक्कारसमुदएणां दसरत्तं
ठिइवडियं करेति, तते णं से विजयए चोरसेणावई तस्स दारगस्स एकारसमे
दिवसे विपुलं असरां ४ उवक्खडावेति मित्तणाति-णियग-सयण-संबंधि-
परियणं आमंतेति २ जाव तस्सेव मित्तनाइ-णियग-सयण-संबंधि-परिजणस्स
पुरओ एवं वयासी-जम्हा णं अम्हं इमंसि दारगंसि गब्भगयंसि समाणंसि
इमे एयारूवे दोहले पाउब्भूते तम्हा णं होउ अम्हं दारगे अभग्गसेणे
णामेणं ६ । तते णं से अभग्गसेणे कुमारे पंचधातीए जाव परिवड्डइ ७
॥ सू० १७ ॥ तते णं से अभग्गसेणे कुमारे उम्मुक्कबालभावे यावि होत्था
अट्ट दारियाओ जाव अट्टओ दाओ उप्पि पासाए भुंजमाणे विहरइ १ ।
तते णं से विजए चोरसेणावई अन्नया कयाई कालधम्मणा संजुत्ते, तते णं
से अभग्गसेणे कुमारे पंचहिं चोरसतेहिं सद्धिं संपरिवुडे रोयमाणे कंदमाणे
विलवमाणे विजयस्स चोरसेणावइस्स महया इड्डिसक्कारसमुदएणां णीहरणं
करेति २ ता बहुइं लोइयाइं मयक्किच्चाइं करेति २ केवइकालेणं अप्पसोए
जाए यावि होत्था, तते णं ताइं पंच चोरसयाइं अन्नया कयाइं अभग्गसेणं
कुमारं सालाडवीए चोरपल्लीए महया २ चोरसेणावइत्ताए अभिसिंचंति २ ।
तते णं से अभग्गसेणे कुमारे चोरसेणावई जाते अहम्मिए जाव कप्पायं
गेराहति, तते णं से जाणवया पुरिसा अभग्गसेणेणं चोरसेणावइणा बहुगाम-
घातावणाहिं ताविया समाणा अराणमन्नं सदावेति २ ता एवं वयासी-

एवं खलु देवाणुप्पिया ! अभग्गसेणो चोरसेणावई पुरिमतालस्स णगरस्स
 उत्तरिल्लं जणवयं बहूहिं गामघातेहिं जाव निद्धणं करेमाणो विहरति, तं
 सेयं खलु देवाणुप्पिया ! पुरिमताले णगरे महब्बलस्स रत्तो एयमट्टं विन्न-
 वित्ते (निवेदित्ते) ३ । तते णं ते जाणवया पुरिमा एयमट्टं अन्नमरणेणं
 पडिसुणेति २ महत्थं महग्घं महरिहं रायरिहं पाहुडं गेराहेति २ ता
 जेणेव पुरिमताले णगरे तेणेव उवागते २ जेणेव महब्बले राया तेणेव
 उवागते ३ महब्बलस्स रत्तो तं महत्थं जाव पाहुडं उवणेति करयल जाव
 अंजलिं कट्टु महब्बलं रायं एवं वयासी—एवं खलु सामी ! सालाडवीए
 चोरपल्लीए अभग्गसेणो चोरसेणावई अम्ह बहूहिं गामघातेहिं य जाव
 निद्धणो करेमाणो विहरति, तं इच्छामि णं सामी ! तुज्झं बाहुच्छाया-
 परिगहिया निब्भया निरुवसग्गा (निरुविग्गा) सुहंसुहेणं परिवसित्तएत्ति-
 कट्टु पादपडिया पंजलिउडा महब्बलं रायं एतमट्टं विणयवेति ४ । तते णं
 से महब्बले राया तेमिं जणवयाणं पुरिसाणं अंतिए एयमट्टं सोच्चा निसम्म
 आसुरुत्ते जाव मिसिमिसेमाणो तिवलियं भिउडिं निलाडे साहट्टु दंडं
 सदावेति २ ताएवं वयासी—गच्छह णं तुमं देवाणुप्पिया ! सालाडविं चोरपलिं
 विलुं पाहि २ अभग्गसेणं चोरसेणावई जीवग्गाहं गेराहाहि २ ममं
 उवणेहि ५ । तते णं से दंडे तहत्ति विणयेणं एयमट्टं पडिसुणेति, तते णं
 से दंडे बहूहिं पुरिसेहिं मरणच्छवद्ध जाव पहरणेहिं सद्धिं संपरिवुडे मग्ग-
 इतेहिं फलएहिं जाव छिप्पतूरेणं वज्जमाणेणं महया जाव उक्किट्ठिं जाव
 करेमाणो पुरिमतालं णगरं मज्झंमज्झेणं निग्गच्छति २ ता जेणेव सालाडवी
 चोरपल्ली तेणेव पहारेत्थ गमणाते, तते णं तस्स अभग्गसेणस्स चोरसेणा-
 वतियस्स चारपुरिसा इमीसे कहाए लच्छट्टा समाणा जेणेव सालाडवी
 चोरपल्ली जेणेव अभग्गसेणो चोरसेणावई तेणेव उवागच्छंति २ ता-करयल
 जाव एवं वयासी—एवं खलु देवाणुप्पिया ! पुरिमताले णगरे महब्बलेणं

रत्ना महया भडचडगरेणं दंडे आणत्ते-गच्छह गां तुमे देवाणुप्पिया ।
 सालाडवि चोरपल्ली विलुं पाहिता अभग्गसेणं चोरसेणावतिं जीवगाहं
 गेराहाहि २ ता ममं उवणेहि, तते गां से दंडे महया भडचडगरेणं जेणेव
 सालाडवी चोरपल्ली तेणेव पहारेत्थ गमणाए ६ । तते गां से अभग्गसेणे
 चोरसेणावई तेसिं चारपुरिसाणं अंतिए एयमट्टं सोच्चा निसम्म पंच चोरसताइं
 सहावेति सहावेत्ता एवं वयासी-एवं खलु देवाणुप्पिया ! पुरिमताले णगरे
 महञ्जले जाव तेणेव पहारेत्थ गमणाए आगते ७ । तते गां से अभग्गसेणे
 ताइं पंच चोरसताइं एवं वयासी-तं सेयं खलु देवाणुप्पिया ! अम्हं तं दंडं
 सालाडविं चोरपल्ली असंपत्तं अंतरा चैव पडिसेहित्तए, तए गां ताइं पंच
 चोरसताइं अभग्गसेणास्स चोरसेणावइस्स तहत्ति जाव पडिसुणोति ८ । तते
 गां से अभग्गसेणे चोरसेणावई विपुलं असणं पाणं खाइमं साइमं
 उवक्खडावेति २ तां पंचहिं चोरसएहिं सद्धिं राहाते जाव पायच्छित्ते
 भोयणमंडवंसि तं विपुलं असणं ४ सुरं च ६ आसाएमाणे ४ विहरति ९ ।
 जिमिय-भुत्तुत्तरागतेवि अ गां समाणे आयंते चोक्खे परमसुइभूए पंचहिं
 चोरसएहिं सद्धिं अल्लं चम्मं दुरूहति अल्लं चम्मं दुरूहइत्ता सरणाद्धवद्ध
 जाव पहरणोहिं मग्ग(ग्गा)इएहिं जाव रवेणं पुच्चा(पच्चा)वरराहकालसमयंसि
 सालाडवीओ चोरपल्लीओ णिग्गच्छइ चोरपल्लीओ णिग्गच्छइत्ता विसमदु-
 ग्गगहणं ठिते गहियभत्तपाणे तं दंडं पडिवालेमाणे चिट्ठति १० । तते गां
 से दंडे जेणेव अभग्गसेणे चोरसेणावई तेणेव उवागच्छति तेणेव उवाग-
 च्छित्ता अभग्गसेणेणं चोरसेणावतिणा सद्धिं संपलग्गे यावि होत्था ११ ।
 तते गां से अभग्गसेणे चोरसेणावई तं दंडं खिप्पामेव हयमहिय-पवरवीर-
 घाइय-विवडिय-चिंधधयपडागं जाव पडिसेहिए, तते गां से दंडे अभग्गसेणेण
 चोरसेणावइणा हयमहिय जाव पडिसेहिए समाणे अथामे अवले अवीरिए
 अपुरिसक्कारपरक्कमे अधारणिज्जमितिकट्टु जेणेव पुरिमताले नगरे जेणेव

महब्बले राया तेणोव उवागच्छति २ करयल जाव एवं वयासी-एवं खलु
 सामी ! अभग्सेणो चोरसेणावई विसमदुग्गहणं तिते गहितभत्तपाणीते
 नो खलु से सका केणति सुबहुएणावि आसवलेण वा हत्थिवलेण वा
 जोहबलेण वा रहबलेण वा चाउरंगेणांपि उरंउरेणं गिरिहत्तए ताहे सामेण
 य भेदेण य उवप्पदाणेण य विसंभमाणेउं पयते यावि होत्था, जेवि य से
 अब्भितरगा सीसगभमा मित्तनाति-णियग-सयण-संबंधिपरियणं च विपुल-
 धण-कणग-रयण-संतसारसावइज्जेणं भिंदति अभग्सेणस्स य चोरसेणावइस्स
 अभिक्खणं २ महत्थाइं महग्घाइं महरिहाइं रायारिहाइं पाहुडाइं पेसेइ
 अभग्सेणं चोरसेणावतिं विसंभमाणेति १२ ॥ सू० १८ ॥ तते णं से
 महब्बले राया अन्नया कयाइं पुरिमताले णगरे एगं महं महतिमहालियं
 कूडागारसालं करेति अणेगखंभसयसन्निविट्ठं पासाईयं अभिरूवं पडिरूवं,
 दरसण्णिज्जं १ । तते णं से महब्बले राया अन्नया कयाइं पुरिमताले णगरे
 उस्सुक्कं जाव दसरत्तं पमोयं उग्घोसावेति २ कोडुं वियपुरिसे सहावेति
 २ एवं वयासी-गच्छह णं तुम्हे देवाणुप्पिया ! सालाडवीए चोरपल्लीए
 तत्थ णं तुम्हे अभग्सेणं चोरसेणावई करयल जाव एवं वयासी-एवं खलु
 देवाणुप्पिया ! पुरिमताले णगरे महाबलस्स रन्नो उस्सुक्कं जाव दसरत्ते
 पमोदे उग्घोसेति तं किन्नं देवाणुप्पिया ! विउलं असणं ४ पुप्फवत्थगंध-
 मल्लालङ्कारे य ते इहं हव्वमाण्णिज्जउ उदाहु सयमेव गच्छित्ता ? तते णं
 कोडुं वियपुरिसा महब्बलस्स रन्नो करयल जाव पडिसुणोति २
 पुरिमतालात्थो णगरात्थो पडिनिक्खमंति २ णातिविकिट्ठेहिं अद्धाणेहिं
 सुहेहिं वसहि-पायरासेहिं जेणोव सालाडवी चोरपल्ली तेणोव उवागच्छति
 अभग्सेणं चोरसेनापतिं करयल जाव एवं वयासी-एवं खलु देवाणुप्पिया !
 पुरिमताले नगरे महब्बलस्स रन्नो उस्सुक्के जाव उदाहु सयमेव गच्छित्ता ?
 तते णं से अभग्सेणो चोरसेणावई ते कोडुं वियपुरिसे एवं वयासी-अहन्नं

देवाणुप्पिया । पुरिमतालनगरं सयमेव गच्छामि, ते कोडुं वियपुरिसे सकारेति सम्माणोति २ पडिविसज्जेति २ । तते णं से अभग्गसेणो चोरसेणावई बहूहिं मित्त जाव परिवुडे रहाते जाव पायच्छित्ते सव्वालंकारविभूसिए सालाडवीओ चोरपल्लीओ पडिनिक्खमति २ ता जेणोव पुरिमताले नगरे जेणोव महब्बले राया तेणोव उवागच्छति २ ता करयल जाव महब्बलं रायं जएणां विजएणां वद्धावेति २ ता महत्थं जाव पाहुडं उवणोति ३ । तते णं से महब्बले राया अभग्गसेणस्स चोरसेणावइस्स तं महत्थं जाव पडिच्छति, अभग्गमेणां चोरसेणावतिं सकारेति सम्माणोति पडिविसज्जेति कूडागारसालं च से आवसहं दलयति, तते णं से अभग्गसेणो चोरसेणावती महब्बलेणां रत्ता विसज्जिए समाणो जेणोव कूडागारसाला तेणोव उवागच्छइ ४ । तते णं से महब्बले राया कोडुं वियपुरिसे सदावेति २ ता एवं वयासी-गच्छह णं तुम्हे देवाणुप्पिया ! विपुलं असणां पाणां खाइमं साइमं उवक्खडावेह २ तं विउलं असणां ४ सुरं च ६ सुवहुं फुप्फवत्थगंधमल्लालंकारं च अभग्गसेणस्स चोरसेणावइस्स कूडागारसालं उवणोह तते णं ते कोडुं वियपुरिसा करयल जाव उवणोति ५ । तते णं से अभग्गसेणो चोरसेणावई बहूहिं मित्तनाइ जाव सद्धिं संपरिवुडे रहाते जाव सव्वालंकारविभूसिए तं विउलं असणां ४ सुरं च ६ आसाएमाणा पमत्ते विहरति ६ । तते णं से महब्बले राया कोडुं वियपुरिसे सदावेति २ एवं वयासी-गच्छह णं तुम्हे देवाणुप्पिया ! पुरिमतालस्स णगरस्स दुवाराइं पिहेह अभग्गसेणां चोरसेणावतिं जीवगाहं गिराहइ ममं उवणोह, तते णं ते कोडुं वियपुरिसा करयल जाव पडिसुणोति २ पुरिमतालस्स णगरस्स दुवाराइं पिहेति अभग्गसेणां चोरसेणावइं जीवगाहं गिराहंति महब्बलस्स राणो उवणोति तते णं से महब्बले राया अभग्गसेणां चोरसेणावइं एतेणां विहाणोणां वज्झं आणवेति ७ । एवं खलु गोतमा ! अभग्गसेणो चोरसेणावई पुरापुराणाणां जाव विहरति ८ । अभग्गसेणो णं भंते ।

चोरसेणावई कालमासे कालं किञ्चा कहिं गच्छिहिति ? कहिं उववज्जिहिति ? गोयमा ! अभग्गसेणो चोरसेणावई सत्तत्तोसं वासाइं परमाउयं पालइत्ता अज्जेव तिभागावसेसे दिवसे सूलभिन्ने कए समाणे कालमासे कालं किञ्चा इमीसे रयणाप्पभाए पुढवीए उक्कोससागरोवमट्ठिईएसु नेरइएसु उववज्जिहिति, से णं ततो अणांतरं उव्वट्ठित्ता एवं संसारो जहा पढमो जाव पुढवीए, ततो उव्वट्ठित्ता वाणारसीए नयरीए सूयरत्ताए पच्चायाहिति, से णं तत्थ सूयरिण्हिं जीवियाओ ववरोविण्णए समाणे तत्थेव वाणारसीए नयरीए सेट्ठिकुलंसि पुत्त(म)त्ताए पच्चायाहिति, से णं तत्थ उम्मुक्कबालभावे एवं जहा पढमे जाव अंतं काहिति ६ । निक्खेवो ॥ सू० १६ ॥ तत्तियं अज्जभयणां समत्तं ॥

॥ इति तृतीयमध्ययनम् ॥ अ० १-अ० ३ ॥

॥ अथ शकटाख्यं चतुर्थमध्ययनम् ॥

जइ णं भंते ! चउत्थस्स उक्खेवो, एवं खलु जंबू ! तेणां कालेणां तेणां समएणां साहंजनीनामं नयरी होत्था रिद्धत्थिमियसमिद्धा, तोसे णं साहंजणीए बहिया उत्तरपुरच्छिमे दिसीभाए देवरमणे णामं उजाणे होत्था, तत्थ णं अमोहस्स जक्खस्स जक्खाययणे होत्था पुराणे १ । तत्थ णं साहंजणीए णयरीए महचंदे नामं राया होत्था महयाहिमवंत-महंत मलय-मंदर-महिंदसारे, तस्स णं महचंदस्स रत्तो सुसेणे नामं अमच्चे होत्था सामभेयदंड-उवप्पयाण-नीइ-सुपउत्त-नय-विहन्नू जाव निग्गहक्कुसले, तत्थ णं साहंजणीए नयरीए सुदंसणाणामं गणिया होत्था वन्नओ, तत्थ णं साहंजणीए नयरीए सुभदे नामं सत्थवाहे परिवसइ अइ जाव अपरिभूए, तस्स णं सुभदस्स सत्थवाहस्स भद्धानामं भारिया होत्था अहीण जाव सब्वंगसुंदरंगी, तस्स णं सुभदसत्थ-वाहस्स पुत्ते भद्दाए भारियाए अत्तए सगडे नामं दारए होत्था अहीण जाव

सङ्ग-सुन्दरं २ । तेषां कालेषां तेषां समेषां समणो भगवं महावीरे
समोसठे परिसा राया य निग्गए धम्मो कहिओ परिसा पडिगया ३ ।
तेषां कालेषां तेषां समेषां समणस्स भगवओ महावीरस्स जेट्ठे अंतेवासी
जाव रायमग्गमोगाढे तत्थ एणं हत्थी आसे पुरिसे पासति तेसिं च एणं
पुरिसाणां मज्झगए पासति एणं सइत्थीयं पुरिसं अब्बउडगबंधरां उक्खित्त-
कन्ननासं जाव उग्गोसेशां चिंत्ता तहेव जाव भगवं वागरेति, एवं खलु
गोयमा ! तेषां कालेषां तेषां समेषां इहेव जंबुद्वीवे दीवे भारहे वासे
छगलपुरे नामं एगरे होत्था, तत्थ सीहगिरिनामं राया होत्था महयाहिमवत-
महंत-मलय-मंदर-महिंदसारे ४ । तत्थ एणं छगलपुरे एगरे छणिए नामं
छागलीए परिवसति अट्ठे जाव अपरिभूए अहम्मिए जाव दुप्पडियाणंदे,
तस्स एणं छणियस्स छागलियस्स बहवे अयाण य एलाण य रोज्जाण य
वसभाण य ससयाण य सूयराण य पसयाण य सिंघाण य हरिणाण य
मयूराण य महिसाण य सतबद्धाण य सहस्सबद्धाण य जूहाणि वाडगंसि
सन्निरुद्धां चिट्ठंति ५ । अन्ने य तत्थ बहवे पुरिसा दिन्नभइभत्तवेयणा
बहवे य अए जाव महिसे य सारक्खमाणा संगोवेमाणा चिट्ठंति, अराणो य
से बहवे पुरिसा अयाण य जाव गिहंसि निरुद्धा चिट्ठंति ६ । अन्ने य से
बहवे पुरिसा दिन्नभइभत्तवेयणा बहवे अए य जाव महिसे य सयए य
सहस्से य जीवियाओ ववरोविंति २ मंसाइं कप्पणीकप्पियाइं करंति
छणीयस्स छागलीयस्स उवणंति, अन्ने य से बहवे पुरिसा ताइं बहूयाइं
अयमंसाइं जाव महिसमंसाइं तवएसु य कवलीसु य कंदूएसु य भज्जोसु य
इंगालेसु य तलेति य भज्जेति य सोल्लयंति य २ ततो य रायमग्गंसि वित्ति
कप्पेमाणा विहरंति ७ । अप्पणाविय एणं से छन्नियए छागलीए तेहिं
बहुविहअयहिं मंसेहिं जाव महिसमंसेहि य सोल्लेहि य तलेहि य भज्जेहि य
सुरं च ६ आसाएमाणो विहरति, तते एणं से छन्नीए य छागलीए एयकम्मे

एयप्पहाणे एयविज्जे एयसमुदायारे सुवहुं पावकम्मं कलिकलुसं समज्जिणित्ता
 सत्तवाससयाइं परमाउयं पालइत्ता कालमासे कालं किञ्चा चोत्थीए पुढवीए
 उक्कोसेरां दससागरोवमठिईएसु नेरइएसु नेरइयत्ताए उववन्ने ८ ॥सू० २०॥
 तते णं तस्स सुभइसत्थवाहस्स भद्दा भारिहा जाव निंदुया यावि होत्था,
 जाया जाया दारगा विनिहायमावज्जंति १ । तते णं से छनीए छागले
 चोत्थीए पुढवीए अणंतरं उव्वट्टित्ता इहेव साहंजणीए नयरीए सुभइस्स
 सत्थवाहस्स भद्दाए भारियाए कुच्चिसि पुत्तत्ताए उववन्ने २ । तते णं सा
 भद्दा सत्थवाही अन्नया कयाइं नवराहं मासाणं बहुपडिपुन्नाणं दारगं पयायां,
 तए णं तं दारगं अम्मापियरो जायमेत्तं चेव सगडस्स हेट्ठातो ठवेति
 दोच्चंपि गिराहावेति अणुपुव्वेणं सारक्खंति संगोवेति संवड्ढेति जहा
 उज्झियए जाव जम्हा णं अम्हं इमे दारए जायमेत्ते चेव सगडस्स हेट्ठा ठाविए
 तम्हा णं होऊ णं अम्हं एस दारए सगडे नामेणं, सेसं जहा उज्झियते
 ३ । सुभइे लवणसमुदो कालगते मायावि कालगया, सेऽवि सयाओ
 गिहाओ निच्छूढे तते णं से सगडे दारए सयातो गिहाओ निच्छूढे समाणे
 सिवाडग तहेव जाव सुदरिसणाए गणियाए सद्धि संपलग्गे यावि होत्था
 ४ । तते णं से सुसेणे अमच्चे तं सगडं दारगं अन्नया कयाइं सुदरिसणाए
 गणियाए गिहाओ निच्छुभावेति २ सुदंसणियं गणियं अच्चिभतरियं ठवेति
 २ सुदरिसणाए गणियाए सद्धि उरालाइं माणुस्सगाइं भोगभोगाइं
 भुंजमाणो विहरति ५ । तते णं से सगडे दारए सुदरिसणाए गिहाओ
 निच्छूढे समाणे अन्नत्थ कत्थवि सुत्ति वा अलभमाणो अन्नया कयाइं रहसियं
 सुदरिसणागेहं अणुप्पविसइ २ सुदरिसिणाए सद्धि उरालाइं भोगभोगाइं
 भुंजमाणो विहरइ ६ । इमं च णं सुसेणे अमच्चे राहाते जाव विभूसिए
 मणुस्सवग्गुराए परिक्खित्ते जेणेव सुदरिसणा-गणियाए गेहे तेणेव उवाग-
 च्छति तेणेव उवागच्छइत्ता सगडं दारयं सुदंसणाए गणियाए सद्धि उरालाइं

भोगभोगाईं भुंजमाणं पासइ २ आसुरुत्ते जाव मिसिमिसेमाणो तिवलियं
 भिउडिं निडाले साहट्टु सगडं दारयं पुरिसेहिं गिराहाविति २ अट्टि जाव
 महियं करेति यत्रो अवंउडगवंधणं करेति २ जेणोव महचंदे राया तेणोव
 उवागच्छइ उवागच्छिता करयल जाव एवं वयासी-एवं खलु सामी !
 सगडे दारए मम अंतपुंरंसि अवरद्धे ७ । तते णं से महचंदे राया सुसेणं
 अमच्चं एवं वयाभी-तुमं चेव णं देवाणुप्पिया ! सगडस्स दारगस्स दंडं
 निव्वत्तेहि, तए णं से सुसेणो अमच्चे महचंदेणं रत्ता अन्भणुत्ताए समाणो
 सगडं दारयं सुहरिसणं च गणियं एएणं विहाणोणं वज्झं आणुवेति, तं एवं
 खलु गोयमा ! सगडे दारगे पोरपुराणाणं दुच्चिराणाणं पच्चणुन्भवमाणो
 विहरति ८ ॥ सू० २१ ॥ सगडे णं भंते ! दारए कालगए कहिं गच्छि-
 हिति ? कहिं उववज्जिहिइ ? सगडे णं दारए गोयमा ! सत्तावराणं वासाईं
 परमाउयं पालइत्ता अज्जेव तिभागावसेसे दिवसे एणं महं अत्रोमयं तत्त-
 समजोइभूयं इत्थिपडिमं अवयासाविए समाणो कालमासे कालं किच्चा इमीसे
 रयणुप्पभाए पुढवीए गोरइयत्ताए उववज्जिहिति १ । से णं ततो अणंतं
 उव्वट्टित्ता रायगिहे णगरं मातंगकुलंसि जुगलत्ताए पच्चायाहिति, तते णं
 तस्स दारगस्स अम्मापियरो णिवत्तवारसगस्स इमं एयारूवं गोरणं
 नामधेज्जं करिस्संति, तं होऊ णं दारगं सगडे नामेणं होऊ णं दारिया
 सुदरिसणानामेणं, तते णं से सगडे दारए उम्मुक्कबालभावे जोव्वणुग-मणुपत्ते
 अलं भोगसमत्थे यावि भविस्सइ २ । तए णं मा सुदरिसणावि दारिया
 उम्मुक्कबालभावा विराणाय-परिणयमेत्ता जोव्वणुगमणुप्पत्ता रूवेण य
 जोव्वणोण य लावराणोण य उक्किट्टा उक्किट्टसरीरा यावि भविस्सइ ३ । तए
 णं से सगडे दारए सुदरिसणाए रूवेण य जोव्वणोण य लावराणोण य मुच्छिण
 सुदरिसणाए सद्धि उरालाईं माणुस्सगाईं भोगभोगाईं भुंजमाणो विहरिस्सति
 ४ । तते णं से सगडे दारए अन्नया कयाईं सयमेव कूडगाहित्तं उवसंपज्जित्ताणं

विहरिस्सति, तते णं से सग्डे दारए कूडगाहे भविस्सइ अहम्मिए जाव
दुप्पड्डियाणंदे एयकम्मे एयप्पहाणे एयविज्जे एयसमुदायारे सुबहुं पावकम्मं
कलिकलुसं समज्जिणित्ता कालमासे कालं किच्चा इमीसे रयणप्पभाए पुढवीए
गोरइयत्ताए उववज्जिहिति, संसारो तहेव जाव पुढवीए ५ । से णं ततो
अणंतं उववट्टित्ता वाणारसीए नयरीए मच्छत्ताए उववज्जिहिति, से णं
तत्थ णं मच्छबंधिएहिं वहिए तत्थेव वाणारसीए नयरीए सेट्टिकुलंसि
पुत्तत्ताए पच्चायाहिति बोहिं पव्वइस्सति सोहम्मे कप्पे महाविदेहे वासे
सिज्झिहिति ६ । निक्खेवो ! दुहविवागाणं चोत्थस्स अज्झयणस्स अयमट्ठे
पन्नत्ते ॥ सू० २२ ॥ चोत्थं अज्झयणं समत्तं ॥

॥ इति चतुर्थमध्ययनम् ॥ श्रु० १-अ० ४ ॥

॥ अथ बृहस्पतिदत्ताख्यं पञ्चममध्ययनम् ॥

जइ णं भंते ! पंचमस्स अज्झयणस्स उक्खेवो, एवं खलु जंबू !
तेणं कालेणं तेणं समएणं कोसंबीनामं नयरी होत्था रिद्धत्थिमियसमिद्धे,
बाहिं चंदोतरणे उज्जाणे सेयभद्दे जक्खे, तत्थ णं कोसंबीए नयरीए
सयाणीए नामं राया होत्था महता-हिमवंत-महंत-मलय-मंदर-महिंदसारे,
मियावती देवी, तस्स णं सयाणीयस्स पुत्ते मियादेवीए अत्तए उदायणे
णामं कुमारे होत्था अहीण जाव सव्वंगसुंदरंगे जुवराया, तरस णं
उदायणस्स कुमारस्स पउमावतीनामं देवी होत्था, तस्स णं सयाणीयस्स
सोमदत्ते नामं पुरोहिए होत्था रिउव्वेय-जजुवेय-सामवेय-अथव्वणवेय-कुसले,
तस्स णं सोमदत्तस्स पुरोहियस्स वसुदत्ता नामं भारिया होत्था, तस्स णं
सोमदत्तस्स पुत्ते वसुदत्ताए अत्तए बहस्सतिदत्ते नामं दारए होत्था अहीण
जाव सव्वंगसुंदरंगे १ । तेणं कालेणं तेणं समएणं समणे भगवं महावीरे
समोसरणं, तेणं कालेणं तेणं समएणं भगवं गोयमे तहेव जाव रायमग्ग-

मोगादे तहेव पासइ हत्थी आसे पुरिसमज्जे पुरिसं चिता तहेव पुच्छति
 पुव्वभवं भगवं वागरेति २ । एवं खलु गोयमा ! तेणं कालेणं तेणं
 समएणं इहेव जंबुद्वीवे दीवे भारहे वासे सव्वतोभद्दे नामं नयरे होत्था
 रिद्धत्थिमियसमिद्धे, तत्थ णं सव्वतोभद्दे नगरे जियसत्तू नामं राया होत्था,
 तस्स णं जियसत्तुस्स रत्तो महेसरदत्ते नामं पुरोहिए होत्था रिउव्वेय-जजुव्वेय-
 सामवेय-अथव्वणवेय-कुसले आवि होत्था ३ । तते णं से महेसरदत्ते पुरोहिए
 जियसत्तुस्स रत्तो रज्जबल-विवद्धण-अट्टुआए कल्लाकल्लिं एगमेगं माहणादारयं
 एगमेगं खत्तियदारयं एगमेगं वइस्सदारयं एगमेगं सुहदारगं गिराहावेति २
 तेसिं जीवंतगाणं चेव हिययउंडए गिराहावेति जियसत्तुस्स रत्तो संतिहोमं
 करेति ४ । तए णं से महेसरदत्ते पुरोहिए अट्टुमी-चो(चउ)इसीसु दुवे माहणा
 १ खत्तिय २ वेस ३ सुहदारगे ४ चो(चउ)राहं मासाणं चत्तारि २ छराहं
 मासाणं अट्टु २ संवच्छरस्स सोलस २ जाहे जाहेऽविय णं जियसत्तू राया
 परबलेणं अभिजुंजइ (अभिजुज्जति) ताहे ताहेवि य णं से महेसरदत्ते
 पुरोहिए अट्टुसयं माहणादारगाणं अट्टुसयं खत्तियदारगाणं अट्टुसयं वइ-
 स्सदारगाणं अट्टुसयं सुहदारगाणं पुरिसेहि गिराहावेति गिराहावेत्ता तेसिं
 जीवंतगाणं चेव हिययउंडीओ गिराहावेति २ जियसत्तुस्स रणो संतिहोमं
 करेति, तते णं से परबले खिप्पामेव विद्धंसिज्जइ(सेति) वा पडिसेहिज्जइ
 वा ५ ॥ सू० २३ ॥ तते णं से महेसरदत्ते पुरोहिए एयकम्मे एयप्पहाणे
 एयविज्जे एयसमुदायारे सुबहुं पावकम्मं समज्जिणित्ता तीसं वाससयाई
 परमाउयं पालइत्ता कालमासे कालं किच्चा पंचमाए पुढ्वीए उकोसेरां
 सत्तरस-प्पागरोवम-ट्टितिए नरगे उववन्ने १ । से णं ततो अणंतरं उव्वट्टित्ता
 इहेव कोसंबीए नयरीए सोमदत्तस्स पुरोहियस्स वसुदत्ताए भारियाए पुत्तत्ताए
 उववन्ने २ । तते णं तस्स दारगस्स अम्मापियरो निव्वत्त-वारसाहस्स इमं
 एयारूवं नामधेज्जं करेति, जम्हा णं अम्हं इमे दारए सोमदत्तस्स पुरो-

हियस्स पुत्ते वसुदत्ताए अत्तए तम्हा णं होउ अम्हं दारए बहस्सइदत्ते नामेणं, तते णं से बहस्सतिदत्ते दारए पंचधाति परिग्गहिए जाव परिवड्ढइ, तते णं से बहस्सतिदत्ते उम्मुक्कबालभावे जुव्वणगमणुपत्ते विराणायपरिणयमित्ते अलं भोगसमत्थे यावि होत्था, से णं उदायणस्स कुमारस्स पियवालवयस्सए यावि होत्था सहजायए सहवड्ढीयए सहपंसुकीलियए ३ । तते णं से सयाणीए राया अन्नया कयाइं कालधम्मणा संजुत्ते, तते णं से उदायणकुमारे बहुराईसर जाव सत्थवाहप्पभिइहिं सद्धिं संपरिवुडे रोयमाणे कंदमाणे विलवमाणे सयाणीयस्स रत्तो महया इड्ढीसकारसमुदएणं नीहरणं करेति, २ बहूइं लोइयाइं मयकिच्चाइं करेति ४ । तते णं ते बहवे राईसर जाव सत्थवाहप्पभिइओ उदायणां कुमारं महया रायाभिसेएणां अभिसिंचंति, तते णं से उदायणे कुमारे राया जाते महयाहिमवंत-महंत-मलय-मंदर-महिंदसारे ५ । तते णं से बहस्सतिदत्ते दारए उदायणस्स रत्तो पुरोहियकम्मं करेमाणे सब्बट्ठाणोसु सब्बभूमियासु अंतोउरे य दिन्नवियारे जाए यावि होत्था, तते णं से बहस्सतीदत्ते पुरोहिए उदायणस्स राणां अंतोउरंसि वेलासु य अवेलासु य काले य अकाले य राओ य वियाले य पविसमाणे अन्नया कयाइं पउमावईए देवीए सद्धिं संपलग्गे यावि होत्था पउमावईए देवीए सद्धिं उरालाइं भोगभोगाइं भुंजमाणे विहरइ ६ । इमं च णं उदायणे राया गहाए जाव विभृसिए जेणेव पउमावई देवी तेणेव उवागच्छइ २ बहस्सतिदत्तं पुरोहियं पउमावती-देवीए सद्धिं उरालाइं भोगभोगाइं भुंजमाणं पासति २ आसुरुत्ते तिवलिं भिउडिं साहट्ठु बहस्सतिदत्तं पुरोहियं पुरिसेहिं गिराहावेति २ जाव एएणं विहाणेणं वज्झं आणाविए (आणवेति), एवं खलु गोयमा ! बहस्सतिदत्ते पुरोहिए पुरापोराणाणं जाव विहरइ ७ । बहस्सतिदत्ते णं भंते ! दारए इओ कालगए समाणे कहिं गच्छिहिति कहिं उववज्जिहिति ? गोयमा ! बहस्सतिदत्ते णं दारए पुरोहिए चोसेट्ठिं वासाइं परमाउयं पालइत्ता अज्जेव

तिभागावसेसे दिक्से सूलीयभिन्ने कए समागो कालमासे कालं किञ्चा इमीसे रयणाप्पभाए पुढवीए संसारो तहेव पुढवी, ततो हत्थिणाउरे नगरे मिगत्ताए पञ्चायाइस्सति, से णं तत्थ वाउरिएहिं वहिए समागो तत्थेव हत्थिणाउरे नगरे सेट्टिकुलंसि पुत्तत्ताए उववज्जिहिति, बोहिं सोहम्मे कप्पे विमाणो महाविदेहे वासे सिज्झिहिति = । निक्खेवो ॥ सू० २४ ॥ पंचमं अज्झयणं समत्तं ॥

॥ इति पञ्चममध्ययनम् ॥ अ० १-अ० ५ ॥

॥ अथ नन्दिवर्धनाख्यं षष्ठमध्ययनम् ॥

जइ णं भंते ! छट्ठस्स उक्खेवो, एवं खलु जंबू ! तेणं कालेणं तेणं समएणं महुरा नाम नयरी भंडीरे उज्जाणे, सुदंसणे जक्खे, सिरीदामे राया, बंधुसिरी भारिया, पुत्ते णंदिवद्धणे कुमारे अहीण जाव सव्वंग-सुदरंगे जुवराया, तस्स सिरीदामस्स सुबन्धु नामं अमच्चे होत्था सामदंड जाव निग्गहकुसले तस्स णं सुबन्धुस्स अमच्चस्स बहुमित्तपुत्ते नामं दारए होत्था अहीण जाव सव्वंग-सुदरंगे, तस्स णं सिरीदामस्स रणणे चित्ते नामं अलंकारिए होत्था, सिरीदामस्स रन्नो चित्तं बहुविहं अलंकारियकम्मं करेमाणो सव्वट्टाणोसु य सव्वभूमियासु य अंतेउरे य दिन्नवियारे यावि होत्था १ । तेणं कालेणं तेणं समएणं सामी समोसठे परिसा निग्गया रायावि निग्गयो जाव परिसा पडिगया २ । तेणं कालेणं तेणं समएणं समणस्स जेट्ठे जाव रायमग्गं ओगाढे तहेव हत्थी आसे पुरिसे, तेसि च णं पुरिसाणं मज्झगयं एगं पुरिसं पासति जाव नरनारि-संपरिबुडं ३ । तते णं तं पुरिसं रायपुरिसा च्चरंसि तत्तंसि अयोमयंसि समजोईभूय-सिहास-णांसि निविसावेति तथाणंतरं च णं पुरिसाणं मज्झगयं बहुविहं अयकलसेहिं तत्तेहिं समजोईभूएहिं अप्पेगइया तंबभरिएहिं अप्पेगइया तउयभरिएहिं अप्पेग-

इया सीसगभरिएहिं अप्पेगइया कलकलभरिएहिं अप्पेगइया खारतेल्लभरिएहिं
महया २ रायाभिसेएणां अभिसिचित्ते, तयाणांतरं च णां तत्तं अयोमयं संमजोइभूर्यं
अयोमयसंडासएणां गहाय हारं पिणद्धंति तयाणांतरं च णां अद्धहारं जाव पट्टं
मउडं चिंता तहेव जाव वागरेति ४ । एवं खलु गोयमा ! तेणां कालेणां
तेणां समएणां इहेव जंबुदीवे दीवे भारहे वासे सीहपुरे नामं नगरे होत्था
रिद्धत्थिमियसमिद्धे, तत्थ णां सीहपुरे नयरे सीहरहे नामं राया होत्था, तस्स णां
सीहरहस्स रत्तो दुज्जोहणास्स चारगपालए होत्था अहम्मिए जाव दुप्पडि-
याणांदे, तस्स णां दुज्जोहणास्स चारगपालगस्स इमेयारूवे चारगभंडे होत्था
५ । तस्स णां दुज्जोहणास्स चारगपालस्स बहवे अयकुंडीयाओ अप्पेगइयाओ
तंबभरियाओ अप्पेगइयाओ तउयभरियाओ अप्पेगइया सीसगभरियाओ
अप्पेगइया कलकलभरियाओ अप्पेगइया खारतेल्लभरियाओ अगणिकायंसि
अइहिया चिट्ठंति, तस्स णां दुज्जोहणास्स चारगपालस्स बहवे उट्टियाओ
आसमुत्तभरियाओ अप्पेगइया हत्थिमुत्तभरियाओ अप्पेगइया गोमुत्त-
भरियाओ अप्पेगइया महिसमुत्तभरियाओ अप्पेगइया उट्टमुत्तभरियाओ
अप्पेगइया अयमुत्तभरियाओ अप्पेगइया एलमुत्तभरियाओ बहुपडिपुन्नाओ
चिट्ठंति ६ । तस्स णां दुज्जोहणास्स चारगपालगस्स बहवे हत्थुंडुयाणा य
पायंदुयाणा य हडीणा य नियलाणा य संकलाणा य पुंजा निगरा य सन्नि-
क्खित्ता चिट्ठंति, तस्स णां दुज्जोहणास्स चारगपालस्स बहवे वेणुलयाणा
य वेत्तलयाणा य चिञ्चालयाणा य छियाणां कमाणा य वायरासीणा य पुंजा
णिगरा चिट्ठंति, तस्स णां दुज्जोहणास्स चारगपालस्स बहवे सिलाणा य
लउडाणा य मोगगराणा य कनंगराणा य पुंजा णिगरा चिट्ठंति, तस्स णां
(तए णां से) दुज्जोहणास्स चारगपालस्स बहवे तंता(ती)णा य वरत्ताणा य
वागरजा(ज्जू)णा य वालयरज्जूणा य सुत्तरज्जूणा य पुंजा निगरा य सन्नि-
क्खित्ता चिट्ठंति ७ । तस्स णां दुज्जोहणास्स चारगपालस्स बहवे असिपत्ताणा

य करपत्ताण य खुरपत्ताण य कलंबचीरपत्ताण य पुंजा णिगरा चिट्ठंति, तस्स
 णं दुज्जोहणस्स चारगपालस्स बहवे लोहखीलाण य कडि(कडग)सकराण य
 चम्मपट्टाण य अल्लपल्लाण(अन्ताण) य पुंजा निगरा चिट्ठंति, तस्स णं
 दुज्जोहणस्स चारगपालस्स बहवे सूतीण य डंभणाण य कोट्टिल्लाण य पुंजा
 निगरा चिट्ठंति, = । तस्स णं दुज्जोहणस्स चारगपालस्स बहवे पच्छा(सत्था)ण
 य पिप्पलाण य कूहाडाण य नहच्छेयणाण य दम्भतिणाण (दम्भाण) य पुंजा
 निगरा चिट्ठंति १ । तते णं से दुज्जोहणे चारगपाले सीहरथस्स रत्तो बहवे
 चोरे य पारदारिए य गंठिभेदे य रायावकारी य अणधारए य बालघातए य
 विसंभघाते य जूतिकारे य सं(खं)डपट्टे य पुरिसेहिं गिराहावेति २ ता उत्ताणए
 पाडेति २ लोहदंडेणं मुहं विहाडेइ २ अप्पेगतिए तत्तत्तं पज्जेति अप्पेगतिया
 तउयं पज्जेति अप्पेगतिए सीसगं पज्जेति अप्पेगतिए कलयं पज्जेति अप्पे-
 गतिए खारतेल्लं पज्जेति अप्पेगइयाणं तेणं चैव ओवीलं (अभिसेयगं)
 करेति, अप्पेगतिए उत्ताणए पाडेति २ आसमुत्तं पज्जेति अप्पेगतिए
 हत्थिमुत्तं पज्जेति जाव एलमुत्तं पज्जेति, अप्पेगतिए हेट्टामुहे पाडेति,
 छड(ल)छड(ल)स्स वम्मावेति २ अप्पेगतिए तेणं चैव ओवीलं दलयति
 अप्पेगतिए हत्थुंडुयाइं बंधावेति अप्पेगतिए पायंडुडियं(दुयाहिं) बंधावेति
 अप्पेगतिए हडिबंधाणं करेति अप्पेगतिए नियड(ल)बंधाणं करेति अप्पेगतिए
 संकोडियमोडिययं करेति अप्पेगतिए संकलबंधाणं करेति अप्पेगतिए हत्थच्छि-
 न्नाए करेति जाव सत्थोवाडियं(यए) करेति अप्पेगतिए वेणुलयाहि य जाव
 वायरासीहि य पहरणातिहि य हणावेति अप्पेगतिए उत्ताणए कारवेति उरे
 सिलं दलावेति तत्रो लउलं छुभावेइ २ पुरिसेहिं उवकंपावेति अप्पेगतिए
 तंतीहि य जाव सुत्तरज्जूहि य हत्थेसु पाएसु य बंधावेति अगडंसि
 ओचूलयालगं पज्जेति अप्पेगतिए असिपत्तेहि य जाव कलंबचीरपत्ते हि य
 पच्छावेति खारतेल्लेणं अंभिगावेति अप्पेगतिए निलाडेसु य अवदूसु य

कोप्परेसु य जाणूसु य खलुएसु अ लोहकीलए य कडसकरात्रो य दवावेति
अलिए भंजावेति अप्पेगतिए सुईत्रो य दंभणाणि य हत्थंगुलियासु य
पायंगुलियासु य कोट्टिल्लएहिं आउडावेति २ भूमिं कंडूयावेति अप्पेगतिए
सत्थेहि य जाव नहच्छेदणएहि य अंगं पच्छावेइ दग्भेहि य कुसेहि य
उल्लवच्छेहि य वेढावेति आयवंसि दलयति चम्मे सुक्के समाणे चडचडस्स
उप्पाडेति १० । तते णं से दुज्जोहणे चारगयाजए एयकम्मे सुवहुं पावकम्मं
समज्जिणित्ता एगतीसं वाससयाइं परमाउयं पालइत्ता कालमासे कालं किच्चा
छट्टीए पुढवीए उक्कोसेणं बावीस-सागरोवम-अतीएसु नेरइएसु गोरइयत्ताए
उववन्ने ११ ॥ सू० २५ ॥ से णं ततो अणंतरं उव्वट्टित्ता इहेव महुराए
णंगरीए सिरिदामस्स रणो बंधुसिरीए देवीए कुच्चिसि पुत्त(म)त्ताए
उववन्ने, तते णं बंधुसिरी णवराहं मासाणं बहुपडिपुन्नाणं जाव दारगं
पयाया २ । तते णं तस्स दारगस्स अम्मापियरो निव्वत्ते बारसाहे इमं
एयाणुरूवं नामधेज्जं करेति होऊ णं अम्हं दारगे णं नंदिसेणे नामेणं,
तते णं से नंदिसेणे कुमारे पंचधातीपरिवुडे जाव परिवुड्डइ, तते
णं से नंदिसेणे कुमारे उम्मुक्कबालभावे जाव विहरति जाव जुवराया जाते
यावि होत्था ३ । तते णं से णंदिसेणे कुमारे रज्जे य जाव अंतेउरे य
मुच्चित्ते इच्छति सिरिदामं रायं जीवियातो ववरोवित्तए सयमेव रज्जसिरि
कारेमाणे पालेमाणे विहरित्तए ४ । तते णं से नंदिसेणे कुमारे सिरिदामस्स
रन्नो बहूणि अंतराणि य छिद्दाणि य विरहा(वरा)णि य पडिजागरमाणे
विहरति, तते णं से नंदिसेणे कुमारे सिरिदामस्स रन्नो अंतरं अलभमाणे
अन्नया कयाइं चित्तं अलंकारियं सहावेति २ एवं वयासी-तुम्हे णं देवाणु-
प्पिया ! सिरिदामस्स रन्नो सव्वट्ठाणोसु य सव्वभूमीसु य अंतेउरे य
दिगाणवियारे सिरिदामस्स रन्नो अभिक्खणं २ अलंकारियं कम्मं करेमाणे
विहरसि, तराणं तुम्हं देवाणुप्पिया ! सिरिदामस्स रन्नो अलंकारियं कम्मं

करेमाणो गीवाए खुरं निवेसेहि तो णं अहं तुम्हं अद्धरज्जियं करेस्सामि
तुम्हं अम्हेहिं सद्धिं उरालाइं भोगभोगाइं भुंजमाणो विहरिस्ससि, तते णं
से चित्ते अलंकारिए नंदिसेणस्स कुमारस्स वयणं एयमट्टं पडिसुणेति ५ ।
तए णं तस्स चित्तस्स अलंकारियस्स इमेयारूवे जाव समुपज्जित्था—जइ णं
मम सिरिदामे राया एयमट्टं आगमेति तते णं ममं ण णज्जति केणति
असुभेणं कुम(मा)रणेणं मारिस्सतित्तिकट्टु भीए जेणेव सिरिदामे राया
तेणेव उवागच्छति २ सिरिदामं रायं रहस्सियगं करयल जाव एवं वयासी—
एवं खलु सामी ! णंदिसेणे कुमारे रज्जे य जाव मुच्छित्ते इच्छति तुम्भे
जीवियातो ववरोवित्ता सयमेव रज्जसिरिं कारेमाणो पालेमाणो विहरित्तए ६ ।
तते णं से सिरिदामे राया चित्तस्स अलंकारिअस्स अंतिए एयमट्टं सोच्चा
निसम्म आसुरुत्ते जाव साहट्टु णंदिसेणं कुमारं पुरिसेहिं सद्धिं गिराहावेति २
एएणं विहाणेणं वज्झं आणेवेति, तं एवं खलु गोयमा ! णंदिसेणे पुत्ते
जाव विहरति ७ । नंदिसेणे कुमारे इअो चुए कालमासे कालं किच्चा कहिं
गच्छिहिइ ? कहिं उववज्जिहिइ ? गोयमा ! णंदिसेणे कुमारे सट्ठिं वासाइं
परमाउयं पालइत्ता कालमासे कालं किच्चा इमीसे रयणप्पभाए पुट्ठीए,
संसारो तहेव, ततो हत्थिणाउरे णगरे मच्छत्ताए उववज्जिहिति, से णं तत्थ
मच्छिण्हि वधिए समाणे तत्थेव सेट्ठिकुत्ते बोहिं सोहम्मे कप्पे महाविदेहे
वासे सिज्झिहिति बुज्झिहिति मुच्चिहिति परिनिव्विहिति सब्बदुक्खाणमंतं
करेहिति, एवं खलु जंबू ! निवखेवो छट्टस्स अज्झयणस्स अयमट्टे
पन्नत्तेत्ति वेमि ८ ॥ सू० २६ ॥ छट्टमज्झयणं समत्तं ॥

॥ इति षष्ठमध्ययनम् ॥ श्रु० १-अ० ६ ॥

॥ अथ उम्बरदत्ताख्यं सप्तममध्ययनम् ॥

जति णं भंते । उक्खेवो सत्तमस्स, एवं खलु जंबू ! तेणं कालेणं
 तेणं समएणं पाडलिसंडे णगरे वणसंडे नाम उज्जाणे उंबरदत्तो जवखो,
 तत्थ णं पाडलिसंडे णगरे सिद्धत्थे राया तत्थ णं पाडलिसंडे णगरे सागर-
 दत्ते सत्थवाहे होत्था अड्ढे जाव अपरिभूए, गंगदत्ता भारिया, तस्स णं
 सागरदत्तस्स पुत्ते गंगदत्ताए भारियाए अत्तए उंबरदत्ते नामं दारए होत्था
 अहीण जाव पंचिदियसरीरे १ । तेणं कालेणं तेणं समएणं समोसरणं
 जाव परिसा पडिगया, तेणं कालेणं तेणं समएणं भगवं गोयमे तहेव
 जेणोव पाडलिसंडे णगरे तेणोव उवागच्छति पाडलिसंडं नगरं पुरत्थि-
 मिल्लेणं दुवारेणं अणुप्पविसति, तत्थ णं पासति एणं पुरिसं कच्छुल्लं
 कोट्ठियं दोउ(दत्थो)यरियं भगंदरियं अरिसिल्लं कासिल्लं सासिल्लं सोगिलं
 सुयमुहसुयहत्थं सुयपायं सडिय(सुय)हत्थंगुलियं सडियपायंगुलियं सडिय-
 कन्ननासियं रसीयाए वा पूईएण य थिविथिवित्त-वणमुह-किमिउत्तयंत-पगलंत-
 पूयरुहिरं लाला-पगलंत-कन्ननासं अभिक्खणं २ पूयकवले य रुहिरकवले
 यकिमियकवले य वममाणं कट्टाई कलुणाई विसराई कुवमाणं मिच्छया-
 चडगर-पहकरेणं अण्णज्जमाणमगं फुट्ट-हडाहड-सीसं दंडिखंड-निवसणं
 खंडमल्लग-खंडघड-हत्थगयं गेहे २ देहंबलियाए वित्तिं कप्पेमाणं पासति २ ।
 तदा भगवं गोयमं उच्चनीय जाव अड्ढति अहापज्जत्तं गिराहति पाडलिसंडाओ
 नगराओ पडिनिक्खमति जेणोव समणे भगवं महावीरे भत्तपाणं आलोएति
 भत्तपाणं पडिदंसेति २ समणेणं भगवया महावीरेणं अब्भणुन्नाए समाणे
 जाव विलमिव पन्नागभूते अप्पाणेणं आहारमाहारेइ संजमेणं तवसा
 अप्पाणं भावेमाणो विहरति ३ । तते णं से भगवं गोयमे दोच्चंपि(मि)
 छट्टक्खमण-पारणगंसि पढमाए पोरिसीए सज्झाए जाव पाडलिसंडं नगरं
 दाहिणिल्लेणं दुवारेणं अणुप्पविसति तंचेव पुरिसं पासति कच्छुल्लं तहेव

जाव संजमेणं तवसा विहरति ४ । तते णं से गोयमे तच्चंमि छट्टुक्खमणा-
 पारणागंसि तहेव जाव पच्चत्थिमिल्लेणं दुवारेणं अणुपविसमाणे तंचेव पुरिसं
 कच्छुल्लं पासति, चोत्थिच्छट्टुक्खमणा-पारणागंसि उत्तरेणं दुवारेणं अणुपविसति तं
 चेव पुरिसं कच्छुल्लं जाव वित्तिं कप्पेमाणं पासति २ इमीसे अज्झत्थिए
 जाव समुप्पन्ने-अहो णं इमे पुरिसे पुरापोराणाणं जाव एवं वयासी-एवं
 खलु अहं भंते ! छट्टुस्स पारणागस्स जाव रीयते जेणोव पाडलिसंडे नगरे
 तेणोव उवागच्छामि २ ता पाडलिसंडे नगरे पुरच्छिमिल्लेणं दुवारेणं पविट्टे,
 तत्थ णं एणं पुरिसं पासामि कच्छुल्लं जाव कप्पेमाणं, तं अहं दोच्चंमि
 छट्टुक्खमणा-पारणागंसि दाहिणिल्लेणं दुवारेणं तच्चंमि छट्टुक्खमणापारणागंसि
 पच्चत्थिमेणं तहेव तं अहं चोत्थिच्छट्टुक्खमणा-पारणागंसि उत्तरदुवारेण अणुप-
 विसामि तं चेव पुरिसं पासामि कच्छुल्लं जाव वित्तिं कप्पेमाणे जाव
 विहरति, चिंत्ता मम पुव्वभवपुच्छा वागरेति ५ । एवं खलु गोयमा ! तेणं
 कालेणं तेणं समएणं इहेव जंबुदीवे दीवे भारहे वासे विजयपुरे नाम नगरे
 होत्था रिद्धत्थिमियसमिद्धे, तत्थ णं विजयपुरे णगरे कणागरहे नामं राया
 होत्था, तस्स णं कणागरहस्स रन्नो धन्नंतरी नामं विज्जे होत्था, अट्टंगा-
 उव्वेयपाटण, तंजहा-कुमारभिच्चं १ सालागे (मलागे, सालगे) २ सल्लहत्ते ३
 कायतिगिच्छा ४ जंगोले ५ भूयविज्जे ६ रसायणे ७ वाजीकरणे = सिवहत्ये
 सुहहत्ये लहुहत्ये ६ । तते णं से धन्नंतरी विज्जे विजयपुरे णगरे कणागरहस्स
 रन्नो अंतरे य अन्नेसिं च बहूणं राईसर जाव सत्थवाहाणं अन्नेसिं च
 बहूणं दुव्वलाण य १ गिलाणाण य २ वाहियाण य रोगियाण य
 अणाहाण य सणाहाण य समणाण य माहाणाण य भिक्खागाण य
 करोडियाण य कप्पडियाण य आउराण य अप्पेगतियाणं मच्छमंसाइं
 उवदंसेति अप्पेगतियाणं कच्छपमंसाइं अप्पेगतियाणं गाहामंसाइं अप्पेग-
 तियाणं मगरमंसाइं अप्पेगतियाणं सुंसुमारमंसाइं अप्पेगतियाणं अयमंसाइं

एवं एला-रोज्ज-सुयर--मिग-ससय-गो--महिसमंसाइं अप्पेगतियाणां तित्तिर-
मंसाइं अप्पेगतियाणां वट्टक-लावय-कपोत-कुक्कुड-मयूरमंसाइं अन्नेसिं च बहूणां
जलयर-थलयर-खहयर-मादीणां मंसाइं उवदंसेति अप्पणाविय णां से धन्नंत-
रीविज्जे तेहिं बहूहिं मच्छमंसेहि य जाव मयूरमंसेहि य अन्नेहि य बहूहिं
जलयर-थलयर-खहयर-मंमेहि य मच्छरसेहि य जाव मयूररसेहि य सोल्लेहि
य तलेहि य भिज्जेहिं सुरं च ६ आसाएमाणे विसाएमाणे विहरति ७ ।
तते णां से धन्नंतरी विज्जे एयकम्मे सुवहुं पावं कम्मं समज्जिणित्ता बत्तीसं
वाससयाइं परमाउयं पालइत्ता कालमासे कालं किच्चा छट्ठीए पुढ्वीए
उक्कोसेणां बावीससागरोवमट्ठिएसु उववरणे = । तते णां सा गंगदत्ता
भारिया जायण्णिंदुया यावि होत्था जाया जाया दारगा विनिधाय-मावज्जंति,
तते णां तीसे गंगदत्ताए सत्थवाहीए अन्नया कयाइं पुव्वरत्तावरत्त-काल-
समयंसि कुडुबजागरियं जागरमाणीए अयं अच्चत्थिए जाव समुप्पन्ने--एवं
खलु अहं सागरदत्तेणां सत्थवाहेणां सद्धिं बहूइं वासाइं उरालाइं मणुस्सगाइं
भोगभोगाइं भुंजमाणी विहरामि, णो चेव णां अहं दारगं वा दारियं वा
पयामि, तं धरणात्थो णां तात्थो अम्मयात्थो सपुन्नात्थो कयत्थात्थो कयल-
क्खणात्थो सुलद्धे णां तासिं अम्मयाणां माणुस्सए जम्मजीवियफले जासिं
मन्ने नियग-कुच्छि-संभूयाइं थणुदुद्ध-लुद्धगाइं महुरस-सुल्लावगाइं मम्मणां
पर्यपियाइं थणुमूल-क्खस्व-देसभागं अभिसरमाणगाति मुद्धगाइं पुणो य
कोमल-कमलोवमेहि य हत्थेहिं गिराहेऊणां उच्छंगं निवेसियातिं दिति
समुल्लावए सुमहुरे पुणो २ मंजुल-प्पभणिते, अहं णां अधन्ना अपुन्ना
अकयपुन्ना एत्तो एगमवि न पत्ता, तं सेयं खलु मम कल्ले जाव जलंते
सागरदत्तं सत्थवाहं आपुच्छित्ता सुवहुं पुप्फवत्थ-गंध-मल्लालंकारं गहाय बहु-
मित्तणाइ णियग-सयण-संबंधि-परिजन-महिलाहिं सद्धिं पाडलिसंडात्थो णग-
रात्थो पडिनिक्खमित्ता बहिया जेणोव उंबरदत्तस्स जवस्स जवखायतणे

तेषोव उवागच्छामि उवागच्छिता तत्थ गां उंबरदत्तस्स जक्खस्स महरिहं
 पुप्फच्चगां करेत्ता जाणु-पाय-वडियाए ओयावित्तए-जति गां अहं देवाणुप्पिया !
 दारगं वा दारियं वा पयामि, तो गां अहं तुब्भं जायं च दायं च भायं च
 अक्खयणिहिं च अणुवड्डइस्सामित्तिकट्टु ओवाइयं ओवाइणित्तए, एवं
 संपेहेइ २ ता कल्लं जाव जलंते जेषोव सागरदत्ते सत्थवाहे तेषोव उवा-
 गच्छति २ ता सागरदत्तं सत्थवाहं एवं वयासी-एवं खलु अहं देवाणुप्पिया !
 तुब्भेहिं सद्धिं जाव न पत्ता, तं इच्छामि गां देवाणुप्पिया ! तुब्भेहिं
 अब्भणुण्णाया जाव उवाइणित्तए = । तए गां से सागरदत्ते गंगदत्तं भारियं
 एवं वयासी-ममंपि य गां देवाणुप्पिया ! एस चेव मणोरहे, कहां गां तुमं दारगं
 वा दारियं वा पयाएज्जसि ?, गंगदत्ताए भारियाए एयमट्ठं अणुजाणति १ ।
 तते गा सा गंगदत्ता भारिया सागरदत्त-सत्थवाहेणां एयमट्ठं अब्भणुण्णाया
 समाणी सुबहुं पुप्फ जाव महिलाहिं सद्धिं सयाओ गिहाओ पडिनिक्खमइ
 पडिनिक्खमइत्ता पाडलिसंढं नगरं मज्झमज्जेगां निग्गच्छति २ जेषोव
 पुक्खरिणी तेषोव उवागच्छति २ पुक्खरिणीए तीरे सुबहुं पुप्फवत्थ-गंध-
 मल्लालंकारं उवणोति २ पुक्खरिणीं ओगाहेति २ जलमज्जगां करेति २
 जलकीडं करेमाणी राहाया कयकोउय-मंगल-पायच्छित्ता उल्लग-पडसाडिया
 पुक्खरिणीओ पच्चुत्तरति २ तं पुप्फवत्थ-गंध-मल्लालंकारं गिरहति २
 जेषोव उंबरदत्तस्स जक्खस्स जक्खायतणे तेषोव उवागच्छति २ उंबरदत्तस्स
 जक्खस्स आलोए पणामं करेति २ लोमहत्थं परामुसति २ उंबरदत्तं जक्खं
 लोमहत्थेगां पमज्जति २ दग्धाराए अब्भोक्खेति २ पम्हलसुकुमाल-गंध-
 कासाइयाए गायलट्ठी ओल्लूहेति २ सेयातिं वत्थाइं परिहेति महरिहं पुप्फा-
 रुहणां वत्थारुहणां मल्लारुहणां गंधारुहणां चुन्नारुहणां करेति २ ध्रुवं डहति
 जाणुपायवडिया एवं वयति-जइ गां अहं देवाणुप्पिया ! दारगं वा दारियं
 वा पयामि ते गां जाव उवात्तिणति २ ता जामेव दिंसिं पाउब्भूया तामेव

दिसं पडिगया १० । तते गां से धन्नंतरी विज्जे ताथो नरयाथो अणंतरं उव्वट्टित्ता इहेव जंबुदीवे २ पाडलिसंडे नगरे गंगदत्ताए भारियाए कुच्चिसि पुत्तत्ताए उववन्ने, तते गां तीसे गंगदत्ताए भारियाए तिराहं मासाणां बहुपडि-पुन्नाणां अयमेयारूवे दोहले पाउब्भूते-धन्नाथो गां ताथो जाव फले जाथो गां विउलं असणां पाणां खाइमं साइमं उवक्खडावेति २ बहूहिं मित्त जाव परिवुडाथो तं विपुलं असणां पाणां खाइमं साइमं सुरं च ६ पुप्फ जाव गहाय पाडलिसंडं नगरं मज्झमंज्जेणां पडिनिक्खमंति पडिनिक्खमिन्ता जेणोव पुक्खरिणी तेणोव उवागच्छंति तेणोव उवागच्छित्ता पुक्खरणीं ओगाहंति राहाता जाव पायच्छित्ताथो तं विपुलं असणां पाणां खाइमं साइमं बहूहिं मित्तणाइ जाव सद्धिं आसादेति दोहलं विणयेति, एवं संपेहेइ २ कल्लं जाव जलंते जेणोव सागरदत्ते सत्थवाहे तेणोव उवागच्छति २ सागरदत्तं सत्थवाहं एवं वयासी-धन्नाथो गां ताथो जाव विणोति तं इच्छामि गां जाव विणित्ताए ११ । तते गां से सागरदत्ते सत्थवाहे गंगदत्ताए भारियाए एयमट्ठं अणुजाणति, तते गां सा गंगदत्ता सागरदत्तेणां सत्थवाहेणां अन्भणुन्नाया समाणी विपुलं असणां पाणां खाइमं साइमं उवक्खडावेति तं विपुलं असणां पाणां खाइमं साइमं सुरं च ६ सुवहुं पुप्फ जाव परिगि-राहावेइ बहूहिं जाव राहाया कयवलिकम्मा जेणोव उंवरदत्तस्स जक्खाययणो जाव धूवं डहइ २ जेणोव पुक्खरणी तेणोव उवागच्छति १२ । तते गां तातो मित्त जाव महिलाथो गंगदत्तं सत्थवाहं सव्वालंकार-विभूसियं करेति, तते गां सा गंगदत्ता भारिया ताहिं मित्तनाईहिं अन्नाहि य बहूहिं गागरमहि-लाहिं सद्धिं तं विपुलं असणां पाणां खाइमं साइमं सुरं च ६ आसाएमाणी जाव दोहलं विणोति २ जामेव दिसिं पाउब्भूता तामेव दिसिं पडिगया १२ । तए गां सा गंगदत्ता सत्थवाही (भारिया) पसत्थ(पुराणा) दोहला तं गळं सुहंसुहेणां परिवहति, तते गां सा गंगदत्ता भारिया एवराहं मासाणां

बहुपडिपुत्राणां जाव पयाया त्रिडिवडिया जाव जम्हा णं अम्हं इमे दारए
 उंवरदत्तस्स जक्खस्स उववातियलद्धते तं होऊ णं दारए उंवरदत्ते नामेणां,
 तते णं से उंवरदत्ते दारए पंचधातिपरिग्गहिण परिवट्टइ १४ । तते णं से
 सागरदत्ते सत्थवाहे जहा विजयमित्ते जाव कालमासे कालं किच्चा,
 गंगदत्तावि, उंवरदत्ते निच्छूढे जहा उज्झियते, तते णं तस्स उंवरदत्तस्स
 दारयस्स अन्नया कयावि सरीरगंसि जमगसमगमेव सोलस रोगायंका
 पाउब्भूया, तंजहा-सासे खासे जाव कोढे, तते णं से उंवरदत्ते दारए
 सोलसहिं रोगयंकेहिं अभिभूए समाणे सडियहत्ये जाव विहरति, एवं खलु
 गोयमा ! उंवरदत्ते दारये पुरा पौराणाणां जाव पच्चणुब्भवमाणो विहरति १५ ।
 तते णं से उंवरदत्ते दारए कालमासे कालं किच्चा कहिं गच्छिहिति ? कहिं
 उववज्जिहिति ?, गोयमा ! उंवरदत्ते दारए बावत्तरिं वासाइं परमाउयं
 पालइत्ता कालपासे कालं किच्चा इमीसे रयणप्पभाए पुढवीए गोरइयत्ताए
 उववन्ने संसारो तहेव जाव पुढवी, ततो हत्थिणाउरे णगरे कुक्कुडत्ताए
 पच्चायायाहिति जायमेत्ते चेव गोट्टिवहिण तहेव हत्थिणाउरे णगरे सेट्टिकु-
 लंसि उववज्जिहिति बोहिं सोहम्मे कप्पे महाविदेहे वासे सिज्झिहिति,
 निक्खेवो १६ ॥ सू० २७ ॥ सत्तमं अज्झयणां समत्तं ॥

॥ इति सप्तममध्ययनम् ॥ श्रु० १-अ० ७ ॥

॥ अथ शौरिकदत्ताख्यं अष्टममध्ययनम् ॥

जइ णं भंते ! अट्टमस्स उक्खेवो, एवं खलु जंबू ! तेणां कालेणां
 तेणां समएणां सोरियपुरं णगरं, सोरियवडेंसगं उज्जाणां, सोरियो जक्खो,
 सोरियदत्तो राया, तस्स णं सोरियपुरस्स णगरस्स बहिया उत्तरपुरच्छिमे
 दिसीभागे एत्थ णं एगे मच्छंधवाडए होत्था, तत्थ णं समुद्दत्ते नामं
 मच्छंधे परिवसति अहम्मिण जाव दुप्पडियाणंदे, तस्स णं समुद्दत्तस्स

समुद्दत्ता नामं भारिया होत्था अहीण जाव पंचेदियसरीरे, तस्स णं
समुद्दत्तस्स मच्छंधस्स पुत्ते समुद्दत्ताए भारियाए अत्तए सोरियदत्ते नामं
दारए होत्था, अहीण जाव पंचेदियसरीरे १ । तेणं कालेणं तेणं समएणं
सामी समोसठे जाव परिसा पडिगया २ । तेणं कालेणं तेणं समएणं जेट्टे
सीसे जाव सोरियपुरे णगरे उच्चनीयमज्झिमकुलाइं अहापज्जत्तं समुदाणं
गहाय सोरियपुराओ नगराओ पडिनिक्खमति ३ । तस्स मच्छंधपाडगस्स
अदूरसामंतेणं वीईवयमाणो महतिमहालियाए मणुस्सपरिसाए मज्झगयं
पासति एणं पुरिसं सुक्कं भुक्खं निम्मंसं अट्टिचम्मावणाद्धं किडिकिडी-
(किडिया)भूयं णील-साडग-णियच्छं मच्छकंटएणं गलए अणुलग्गेणं कट्टाईं
कलुणाइं विसराइं कूवेमाणं अभिक्खरां अभिक्खरां प्रयक्खले य रुहिरक्खले य
किमिक्खले य वम्ममाणं पासति, इमे अज्झत्थिए ५-पुरा पोराणाणां जाव
विहरति ५ । एवं संपेहेति जेणेव समणे भगवं जाव पुव्वभवपुच्छा जाव
वागरां, एवं खलु गोयमा ! तेणं कालेरां तेरां समएरां इहेव जंबुद्दीवे दीवे
भारहे वासे नंदिपुरे नामं णगरे होत्था, मित्ते राया, तस्स णं मित्तस्स रत्तो
सिरीए नामं महाणसिए होत्था अहम्मिए जाव दुप्पडियारादे, तस्स णं
सिरीयस्स महाणसियस्स बहवे मच्छिया य वागुरिया य साउणिया य
दिन्नभति-भत्तवेयणा, कल्लाकल्लं बहवे सरहमच्छा य जाव पडागातिपडागे
य अए य जाव महिसे य तित्तिरे य जाव मयूरे य जीवियाओ ववरोवेति २
सिरीयस्स महाणसियस्स उवणोति, अन्ने य से बहवे तित्तिरा य जाव मयूरा य
पंजरंसि संनिरुद्धा चिट्ठंति, अन्ने य बहवे पुरिसे दिन्नभति-भत्तवेयणा, ते बहवे
तित्तरे य जाव मयूरे य जीवंतए चैव निष्पक्खेति सिरीयस्स महाणसियस्स
उवणोति ५ । तते णं से सिरीए महाणसिए बहूरां जलयर-थलयर-खहयराणां
मंसाइं कप्पणीयकप्पियाइं करेति, तंजहा—सरहखंडियाणि य वट्टखंडियाणि
दीहखंडियाणि रहस्सखंडियाणि हिमपक्काणि य जम्मपक्काणि य वेगपक्काणि य

(धम्मपक्काणि य) मारुयपक्काणि य कालाणि य हेरंगाणि य महिट्टाणि य
 आमलरसयाणि य मुद्दियारसयाणि य कविट्टरसयाणि दालिमरसयाणि य मच्छर-
 सियाणि य तलियाणि य भज्जियाणि य सोल्लियाणि य उवक्खडावेति अन्ने
 य बहवे मच्छरसए य एणोज्जरसए य तित्तिररसए य जाव मयूररसए य
 अन्नं विउलं हरियसागं उवक्खडावेति २ ता मित्तस्स रन्नो भोयणांमंडवंसि
 भोयणावेलाए उवणेति अप्पणावि य णं से सिरिए महाणासिते तेसिं च
 बहूहिं जाव जलयर-थलयर-खहयर-मंसेहिं रसतेहि य हरियसागेहि य
 सोल्लेहि य तलेहि य भज्जेहि य सुरं च ६ आसाएमाणो ४ विहरति ६ ।
 तते णं से सिरिए महाणासिते एयकम्मे एयप्पहाणो एयविज्जे एयसमुदायारे
 सुवहुं पावकम्मं समज्जिणित्ता तेत्तीसं वाससयाइं परमाउयं पालइत्ता कालमासे
 कालं किच्चा छट्ठीए पुढवीए उववन्ने ७ । तते णं सा समुद्दत्ता भारिया
 निंद्या यावि होत्था जाया २ दारगा विणिहायमावज्जंति जहा गंगदत्ताए
 चिंता आपुच्छणा उवातियं दोहलो जाव दारगं पयाता, जाव जम्हा णं
 अम्हं इमे दारए सोरियस्स जक्खस्स उवाइयलच्छे तम्हा णं होउ अम्हं दारए
 सोरियदत्ते नामेणं, तए णं से सोरियदत्ते दारए पंचधाइ जाव उम्मुक्कबाल-
 भावे विगणयपरिणयमित्ते जोव्वणागमणुपत्ते होत्था ८ । तते णं से समु-
 द्दत्ते अन्नया कयाइं कालधम्मणा संजुत्ते, तते णं से सोरियदत्ते दारये बहूहिं
 मित्तणाइ जाव रोयमाणो समुद्दत्तस्स णीहरणं करेति लोइयमयाइं किच्चाइं
 करेति, अन्नया कयाइं सयमेव मच्छंधमहत्तरगतं उवसंपज्जित्ताणं विहरति ९ ।
 तए णं से सोरियए दारए मच्छंधे जाते अहम्मिए जाव दुप्पडियाणंदे, तते णं
 तस्स सोरियमच्छंधस्स बहवे पुरिसा दिन्नभति-भत्तवेयाणा कल्लाकल्लि एगट्टियाहि
 जउणामहानदीं ओगाहिति २ बहूहिं दहगलणेहि य दहमलणेहि य दहम-
 हणेहि य दहमहणेहिं दहवहणेहि दहपवहणेहि य अयंपुलेहि य पयंपुलेहि
 य मच्छंधलेहि य मच्छंधुच्छेहि य जंभाहि य तिसिराहि य भिसिराहि य

धिसराहि य विसराहि य हिल्लीरीहि य भिल्लीरीहि य जालेहि य गलेहि
 य कूडपासेहि य वकबंधेहि य सुत्तबंधणेहि य बालबंधणेहि य बहवे सराह-
 मच्छे य जाव पडागातिपडागे य गिराहंति २ एगट्टियाथो नावा भरेति २
 कूलं गाहेति २ मच्छखलए करेति आयवंसि दलयंति १० । अण्णाविय गां
 से सोरिये मच्छंधए कल्लकल्लि एगट्टियए जएणां महाणादिं ओगाहेति २
 सरिसवच्छिहपमाणमेत्तेणां जालेणां बहवे सराहमच्छे य जाव गेराहति एगट्टियं
 भरेति कूलं गाहेति २ मच्छखलए करेति आयवंसि दलयति ११ । अन्ने य
 से बहवे पुरिसा दिन्नमइभत्तवेयणा आयव-त्तएहिं मच्छेहिं सोलेहि य तलेहि
 य भज्जेहि य रायमग्गंसि वित्ति कप्पेमाणा विहरंति, अण्णाविय गां से
 सोरियदत्ते बहूहिं सराहमच्छेहि य जाव पडागातिपडागे य गेराहति जाव
 सोल्लेहि य भज्जेहि य सुरं च ६ आसाएमाणो ४ विहरति १२ । तते गां
 तस्स सोरियदत्तस्स मच्छंधस्स अन्नया कयाइं ते मच्छसोल्ले तले भज्जे
 आहारेमाणस्स मच्छकंठए गले लग्गे आवि होत्था, तए गां से सोरिय-
 मच्छंधे महयाए वेयणाए अभिभूते समाणे कोडुंबियपुरिसे सदावेति २ एवं
 वयासी-गच्छह गां तुम्हे देवाणुप्पिया ! सोरियपुरे नगरे सिंघाडग जाव
 पहेसु य महया २ सद्देणां उग्घोसेमाणा २ एवं वयह-एवं खलु देवाणु-
 प्पिया ! सोरियस्स मच्छकंठए गले लग्गे तं जो गां इच्छति विज्जो वा ६
 सोरियमच्छियस्स मच्छकंठयं गलाथो नीहरित्तते तस्स गां सोरियमच्छंधे
 विउलं अत्थसंपयाणां दलयति १३ । तते गां ते कोडुंबियपुरिसा जाव
 उग्घोसंति, तए गां से बहवे विज्जा य ६ इमेयारूवं उग्घोसणां
 उग्घोसिज्जमाणं निसामेति २ जेणेव सोरियमच्छंधस्स गेहे जेणेव सोरिय-
 मच्छंधे तेणेव उवागच्छंति २ बहूहिं उप्पत्तियाहिं ४ बुद्धीहि य परिणामेमाणा
 वमणेहि य छडुणेहि य उवीलणेहि य कवलग्गाहेहि य सल्लुद्धरणेहि य
 विसल्लकरणेहि य इच्छंति सोरियमच्छंधस्स मच्छकंठयं गलाथो नीहरित्तए,

नो चेव णं संचाएति नीहरित्तए वा विसोहित्तए वा, तते णं बहवे विज्जा य
 ६ जाहे नो संचाएति सोरियस्स मच्छकंटगं गलात्थो नीहरित्तए वा
 विसोहित्तए वा ताहे संता जाव जामेव दिसि पाउब्भूया तामेव दिसं
 पडिगया १४ । तते णं से सोरियदत्ते मच्छंधे विज्ज-पडियारनिविराणे तेणं
 दुक्खेणं महया अभिभूते सुक्के जाव विहरति १५ । एवं खलु गोयमा !
 सोरियदत्ते पुरापोराणाणं जाव विहरति १६ । सोरिए णं भंते ! मच्छंधे
 इत्थो य कालमासे कालं किञ्चा कहिं गच्छिहिति ? कहिं उववज्जिहिति ?,
 गोयमा ! सत्तरि वासाइं परमाउयं पालइत्ता कालमासे कालं किञ्चा इमीसे
 रथणप्पभाए पुढवीए संसारो तहेव पुढवीत्थो हत्थिणाउरे णगरे मच्छत्ताए
 उववज्जिहिति, से णं ततो मच्छिण्हिं जीवियात्थो ववरोविए तत्थेव
 सेट्टिकुलंसि बोहिं सोहभमे कप्पे महाविदेहे वासे सिञ्भिहिति १७ । निवखेवो
 ॥ सू० २८ ॥ अट्टमं अज्भयणं सोरियदत्तस्स सम्मत्तं ॥

॥ इति अष्टममध्ययनम् ॥ श्रु० १-अ० ८ ॥

॥ अथ बृहस्पतिदत्ताख्यं नवममध्ययनम् ॥

जइ णं भंते ! उक्खेवो णवमस्स, एवं खलु जंबू ! तेणं कालेणं तेणं
 समएणं रोहीडए नामं नगरे होत्था रिद्धत्थिमियसमिद्धे, पुढवीवडेंसए
 उज्जाणे धरणो जक्खो वेसमणदत्तो राया सिरी देवी पूसनंदी कुमारे
 जुवराया, तत्थ णं रोहीडए नगरे दत्ते णामं गाहावती परिवसति अट्टे
 जाव अपरिभूए, कण्हसिरी भारिया, तस्स णं दत्तस्स धूया कन्नसिरीए
 अत्तया देवदत्ता नामं दारिया होत्था अहीण जाव पंचिदियसरीरा, जाव
 उक्किट्टा उक्किट्टसरीरा १ । तेणं कालेणं तेणं समएणं साभी समोसडे जाव
 परिसा निग्गया २ । तेणं कालेणं तेणं समएणं जेट्टे अंतेवासी छट्टक्खमण
 तहेव जाव रायमग्गं ओगाडे हत्थी आसे पुरिसे पासति, तेसिं पुरिसाणं

मज्जगयं पासति एगं इत्थियं अण्डगबंधणं उक्खित्तकन्ननासं जाव सूले भिज्जमाणं पासति ३ । इमे अब्भत्थिए तहेव निग्गए जाव एवं वयासी-एसा णं भंते ! इत्थिया पुव्वभवे का आसी ?, एवं खलु गोयमा ! तेषां कालेणं तेषां समएणं इहेव जंबुदीवे दीवे भारहे वासे सुपइट्ठे नामं नगरे होत्था रिद्धत्थिमियसमिद्धे, महसेणे राया, तस्स णं महासेणस्स रत्तो धारणी-पामोक्खाणं देवीसहस्सं ओरोहे यावि होत्था, तस्स णं महासेणस्स रत्तो पुत्ते धारणीए देवीए अत्तए सीहसेणे नामं कुमारे होत्था अहीण जाव जुवराया ४ । तते णं तस्स सीहसेणस्स कुमारस्स अम्मापियरो अन्नया कयाइं पंच पासाय-वडिसय-सयातिं करेति, अब्भुग्गतमूसिय-पहसिए तए णं तस्स सीहसेणस्स कुमारस्स अन्नया कयावि सामापामोक्खाणां पंचराहं रायवर-कन्नगसयाणं एगदिवसेणं पाणिं गिराहावेसु पंचसयओ दाओ, तते णं से सीहसेणे कुमारे सामापामोक्खाहिं पंचहिं देवीसतेहिं (सयाहिं देवीहिं) सद्धि उप्पि जाव विहरति ५ । तते णं से महसेणे राया अन्नया कयाइ काल-धम्मणा संजुत्ते, नीहरणं राया जाए महता जाव महिदसारे, तए णं से सीहसेणे राया सामाए देवीए मुच्छिते ४ अवसेसाओ देवीओ नो आदाति नो परिजाणाति अणादाइज्जमाणे अपरिजाणमाणे विहरति ६ । तते णं तासिं एगूणागारां पंचराहं देवीसयाणां एगूणाइं पंच माई[धाई]सयाइं इमीसे कहाए लद्धट्ठाइं समाणाइं (सवणायाए) एवं खलु सामी ! सीहसेणे राया सामाए देवीए मुच्छिए ४ अहं धूयाओ नो आदाति नो परिजाणाति अणादायमाणे अपरिजाणमाणे विहरति, तं सेयं खलु अहं सामं देवीं अग्गिपओगेण वा विसप्पओगेण वा सत्थप्पओगेण वा जीवियातो ववरो-वित्तए, एवं संपेहेन्ति सामाए देवीए अंतराणि य च्छिदाणि य विवराणि य पडिजागरमाणीओ २ विहरंति ७ । तते णं सा सामा देवी इमीसे कहाए लद्धट्ठा समाणी एवं वयासी-एवं खलु सामी ! मम पंचराहं सवत्तीसयाणं

पंच माईसयाइं इमीसे कहाए लच्छट्टाइं समाणाइं (सवणायाए) अन्नमन्नं एवं वयासी—एवं खलु सीहसेणे जाव पडिजागरमाणीओ विहरंति, तं न नज्जति गां मम केणावि कुमरगेणां मारिस्संतित्तिक्कट्टु भीया जेणेव कोवघरे तेणेव उवागच्छति २ ता ओहयमणा-संकप्पा जाव भियाति = । तते गां से सीहसेणे राया इमीसे कहाए लच्छट्टे समाणे जेणेव कोवघरे जेणेव सामा देवी तेणेव उवागच्छति २ ता सामं देविं ओहयमणा-संकप्पा जाव पासति २ ता एवं वयासी—किन्नं देवाणुप्पिया ! ओहयमणा-संकप्पा जाव भियासि?, तते गां सा सामा देवी सीहसेणेण राणा एवं वुत्ता समाणा उप्फेणाओफेणियं सीहसेणां रायं एवं वयासी—एवं खलु सामी ! मम एगूणापंचसवत्ती-सयाणां एगूणापंच[धाइ]माईसयाणां इमीसे कहाए लच्छाए समाणाए अन्नमन्ने सहावेति २ एवं वयासी—एवं खलु सीहसेणे राया सामाए देवीए उवरि मुच्छिए अम्हा गां धूआ गो आदाति जाव अंतराणि अ द्विदाणि य विवराणि य पडिजागरमाणीओ विहरंति तं न नज्जति जाव भीया जाव भियामि ६ । तते गां से सीहसेणे राया सामं देविं एवं वयासी—मा गां तुमं देवाणुप्पिया ! ओहयमणा-संकप्पा जाव भियाइसि, अहन्नं तह घत्तिहामि जहा गां तव णत्थि कत्तोवि सरीरस्स आवाहे वा पवाहे वा भविस्सतित्ति-क्कट्टु ताहिं इट्टाहिं ६ समासासेति, ततो पडिनिवखमति २ ता कोडुं विय-पुरिसे सहावेइ २ ता एवं वयासी—गच्छह गां तुम्भे देवाणुप्पिया ! सुपइट्टरस गागरस्स बहिया एगं महं कूडागारसालं करेह अणोगक्खंभसयसन्निविट्टं पासाइयं दरिसणिज्जं अभिरूवं पडिरूवं, करिता २ मम एयमाणात्तियं पच्चप्पिणाह १० । तते गां ते कोडुं वियपुरिसा करयल जाव पडिसुणोति २ सुपइट्टियनगरस्स बहिया पच्चत्थिमे दिसीविभाए एगं महं कूडागारसालं जाव करेति अणोगक्खंभसयसन्निविट्टं पासाइयं दरिसणिज्जं अभिरूवं पडिरूवं, करित्ता जेणेव सीहसेणे राया तेणेव उवागच्छति २ ता तमाणात्तियं

पञ्चपिणांति ११ । तते णं से सीहसेणे राया अन्नया कयाति एगूणगाणां
 पंचराहं देवीसयाणां एगूणाइं पंचमाइसयाइं आमंतेति, तते णं तासिं एगूण-
 पंचदेवीसयाणां एगूण (एगूणाइं) पंचमाइसयाइं सीहसेणेणं रन्ना आमंतियाइं
 समाणातिं सब्वालंकारविभूसियाइं जहाविभवेणां जेगेव सुपइट्टे णगरे जेगेव
 सीहसेणे राया तेगेव उवागच्छंति १२ । तते णं से सीहसेणे राया एगूण-
 पंचदेवीसयाणां एगूणगाणां पंचमाइसयाणां कूडागारसालं आवासे दलयति,
 तते णं से सीहसेणे राया कोडुं वियपुरिसे सदावेति २ ता एवं वयासी-
 गच्छह णं तुम्हे देवाणुप्पिया ! विउलं असणां ४ उवणेह सुवहुं पुप्फवत्थ-
 गंधमल्लालंकारं च कूडागारसालं साहरह य, तते णं ते कोडुं वियपुरिसा
 तहेव जाव साहरेंति १३ । तते णं तासिं एगूणगाणां पंचराहं देवीसयाणां
 एगूणपंचमाइसयाइं सब्वालंकारविभूसियाइं करेंति २ तं विउलं असणां ४
 सुरं च ६ आसाएमाणाइं ४ गंधवेहि य नाडएहि य उवगीयमाणाइं २
 विहरंति, तए णं से सीहसेणे राया अद्धरत्तकालसमयंसि बहूहिं पुरिसेहिं
 सद्धिं संपरिवुडे जेगेव कूडागारसाला तेगेव उवागच्छंति २ ता कूडागार-
 सालाए दुवाराइं पिहेति २ कूडागारसालाए सब्बओ समंता अगणिकायं
 दलयति, तते णं तासिं एगूणगाणां पंचराहं देवीसयाणां एगूणगाइं पंच[धाइं]
 माइसयाइं सीहसेणरणा आलीवियाइं समाणाइं रोयमाणाइं ३ अत्ताणाइं
 असरणाइं कालधम्मणा सुंजुताइं १४ । तते णं से सीहसेणे राया एयकम्मे
 ४ सुवहुं पावकम्मं समज्जिणित्ता चोत्तीसं वाससयाइं परमाउयं पालइत्ता
 कालमासे कालं किच्चा छट्ठीए पुट्ठीए उक्कोसेणां बावीससागरोवमाइं ठितिएसु
 उववन्ने १५ । से णं तथो अणंतरं उवट्टित्ता इहेव रोहीडए नगरे दत्तस्स
 सत्थवाहस्स कन्नसिरिए भारियाए कुच्चिसि दारियाए उववन्ने, तते णं
 सा कन्नसिरी नवरहं मासारां जाव दारियं पयाया सुकुमाल जाव सुरूवं,
 तते णं तीसे दारियाए अम्मापियरो निव्वित्तचारसाहियाए विउलं असणां

४ जाव मित्तणाति जाव णामधेज्जं करेति तं होऊ णं दारिया देवदत्ता णामेगां, तए णं सा देवदत्ता पंचवातीपरिगहिया जाव परिवड्ढति, तते णं सा देवदत्ता दारिया उम्मुक्कवालभावा जोव्वणेण रूवेण लावराणेण य जाव अतीव उक्किट्ठा उक्किट्ठसरीरा जाया यावि होत्था, तते णं सा देवदत्ता दारिया अन्नया कयाइ गहाया जाव विभूसिया बहूहिं खुज्जाहिं जाव परिविखत्ता उप्पि आगासतलगंसि कण्णगतिंदूसेगां कीलमाणी विहरइ १६ ।

इमं च णं वेसमणदत्ते राया गहाए जाव विभूसिए आसं दुरूहिंत्ता बहूहिं पुरिसेहिं सद्धिं संपरिवुडे आसवाहिणीयाए णिज्जायमाणे दत्तस्स गाहावइस्स गिहस्स अदूरसामंतेणं विइवयति, तते णं से वेसमणे राया जाव विइवयमाणे देवदत्तं दारियं उप्पि आगासतलगंसि कण्णगतिंदूसेण य कीलमाणीं पासति, देवदत्ताए दारियाए रूवेण य जुव्वणेण य लावराणेण य जाव विम्हिए कोडुं बियपुरिसे सहावेति सहावेत्ता एवं वयासी-कस्स णं देवाणुप्पिया ! एसा दारिया किं वा नामधेज्जेणं ? तते णं ते कोडुं बियपुरिसा वेसमणारायं करयल जाव एवं वयासी-एस णं सामी ! दत्तस्स सत्थवाहस्स धूआ कन्नसिरीए भारियाए अत्तया देवदत्ता नामं दारिया रूवेण य जुव्वणेण य लावराणेण य उक्किट्ठा उक्किट्ठसरीरा, तते णं से वेसमणे राया आसवाह- णियाओ पडििनियत्ते समाणे अम्भितरट्ठाणिज्जे पुरिसे सहावेइ अम्भितर- ट्ठाणिज्जे पुरिसे सहावेत्ता एवं वयासी-गच्छह णं तुब्भे देवाणुप्पिया ! दत्तस्स धूयं कन्नसिरीए भारियाए अत्तयं देवदत्तं दारियं पूसणंदस्स जुवरन्नो भारियत्ताए वरेह, जतिवि य सा सयंरज्जसुक्का १७ । तते णं ते अम्भितर- ट्ठाणिज्जा पुरिसा वेसमणेणं रन्ना एवं बुत्ता समाणा हट्टुट्ठा करयल जाव पडिसुणोति २ गहाया जाव सुद्धप्पावेसाइं जाव संपरिवुडा जेणेव दत्तस्स गिहे तेणेव उवागच्छित्था, तते णं से दत्ते सत्थवाहे ते पुरिसे एज्जमाणे पासति ते पुरिसे एज्जमाणे पासित्ता हट्टुट्ठे आसणाओ अब्भुट्ठेइ आस-

णात्रो अब्भुट्टिता सत्तट्टपयाइं अब्भु(पच्चु)ग्गते आसणोणं उवनिमंतेति २
 ते पुरिसे आसत्थे वीसत्थे सुहासणवरगण एवं वयासी-संदिसंतु णं देवाणु-
 ष्पिया ! किं आगमणुप्पओयणं ? तते णं ते रायपुरिसा दत्तं सत्थदाहं एवं
 वयासी-अम्हे णं देवाणुष्पिया ! तव धूयं कणहसिरीए अत्तयं देवदत्तं
 दारियं पूसनंदिस्स जुवरराणो भारियत्ताते वरेमो, तं जइ णं जाणासि
 देवाणुष्पिया ! जुत्तं वा पत्तं वा सत्ताहणिज्जं वा सरिसो वा संजोगो ता
 दिज्जउ णं देवदत्ता दारिया पूसणंदिस्स जुवरराणो, भण देवाणुष्पिया ! किं
 दलयामो सुक्कं ? १८ । तते णं से दत्ते अब्भितरट्टाणिज्जे पुरिसे एवं
 वयासी-एवं चेव णं देवाणुष्पिया ! मम सुक्कं जन्नं वेसमणो राया मम
 दारियानिमित्तेरां अणुगिरहति, ते ठाणोज्जपुरिसे विपुलेरां पुप्फवत्थगंधम-
 ल्हालंकारेरां सकारेति सम्माणेति २ पडिविसज्जेति १९ । तते णं ते
 ठाणोज्जपुरिसा जेणेव वेसमणो राया तेणेव उवागच्छति २ ता वेसमणस्स
 रत्तो एयमट्टं निवेदंति, तते णं से दत्ते गाहावती अन्नया कयावि सोभरांसि
 तिहि करण-दिवस-नक्खत्तमुट्टत्तंसि विपुलं असरां ४ उवक्खडावेइ २ ता
 मित्तनाति-णियग-सयण-संबंधि-परिजरां आमंतेति, राहाते जाव पायच्छित्ते
 सुहासणवरगते तेरां मित्तनाइनियग-सयण-संबंधिजणेण सद्धिं संपरिवुडे तं
 विउलं असरां ४ आसाएमाणा ४ विहरति जिमयिभुत्ततरागया आयंते ३
 तं मित्तनाइनियगसयण-संबंधि-परिजरां विउलगंधपुप्फजाव अलंकारेरां सका-
 रेति सम्माणेति २ देवदत्तं दारियं गहायं जाव विभूसियसरीरं पुरिससहस्स-
 वाहिणीयं सीयं दुरूहति २ सुवट्टमित्त जाव सद्धिं संपरिवुडा सव्वइट्ठीए
 जाव नाइयरवेरां रोहीडं नगरं मज्झमज्जेरां जेणेव वेसमणरराणो गिहे
 जेणेव वेसमणो राया तेणेव उवागच्छंति २ ता करयल जाव वद्धावेति २
 ता वेसमणस्स रत्तो देवदत्तं दारियं उवणंति २० । तते णं से वेसमणो राया
 देवदत्तं दारियं उवणीयं पासति उवणीयं पासित्ता हट्टुट्टु जाव हियया

विउलं असरां ४ उवक्खडावेति २ मित्तनाति-नियग-सयणा-संबंधि-परिजरां
 आमंतेति जाव सकारेति २ पूसरांदिकुमारं देवदत्तं च दारियं पट्टयं दुरुहेति
 २ ता सेयापीतेहिं कलसेहिं मजावेति २ ता वरनेवत्याई करेति २ ता
 अग्गिहोमं करेति पूसरांदीकुमारं देवदत्ताए दारियाते पाणिं गिगहावेति
 २१ । तते णं से वेसमणे राया पूसनंदिकुमारस्स देवदत्तं दारियं सब्वइड्डीए
 जाव रवेरां महया इड्डीसकारसमुदएणां पाणिग्गहरां कारेति देवदत्ताए
 दारियाए अम्मापियरो मित्त जाव परियणं च विउलेण असणा ४ वत्थगंध-
 मल्लालंकारेण य सकारेति सम्माणेति जाव पडिविसज्जेति २२ । तए णं से
 पूसनंदीकुमारे देवदत्ताए दारियाए सद्धिं उप्पिं पासायवरगए फुट्टेहिं मुइंग-
 मत्थेहिं वत्तीसइवद्धेहिं नाडएहिं उवगिज्जमाणे उवलालिज्जमाणे माणुस्सए
 कामभोगे पच्चणुब्भवमाणे विहरति २३ । तते णं से वेसमणे राया अन्नया
 कयाइं कालधम्माण्णा संजुत्ते नीहरणं जाव राया जाते, तए णं से पूसनंदी
 राया सिरीए देवीए मायाभते यावि होत्था, कल्लकल्लिं जेणेव सिरी देवी
 तेणेव उवागच्छति २ ता सिरीए देवीए पायवडणां करेति सयपागसहस्स-
 पागेहिं तेल्लेहिं अब्भिगावेति अट्टिसुहाए मंससुहाए तयासुहाए चम्मसुहाए
 रोमसुहाए चोव्विहाए संवाहणाए संवाहावेति सुरभिणा गंधेवट्टएणां उवट्टा-
 वेति २ तिहिं उदएहिं मजावेति तंजहा—उसिणोदएणां सीओदएणां गंधोदएणां,
 विउलं असरां ४ भोयावेति सिरीए देवीए राहाताए जाव पायच्छित्ताए
 जाव जिमियभुत्तुत्तरागयाए तते णं पच्छा राहाति वा भुंजति वा, उरालाई
 माणुस्सगाइं भोगभोगाइं भुंजमाणे विहरति २४ । तते णं तीसे देवदत्ताए
 देवीए अन्नया कयाइ पुव्वरत्तावरत्तकालसमयंसि कुड्डं बजागरियं जागरमाणीइ
 इमेयारूवे अम्मत्थिए ५ समुप्पन्ने—एवं खलु पूसनंदी राया सिरीए देवीए
 माइभत्ते जाव विहरति तं एएणां वक्खेवेणां नो संचाएमि अहं पूसनंदीणा
 राणा सद्धिं उरालाईं भोगभोगाइं भुंजमाणीए विहरित्तए, तं सेयं खलु मम

सिरिदेवीं अग्निपत्रोगेण वा सत्थपत्रोगेण वा विसप्पत्रोगेण वा मंतप्पत्रोगेण वा जीवियात्रो ववरोवेत्तए २ पूसनंदिरन्ना सद्धि उरालाई भोगभोगाई भुंजमाणीए विहरित्तए, एवं संपेहेइ २ ता सिरिए देवीए अंतराणि य ३ पड्डिजागरमाणी विहरति २५ । तते णं सा सिरिदेवी अन्नया कयावि मज्जाइया विरहियसयण्णिज्जंसि सुहपसुत्ता जाया यावि होत्था, इमं च णं देवदत्ता देवी जेणोव सिरिदेवी तेणोव उवागच्छति २ ता सिरिदेवीं मज्जाइयं विरहितसयण्णिज्जंसि सुहपसुत्तं पासति २ दिसालोयं करेति २ जेणोव भत्तघरे तेणोव उवागच्छति २ लोहदंडं परामुसति २ लोहदंडं तावेति तत्तं समजोइ-भूयं फुळ्ळकिंसुयसमारां संडासएणां गहाय जेणोव सिरिदेवी तेणोव उवागच्छति २ ता सिरिए देवीए अवाणांसि पक्खिवेति, तते णं सा सिरिदेवी महया २ सहएणां आरसित्ता कालधम्मणा संजुत्ता २६ । तते णं तीसे सिरिए देवीए दासचेडीओ आरसियसहे सोच्चा निसम्म जेणोव सिरिदेवी तेणोव उवागच्छति २ देवदत्तं देवीं ततो अक्कममाणिं पासंति २ जेणोव सिरिदेवी तेणोव उवागच्छंति सिरिदेवीं निप्पारां निच्चेट्टं जीवियविप्पजहं पासंति २ हा हा अहो अक्कज्जमितिकट्टु रोयमाणीओ कंदमाणीओ विलवमाणीओ जेणोव पूसनंदी राया तेणोव उवागच्छंति २ ता पूसनंदीं रायं एवं वयासी-एवं खलु सामी ! सिरिदेवी देवदत्ताए देवीए अकाले चैव जीवियात्रो ववरोविद्या २७ । तते णं से पूसनंदी राया तासिं दासचेडीणां अंतिए एयमट्टं सोच्चा निसम्म महया मातिसोएणां अफ्फुराणे समाणे परसुनियत्तेविव चंपगवरपायवे थसत्ति धरणीतलंसि सव्वंगेहिं सन्निवडिए २८ । तते णं से पूसनंदी राया मुहुत्तंतरेण आसत्थे वीसत्थे समाणे बहूहिं राईसर जाव सत्थवाहेहिं मित जाव परियोणं य सद्धि रोयमाणे ३ सिरिए देवीए महया इड्डीए इड्डीसकार-समुदएणां नीहरणां करेति २ ता आसुरुत्ते ४ देवदत्तं देविं पुरिसेहिं गिराहावेति २ तेणां विहाणोणां वज्जं आणवेति, तं एवं खलु

गोयमा ! देवदत्ता देवी पुरापुराणारां जाव विहरति २१ । देवदत्ता णं भंते !
 देवी इत्थो कासमासे कालं किञ्चा कहिं गमिहिति ? कहिं उववज्जिहिति ?,
 गोयमा ! असीइं वासाइं परमाउयं पालइत्ता कालमासे कालं किञ्चा इमीसे
 रयणप्पभाए पुढवीए गोरइयत्ताए उववज्जिहिइ संसारो वणस्सतिसु ततो
 अरांतरं उव्वट्ठित्ता गंगपुरे नगरे इंसत्ताए पच्चायाहिति, से णं तत्थ
 साउणितेहिं वधिए समाणे तत्थेव गंगपुरे णगरे सेट्ठिकुलंसि बोहिं सोहम्मे
 महाविदेहे वासे सिज्झिहिति, णिव्खेवो ३० ॥ सू० २१ ॥ दुहविवागस्स
 नवमं अज्झयणंतिवेमि ॥

॥ इति नवममध्ययनम् ॥ श्रु० १-अ० ९ ॥

॥ अथ उम्बरदत्ताख्यं दशममध्ययनम् ॥

जति णं भंते ! समणोणं भगवया महावीरेणं दसमस्स उक्खेवो,
 एवं खलु जंबू ! तेणं कालेणं तेणं समणं वद्धमाणपुरे णामे णगरे होत्था,
 विजयवद्धमाणो उज्जाणे माणिभद्दे जक्खे विजयमित्ते राया, तत्थ णं धणदेवे
 नामं सत्थवाहे होत्था अट्ठे जाव अपरिभूए, पियंगूनामभारिया अञ्जू दारिया
 जाव सरीरा, समोसरणां परिसा जाव पडिगया ? । तेणं कालेणं तेणं
 समणं जेट्ठे जाव अडमाणे जाव विजयमित्तस्स रत्तो गिहस्स असोगव-
 णियाए अदूरसामंतेरां वितिवयमाणो पासति एगं इत्थियं सुक्कं भुक्खं
 निम्मंसं किडिकिडीभूयं अट्ठिचम्मावणद्धं नीलसाडगनियत्थं कट्टाइं कलुणाइं
 विसराइं कूवमारां पासति २ चिंता तहेव जाव एवं वयासी-सा णं भंते !
 इत्थिया पुव्वभवे का आसि ?, वागरणां २ । एवं खलु गोयमा ! तेरां
 कालेरां तेरां समणं इहेव जंबुद्वीवे दीवे भारहे वासे इंदपुरे णामं णगरे
 होत्था, तत्थ णं इंददत्ते राया पुढवीसिरी नामं गणिया होत्था वराणओ,
 तते णं सा पुढवीसिरी गणिया इंदपुरे णगरे बहवे राईसर जावप्पभियओ

बहुहिं चुन्नप्पयोगेहि य जाव आभिओगेत्ता उरालाईं माणुस्सगाईं भोग-
भोगाईं भुंजमाणा विहरति ३ । तते णं सा पुढ्वीसिरी गणिया एयम्मा ४
सुवहुं पावकम्भं समज्जिणित्ता पण्णतीसं वाससयाईं परमाउयं पालइत्ता कालमासे
कालं किच्चा छट्ठीए पुढ्वीए उक्कोसेरां गोरइयत्ताए उववन्ना ४ । सा णं
तथो अरांतरं उव्वट्ठित्ता इहेव वद्धमाणपुरे णगरे धणदेवस्स सत्थवाहस्स
पियंगुभारियाते कुच्चिसि दारियत्ताए उववन्ना ५ । तते रां सा पियंगुभारिया
णवराहं मासारां दारियं पयाया, नामं अंजूसिरी, सेसं जहा देवदत्ताए ६ ।
तते णं से विजए राया आसवाह जहा वेसमणदत्ते तथा अंजू पासइ
णवरं अण्णो अट्ठाए वरेति जहा तेतली जाव अंजूए दारियाते सच्चि
उप्पि जाव विहरति, तते णं तीसे अंजूते देवीते अन्नया कयावि जोणिसूले
पाउब्भूते यावि होत्था, तते णं से विजये राया कोडुं बियपुरिसे सहावेति
२ एवं वयासी-गच्छह णं तुम्भे देवाणुप्पिया ! वद्धमाणो पुरे णगरे
सिधाडग जाव एवं वद्ध-एवं खलु देवाणुप्पिया ! विजयस्स रायस्स अंजूए
देवीए जोणिसूले पाउब्भूते जो णं इत्थ विज्जो वा ६ जाव उग्घोसेति,
तते णं ते बहवे विज्जा वा ६ इमं एयारूवं सोच्चा निसम्म जेणोव विजए
राया तेणोव उवागच्छंति २ ता अंजूते बहुहिं उप्पत्तियाहिं ४ परिणामेमाणा
इच्छंति अंजूते देवीए जोणिसूलं उवसामित्तत्ते, नो संचाएंति उवसामित्तए तते
णं ते बहवे विज्जा य ६ जाहे नो संचाएंति अंजूदेविए जोणिसूलं उवसामि-
त्तत्ते ताहे संता तंता परितंता जामेव दिसि पाउब्भूया तामेव दिसि पडिगया ७ ।
तते णं सा अंजूदेवी ताए वेयणाए अभिभूता समाणा सुक्का भुक्खा निम्मंसा
कट्ठाईं कलुणाईं विसराईं विलवति, एवं खलु गोयमा ! अंजूदेवी पुरापोराणां
जाव विहरति ८ । अंजू रां भंते ! देवी इत्थो कालमासे कालं किच्चा कहिं
गच्छिहिति ? कहिं उववज्जिहिति ? गोयमा ! अंजू रां देवी नउइं वासाईं
परमाउयं पालयित्ता कालमासे कालं किच्चा इमीसे रयण्णप्पभाए पुढ्वीए

नेरइयत्ताए उववज्जिहिइ, एवं संसारो जहा पढमे तहा नेयव्वं जाव वणास्स-
तिसु १ । सा णं ततो अणांतरं उव्वट्टित्ता सव्वतोभइे नगरे मयूरत्ताए
पच्चायाहिति, से णं तत्थ साउणिएहिं वधिए समाणे तत्थेव सव्वतोभइे
नगरे सेट्टिकुलंसि पुत्तत्ताए पच्चायाहिति, से णं तत्थ उम्मुक्कवालभावे तहा-
रुवारां थेराणां अंतिए केवलं बोहिं बुज्जिहिति पव्वज्जा सोहम्मे, से णं
तात्थो देवलोगात्थो आउक्खएणां जाव कहिं गच्छिहिति ? कहिं उवव-
ज्जिहिति ?, गोयमा ! महाविदेहे जहा पढमे जाव सिज्जिहिइ जाव अंतं
काहिति १० । एवं खलु जंबू ! समणोणां जाव संपत्तेणां दुहविवागाणां
दसमस्स अज्जभयणास्स अयमट्टे पन्नत्ते, सेव भंते २ जाव विहरति ॥सू० ३०॥
दुहविवागो दससु अज्जभयणोसु ॥ पढमो सुयक्खंधो सम्मत्तो ॥

॥ इति दशममध्ययनम् ॥ श्रु० १--अ० १० ॥

॥ इति प्रथमः श्रुतस्कन्धः ॥ १ ॥

—:०:—

॥ अथ सुखविपाकाख्यो द्वितीयः श्रुतस्कन्धः ॥

॥ अथ सुवाहुनामकं प्रथममध्ययनम् ॥

तेणां कालेणां तेणां समएणां रायगिहे णगरे गुणसिले चेइए सोहम्मे
समोगढे, जंबू जाव पज्जूवासमाणे एवं वयासी—जति णं भंते ! समणोणां जाव
संपत्तेणां दुहविवागाणां अयमट्टे पणत्ते सुहविवागाणां भंते ! समणोणां
जाव संपत्तेणां के अट्टे पन्नत्ते ?, तते णं से सोहम्मे अणगारे जंबू अणगारं
एवं वयासी—एवं खलु जंबू ! समणोणां जाव संपत्तेणां सुहविवागाणां दस
अज्जभयणा पन्नत्ता, तंजहा—सुवाहु १ भहनंदी २ य, सुजाए य ३ सुवासवे
४ । तहेव जिणदासे ५, धणपती य ६ महब्बले ७ ॥ १ ॥ भहनंदी ८
महच्चंदे ९ वरदत्ते १० । १ । जति णं भंते ! समणोणां जाव संपत्तेणां सुह-

विवागारां दस अज्भयणा पन्नत्ता पढमस्स णं भंते ! अज्भयणास्स सुहविवा-
 गारां जाव संपत्तेरां के अट्टे पराणत्ते ? तते रां से सुहम्मे अणगारे जंबूं
 अणगारं एवं वयासी—एवं खलु जंबू ! तेरां कालेरां तेरां समएरां हत्थिसीसे
 नामं णगरे होत्था रिद्धत्थिमियसमिद्धे, तस्स रां हत्थिसीसस्स नगरस्स
 बहिया उत्तरपुरच्छिमे दिसीभाए एत्थ रां पुप्फकरंडए णामं उज्जारो होत्था
 सब्बोउय-पुप्फफलसमिद्धे रम्मे नंदणावणप्पगासे पासाईए तत्थ रां कयवण-
 मालपियस्स जक्खस्स जवखाययरो होत्था दिव्वे ० २ । तत्थ रां हत्थिसीसे
 णगरे अदीणसत्तू णामं राया होत्था महता जाव महिंदसारे, तस्स रां
 अदीणसत्तुस्स रत्तो धारणीपामोक्खं देवीसहस्सं ओरोहे यावि होत्था ३ ।
 तते रां सा धारणी देवी अन्नया कयाइ तंसि तारिसगंसि वासभवरांसि-
 (घरंसि) सीहं सुमिणो पासति जहा मेहस्स जम्मरां तहा भाणियव्वं जाव
 सुवाहुकुमारे जाव अलं भोगसमत्थं वा जारोति २ अम्मापियरो पंच
 पासायवडिसगसयाइं करावेंति अब्भुग्गय-मूसियपहसिए भवरां ४ । एवं जहा
 महावलस्स रत्तो, णवरं पुप्फचूलापामोक्खारां पंचराहं रायवरकन्नयसयारां
 एगदिवसेरां पाणिं गिराहावेंति, तहेव पंचसत्तिओ दाओ जाव उप्पि पासाय-
 वरगते फुट्ट माणेहिं जाव विहरति ५ । तेरां कालेरां तेरां समएरां समरो
 भगवं महावीरे समोसढे समोसरणं परिसा निग्गया अदीणसत्तू निग्गते, जहा
 कोणियो निग्गतो सुवाहूवि जहा जमाली तहा रहेणं निग्गते जाव धम्मो
 कहिओ रायपरिसा पडिगया ६ । तते रां से सुवाहुकुमारे समएस्स
 भगवओ महावीरस्स अंतिए धम्मं सोच्चा निसम्म हट्टुट्टे उट्टाए उट्टेति
 जाव एवं वयासी—सइहामि णं भंते ! निग्गंथं पावयणं पत्तियामि णं भंते !
 निग्गंथं पावयरां जहा णं देवाणुप्पियाणं अंतिए बहवे राईसर जाव पव्वयंति,
 नो खलु अहं तहा संचाएमि पव्वइत्तए, अहराणं देवाणुप्पियाणां अंतिए
 पंचअणुव्वइयं सत्तसिक्खावइयं गिहिधम्मं पडिवज्जामि, अहासुहं देवाणु-

पिया ! मा पडिबंधं करेह ७ । तते गां से सुबाहू समणस्स भगवओ महावीरस्स अंतिए पंचाणुव्वइयं सत्तसिवखावइयं गिहिधम्मं पडिवज्जति २ तमेव चाउग्घटं आरारहं दुरुहति जामेव दिसं पाउब्भूते तामेव दिसिं पडिगए ८ । तेणां कालेणां तेरां समएणां समणस्स भगवओ महावीरस्स जेट्ठे अंतैवासी इंदभई जाव एवं वयासी—अहो गां भंते ! सुबाहुकुमारे इट्ठे इट्ठरूवे कंते कंतरूवे पिए २ मणुन्ने २ मणामे २ सोमे २ सुभगे २ पियदंसणे सुरूवे, बहुजणस्सवि य गां भंते ! सुबारुकुमारे इट्ठे ५ सोमे ४ साहुजणस्सवि य गां भंते ! सुबाहुकुमारे इट्ठे इट्ठरूवे ५ जाव सुरूवे, सुबाहुणा भंते ! कुमारेणां इमा एयारूवा उराला माणुस्सरिद्धी किन्ना लद्धा ? किराणा पत्ता ? किराणा अभिसमन्नागया ? के वा एस आसि पुव्वभवे ?, एवं खलु गोयमा ! तेरां कालेणां तेरां समएणां इहेव जंबुदीवे दीवे भारहे वासे हत्थिणाउरे णामं णगरे होत्था रिद्धत्थिमियसमिद्धे, तत्थ गां हत्थिणाउरे णगरे सुमुहे नामं गाहावई परिवसइ अट्ठे जाव अपरिभूए ९ । तरां कालेणां तेरां समएणां धम्मघोसा णामं थेरा जातिसंपन्ना जाव पंचहिं समणसएहिं सद्धिं संपरिवुडा पुव्वाणुपुव्वि चरमाणा गामाणुगामं दूइज्जमाणा जेणोव हत्थिणाउरे णगरे जेणोव सहस्संबवणो उज्जाणो तेणोव उवागच्छइ २ ता अहापडिरूवं उग्गहं उग्गिगिहत्ता गां संजमेणां तवसा अप्पारां भावेमाणा विहरन्ति, तेणां कालेणां तेरां समएणां धम्मघोसारां थेराणां अंतैवासी सुदत्ते णामं अणगारे उराले जाव लेस्से मासंमासेणां खममाणो विहरति १० । तए गां से सुदत्ते अणगारे मासक्खमाणपारणंगंसि पढमाए पोरिसीए सज्भायं करेति जहा गोयमसामी तहेव धम्मघोसे सुधमे थेरे आपुच्छति जाव अडमाणो सुमुहस्स गाहावतिस्स गेहे अणुप्पविट्ठे, तए गां से सुमुहे गाहावती सुदत्तं अणगारं एज्जमाणां पासति २ ता हट्ठुट्ठे आसणातो अब्भुट्ठेति २ पायपीढाओ पच्चोरुहति २ पाउयातो ओमुयति २ एगसाडियं

उत्तरासंगं करेति २ सुदत्तं अणुगारं सत्तट्ट-पयाइं अणुगच्छति २ ता
 तिक्वुत्तो आयाहिणपयाहिणां करेइ २ ता वंदति णमंसति २ जेणोव भत्तधरे
 तेणोव उवागच्छति २ ता सयहत्थेणां विउत्तेणां असणपाणेणां ४ पडिला-
 भेस्सामीति तुट्टे ११ । तते णं तस्स सुमुहस्स (सुहम्मस्स) गाहावइस्स तेणां
 दव्वसुद्धेणां गाहगसुद्धेणां दायगसुद्धेणां (पडिगाहगसुद्धेणां) तिविहेणां तिकरण-
 सुद्धेणां सुदत्ते अणुगारे पडिलाभिण समाणे संसारे परित्तीकते मणुस्साउते
 निवद्धे गेहंसि य से इमाइं पंच दिव्वाइं पाउब्भूयाइं, तंजहा-वसुहारा वुट्टा
 दसद्धवन्ने कुसुमे निवातिते चेलुक्खेवे कए आहयाओ देवदुंदुहीओ
 अंतरावि य णं आकासे अहो दानमहो दानं वुट्टे य १२ । हत्थिणा-
 उरे सिंघाडग जाव पहेसु बहुजणो अन्नमन्नस्स एवं आइक्खति
 ४-धराणे णं देवाणुप्पिया ! सुमुहे गाहावई ५ [सुकयपुन्ने कयलक्खरो
 सुलद्धे णं मणुस्सजम्मे सुकयत्थे] जाव तं धन्ने णं देवाणु-
 प्पिया ! सुमुहे गाहावई एवं जाव कयत्थे णं देवाणुप्पिया सुमुहे गाहावई
 १३ । तते णं से सुमुहे गाहावई बहूइं वाससताइं आउयं पालइत्ता कालमासे
 कालं किच्चा इहेव हत्थिसीसे णगरे अदीणसत्तुस्स रत्तो धारणीए देवीए
 कुच्चिसि पुत्तत्ताए उववन्ने, तते णं सा धारणी देवी सयणिज्जंसि सुत्तजा-
 गरा २ ओहीरमाणी २ तहेव सीहं पासति सेसं तं चेव जाव उप्पि पासाए
 विहरति, तं एयं खलु गोयमा ! सुवाहुणा इमा एयारूवा माणुस्सरिद्धी लद्धा
 पत्ता अभिसमन्नागया, पभू णं भंते ! सुवाहुकुमारे देवाणुप्पियाणां अंतिए
 मुंडे भवेत्ता अगाराओ अणुगारियं पव्वइत्तए ?, हंता पभू, तते णं से
 भगवं गोयमे समरां भगवं महावीरं वंदति नमंसति २ संजमेणां त्वसा
 अप्पारां भावेमाणो विहरति १४ । तते णं से समणे भगवं महावीरे
 अन्नया कयाइ हत्थिसीसाओ णगराओ पुप्फगउज्जाणाओ कयवणमाल-
 जक्खाययणाओ पडिणक्खमति २ ता बहिया जणवयविहारं विहरति,

तते गां से सुबाहुकुमारे समणोवासए जाते अभिगयजीवाजीवे जाव पडिला-
भेमाणो विहरति १५ । तते गां से सुबाहुकुमारे अन्नया कयाइं चाउइसट्ट-
मुद्धिट्ट-पुगणमासिणीसु जेणोव पोसहसाला तेणोव उवागच्छति २ ता
पोसहसालं पमज्जति २ ता उच्चारपासवणभूमिं पडिलेहति २ ता दब्भ-
संधारणं संधरति २ दब्भसंधारं दुरूहइ दुरूहिता अट्टमभत्तं पगिरहइ
पगिरहेत्ता पोसहसालाए पोसहिते अट्टमभत्तिए पोसहं पडिजागरमाणो
विहरति १६ । तए गां तस्स सुबाहुस्स कुमारस्स पुब्बरत्तावरत्तकालसमयंसि
धम्मजागरियं जागरमाणस्स इमेयारूवे अब्भत्थिए ५—धराणा गां ते गामागर-
णागर जाव सन्निवेसा जत्थ गां समणो भगवं महावीरे जाव विहरति, धन्ना गां
ते राईसरतलवर जे गां समणस्स भगवत्थो महावीरस्स अंतिए मुंडा जाव
पव्वयंति, धन्ना गां ते राईसरतलवर जे गां समणस्स भगवत्थो महावीरस्स
अंतिए पंचाणुव्वइयं जाव गिहिधम्मं पडिवज्जंति, धन्ना गां ते राईसर जाव जे
गां समणस्स भगवत्थो महावीरस्स अंतिए धम्मं सुरोति, तं जति गां समणो
भगवं महावीरे पुब्बाणुपुब्बि चरमाणो गामाणुगामं दूइज्जमाणो इहमागच्छिज्जा
जाव विहरिज्जा, तते गां अहं समणस्स भगवत्थो अंतिए मुंडे भवित्ता जाव
पव्वएज्जा १७ । तते गां समणो भगवं महावीरे सुबाहुस्स कुमारस्स इमं
एयारूवं अज्भत्थियं जाव वियाणित्ता पुब्बाणुपुब्बि जाव दूइज्जमाणो जेणोव
हत्थिसीसे णगरे जेणोव पुप्फगउज्जाणो जेणोव कयवणमालपियस्स जवखस्स
जक्खाययरो तेणोव उवागच्छइ उवागच्छित्ता अहापडिरूवं उग्गहं गिरिहत्ता
संजमेरां तवसा अप्पाणं भावेमाणो विहरति, परिसा राया निग्गया १८ ।
तते गां तस्स सुबाहुयस्स कुमारस्स तं महया जहा पढमं तहा निग्गत्थो
धम्मो कहित्थो परिसा राया पडिगया १९ । तते गां से सुबाहुकुमारे
समणस्स भगवतो महावीरस्स अंतिए धम्मं सोच्चा निसम्म हट्टुत्तुट्टु जहा
मेहे तहा अम्मापियरो आपुच्छति णिक्खमणाभिसेथो तहेव जाव अणगारे

जाते ईरियासमिए जाव बंभयारी २० । तते णं से सुबाहू अणगारे समणस्स भगवओ महावीरस्स तहारूवाणं थेराणं अंतिए सामाइयमाइयाइं एकारस अंगाइं अहिज्जति २ बहूहिं चउत्थळट्टुम-दसम-दुवालसेहिं मासद्धमास-खमणेहिं विविहेहिं तवोविहाणेहिं अप्पाणं भावित्ता बहूइं वासाइं सामन्न-परियागं पाउणित्ता मासियाए संलेहणाए अप्पाणं भूसित्ता सट्ठिं भत्ताइं अणसणाए छेदित्ता आलोइयपडिक्कंते समाहिपत्ते कालमासे कालं किच्चा सोहम्मे कप्पे देवत्ताए उववन्ने २१ । से णं ततो देवलोगाओ आउक्खएणां भवक्खएणां ठिइक्खएणां अणांतरं चयं चइत्ता माणुस्सं विग्गहं लभिहिइ २ केवलं बोहिं बुज्झिहिति २ तहारूवाणं थेराणं अंतिए मुंडे जाव पव्वइ-स्सति २२ । से णं तत्थं बहूइं वासाइं सामणं पाउणिहिइ २ आलोइय-पडिक्कंते समाहिपत्ते कालगते सणांकुमारे कप्पे देवत्ताए उववन्ने २३ । से णं ताओ देवलोयाओ ततो माणुस्सं पव्वज्जा बंभलोए माणुस्सं ततो महासुक्के ततो माणुस्सं आणते देवे ततो माणुस्सं ततो आरणे देवे ततो माणुस्सं सब्बट्टसिद्धे, से णं ततो अणांतरं उव्वट्ठित्ता महाविदेहे वासे जाव अट्ठाइं जहा दढपइन्ने सिज्झिहिति २४ । एवं खलु जंबू ! समणेणं जाव संपत्तेणं सुहविवागाणं पढमस्स अज्झयणास्स अयमट्टे पन्नत्ते २५ ॥ सू० ३१ ॥ इति पढमं अज्झयणं समत्तं ॥

॥ इति प्रथममध्ययनम् ॥ श्रु० २-अ० १ आदितः-११ ॥

॥ अथ भद्रनन्दी-नामकं द्वितीय-मध्ययनम् ॥

वितियस्स णं उक्खेवो-एवं खलु जंबू ! तेणं कालेणं तेणं समएणं उसभपुरे गागरे थूमकरंडउज्जाणे धन्नो जक्खो धणावहो राया सरस्सई देवी सुमिण्णदंसणं कहणं जम्मणं बालत्तणं कलाओ य, जुव्वणे पाणिग्गहणं दाओ पासादवरणं भोगा य, जहा सुबाहुस्स नवरं भद्रनन्दी कुमारे सिरि-

देवीपामोक्खाणां पंचसया, सामीसमोसरणां सावगधम्मं पुव्वभवपुच्छा, महा-
विदेहे वासे पुंडरीकिणी गगरी विजयते कुमारे जुगवाहू तित्थयरे
पडिलाभिए माणुस्साउए निबद्धे, इहं उप्पन्ने, सेसं जहा सुवाहुयस्स जाव
महाविदेहे वासे सिज्झिहिति बुज्झिहिति मुच्चिहिति परिनिव्वाहिति सव्व-
दुक्खाणमंतं करेहिति ॥ सू० ३२ ॥ वितियं अज्झयणां समत्तं ॥

॥ इति द्वितीयमध्ययनम् ॥ श्रु० २ अ०-२ आदितः १२ ॥

॥ अथ सुजाताख्यं तृतीयमध्ययनम् ॥

तच्चस्स उक्खेवो, वीरपुरं गगरं मणोरमं उज्जाणां, वीरकण्हमित्ते
राया, सिरी देवी, सुजाए कुमारे, बलसिरीपामोक्खा पंचसयकन्ना, सामीस-
मोसरणां पुव्वभवपुच्छा, उसुयारे नयरे उसभदत्ते गाहावई पुप्फदत्ते अणगारे
पडिलाभे माणुस्साउए निबद्धे, इह उप्पन्ने जाव महाविदेहे वासे सिज्झि-
हिति ॥ सू० ३३ ॥ सुहविवागे तइयं अज्झयणां समत्तं ॥ ३ ॥

॥ अथ सुवासवाख्यं चतुर्थमध्ययनम् ॥

चोत्थस्स उक्खेवो-विजयपुरं गगरं, गंदणवणां [मणोरमं] उज्जाणां,
असोगो जक्खो, वासवदत्ते राया, कण्हा देवी, सुवासवे कुमारे, महापामो-
क्खाणां पंचसया जाव पुव्वभवे कोसंबी गगरी, धणपाले राया, वेसमणभहे
अणगारे, पडिलाभिते इह जाव सिद्धे ॥ सू० ३४ ॥ चोत्थं अज्झयणां
समत्तं ॥ ४ ॥

॥ अथ जिनदासाख्यं पञ्चममध्ययनम् ॥

पंचमस्स उक्खेवओ-सोगंधिया गगरी नीलासोए उज्जाणे, सुकालो
जक्खो, अण्णडिहओ राया, सुकन्ना देवी, महचंदे कुमारे, तस्स अरहदत्ता

भारिया, जिणदासो पुत्तो, तित्थयरागमणां, जिणदासपुव्वभवो, मज्झमिया
णागरी, मेहरहो राया, सुधम्मे अण्णगारे, पडिलाभिए जाव सिद्धे,
॥ सू० ३५ ॥ पंचमं अज्झयणां समत्तं ॥ ५ ॥

॥ अथ धनपतिनामकं षष्ठमध्ययनम् ॥

इट्ठस्स उक्खेवओ—कण्णपुरं ण्णगरं सेयासोयं उज्जाणं, वीरभदो
जक्खो, पियचंदो राया, सुभहा देवी, वेसमणो कुमारे जुवराया, सिरीदेवीपामो-
क्खा पंचसया कन्ना पाणिग्गहणां, तित्थयरागमणां, धनवती जुवरायापुत्ते जाव
पुव्वभवो, मणिवया नगरी, मित्तो राया, संभूतिविजए अण्णगारे पडिलाभिते
जाव सिद्धे ॥ सू० ३६ ॥ इट्ठं अज्झयणां समत्तं ॥ ६ ॥

॥ अथ महाबलाख्यं सप्तममध्ययनम् ॥

सत्तमस्स उक्खेवो, महापुरं ण्णगरं रत्तासोगं उज्जाणं, रत्तपाओ
जक्खो, बले राया, सुभहा देवी, महब्बले कुमारे, रत्तवईपामोक्खा पंचसया
कन्ना पाणिग्गहणां, तित्थयरागमणां जाव पुव्वभवो, मणिपुरं ण्णगरं, ण्णगदत्ते
गाहावती, इंदपुरे अण्णगारे पडिलाभिते जाव सिद्धे ॥ सू० ३७ ॥ सत्तमं
अज्झयणां समत्तं ॥ ७ ॥

॥ अथ भद्रनन्दीनामकं अष्टममध्ययनम् ॥

अट्ठमस्स उक्खेवो—सुघोसं ण्णगरं देवरमणां उज्जाणं, वीरसेणो
जक्खो, अज्जुराणो राया, तत्तवती देवी, भद्रनंदी कुमारे, सिरोदेवीपामोक्खा
पंचसया जाव पुव्वभवे, महाघोसे ण्णगरे, धम्मघोसे गाहावती, धम्मसीहे
अण्णगारे पडिलाभिए जाव सिद्धे ॥ सू० ३८ ॥ अट्ठमं अज्झयणां
समत्तं ॥ ८ ॥

॥ अथ महाचन्द्राख्यं नवममध्ययनम् ॥

एवमस्म उक्खेवो—चंपा नगरी पुन्नभदो उज्जाणो, पुन्नभदो जवखो, दत्ते राया, रत्तवई देवी, महचंदे कुमारे जुवराया, सिरिकंतापामोक्खा णं पंचसया कन्ना जाव पुव्वभवो, तिगिञ्छी णगरी, जियसत्तू राया, धम्मवीरिये अण्णगारे पडिलाभिए जाव सिद्धे ॥ सू० ३६ ॥ नवमं अज्झयणं समत्तं ॥ ६ ॥

॥ अथ वरदत्ताख्यं दशममध्ययनम् ॥

जति णं दसमस्स उक्खेवो, एवं खलु जंबू ! तेणं कालेणं तेणं समएणं साएयं णामे णगरे होत्था उत्तरकुरू उज्जाणो, पासमिअो जवखो, मित्तनंदी राया, सिरिकंता देवी, वरदत्ते कुमारे वरसेणपामोक्खा णं पंच देवीसया, तित्थयरागमणं, सावगधम्मं पुव्वभवो पुञ्छा, मणुस्साउए निबद्धे, सतदुवारे नगरे, विमलवाहणो राया, धम्मरुचिनामं अण्णगरं एज्जमाणं पासति २ पडिलाभिते समाणो मणुस्साउते निबद्धे, इहं उप्पन्ने, सेसं जहा सुवाहुयस्स कुमारस्स चिंता जाव पव्वजा, कप्पंतरिअो जाव सव्वट्टसिद्धे ततो महाविदेहे जहा ददपइन्नो जाव सिज्झहिति बुज्झिहिति जाव सव्वदुक्खाणमंतं करेहिति ॥ एवं खलु जंबू ! समणेणं भगवया महावीरेणं जाव संपत्तेणं सुहविवागाणं दसमस्स अज्झयणास्स अयमट्टे पन्नत्ते, सेवं भंते ! सेवं भंते ! जाव विहरति । सुहविवागा ॥ सू० ४० ॥ दसमं अज्झयणं समत्तं ॥

॥ इति दशममध्ययनम् ॥ श्रु० २ अ० १० आदितः २० ॥

॥ इति द्वितीयः श्रुतस्कन्धः ॥

नमो सुयदेवयाए-विवागसुयस्स दो सुयक्खंधा दुहविवागो य
सुहविवागो य, तत्थ दुहविवागे दस अज्झयणा एकसरगा दससु चेव
दिवसेसु उदिसिज्जंति, एवं सुहविवागेवि, सेसं जहा आयास्स ॥
इति एकारसमं अंगं समत्तं ॥ ११ ॥ ग्रन्थाग्रं १२५० ॥

॥ इति श्री विपाकसूत्रम् ॥११॥

तपोमूर्ति-पूज्याचार्यदेव श्रीमद्विजयकर्पूरसूरी-
श्वर-पट्टधर-हालार-देशोद्धारक-कविरत्न-पूज्याचार्य-
देव—श्रीमद्विजयामृतसूरीश्वर—विनेय—पन्यास—
जिनेन्द्रविजय-गणिवरेण संशोधिते सम्पादिते च
श्रीमदागमसुधा-सिन्धौ चतुर्थो विभागः
श्रीमत्ज्ञातासूत्र-श्रीमदुपासकदशासूत्र-श्रीमदन्त-
कृद्दशासूत्र-श्रीमदनुत्तरोपपातिकदशासूत्र-श्रीमत्प्रश्न-
व्याकरणसूत्र-श्रीमद विपाकसूत्रात्मकः समाप्तोऽभूत् ।
शुभं भवतु श्री श्रमणसङ्घस्य ॥



